


Digitized by the Internet Archive
in 2017 with funding from
Getty Research Institute





JOANNIS SCHEFFERI

Argentoratensis

De

RE

VEHICULARI
VETERUM
LIBRI DUO.

Accedit

PYRRHI LIGORII. V. C.

DE VEHICVLIS
FRAGMENTUM

Nunquam ante publicatum

Ex Bibliotheca Sereniss. Reg.

CHRISTINÆ.

Cum ejusdem I. Schefferi Arg.

Annotationibus.




FRANCOFURTI

Ex Officina ZUNNERIANA.

Typis JOHANNIS ANDREÆ.

MDC LXXI.




BENIVOLO LECTORI

JOANNES SCHEFFERVS

S. D.

ANte omnia optamus, ut quod maxime laborem huncce nostrum Juventutis studiosæ utilem evadere. Quod si voti hujus compotes fuerimus, quicquid ex eo favoris gratiæve proveniet, id omne Nobilissimi Magnificentissimiq; Viri, Domini REINHOLDI BLUMII Jcti summi erga nos meritis in solidum transcribimus. Ipsi enim uni soliq; debebitur, quicquid ex hoc opere in usus cujusquam poterit venire. Qui se obtulit ultro, ad protrahendum id in lucem, conciliandumque nobis idoneum typographum, cujus obstetricante manu edatur. Et non displicebat argumentum, hætenus, quod sciam, integrum tractatum nemini. Nisi uni *Pyrrho Ligorio*, & ne ipsi quidem ex professo, quod à nobis primum publicatum, nostris hisce subjecimus, eo potissimum fine, ut ex comparatione liqueret, qualis noster iste esset labor. Scio fore, qui monstrata pedum via, elaboratius proponent olim singula, excitati hac cura, nec, si vitam Deus dederit nos quoque posthac penitus è manibus deponemus. Nobis ta-

men decus hoc manebit, spero, quod rem hactenus
sine causa neglectam ingeniorum doctiorum ma-
gisque perspicacium sedulitati ac industriæ com-
mendaverimus. Qui vel ob hoc ipsum premere
diutius promissum pridem hunc laborem nostrum
non debuimus, & quia videmus in incerto esse o-
mnia humana, corpusculique nostri imbecillitates
quotidie ingravescentes vitæ spem suppeditare
haud profecto longam. Vale, studiisq; nostris fave.



Ad

Virum Nobilissimum & Amplissimum

JOANNEM SCHEFFERUM

Jur. Nat. & Gent. in Ac. Upsaliensi Pro-
fessorem celeberrimum.

Post Commentarios de Re Navali, Rem Vehicula-
riam illustrantem.

Dum tibi curvata compingitur abiete na-vis,
Et reparat priscas pagina docta rates,
Adversæq; Tibi decertant prælia classes,
Nascitur è vasto gloria prima mari:
Dum Tibi nunc agilis campos rota corripit omnes,
Terra Tibi magnum sternit honoris iter.
Et jam qua properant currus, qua navita tendit,
Immensi pretium grande laboris habes.
Qua patet orbis, abis, tibiq; omnia subjecis uni,
Ingenioq; via est in via nulla tuo.
Post mare, post terras, æther tibi restat, ad illum,
Fam pennas fama sufficiente vola.

In

In

Ejusdem Commentarium de Re Vehiculari.

Scheffere, magnum, ô orbis Arctoi jubar,
Nutantium spes literarum, maximo
Evecte semper eruditis nomine,
Cujus per omnes volvitur partes genI
Vir alta, prompta, pasta pulcris ignibus,
Et inter ipsas nunc rotabitur rotas,
Currus curret inter, ac amplissimum
Decurret infrequente campum tramite.
Quis ardor iste spiritus agit tuos,
Terrag, figit editum cælo caput?
Te literatos colligentem pulveres,
Acto per omnes usq, curriculo vias,
Centum palmis te decorum vidimus:
Num iste te, Scheffere, nunc campus vocat
Novum te Erichthonium, novumplaustrarium.
Ito ergo, currus junge, rumpe carceres
Faventibusq, diis tibi vialibus,
Per plana, perq, confragosa & aspera
Nulli subactam primus occupa viam
Quam rarus hospes ambulat: nam publica
Samius Magister ingredi vetat via.
Nihil volanti ponet obices rote,
Nemo invehetur, omne de trivio tibi
Vulgus recedet, & minuti Satrapæ
Post terga ducti: qualis effedas solet
Regum satellites circumire plurimus.
Ipse iste tardo jambus adrepat pede.
Te nullus hac moratur error in via.
Præterveheris nil, nec extra semitam
Non audiens currus habenas abripit,
Celerem curulis ipsa supponit rotam.

For-

*Fortuna, quæ ludis suis Circensibus
 Magni orbis incolas hamaxobios agit.
 I, docte nunc Scheffere, qua ducit via,
 I nunc, fer auras, mitte lora gloria,
 Laurusq; presa, debitum tibi decus,
 Extrema quas jam meta præfigit tibi.
 Currus parabitur triumphalis tibi
 Et ipsa doctum Fama te aurigam vehet,
 Tuosq; currus Dædala factas manu
 Hominum per ora, perq; summa sidera.
 Et ipse summo despicit tuos polo
 Currus Bootes, dum tibi nunc frigido
 Cæli sub axe sudat axis hic tuus,
 Geminumq; spondet nomini plaustrum tuo,
 Quod per sereni candidam ætheris viam,
 Qua cœlitum est accessus ad palatia
 Te ducet. Ipsa te celerrima vehent
 Bigæ deorum, vel Iovis versatiles
 Scandes quadrigas: Si voles, Phæbæi eris
 Auriga currus Pegasejusq; eques.*

Daniel Georgius Morhofius D.
 & in Acad. Kilonien. Prof. P.



JOAN-



JOANNIS SCHEFFERI

Argentoratensis

De

RE VEHICULARI

LIBER PRIMUS.

Cap. I.

De Vehiculi vocabulo, & quid signi-
ficationis habeat.

Vehiculi vocabulum unde. Varronis de eo sententia examinatur. Veba. Vea. Via. Num à veba. Vēja. "Οχ@." Οχημα. Currus generaliter pro vehiculo. Curriculum, curriculus. Vehiculum pro navi. "Οχημαλα ἰππων, ἀρμάτων. Arcerius notatur. "Οχημαλα ζωνά. Vehicula juncta. Vectatio, vectio egrvi. "Οχημα τροφής. Vectaculum, vectabulum. Tertullianus explicatur. Iumentum pro vehiculo. Vehiculatorum usus ubi optimus.

Vehiculi vocabulum Varroni dubiæ originationis est, nam à *viendo* putat, & *vehendo* posse derivari. Nempe id sic dicitur, ut ait ipse, *quod è viminibus vietur, aut, quod eo vehitur.* Sed fortasse rectius priorem derivationem pertinere credimus ad genus certum & peculiare, cum non omnia vehicula sint è viminibus, ceu res docet ipsa, & sequentia uberius monstrabunt. Deinde quomodo à *viendo* esse

esse queat *vehiculum*, & non potius *vieculum*? Neque tamen à *vehendo* derivari commodè videtur, cum *vehiculum* sit prius, quam eo vehatur. Itaque & Varro ipse aliter post superiora: *Brevis veha, vehiculum dictum est.* Si *vehiculum* est brevis *veha*, sequitur sic à *veha* dici, non *vehendo*, seu quod eo vehatur. Porro *veha* est à *via*, quod illius usus sit in viis: dicebant enim veteres non *viam*, verum *veham*, sive *veam*. Varro iterum: *Rustici etiamnum quoque viam veham appellant, propter vecturas.* Putat, ut opinor, *veham* à *vehendo* dici, quod existat per vecturas. Verum nescio, annon ex adverso à *veha*, vehere sit nominatum. Sanè *veha* sive *vea*, quæ & *via* non ab iis solum, qui vehunt, verum ante, multoque magis etiam ab illis, qui incedunt pedibus, ut natura ipsa prior *via* sit aut *vea*, post *veha*, cujus usus est in veis viisve, ac denique *vehiculum*. *Via* verò sive *vea* est ab *ῥω*, præposito digamma Æolico, quod significat *περινομαί*, hoc est, *ambulo* seu *vado*. Neque mirum, à *vea* factum esse *via*, cum pro *ῥω* dixerint & *ῥω*. Quinimò hæc causa, cur conjunxerint antiqui, dixerintque *veiam*. Sic enim vocasse *viam* colligas ex *vea*, quæ *vehiculum* aut *currum* denotat. Festus Pauli: *Veja apud Oscos dicebatur plaustrum.* Quando *plaustrum* sic testatur dictum, idem indicat de *via*, cum commune rei utriusque nomen fuerit, ut supra vidimus. Sanè *via* hodieque meis Rusticis per Alsatiam est *Wei*, quod ipsissimum est *veia* veterum Oskorum. Græcis *vehæ* seu *vehicula* sunt ὄχη. Unde habes apud Sophoclem in *Electra* ἡλέκατον ὄχον, pro decimo vehiculo. Convenit Germanorum *Sech* & Svecorum *ook*, item *ooka*, quod Græcorum est ὄχῆν, sono prorsus simili. Quod sine dubio est ab ὄχῃ, non contra ὄχῃ ab ὄχῆν, ut Magistri voluerunt. Pro ὄχῃ tamen magis ὄχημα in usu. Glossæ veteres: *Vehiculum, ὄχημα*. Sed hoc aliquando *currum* Latini exponunt. Nempe *currus* quoque idem notione generaliore apud ipsos, quod *vehiculum*. Glossæ: ὄχημα, *vehiculum, currus*. Philoxenus: *Currus, ὄχημα*. Ita Cicero, quod habetur apud Platonem in *Timæo*: Ἐπιβάσας ὁς εἰς ὄχημα, reddidit in libro de *Universo*: *Quasi in currum universitatis imposuit.* A *curru* etiam derivarunt *curriculum*, sicut à *veha*, *vehiculum*. Varro lib. de

de Vita Pop. Rom. *Equis ad curriculum ex utraque parte deligatum distraxit.* Metii supplicium commemorat, qui ad currus fuit religatus, ut est notum. Curtius lib. VIII. cap. 14. *Per lubrica atque in via immissi currus concutiebant eos, à quibus regebantur. Aliorum turbati equi non in voragines modo lacunasque, sed etiam in amnem precipitavere curricula.* Hic curricula, quæ paulo ante currus. Videtur ita Tullius quoque usurpasse Or. de Har. Resp. ubi ait: *Tui sacerdotii sunt tensæ, curricula, præcentio, ludi, &c.* Saltem Apulejus fecit lib. VII. A sin. ab initio, quando ita loquitur: *Primum tenebris abjectis dies in albebat, & candidum Solis curriculum cuncta collustrabat.* Dicit collustrasse curriculum Solis, quia vehi curru Solem autumabant, uti alibi monstrabo. Festus maluit in masculino ponere, ut conveniret originario. *Curriculum*, ait, *diminutivum est à curru.* Atque ita legimus in Glossis: Ἀρμάτιον, curriculum. Nempe alias in neutro non vehiculum, sed ipse cursus est. Plautus in Trinummo, Act. III. scen. 4.

Curre in Pireæum, atque unum curriculum face.

Sed hæc agens aliud, & vehæ ac vehiculi occasione. De quo noto amplius, non ὄχημα solummodò à Græcis esse dictum, sed & ζεύγος. Hesychius. Ζεύγος, πᾶν τὸ ἐζευγμένον, καὶ ὄχημα. Inde ζεύγη μίσθια, quæ Latinis *meritoria vehicula*, Plutarcho, quod jam alii notarunt. Etiam ἄρμα quandoque sic generatim eis usurpatur. Hesychius iterum: Ἄρμα, ὄχημα, καρῶνα. Cæterum vehiculum non pro curru solum ponitur, sed re qualibet, quæ quis vehi potest. Navim sanè non poetæ modò ita nominarunt, sed & Tullius de Nat. Deor. II. *Atque ille apud Atium pastorem, qui navem nunquam ante vidisset, ut procul divinum & novum vehiculum Argonautarum è monte conspexit.* Similiter in Verrina V. navem Veris ædificatam à Mamertinis, *furtorum vehiculum* appellavit. Ita habemus apud Æschylum in Prometheo, θαλασσοπλοῦς λινοπέλας ὄχημα: & apud Oppianum in Hal. ὄχους ἀλός νῆα. Etiam equi aliquando vehicula veteribus. Colligit Turnebus lib. XXVII. Adv. cap. 26. istis verbis: *Ut ὄχημα apud Græcos non tantum carpentum aut currum significat, verum etiam jumentum, quo vectamur, ut apud Ari-*

Stophanem notant Grammatici; sic apud Latinos vehiculum. Quod nisi ita est, velim, aliquis mihi dicat, cur lege Oppia cautum erat, ne mulier juncto vehiculo uteretur. Junctum enim vehiculum hic pilentum est, quod junctis trahitur jumentis, quasi etiam sit quoddam vehiculum non junctum. Aristophanis quæ innuit, ex Suida sumpta videntur, cujus hæc sunt verba: Ὀχηματικὴ ἐπὶ ἀρμάδι μόνον. Ἀριστοφάνης. Οὐκ ἔνδυναίη ὅς τις εἰς ὄχημα κανθάρεν ἐπιβάς ἴσσωσά τες Ἕλληνας. Ait Suidas, vocem ὄχημα non de curru solum usurpari, sed & aliis; Aristophanem enim scarabæum quoque ita nuncupare, cui quis velut eqvo insideat. Sed tamen Aristophanes hoc joco fecit, ut apparet. Serio Ælianus in de Instr. Acieb. cap. 2. cujus meritò proinde verba hic adscribimus: τὸ ἐπὶ τῶν ὀχημάτων τὸ μὲν ἐφ' ἵππων, τὸ δ' ἐφ' ἐλεφάντων. Τὸ δ' ἐφ' ἵππων τὸ μὲν ἐφ' ἀρμάτων, τὸ δ' ἐπ' αὐτῶν ἰδρύλαι τῶν ἵππων. Verbis manifestis docet, esse aliqua ὀχήματα τῶν ἵππων. Arcerius sic reddidit: *Qui vehuntur, alii ab equis, alii ab elephantis feruntur. Qui ab equis feruntur, eorum quidam curribus insident, quidam ipsis equis.* Theodorus Gaza prius ita verterat: *Vectores, qui aliquo feruntur vehiculo, quorum duplex est genus, nam alii equis, alii elephantis feruntur, &c.* Non mutare debuit Arcerius, cum vehiculum significet & eqvum, sicut demonstravi. Et quoniam ὀχήματα de equis etiam, hinc ὀχήματα ἀρμάτων in Epigrammatibus, cum addito, quod alias necesse non fuisset: item ὀχήματα ζευγὰ apud Plutarchum in Quæst. Rom. planè sicut apud Latinos *juncta vehicula*. Sed & apud Hesychium reperitur: Ὀχησις, ἵππασια. Et Eustathius apud Homerum II. P. ὀχέειν interpretatur per ἵππάζειν. Quemadmodum & Latini usurparunt *vehi* de iis, qui feruntur equis. Vellejus II. Hist. cap. 114. *Solus semper equo vectus est.* Legimus & *vectationem* tali sensu apud Svetonium in Cajo, cap. 3. *Gracilitas quoque pedum paulatim repleta assidua equi vectatione.* Tullius pro eo usurpavit *vectionem*, lib. II. de Nat. Deor. *Efficimus etiam domitu nostro quadrupedum vectiones, quorum celeritas atque vis nobis ipsis affert vim & celeritatem.* Non sunt aliæ *vectiones* Tullii, quam Hesychii ὀχήσεις. Pari ratione elephantis quoque sunt ὀχήματα. Ita sanè suprà vidimus ex Æliano. Sed & Arrianus in Indicis: Βασιλικὸν δὲ ὄχημα οὐλέφας παρ' Ἰνδοῖς ἐστίν. *Regium apud Indos.*

Indos vehiculum est elephantus. Apulejus quoque posuit pro asino, gestante Deam Syriam illis verbis: *Dea vehiculo meo sublata est humi reposita.* Beroaldus eo loco: *Hic vehiculi nomine non plaustrum significatur, sed festiviter ipsum jumentum, cuius dorsum vehiculi vicem præstabat Dea.* Optime, nisi quod ex dictis liqueat, non tam festiviter, quam ex consuetudine Latinorum ita esse locutum. Sunt quoniam imò etiam vehicula, quibus quoquo modo vehitur vel movetur quidpiam. Ita enim apud Plutarchum, Symp. VI. Erasistratus τὸ ὕγρον, seu *humidum*, id est potum, vocat ὄχημα τῆς τροφῆς, *cibi vehiculum.* Et jam ante ipsum pridem fecerat Hippocrates, lib. de Alimento circa finem. Verba ejus: ὑγρὰς τῆς τροφῆς ὄχημα. Quod Foësius sic reddidit: *Humiditas alimento vehiculum præbet.* Aëtius privatim usurpavit de aqua. ὕδωρ τροφῆς ὄχημα, inquit Tetrab. I. serm. 3. c. 165. id est, *aqua, cibi est vehiculum.* Securi deinceps alii aliique, sic, ut hodieque inter usitatas Medicorum sit locutiones *vehiculum*, pro humido succove quolibet, quo durius spissiusve aliud diluitur & eliquatur. Denique quibusdam sanguis est *vehiculum spirituum*, quoniam eo continentur quasi, cumque ipso per corpus universum diffunduntur. Corpus totum ita nuncupavit Tertullianus peculiari libello de Anima his verbis: *Auriga corporis spiritus animalis, deficientis vectaculi nomine, non suo deficit, opere decedens, non vigore.* Hic *vectaculum deficiens* vocavit corpus ægrum exhaustumque, in quo diutius moveri spiritus animalis nequit. Est autem nihil aliud *vectaculum* Tertulliano, quam *vehiculum.* Sextus Cæcilius apud Gellium, lib. XX. cap. I. *In jus vocato pauperrimo homini vel inopi, qui aut pedibus forte agris esset, aut quo alio casu ingredi non quiret, plostrum esse dandum censuerunt, neque insterni tamen delicate arceram jusserunt, quoniam satis esset invalido hujusmodi vectaculum.* Habes ecce etiam hic *vectaculum* pro vehiculo. Ita enim legitur in editionibus vetustioribus. Et profectò, ut à *jento, jentaculum*, ab *obsto, obstaculum*, ita planè etiam à *vector* bona analogiæ ratione potest esse *vectaculum.* Quamquam in iisdem libris paulò ante apud Gellium occurrat *vectabulum* etiam. Verba hæc sunt: *lumentum non id solum significat, quod nunc dicitur, sed vectabu-*

lum est, quod adjunctis pecoribus traheretur. Atque ita ediderunt etiam in superioribus verbis Lugduni Batavorum Anno MDCLXVI. Neque aliter reperias apud Nonium in voce *jumentum*. Verba hæc sunt: *Nam & vectabulum dicunt, quod nunc vehiculum dicitur.* Atque potest fieri, ut formatum ita sit à *veho*, sicuti *rutabulum* à *ruo*, *pulsabulum* à *pulso*. Cum præsertim legas etiam in Onomastico veteri Argentoratensi, quod recudi fecit Bonaventura Vulcanius in Glossario: *Vectabulum, ἀσύν*. Alias Græcorum ὄχημα seu Latinorum currum olim non *vehiculum* modò, sed & *jumentum* esse nominatum discimus ex Gellii superiore loco. Et confirmant verba legis veteris duodecim tabularum, quæ ab eo laudantur, atque ita habent: *Si in jus vocat, si morbus evitasve vitium extitit, qui in jus vocabit, iurientum dato.* Hic *jumentum* est, quod Romani aliàs *iunctum* nominarunt *vehiculum*, Cæcilius vocavit *plaustrum*. Atque ista de vocabulo vehiculi. Res ipsa nil est aliud, quam instrumentum, quo quid molis majoris ponderisve de uno loco vehitur in alium. Unde Varro: *Vehiculum, in quo faba, aliudve quid vehitur.* Plato in Theæteto describit per partes. Ἀρσῶμεν ἀν ἐπεσθῆναι δὲ τις ὁ, τι ἐστὶν ἀμαξα, εἰ ἔχομεν ἰπτεῖν, τὰς τοὶ ἄζων, ὑπερήλια, ἀνδρες, ζυγός. Vertunt, *Satis nobis esset, si interrogati, quidnam esset currus, dicere possemus, rota, axis, superiores storeæ, summa rotarum curvatura, iugum.* Verùm longè aliud ὑπερήλια & ἀνδρες, ut suo loco demonstrabimus. Usus ejus proprius in terris, maximèque viis publicis, unde nomen etiam accepit. Commodior tamen ac facilior in planis regionibus æqualibusque, quàm asperis & montuosis, nam in his non procedit, nisi maximo cum labore. Tacitus XXXVI. Ann. de militaribus Britannorum vehiculis: *Densis tamen hostium agminibus & inæqualibus locis hærebant.* Etiam palustres & uliginosæ regiones parum utiles vehiculis. Itaque in iis rarius inveniuntur, vel si quando adhibentur, promoventur juvanturque arte quadam, de qua rectius dicemus in sequentibus.

Cap. II.

De vehiculorum primo auctore.

Vehiculum videtur ab Adamo inventum. Cur hoc tribuant Minervæ, aut Vulcano. Erichonium num, & quid invenerit. Scholiastis Pindari & Tertulliani lapsus. Vehicula Regum apud AEgyptios. A Iosepho qualia missa. Bocharti laus. Iudaorum mulieres vehuntur asinis, viri eunt. Pelops vel Neptunus num invenerint vehicula. Scholiastis Pindari error alius, & Aristidis. Num Prometheus. AEschylus exponitur. Plaustrum à quo sit inventum, & vehiculum unius rota. Hyginus emendatur. Aquo biga. Castoris inventum quale. Scholiastes Pindari exponitur. Hyginus emendatur denuò. Ζευγὶς aliquando usurpatur de amphipis. Trigas quis invenerit. Argolus notatur, & Gyphanus. Quis quadrigas. Quadriga quando primum data in ludis Panathenæis. Trochili inventa. Eusebius & Theon Alexandrinus explicantur. Ado, Eusebius, Tertullianus emendantur. OEnomai, Orsilocho, Semi inventa. Hyginus & Savaro notantur. Corippus emendatur. Locus Diphili examinatur. Scholiastes Pindari emendatur. Pænorum, Libyum, & Minervæ Coria inventa. Lambini, Gothofredi & Gyraldi emendatio rejecta. Ciceronis lectio vulgaris defensa, & cum Harpocrate conciliata. Salmasius notatus, ejusque emendatio. Papinii repudiata. Philostratus & Papinius expositi.

Vehiculi quis auctor primus fuerit, necdum proditum veteribus invenio. Rem esse vetustissimam dubitare usus ejus non permittit, qui cum sit amplissimus maximèque necessarius in re rustica cultuque agrorum, una cum ipso cœpisse consentaneum videtur. Ac fortassis ipse generis humani princeps, cum instrueret aratrum, etiam vehiculum excogitavit. Nihil quippe facilius est, quam ab aratro ad vehiculum procedere. Quod enim de Minerva tradidit Homerus in Hymno:

Πρώτη τέκλονας ἀνδρας ἐπεχθονίεες ἐδίδασκε
Ποῖσαι σάτινα καὶ ἄρματα ποικίλα χαλκῶ.

Prima fabros lignarios viros terrestres docuit facere scuta & currus vatrios are: id vel fabulosum est, nec intelligendum aliter, quam quatenus Minerva, quæ ingeniorum dea habetur, invenisse omnia censerī potest, cum quodcunque denique ab arte proditum extat, id excogitatum sit ab ingenio humano; vel ad currus non in universum omnes, sed qui spectant ad militiam & prælia, referri oportebit. Certè antecedunt ibi pluscula de bello, & in ipsis istis verbis scuta cum vehiculis junguntur. Postremò manifestè Aristides in Panathenæica de Minerva: Ἰσπων αἰμαλινῶν καὶ πολέμισιν ἵππων ἔφισεν ὄχηματα. *Equorum ad bella & certamina comparatorum prodidit vehicula.* Sed & quando vehiculum Vulcani munus appellat Ovidius, lib. II. Met. f. i. istis verbis:

ad altos

Deducit juvenem, Vulcania munera, currus.

Id vel propter ignem dictum, cuius sunt beneficio, quæcunque ex ferro, ære, aliisve metallis parantur, etiam in vehiculis; vel privatim de vehiculo Solis ex commentis Poëtarum est intelligendum. Neque verum, quod de Erichtonio tradit Scholiastes Pindari, ac ex eo retulerunt alii, tanquam ipse fuerit vehiculorum auctor: vel quod de Acrophyllo Argivo memorat Tertullianus. Vixit enim uterque Athenis, quæ urbs diu post extructa, quam vehicula in usu esse cœperunt. Saltem longè ante Erichtonium Acrophilumque vixit Moses, cuius ætate memorantur vehicula, etiam bellica; longè ante Mosē Josephus, à quo usurpata plaustra, & ad suos accendendos missa, quæ fortassis vetustissima vehicula, quorum mentio apud veteres occurrit. Nisi quod eodem tempore inveniantur quoque Regia vehicula, usurpata Pharaoni in Ægypto, ejusque indulgentia concessa etiam Josepho, de quibus Gen. cap. 41. Ita namque Moses de Pharaone: *Fecitque eum (Josephum) ascendere super currum suum secundum.* Græcus habet: ἐπὶ τὸ ἄρμα τὸ δέσπονον, quo planè singulare Regiumque vehiculum notatur. Et videntur Reges Ægyptii frequentius vehiculis fecisse iter, quam eqvis; sic-

ut & Persarum Reges, quod de his ad Ælium nostrum quondam annotavimus. Sed nec plaustra Josephi ex vulgari genere fuisse videntur, etiamsi verba veteris sic habeant: *Πράξιπε etiam, ut tollant plaustra de terra Ægypti ad subvectionem parvulorum suorum ac conjugum.* Castalio profecto honoratiori voce ita vertit: *Hoc ei mandat, ut illis Ægyptiorum vehiculorum copiam faciat, quibus parvuli & mulieres vehantur.* Græci reddiderunt ἀμαξας, quod sæpe quodvis genus notat. Jonathan in Paraphrasi sua סוּדָּיִם, *hassedanim* exposuit, unde provenisse veterum Gallorum esseda, quibus ob id forma fuerint non multum ab similia, incomparabilis doctrinæ vir, Samuel Bochartus, arbitratus est. Denique vehicula vulgaria & agrestia mandato Regis missa, & tanto missa terræ spacio, & ad vehendas mulieres missa, veritati parum convenire videtur. Quare si fuerint cultiora, quanto ante inculta & vulgaria in usu fuisse apud Ægyptios saltem arbitrabimur? Nam si apud gentes alias, & præcipue Judaicas nota minus fuere, mirum esse nequit, quoniam Judæorum vita fuit ferè pastoritia, ut Jacobus ipse coram Rege Pharaone proficitur. Et profecto equitare potius solebant. Moses de Rebecca, Gen. XXIV. *Rebecca & puella ipsius ascensis camelis secuta sunt virum.* Et cap. XXXI. de Jacobo: *Impositis liberis ac conjugibus suis super camelos, abiit.* Viri ambulant pedibus, mulieres & tenera ætate liberi vehuntur camelis. Vehiculorum cæterorum nulla mentio, ex causa, quam prædixi. Alia fuit ratio in Ægypto, ubi propter agriculturam frequentem plaustrorum usus semper fuit necessarius. Jam si nec Acrophilus, nec Erichonius vehiculorum esse possunt auctores, multò minus inventum eorum tribuendum erit Pelopi, quippe qui post illos vixit. Et tamen paulò ante dictus Pindari Scholiastes, ad Ol. i. ἰστὸν, ὅτι τὸ μὲν ἄρμα Πέλοπος πρῶτος ἔδειξεν, ἐκ Ποσειδῶνος λαβὼν. *Sciendum, quod vehiculum monstravit primus Pelops, à Neptune acceptum.* Quamquam per hæc ipsa verba inventio ipsorum non tam spectet ad Pelopem, quam ad Neptunum. Quod Scholiastes ipse vidit, ac propterea ποσειδῶνιον seu *Neptunium* dixit appellatum. Subdit enim mox: ποσειδῶνι, διότι ποσειδῶν πρῶτος Πέλοπι ἄρμα ἐνεχείρισεν. *Posidonios, id est, Neptunius di-*

Etus est ex eo, quod Neptunus ipsi primum tradidit vehiculum. Cæterum is ipse Scholiastes alibi Neptuno non tam tribuit inventionem vehiculi, quam juncturam eqvorum, uti post monstrabitur. Potuerunt autem diu ante inventa fuisse vehicula, quam ad ea jungerentur eqvi. Quamquam sic in universum de vehiculo affirmet quoque Aristides, Or. Isth. in Neptunum, ubi de eo: τῷ ἀνδρὶ πρῶτῳ διπλὸν ὄχημα ὑπέθνευ, ἄρμα μὲν ἐν γῇ, ναῦν δ' ἐν θαλάττῃ. *Homini duplex supeditavit vehiculum, currum quidem in terra, navim verò in mari.* Ac fortassis per Neptunum intelligere Noachum filiumve illius Japhethum debemus, quomodo non uno loco ipsum explicavit Vossius. Neque alius opinione mea est Prometheus, cui vehiculi inventum tribuit Poëta Æschylus. Facit enim sic loquentem:

-- Πρῶτ' ὃ ὑφ' ἄρμαλ' ἡγαγον φιλνίφες
Ἴωνες. -- -- -- --

Primus ad vehicula iunxi frenigeros equos. Hic Prometheus, id est, Noachus, primum sese ait junxisse ad vehiculum eqvos, post diluvium videlicet, nec absq; ratione, quia primus agrum coluit, quam ad rem vehiculorum plurimus atqve necessarius est usus. Sanè per Prometheum significari Noachum ostendit Vossius cum alibi, tum lib. I. Theol. Gent. c. 18. & planè convenit, quod hic diximus. Idem aliquando est Neptunus; aut saltem filius Noachi, Japhetus. Qui cum sorte obtinuisset maris Mediterranei insulas continentesque Europam, ad quas regiones occupandas plus, quam cæteri & eqvestri arte opus habuit & nautica, quid potest esse mirum, si vehiculum id duplex invenisse Aristidi dicatur? Quamquam hæc inventio ad tempora diluvium secuta, reparatumque altera vice genus humanum pertineant. Ante quæ jam olim vehicula fuisse in usu, ipsumque fortassis Adamum habuisse auctorem quare dubitare debeamus, ego causas quidem haud video idoneas. Græci tamen ejus generis, quod ἀμαξα, Latine *plaustrum* dicitur, Philomelum, Cereris Jasionisque filium, faciunt auctorem. Sic enim Hyginus ex Hermippo, qui scripsit de syderibus: *Philomelum & Plutum fratres negant inter se convenisse. Nam Plutum, qui ditior fuit, nihil fratri suo de bonis concessisse: Philomelum autem necessario addu-*
ctum,

Etum, quodcunque habuit, eo boves duos emisse, & ipsum primum plaustrum fabricatum esse. Itaque arando & colendo agros ex eo se aluisse: cujus matrem miratam inventum, ut arantem eum inter sidera constituisse, & Bootem nominasse. Sic Hyginus ex Hermippo, junctoque illi Petellide Gnosio, Historiarum scriptore, sicut dixi. Cæterum Jasion filius fuisse dicitur Coryti & Electræ. Electra una Plejadum putatur, quæ cum sororibus educarit Liberum. Qui cum ferè innuat Noachum, quid censerì debeat de Philomelo, liquet. Tibullus protectò ipsi Libero & Cereri hoc tribuit, lib. II. el. i.

Illi etiam tauros primi docuisse feruntur

Servitium, & plaustro supposuisse rotam.

Recentius inventum est vehiculum cum rota una, id enim excogitasse Triptoleum ferunt. Hyginus iterum lib. II. Astron. *Ceres cum sua beneficia largiretur hominibus, Triptoleum, cujus ipsa fuerit nutrix, in curru draconum collocatum (qui primus hominum unarota dicitur usus, ne cursum moraretur) iussit omnium nationum agros circumeuntem semina partiri. Ita totus ille locus emendandus est. Ostendit enim Hyginus auctorem unarotæ, ostendit etiam inventionis causam. Adhibitam nimirum unam rotam propter festinationem, ne si expectarent, donec altera quoque fieret, negotium tam salutare differretur nimis longo tempore. Vulgati parum aptè istud unarota dividunt, sicut alias monstrabo, & mox: Nec cursu moraretur, sine sensu. Porro si, ut vult Hyginus, Triptolemus demum genus hoc vehiculi excogitavit, patet, serius innotuisse. Vixit enim Triptolemus tertius post Cecropem, aut quartus, qui æqualis Moysi fuit. Bigas Phryges volunt invenisse. Plinius, lib. VII. cap. 56. *Bigas primum iunxit Phrygum natio. Plinio Polydorus addit Probum, verba ita habent: Bigas primum Phrygum natio iunxit, ut Probus & Plinius auctores sunt. Ubi Probus hoc tradiderit, quæro studiosè, nec invenio. Quicquid sit, non Phrygas, verum Castorem auctorem hujus rei facit Scholiastes Pindari, ad Od. V. Ita namque habet: Δοκεί συνωρίδα καὶ αὐτῶν πρῶτ' ὁ Κάστωρ. Videtur primus Castor iunxisse bigas. Item paulò post: Κέλνῃα καὶ χαλινὸν πρῶτ' ὁ Βελλεροφόντης καὶ ἑξέυξε, συνωρίδα Κάστωρ. Equum singularem frenumque primus**

Bellerophontes, bigas verò iunxit Castor. Sed hoc nemo alius de Castore. Id genus potius tributum ipsi videtur, quod ἀμφίπυγος alias seu eqvos desultorios vocarunt. Hyginus sanè fab. 80. *Romani servant institutum, cum desultorem mittunt, unus duos equos habet, pileum in capite, de equo in equum transilit, quod ille (Pollux) sua & fratris (Castoris) vice fungatur.* Sic legenda sunt hæc verba, in quibus vulgo deest de post capite, omissum absque dubio, propter similitudinem postremæ syllabæ in vocabulo præcedenti. Nec fortassis aliud Scholiastes vetus voluit, quando συνωρίςα opposuit κέλῃς, hoc est, eqviti singulari. Suidas: συνωρίς κυρίως ἵπποι δύο συνεζευγμένοι κέλῃς ὃ ἐπὶ ἐνὸς ἵππου ὀχούμεν & καὶ αὐτὸς ὁ μὲν ἵππος. *Synoris proprie equi duo iuncti.* Celes verò, qui uni equo infidet, ipseque equus singularis. Loquitur eodem planè modo, sicut Scholiastes, & synorida intelligit de nudis eqvis. Idem fit & ab Hesychio, quando non vehiculum modò binis iunctum eqvis, sed & eqvos iunctos ait denotare. συνωρίς, ait, ἄρμα ἐκ δύο ἵππων, ἢ συζυγία. *Synoris vehiculum duorum equorum, vel eorum coniunctio.* Quæ omnia efficiunt, ut hoc genus Scholiasten censëam intellexisse, auctoremque eqvorum desultoriorum seu ἀμφίπυγων fecisse Castorem, atque ita Plinii sententiam de bigis servem integram. Bigæ sanè diu cognitæ ante Castorem videntur, cum ad Trojam fuerint in tam frequenti usu. Heroës certè alio pugnasse genere vix leguntur. Itaque & Hector præmium speculatori promittit apud Homerum, Il. K.

-- Δίφρον τε, δύο τ' ἐριαύχενας ἵππους.

Currum & duos elata cervicis equos. Achilles quoque duos tantum ad vehiculum suum jungit eqvos, cum in prælium iturus esset: duos tantum affatur illo versu:

Ξάνθε τε καὶ Βάλει, τῆλε κλυτὰ τέκνα Πόδας γης.

Nec in certamine curuli ludicro plus, quam duo eqvi ad currus singulos apud Homerum Il. Φ. nisi credimus Menelaum tantum duos, reliquos habuisse plures, quod lex & ratio certaminis, quæ æqualitatem exigit etiam in numero eqvorum, non permittere videtur. De Menelao autem clarè Homerus:

-- Ὑπὸ ὃ ζυγὸν ἤγεγεν ὠκείας ἵππους
Αἴθνη πῶ Ἀγαμέμνονέν, τὸ ἐὼν τε Πόδας γον.

Sub

Sub iugum duxit veloces equos, Aethen Agamemnonium, suumque Podargum. Sed & quod ibidem tradit de Diomede, hoc confirmat. Nam quando scribit, junxisse equos, quos abstulit Aeneas, duos tantum junxisse ostendit, cum plures non abstulerit. Et clarissime Dictys Cretensis, lib. III. *Bigarum praemia Diomedes meruit.* Hector quoque tractus bigis legitur, non trigis, vel quadrigis. Virgilius, Aen. II.

*In somnis ecce ante oculos maestissimus Hector
Visus adesse mihi, largosque effundere fletus
Raptatus bigis, ut quondam.* -- --

Trigas sunt, qui Martem invenisse putant. Argolus praecipue in Notis ad Onuphrium, quia Hymni auctor de hoc deo:

Ενθά σε πῶλοι
Ταφρεύεις τροτάτης ὑπὲρ ἄλλου & αἰὲν ἔχουσιν.

Hoc est, ut exponit idem Argolus:

-- -- -- *Vbi quadrupedes te*

Per flammata triga iuga decurrentia portant.

Gyphanius paulo aliter: *Vbi equi te valde flammosi tertio super currum semper habent.* Sed haud dubie minus recte, cum quid illud tertio sibi velit, haud appareat, & si semper bene sese habet, tertio stare nequeat. Licet autem trigas hic intelligamus, tamen Martem invenisse hinc colligere non possumus. Martem potius accipimus pro bello, & in illis usurpatas quocumque denique auctore arbitramur. Nisi auscultamus Magistris Hebraeorum, qui à Pharaone dicunt primum institutas, cum persequeretur Israëlitas. Verba citant viri docti ex Jonathane: *Et mulam tertiam ad trahendum & insequendum cum celeritate addidit singulis curribus.* De quadrigis quoque dubia sunt non pauca. Multi Erichtonium habere auctorem arbitrantur. Plinius lib. VII. cap. 56. *Quadrigas iunxit primum Erichtonius.* Vetus Germanici Commentator: *Erichtonius primus currus homines equis iunctis docuit similes quadrigae solis facere.* Ante omnes hosce Virgilius III. Georg.

*Primus Erichtonius currus & quatuor ausus
Iungere equos.* -- -- --

Vixit Erichtonius Moſis circiter temporibus, aut paulò poſt, quòd colligitur ex eo, quia Danao æqualis fuit, cujus ætas incidit in Joſua initia. Porro ad hæc uſque tempora incognitas fuiſſe quadrigas, difficulter perſuadetur, cum habuerint vehicula diverſorum generum, etiam bellica & militaria, ſaltem Ægyptii, ut ex ſuperioribus apertum eſt. Quare magis probo, quòd habet Euſebius de hoc Erichtonio in Chronicis: *Erichtonius primus quadrigam iunxit in Græcia, erat quippe apud alias nationes.* Privatim in Græcia hoc feciſſe ait; quanquam etiam hoc reſtringat Pomponius Sabinus, & de ſola Attica accipiat. Qua in re conſentientem ſibi habet Varro, qui hoc amplius de ſolis intelligendum ludis Panathenaicis oſtendit, itemque Philargyrium, qui Varronis verba laudat. *Varro*, inquit loco antea citato Virgilii, *in libro, qui Admirabilium inſcribitur, Erichtonium ait primum equos quatuor junxiſſe ludis, qui Panathenæa appellantur.* Annotandum hoc eſt eo magis, quòd in opere peculiari de hoc feſto Meurſius omiſit. Sed exiſtimet nonnemo iſtæc non de curru aut vehiculo, ſed eqviſ ſolis accipi fortaliſſis oportere. Verum aliud ex Virgilio Grammaticoqve veteri, quem nominavi ante, conſtat. Neqve voluit diverſum Ælianus lib. III. cap. 35. quando prodit de Athenienſibus, quòd certamen corporum primi inſtituerint, nudaverint ſeſe unxerintqve, ac tum ſubdit: Καὶ ἦ πρῶτος ἐξουζε πρῶτον Ἐριχθόνιον. *Et equos primus junxit Erichtonius.* Id quòd pridem indicavimus in notis noſtris. Cæterum is ipſe Euſebius alio loco diverſum ſecutus auctorem, quadrigarum inventum tribuit Trochilo. Verba ſunt ad Numerum CCCCXLVII. *Trochilus primus fertur junxiſſe quadrigam.* Atque ita Theon Alexandrinus in Notis ad Aratum: λέγουσιν εἶναι εἰδωλὸν ἢ Βελλεροφόντε, ἢ Τροχίλου τῆς Καλλιθέας παιδός, τῆς πρῶτης ἐν Ἀργεὶ γενομένης ἱερείας, ἄρμα πρῶτον ζῶσαν. *Ajunt eſſe imaginem vel Bellerophontis, vel Trochili, Callithææ filii, quæ Argis prima fuit ſacerdos, ſicut ille primus iunxit vehiculum.* Quòd generatim hic de curru refert, ſpeciatiim pertinet ad quadrigas. Freculphus tom. I. Chron. lib. II. cap. 6. *Trochilus dicitur primus iunxiſſe quadrigam.* Ad eundem modum Ado ad Annum 1645. *Hæc etiam ætate primus Trochilus quadrigam iunxit.*

Veteres editiones habent *Procidus*, quod est pravum, licet etiam in Eusebii codicibus quibusdam *Proclitus* legatur, aut *Arogilus*, ut in Tertulliano de Spectaculis *Acrophilus*. Neque enim alius intelligendus est, cui inventum ibi tribuit vehiculorum, nec vehicula alia, quam quæ dixi. Vixit porro Trochilus post Erichthonium, quod colligitur ex eo, quia pater fuit Triptolemi, qui post Moſen, cui æqualis pænè fuit Erichthonius, vixit tribus minimum ætatibus. Unde liquet, quid de fabula hac statui oporteat. Erichthonium videlicet quadrigas invenisse Athenis & adhibuisse primum ad ludos sacros, Trochilum paulò post publicasse, atque usurpasse Argis. Ut hoc quidem sensu rectè Eratosthenes tradiderit de Erichthonio apud Hygin. lib. II. Astr. *Cum vidisset eum Iupiter primum inter homines equos quadrigis iunxisse, admiratus est ingenium hominis ad Solis inventa accessisse, quod princeps quadrigis inter deos est usus.* Saltem ante Erichthonium Solem invenisse quadrigas atque usurpasse ostendit. Quo respexit quoque Commentator vetus Germanici, quando in superioribus agebat, Erichthonium docuisse currus facere *similes quadrigæ Solis.* Adeò earum inventum sic simpliciter Trochilo assignari nequit. Quemadmodum nec Orsilocho, qui haud dubiè hic ipse Trochilus. Hyginus ante dicto loco: *Nonnulli, qui de syderibus scripserunt, hunc natione Argeum, Orsilocho nomine, primum quadrigarum inventorem esse dixerunt, & pro inventione syderum locum possedisse.* Et multo minus OEnomao, Pelopis æquali, atque ita juniori dictus, cui tamen tribuit Savaro ad Sidonium. Auctorem certè veterem pro hac sententia laudare potest nullum. Nam Sidonii quæ adfert loca, peritum aurigandi faciunt, non quadrigarum auctorem. Neque debuit Corippi locum sic supplere:

OEnomaum referam primas iunxisse quadrigas.

Quanto melius Scaliger, qui pro eo posuit *Orsilocho*. Sicut autem post Erichthonium Orsilocho vel Trochilus Argis, ita locis aliis alii usurpare primi potuerunt. Hinc fortassis est, quod ait Diphilus, poëta vetus Theſeidos, apud Scholiastem Pindari Olymp. od. X.

Θρέφας δὲ πάλυς, ὡς ὁ Μανλινεύς Σῆμα
 Ὁ, πρῶτ' ἀρμαλ' ἤλασεν Αλφειῷ.

Semum vocat quadrigarum auctorem. De quadrigis enim explicat hæc verba Scaliger ad num. Euseb. DXLIII. quoniam Hygenus scribit: *Elide, quæ urbs Peloponnesi est, certamen quadrigarum primum institutum.* Nempe fluvius est Elidis Alphæus, ubi currum junctum ait Diphilus, sicut Servius testatur. Quamquam possit esse dubium, an de fluvio loquatur, cum præsertim Mantineum ipsum Semum faciat, hoc est, Arcadem. Nec de Semo satis constat, quando quidam legunt Σῆμα, alii poro hunc ipsum accipiunt Neptunum, inter quos est Didymus, nobilis Grammaticus, auctore dicto Scholiaste. Unde subdit: *Παραλίθεται ὃ καὶ τὸν γράφοντα πλὴν Θησιῶνα, μαρτυροῦντα τῷ ἥρωι τῷ ἀρμαλ' ἡνιοχελικὴν ἀρετὴν. Ἐρώφας ὃ πάλυς ὡς ὁ Μανλινεύς Σῆμα.* Quibus verbis Diphilum adducit, tanquam eandem sententiam probantem versu antea citato. Hic enim est γράφων πλὴν Θησιῶνα, sicut ibi scribi debet. Quicquid verò sit, neque Semus Diphili neque cæteri, quos hactenus attulimus, simpliciter quadrigas invenisse intelliguntur, sed vel in Græcia solum, vel ibi etiam ad solos primum admovisse ludos. Potuerunt autem ante aliis in terris & ad usus alios notissimæ fuisse. Ac profectò Pœnis tribuit inventi ejus gloriam Eustathius. Verba ita habent ex interpretatione Latina (Græca enim videre non potuimus) in Notis ad Perieg. Dionys. *APœnis quadrigarum usum esse inventum memorie proditum est. Scribit enim Herodotus, Græcos à Pœnis didicisse quatuor equos iungere.* Quamquam, quod de Pœnis refert, sit Eustathii, non Herodoti, qui pro eo Libyos usurpat. Ita enim habet in Melpomene: *τέσσαρες ἵππους ζευγνύοναι τῷ ἔξ Λιβύων οἱ Ἕλληνες μεμαθήνασι.* Quatuor equos iungere à Libyis didicere Græci. Adhuc aliud quid prodit Tullius lib. III. de Nat. Deor. nam Minervam ait invenisse. Quarta, inquit, Minerva, Iovis nata & Coryphe, Oceani filia, quam Arcades Coriam nominant, & quadrigarum in ventricem fecerunt. Annotant Lambinus atque Gothofredus ex Protreptico Clementis *Coryphasiam* legendum. Sed Coryphasia est dicta à Messeniis, ut ait Clemens. Idem innuit Pausanias, quando in Messenicis: *Ἔστ*

Pili Minerva templam, cognomento Coryphasie. At Ciceronis Coria Minerva sic est dicta ab Arcadibus, cujus templum fuit prope Clitorium, Arcadiæ urbem. Ille ipse Pausanias in Arcadicis: *In montis vertice, procul ab urbe stadia ferme triginta, ades est cum signo Minerva Coria.* Nulla igitur in Tullio est opus emendatione, neque sequi debuerunt Victorium, quem primum ajunt locum hunc fecisse suspectum. Quamquam & Gyraldum ita videam legi voluisse. Etiam pro *Coryphe* vetustiores libri habent *Polyphe*, quod fortassis ipsum etiam non debuissent immutare. Harpocracion clarissime: Ἰππεία Ἀθηνᾶ, Ἰσαῖ & ἐν τῇ πρὸς Καλυδῶνα. Μνασαίας ἐν πρώτῃ Ευρώπης, πλὴν Ἰππείαν Ἀθηνᾶν Ποσειδῶν & εἰναί Φησι τετραδέρα & πολύφης τῆς Ωκεανῆς, ἄρμα δὲ πρώτῃν κατασκευάσαν, διὰ τὸτο Ἰππείαν κεκλήθη. *Hippea Minerva.* Sic Isæus in oratione ad Calydonem. *Mnaseas in primo libro Europa Hippiam Minervam Neptuni esse dicit filiam & Polyphes, Oceani filia, primam verò invenisse currum, eaque propter Hippiam esse dictam.* Pari modo Suidas: Ἰππεία Ἀθηνᾶ. Ταύτην Ποσειδῶν & εἰναί Φησι τετραδέρα καὶ Πολύφης τῆς Ωκεανῆς. Ἄρμα δὲ πρώτῃν κατασκευάσαν διὰ τὸτο Ἰππείαν κληθῆναι, quæ ipsa Harpocracionis verba sunt. Liqvet autem, eam ipsam Minervam, quæ invenit currum, vel, ut ait Tullius, quadrigas, esse filiam non Coryphes, ut est in vulgatis, apud Tullium, sed Polyphes, sicut olim habuere. Neque obstat, quod hic Pater ejus dicatur Neptunus, apud Ciceronem verò Jupiter, cum & Neptunus Jupiter sit aliquis in mari, & Reges sæpius, quatenus sunt Reges, appellentur Joves, quatenus sub imperio suo habent insulas & vicinum mare, vocentur Neptuni. Cæterum quod de Minerva ista prodit Cicero, id aliter intelligendum non videtur, quam ut supra etiam à nobis est relatum. Bene Phornutus: *Minerva est Iovis intellectus, handquaquam diversa existens, quæ Iovi inest prudentia.* Interea hoc liqvet, quadrigarum esse vetustissimum inventum, longèque ante excidium Trojanum usum earum innotuisse. Quo magis mirum potest videri, quod proditur Cl. Salmasio Exercitationum Plinianarum, p. m. 900. Heroibus Trojanis fuisse incognitas, ideòque locum Statii Papinii contra veterem consensum codicum sic esse emendandum:

Nam flavus Arion
*Vt vidit, saliere juba, atque erectus in armos
 Stat, sociumque jugi, comitemque utrique laboris
 Secum altè suspendit equum.*

Veteres & recētes omnes habent, comitesque, ac mox, equos. Neque potest aliter, aut debet, quoniam præcedit paulò ante:

*Atque illic ingens certaminis instar
 Quadrijugi.*

Quod non attendisse summum virum, ac propterea emendatricem abstinuisse manum utique mireris. Ecquod enim esse *quadrijugum* certamen potest, quod cum trigis instituitur? Neque mirum, formari quadrijugum certamen Statio, cum Homerus ipse quadrigarum mentionem faciat, easque saltem Hectori assignet. Ita enim Hector ipse suos in vehiculo compellans eqvos, Iliad. 6.

Ξάνθε τε, καὶ σὺ Πόδαργε, καὶ Αἴθων, Λάμπε τε δίε
 Νῦν μοι τὴν κομισθὴν ἀπολύετον.

Xanthe, & tu Podarge, & Aethon Lampeque nobilis, nunc mihi pabulum rependite. Apparet clarius meridiana luce, vectum esse Hectorem quadrigis, quoniam affatur equos quatuor, suis singulos nominibus in curru suo. Sed & certamen quadrijugum ad Trojam Dyctis memorat Cretensis lib. III. victoremque in eo extitisse ait Eumelum. Tum primum, inquit, quadrijugis equis Eumelus ante omnes victor declaratur. Unde liquet, quid censendum sit de Salmasii asserptione. Nam quod habet Philostratus lib. I. Iron. in Amphiaro: Τὸ τοῖν δυοῖν ἄρμα ἵπποιν (τὸ γὰρ ἐπὶ τετραῶν, ἔτι τοῖς ἡρώσι διὰ χεῖρὸς ἦν, εἰ μὴ ἄρα Ἐκτορι τὰ θρασυῖ) φέρει τὸν Ἀμφιάρεον. Id est: *Curru cum equis duobus (nam cum quatuor nondum heroibus in usu fuisse, praterquam alacri Hectori) fert Amphiarum,* juvare ipsum nequit, cum & hic quadrigas saltem Hectoris agnoscat illa tempestate notas. Sed nec valet, quod tres tantum equos nominet Papinius in Admeti eo curru; nam videtur tantum nominare omnes, sicut ipsa verba sunt Salmasii, revera non nominat, sed omittit unum. Planè sicut facit insequentibus vehiculis, ubi duos, aliquando unum modò appellat, cum tamen ipsa quoque fuerint quadrigæ. Verba clara sunt:

Rapidum

-- -- -- -- -- *Rapidum Danacius augur*
Ascheton increpitans, meritumque vocabula Cygnum
Audit & Herculeum Strymon Chromin. Eunoon audit
Ignes Aethion. Tardum Calydonalacessit
Hippodamus, variumque Thoas rogare Podarcem.

Præcipuos maximèqve nobiles cujusqve eqvos nominatim laudat, cæteros omittit, ut cuius manifestum est.

Cap. III.

De Materia Vehiculorum.

Vehicula sunt vel ex crassis stipitibus, vel ex viminibus. Varro emendatur. Ἀρματὰ πλεῖστά, ἐκ πλεόνων. Vel ex tabellis. Currus ferrei. Claudianus & auctor Iudicum in S. Bibliis explicantur. Interpres vetus Bibliorum examinatur. Currus aerei. Pindari Scholiastes & Lonicerus refutantur. Πίσσις. Hesychius corrigitur. Pindarus explicatur. Πεδίσον ὁδὸς ἀλκίων. Cassianus exponitur. Bigæ & quadrigæ inter ornamenta adium. Vehicula eburnea, & aurea. Demsterus & interpres Philostrati notati. Ammianus exponitur. Aureus currus Constantini. Martialis explicatur contra Pignorium. Aureus currus Solis. Horatius exponitur. Ἐκατόν pro multis. Arbores ad vehicula idonea, fraxinus, abies, smilax. Claudianus explicatur contra Barthium. Axis, rota, orbes, radii, juga quibus ex lignis fiant optima. Ferrum ad vehicula.

Materia vehiculorum eadem pæne fuit omnium apud veteres: pleraqve namqve fieri ex lignis consueverunt. Ligna porro vel ex caudicibus & fustibus crassioribus inter sese junctis, sicut videmus hodieqve in plaustris agrestibus, vel ex cratibus vimineis, vel ex tabulis integris fuere, quæ consuetudo hodieqve servatur. De plaustris profectò testari Silius videtur, quando ait libro XIII. vers. 441.

Lubrica roboreus aderant substramina plaustris.

Sunt enim plaustra roborea, velut de integris roboribus contexta.

Sed & Varro, quando plaustrum censet ita dictum, quod ex omni parte palam sint, quæ in eo vehuntur, abundè ostendit, hanc fuisse rationem lignorum in isto genere. Nam in altero genere, quod ex meris tabulis componitur, conspici, quæ vehuntur, nequeunt. De eo etiam, quod sit cratibus contextis, ex Varrone colligimus, quando vehiculum ait dictum, quod ex viminibus vieatur. Nec enim aliter ex viminibus intelligitur, quam ut dixi. Verum locus Varronis corruptus est. Scaliger sic edidit: *Vehiculum, in quo faba, aliudve quid vehitur, quo ex viminibus uteretur, & quod eo vehitur.* Nemo mihi dixerit, opinor, quo pertineant, vel quid velint verba, *quo ex viminibus uteretur.* Parisiensis vetus Anni MDXXXIX. ita habet: *Vehiculum, in quo faba aliudve quid vehitur, quod est ex viminibus, & quod eo vehitur, vehiculum dictum est.* Vix est dubium, collata lectione utraque, quin legendum sit: *Vehiculum, in quo faba aliudve quid vehitur, quod ex viminibus videretur, & quod eo vehitur.* Duplicem namque Varro prodere vult vehiculi denominationem, vel quod eo vehatur, vel quod vieatur viminibus. Unde liquet simul, fuisse saltem aliqua vehicula ex viminibus contexta, quæ ob hoc ipsum primò appellata vehicula Varro putabat. Ex eadem causa Hesiodus vehicula vocavit *πλεκτά*, ut opinor, in Scuto Herculis hoc versu: — — Κόνις

Κοπτομένη πλεκτοῖσιν ὑφ' ἄρμασι.

Reddunt vulgo: *Pulvis excitatus compactis à curribus.* Mallem ego: *Plexis à curribus*, hoc enim propriè Græcum verbum sonat. Non ita multò post *εὐπλεκτά* pro eo posuit in istis:

— — Εὐπλεκίων δ' ἐπὶ δίσκων


Ἡνίοχοι βεβῶτες ἐφίσταν οὐκ ἰσχυροί.

Quæ verba ita reddunt: *Bene junctis autem curribus auriga stantes immittebant veloces equos.* Simili modo faciunt apud Homerum Il. 4. ubi verbum hoc occurrit. Versus ita habet:

Δίσκους τ' ἀντρίψαν εὐπλεκίας. —

Vertunt: *Currusque everterent bene connexos.* Stephanus hoc verbum denotare ait: *currus eleganter è lignis contextos ac compactos.* Frustra: nam *εὐπλεκίας* non contexti quoquo modo, verumplexi è vimi-

viminibus. Eustathius ad hunc locum: ἵστέον δὲ καὶ ἐπὶ εὐπλεκτον διφρον φησιν, ἐπὶ εἶχε τι πλέγμα. ὡς δὲ δὴ λέγει ὅπως ὁ ποιητὴς ἐφειρήνεν νέας ὀρηκας· καὶ προῖον δὲ διφρον εὐπλεκτας ἐρεῖ, ὡς μὴ γομφωτὸν ὄντας καὶ κολλητὸν ὅς ἐστιν ἡγεμοσμένους ἐξ ὕλης βαρυτέρας, ἀλλὰ καὶ ἐκ τινων πλεγμάτων εὐθετισμένους δι' ἐλαφρότητα. Sciendum, quod vehiculum appellet εὐπλεκτον seu beneplexum, quia plexum aliquid habet, sicut apparet ibi, ubi Poëta loquitur de caprifisci virgis in eo. Quo respiciens vehicula vocat beneplexa, quod non clavis compacta essent, vel conglutinata ex graviore materia, sed ex cratibus plexis conferta levitatis gratia. Locus memorabilis, & qui clarissimæ docet, vehicula ipsa fuisse contexta è cratibus vimineis. Nam alii aliter existimant, ut ex sequentibus liquerebit. Tertium genus ex tabulis integris compositum intelligimus, & ipsum ex Varrone. Ait namque de arcera, quod ex tabulis vehiculum fuerit factum, ut arca. Tabulæ non aliæ, quam quales diximus, ut cuilibet ex ipsis loci ejus verbis potest apparere. Nam opponit inter sese plaustrum apertum undique, & hujusmodi vehiculum, quod proinde clausum esse debuit. Clausum porro tabulis intelligi aliter non potest. Atque habes planè illud in columna Trajani non uno loco expressum, unde ecce tibi hic delineatum.



Non multum est dissimile, quod ex tabula marmorea in descriptione ædium Barbarinarum exhibet Tetius, & alibi à nobis proponetur. Intellexit quoque hoc Eustathius in verbis antea productis, atque γομφωτὸν καὶ κολλητὸν ἐξ ὕλης βαρυτέρας appellavit. Et hæc quidem communissima materia vehiculorum. Legimus tamen apud

Claudianum *currum ferreum* in quarto Consulatu Hononii, vers. 16. ubi arma describuntur Martis. Ita enim habet:

*Nec te laurigeras pudeat Gradi ve secures
Pacata gestare manu, Latiaque micantem
Loricam mutare toga, dum ferreus heret
Currus, & Eridani ludunt per prata jugales.*

Verum currus ille à Poëtis fictus, Martique ad terrorem quendam tributus videtur. Ex ferro sanè integros usurpasse non opinor. Equidem auctor quoque vetus libri Judicum in S. Bibliis, cap. 4. de Siffara, ut vertit Castalio: *Is enim nongentos habens currus ferreos, Israëlitas viginti annorum tyrannide opprimebat.* Neque aliter Græci: *Ἐναντία ἀγμάτα σιδῆρ᾽ ἦν αὐτοῖς.* Quod retinuerunt quoque Syrus, Arabs, atque alii Interpretes. Chaldæus ita habet: *Nam nongenti currus ferri illi, quod perinde est. Similiter apud eundem Scriptorem primo capite de habitatoribus vallis circa Ascalonem: καὶ ἀγμάτα σιδῆρ᾽ αὐτοῖς.* Quod Castalio reddit: *Nam vallis quidem incolas, quod ferreis utebantur curribus, exturbare nequi verunt.* Conveniunt Chaldæus, Syrus, Arabs, cæterique. Verum ferreos illos currus ego non accipio, quod ex ferromero essent fabrefacti, sed quod armati instructique ferro. Quo respexisse Junius & Tremellius videntur, quando verbum Hebraicum maluerunt vertere per non *ferreos*, sed *ferratos*. Ita enim habent in posteriori quidem loco: *Sed perrexit expellere habitatores ipsius con vallis, eo quod currus ferrati essent illis.* In prioriverò: *Nongenti enim currus ferrati erant ei.* Interpres vetus loco utroque *currus falcatos* posuit, quod ignoro, an se bene habeat, licet altero retineat & Osiander, cum in altero pro eo *ferreos* substituatur. Certè falcatos currus fuisse tam antiquos mihi haud est verisimile, de quo tamen loco alio videbo. Invenio & currus æreos. Pindarus profectò intuitu eorum in Pyth. Od. IV.

Οὔτι πῆ ἔστ' Ἀπόλ-

λων, ἔδ' ἔ μ' ἀν' χαλκῶματ' ἔστι πόσις

Ἀρροδίτας.

Reddunt ista verba sic: *Neutiquam hic Apollo, neque verò maritus Veneris, qui a Greo curru vehitur.* Ita habet Stephani editio, Anno

MDLXVI. publicata. Sed pro *curru aureo*, *curru æreo* legendum, ita enim Græci volunt. Atque ad hunc modum edidit & Lonicerus. Neque satis aptum illud *Veneris maritus*, licet Lonicerus quoque servet. Sanè, quod agnoscit ipse etiam, sermo hic de Marte, subdit etenim in Scholiis: *Æreo curru*: *Χρυσίζματ* & *Martis epitheton*, quod *curribus* gaudeat, quibus in bellis utebantur veteres. Sic in Tigurina 1560. legas, cū ex ipso Pindaro *χαλκάρματ* & scribendū sit. Cæterum maritum Veneris nemo dixit Martem, sed Vulcanum. Neque *πόσις*, quod est apud Pindarum, tam maritum denotat, quam virum. Hesychius. *πόσις, τὸς ἀνδρας*. Item: *πόσι* &, *ἀνδρὸς*. *Πόσις, πάμα, ἀνὴρ, πότ* & *ἡ ὄνις, ἡ ὕδατ* &. Sic distingvenda verba ultima, quæ ita habent in editione mea: *Ἀνὴρ πότ* & *ἡ ὄνις*, quod est nihili. Vult enim Hesychius duplicem significationem vocis demonstrare, unam, quæ significat virum, alteram, quæ potum sive vini, sive aquæ. Cum primis verò *πόσις* ille, qui cum aliqua rem habuit. Quod bene observavit Eustathius ad Iliad. Ω. *Ἐλένη ἐκ ἀνδρα τὸν Πάριον ἔφη, ἀλλὰ πόσιν· ζητητέον, τί τις ἐστὶ διαφορά πόσι & καὶ ἀνδρὸς· καθὰ Σοφοκλῆς ἐν Τραχινίαις ἐμφαίνει, ὅτι ἡ Διάνειρα δέδοικε μὴ πατεῖν αὐτὴν ἔχον Ἡρακλῆς, τῇ μὲν αἰχμαλώτῳ Ἰόλῃ, εἰν ἀνὴρ αὐτῇ δὲ πόσις*. *Helena non ἀνδρα Paridem appellat, verum πόσιν. Videntum igitur, si quæ sit inter hos differentia. Liquet autem ex Trachiniis Sophoclis, ubi Deianira metuit, ne quando, qui habebat eam, Hercules captivæ quidem Ioles fiat ἀνὴρ, ipse verò πόσις*. Videlicet πόσις ita dictus est sententia magistrorum *πόσις, τὸν τῆς ὕδατ* & φύσιν, ἐπὶ ὃ ἀνὴρ μιν γινύμεν & τῇ γυναικί, αἷτι & γίνεται τῆς τῶν παίδων γενέσεως. Id est: Propter aquæ naturam, quando quidem vir mulieri se miscens causa evadit liberorum procreationis. Quicumque igitur mulieri se jungit, licet nullo matrimonio legitimo, is illius πόσις. Atque ita rectè Mars est πόσις Veneris, propter adulterium cum ipsa, de quo fusè Ovidius, ut de cæteris Poëtis taceam. Tribuitur autem Marti æreum à Pindaro vehiculum, non quod currus ærei in usu fuerint, sed quod alias ad arma plurimus olim æris usus, antequam inventum esset ferrum, ut Hesiodus est auctor. Neque aliter hic dictum æreum vehiculum, quam ante ferreum apud Claudianum. Quomodo intelligendum quoque censeo, quod describit Cassianus de Reg. Cœnob. Ægypt.

Ægypt. Τριβένοι τινες δύο μὲ πολλὰ κόμισαι ὡσεὶ κηλὺς εἶσαν, βέδλον ἔχοντες ὁλόχαλκον. Hic βέδλον ὁλόχαλκον existimo vocari, quod ære undiq; munitum ornatumq; fuit. Certè de vehiculo ornato loqui manifestum, quia subdit, καὶ χρυσοχαλίνες ἵππους, quod ad eqvos pretiosissimè ornatos referri, notissimum. Eqvidem & de Romulo Plutarchus: Ἐν τῷ τοῖς ἄλλοις λαφύροις καὶ χαλκῷ ἐκόμισε τέτρηππον ἐν Καμαρίας. Quod Xylander vertit: *Inter cateram prædam ex Camerio æneum attulit currum.* Sed hic currus fuit, ut opinor, non vehiculum ad usus vectationis fabricatum, verum ornamentum aliquod, ad effigiem veri vehiculi formatum ex ære. Neq; *currus*, verum τέτρηππον, id est, *quadriga*, quod vocabulum non tam currum denotat, quam junctos ei eqvos quatuor; qui profectò non intelliguntur ænei, nisi eo, quo prædixi, modo. Itaq; jungit Plutarchus, dedicassā quadrigas illas Romulum in templo Vulcani, credo, quod censeret arte singulari, fusoria præsertim factas, cujus præses quidam atqve conditor Vulcanus habebatur. Solebant certè quadrigas istiusmodi bigasqve, nec ex ære modò, sed & aliis materiis collocare in Deorum templis, decorare illis ædium fastigia columnis deniq; ac arcubus imponere, ut loco alio monstrabitur. Non magis istuc pertinent Homeri ἀρμάτα ποικίλα χαλκῷ, *currus ære variegati*, quia tantum propter ornamenta quædam ita dicebantur, quæ trademus in sequentibus. Atq; sic intelligenda & eburnea vehicula scriptorum, ut illa triumphantium, de quibus Ovidius, lib. III. de Ponto, el. 4.

Ille ducis facies in curru stantis eburno.

Et Tibullus, lib. I. el. 7.

Portabit niveis currus eburnus equis.

Nam revera hæc ex ebore non fuere. Habuerunt quidem integra etiam ex eo, sed fuerunt illa sive ludicra, ut quadrigæ Neronis, de quibus Svetonius in vita ejus, cap. 22. sive cultui ornatuiq; servientia, vel alias ostentandæ arti, ut quadrigæ Myrmecidis, de quibus Plinius, lib. VII. cap. 21. Aureos quoq; currus aliter vix intelligo. Eutropius profectò de Paulo Æmilio, lib. IV. *Triumphavit magnificentiissimè in curru aureo.* Quod Demsterus accipit de curru, solido ex auro, taliaq; inde tribuit triumphantibus. At in illo Pauli triumpho

pho alii vetustiores magisq; fidi non currum aureum, sed simpliciter currum memorant. Livius, lib. XLV. c. 40. *Ipsē postremo Paulus in currū magnā majestatem praeferens.* Plutarchus in ipsius vita: *Ἐπὶ αὐτῷ ἐπὶ τῆς αὐτῆς ἀρχῆς ἀποστομῆναι διαπορεῖται ἐπιτελεῖν.* *Inde ipse currum magnifice ornato urbem in vectus est.* Non dicit, *curru aureo*, non praetermissurus pro cætera diligentia sua, si talis fuisset, sed solummodo, *magnifice ornato*. Non itaq; is currus aliter fuit aureus, quam ut vulgo triumphantium esse consueverant. Neque aliter accipendum, quod habet Philostratus in vita Dionis: *Ῥαϊανὸς αὐτοκράτωρ ἀναβήμεν & αὐτὸν ἐπὶ τῆς Ρώμης εἰς τὴν χρυσοῦν ἀμαξάν, ἐφ' ἧς οἱ βασιλεῖς τὰς ἐν τῶν πολεμίων πομπὰς πομπέουσιν.* *Trajanus Imperator enim Romae secum imposito aureo carpento, in quo sedentes Augusti triumphare solent.* Ita locum istum vertit vir eruditissimus ad Ammianum. Verum nec carpentum erat id vehiculum, nec in eo sedebant, ut liquebit ex sequentibus. Itaq; hæc rectius Morellus, vel, quem secutus est, vetustior Interpres: *Trajanus Imperator Romae illum in currum aureum assumens, quo in vecti Imperatores de confectis bellis triumphant.* Sed hoc obiter. De aureo Trajani currū constat abunde cum ex ipsa ejus Imperatoris modestia, tum quod dicitur aperte, fuisse, qualem vulgo triumphantes habere solerent. At verò aureos non habuere, ut in loco alio monstrabitur. Tamen Ammianus quoque lib. XVI. de Constantino: *Insidebat aureo solus ipse carpento, fulgenti claritudine lapidum variorum, quo micante lux quædam misceri videbatur alterna.* Tribuit profecto hic Constantino aureum vehiculum, non quidem triumphale, quod haud satis cautè tradunt viri longè doctissimi, verum alias Imperatorium & ad pompam ac magnificentiam paratum. At tamen aureum fuisse totum non existimo, sed auratum. Qvalia & Heliogabali, Principis non magis, quam Constantinus, parci aut splendorem negligentis, de quibus Lampridius capite 29. *Habuit gemmata vehicula & aurata.* Neq; debet aliter intelligi vehiculum Quinti, de quo Martialis lib. V. quamquam totum aureum voluerit Pignorius de Servis:

Aurea quod fundi pretio carruca paratur.

Fuit enim Quintus ille, quisquis denique, privatus certè, qui non

potuit esse usus aureo vehiculo: neq; ulla illo tempore vehicula ex mero solidoq; auro habuere. Nam qvòd legimus de curru Castoris apud Pindarum Ode V. Pyth. ad id genus pertinet, qvale supra, cum de Martis curru loquebamur, memoravimus. Verba Pindari sunt istiusmodi, ad Arcefilaum loquens de divitiis:

Σὺ τοίνυν κλυτὰς
Διῶν αἶψαν βαθυμήδων
Ἄπο, σὺν εὐδοξίᾳ
Μελανίστῃ, ἐκαλεῖ χρυ-
σαρμάτε Κέστορ.

Lonicerus ita vertit: *Tu verò à summis celebris vitæ tue gradibus bono cum nomine divitias accedis, Castoris aureo curru invec̃ti gratia. Hic currus aureus tribuitur Castori libidine Poëtæ. Qvalem Apollonius assignavit etiam Dianæ, lib. III. Argon. v. 877.*

Χρυσείῃς Ἀηλῳῖς ἐφ' ἄρμασιν ἐσηῆα.

Aureo in curru stans Diana. Et Euripides in Phœnissis Soli:

ὦ πῶ ἐν ἄστροις ἔθανε τέμνον ὁδόν
καὶ χρυσοπολλήτοισιν ἐμβεβώς δίφοις
Ἥλιε, θααίσι πᾶσι πῖσι ἐλίσσων φλόγα.

O Sol, qui vix in astris cæli frangis, qui que sedens in curru aureo celerius equis flammam volvis. Qvemadmodum & Boëtius lib. II. de Consolat. Philos. Metro VIII.

-- Phæbus roseum diem

Curru provehit aureo.

Atq; hinc fortassis currus Solis *nitidus* Horatio in Carmine Seculari, de qvo alias videbimus. Manet ergo, qvòd initio dicebam, vehiculorum materiam ligna esse, saltem eorum, qvæ ad usus pertinent humanos, & vel itineribus faciendis, vel oneribus gestandis, negociisq; similibus aliis inserviunt. Cæterum ea ligna erant multiplicia. Qvo respectu Hesiodus lib. II. Oper. & Dier.

Νῆπι, ὃ δὲ τόγ' οἶδ', ἐκάλον δέ τε δ' ἔραθ' ἀμείξας.

Stultus, qui nescit, centum lignis opus esse ad vehiculum. Dicit centum lignis, pro plurimis. Sic enim Tzetzes exponit: Ἐκάλον, πολλά· ἐγὼ ἐκάλον εἰσι ταῦτα, Centum, multa, neque enim centum sunt. Et paulò post:

Ἀρρενα

Ἀφραγέτης τῦτον, ὡς ἐκείνους ὅτι πολλὰ τὰ τῆς αἰμάξης εἰσι ξύλα. *Stultum talem vocat, ut qui nesciat, quod vehiculi plurima sint ligna.* Idem Poëta nominatim ea memorat ferè singulis in partibus, docetq; non obvia, nec quovis tempore, sed certa selectaque capi ad ea consuevisse. Verba ita habent ante dicto loco:

Ἡμῶν δὴ λήγῃ μὲν ὁξέῃ ἡελίοιο
 Καύματος ἐδαλίμεν, &c.
 Τῆμος ἄρ' ὕλοιο μὲν μεμνημένος ὥριον ἔργον, &c.
 Ἄξονα δ' ἐταπόδην μάλα γδ' νύ τοι ἄρμενον ἔτα
 Τρισπίθαμον δ' ἄλιν τάμενιν δεκαδ' ὥρῃ αἰμάξῃ
 Πόλλ' ἐπὶ καμπύλα καῖα. -- -- --

Quum itaque jam desinit robur acuti Solis à calore humido, &c. tunc sanè ligna signare tempestivum esse opus memento, &c. Axem septempe-
 dalem, valde namque conveniens sic curru. Trium spitamarum curva-
 turam rota decempalmarum. Multa præterea curva ligna. Vides pri-
 mò aridam, deinde certæ longitudinis, tum curvam postulasse ma-
 teriam. Sed & certæ arbores huc pertinebant. Apud Plinium ante
 alias ad currus commendatur fraxinus. Verba sunt in lib. XVI.
 c. 43. Obedientissima quocunque in opere fraxinus. Gallica verò etiam
 ad currus flexibilis. Item abies, de qua sic ait lib. XVI. cap. 42. Ea-
 dem & curribus aptissima. Theophrastus laudat ilicem & similacem
 lib. III. Hist. Plant. cap. 16. Verba ejus hæc sunt ex interpretatione
 Gazæ: Vbi ilex non provenit, hac (similace) ad plaustra similiæque
 utuntur operi, ut Lacedæmonii & Elii. Idem ulmum ad hanc rem
 commendat, lib. V. cap. 8. Vtilis ulmus ad fores, præla & torcularia,
 quin & ad carpentarium opus. Sunt ex his ipsis arboribus aliæ ad
 alias vehiculorum partes magis aptæ, veterum opinione. Axes sa-
 nè rotarum laudat Plinius è fraxino, vel ilice, lib. XLIV. cap. 43. Se-
 catur in laminas prætenues & ilex, colore quoque non ingrata, sed ma-
 ximè fida iis, quæ terantur, ut rotarum axibus, ad quos lentore fraxinus
 utilis, sicut duritia ilex. Videtur respexisse huc & Claudianus, quan-
 do ait lib. I. in Rufinum, vers. 276.

Vivitur exiguo melius. Natura beatiss
 Omnibus esse dedit, si quis cognoverit uti.

*Hæc si nota forent, frueremur simplice cultu.
Classica non fremerent, non stridula fraxinus iret,
Non ventus quateret puppes, non machina muros.*

Barthius per fraxinum intelligit hastarum omne genus. Ego, cur de hastis hic loquatur Claudianus, vix intelligo, cum præsertim minus commodè hic dicantur ire. Itaq; de curribus aut vehiculis potius censeo interpretandum, quibus res ad luxum pertinentes adducuntur terra, sicut marinavibus. Et bene dixit *stridula fraxinus*, sicut Ovidius *stridula plaustra*, III. Trist. el. 12.

Stridula Sarrumates plaustra bubulcus agit.

Cæterum de ilice ad axes utili habet quoque Theophrastus lib. V. Hist. Plant. cap. 8. *Ilici*, ait, *hænos ad axes plaustrorum verticis simplicis*. Idem in hos usus laudat buxum, eodem capite. *Buxus utilis ad axem plaustris*. Fagum quoque celebrat ad axes, eam maximè, quam vocat falsicorticem, lib. III. c. 10. *Salsicorticis materies ad axes similiaque tantum commodæ est*. Hinc Virgilius lib. III. Georg.

Post valido nitens sub pondere faginus axis.

Apud Plinium laudatur & ulmus. Nam post verba superius de fraxino & ilice allata subdit: *Et utroque legitur ulmus*, ubi utroque legi est *ex utroque*, sive ob utrumque, lentorem nempe ac duritiem, de quo utroq; antecessit. Jam ad rotarum orbes Homerus commendat platanum II. Δ. circa finem. Ad radios Plinius cornum. Verba extant lib. XVI. cap. 40. *Ab his proxima est cornus, quanquam non potest videri materies propter exilitatem, sed lignum non alio pene, quam ad radios rotarum, utile*. Jugalaudantur è carpino. Vitruvius lib. II. cap. 9. *Carpinus non est fragilis, sed habet utilissimam tractabilitatem*. Itaque Græci, quod ex ea materia jugajumentis comparant; quod apud eos jugajuga vocantur, item & eam *ζυγία* appellant. Theophrastus isto fine acerem commendat, lib. V. cap. 8. *Acer & carpinus lectis jumentorumque jugis caditur*. Nempe carpinus est certa quædam aceris species, Plinio auctore lib. XVI. cap. 15. *Tertium genus aceris zygiam vocant, rubentem, fissili ligno, cortice livido & scabro*. Hoc alii generis proprii esse malunt, & Latine carpinum appellant. Virgilius ad hos usus vocat tiliam, Georg. I. vers. 173.

Caditur

Ceditur & tilia ante, jugo levis. — —

Sicut autem ista omnia communiter fuere lignea, sic hæc ipsa ligna ferro passim munita, ne sub pondere, vel in viis à lapidibus saxisve facile attererentur. Respexit huc Cato, & ex eo Stolo apud Varronem lib. I. de Re Rustica, cap. 22. *Stolo inquit, proposita magnitudine fundi, de eo genere Cato scribit; Oliu veti jugera CCXL. qui coleret, cum instruere ita oportere, ut faceret ex ære athena, urceos, nassiter nam, item alia. Sic è ligno & ferro, ut plostra majora tria, &c.* Ad plaustra & id genus non requirit lignum modò, sed & ferrum, eo fine, quo prædixi, ut constabit ex sequentibus. Addebatur aliquando & corium maximè, si è viminibus aut tabellis aliis tenuibus craticulatim essent composita vehicula contextaque. Docet Pollux, quando ait lib. I. cap. 10. Τὸ ὅτι περιένω τὴ τόνου περιφραγμα, ὁ σὺν τῇ εἰσῶδι διαλαμβάνεται, τὰ ῥήγν. Verrit Gualtherus: *Quodque super tonum circumseptum, quod & tarrium dictum, corio tegi solebat. Verùm ego mallet: Quod verò supra tonum in ambitum est septum, & corio induci consuevit, tarriion appellatur.* De tarrio in sequentibus agemus, & id ostendimus fuisse, quod parietes vehiculi constituebat. Id hic annotamus, corio muniri consuevisse, planè illo modo, qui & hodie in vehiculis plerisque usitatus est. Atque ista quidem de materia vehiculorum.

Cap. IV.

De Vehiculorum Partibus & Temone.

Temo pro vehiculo integro. Vnde dicatur. Vossius rejectus. ῥομός. Glossæ explicantur atque corriguntur. Plectrum. Phadri lectio defensa. Ἐνδρῦον. Versio Hesiodi notata. ἱσομοίς. Σταλάριον. Meursius notatus. Ἀκλῆρις. Στήριγμα quid fuerit. Hesychius expenditur. Στήμων. Σταθμῖον, furca quid. De Plutarchi loco conjectura. Τῆριξ. Lipsii emendatio repudiata. Διῆρις. Hesychius & Phavorinus explicantur, cum Plutarcho. Ἀνδρόρρυμον. Gualtherus notatur. Summus temo: Τεράριον &. Οὐλάριον &. Ἀμπρον.

Veniamus ad vehiculorum partes. Prima & præcipua est temo. Quod enim in navi gubernaculum, id ipse in vehiculo. Unde sæpe temo Poëtis, quod gubernaculum est aliis, sicut dixi-

mus in libris de Militia & Re Navali. Quin imò ex hac caussa ponere pro integro vehiculo siveverunt. Juvenal. Sat. IV. vers. 126.

Regem aliquem capies, aut de temone Britanno

Excidet Ar viragus. — — — —

Lubinus: *De temone eo dicit, nam Britanni in praliis curribus utebantur, ex quibus Regem victum deturbandum esse vaticinatur.* Est autem temo ita dictus à tenendo, si Varroni credimus. *Temo*, ait lib. VI. de L. L. *dictus à tenendo, is enim continet jugum.* Ita temo fuerit primum *tenimo*, dein contractè *temo*. Quomodo & in aliis syllaba illa media solet omitti, & e. g. ex *movimen*, fieri *momen*, ex *orimen*, *omen*. Magisqve istoc verisimile, quam quod volebat Vossius, sic dictum à *τεῖνω*, quia à *ἰγὸ ἀποτείνεσθαι*, id est, extenditur. Certè non extenditur à jugo, sed vehiculo, ut docet Pollux, verbis, quæ mox subdo. Contra jugum tenet verissimè, ut, præter Varronem, ipsa res testatur. Græcis est *ρῦμος*. Philoxenus: *Temo*, αὐχὴν πυδαλίς. *ρῦμος*. Glossæ veteres: *ρῦμος ἀμείζης*, *temo*, *plerum*, *armamentum*. Armamentum hic est instrumentum, quod significatione specialiori tribuitur temoni, credo, quod inter currus instrumenta esset primum ac præcipuum. At quid *plerum*? Silet Vulcanius, neque alii nos docent. Quare dicam, quod sum pridem suspicatus, legi *plectrum* oportere. Plectrum idem est, ac *flectrum* à plectendo flectendoque, de quo dixi ad Phædrum in editione secunda. Nam & ipse lib. V. c. 10.

Monstrabat vitulus, quo se pacto plecteret.

Quod sine caussa mutarunt. Itaq; & gubernaculis navigiorum tribui ostendimus in libris de Militia Navali. Jam cum non magis illa in navigiis, quam hi in curribus flectendi vertendiq; instrumenta sint, quin eodem venire potuerint vocabulo, vix dubitabitur. Hesiodus vocavit *ἐνδρουν* lib. II. Oper. & Dier. illo versu:

-- ὄρπηκα βοῶν ἐπὶ νῶτον ἱκκαί

ἔνδρουν ἐλκόντων μεσάβω. --


Vertunt: *Stimulo boum terga attigeris quernum temonem trahentium.* Sed de querno nihil est hoc loco, si Tzerzi credimus, cujus ista verba: *ἔνδρουν ἐστίν, ὃ καὶ ἰσοθεύς, καὶ ρῦμος καλεῖται.* Nudè simpliciterque ait, significare temonem. Et Hesychius medium exponit:

ἔνδρουν,

Ἐνδριον, καρδία δένδρε, καὶ τὸ μέσον. *Endrion, cor arboris, & medium.* Quo efficitur, ut temonem credam ita dictum, quod esset medius inter duos boves eqvosve, quasi diceret Latine lignum medium, aut interius lignum. Cæterum ex Tzetze liqvet, appellasse etiam ἰσοδοέα. Firmat idem Eustathius ad Iliad. Z. σημείωσαι ὡς ἐπὶ ἄρματι μὲν ῥυμός λέγεται, πῶς τὸ ῥύον τὸ ἐλκύν, ἔτω ἡ καὶ ἐπὶ ἀπλώης ἐπὶ ἡ ἀρότρε, ἰσοδοεύς πῶς Ἡσιόδῳ, βαρβαρίζομεν νῦν πῶς πολλοῖς, οἱ φάσιν αὐτὸν σαδάριον, ὡς οἶον ἰσοδάριον. Ostendit sanè etiam Eustathius ῥυμόν & ἰσοδοέα idem esse. Addit tamen, alterum de cæteris vehiculis magis, hoc verò de aratris usurpari. Etiam hoc observandum est, quod recentiores Græcos dicat appellasse barbare σαδάριον. Omiserunt enim indicare viri docti, qui de barbaris Græcorum vocabulis Lexica composuere. Dicunt quidem: σταδάριον sive σαύαρον, *seps, munimentum*: verum minus aptè, ut opinor. Nam Eustathius Odyss. E. Σταυροῖ, ὅρθα καὶ ἀπωξυμένα ξύλα, τὰ καὶ σαύαρα πῶς ταῖς μηλαῖς ἐν γενεῇ. *Stauri recta & levigata ligna, quæ & stavara dicuntur iis, qui minus bene loquuntur.* Non sepimentum aut munimentum integrum σαύαρὸν aut σαδάριον, sed singula illius ligna, singuli valli, qui etiam extra munitionem, ut erant stipites recti, σαδάρια nominabantur. Deniq; σαδάριον aut σαύαρὸν nil aliud, quam quod hodieq; *Stab* Germanis, Svecis staf est, rectèq; Eustathio dicuntur βαρβαρίζειν, sive loqui barbarè, qui voce illa utuntur. Qui proinde ita formatam, velut ἰσοδάριον tradere non debuit. Et quia temo lignum rectum, utiq; sic ipse quoq; σαδάριον. Describit sanè ad hunc modum Hesychius, ut deinceps apparebit. Achæus Poëta vetus, & qui vixit Miltiadis temporibus apud Græcos, appellavit ἀλήγρια. Pollux lib. X. cap. 34. Καλεῖ ἔτω (ἀλήγρια) καὶ τὸν ῥημόν τῷ ἄρματι, τὸ τῆς ἀμάξης ἀνέχον ξύλον, ὅταν ἀξυκίῃ ἢ, ὃ σήριγμα καλεῖ Λυσίας. Eodem quoque nomine (aëteria) currus temonem appellat, prominens scilicet illud lignum, cum iugatus non est, quod Lysias sterigma appellat. Dicit Pollux, Lyfiam vocare σήριγμα. Nempe alias τὸ σήριγμα est pars temonis, sicut statim indicabo. De cætero bene describit, lignum prominens à curru. Sic enim & alio loco: τὸ ἀποτεινόμενον δὲ τῷ δίφρῳ ξύλον, ῥυμός. *Lignum ab ipsa currus sella extensum, temo.* Helychius hoc modo habet: ῥυμός τῷ ἄρματι τὸ ἐκτεταμένον ξύλον πρὸς τὴν

πρὸς τὴν ζυγὴν μέσον διὰ τὸ ἄξον. ὅτι τινες σήμονα καὶ σταθμίον καλεῖσι. *Rhymos vehiculi extensum est lignum per equos usq; ad jugum medium ab axe, quod aliqui stemona & stathmion appellant.* Cum Hesychio facit Phavorinus, qui appellat τὸ μεταξὺ καὶ μῆκ. ξύλον τὴν ἀρμὰν, ἣν ἐν τῷ προσθημένῳ τῷ ζυγῷ ὁρᾷ ξύλον. *Lignum in vehiculi medio secundum longitudinem, prominens ve ad jugum lignum rectum.* Item: Τὸ μέσον τῶν ἰσσιων ξύλον, ὃ συνδέεται ὁ ζυγός. *Medium inter equos lignum, cui jugum alligatur.* Quando vocat ξύλον μέσον, sive lignum medium, firmat id, quod de endrio superius divinabamus. Juvat quoq; Scholiastes vetus Homeri, quando sic II. π. exponit: ὁ προσθημέν. τῷ ζυγῷ καὶ ὡς εἰς ὅζον λήγον. Τὸ μέσον ξύλον. Cæterum Hesychius dicebat, etiam σήμονα & σταθμίον aliquibus vocari, quod ignoro, utrum ad temonem integrum pertineat. Σταθμίον sanè alias σταθμός, id est statera, vel libra. Hoc verò ligno illi recto, de quo hactenus locuti sumus, parum convenit. Quare malletm ego capere de quadam ejus parte, sive ligno alio transverso, in temone firmari solito prope capsam, ad quod religantur funes, provenientes à jugo. Sanè lignum illud hodieq; Germanis meis *die Wag*, id est, *libra* dicitur. Et in flectendo vehiculo huc illucq; libræ instar movetur. Quare temo σταθμίον vocatus ab hac parte ipsius videtur. Eadem fortassis σήμων est, quia cum procurentibus funibus, quibus religantur equi, habet instar staminis, quod alias est σήμων. Sicut autem temo dictus σήμων sive σταθμίον, cum hoc potius pars ejus quadam esset, ita quoq; στήριγμα vocatus est, cum στήριγμα propriè partem ejus signet. Nam est στήριγμα in temone, quod Latini nominarunt *furcam*. Plutarchus in Coriolano: οἱ Ἕλληνες ὑποστάτην & στήριγμα, τὸ τῶν Ῥωμαίων φέρειαν ὀνομάζουσι. *Quod Græci hypostaten & sterigma, id Romani furcam appellant.* Idem planè furca & στήριγμα. Porro furca lignum bifidum, ut idem docet in Quæstionibus Romanis, ubi vocat διπλὴν ξύλον, ὃ ταῖς ἀμαξαῖς ὑφιστάσιν, *lignum duplex, quod curribus subjici solet*, subditq;: Τὸ δὲ ξύλον ἡμεῖς μὲν στήριγμα, Ῥωμαῖοι δὲ φέρειαν ὀνομάζουσι. *Lignum illud nos quidem steringem, Romani verò furcam appellant.* Quod Plutarchus ait de curribus, valde obscurum est, & nescio, an integrum. Quomodo enim lignum potest intelligi curru subjectum? An scribendum: ὁ τοῖς ἀξοσι ὑφιστάσιν?

id est, lignum, quod axibus (rotarum) subjiciunt. Certè furca illud bifidum est lignum, quod priorem axem tenet, atq; huc & illuc flectit in itinere simul cum temone. Solent enim hodieq; temoni utrinque adjungi ligna, quæ ab una parte coeunt, ab altera distant maximè, litteræ V figura, quandoq; temo ipse ab una parte furcæ specie dividitur. Illa sic divisa ligna, temonive divisum adsociata Latinorum furca, Græcorum στέριγμα, ut vocant alii, ut Plutarchus, στέριγξ. Ista specie.



Στέριγξας appellat etiam Hesychius, ubi sic describit: στέριγξες, ἐρείσματα · οἱ ὃ τὸ δίκρυον, ὅπερ ὑποδιδέασαι πρὸ τῆς ἀμάξης ζυγῶ. *Steringes sunt fulcra. Quidam sic appellant illud bifidum, quod subdi solet jugo vehiculi.* Dubitat hic Lipsius, an vox ζυγῶ se bene habeat, putatq; potius ρυμῶ legendum. Ego nihil muto, plane enim per τὸ δίκρυον intellexisse integrum temonem arbitror, qui subdi jugo, & ad id loro alligari consuevit, ut mox ostendemus. Vocat autem δίκρυον Hesychius temonem, quoniam in furcam desinebat, non quod furca ipsa subdita fuit jugo. Furca enim pertinebat ad axem, non ad jugum. Nam quod Plutarchus ait, furcam illam sustentasse temonem, aliud est. Verba ejus sunt ista, in Coriolano: Ἦν ὃ μεγάλη κόλασις οἰκέτε πλημμελήσαυτος, εἰ ξύλον ἀμάξης, ὃ τὸν ρυμόν ὑπερείδουσιν, ἀράμενος, θεξέλθοι πῶς πλὴν γειτνιάσιν ὁ γὰρ τὸ το παθὼν καὶ ὑφθεῖς πῶς τῶν συνοίκων καὶ γειτόνων, ἐκείνῳ πείσιν εἶχεν ἐκαλεῖτο δὲ Φερκίφερ. *Habebatur autem punitio ferui, qui peccaverat, acerba, si lignum plaustrum, quo sustentant temonem, circa viciniam portaret: ita enim punitum quum domestici & vicini vidissent, nullam habebant deinceps ei fidem, appellabantque eum furciferum.* Ex eo, quod furciferum appellatum ait, manifestum, non de ligno alio fermonem esse,

quam quod furca est Latinis. Hoc dicit sustentasse temonem, quia tenebat eum rectum inter eqvos, prolapsurum alias in terram, sicut hodieq; fieri in vehiculis videmus. Nempe in extremo furcæ, ubi ligna duò maximè distant, addi lignum aliud transversum solet, quod subiectum medio arbori, axem posteriorem priori adjungenti, tenet furcam, & cum ea temonem, ne possint procidere. Atque istoc quidem voluit Plutarchus illis verbis. At in prioribus non tam de furca propriè sic appellata, quam temone, cujus capiti jugum alligari consuevit, sermo erat. Nam furca propriè sic dicta tenebat regebatq; axem, eumq; huc ac illuc flectebat, sicut dixi. Eratque hic præcipuus furcæ usus in vehiculo. Sicut autem temonis pars extrema una dicebatur ὁπίρισμα Græcis, ita altera extrema ἀκρορρύμιον. Pollux lib. I. cap. 10. Τὸ ἀπολεινόμενον ἀπὸ τῆς δίφρου ξύλον, ῥυμός. Οὗ τὸ τέλ. ὁ ἀκρορρύμιον, ὃ περιθεν ἐν δ' ἐδέλει τῷ ζυγῷ. *Lignum ab ipsa currus sella extensum, temo, ejus ultima extremitas, acrotemo dicta supernè jugo alligatur.* Non est ἀκρορρύμιον pars alia, quam dicta, quod apparet, quia jugum sibi habet alligatum. Gualtherus voce hybrida acrotemonem reddidit. Sed rectius, ad expressionem dictionis Græcæ, *summum temonem* appellasset. Ita namq; Curtius vocavit lib. IV. cap. 9. Verba ista sunt: *Ex summo temone hasta præfixa ferro eminebant.* Summus temo plane illud ipsum, quod Gualthero acrotemo, Græcis ἀκρορρύμιον. Observandum autem, priscis temporibus tot fere temones fuisse singulis in vehiculis, quot habebant paria eqvorum bovmve. Unde de quadrigis Isidorus: *Quadrigarum currus duplici temone olim erat.* Et apud Xenophontem, lib. V. Πæδιæ, currus Abradatis est τετράρυμ. ὁ ἐξ ἑπτῶν ὀκτώ. Id est: *Temones habens quatuor, equos verò octo.* Quemadmodum paulò post eodem loco currus Cyri ὀκτάρυμ. ὁ, id est, *cum temonibus octo*, qui trahabatur ὀκτὼ ζεύγεσι βοῶν. Id est, *octo jugis sive paribus bovm.* Quamquam hi temones non spectarint omnes pariter ad vehiculum. Id enim habebat unicum tantummodo, firmatum ad axem; reliqui adjuncti erant, quilibet ad alterius caput, quod in sequentibus monstrabitur. Illud etiam notandum, quod pro hisce ligneis temonibus quandoque usurparint funem longum. Hesychius: Ἀμπρον, τὰ τεταμέναν σχομίον, ὃ ἐχρῶντο ἀκτῇ.

ἀντὶ ῥυμῆς. *Amprum, funis extentus, quo utuntur loco temonis.* Docet clare id, quod dixi, simul funem eum ἀμπρον esse nominatum. Eustathius: Ἀμπρον σχοινίον, ὃ ἐχρῶντο ἀντὶ ῥυμῆς μέσω τεταμένῳ τῶν ἐλκόντων ζευγῶν. *Amprum, funis, quo utuntur pro temone, collocato in medio inter trahentes jugales.* Scilicet, cum onera essent graviora, quam ut à duobus animalibus ad jugum temonemq; unum junctis possent moveri, à capite temonis addebatur funis longus, & ad eum tot jugales, quot videbantur sufficere, quod & hodie quandoq; solet fieri. Et hic funis, quem appellant ἀμπρον. Suidas: Ἀμπρον σχοινίον ὃ περ διὰ τῶν ζευγῶν διατείνεται & φορτία ἐφ' ἀμαξίς κομίζουσιν, ὥστε ὁμοτόνως ἀπὸ τῶν ζευγῶν ἐλκεῖν ἀμπερόν τι ὄν, τὸ διὰ περὶ τὸν ζευγὸν δεδεδυμένον. *Amprum, funis per jugaproten-tus, quo onera in plastro ducunt ita, ut aqualiter à jugalibus trahantur, cum sit quid continuum, jugumque tenens religatum.*

Cap. V.

De Axe.

Axis. Ἄξων quid. Notat interdum totum vehiculum. In plastro vol-
vebatur cum rotis. Ἀκροξόνα. Ἀκραξόνα. Pollux & Demetrius Triclinius
emendati. Χρόαξ. Σύριγγες. Εὐρά. Pollux explicatus. Παραξόν. Gualthe-
rus notatus. Clavus. Obex. Ἐπίσολον. Ἐμσολον. *Materia ejus ex ligno &
ferro. Semelexpera.* Ἀξέδο. Ἀμαξιδόνον. Ἐνύλα. Argolus reprehē-
ditur. Πλήμνη. Ἐμσολοδέτης. Gualtherus denuò notatur. Ἀμαξίποδες.
Arbusecula. Baldus notatur. Hesychius corrigitur. Καδαρά. *Axis se-
cundus.*

Veniāmus nunc ad axem. Ita verò nominabant stipitem lon-
gum, circa quem vertuntur rotæ. Festus: *Axis plures habet
significationes.* Nam & pars cæli septentrionalis, & stipes teres, circa
quem rota verbitur, axis appellatur. Græcis voce simili est ἄξων. Phi-
loxenus: *Axis, ἄξων.* Glossæ aliæ: Ἄξων, axis. Scholiastes vetus Ho-
meri scribit esse ὁ εἰς τὰς χεῖρας ἡμῶν ἐμσολόμενον ἐκασίῃ τροχῷ, id est, illud,
quod modiolis rotæ utriusque inseritur. Fuit ergo pars vehiculi ad-
modum necessaria propter rotas, quæ absq; illa inutiles plane atq;
nullæ. Hinc Poëtis fere posita pro integro vehiculo. Notum illud
Juvenalis Sat. III.

Nam si procubuit, qui saxa Ligustica portat
Axis, & eversum fudit super agmina montem.

Ita Silius lib. XVI.

— — — *Eversum propulit axem.*

Et aliquando ante:

— — — *Necdum ipse ascenderat axem.*

Manetque hoc loqvendi genus hodieque apud Germanos meos, quando, quæ vehiculis de uno loco in alium portantur, *auf der Ar* deferri dicunt, quod Latine foret *super axem*. Insertum autem sibi vel affixum habuit temonem ea parte, quæ divisus est in furcam. Indicavit Ovidius, quando lib. II. Met. facit non amotum ablatumve, sed revulsum, quod non potest dici, nisi de iis, quæ cohærent firmiter, & per vim sejungenda sunt. Verba ejus ita habent:

Illic fræna jacent, illic temone revulsus

Axis. — — — —

Jam quia cohærebat cum temone, ideò fuit stabilis, solæque circa cum volvebantur rotæ. Quamquam hoc non fuerit perpetuum in omnibus vehiculis, nam in plaustris adhærebat rotis, & cum ipsis simul volvebantur. Probus ad Virgil. I. Georg. ubi de plaustrorum tympanis: *Axis autem cum rota volvitur*. Sed de hoc & insequentibus. Extremas ejus partes Græci *ἀκροζώνια* vocarunt. Ita enim habet Pollux lib. I. τὰ τῆ ἀξὸς & τὰ ἐκείθεν τῆς τέλης, ἀκροζώνια. *Axis utraque extremitates acroxonia appellant*. *Ἀκροζώνια* nominavit etiam Demetrius Triclinius ad Sophoclis Electram. Verba ejus: *χρόας δὲ τὰ ἀκροζώνια*. Sic certè legitur in Parisiensi à Turnebo Anno 1553. publicata. Postulare tamen ratio analogiæ videtur, ut legamus *ἀκραζώνια*. Et reperisse ita sese apud Scholiasten Apollonii Stephanus testatur. Neque defunt, qui eadem ratione verba Demetrii adducunt. Liqvet autem simul ex Demetrio, extremitates illas axis etiam vocasse *χρόας*. Firmantque Scholia Sophoclis vulgaria non longè à prædicto loco, ubi sic exponunt *χρόαν*: *χρόα, τὸ λεπτόν μέρος & τῆ ἀξὸς & τὸ τριεῖς μόνον ἐκ τῆς χροῖνιδος*. *Chnoa est axis pars gracilior, quæ à modiolò teritur*. Optimè, constatque hinc, quænam sint illa τέλη Pollucis, non videlicet summa capita axis, verum quicquid ultra vehiculum prominet, rotæque modiolò immittitur. Paulò ante explicant per *εὐρύγχα*. Verba hæc sunt: *χρόας δὲ, τὰς τῆ ἀξὸς & εὐρύγχα*. *Σύριγγες δὲ εἰς*,
το

τὸ εἰς πλὴν τῆ τροχῆ ἑμβαλλόμενον μέρος τῆ ἄξονος *Chnoas vocat axis syringas. Syrinx verò est capars axis, quæ foramini rotæ inferitur.* Atq; ita & Hesychius: χνόα αἰ χοινίκεται, αἰ τῆ ἄξονος σύριγγος. Duo ait significare, & modiolum, & syringa axis. Verum de modio deinceps. Syrinx autem, sive axis hæc extremitas, muniri ferro solebat, ne à rota faciliè attereretur. Illud ferrum Græci appellabant *εὐράν*. Pollux: Τὰ τῆ ἄξονος ἐγκείμενα σιδήρεα, καὶ τρεβόμενα ὑπὸ τῆ τροχῆ, *εὐράν*. *Feramenta axi imposita, quæ teruntur à rota, nominantur eura.* Ita verto ista, minus evidenter aliis exposita. Solet hodieq; id in usu esse, figura paulò latiore, ac in summo capite foramen habere, per quod infigitur clavus, continendæ rotæ, ne in cursu excidat. Clavus iste Græcis *παράξονος*. Idem Pollux: Τὸ δὲ καλύον ἐκπίπτειν τὸν τροχὸν ἐμπιπνύμενον τῆ ἄξονος, *παράξονος*. Vertit Gualtherus: *Sed clavus, rotam axi infixam cohibens, paraxonius.* At Græca nihil continent de clavo. Itaq; sic verti debent: *Illud verò, quod non sinit excidere rotam, infixum axi, paraxonius.* Non rotam axi infixam dixit, ut accepit Gualtherus, verum id, quod rotam continet. Id axi circa extremum infigi solebat. Fuit tamen revera nihil aliud, quam clavus. Atq; ita clarè nominavit Hyginus fab. LXXXIV. *Myrtilus currum junxit, & clavos in rotas non coniecit.* Quando ait, *clavos in rotas non coniecit*, vult non immisisse axi, atq; sic clausisse rotas, quod Græcis est *παράξονος ἐκ ἐμπιπνέειν τῆ ἄξονος*. Sidonio est *obex* in Panegyrico Antemii, ubi de OEnomao:

— — *Nata quem fraude cadentem
Cerea destituit resolutis axibus, obex.*


Pro *παράξονος* Gorgias usurpavit *ἐπιβολον*, Eratosthenes *ἐμβολον*, quod Pollux similiter annotavit. In Glossis Græcis video non *ἐμβολος* in primo casu, sicut legitur apud Pollucem, verum *ἐμβολον* haberi, modò integra sit scriptura. Verba ista sunt: *Ἐμβολον τὸ εἰς τὸν ἄξονα ἑμβαλλόμενον ξύλον.* *Axedo.* Non potest mea sententia *ἑμβαλλόμενον* εἰς τὸν ἄξονα, id est, quod axi inferitur, intelligi aliud quidpiam, quam clavus. Quem ostendunt fieri ex ligno consuevisse, quando vocant *ξύλον*. Quamquam non existimem, perpetuum hoc fuisse. Verò similis enim, habuisse ferreum. Cereum fecit Hippodama in curru

Myrtili. Schol. Apollon. l. v. 752. Ἐμβαλλόντα κήσιν ἐμβολὸν ὅπ' τῷ ἀκράζοντι,
 &c. Sed hoc dolo ab ea factum, ut ab OEnomao in certamine cur-
 ruli vinceretur. Vulgo sine dubio ex ferro fuit, sive ligno, ut nos
 Glossæ docent. In quibus simul Latinum *axedinis* vocabulum, quo
 ἐμβολὸν exponunt, annotandum est. Neq; enim alibi opinor reperi-
 ri. Atq; potest fieri, ut formatum sit ab ἀμαξήδονι, Græca voce, nam
 & illa obicem significat, qualem hic exponimus. Eustath. Iliad. E.
 ἐνὶ ἡλάῃα, πασσαλίσκοι, καλύοντες ἐξέειναι τὸν τροχόν, τὰ καλέμεν Ἀφασιν ἀμαξήδονια.
Enelata, paxilli, qui prohibent excidere rotam, eadem vocari ajunt ha-
maxedonia. Sunt plane hamaxedonia paxilli dicti, unde forsitan
 axedines, Latinis. Idem etiam ἐνὶ ἡλάῃα, ut constat ex Eustathii his
 verbis. Atq; ita usurpavit etiam Euripides, cujus propterea Scho-
 liaſtes ἐνὶ ἡλάῃα exposuit πασσαλίσκους, ἢ τὰ ἐμβαλλόμενα πρὸς τὸ ἄξονι, ὥς ἐμὸ
 ἐξέειναι τὸν τροχόν, iisdem propemodum, quibus Eustathius, verbis.
 Quod autem cenſet Argolus in Notis ad Onuphrii de Ludis Cir-
 cencilibus lib. I. p. m. 4. dictos quoq; clavos hosce σύριγας, id plane fal-
 sum est. Verba ejus hæc sunt: *Obex paxillus est, qui in foramen axis*
inmittitur, σύριγξ Græcis. Schol. Sophoclis in Electra: σύριγξ δ' ἐστὶ τὸ
 εἰς πῶ ὅπ' ἔν τῷ τροχῷ βαλλόμενον μέρ' ὅ, id est, πᾶσι τὰ ὅ τῷ ἄξονι ὅ πᾶσι μὴ
 πλήμην significatur apud Schol. Apoll. lib. I. Præ hæc excusa sunt, puto
 enim pro ἄξονι ὅ, quod est nihili, scripsisse ἄξον ὅ. Cæterum obicem
 Scholia quæ laudat, nunquam σύριγξ exponunt. Dicunt esse τὸ εἰς πῶ
 ὅπ' ἔν τῷ τροχῷ βαλλόμενον, quod inseritur foramini rotæ. At clavus seu pa-
 xillus, qui Latinis *obex*, non rotæ foramini inseritur, sed axis. Τὸ εἰς
 τὸν ἄξονα ἐμβαλλόμενον dicebant supra Glossæ. Sed nec, quod de voce
 πλήμην addit, hilum valet, longèq; diversum tradit Scholiaſtes Apo-
 lonii lib. I. v. 757. πλήμην αἰτ' πῶ χοινικίδα σημαίνει τὸ τροχῷ. Dicit partem
 esse rotæ, quæ Græcis χοινικὶς vocatur. Obex autem rotæ pars non
 potest appellari. Quare hic, ut multis locis aliis, Argolus est lapsus.
 Pertinet ad clavum hunc, quod ἐμβολοδότης Græcis. Ita namq; habet
 Pollux sæpe dicto loco: ὅ ὃ τῷ παραξονίσι δισμός, ἐμβολοδότης. Vertit
 Gualtherus: *Sed paraxonii vinculum, axiligator.* Quæ verba quid
 significant, non video. Ac primum quidem evidentius haud dubiè
 pro Græco *paraxonii*, scripsisset *clavi obicis* &c. Deinde quid est *axi-*
ligator?

ligator? Non enim ἑμβολοδέτης; cum ipse prius ostenderit Pollux, ἑμβολον significare idem ac παραζώνιον, id est, *clavum*. Debuisset igitur ad hanc formam potius *claviligatorem* reddidisse. Deniq; nec *vinculum* hic satis intelligitur. Ego plane censeo, ἑμβολοδέτην esse pinnulam, seu aciculam, quæ trajicitur per clavum sive obicem, ne possit excuti per jactationem axis. Solet enim & in clavi extremo exiguum foramen fieri, & per illud transmitti ferramentum longius bifidumque, ac ab altera parte reflecti, quo firmitus obhareat, prædicto fine. Atq; ob hanc causam nominatus est ἑμβολοδέτης, quia ligat, vincit, continet obicem seu clavum. Cæterum ad axem ipsum spectat, quod est ἀμαξίπδες Græcis. Pollux, lib. I. c. 14. καθαγαίαις ἐφαρμόζονται οἱ ἀμαξίπδες, ἀφ' ὧν ὁ ἄξων ἐκκείλει σφρομένον. Gvaltherus: *Catharais axis cardines adaptantur, à quibus axis conversus trahitur*. Vertit axis cardines, quod Pollux dixit ἀμαξίπδες. At Vitruvius Latine sunt *arbusculæ*. Verba extant lib. X. cap. 20. *Supponanturque in singulis intervallis eorum arbusculæ, quæ Græcè ἀμαξόποδες* (ita vocat ipse, non ἀμαξίπδες, ut Pollux) *dicuntur*. Et capite sequenti: *He in arbusculis, sive amaxopodes dicantur, habuerant versationes*. Debuisset igitur Pollucis locum ita reddidisse: *Catharais adaptantur arbusculæ, &c.* Quales autem hæ arbusculæ? Prodit Vitruvius verbis, quæ sequuntur priore loco allata: *Græcè ἀμαξόποδες dicuntur, in quibus versantur rotarum axes, conclusi laminis ferreis*. Liqvet, fuisse machinulas, eo pertinentes, ut in iis verti possent axes. In iis signanter dico, ita enim idem cap. seq. *He IN ARBUSCVLIS habuerunt versationes*. Atq; ita voluisse etiam Hesychius videtur: ἀμαξίποδες (sic vocat ipse, non ἀμαξόποδες, aut ἀμαξήποδες, convenientemque sibi habet Athenæum, cujus verba post citabo) τῆς ὑπερπλερίας τὰ εἶδη, τὰ τοῖς ἄξωνι προστιθέμενα σφρομένοις περὶ αὐτὰ. Dicit, axibus apponi, hosq; verti circa illas. Περὶ αὐτὰ pro eo habet, quod Vitruvius posuit, *in arbusculis*. Sed quæ hic τὰ εἶδη? Species responderet Baldus in Lexico Vitruviano. Verba ejus, ubi de voce ἀμαξίποδες: Græca vox denotat ἀμάξος πόδα, id est, *currus pedem*. Obscurè Hesychius, speciem esse hyperteriam, appositam axibus, qui circa ipsam vertuntur. At si Hesychius speciem hyperteriam voluisset dicere, scribere τῆς ὑπερπλερίας εἶδος debuisset, non

τὰ εἶδη, neq; speciem se intelligere ostendit, & ὑπερλείας unius in vehiculo τὰ εἶδη fuisse plura. Quid igitur dicemus? An τὰ εἶδη denotare partes, qvalescunq; denique? Qvomodo Plato in Polit. ll. usurpavit δύο εἶδη, pro duabus animi partibus, una, qvæ voluptate alitur, altera, in qvā irarum ardor, sicut Tullius exposuit: An potius, corruptā illam esse vocem mutilamve. Videtur enim ea Hesychius exprimere vel describere partes illas voluisse. Adde, qvōd significatione altera τὰ εἶδη rarius dicantur, ac propterea non videantur expositionis loco potuisse usurpari. Et qvīd? Si legamus τὰ εἶλη, atq; exponamus *vertibula*, ab εἶλω vel εἰλέω, qvōd idem est, ac στέρω, id est, *verto*. Erant enim plane versationibus axis destinata. Vitruvius: *Eæ arbusculæ ita sint temperatæ, ut habeant cardines & foramina, quo vectes trajecti versationes earum expediant, uti ante, & post, & ad dextrum seu sinistrum latus, si ve obliquè ad angulos opus fuerit, ad id per arbusculas versati, progredi possint*. Observa, qvōd Vitruvius arbusculas ipsas hic faciat versatiles, iisq; conversis verti machinam ostendat, qvæ verti alias non possit, nisi per has arbusculas. Qvōmodo & Pollux supra, ἀφ' ὧν ὁ ἄξων στέρομεν. Quasi harum ope factoque axis vertatur. At hoc repugnat superioribus, in qvibus dicebat, axes versari non per arbusculas, sed *in arbusculis*. Neq; aliter habet Athenæus, unde sua Vitruvius videtur desumpsisse. Verba citant Daniel Barbarus ad Vitruvium & Turnebus lib. XXIII. Adv. c. 33. Στερόν ταις ἐν ἀμαξίποσι. Dicit clarè, ἐν ἀμαξίποσι, non ἀφ' ἀμαξιπόδιον, uti Pollux loquebatur. Verum sine dubio arbusculæ Vitruvianæ à vulgaribus nonnihil differebant. Exigit profectò cardines Vitruvius in ipsis, item foramina, qvōd non fuisset opus nominatim fieri, si cardines hujusmodi & foramina habuissent etiam vulgares. Præterea in Polluce illud ἀφ' ὧν non ad στέρομεν, verum ἐλκεται fortassis referendum. Deniq; omninò arbusculas vulgares existimo fuisse stipites, seu ligna crassiora, per qvorum medium transibat axis, sic, ut in illis verteretur, & si versus esset, simul verterentur illæ, simulq; cum illis ὑπερλεία, de qvā in seqventibus. Puto enim impositam ipsis ὑπερλείαν fuisse, hocq; voluisse Hesychium, qvando dixit τῆς ὑπερλείας τὰ εἶδη. Nimirum axis qvælibet unam habebat arbusculam

in medio, cui ὑπερτερία incumbebat, affixa arbusculæ, ut cre do, inter-
ventu ligni suffixi, quod à Græcis καθαρὰ dicebatur. Erat autem li-
gnum ab uno latere hyperteriæ pertinens ad alterum, cui hamaxa-
pus seu arbuscula inhærebat. Pollux supra dicto loco: ὅτι ποτέ πηγε
αὐτοῖς (πλευροῖς τῆς ὑπερτερίας) ξύλα, ἃ καὶ καθαραὶ αἰνομάζονται. Οἱ ἐφαρµόζονται
αἱ ἀμαξήποδες. Suffixa verò ipsis (lateribus hyperteriæ) sunt ligna, quæ
catharæ dicuntur, quibus adaptantur hamaxopodes vel arbusculæ.
Sed hæc rectius discentur ex imagine totius rei.



a. Est arbuscula. b. Axis transiens per arbusculam, & sic ἐν ἀμαξήποδι,
seu in arbuscula, ut loquuntur. c. Laminæ ferreæ, quibus utrinq; ar-
buscula concluditur. d. Clavus, cui imposita erat ὑπερτερία, sic, ut se-
qui arbusculam & axem cogeretur. e. Sunt obices. f. Ἐμβολοδέται seu
claviligatores. g. Ἀμαξήνια. Dixi, quamlibet axem unam habuisse ar-
busculam, & quia sub ὑπερτερία axes duæ, idè rectè τῆς ὑπερτερίας fuisse
dicuntur τὰ εἶδη. Omnino enim tale genus intellexit Pollux, quod
cum rotis esset quatuor, & axibus duobus, ubi arbuscularum vel
ἀμαξήπόδων facit mentionem. Quod propterea hic addo, quia fuit
genus aliud vehiculorum, quod non nisi unum axem habuit. Scili-
cet, quot rotarum paria quodq; genus, tot simul habebat axes, sicut
hodieq; videmus. Erantq; hi axes non re ipsa modo à se mutuo, sed
& vocabulis distincti, quando alius *primus*, alius *secundus* diceba-
tur. Persius sat. V. v. 70.

-- -- -- *Quamvis temone sub uno
Vertentem sese, frustra sectabere canthum,
Cum rota posterior curras & in axe secundo.*

Hic secundus axis, qui posteriores rotas continet, id est, eas, quæ ab
jugo eqvisq; longissime distant. De quibus, ut & cæteris rotis, am-
plius aliquid nunc est dicendum in sequenti capite.

De Rotis.

Rota quid & unde. Isidorus refellitur. Orbita. Virgilius exponitur.
Τροχός. Κύκλ. Tympanum. Pignorius & Patus notati. *Cardo axis.*
Rota radiata. Radii. Κύματα. Κερίδες. Ὀρίδηνμα κύκλα. Homerus explica-
tur contra Eustathium & Scholiasten Pindari. Ὅπα, κενά, κενόματα τρο-
χών. Diaconus exponitur. Nova significatio vocis πλήμνης. Τόρυ. Orbile.
Varro exponitur contra Turnebum & Scaligerum, simulque
corrigitur. Orbis rotarum, curvatura, flexura. Κύκλ. περιφέρεια.
Scholia Homeri emendantur. Ἴτους. Orbes quomodo inflexi. Plinius
exponitur. Ἀφίς. Hesiodi versio notatur. Ἀμαζα pro rota. Τρισπίταμον.
Κύκλ. τροχός. Ἀφίς nova significatione. Zetzes exponitur. Βυμβολαί,
ἀρμόσεις ἀφιδων. Γλωσσίδα. Lingula. Σώσρα. Σωσρεύματα. Vieti. Glossa libe-
rantur à correctione. Ἰμάλλες. Ἐπίσωρα. Κανθός. Canthus. Turnebi locus.
Trochus puerorum, rota, rotula. Martialis explicatur & Propertius.
Clavis. Increpare adunca trochi. Orbis. Trochi adunca qua. Trochum
versare. Argutum es trochi. Diomedes emendatur. Rota vertitans.
Rota volumina. Scaliger notatur. Vieti. Orbes. Ἀέδν. Versio Pollucis re-
jecta. Πλημνόςδελον. Ὠάραξ. Τέλε τροχός. Ἀταρνον. Γάρον. Γάρον. Δέσπον.

AXi, de quo hætenus est dictum, inferuntur rotæ. Sunt autem
 rotæ orbes circuli, qui axem & vehiculum cum axe susti-
 nent, motuq; suo ac circumvolutione promovent ad ulteriora. Di-
 ctas rotas putant, quod ruant, id est, cursu præcipiti ferantur. Isido-
 rus: *Rota dicta, quod ruat.* Atqui tali cursu non semper, ac ne fre-
 quenter quidem utuntur. Itaque nec amplecti possum, quod volebat
 Vossius, quasi veniant à ῥοδεῖν, quia signet non tantum strepitum
 edere, sed etiam cum impetu ferri. Sanè rotæ gradu sæpe lentissi-
 mo incedunt, præsertim, cum vehicula sunt gravata onere. Mihi
 dictæ potius à forma videntur, quia sunt rotundæ. Rotam sanè pro
 rotundo usurpam pridem annotarunt viri docti, unde *rota Solis*, ejus
 circulus. Et in aliis vocabulis lingvarum quoque aliarum, quæ signifi-
 cant orbiculatum quidpiam vel rotundum, similitudo vocis hujus
 depræhenditur, quæ de re occasione alia. Rotas à Latinis aliquan-
 do quoque dici *orbitas*, ignoro, an Asconio credendum. Verba ejus
 extant.

extant ad Verrinam III. *Orbita duas res significat. Nam orbita & rota ipsa intelligitur, & vestigium rotæ in molli solo.* Saltem sic accipiunt nonnulli illa Virgilio lib. III. Georg.

-- -- *Iuvat ire iugis, qua nulla priorum
Castaliam molli divertitur orbita clivo.*

Videturq; juvare Servius, quando illa sic exponit: *Dispono ire per eam viam, per quam nullus ante egit orbitam suam.* Nam egit orbitam potest accipi pro egit rotam, egit vehiculum. Sed inclino magis eo, ut agere orbitam existimem sic dici, sicut agere fossam, vel agere cuniculos, pro ducere, imprimere, infodere. Sic locus ille Virgilii huc nihil pertinebit. Neq; alibi recordor orbitam hoc sensu legi. Græcis vulgo est τροχός. Philoxenus: *Rota, τροχός.* Homero quoq; κύκλος. Pausanias apud Eustath. Ὅμηρος ὁ τὸν μὲν τροχὸν ὄλον, κύκλον ὀνομάζει. *Homerus rotam totam vocat cyclum.* Homeri locus est in Odyss. 4. quem adducere nil attinet. Idem ex hac causa Odyss. Z. initio εὐκύκλον ἀπὸ νῆιν appellavit. Scholiastes: Εὐκύκλον, εὐτροχόν. Κύκλοι γὰρ οἱ τροχοί. Dicit ipse quoque, rotas cyclos appellari. Est & ἄμπυξ rota apud Græcos. Hesychius: Ἀμπυξες, τὰ διαδήματα, ἢ χαλινοί, ἢ τροχοί. ἔτιως Σοφοκλῆς ἐν φιλοκλήτῳ, διὰ τὸ κύκλωπες. Verba Sophoclis sunt ista:


Πότ' εἴ Διὸς ἰξίονα καὶ ἄμπυκα
δρομάδα δέσμιον. -- --

Agit de supplicio Ixionis, quem fuisse alligatum rotæ, notum. Ergo ἄμπυξ, rota. Sed hoc usurpatum ita per metaphoram, non proprie, quod Eustathius testatur, nec ab alio, nisi Sophocle, ut de eo laborare longius minimè necesse videatur. Fuerunt autem rotæ apud veteres non ejusdem omnes generis, aliæ simpliciores, elaboratiores aliæ. Simpliciores erant factæ simplicibus ex tabulis, neq; radios habebant ullos. Latini tympana vocabant. Meminit Virgilius Georg. II, 444.


Hinc radios tri vere rotis, hinc tympana plaustris.

Malè Servius: *Tympana, tecta vehiculorum,* nec enim plaustra tecta fuere, rustica quippe, ac oneribus gestandis facta. Rectius Philargius: *Rotas, ex solidis tabulis factas, tympana appellavit.* Bene autem tympana plaustris tribuit Virgilius, hoc enim genere, nec alio, te-

merè incedeabant. Probus ad Virg. I. Georg. v. 163. *Imperiti plaustraplostra appellant. Sunt enim vehicula, quorum rotae non sunt radiatae, sed tympana coherencia axi, & juncta cantho ferreo. Axis autem cum rota volvitur, nam rota circa ejusdem cardinem adhibentur. Locus memorabilis, qui nobis ista tympana describit pluribus. Nam praeterquam, quod eorum usum fuisse ostendat in plaustris, nec habuisse radios, docet etiam de axe, quod non fuerit ab ipsis separabilis, sed infixus firmiter, sic, ut una cum iis circumageretur. Non igitur delineatum rectè tympanum à Pignorio in de Servis, pag. m. 87. ista specie: licet sic, sed perinde malè, expresserit & Pætus.*



Si tympanum in medio axem habuit rotundum, sicut hic exhibetur, non potuit in eo esse firmus. Longè melius, & omnino specie verissima, exhibetur ex antiqua tabula marmorea, venationem continente, Tertio in descriptione ædium Barbarinarum. In ea videas clarissimè tympanum cum axe quadrata, non rotunda, quod omnino fuit necessarium. Proponam ejus effigiem, quia habet omnia locum hunc explicantia.



Habes hic primum axem plane quadratum, quem circumagi cum rota utiq; necesse est. Deinde circum axem canthum ferreum, quo axi jungitur. De cætero tympanum est planum, è tribus tabulis conjunctum, & afferibus transversis firmatum. Nec modiolus in eo ullus, quod notandum. Hoc enim est, quod agebat Probus, *rotæ adhibentur circa axis cardinem*. Cardio axis ejus est extremitas, quæ hic cardio dicitur, quoniam cum ea axis ipsa & in axe rota tympanumve vertitur. Circa eam adhibetur rota, quando ibi firmatur apponiturque. Atq; tympanis ejusmodi instructa rustica pleraq; vehicula fuere. Cætera habuere rotas, quas ad differentiam tympanorum Probus nominavit *radiatas*. Nempe non ex solidis fuere tabulis, sed habuerunt radios. Dicti autem *radii* sunt baculi modiolò infixi, indeq; procedentes ad absides. Græci appellarunt *κνήμας*. Pollux: Αἱ ἐν ἑνὶ ἑκαστῇ τῇ ἀξὶδι ῥαῖες οἱ, κνήμας. *In apsidem infixi baculi dicuntur cnema*. Hesychius sic habet: κνήμας, τὰ διεσείδοντα ἐν ὅλῳ τῷ χοινιδίῳ τῆ τροχῆς, αἱ κνήμας, αἱ τῶν τροχῶν ῥαῖες οἱ. *Cnema infixa ligna in modiolum rotæ, radii, rotarum baculi*. Quibus verbis discimus, appellasse etiam κνήμας. Numerus eorum antiquissimus in rotis quaternarius fuisse videtur. Ixionis profectò rotam Pyndarus in Pythiis Od. 2. facit talem. Quamquam Scholiastes factum putet, ut re-

spondeat is radorum numerus membris rotæ illigatis, id est, brachiis duobus & duobus cruribus. Vulgo enim habuisse plures, nempe sex. Κνήμη, inquit, ἐστὶν ἡ τε τροχὸς ῥάβδος, ἡ δὲ κνήμη δὲ τῆς χοιρινίδος ἐπὶ τὸν κύκλον. Οἱ ὃ ἀρμάτριοι τροχοὶ τῶν ἀνθρώπων, ἐξ ἀκνημοὶ εἰσιν. Οἱ ὃ τῶν Θεῶν, δι' ὑπερβολὴν κόσμος ποῖα πρὸς Ὀμήρου ὀκτώκνημοι λέγονται. *Cneme seu radius est rota baculus, procedens à modio ad orbem. Vehicularia autem rota hominum habent radios sex. Deorum verò decoris quadam excellentia ab Homero dicuntur octo radiata.* Homeri locus, quē respexit, legitur II. E.

Ἦεν δ' ἄμφ' ὀχέεσσι θοῶς βάλε καμπύλα κύκλα
Χάλκεα, ὀκτώκνημα, σιδηρεῶ ἀξόνι ἄμφις.

Hic ὀκτώκνημα κύκλα sunt rotæ cum radiis octo. Nam κύκλα sunt κύκλοι. Hesychius: Κύκλα, οἱ κύκλοι, τροχοὶ. Ὀκτώκνημα verò, ὀκτώ κνήμας ἔχοντα, sicut idem explicat. Eustathius de his ita: Ὀκτώκνημα, τὰ ὀκτώ ῥάβδους διαπλείω σφύροτῃα. Κνήμη γδ νῦν, αἱ δὲ τῶν ἑσώ χοιρινίδων ἕως τῆς ἑξω περιφέρειας ῥάβδοι. Οὕτω ῥηθεῖσαι πρὸς ὁμοιότητα ζωικῆς κνήμης ὑπανεχέσης τὰ ἐπικείμενα. *Octacnema, octo cum baculis propter maiorem stabilitatem. Cnema namque hic baculi, qui ab interiori modio usque ad circumferentiam exteriorem procedunt, ita dicta ad similitudinem tibie, in animali sustentantis ea, quæ ipsi incumbunt.* Putat Eustathius, numerum hunc radorum adhibitum firmitatis causa. Et profectò, quo in rota radii sunt plures, hoc ut firmior sit, necesse est. Verum tamen neq; hoc opinor attendisse, sed potius numerum apsidum. His enim vix imitti possunt pauciores radii, duobus. Prout itaq; apsidēs in rota plures sunt, hoc radii postulantur plures. Plures autem apsidēs in rota magna, quam in parva. Jam cum olim rotis uterentur parvis, atq; tribus, ut opinor, tantum cum apsidibus, sex radiis contenti esse poterant. Dii autem cum haberent rotas majores, (quippe quorum omnia humanis esse debent majora speciosioraq;) & sic apsidēs in iis quatuor, radios simul requirebant octo. Ut non decoris tantum causa, quod putabat Scholiastes Pindari, sed & ob necessitatem hoc sic factum fuerit. Quinimo, cum deinde rotæ pleræq; apsidēs haberent quatuor, ut post dicam, mansisse in illis numerus iste radorum octo videtur. Ita habes rotam cum octo radiis in vehiculo quadrigarum apud Philippum Rubenium lib. I. Ant. cap. 30. & in
gemma

gemma Augustæ apud Albertum Rubenium. Cum simili numero aliquam in carpento Agrippinæ exhibet nummus antiquus, qui est penes me, expressus alias in nummis Ducis Croyiaci tab. 18. Et aliam in vehiculo Isis apud Boissardum P. III. pag. 47. Quin imo communiter vehicula omnia in columna Trajani cum ejusmodi rotis exprimuntur. Neq; scio, annon ille quoq; auctus postea sit numerus. Certè in auctore veteri de rebus bellicis Curro drepanus rotas habet cum radiis decem, vice tertia. Similiter ibi videas in Balista quadriroti. Sidonius tribuere ipsis radios duodecim videtur Carm. XXIII. v. 410. uti ad hunc modum loquitur:

Intrat turba rotas, quaterque terni

Arctantur radii, repleta donec.

Intervalla crepent. — —

Agit ibi de certamine curruli & quadrigis, quas ostendimus, habuisse temporibus Augusti rotas cum radiis octo. Non igitur vero simile, diminutum postea illum numerum, & infirmiores rotas illas factas, atq; adeò duodecim hos radios Sidonii de rotis duabus exponendos esse. Potius existimo ad singulas pertinuisse. Atq; hinc jam id est ab his radiis *rota radiata*, sicut supra diximus Probum appellare. *Sunt vehicula*, inquit, de plaustris agens, *quorum rota non sunt radiata*. Neq; ipse solus ita nominavit, sed & Varro lib. III. de R. R. cap. 5. quando ait: *Promensa sustinet rotam radiatam*. Græci ipsas σπιλαώεις nuncupavere. Auctor Etymologici: σπιλαώεις τροχῆς, ῥαδωῆς. Ἡ σπιλάη παρ' Ἀττικαῖς βακίρριαν σημαίνει. Videntur ex hoc loco nominasse quoque ῥαδωῆς. Nempe passim κνήμας five radios ῥαδωῆς exponunt in superioribus. Hesychius: Κνήμα, αἱ τῶν τροχῶν ῥαδοί. Scholiastes Pindari: Κνήμη, ἡ τῷ τροχῷ ἐν ᾧ ἐρέφεται ὁ ἄξων. *Chænice est rota illud, in quo vertitur axis*. Non satis commodè sic descripsit. Axis certè non vertitur in chænice, sed vice versa chænice in axe. Debuisset itaque, ἡ ἐρέφεται ἐν τῷ ἄξωνι. Sed hæc ita solent excidere. Idem auctor

auctor est, vocari quoque; *χρόαι*. Verba ejus: *χρόαι, αἱ χοινικίδες, αἱ τῷ ἄξονι* σύριγγες. Malè viri docti locum istum sic accipiunt, quasi sermo de re una sit eademque. *Nominat sic*, inquit, *modiolos fistulasque, quibus axis inditur*. At σύριγγες τῷ ἄξονι non significant *fistulas, quibus axis inditur*, verum *axis ipsius syringas*, de quibus dixi præcedenti capite. Ergo vult hanc vocem denotare duo, & syringas illas, & chœnicidas. Latinis sunt *modioli*. Glossarium Græco-Latinum: *χοινικὶς ἢ τῷ τροχῷ. Radia. Modiolus*. Bene *modiolus*, sed quid illud *radia*? Ego arbitror fuisse primum *Radia, Modiolus*, ut significaretur compendio scripturæ modiolum intelligendum *radiorum*, id est, eum, in quo fixi sint radii. Nempe plura modiolus significat, ut vas aquarium, poculum, & id genus. Itaque ne quis erraret, illud de radiis adjiciendum videbatur. Cæterum modiolus à modio est dictus, cujus speciem utcunq; referebat. Erat enim instar ejus rotundus, atq; intus cævus, planeq; perforatus. Foramen istud Græci *πλήμνην* appellabant. Pollux: *Αὐτὸ ὃ τὸ περιελαμένον τῷ ἄξονι, πλήμνη. Quod circa ipsum axem volvitur, plemne*. Antecedit apud ipsum: *Τὸ κενὸν τῷ τροχῷ τὸ ἐναρμοζόμενον τῷ ἄξονι, σύριγγς. Cavum rota, quod inseritur axi, syrinx*. Unde patet, non modiolum integrum vocasse *πλήμνην*, sed illius foramen. Modiolus integer ei σύριγγς est, *πλήμνη* ejus foramen. Atq; sic Hesychius: *πλήμνη ἢ χοινικὶς τῷ τροχῷ ἢ τῆς σύριγγος, ἀπὸ τῆς πληρῆδός ὑπὸ τῷ ἄξονι. Plemne est chœnicis rota vel syringis, ex eo, quod ab axe impleatur*. Facit clarissimè *πλήμνην* partem τῆς σύριγγος, & quidem eam, quam expleat axis. Explet autem foramen, quando illi immittitur. Ergo *πλήμνη* foramen, & foramen σύριγγος, quæ iccirco erit corpus totum. Neq; aliter accipiendus est Hesychius, quando ait, *σύριγγιον, τροχὸν κένωμα*; idem enim est *σύριγγιον* & σύριγγς. Et quod ipse ait *κένωμα τροχῷ*, Pollux τὸ κενὸν τῷ τροχῷ appellavit. Phavorinus optimè: *πλήμνη, τὰ μέσα τῶν σύριγγων, εἰς αἷς ἐντίθενται τὰ τῷ ἄξονι ἄκρα. Plemna sunt syringum medietates, in quas immittuntur axis extrema*. Facit syringes corpora tota, plemna verò media eorum, id est, foramina & cava. Quod notandum, quia sunt, qui σύριγγας accipiunt de ipsis foraminibus, & easdem faciunt cum *πλήμναις*. Eustathius ad Iliad. E. εἰς δὲ *πλήμνας, αἱ τῶν τροχῶν χοινικίδες, ἢ τὰς σύριγγας*.

σύριγγες, ὅες ἐν ὀπαί, ἀς τινες καὶ χροᾶς Φασί, ὡς δηλοὶ καὶ Σοφοκλῆς. Ἦσαν τὰ μέσα
 τῶν εἰρημένων συρίγγων, εἰς ἀς ἐνέθενται τὰ τῷ ἄξονι ἀκρα, πλήμναι καλεῖσθαι διὰ
 τὸ πλήσεσθαι ἢ πληρῶσθαι ὑπὸ τοῦ ἄξονος. *Sunt verò plemna rotarū chaenicides vel*
syringes, id est, foramina, quæ nonnulli quoque chnoas nuncupant, ut &
Sophocles ostendit. Vel medietates dictarum syringum, in quas immit-
tuntur axis extrema, plemna dictæ, quod impleantur ab axe. Quando
 ait, ὅες ἐν ὀπαί, non sic accipiendum est, quasi nuda intelligat forami-
 na. Ita enim sequi non posset, ἦσαν μέσα τῶν συρίγγων. Neq; enim μέσα
 συρίγγων sive syringum medietates aliud, quam earum foramina.
 Sed ὀπαί, quæ Polluci κενά, Hesychio κενόμαλα τροχῶν, id est, ligna tota
 perforata. Nempe πλήμνας ostendit aliquando significare non fora-
 mina tantum, verum ligna tota perforata. Et hoc est, quod Gale-
 nus ait com. 2. in περὶ ἀγμῶν, τὴν καλεμένην χοινικίδα τῶν τροχῶν, πλήμνην ὑπὸ
 τῶν Ἰώνων λέγεσθαι. *Chaenicida vocatam rotæ, ab Ionibus appellari plemnem.*
 Dicit tamen amplius Eustathius, vulgo esse τὰ μέσα συρίγγων, vel,
 quod idem est, χοινικίδων. Quomodo fortassis est accipiendus & Dia-
 conus ad Hesiodi Op. II. ubi ait: πλήμνη ἢ τῶν τροχῶν τρύπη, ἢ πληγεμένη ὑπὸ
 τῶν ἄξονίων, ἢ πλήμναι τὰ αὐτὰ ἀκροζόνια. *Plemne foramen rotæ, quod imple-*
tur ab axe, vel plemne ipsa acrotonia. Nota, πλήμνας quoq; accipi de
 ἀκροζονίαις, id est, eis axis partibus, quæ modiolis immittuntur. Neq;
 enim alibi legisse memini hanc explicationem, præterquam apud
 unicum Eustathium, qui habet ita ad II. Φ. τὸ ἄκρον τῷ ἄξονι τὸ κῆ τὸν
 τροχόν, τῷ τὸ ἐστὶν πλήμνην τροχῶν. *Summitas vel extremitas axis, quæ est in ro-*
ta, ea plemne rotæ dicitur. Sed de πλήμνη satis. Ait Hesychius, vocasse
 quoq; τόρμον. Verba ejus: Τόρμος, ἢ πλήμνη τῶν τροχῶν, εἰς ἣν ὁ ἄξων. *Tormus*
est plemne rotæ, in quem axem inferunt. Fortassis à τορέω, quod sit te-
 rebratum, vel axem terat. Ad eundem ferè modum Eustathius
 Iliad. E. nisi quod pro τόρμῳ scribat τόρμη. Verba ejus: Τόρμη, ἢ πλῆ-
 μνη, εἰς ἣν ὁ ἄξων ἐνέηρμοςαι. *Torme, plemne, in quam axis immittitur.* Sicut
 autem radii ab una parte infixi erant modiolis, sic ab altera circulo
 modiolum exterius ambiente. Illum Varro videtur appellasse orbi-
 le. Verba ejus extant lib. III. de R. R. cap. 5. *In insula est columella, in*
qua intus axis, qui promensa sustinet rotam radiatam, ita, ut ad extre-
rum, ubi orbile solet esse acutum, tabula cavata sit, ut tympanum, in la-

titudinem duos pedes & semipedem, in altitudinem palmum. Turne-
bus ad hunc locum lib. XXI. cap. 23. Est orbile rotunditas ipsius or-
bis, qui acutior est in fine, hic contra tabulam tympano similem habet. At
verò longè aliter exponit Scaliger. Nihil, inquit, minus orbile est,
quam id, quod vult doctissimus Turnebus. Nam procul dubio orbile vo-
cat, quam Græci σφύρα, & Poëtæ χώνη. Id erat axis capitulum seu cardo,
quod in modioli foramen conveniebat. Pro eo tabula cava ad modum
tympani erat in summo impacta, quæ exciperet modium rotæ, ita, ut mo-
dus ipse in ejus cavum iniret, ut in acetabulum. Postremò verba ita
legit: Ita, ut ad extremum, ubi orbile solet esse, acetabula cavata sit, ut
tympanum, in latitudinem duos pedes. Dicit, orbile partem illam esse
axis, quæ modiolo immittitur. Sed non satisfacit. Nam postulare
aliud verba, ubi orbile SOLET esse, videntur. Nempe ostendunt, alias
quidem, & in rotis cæteris ibi esse consuevisse, at in hac illius loco
aliud fuisse quidpiam. Jam si hic non fuit orbile, quomodo potest
stare, quod præcedit apud Varronem: Intus axis, qui sustinet rotam
radiatam: Si orbile, quod vult Scaliger, pars axis fuit, quæ modiolo
immittebatur? Axis absq; orbili Scaligeriano sustinere rotam non
potest. Neq; tamen probo, quod Turnebus habet de acumine in
fine. Nam revera verba illa sunt corrupta. Puto autem ita corrigenda
esse: Ad extremum, ubi orbile solet esse, arcus cum tabula cavata
sit. Hoc enim Varro dicit, non fuisse in rota illa orbile, sicut in rotis
cæteris, verum arcum, parti radiorum affixum habuisse, cum tabu-
la subpacta, supernè aperto foramine, ut imponi turdis cibus po-
tusq; posset. Itaq; mox sequitur apud dictum Varronem: Aqua
calida & frigida ex orbi ligneo mensaque, quam dixi in primis radiis es-
se, epitoniiis versis ad unumquemque factum, sic, ut fluat in convivam.
Orbem ligneum mensamq; hic appellat, quam paulò ante tabulam
cavatam, ut tympanum. Hanc verbis expressissimis fuisse ait in pri-
mis radiis, non in rotæ modiolo, quod Scaliger putabat. Mutat qui-
dem in his verbis plurima Scaliger, ut opinionem suam tueatur.
Verum frustra, quod liqvebit omnia diligentius expendenti. Ait,
aquam fluxisse ex radiis. Nihil tale Varro, mensam in primis radiis
ponit. Ubi primos radios intelligit summos, id est, extremitates
eorum,

eorum, extrema ejus capita, quæ alias orbili solent immitti. Omni-
no enim per orbile circulum eum intelligit, de quo Turnebus, &
nos ab initio locuti sumus. Curtio est *orbis rotarum*, quomodo pau-
lò ante Varro *orbem ligneum* ad similitudinem hujus appellavit.
Verba leguntur lib. IV. cap. 9. *Alia deinde falces summis rotarum or-
bibus hærebant.* Nominatim vocat *rotarum* orbis, ut de nulla alia
vehiculi parte, ac ne axis quidem possit accipi. Atq; ita quoq; Isi-
dorus: *Orbita*, inquit, *vestigium carri, ab orbe rota dicta.* Nemo non
per *orbem rota* hic intelligit extremum circulum, quippe qui revera
solutusq; vestigium id facit. Virgilius similiter Ill. Georg.

-- -- *Et junctos temo trahat æreus orbis.*

Item aliquanto post :

-- -- *Ferratos sustinet orbis.*

Ubi *ferratos* appellavit propter canthos. Ovidius vocavit *curva-
turam rota*, lib. II. Met. fab. I.

-- -- *Temo aureus, aurea summa*

Curvatura rota.

Pro curvatura Prudentius *flexuram* posuit in Psychomachia. Inspi-
ciunt, ait, ubi pugnam Luxuriæ & Sobrietatis describit,

-- -- *Radiatorum*

Argento albentem seriem, quam summa rotarum

Flexura electri pallentis continet orbe.

Græcis ad eundem ferè modum est κύκλῳ. Scholiastes certè Pin-
dari in verbis antea adductis, ubi de radio: *ῥαδὶς δὲ δίνουσα ἀπὸ τῆς χοι-
νικίδος ἐπὶ τὸν κύκλον.* Hic plane κύκλῳ, quod Curtio est *orbis*. Περιφέρειαν
appellavit Eustathius, similiter in verbis antea citatis. Atq; sic &
Dydimus, seu alius quicumq; Homeri Scholiastes, ad II. E. *ἵππος, ἡ πε-
ριφέρεια τῆς ὀχίμας*. Ἀψίδες δὲ ἐξ ὧν ἡ περιφέρεια γίνεσθαι τῆς τροχῆς. Ita habet
editio vulgata, verum mutilatè, ut opinor. Ecquid enim περιφέρεια
τῆς ὀχίμας? Cum mox loquatur de apsidibus, & earum περιφέρεια
ostendat à se hic intelligi. Puto plane scriptum fuisse primò, τῆς ὀχί-
μας τροχῆς. Volebat enim auctor horum, quisquis est, verborum
ostendere, sibi de τροχῶν hujusmodi, non alio sermonem esse. Cete-
rum eodem loco discimus, Homerum nominasse ἵππων. Verba Ho-
meri:

Τῶν ὅτοι χρυσέϊ ἵτους ἀφθιτῷ.

Harum (rotarum) aurea est curvatura incorrupta. Et sic Eustathius: Τὴν ἵτον, ἥ ἐν πῶ περιφέρειαν. Idem ante II. Δ. ἵτον ᾗ λέγῃ πῶ περιφέρειαν, ἀπὸ τῆς ἰέναι, ὅ ἐστι περιιέναι καὶ περιάγειν. *Ityn vocat peripherian vel circum orbemve, ab eundo, id est, circumeundo circumvolvendoque.* Habet his similia etiam Hesychius. Solebant autem veteres hos orbes arte singulari sic curvare. Quæ de re Homerus dicto Iliadis loco:

Τὴν μὲν θ' ἀρματοπῆγος ἀνὴρ αἰθωνί σιδήρῳ

Ἐξέταμ' ὄφρα ἵτον κάμψῃ περιμάλλει δίοργῳ.

Loquitur de arbore populo, eam, ait, *carpentarius quidem excidit ferro micanti, ut orbem rotæ flectendo conficiat pulchro currui.* Plutarchus in Pædia: οἱ ἀρματοῖοι τροχοὶ πόνῳ καμψθέντες, εἰς ἃν γένοιτο, πῶ ἐξ ἀρχῆς δύνατο ἀνλαβεῖν εὐθυρίαν. *Rotas vehiculorum magno labore curvatas nullo possis conatu in pristinam restituere rectitudinem.* Vides plane, ad orbes illos non flexa fuisse ligna, aut securi ad figuram orbis succisa accommodasse, verum arte laboreq; inflexisse. Unde intelligimus mentem Plinii lib. XVI. cap. 43. quando ait de fraxino arbore: *Obedientissima quoque in opere fraxinus, eademque corylo hastis melior, cornu levior, sorbis lentior. Gallica verò etiam ad currus flexibilis.* Non aliam hic flexibilitatem intelligit, quam quæ fraxinus curvatur flectiturq; in rotas. Fiebat autem orbis non uno, verum pluribus ex lignis, quorum quodlibet à Græcis dicebatur ἄψις. Propterea Scholiastes Homeri paulò ante: Ἀψίδες ᾗ ἐξ ὧν ἡ περιφέρεια γίνεσθαι τῶ τροχῷ. *Apsides sunt, ex quibus peripheria, id est, orbis rotæ, conficitur.* Peripheriæ sive orbi uni plures tribuit apsides. Sed & Hesiodus ex hac causa facit trium solummodo spithamarum, lib. II. Oper.


Τρισπίδαμον δ' ἄψιν τάμνειν δεκαδῶρα ἀμάξῃ.

Vertunt: *Trium palmorum curvaturam rotæ secato decem palmorum currui, quod prodigiosum est.* Quis enim currus ille decem palmorum? Ἀμαξα hic Hesiodo est *rota*. Proclus ad hæc verba: Σὺ γὰρ κτελεῖς ἡ ἀμαξα, τελέεις ὁ τροχός, ἐκ τριῶν ἄψιδων. Sed nec alterum est rectum. Ἀψις non est curvatura rotæ, sed illius tantum pars una. Plane sicut alias quoq; partes circuli sunt apsides. Hero Mj. Bibliothecæ nostræ in Defin. Geom. Ἀψις ἐστὶ τὸ ἑλάττω ἡμικύκλιον. *Apsis est minor pars se-*
micir-

micirculi. Proclus ad Eucl. II. τὰ ἡμικύκλια καὶ τὰ τμήματα, καὶ αἱ ἀψίδες, αἱ εἰσὶν ἡμικυκλίων ἐλάσσονες. *Semicirculi, & sectiones, & apsidēs, quae sunt semicirculo minores.* Deniq; nec τρισπίδαμον trium est palmorum, sed trium spithamarum. Spithama palmos habet tres, ut τρισπίδαμον sit palmorum novem. Tzetzes: Ἡ σπιθάμη ἔχει διευγές, ἢ γυν παλαιστὰς τρεῖς. Ὁ δὲ παλαιστὴς εἰς δακτύλων δ. *Spithama habet palmos tres, palmus autem constat digitis quatuor.* Itaq; Hesiodi versus ita erit exponendus: *Trium spithamarum apsidem secato decem palmorum rota.* Decem illi palmi numerandi sunt secundum rotæ superficiem seu latitudinem. Tzetzes: τὴν μέσην ἐνθεῖαν τροχῷ, νῦν δεκάδωρον ἀμαξάν Φησί. *Mediam superficiem rotæ vocat decem palmis constans.* Si media rotæ superficies decem est palmorum, integra erit ejus circumferentia palmorum circiter triginta; unde sequitur, trium spithamarum apsidēs seu palmorum novem non de circumferentia integra, verum partibus illius tantum esse capiendas. Apsides igitur non integri sunt circuli, quod dicebamus, sed illius partes. Tamen Hesychius: Ἰτὺς ἡ ἐσχάτη ἀψὶς ἢ περιφέρεια. *Itys apsis extrema vel circumferentia.* Facit rem eandem ἀψὶς αὖ & περιφέρεια. Sic Pausanias apud Eustathium ad II. E. Verba Eustathii: Φησὶ γάρ καὶ Πausanίας, ὅτι ἀψὶς ξύλινος κύκλος τροχῷ. *Dicit Pausanias, quod apsis circulus ligneus sit rota.* Circulum vel κύκλον vocat, quod περιφέρειαν alii, seu orbem integrum, ut supra demonstratum est. Quemadmodum & Tzetzes ad Hesiodum: Πᾶσαν περιφέρειαν τῷ ὅλῳ τροχῷ, ἢ γυν τὸν κύκλον. Et paulo post: Πᾶσαν περιφέρειαν εἶναι τῷ τροχικῷ κύκλῳ. Ubi τροχικὸν κύκλον nominat cum addito, ad differentiam aliorum. Porro κύκλον hunc Pausanias ἀψὶς αὖ nominat. Unde sequitur eandem esse aliquando ἀψὶς αὖ & κύκλον seu περιφέρειαν. Hesychius iterum: Ἀψίδες, τὰ κύκλα τῶν τροχῶν, αἱ περιφέρειαι. Non est dubium, quin orbes integros intelligat. Sed verius frequentiusq; tamen ἀψὶς pars est orbis ejus, sicut ab initio ostendi. Habebant autem rotæ vulgo partes five apsidēs istiusmodi quatuor. Tzetzes: Ex τεσσάρων ἀψίδων συνίσταται ὁ τροχὸς τῆς ἀμαξῆς. *Ex quatuor apsidibus conjungitur rota vehiculi.* Proclus in verbis supra etiam adductis: Συγκεῖται τροχὸς ἐκ τεσσάρων ἀψίδων. *Conjungitur rota ex quatuor apsidibus.* Hinc difficultas oritur in verbis antea ex Hesio-

do adductis. Nam si quatuor sunt apsidēs in rota, quælibet verò spithamarum trium, seu, quod idem est, palmorum novem, necesse est, ut media latitudo rotæ sit palmorum duodecim. Nam, ut rectè ait Tzetzes, *πάσα περιφέρεια κύκλου, τριπλασίον ἐστὶ τῆς οἰκείας διαμέτρου ἐυθείας, πρὸς τὰς ἐκλῆς ἐπιφανείας τῆς κύκλου*. *Omnis circumferentia circuli triplo major est diametro illius, quoad exteriorem circuli formam*. At Hesiodus mediam illam latitudinem *δέκα ὄρων* facit, hoc est, palmorum decem, non duodecim. Sed occurrit Tzetzes, ostenditq; in describenda magnitudine apsidum respexisse ad exteriorem magnitudinem circuli, in describenda verò magnitudine latitudinis interiorum. Ita sanè censeo voluisse verbis istis: *Αἱ μὲν δέκα ὄραι τῆς ἐυθείας ἐν τῇ τῆς κύκλου εἰσὶν ἐν ὁσὶν ἐπιφανείᾳ φαινόμεναι, ὅτε ὦν καὶ διαλαμβάνει. Αἱ γὰρ δύο ὄραι εἰς τὰς συμβολὰς συνεκρίβησαν, τὰς ἀπὸ τῆς ἐκλῆς ἐπιφανείας, μέχρι τῆς ἐκλῆς, ἐκάλειωθεν τὴν τρεχῆ μίαν ὄραν*. Sensus est: *Decem palmi superficie sunt in circuli interiori facie evidentes, de quibus etiam accipitur. Nam palmos duos in commissuras habent accommodatas, quæ ab interiori facie ad exteriorem, ab utraque rotæ parte palmum dimidium*. Interiorem circuli faciem expono, quod Tzetzes vocat *ἐπιφανείαν τῆς κύκλου ἐν ὁσὶν*, & intelligo curvaturæ sive orbis partem interiorem, quæ obversa est modiolò, & radios infixos sibi habet; sicut contra τὴν ἐκλῆς ἐπιφανείαν partem oppositam, quæ ferro solet muniri. Hujus ambitus semper major est, quam alterius, quoniam distat longius ab axe, id est, centro. Hinc est, quod alteram, id est, interiorem, faciat palmis duobus minorem. Dicit autem hos absumi per *συμβολὰς*. Ubi *συμβολὰς* accipio de commissuris & conjunctionibus apsidum inter sese. Proclus appellavit *ἀρμόσεις* ad eundem Hesiodi locum. *Δῆλον ἔνστι τὰς εἴς παλαιὰς ἀναλῶσαι εἰς τὰ λεγόμενα γλωσσῖδια ἐκάστης ἀψίδος τῆς ἀρμόσεως τῆς εἰς ἀλλήλας*. Apparet igitur, quod sex palmi accipiuntur ad lingulas, quas appellant, cujuslibet apsidis commissionis unius in alterā. Ἡ ἀρμόσις ἀψίδος est apsidis unius conjunctio cum altera. Sed quid γλωσσῖδια, sic speciatim in hoc opere vocata, sicut Proclus docet. Nil opinor aliud, quam clavi lignei, qui à capitibus apsidum figuntur, ut eorum interventu altera alteram contineat. *Lingulas* haud dubiè vocarunt etiam Latini. Hinc enim *tubi lingulati* apud Vitruvium lib.

VIII. cap. 7. *Hi tubuli ex una parte sint lingulati, ut alius in alium inire convenireque possit.* Vides plane tubulos lingulatos, quos Græci dicerent τῆς σὺν γλωσσίδιος. Unde liquet, frustra esse viros doctos, qui perinde putant, siue *lingulati*, siue *ligulati* apud Vitruvium scribamus. Nam *ligulati* est à *ligulis*, quæ nil faciunt ad γλωσσίδα, quorum imitatione Vitruvius *lingulas* & *lingulati* posuit. Sed en tibi apsidem cum lingua, quæ alterius foramini debet immitti.



a. Ἐστ' ἀψὶς, apsis. b. γλωσσίδιον, lingula. c. Ἡ ἐκτὸς ἐπιφάνεια, facies exterior. d. Ἡ ἐντὸς ἐπιφάνεια, facies interior. e. Radii. Apsides vocantur quoque σῶστροι. Pollux: Ἡ δ' ἀψὶς, καὶ σῶστρον καλεῖται. *Apsis dicitur etiam sostra.* Σωστρεύματα pro eo posuit Hesychius. Latinis sunt *vieti*, si audimus Augustinum. Verba ejus sunt lib. de Par. Dial. *Via dicitur à flexu, quia flexum velut incurvum vietum veteres dixerunt: unde vietos, quod cantho ambiantur, rotarum ligna vocant.* Retinenda est hæc lectio, quam docti viri alias sollicitant, si modò vietum sunt à vietum. *Vietum* enim est à *vieo*, id est, flecto. Nam quod in Glossis Stephani κανθὸς τροχῶν, *urus* legitur, huc nihil facit, nec in *vitus* debet immutari, partim, quoniam à *vieo* non est *vitus*, partim, quoniam ibi non de *ligno* agitur, ut expresse Augustinus loquitur, verum *cantho*, quo lignum id ambitur. Quicquid ergo sit de *uro*, frustra *vitus* hoc in loco legi videtur. Sanè si à *via* esset, *vitus* esset legendum. Verum hoc non dicit Augustinus. *Vietos* scribit; eosque vult esse à *vieto*, hoc à *vieo*. Vieo verò demum à *via*. Atque ista quidem ligna sunt, quibus rota componitur. Solebant autem ea variis muniri ferramentis etiam.

etiam apud veteres, ne attererentur faciliè à crebra circumactione & labore cætero. Ac extremis quidem circulis inducebantur circuli alii ex ferro, qui Græcis sunt ἱμάντες. Hefychius: ἱμάντες, λαῖροι, καὶ τὰ κύκλω τῶν τροχῶν σιδῆρεα. *Himantes sunt lora & ferramenta circum rotas.* Nec non ἐπίσωτρα. Pollux: Τῶν ὅ περιελαιμένων τῷ ἄξονι τροχῶν τὸ πρὸ τῶν ἀψίδων σιδῆρεν, ἐπίσωτρον. *Rotarum porro circa axim circumvolutarum ferrum circa apsidēs, episotron.* Hefychius ἐπίσωτρα, cum σ duplici, usurpat. Ἐπίσωτρα, τὰ ἐπιτείμενα τοῖς τροχοῖς σιδῆρεα ὅτι πλεῖν γινώσκόμενα. *Epissotra, incumbentia rotis ferramenta, eas integras servantia super terram.* Atq; ita nominavit etiam Homerus II. E. cujus Scholiaſtes vetus verbis pluribus: Ἐπίσωτρα τὰ ἐπάνω τῶν τροχῶν σιδῆρεα, ἢ χαλκᾶ, ἃ καὶ κανθοὶ καλεῖται. Ὁ ἔξωθεν τὸν τροχὸν κατέχων σιδῆρς, οἱ σιδῆροί, ἢ χαλκοὶ κύκλοι τῶν τροχῶν. *Episotra sunt in summo rotarum ferramenta vel aramenta, quæ & canthi appellantur. Ferrum, quod exterius rotam continet. Ferrei vel ærei circuli rotarum.* Rectè Scholiaſtes dicit, alias & κανθός, id est, *canthos*, appellari. Suidas: Ἐπίσωτρα, οἱ κανθοί, τὰ ἐπάνω τῶν τροχῶν σιδῆρεα. *Epissotra, canthi, ferramenta in summo rotarum.* At Quintilianus vocem hanc pro Græca non agnoscit, verum Afra vel Hispana. Verba ejus extant lib. I. cap. 5. *Inst. Barbarismum pluribus modis accipimus, unum gente, quale si quis Afrum vel Hispanum Latine orationi nomen inserat, ut ferrum, quo rotæ vinciuntur, dici solet canthus.* Vocem canthus facit Afram vel Hispanam. Et profectò apud Græcum veterem hæud faciliè invenias. Casaubonus in Commentario ad Persium: *Neque nos sanè apud ullum è veteribus Græcis id verbi meminimus legere. Et si Grammatici Græci utuntur, sed tanquam petito è vulgi sermone.* Contra tamen Turnebus ad Quintilianum locum: *Videtur innuere Fabius, canthus esse dictionem Hispanicam. Hac tamen Homerus in Iliade est usus.* Sed vellemus demonstrasse notis verba Homeri locumq; ubi posuit pro ferro hujuscemodi. Nunc diu frustra; quærimus, ac ne aliis quidem annotatum reperimus. Interim ex illo sive Græco seu Hispano κανθός Persius primus suum formavit *canthus*, quod propterea Quintilianus perstrinxit. *Quamquam, inquit post superius adducta, eo, tanquam recepto, utitur Persius.* Persii locus est in Sat. V.

-- -- *Quamvis temone sub uno
Vertentem sese frustra sectabere canthum.*

Perfium secutus est Martialis lib. XIV. in apophoretis, tit. *trochus*:
Iste trochus pueris, at mihi canthus erit.

Assimilat canthum trochopuerorum. Fuit autem trochus circulus magnus ferreus, quem pueri ludenter rotæ instar circumagebant. Itaq; Latini quoq; appellarunt *rotam*, sicut Græci, quod est idem, *ῥοχὸν*. Præcedit enim apud Martialem proximo versu: *Inducenda rota est*. Ubi rotam aliam intelligit nullam, quam quæ eidem trochus mox vocatur. Plauto *rotula* videtur esse in Persa Act. III. scen. 3. -- -- -- *Citius jam à foro argentarii*

Abeunt, quam in cursu rotula circumvertitur.


Scilicet de ludo puerili quia sermo est, diminutius uti maluit, usus simplici, si de vera & vehiculari voluisset loqui. Hanc rotulam non explicant satis viri docti. Dicunt ansa apprehensam in longum mitti consuevisse, ut volutaretur cum strepentibus annulis. Ansam illam Propertium appellasse *clavem*. Et leguntur verba Propertii lib. III. el. 13.

*Quum pila veloci fallit per brachia jactu,
Increpat & versi clavis adunca trochi.*

Sed hic nil Propertius de ista trochi missione in longum. Clavem dicit increpare trochi versi adunca. Ubi nihil aliud est *increpare*, quam efficere, ut quid strepitum vel sonum edat. *Adunca* vero *trochi* sunt annuli ferrei, per trochum dispositi, qui, commoti per trochi circumactionem, strepitum edebant. Unde Martialis lib. XIV. ep. 154. *Garrulus in laxo cur annulus orbe vagatur?*

Cedat ut argutis obviatur batrochis.

Orbem Martialis vocat hic, quod in superiori loco *rotam*, quod notandum. Vel, *adunca* illa potius sunt denticuli mobiles, circulis sive annulis adjungi soliti, strepitus majoris gratia. Exhibuit in trocho veterum Hieronymus Mercurialis lib. III. Art. Gym. cap. 8. cujus etiam hic imaginem subijcio:



Hic *a* sunt illa ipsa Propertii *adunca trochi*, sic dicta, propter capita utrinq; leviter inflexa, ne possent foraminibus, in quibus sursum deorsumq; movebantur, facile excidere. Cæterum hæc *adunca* Propertius increpare ait clavem, quem nos intelligimus non an-
sam, quæ apprehensus trochus mittitur, sed tenetur, atq; circum-
volvitur. Volvi enim, non emitti consuevisse docet ipse Persius, quando vocat *adunca trochi* non *missi*, verum *versi*. Hæc igitur *adunca* increpat clavis, dum trochum vertit, hoc est, rotæ instar crebrò volvit. Quod fiebat positus decussatim funiculis duobus in trocho, qui facerent instar radiorum quatuor, & ubi se in medio tangunt, firmata clave, quæ axis loco erat, teneriq; manu pueri solebat, ut, eo procurrente, rota sive trochus circa clavem circumvolveretur. Quale quid & hodie vulgatum esse per Germaniam consuevit. Sanè si ejectus trochus fuisset, quod existimarunt viri docti, frustra dixisset Martialis, annulos istos sonoros in eo adhibitos, ut turba obvia illi cederet. Poterat enim ejici, ubi turba esset nulla. Et quomodo turba *obvia* trocho, qui ejicitur uno in loco? Nam, ut ejicia-

tur locis pluribus diversisque, non necesse est. At quando cum trocho currunt, utiq; currentibus passim obvia est turba, quæ isto circulatorum strepitu submovetur. Circulos sive annulos expressos habes supra & signatos littera *b*. Additur iisdem tintinnabulum littera *c* notatum. Quod fortassis intellexit Martialis lib. II. per *argutum as* in trocho. *Tam laxus, quam celer, arguto qui sonat ære, trochus.* — Quomodo Silius Italicus de cymbalis lib. XVII.

Circum arguta cavis tinnitibus æra. — —

Quando Martialis dicit *celer trochus*, idem videtur ostendere, quod diximus, currere videlicet cum trocho consuevisse. Sed & Plauti verba istuc pertinent superius adducta. Nam circumvertitur rotula in cursu sicut suo, sic præcipuè illius, qui cum ea currit. Cæterum cum trochus iste puerilis similis rotæ fuerit, (quomodo & vocatum supra diximus, firmantq; Glossæ veteres, Bulengero & Turnebo citatæ, in quibus, *trochus rotæ genus ad ludum, trochus ludentum rotæ*, legitur) abunde manifestum est, cur eum dixerit esse sibi posse canthum, Poëta Martialis. Martialem imitati sunt & alii in vocis hujus usurpatione. Nam & Diomedes lib. III. *Rotæ satis latus ac brevius canthus, radiatus luminibus in angustum modioli circulum cohibetur*. Putat Casaubonus, diversa paululum notione hanc vocem usurpare Diomedem, ac Scriptores usurparunt alii. Verum mihi non videtur. Verba tamen ejus sine dubio corrupta sunt. Ecquid enim: *Latus ac brevius*, item, *radiatus luminibus*? Præcedit apud Diomedem: *Hi, qui in bello laborant, quotiens amissos ordines reparant, ex longo & disperso ambitu in brevem & arctum orbem coguntur, rotæ scilicet similitudine evertitantis*. Comparat colligentes se in prælio in angustum orbem rotæ vertitanti. Sic enim scribendum cenfeo pro *evertitantis*, quod est nihili, cum *rotæ vertitans* sit ea, quæ se crebrò vertit atq; circumvolvitur. Sicut enim illa rotæ extremæ sive canthi circumvolutio fit minor, breviorq; orbe absoluitur, quo propius ventum est ad modiolum, ita magnus ille orbis sese colligentiū postremò desinit in circulum angustum. Hæc sententia Diomedis, nisi fallor, unde liquet, verba præcedentia sic esse corrigenda: *Rotæ satis latus abbreviatus canthus radiatæ volu-*

*minibus in angustum modioli circulum cohibetur. Cohibetur, inquit, satis latus canthus in circulum angustum, voluminibus rotæ radiatæ. Volumina rotæ vocat ejus circumactiones, circumcursionationes. Circulum angustum modioli, brevem illum orbem, quem conficit modiolus, cum circumvolvitur, qui revera est angustus, si cum orbe canthi ejusq; circumvolutione conferas. Recte autem loquitur de rota radiata, quia illa sola habet modiolum, sicut supra demonstravimus. Canthos dixit quoq; Probus, verbis supra etiam adductis, ubi agebat: *Tympana coherentia axi, & juncta cantho ferreo.* Quibus verbis intelligimus, non radiatas solum rotas, sed & tympana ferro istiusmodi muniri consuevisse. Invenias & apud Augustinum libro de Princ. Dialect. *Via dicitur à flexu, quia flexum velut incurvum veteres vietum dixerunt: unde vietos, quod cantho ambiuntur, rotarum ligna vocant.* Dicit ligna rotarum ambiri cantho, & propterea vocari vietos, sicut supra quoq; notabamus. At pro vietos Scaliger vult vitos, quia sic Latini nominarint canthos, quod non possum comprobare. Quis enim verborum erit sensus; vitos vocant, quod cantho ambiuntur; si viti ipsi sunt canthi? Sed tamen canthos veteres dixere vitos. Quis hoc comprobat? Marius Victorinus, qui sic habet in Arte Grammatica, cap. de Poëtica: *Viere connectere est, unde vimen dictum virgulti species, & viti in rota.* Atqui nulla mentio canthorum in his verbis, tantum vitos esse in rota significant. Quid igitur, si dicamus apfides hic intelligi, ac legendum esse vietos? Quid, si retineamus scripturam istam, & cum Vossio dicamus, vitos esse ab Æolico *αἶτος* vel *βῆτος*, pro *ἵτος*? Non hic canthos habebimus, sed eodem modo iterumq; apfides. Certè mea opinione nihil derivatione ista veriùs. Nam quod in Glossis Stephani occurrit *καυθὸς ἵπος*, *urvus*, quis certò nobis dixerit in *vitus* oportere immutari? cum de cantho alias sit proditum à nemine. Ac potest fieri, ut auctor, quisquis est, earum *urvus* scripserit, quia canthi sunt *αὐράσιμα*, id est, urvi, vel ita flexi, ut redeant sursum versus, literæ *v* jacentis figura. Sed hæc conjectura est. De canthi patet, vitos aut vietos malè credi dictos à veteribus. Orbis potius dixere, sicut liquet ex Prudentii superius allatis verbis, ubi orbem*

orbem electri pro cantho usurpavit. Sicut autem rotæ summities muniri cantho solebat, ita radii ferro alio, quod Græci appellabant αἶλον. Pollux: τὸ ἑφ' ἐκάστη κνήμῃ σιδῆριον, αἶλος. Vertunt: *Singulorum radiorum lamina, pinna*. Ubi nescio, quid velint illæ laminae. Nam in Græco quidem nullæ sunt. Tantum hoc dicunt: *Ferramentum cuiuslibet radii appellari aëtum*. Atq; ita & Hefychius: Ἀεὶδος τῆς ἰσοχῆς τὸ κτῆλον κνήμιον ἐκάστων σιδῆριον. Quod Pollux aiebat ἐφ' ἐκάστη κνήμῃ, hoc Hefychius effert per κτῆ ἐκάστων κνήμιον. Quo intelligi videtur, ferramenta illa fuisse immissa per radios istos. Ac fortassis clavi erant ferrei, trajecti una per apsidēs, ut in iis capita radiorum tenerent firma. Nisi malimus exterius ambivisse, conclusosq; circa capita radios ad apsidēs firmasse. Nam alias τὸ αἶλος Hefychio κυμάτιον, quod alibi est χεῖλη, labrum, osculum, ad cuius similitudinem exterius, ut opinor, claudebant apsidēs. Necesse verò est, ut ferramentis hisce firmati fuerint ad canthos: Nam ad modiolum alio firmabantur ferro, quod vocabant πλημνόςειον aut θώρακα. Pollux: τὸ δὲ συνδέον πρὸς τὴν πλῆμνιν ἰσὺς κνήμας σιδῆριον, πλημνόςειον, ἢ θώραξ. *Ferrum radios modio colloigans, plemnodeton aut thorax*. Quando in singulari dicit σιδῆριον, commune unum cunctis radiis ostendere videtur, cum ex adversa parte singuli suum ferrum proprium haberent. Neq; aliud vult θώρακας vocabulum. Ambibat nempe modiolum in medio, ibiq; continebat radios. Modiolum ipsum custodiebat annulus ferreus, ne faciliè posset frangi. Pollux: τὸ δὲ ὑπεράνω αὐτῆς (τῆς περιειλημένης τῶν αἰχῶν) σιδῆριον, δακτύλιος. *Ferrum autem supernè cingens modiolum, annulus seu dactylios*. Δακτύλιον ostendit nominasse, quia revera nihil fuit aliud, quam annulus seu circulus. Fuit autem annulus hic ab ea parte modioli, quæ interior, & vehiculi sellæ propior. Habebat & exterior aliquem, similiter δακτύλιον vocatum. Id enim volunt verba Pollucis, quando paulò post superiora inquit: Τὰ δὲ ἐκείρωθεν ἰέλνηες ἰσοχῆς, δακτύλιοι. *Utraque verò extremitates rotæ, dactylii seu annuli*. Non possunt aliæ intelligi extremitates, quam quas diximus. De canthis enim prius egerat. Liqvetq; hinc, ἰατέλη ἰσοχῆς esse αὐρα, & modiolorum capita extrema denotare. Amplius modio inferabatur quoq; ferrum, ne posset atteri ab axe. Pollux: τὸ δὲ ἐπὶ τῆς πλῆμνης σιδῆριον, δ

ἰρίδιον ἄξονα, ἀταρνον, ἢ γάρνον, ἢ δέσπον. *Quod autem intra modiolum ab axe teritur ferrum, atarnum, garnum, aut destrum.* Tria ejus adfert vocabula. Et ἀταρνος nescio, an alibi sit mentio. Pro γάρνον Hesychius habet γαρνόν. Verba ejus: Τὸ ἔσω ἴνς πλῆμνις σισήριον, ὃ δὸν ἄξονα ἰρίδι, γαρνόν, ferè sicut Pollux. At apud Phavorinum γάρνον est. Neq; aliter invenias apud Auctorem Etymologici magni, qvii ipsa Hesychii repetit verba. Δέσπον pariter non invenio alibi, neq; scio, an se rectè habeat scriptum.

Cap. VII.

De Capso.

Capsum. Capsa. Innii error. Arca. Ploxinum. Ploxemum. Catullus explicatur. Sirpæa stercoraria. Ovidius exponitur. Sirpicula. Lectio Scaligeri repudiatur. Arcera. Clabulare. Clabula, clavula. Festus explicatur, ejusque lectio vetus defenditur. Τέρετρον. Ἑσχαρά. Ὑπερπερία. Πλινθρον. Βεπέρη unde. Eustathius refellitur. Iupiter Feretrius. Πλινθιον θεοῖ. Πελρινθα. Κάνναθρον. Xenophon & Hesychius emendati. Θέρηζον. Θερήζανον. Hesychius exponitur. Μόργ. Μολγός. Ἑσχαρά graticula. Vulcanii emendatio frustranea. Κλίμαξ. Διερ. Σέμα. Non semper duos tantum habuit. Τόν. Ἰμάλλοις. Stephani explicatio rejecta. Τάριον. Pollucis versio emendata, & dubium de quodam ejus loco. Πίναξ. Ἀνύξ. Μεσάτιον. Hesychius correctus. Κυρίον. Ἀσπις. Ἀξήτις. Ἀξίρις. Πτέρνα. Gualtherius rejectus. Vehicula ἐν σρόνια. Currus arcuatus, constratus, tectus, καμαροῦς, cameratus. Tympanum.

SUPEREST pars una, cui solent insidere in vehiculo, qvi vehuntur. **S**Latini ferè *capsum* nominarunt. Vitruvius lib. X. cap. 14. *Ad capsam rheda loculamentum firmiter figatur.* Et paulò post: *In rheda capsam, & vas aeneum.* Dubitant hoc loco, *capsum*ne in casu recto dici debeat, an *capsus*. Posterius profectò præfert Junius, prius Philander, Baldus, atq; alii. Sed in Glossis antiquis, ubi agitur de vehiculis, legas *capsum*, πλινθιον. Festus voce *plexinum*: *Ploxinum appellari ait Catullus capsam in cisio.* Addit tamen Festus *capsava*, aut, ut emendandum censent viri docti, *capsam ve*. Ita enim habent Schedæ Farnesianæ, servavitq; solum Paulus, quando scripsit: *Ploxinum capsam dixerunt.* Unde liqvet, *capsum* vel *capsa* rectum esse, *capsus* verò

verò Junii non legi. Fuit autem capsæ capsumve, ut exponit Philander, à capiendo dicta rheda pars, ubi, qui vectantur, sedent. Nempe capsæ speciem habebat, quam & arcam appellamus. Itaq; hæc ipsa pars arca dicta invenitur à Verrio apud Macrobi. lib. I. cap. 6. *Evenit, ut Circensium die puer de cœnaculo pompam supernè despiceret, & patri referret, quo ordine secreta sacrorum in arca pilenti composita vidisset.* Non est alia pilenti arca, quam capsum. An & *ploxinum*? Ita sanè velle Festus videtur in verbis antea citatis. Facit enim idem *ploxinum* & *capsum*. Pro *ploxino* apud Fabium est *ploxenum*, lib. I. cap. 5. *Catullus ploxenum circa Padum invenit.* At apud Catullum ipsum, unde ista Fabius adducit, *ploxenum* legitur, non *ploxenum*, aut *ploxinum*, servantq; libri veteres consensu hanc scripturam. Neq; tamen facilè quis dixerit, quæ sit melior, cum, quando Fabius Catullum ait invenisse apud Padum, Gallicam facere vocem videatur. Licet autem Gallis circa Padum fuerit in usu, tamen, sicut multas alias, ita hanc vel sumxisse, vel communem habuisse censeo cum Græcis. Neq; enim dubitare possum, quin conveniat *πλονιμα*, quod significat plexum contextumq; quid ex vitilibus. Et profectò significasse quid ejusmodi Catullus videtur. Verba Catulli, quibus exagitat Æmilius, sunt ista.

— — *Hoc dentes sesquipedales,*

Gingivas verò ploxemi habet veteris.

Loquitur de enormibus ipsius dentibus, & gingivis stercoreis. Has comparat ploxemo veteri. Cujus comparisonis ratio videtur nulla, nisi hic intelligamus, non capsum quodlibet, etiam politi ornatique vehiculi, vel arcam, sed qualis solet esse plaustrum agrestis, cum stercus fimusve illo devehitur in agros. *Sirpeam stercorariam* vocavit Cato de R. R. cap. 10. Verba ejus: *Vrpicem unum, crates stercorarias quatuor, sirpeas stercorarias tres.* Et fuerunt sirpeæ hæc in plaustris. Unde Ovidius lib. VI. v. 679. *Fastor.*

At Dominus, discedite, ait, plaustroque morantes

Sustulit, in plaustro sirpea lata fuit.

Quæ scriptura sollicitari non debet. Tali ergo sirpeæ comparat Catullus gingivas Æmilii, fimo scilicet turpi fœdata. Unde liquet, *ploxem*.

ploxemum fuisse quid compositum contextumque ex viminibus. Talis namq; & sirpea. Varro de L.L. *Sirpea, quæ virgeis sirpatur, id est, colligando implicatur, in qua stercus aliudve quid evehitur.* Sirpea nihil aliud, quam oblongè quadrata capsula, è virgis contexta, corbis instar, quæ imponitur vel trahæ, vel plaustro, rebus vilioribus in agro vehendis. A sirpeis sunt *sirpicula*, quarum mentio apud Nonium voce *holerorum*:

Tintinnabulum abest hinc sirpiculaque holerorum.

Citat Scaliger, *sirpiculique*. Sed sic habent codices apud Nonium, convenitque, quod & *sirpea*, non *sirpei* dicantur. Ostendit autem Lucilius, cujus est prædictus versus, sirpiculas hujusmodi ad vehenda etiam olera usurpatas. Credo, qualia eruta ex hortis evehi rejiciq; solebant, aut alias non magni erant pretii. Jam cum ploxema hujusmodi sint sirpeæ, non possunt esse capsulae propriè ita dictæ arcæve. Nam hæ non fuerunt ex viminibus, sed tabulis. Varro lib. IV. de L.L. *Arcera etiam in duodecim tabulis appellatur. Quod ex tabuleis vehiculum erat factum ut arca, arcera dictum.* Vides hic arcam vehicularem similem arcæ vulgari ex tabulis, unde nomen ipsum vehiculi, *arcera*. Meminit & Gellius lib. XX. cap. i. *Arcera autem vocabatur plostrum tectum undique & munitum, quasi arca quedam magna.* Sed de hoc vehiculo deinceps. Illud conitat, arcam non fuisse vitilem aut sirpatam virgis, verum junctam contextamq; ex tabulis. Quod similiter de caplo judicandum. Differēbat quoq; arca sive capsum à sirpea seu ploxemo in eo, quod hoc esset ferè unus semper formæ, illud verò variæ. Aliter namq; se habebat in cissio, aliter in rheda, aliter in bigis quadrigisque, sicut suo loco apparebit. Interim & arca, & sirpea, & ploximum generali voce *capsa*, ut ex Festo liquet. Præter dicta verò genera, uno ex tabulis, altero ex vitilibus, fuit tertium ex clabulis, quod vocarunt *clabulare*, sive clavulare. In hoc genere illud, quod alias est capsula, fuit non solidum, sed transparens, clabulis videlicet aut clavulis distinctum. Clavula est à clava, baculumq; aut fustem significat. Meminit Varro lib. I. R. R. cap. 40. ubi *clavolam* appellat. *Videndum, ut sit de tenero ramo, ex utraque parte æquabiliter præcisum, quas alii clavolas, alii*

taleas

taleas appellant, ac faciunt circiter pedales. Hic bacillus teneris rami pedali longitudine est clavola. Cum igitur id, quod supernè imponi vehiculo solebat, ut in eo vehi possent sive res sive homines, scalæ prope modum specie, crebris hujuscemodi bacillis fuit circumquaq; munitum, *vehiculum clavulare vel clabulare* dicebatur, Clabulam seu clavulam bacillum esse Festus quoq; docet voce *Ignis: Ignis Vesta si quando interstinctus esset, virgines verberibus afficiebantur à Pontifice, quibus mos erat, clavulam felicitis materia tamdiu terebrare, quousque exceptum ignem cribro aneo virgo in adem ferret.* Ita optime hæc verba legit Scaliger, cum ante esset *tabulam*, non *clavulam*. Intelligit enim Festus nihil aliud, quam bacillum, quem in alio tamdiu rotabant & circumagebant, donec scintillas emitteret. Quod autem Scaliger pro *terebrare* facit *terere*, fit frustra. Terebrabant enim altera clavula, quam propterea & τέρετρον Simplicius, Theophrastus τρύπανον vocarunt. Simplicii sunt verba lib. III. de Cælo: Ἀπὸ ξύλων ὃ πῦρ ἐκβάλλουσι θάτερον τῶν ξύλων, ὡς τέρετρον ἐν θατέρῳ περιτρέφοντες. *Ignem è ligno eliciunt, alterum lignorum tanquam terebram in altero circumvertendo.* Theophrasti extant lib. V. Hist. Plant. Δεῖ τιῦν ἐσχάραν ἐν τέτῳ ποιεῖν, τὸ ὃ τρύπανον ἐκ δάρμης. Theodorus Thessalonicensis ista vertit ad hunc modum: *Sed conceptaculum ex hac, teretrum verò ex lauro faciendum censent.* Ubi vocat conceptaculum, quod Theophrasto est ἐσχάρα. *Vaginam terebri* reddiderunt aliqui ex Lexicographis veteribus. Revera nihil fuit aliud, quam clavula seu tessella cava, in cujus foramine alia instar terebri circumagebatur. Quomodo & hodie usurpant in Indiis Orientalibus, quod ipse vidi. Dicta verò Græcis ἐσχάρα, ut opinor, partim, quod esset cava, partim, quod in ea, velut foco, ignis excitari soleret. Cæterum vehiculi pars ea, de qua hætenus locuti sumus, Græcis esse ὑπερέστια videtur. Ostendit Pollux, quando post sellam vehiculi, ejusq; partes, tandem claudit: Τὸ ὃ ὅλον ἐπίθεμα καλεῖται ὑπερέστια. *Totum autem illud, quod imponitur, (axi rotisq;) vocatur hyperteria.* Puto enim hoc velle, sellam cum omnibus suis partibus, & quicquid ei supernè in vehiculo junctum est, ὑπερέστια dici. Atq; sic Hesychius: ὑπερέστια, τὸ ἄνωθεν τῆς ἀμάξης ἐπὶ τοῦ δέμνον. *Hyperteria id, quod supernè impositum est*

vehiculo. Idem vocat & ὑπερτερειν, paulò post, ubi ait esse τὸ πῆγμα τῆς ἀμάξης, hoc est, *pegma vehiculi.* Intelligit autem per πῆγμα sive pegma compactum conjunctumq; aliquid ex tabulis & lignis. Quomodo ex tabulis hujusmodi fuere pegmata ædificiorum, theatrorum, & similium. Homero ipsi est ὑπερτερειν, *Odyss. Z.*

-- Ἀτὰρ τοι δμῶες ἐφοπλίσσουσιν ἀπίνην
Ὑψηλὴν, εὐκυκλον, ὑπερτερειν ἀραργῆαν.

Ceterum famuli apparabunt tibi currum altum, rotis bonis instructum, cum capso. Scholiastes vetus eo loco: Ὑπερτερειν, πῶς ἐπιτιθέμενον πλινθίων τῇ ἀμάξει, πρὸς τὸ πλείονα βάρη φέρειν, ὑψηλὸν αὐτῷ, ὃ καὶ πλίνθρον καλεῖται. Ἡ πῶς ὑπὲρ αὐτῷ τῆς ἀμάξης τετραγώνῳ ξύλῳ δεχομένῳ τὸ ἐπιτιθέμενον φορτίον. *Hyperterie, id est, plinthio, vel oblongè quadrato, quod vehiculo est impositum, ut gestare onus possit majus, altissimo, quod & plinthrum appellatur, aut vehiculi in summitate ligno quadrato, continente onus.* Ubi nota, πλίνθρον quoq; nuncupari. Puto autem per πλίνθρον vel πλινθίων nihil aliud indicari, quam quadrata forma, sed oblongiore capsam. Atq; sic accipio illud ξύλῳ, quasi sermo sit de tabulis. Eustathius eodem loco ita habet: Ὑπερτερειν, τὸ ἐπιτιθέμενον τετραγώνον πλινθίων τὸ ἀξονι, πῶς ἰδὲ ὑπερκειῖσθαι αὐτῷ. Ἐν ᾧ Ἰλιάδι πείρινα τέτο εἶπεν ὁ ποιητής. Σημείωσαι δὲ ὅτι τὸ τοῖς τον ὄνομα φέρεται πῶς καὶ ἑως ἀρξί. Ἐθνηκοὶ γὰρ Ἰταλικοὶ παρακλώπτες, βερέτην ταύτην φασὶ καὶ παραφθορὰν. *Hyperteria verò impositum quadratum plinthium super axem, ita dictum, quod incumbat illi.* At in Iliade vocat *peirintham* Poëta. *Obserua verò, quod hoc vocabulum efferatur nunc quoquo modo.* Nam populi Italici circumscindentes illud *berteram* appellant per corruptionem. Notabimus in verbis hisce βερέτην vocem, nihil enim proditum de ea in illorum libris, qui cum cura voces istiusmodi collegerunt. Sed quid ita pars hæc dicta est *bertera* Italicis hominibus? Ego vocem censeo corruptam, non ex *hyperteria*, quod existimat Eustathius, sed Latina *feretro*. Nam *feretrum* significasse priscis non lepticam mortualem solum arbitror, sed quodcunque, quo quid ferri posset. Quomodo & φέρετρον, unde venit *feretrum*, seu *pheretrum*, Græcis, vel, quod idem, φέρτρον, illud, in quo quid gestatur. Polybius apud Suidam in hac voce: Τότε καὶ τὸν πεφλημένον ἤκεν ἔχοντα τὸν ὕν ἐν φέρετρο καὶ λίθους ὡσεὶ χιλιούς. *Tunc amatum sibi misit, habentem*

sem aprum in feretro, & Libyos quasi mille. *οἱ ἑρτρον* nihil aliud hoc loco, quam id, quodcunq; denique, in quo jacentem aprum gestabant. Et apparet idem ex Feretrii cognomento, quem sic à ferendo, non feriendo dictum verisimile est, cum à feriendo *Feritrus*, non *Feretrius* appellari debuisset. Quando autem de hypèrteria, ut ad illam revertamur, dicit Eustathius, quod fuerit non *πλινθιον* simpliciter, sed *τετράγωνον πλινθιον*, id est, *plinthium quadratum*, de figura ejus loquitur in vehiculo illo, de quo ibi Homerus. Nam in aliis vehiculis hæc pars interdum fuit alia figura. Quia tamen in communibus & ad onera gestanda usurpari solitis hæc pars quadrata ferè, igitur & in Glossis legimus, ubi agitur de *ἀμάξῃ* sive carro, *Capsum*, *πλινθιον*. Nam alias *capsum* non fuit semper quadratum, ut prædixi, quod tamen vox *πλινθιον* exigere videtur. De qua, num revera capsum, an nudam simplicemq; tabulam, absq; margine clausisq; lateribus significet, dubitari poterat, nisi fide sua dictum Glossarium intervenisset. Nam cæteri, qui exponunt voces Græcas, de hac ejus significatione nos docere omiserunt. Nisi ad hunc modum explicemus Pollucem, quando lib. I. cap. 14. de *ὑπερτερία*: *Ἦς τὰ ἐκατέρωθεν πλευρὰ, θαιροὶ καὶ ἄνται, δὲ ἰὸς καὶ ἄριστερος.* *Cujus latera utrinque vocantur theri, dexter & sinister.* Ubi simul, quod nos docet de *θαιροῖς*, notandum, ita nempe Græcis capsilatera esse nuncupata. Cæterum pro *ὑπερτερία* Homerum usurpare *περίρθα* monuerat Eustathius in superioribus. Et occurrit apud eum cum alibi, tum II. α.

Αὐτὰρ ὅγ' ἦς ἀμάξαν ἔντροχον ἡμιονεῖν
 Ὀπίσσει πῶγαι, περίρθα δὲ δῆσαι ἐπ' αὐτῆς.

At hic filios currum cum bonis rotis mularum apparare jubet, & super eum ponere alveum. Retinui vocem *alvei*, quia alii sic reddere voluerunt. Nam quid verè fuerit, liquebit ex sequentibus. Eustathius sic habet: *Περίρθα λέγει τὸ πλινθιον τὸ ἄνω τῆς ἀμάξης, ὅπερ τὰ φορτία ἐπιτίθενται, διὰ τὸ ὑπερκεῖσθαι τῆς ἄξης.* Οἱ δὲ παλαιὸι ἔτιω φασί· *Περίρθα τὸ τετράγωνον πλινθιον τὸ ἄνω περιδένον τὰς ἀμάξαις, πελεκόμενον δὲ τὸ ῥιπῶν.* Ῥίπης δὲ οἱ τῆς οἰσύας λίθοι. Ὅστε εἶναι ῥίπιν θά. *Peirinthha vocat quadratum illud super currum, super quod reponuntur onera, quia incumbit axi. Veteres autem ita dicunt: Peirinthha est plinthium quadratum, quod vehiculis circumdatur.*

cum datur, plexum ex viminibus. Sunt autem vimina virgæ ex salice. Apparet ex his verbis, peirintham fuisse propriè non ex tabulis, sed viminibus. Atq; sic Hesychius, qui πείρινθον appellat: πείρινθος, πλέγμα τὸ ἐπὶ τῆς ἀμάξης, τὸ πλινθίον τὸ ἐπιβήμενον τῇ ἀμάξῃ τεράζωνον. *Peirinthus, plexum in vehiculo, plinthium, quod in vehiculo ponitur, quadratum.* Πλέγμα vocat, quod est opus è vitilibus. Convenit & Didymus, ut legimus apud Etymologicum auctorem: ὁ Δίδυμος, τὸ ἐκ ῥιπῶν περιπλεγμένον πλινθίον, ῥίπενθα, καὶ καὶ ὁ ὑπέρθεσιν καὶ πλεονασμῷ τῆς πείρινθα. *Didymus ex vitilibus plexum plinthium rhipentha, & per adpositionem pleonasmumque litera i peirinthia* dicit appellari. Omnes peirintham accipiunt non ex tabulis, sed vitilibus confectam. Unde colligas, fuisse talem, qualis *pleximum* Latinis dictum est. Xenophon vocavit κάνναθρον. Idem Etymologus: Δίδυμος πείρινθον λέγει τὸ ἐκ ξυνοφῶν καλεῖσθαι κάνναθρον, ἑπεὶ καὶ κάνη ἢ ψιάδι. *Didymus peirinthum* ait à *Xenophonte* appellari *cannathrum*, quia & cane, juncus, sive calamus. Scio, κάνη etiam cum ν simplici occurrere, sed hic duplicari debet, ut appareat, ex eo κάνναθρον oriri. Atq; sic Eustathius, ex Didymo eodem, ut opinor: ὁ Ἰξυνοφῶν, κάνναθρον αὐτὸ φησί. Κάννη γὰρ ἢ ψιάδι. *Xenophon autem id* (peirinthum) *cannathron* appellat. *Canna enim calamus.* Ubi apud Xenophontem locus extet, in quo ea vox legatur, non est promptum invenire. Citat Stephanus ex lexicis vetustioribus, sed absq; loci nomine, hæc ejus verba: Ἐπὶ πολιτικῇ κανάθρῃ πατήρ εἰς Ἀμύκλας. Sed in his καννάθρῃ legi oportere certum est vel ex superioribus. Neq; aliter apud Hesychium scribendum, quod vel ipsa litterarum & vocabulorum series testatur. Antecedit enim proximè, κανναβιδόνηαι, sequitur, κάννας. Hodie sic legitur: Κάνναθρα, αἰσγάλη ἢ ἀμάξα πλέγμα δὲ ἔχουσα, ὃς ὧν πομπεύουσιν ἀγῶνα δέονται, ὅταν εἰς τὸ τῆς Ἑλένης ἀπίωσιν. *Canathra clittle, vel vehiculum habens quid è viminibus cannisve contextum, super quod pompam celebrant virgines, quando ad festum Helenæ abeunt.* Scribendum κάνναθρα, vehiculum, namq; hoc à καννάθρῃ dictum, de quo agimus. Cum autem κάνναθρον sit à κάνη, sequitur hoc genus plegmatis fuisse non ex vitili quocunq; nec ex saliceis virgis, sicuti de πείρινθῳ annotavimus, sed ex canna, vel arundine palustri. Hæc enim Græcis propriè est κάννη, calamo major,

major, arundine minor, uti Columella testatur. Quod notandum, quia liquet, etiam ex hoc genere plectere apud veteres hanc vehiculorum partem consuevisse. Est ejusdem generis & *θήρηγον*. Hesy chius: *θήρηγον*, τὸ ἐπὶ τῶν ἀμαξῶν παρὰ πλεγμα, τὸ ἐπὶ τῇ τῶν ἀσχυῶν παρὰ κομιδῇ γινόμενον. *Theregnon est contextum super plaustra, factum ad de-*

portationem frumentorum. Non aliud existimo intelligendum, quam quod vel ex calamis vel ex virgultis construebatur, corbis instar, & imponebatur plastro, ne exciderent minuta in id posita.

Qvale puto, & *θήρηγον* vocasse, cum illius usus esset maximus in messe. Hesy chius generatim dicit, partem plastris fuisse. *θήρηγον*,

μέρος τῆς ἀμαξίας. Vix potest aliam significare partem, quam quæ nobis dicta est, cum præsertim *θήρηγον* per contractionem factum à *θήρηγον* videatur. Appellarunt quoque μέρος. Idem: μέρος, φρά-

γμός, καὶ τὸ ἐπὶ ταῖς ἀμαξίαις φράγμα, ἐν ᾧ τὰ ἀχυρά φέρονται, καὶ σπυρίων τεύχος, ἄλλοι τευχόβοι.

Morgus, septum vel sepimentum plastris impositum, in quo paleas vehunt, & vas coriaceum, alii teuchoboium vocant. Pos-

sis hinc colligere, quod construxerint quandoque etiam ex corio, cullei fortassis modo. Unde ille ipse voce *μολγός*, quæ idem signat:

Ἄλλοι δὲ μολγὸν τὸν βέειον ἀσκὸν, τίθεται καὶ ἐπὶ τῶν ἀμαξῶν. *Alii molgum vocant saccum coriaceum, imponitur verò & plastris.* Appellarunt

autem *πειρίνθα* etiam *ἰσχάραν* Græci, maximè recentiores. Eusta-

thius ad Odyss. O. Ἐν δὲ ἀν πείρινθα, καὶ ἡ πρὸ τέτων ῥηθεῖσα πᾶς ὁπερ ἐστὶν ἐπὶ τῆς καὶ πλὴν Ναυσικάν ἀμαξίας. Ὅπερ οἱ ὕστερον ἰσχάραν καλεῖς. *Peirinthæ est,*

quæ ante hæc hyperteria dicta, in vehiculo Nausicæ. Posteriores escharam appellant. Ita quidem Eustathius. Verum puto diversum quid

ἰσχάραν à *πειρίνθα* fuisse, sic, ut illa esset plexa ex cannis aut viminibus more corbis, hæc verò ex asseribus tenuibus cancellatim junctis

fabrefacta, qualis hodieque cernitur nostris in vehiculis. Ita enim velle vox *ἰσχάρα* videtur, ut quæ cratem notet, vel craticulam. Glos-

se veteres: *Ἐσχάρα, graticula.* Sic scribebant seqvioribus temporibus pro *craticula*, ut necesse non sit cum Vulcanio hic aliquid mutari. Habes enim in similibus Glossis *gras*, pro *cras*, *grassus*, pro *cras-*

sus, & hujusmodi. Hinc & alibi: *Graticula, ἰσχάρα*, cum apud Philoxenum sit *Craticula, ἰσχάρα*. Craticula porro coquinarium est in-

strumentum, cujus regulas ferreas rectas transeunt alia transver-
sæ, ut inter singulas sit spaciū vacuum quadratum. Ad hanc igitur
effigiem pars illa vehiculi posterioribus temporibus elaborari cœ-
pta. Unde forsitan & nomen ἐσχάρας invenit. Pollux κλίμακα voca-
vit, ut opinor, lib. I. cap. 14. ubi partes ἀμάξης sive plaustrī enumerat.
Ita verò describit: κλίμαξ, τὸ πρὸ μιν κει-
συνεστῆκος, καὶ μέσας ῥάβδους, πρὸς δὲ μὲν πλείους, ὀπίσθην δὲ ἐλάττους ἔχον, ἐν μέσῳ δὲ
πλὴν ὑπερτερίαν ἐνηρμοσμένην. *Climax sive scala praelongum est lignum, supra
axem, ex lignis constans quatuor, habens in medio baculos in priore qui-
dem parte plures, in posteriore verò pauciores, in medio sustinens imposi-
tam hyperteriam.* Ubi nota, etiam Pollucem facere diversa κλίμακα
& ὑπερτερίαν, hancq; illi imponere. Fuit ergo κλίμαξ id, quod proximè
incumbebat axi, plane sicut & ἐσχάρα, nec ab hac diversum extitit,
nisi quod ἐσχάρα bacillos haberet & in longum & in transversum, in-
star craticulæ, κλίμαξ tantum in transversum, instar scalæ. κλίμακα
deinde seu ἐσχάρα incumbebat ὑπερτερία, sive capsula, eaq; vel ex tabulis
vel ex vitilibus baculisve facta, si quæ incumbebat. κλίμαξ enim vel
ἐσχάρα modò incumbebat nuda, modò imposita sibi habebat alia,
quæ voce generaliori vel ὑπερτερίαν Græci, vel πείρινθα, vel κάρναθρον,
vel θέρωνον vocabant. Nuda, si quæ portanda majora, crassiora, ru-
diora. Non nuda, si quæ alia, & præsertim homines. Ad quos maxi-
mè spectabat, quod vocabant δίφρον. Memorat in bellicis vehiculis
Homerus, ut Minervæ Il. E. & Hectoris Il. A. & plurimorum alio-
rum. Atq; ita facit Pollux quoq; lib. I. cap. 10. qui de bellicis vehi-
culis totus est intelligendus. In non bellicis, sed civilibus, Pinda-
rus, qui ob causam hanc Musarum currum δίφρον appellavit. Verba
sunt in Isth. Od. 2.

Ὅσοι χρυσὰ μύκων
εἰς δίφρον Μοισῶν ἔβαι-
νον, κλυτὰ φόρμιγγι συνανθόμενοι.

*Quicumque in currum Musarum aurea redimicula habentium adscen-
debant, obviam procedentes cum incluta cithara.* Δίφρον hic est ἄρμα.
Ita enim & in Pyth. Od. 5. vocat currus, quibus utebantur in specta-
culis. Verba ejus sunt ad Arcefilaum, curru (ἄρματι) victorem.

-- -- Ἐν τεσσαράκον-
 τα ῥῷ πέλονται ἰα-
 νίοχοισιν, ὅλον δὶ φρον κομι-
 ξας ἀλαρεῖ φρενί,
 ἥλθεες ἥδη διδύας πεδίον.

Inter quadraginta lapsos aurigas integrum currum referens intrepido animo redisti jam in Libye campum. Habes similia in iisdem Pythiis Ode 4. & 2. & in Olymp. Od. i. unde constat & in ludicris vehiculis δῖφρον habuisse. Fuit autem δῖφρον, in quo confidebant. Eustathius II. r. δῖφρον δὲ τόπον τῷ ἀρμαλῷ, ὁ τῶν ἱππέων φέρων, & c. ὡς μάλιστα τοῖς ὑσέρον, καὶ ἐπὶ κοινότερον λεγομένης σέλλας ἢ λέξης κειμένη εὐρηται. Dicit, hoc vocabulum significare locum in vehiculo, ubi, qui vehuntur, confident, vulgoq; appellari quoq; σέλλαν, id est, *sellam*, quod notandum. Idem ad II. X. δῖφρον λέγει τὸν ἐπὶ τῷ ἀρμαλῷ κορυφαῖον τόπον, ἐφ' ᾧ παραβάτης ἐδύνωτο. Καὶ ὅτι ὑψηλὸς ἦν ὡς δηλοῖ τὸ, ἐς δῖφρον ἀναβάς. *Diphron vocat locum summum in vehiculo, in quo conscensor est auriga. Quodque sit altus, apparet ex eo; in diphron enititur.* Duos tantum ait ibi consedissee, conscensorem & aurigam. Et hinc quoq; putat accepisse nomen. Ita enim habet ad II. P. δῖφρον λέγειται διὰ τὸ δύο φέρειν. *Diphros dicitur, quod ferat duos.* Quamquam non omnino ibi videatur in hanc derivationem inclinare. Convenit tamen Scholiastes vetus: δῖφρον εἰρηται ὅτι δῖφρον ἔστι. Δύο ῥῷ φέρει, τὸν ὀπίσθιον καὶ τὸν ἡνίοχον. *Diphros dicitur, quod sit diferus, duos enim fert, armatum, & aurigam.* Habet his similia & Etymologus. Ac fortassis ab initio & in militaribus sic fuerit. At verò semper & in cæteris hoc observatum non opinor. Certè plures in Musarum δῖφρον locat Pindarus, & in δῖφροις ludicris stare singuli consueverant, ut ex monumentis priscis certum est. Diphros porro iste, præsertim militaris, subtus erat structus conjunctusq; lignis, latera ipsius continentibus, quæ appellabantur omnia simul juncta τόνος. Sic enim intelligo, quod ait Pollux: Ἡ μὲν ἱμάντωσις τῷ δῖφρον, τόνος καλεῖται. Vertunt: *Et sella colligatio dicitur tonus.* Colligatio hæc difficulter intelligitur. Ἰμάντοσιν vocarunt Græci, quando lignis transversariis continebat paries parietem, alii innexum, sic, ut in neutram partem posset inclinare. Suidas: Ἰμάντωσις

δῖφρος.


ὁ δέ τις ξύλων ἐμὲ ἀλλομένων τοῖς οἰκοδομήμασιν. Intelligit tigna transversaria, quibus continentur erecta, ne procumbant. Tale quid & τόνⓈ fuit in Græcorum diphro, sive sella. Stephanus exponit *funes loreos, qui intenduntur currui*. Sed hoc fieri non potest. Liqvet enim ex Polluce, super tonum sellæ latera fuisse. Τοῦ ὑπεράνω ἀπὲ (τόνε) περίφραγμα, inquit, hoc est, *quod supra tonum, est periphragma*, ubi est περίφραγμα, quod sellæ latera constituit, & post indicabo. Deinde fuit τόνⓈ, sive tonus, ima sellæ pars, quod ex eo liqvet, quia habuit scabellum ante se, quod adscendebant primum, qui enitebantur, in currum. Igitur non potuit materia ipsius fuisse ex loris. Equidem ex loris sæpe τόνοι esse solent; sed, ut sint ex loris, non necesse est, cum, quicquid est protensum in longum quocunq; modo, id sit τόνⓈ. Nec diversum exigit ἡ μάθησις, quam etiam de lignis usurpari Suidas testis est. Super τόνον fuit τάρριον. Ita nominarunt sellæ latera, credo, quoniam in morem cratium fuere plexa ex viminibus, aut bacillis. Est enim τάρρος, unde τάρριον, πλέγμα καλὰ μινον, id est, *plexum quid ex arundinibus*, aut similibus, ut Hesychius nos docet. Pollux: Τοῦ δὲ ὑπεράνω ἀπὲ (τόνε) περίφραγμα, ὃ σκύθῃ εἴωθε διαλαμβάνεσθαι, τάρριον. Vertunt: *Quodque super hanc est, circumseptum, quod & tarrium dictum, corio tegi solebat*. Perperam. Debebat ita: *Quod verò super hunc (tonum) est circumseptum, quod corio induci solet, tarrium vocatur*. Discas ex hoc loco id, quod dixi. Nam si tarrium ex solidis fuisset tabulis, corio tegi nihil opus erat. Nunc autem tegi consuevisse constat, plane sicut hodieq; fieri aliquando solet. Habebat autem τάρριον tria latera, quæ respiciebant eqvos. Pollux: Τρεῖς δ' ἔχονⓈ τὰ τάρρια πλευρὰς τὰς καὶ τὰς ἰσπας. *Tria verò latera equos respicientia habente tarrio*. Sed cur tria tantum, & non quatuor? Videlicet non omnis generis vehiculum describitur hic à Polluce, verum cuius usus fuit in militia, quod jam supra monebamus. Erat autem hoc similitimum illis, quibus in circo decurrebant ad metam. Ideò habes inter numeros veteres Græcos etiam istum apud Goltzium:



Stant hic duo in diphro, ὁπλίτης alter seu armatus, ut supra cum appellabat Scholiaſtes Homeri, cum intenſo ad iſtum arcu, alter ἡνίοχος seu auriga cum frenis in manu. Diphros autem ſive ſella plane talis, q̄ualis fuit & in ludicris vehiculis. Hoc eſt, q̄uā non habet niſi tria latera in altum, q̄uartum à tergo patet, planumq; & recedens ſervit adſcenſui. Q̄uare meritò tria tantum tarrii latera agnoſcit Pollux. Dicit autem reſpexiſſe eq̄vos, non q̄uod illa latera omnia eq̄vis fuiſſent obverſa, ſed q̄uod ſaltem non averſa, ſicut q̄uartum. Nempe q̄uidam diphri ſunt, q̄vi patent anterieus, ut apparet ex vehiculo Matris Deum aut Cybeles, q̄uod delineatum habes apud Roſſinum lib. II. cap. 3. & carpento Agrippinæ, propoſito in nummo, q̄vem in ſubſequentibus delineatum dabimus. Item alio vehiculo, cujus extat imago in Notitia Imperii. Huius generis non eſſe illum, de q̄uo hoc in loco agat, declarare Pollux voluit, q̄uando omnia tria latera eq̄vis dixit eſſe obverſa. P̄ergit autem poſt ſuperiora: Τὸ ἀνώτατον ξύλον καὶ πάντα καλεῖται δεξιὸς καὶ εὐώνυμον. Vertunt: *Supremum eorum lignum panax dexter vel ſiniſter dicitur.* Verum cur omittunt illud καὶ? Καὶ πάντα καλεῖται, ait auctor. Puto plane Græca ita diſtingvenda: Τὸ ἀνώτατον, ξύλον καὶ πάντα καλεῖται. Ut ſit ſenſus, habere ſummitatem illam duo vocabula, nominariq; & *xylon*, & *panax*. Q̄uanq̄vam illud πάντα mihi valde ſit ſuſpectum. Q̄uā namq; ratio appellationis huius? πάντα ſanè, q̄uā & πανάκεια ab ἄν, id eſt, medicina, cujus utiq; non eſt in hoc argumento locus. Q̄uid igitur, ſi legatur πῖναξ? Et exiſtimo, ſignificare ſummam


tentabat illam lignum erectum, quod μεσάτιον & ἐμπρόσθιον vocabant. Alterum existimo, quod capanæ mediæ sustentandæ foret subditum, alterum, quod in fronte diphri esset collocatum. Μεσάλις mentio est quoque in Hesychio, sed verba malè connectuntur cum nonnullis aliis, quæ præcedunt, & huc nihil faciunt. Μεσάτιον, μέσον, καὶ μέρ-
 ϑ· τῷ ἄρματι ϑ·. Sic scribendum, & post μεσάωριον, quod præmittitur, ponendum punctum. At verò ligna, quæ in angulo utriusque lateris versus equos, Polluci μέλιλα. Verba ejus: Αἱ δὲ δίδυμοι, αἵ εἰς τὰς ἑπτας βλέψασα δὲ τῆς καπάνης μέχρι τῷ κυλίῃ, μέλιλα. Sed gemini equos respicientes à capana ad ipsam curvaturam usque, metela. Δίδυμες nominat, quod essent ligna duo, unum à dextro, alterum à sinistro latere, sibi similia. Hesychius ea non μέλιλας, verum, una syllaba auctius, μέλιλάας appellavit. Μέλιλάα, αἱ ἐξ ἐκείνου μέρες τῷ ἄρματι ϑ· ῥάβδοι. Metetila, baculi ex utraque parte vehiculi. At quod Pollux vocat τὸ κυλίον, arcum esse censeo, qui antrosum diphron ambibat. Mox κυρίεμενον appellat, & à Græcis dictum ait ἄσπιδίσκην. Τὸ δὲ κυρίεμενον, ἄσπιδίσκη. Vertunt: Ipsaque curvatura, furca. Verum ἄσπιδίσκη non est furca. Ἀσπίς Græcis scutum: hinc ἄσπιδίσκη. Credo, quod figura esset lata curvaque, scuti more. Itaque Pollucis verba sic reddenda: Ipsa verò curvatura, scutulum. Pergit Pollux: Τὸ δὲ δὲ τῆς ταύτης (ἄσπιδίσκης) καὶ τόνον κεκαμμένον, ἄζηλīs. Pars ab hac juxta tonum inflexa, azelis. Ita habet versio Gvaltheri. Quæ si bona est, in Græco ἄζηλīs legendum. Hesychio est ἄζηρις, qui exponit τῷ ἄρματι ξύλον, lignum vehiculi. Fuit autem, credo, reflexum à scutula lignum, ab extrema sui parte claudens latera. Memorat & ligna alia intus in sella sive diphro Pollux, quædam erecta, quædam transversa, quæ ipsam continebant. Quæ cum faciliè intelligantur, recensere hic omittimus. Ultima pars superest, quæ πτέρνα dicitur. De ea Pollux ita: Τὸ δὲ πρὸ τόνου οἱ πρῶτον ἀναβαίνουσι οἱ ἐπιβαίνοντες, πτέρνα. Pars, quæ ante tonum est, cui conscendentes insunt, scabellum. Sic Gvaltherus. At verò πτέρνα non est scabellum, sed τὰ ἑσχαλὰ μέρη, quælibet extremitas. Latini calcem dicunt, aut pedem, similiter hoc sensu. Nec in diphro fuit alia, quam pars ab equis averfa, pronior nonnihil in terram, unde adscensus in carrum dabatur. Verum quoniam hæc cuncta valde sunt obscura, nisi aliqua

declarentur imagine, placet hic apponere figuram diphri veteris, prout in nummis reperitur, in quibus bigæ ac id genus occurrunt. Confer Goltii nummos Syracusanos in tabula prima, Messanenſes in tabula ſeptima, Himeræenſes in tabula undecima, & alios.




A. ἐστὶ τὸν Θ. Β. τὰ ῥῆμον. C. πᾶναξ. D. καπᾶνη. E. μεσάτιον. F. μετῆλα. G. ἀσπίδι-
σκη. H. ἀζηλὶς. I. πῆρυγ. Et hic quidem diphros est Græcorum in vehicu-
lo militari. Cui hac parte fuit simile vehiculum circense. At in cæ-
teris alia ejus fuit forma, sicut supra quoq; annotavimus. Facit au-
tem Pollux stantem supra ὑπερστέρα. Quod non sic intelligendum,
quasi ea ὑπερστέρα capsæ instar fuerit, sicut ante diximus de ὑπερστέρα.
Nihil enim tale cernitur in antiquis monumentis, neq; ratio per-
mittere videtur. Nempe generalis vox ὑπερστέρα est, ac id omne de-
notat, quod axi aut vehiculo imponitur. Erat verò id generis ferè
duplicis, vel cum parietibus, vel sine ipsis. Cum parietibus, ut in ca-
pso

pso, firpiculo, & hujusmodi. Qvod parietibus fuit destitutum, id erat rursus duplici in differentia, nam vel ex nudis planisq; compositum fuit tabulis, qvo fortassis spectat specialiiori sensu, qvod exponunt *πλινθίων τετραγώνον*, qvoniam *πλινθίων* in communi vita notat laterem, cui similis illa tabula qvodammodo fuisse videtur, qvia erat & quadrata, & oblonga, & plana, nullisq; parietibus munita. Vel ex regulis ligneis contextum instar cratis, qvod propriè intellexisse Græci per *ἰσχάραν* videntur. Hujusmodi *ὑπερτερίῃ* imponebatur *δίφρα* sive sella. Sic enim imponere & alia solebant. Et en tibi plaustrum cum hyperteria instar tabulæ, super quam stat capsula viminea cum herbis, qvalis sirpea Latinis.



Exhibet hoc plaustrum nobis Lucas Petus in libro de Mensuris & Ponderibus Romanorum, ex ædibus Fr. Porcii desumptum. In qvo tametsi accuratè omnia delineata non existimem, cum primis verò tympana sive rotas, tamen evidenter satis ex eo discimus figuram veteris *ὑπερτερίῃς*, atqve, cur *πλινθίων* dictum fuerit, cognoscimus. Quid enim aliud tabula oblongè quadrata, simplex, plana qve, nobis litera A. notata, quam *πλινθίων*? Alterius generis in antiquis monumentis necdum observasse recordor imaginem. Nec ramen dubitare possum, quin fuerit istiusmodi.



Certè non est alia figura, quæ nobis verius exhibeat *ἑσχαράν*. Neque, mea opinione, illa fuit alia in agrestibus vehiculis. Manetque usus talium *ἑσχαράν* seu craticularum in plaustris curribusque frequentissimus, nostris etiam temporibus. Cæterum vehicula, in quibus capsula istiusmodi, sive ex tabellis, sive rebus aliis, generali voce sunt *ἐσθῆγία* Polluci lib. X. cap. 12. Gualtherus vertit, *sedibus instructa*, quod non satis quadrat. Fuerunt autem duplici in differentia, capsam enim illam habuerunt vel apertam, vel supernè tectam. De aperta non est, ut probemus, cum sit notum. Tectam intelligimus ex Livio, qui ob eam currum nominavit *arcuatum*. *Curru arcuato vehi iussit, manuque ad digitos usque involuta rem divinam facere: significantes, fidem tutandam, sedemque ejus etiam in dextris sacram esse*, ait lib. I. cap. 21. de Fidei flaminibus. *Currus arcuatus* hic non alius, quam clausus opere arcuato, testudinis aut fornicis instar. Quod ex eo quoque liquet, quia dicit Livius, significari per hunc arcuatum currum debuisse *fidem tutandam*; nec enim hoc potuit, nisi clauso curru atque tecto. Pro curru *arcuato* Lucanus usurpavit *constratum* lib. I. ubi de covino:

Et docilis Rector constrati Belga covini.

Ita ibi legendum, sicut alias ostendam. Et sic Curtius lib. IX. c. 10. *Vehicula deinde constrata, ut plures capere milites possent*. Servius dixit *tectum* ad lib. VIII. *Æn.* *Quidam, ait, pilenta tecta cista, sed vulgo dicta tradunt*. Sic sunt emendanda ea verba, quod itidem alibi monstrabo. Plinius lib. VII. ep. 21. *Huc tecto vehiculo undique inclusus, quasi in cubiculo, perveni*. Græcis hæc vehicula sunt *καλῶς ἐργα & ἐργασά*, itemque *καμάρα*, ut nos docet Pollux supra dicto loco. Didymus *καμάρα* vocavit apud Athenæum lib. IV. cap. 7. Ex quo sunt, qui

ab Ulpiano dicta putant *vehicula camerata*, scilicet à καμάρα sive *camera*, quod incurvum notat tectum, atque ita etiam de vehiculorum seu capsarum tectis usurpatum. Latini alias hæc tecta nominarunt *tympana*, si quæ Servio est fides. Ita enim habet lib. Georg. Virg. II. *Tympana, tecta vehiculorum.*

Cap. VIII.

De Animalibus domesticis ad vehicula.

Boves primum juncti ad vehicula. Bos ruricola, arator. Prometheus eos primus junxit. Κνύδαλα. *Alii hoc Baccho tribuunt, vel Osiridi, quod explicatur. Alii Cereri, de quo Vossii sententia ponderatur. Alii Philomelo. Hyginus emendatur. Alii Buzygi seu Epimenidi, vel Habidi, quod exponitur. Lucretius refellitur & Tertullianus. Res equestris de dorso, de jugo. Isidorus notatur. An equitare prius sci verint, quam equos jungere vehiculo. Pollux examinatur & exponitur, cum Scholiaste Homeri & Plinio. Thessali, Centauri, Bellerophon, Sesamhofes aut Sesostris quid invenerint. Boves adhibiti etiam ad vehicula ornatiores & civilia. Sacerdotum, Regum, Matronarum, Reginarum, militum. Leonis interpres notatur. Boves in cursu publico. Boves aliquando sat veloces. Asini ad vehicula. Vehere collo. Columella explicatur. Asini ad aratra & molas. Asinus molaris, machinarius. Muli ad vehicula. Festus explicatur. Num juncti prius, quam equi. Oxylus quid excogitarit. Scholiastes Pindari rejicitur. Muli ad currus regios imperatoriosque, item mula. Iumenta pro mulabus. Mula in vehiculis Matronarum Præsidumque in provinciis. Mula carrucaria. Quid in eis spectatum. Mula in cursu publico, rheda fiscali, & vehiculis aliis ad iter. Mula celeriores mulis. Muli etiam ad rhedas. Varro emendatur. Item plaustra. Ὑποζώγια pro mulis. Locus Regum IV. cap. 5. examinatur, versioque illius Græca rejicitur. Muli ad clitellas. Mula ad vehicula aptiores. Ζεύς & ἡμικύβωτον. Mula ad trahendas molas & aratra. Bos, an mula præstantior. Equi ad plaustra quoque, rarissime ad aratra.*

Vehicula cum sua sponte aut virtute propria incedere haud valeant, duci trahive debent ab aliis. Illi sunt vel homines, vel bruta. Bruta sunt vel domestica, vel feræ ad hoc domitæ. Nam omnium

omnium olim usus fuit, hodieq; aliquando esse consuevit in vehiculis. Ex domesticis animalibus notissimi receptissimiq; boves sunt ac equi. Quorum quodnam primum ad hos usus fuerit adhibitum, dubitari posse videtur. Nam & equos in vehiculis Scriptores vetustissimi commemorare solent. Pro bubus tamen plura facere putarim. Equus sanè sua indole naturaq; ferocior, longèq; difficilius regi potest; præterea est bellicis negociis ac pugnis aptior. At verò bos est genitus ad laborem, maximè agrestem. Cic. II. de Nat. Deor. *Boum ipsa terga declarant, non esse se ad onus accipiendum figurata. Cervices autem nata ad jugum: tum vires humerorum & latitudines ad aratra extrahenda.* Hinc apud Ælium nostrum appellatur *ῥωγρὸς*, lib. V. cap. 14. Quomodo legimus alicubi apud Priscianum:

Agricolæque boves plaustris domitare sonoris.

Ruricolæ pro eo dixit Ovidius lib. I. Fast.

Lanigerumque pecus, ruricolæque boves.

Hesiodo ex hac causa bos est *ἄροισ*, lib. II. Oper. Quod occurrit & in veteri lege Attica, cujus mentionem facit Ælianus noster, antè dicto loco, & repetitur ab Arato v. 133. Phæn. Latini pariter sic *bovem aratorem* usurparunt. Svet. in Flav. *Bos arator discussso iugo triclinium irrupit.* Ovidius loco antè dicto:

— — — *Cedebat taurus arator equo.*

Constantino bos est *aratorius* l. I. t. 30. C. Theod. *Non servos aratores aut boves aratorios pignoris causa de possessionibus abstrahunt.* Jam quia bos arator est, *sociumque laboris agrique cultura habemus hoc animal*, uti Plinius de ipso loquitur, quin ipsius quam equorum usus sit vetustior, in vehiculis ambigi vix potest. Nemo enim dubitat, quin agricultura sit antiquior militia, ad quam olim equi maximè, ac fortassis primum adhiberi consueverunt. Bovem certè primum ad agriculturam usurpatum consensu tradunt antiqui. Unde Ovid. lib. I. Met. *Semina tum primum longis Cerealia sulcis*

Obruta sunt, pressique iugo gemuere iuveni.

Loquitur de primis temporibus orbis conditi, & argentea ætate, statimq; cum agricultura ipsa, boum ad aratra & vehicula juncturam

ram ostendit inventam, nulla facta eorum mentione. Igitur & Hesiodus, Poëta vetustissimus, non eovos comparari sibi vult ad opera agrestia, sed boves. Verba ejus sunt in II. Oper.

Οἶκον μὲν πρῶτισα, γυναῖκά τε, βῆν τ' ἀρόηρα.

Facit huc, quod apud Æschylum Prometheus de junctura utriusque, bovis & equi, loquens, primo loco bovē nominet. Verba ejus:

Κά' ζευξα πρῶτ' ἐν ζευγοῖς ἐνώδαλα

Ζεύγλαις δ' ἐλέυσιν αὐτὰ σώμασιν ὁ δ' ὡς

Θνήσκουσιν μεγίστων διαδοχοὶ μοχθημάτων.

Γένιονθ'.

Primus ad juga copulati jumenta collis & corporibus servientia, ut hominibus maximorum laborum exequutores fierent. ἐνώδαλα hic plane boves. Scholiastes ibi: Ἐζευξα ἐν ζευγοῖς ἐνώδαλα καὶ βόας δ' ἐλεύνοντας. Boves ergo primum subjugati, & aratro, mox vehiculo adjuncti. Fuitq; rei hujus auctor Prometheus, si Æschylum audimus. Nec fortassis contemnendus est, cum Prometheus sapissimè sit Noa. Vossius I. de Idol. cap. 18. *Aldam, Patriarcham Noe non in solo nobis adumbrari Saturno, sed etiam Prometheo.* Et hoc probat in sequentibus. Noam porro primum post diluvium excoluisse agros notum. Diodorus Siculus hoc tribuit Dionysio seu Baccho, cognomento Sabacio, Jove ac Proserpina edito. *Ingenii hunc acumine præstitisse, (καὶ πρῶτον ἐπιχειρεῖσαι βῆς ζευγεῖν) primumque boves instituisse jungere sub jugum, primumque sementem fecisse.* Quod de origine Bacchi hujus Sabacii habet Diodorus, fabulosum est. Nam Sabazius vel Σαβάζι. est *Sabaoth*, Deus ipse, à quo artes omnes, & sic istam quoque, accepimus. Vide Vossium lib. II. Idol. cap. 14. & Dickinsonum in Delphis Phœnicizantibus cap. 10. Potest tamen seposito hoc cognomento Bacchus esse Noa quoque, quomodo & in aliis sub hoc nomine intelligendus est. Maximè, cum de Baccho Indico confirmet Arrianus in de Rebus Indicis: βόας ἰπὸς ἀρότρῳ ζεύξαι Διόνυσον πρῶτον λέγουσι. *Ajunt, Dionysium seu Bacchum primum ad aratrum junxisse boves.* Nisi malimus Indicū hunc Dionysium esse ipsum illum, qui Ægyptiis appellabatur Osiris. Juvat, quod Tibullus de Osiride lib. I. el. 7.

Primus aratra manu solerti fecit Osiris.

Et Servius ad illa Poëtæ lib. I. Georg. *Vnicque puer monstrator aratri: Alii Triptoleum, alii Osirim volunt, quod magis verum est.* Sanè Osiris est Chamus, Chamive filius, qui cum post diluvium condiderit Ægyptum, quid est mirum, si aratrum ibi primus dicatur reperisse. At sic quoque gloria inventi revertetur ad Noachum, cujus filius fuit Chamus. Et hæc quidem hætenus non malè se habere videntur. Cætera fabulis propiora, ut quod de Cerere Hyginus habet fab. ult. *Ceres fruges serere, boves domare, & alumno suo Triptolemo fruges serere docuit.* Quamquam Cererem hanc Vossius esse putet Isidem, Osyridis uxorem. Sed videtur repugnare Triptolemi ætas, qui cum vixerit post Abrahami tempora, quomodo alumnus esse Cereris potuerit, Osyridis æqualis, parum liquet. Nam quod Triptoleum ipsum explicat Osyridem, propterea non quadrat, quia ipse quoque auctor hujus rei traditur, nec est verisimile, mulierem hoc primum invenisse. Quid? quod Petellides Gnosius non Cererem, sed filium ipsius Philomelum laudet isto nomine. Verba sunt Hygini ad Aratea: *Hermippus, qui de sideribus scripsit, ait, Cererem cum Iasione, Thusci filio, concubuisse. Ex his, ut Petellides Gnosius, historiarum Scriptor, demonstrat, nascuntur filii duo, Philomelus & Plutus: quos negant inter se convenisse. Nam Plutam, qui ditior fuerit, nihil fratri suo de bonis concessisse. Philomelum autem necessario adductum, quodcumque habuerit, ex eo boves duos emisse, & ipsum primum plaustrum fabricatum esse, itaque arando & colendo agros ex eo (sic legendum est, non eos) se aluisse, cujus matrem inventum miratam, ut arantem eum inter sidera constituisse, & Bootem appellasse. Hic miratur Ceres, filium non plaustrum modò ducentem, sed & arantem, quasi nil de eo ipsa sciverit. Quamquam falsum esse hoc oporteat, vel propter ea, quæ jam ante disseruimus. Multo autem magis illud, quod à Plinio affertur lib. VII. cap. 57. *Bovem & aratrum Buzyges Atheniensis invenit.* Pro Buzyges in vetustis libris Briges, item Bytyges occurrit. Verum Buzyges est rectum. Fuit autem Buzyges, qui alias & Epimenides est dictus. Servius ad Georg. I. *Osiris significatur, ut Philostephanus & Eugeudtw, vel Epimenides, qui post-**

ea Buzyges dictus est secundum Aristotelem. Hefychius : Βυζύγης, ἦρως Ἀττικὸς, ὁ πρῶτος βῆς ὑπὸ ἀγρῶν ζεύξας. Ἐκαλεῖτο Ἐπιμηνίδης. *Buzyges, heros Atticus, qui primus boves ad aratrum junxit. Vocatur autem Epimenides.* Quis hic fuerit Epimenides, haud liquet. Nam Philosophus antiquus hujus nominis fuit Cnosius ex Creta, non Atheniensis. At noster ἦρως Ἀττικὸς, quomodo Plinio *Buzyges Atheniensis*? Tamen, quoniam Atheniensis dicitur, Cerere vel Osiride vetustior fuisse. Saltem, si quid veri huic narrationi subest, ad Athenienses ea solos spectabit. Plane sicut ea, quæ de Habide occurrit, (lib. XLIV. Justin, cap. 4.) ad solos pertinet Hispanos. Verba ejus sunt, de Habide : *Boves primus aratro domari, frumenta quoque sulco querere docuit.* Non potest Habides hic esse Cerere vel Osiride vetustior. Cæterum fuisse boum usum in vehiculis ante usum eqvorum etiam ex eo colligas, quod eqvos primus ad vehiculum junxisse dicatur Neptunus. Fuit enim Neptunus antiquissimus Japetus, filius Noachi, quem ostendimus per Prometheum indigitari, boum primum domitorem. Scholiastes Pindari ad Od. IV. Pyth. de Arcefilao, ubi εὐπίπτε Κυρῆνας facit mentionem : Τὴν Κυρῆνα εὐπίπτον εἶπεν, ὅτι ἐκ τῆ παραλυσίης, ἧς ἂν ὅς ποσειδῶν τὰς ἀλκυας διδάξει τὰ τῶν ἀγμάτων καλῶ ζεύειν. *Cyrenem vocat equestrem, non casu aliquo, sed quod Neptunus Libyos docuit jungere vehicula.* Καλῶ ζεύει non potest hic intelligi, nisi quæ sit junctis eqvis, quoniam ad εὐπίπτον refertur, quod explicare debet. Hanc ergo Neptunus reperit post illam boum subjugationem, quæ auctorem habet Prometheum. Neque aliud videtur voluisse Statius Theb. VI. istis verbis :

-- -- Neptunus equo (sic certariorum
Fama) pater primus teneris lassisse lupatis
Ora, & littoreo domitasse in pulvere fertur.

Sic ista distingvenda sunt. Male namque punctum ponitur post *pater*. Quæ habet Statius de eqvo, aliter, quam de juncto ad vehiculum, intelligenda non videntur. In hoc enim universi consentiunt, quod ad currus primum fuerint aptati. Palæphatus in fabula de Centauris : πρῶτον ἐκ ἡνίκας ἀνὸς ἐκ ἵππων ὀχεῖδός, ἀλλὰ μόνον ἀγμάσιν ἐχρῆντο. Vertit Tollius : *Nesci vere prius equis vehi, sed curribus solum uteban-*

tur. Loquitur de illis, qui vixerunt ante Centauros. Floruerunt autem ipsi temporibus Ixionis, Thessaliæ Regis, qui duabus circiter generationibus excidium Trojanum antecessit. Unde potest colligi, quanto ars equestris sit recentior curruli. Eustathius de iisdem Centauris, ad Il. I. Ἀγμάδι δ' αἰὲν ἀφ' ἑσθλῆς, καὶ νηλεὲς ἐπὶ τοῖς δ' οὐρανοῖς, ἢ γὰρ ἀλγεῦντο τοῖς ἐπὶ τοῖς ἐπὶ τοῖς. *Omissio vehiculorum usu docuerunt singulari equo vehi, velequitare equis nullo vehiculo junctis.* Apparet, eqvos jugales & vehiculorum usum habitum vetustiore. Itaq; non video, quia commotus ratione ita scripserit Lucretius lib. V.

Et prius est armatum inequi conscendere costas,

Et moderarier hunc frenis, dextraque vegere,

Quam bijugo curru belli tentare pericla.

Quamquam videatur habere consentientem sibi Tertullianum, qui sic lib. de Spectac. cap. 5. *Res equestris retrò simplex de dorso agebatur.* Hic res equestris de dorso ea est, quæ perficitur de dorso equi, cum homo ipsi insidet, opponiturque illi, quam mox nominat *de jugo.* Quod ignoro, an sit affecutus Isidorus, quoniam lib. XVIII. c. 27. ubi affert reliqua, hoc omittit. Verba ita habent: *Res equestris antea simplex agebatur, & utique communis usus reatus non erat.* Adde cætera: Liqvet enim, omnia ex Tertulliani dicto loco esse desumpta. In quo cum legatur *reus*, non *reatus*, hoc quoque nescio, an debeat haberi sanum. Quicquid fuerit, censent Isidorus & Tertullianus rem equestrem non de jugo, id est, equis subjugatis junctisque ad vehiculum, sed de dorso per conscensionem in eorum terga factam esse primam, atque sic Lucretium sequuntur. Quod nec memoria rerum, nec naturæ ipsi convenire satis videtur. Certè, si, quod supra demonstratum est, initio adhibuere boves, eosque junctos ad aratrum aut vehiculum, simplicius erat ab ipsorum junctura venire ad juncturam equorum, quam ad ipsorum conscensionem equitationemque. Adde, quod ob ferociam equus vehiculo junctus rectius & facilius regatur. Nisi quis existimet, Lucretium ad sola respexisse bella, inque his equos simplices ante currus usurpatos putasse. Quamquam & de eo possit dubitari. Pollux sanè Trojanis temporibus simplicium equorum conscensionem existimat fuisse

fuisse ignoratam. Verba ejus lib. I. cap. 10. 9. *Αἶνες ὃ κ' ἔδ' ἀπὸ δ' ἰφρῶν καὶ ἰππων ἐσιζευγμένων, ὥσπερ οἱ Ὀμήρου ἥρωες, μάχονται.* Οὐτ' ὅτ' ἐκ οἷδε μονίπ' ἔς ἰππίας. *Afri verò de curribus equisque junctis, sicut & Homeri heroes, pugnant. Hic enim unico equo utentes equites non noverat. Quando negat Homerum scivisse singulares equites, fallere videtur. Nimis enim clara sunt, quæ habentur Iliade K.*

Καρπαλίμ' ὃ δ' ἰππων ἐσιζήσατο. Κόπτε δ' Ὀδυσσεύς

Τόξῳ. Τῷ δ' ἐπέτο τοιοῦτο ἀπὸ νῆας Ἀχαιῶν.

Confestim autem equos adscendit, verberabat autem Ulysses arcum, hi verò volabant celerēs ad naves Achivorum. Loquitur de Diomede, quem ait conscendisse non vehiculum, sed equos. Sed & in Odyss. E. ab equitante accipit similitudinem, quod non potuisset, si equitationem ignorasset. Verba sunt Homeri de Ulysse naufrago:

Ἀμφ' ἐνὶ δ' ἐρασι βαίνει, κέληθ' ὥς ἰππον ἐλαύνων.

In unum lignum conscendit, velut equum singularem compellens. Nominatim κέληθ' hic vocat. Porro κέλης, ut est auctor Scholiastes vetus, quem nonnulli Didymum appellant, ὅς ἐστιν ὁ ἀζευκ' ὃ ἰπ' ὃ, equus vehiculo non adjunctus. Latini pari modo celetem equum appellant, uti liquet ex XXXIV. lib. Plin. cap. 5. Non igitur ignorasse potuit Homerus hoc genus κέληθ', sicut Homerus ipse appellat, vel μονίπ' ἔς, sicut à Polluce explicatur. Atq; ita quondam censuit & Brodæus. Neq; tamen, si Homerus scivit, eo usurpasse temporibus Trojanis necesse est. Et observant veteres Magistri errorem hac in parte apud Homerum. Eustathius: οἱ παλαιοὶ λέγουσι καὶ ὅτι ἀναχρονισμὸς σχήματι ἐπὶ ταῦτα χρηταὶ οἰομένης. Κέληθ' ὃ δ' ἐκ' ἡσαν παρὰ τοῖς ἥρωσι, ἀλλ' ὕστερον ἐνὲς τὸ εὐρημα. *Veteres ajunt, figura anachronismi usum hic Poëtam esse. Celetes enim vel singulatores non fuere inter Heroës, inventum namque atatis posterioris.* Sed fortassis non necesse est, ut Homerum arguamus. Nam ne ipse quidem usquam Heroës suos facit inter se certamina ex equis edere. Quod unicum voluisse Pollux videtur in verbis præcedentibus. Nam alias non tam indiligentem credimus fuisse Homeri lectorem, ut loca superius allata ignoraverit. Et agit totum illud caput non de re vehiculari in univèrsim, verum ea, quæ recepta est in bello. Atq; tali modo etiam accipienda verba Scholia-

diastis ad II. Ο. κέλησιν ἵππον κέλησιν ἐλάυνειν. Κέλης ὁ μονάμπηξ, ποῦ τὸ κέλειν, βαλίζειν. Ὅθεν καὶ κέλευθός. Ἐπὶ τὸ παλαιὸν ὡς ἐπὶ πάντοίς ἀρμασιν ἐχρῶντο. *Cele-
tezein, equo celete vehi. Celes, equus singularis, à celein, id est, incedere.
Vnde & celeuthos. Antiquitus per uniuersum ferè vehiculis utebantur.*
 Vult, opinor, usos veteres vehiculis ad praelia, nec nisi ferò rece-
 ptam nostram eqvitationi rationem. Neq; colligas ferè aliter ex Sa-
 cris. Sanè Pharaonis exercitus, qui est inter antiquissimos, quorum
 ad nos memoria pervenit, à Mose censetur numero non eqviturum,
 sed curruum aut vehiculorum. Verba Mosis Exodi 14. de Pharao-
 ne: *Iunxit ergo currum, & omnem populum suum assumpsit secum. Tu-
 litque sexcentos currus electos, & Duces totius exercitus.* Similia legas
 de exercitu Sisarae Judicum cap. 4. *Clamaveruntque filii Israël ad
 Dominum. Nongentos enim habebat falcatos currus, & per viginti an-
 nos vehèmenter oppresserat eos.* Licet autem curribus ad praelia sint
 usi ante singulares eqvos, tamen penitus ignotam extra praelia
 quoq; eqvitationem fuisse non necesse est. Nam, ut supra vidimus,
 diu ante tempora Trojana eam ad venationem usurparunt Thessa-
 li. Quomodo intelligendus Plinius, quando ait lib. VII. cap. 56. *Pu-
 gnare ex equo Thessalos, qui Centauri appellati sunt,* docuisse ferunt.
 Fuit enim pugna ista non adversus homines in praelio, sed tauros in
 venatione, unde nomen Centaurorum acceperunt, sicuti Palæ-
 phatus testatur. Sed & ante Thessalos adhibuerunt ad res alias, si
 verum est, quod habet idem Plinius de Bellerophonte verbis pau-
 lō ante octurrentibus: *Equo vehi Bellerophontem* docuisse ferunt.
 Vixit enim Bellerophon ante CHRISTUM anno circiter MCCCLX.
 ut Petavius existimat, id est, annis centum triginta & amplius ante
 Thessalicos Centauros. Sanè, quando nominatim scribit *vehi*
 eqvo docuisse, videtur Bellerophonti hoc tribuere, quod celerita-
 tem eqvi ad itinera conficienda primus observavit, & ad usus adhi-
 buerit humanos. Quamquam ne hoc quidem fortè ipsi aliter con-
 cedi possit, quam quatenus ostenderit apud suos. Nam alias de Se-
 fanchose, quem & Sefostrem appellant, Ægyptiorum Rege, Di-
 cearchus: *Πρῶτον Φασὶν αὐτὸν εὐριμέτῃ ἵππων ἀνδρῶπων ἐπιβαίνειν.* *Ajunt eum
 primum invenisse, quomodo conscendere homo equum possit.* Vixit Se-
 fostris

hostris, ut doctissimus in his supputat Rupertus, circa annum mundi MMCDLXXV. Unde liqvet, Bellerophontem antecessisse annis quasi centum atq; quindecim, cum Bellerophontis ætas cadat in annum mundi MMDXC. Jam cum hos omnes longo intervallo superaverit Neptunus, quem junxisse eqvos ad vehicula ostendimus, hanc rationem esse illa altera vetultiore, clarum arbitramur. Adhibuerunt autem boves olim non ad aratra solum, operave rustica, sed & alia vehicula. Sic quo Sacerdos Junonis ire ad sacra solebat, bobus trahebatur. Colligitur ex historia Cleobis & Bitonis, de quorum matre, quæ Sacerdos talis fuit, Herodotus lib. I. Ἐδὲ περὶ τῶς πλὴν μῆτρας αὐτῶν ζεύγεϊ κομισθῆναι εἰς τὸ ἱερόν. Οἱ δὲ σφι βόες ἐκ τῆ ἀγρῆς ἐπαγεγίνοντο ἐν ὧν. *Oportebat plane matrem eorum vehiculo juncto ire ad templum, boves verò ex agro in tempore non venerant.* Simile quid observatum in Sacerdote Dianæ. Heliodorus lib. III. de Chariclia eo munere fungente: Ἡγελομένη γὰρ ἀρμάμαξιν δὲ συνωρίδος λευκῆς βοῶν ὄχημένη. *Vehebatur in carpento, quod jugum boum album trahebat.* Apud Gallos etiam regis vehiculis adjungebantur. Eginhartus in vita Caroli Magni de Rege Gallorum seu Francorum: *Quocumque eundum erat, carpento ibat, quod bubus junctis & bubulco rustico more agente trahebatur. Sic ad palatium, sic ad publicum populi sui conventum, sic domum redire solebat.* Manet eadem consuetudo hodieq; apud regulos Indorum, sicut discimus ex Itinerario Olearii, qui vidisse se hujusmodi aliquem cum vehiculo à bobus tracto scribit lib. IV. cap. 29. verba postea recensebo. Romæ jungebantur carpentis feminarum. Hinc Lampridius in Heliog. c. 4. *Facta sunt Senatusconsulta ridicula de legibus matronalibus, &c. quæ a sinò veheretur, quæ carpento mulari, quæ boum.* Reginarum vehicula traxisse apud Æthiopas videntur. Ita sanè describit Heliodorus lib. X. Ἐφ' ἀρμάμαξιν λευκῶν ἡ Χαρίκλεια αὐτῇ Περγίῃ ἐπὶ τῶν Μερών παρὰ τὸ ἐμπορίον. *In curru boum alborum Chariclia & Persina Meroen deducebantur.* Ad vehicula, in quibus farcinæ militares, vix alia quondam animalia. Inde Pollux lib. I. cap. 10. *Χρεία δ' εἰς τὰς πολέμους, σκευοφόρων μὲν ὄντων, ἐπισκευαζομένων ὃ βοῶν ὑφ' ἀμάξαις.* *Ad bellum verò opus est arma ferentibus asinis, bobus ad currus preparatis.* Et Mauritius noster docet, quomodo

modo tegi hæc vehicula debeant, ut, qui ex eis pugnant, habeant velut murum ante se, καὶ οἱ βόες φυλάττωσαι ἀπὸ τῶν βαλλομένων σαγιτῶν, & boves præsentur tuti à jactu sagittarum. Libri XII. parte secunda, §. 18. unde idem intelligitur. Accedit & Leo, quando ita habet cap. XI. §. 45. Επινοήσεις ἥ εἰς τὰς βόας τῶν ἀμαζῶν. Mutilatè reddidit interpres: *Observabis etiam boves diligenter*: cum debuisset, *boves vehiculorum*, scribere. Vegetius collocat & ad carpenta, in quibus vehuntur onagri, si scriptura ejus non est vitiosa. Ita namq; habet lib. II. cap. ult. *Item decem onagri, hoc est, singuli per singulas cohortes in carpentis bobus portantur armati*. Dicit portari onagros illos in carpentis bobus, pro, à bobus, trahentibus videlicet carpenta illa. Fuit olim boum usus etiam in cursu publico. Hinc Imperator Constantinus in l. i. t. 5. lib. VIII. C. Theod. *Si quis iter faciens bovem non cursui destinatum, sed aratri deditum, duxerit abstrahendum*. Ostendit, boves certos huic negotio adhibitos, qui fuere alii, ab agresti operi addictis. Meminit & Constantius Imperator in epistola ad Helpidium ejusdem tituli l. II. *Pro singulis angariis bina tantum boum paria consequantur*. Item Arcadius & Honorius, l. 53. *Si qui vel per unam mutationem veredam mulamve aut bovem superducendum esse crediderit, memoratam fisci viribus multam inferat*. Verum quomodo in cursu publico animal tam tardum? Puto non tam homines, quam species fiscales, opera eorum deduci consuevisse. Quamquam nec tam lenti ubiq; boves. Referam, quod memorat Olearius in Itinerario suo, loco antea indicato: *Postea fiebat nobis obviam regulus Indorum cum Indicis equitibus nonnullis & servulis. Vehiculum ipsius peculiari ratione structum incumbibat rotis duobus parvis in axi non vulgari, verum ferro bene crasso, quod sursum erat inflexum inter rotas, discurrentibus. In vehiculo supernè tecto sedebat Myrsa una cum alio flexis ad inferiora pedibus. Vehiculum ipsum trahebant boves Indici coloris albi pulcherrimè nitentes, collis brevibus, in cervice prope humeros gibbosis, quorum cornua rubro colore picta erant. Circa collum multa habebant tintinnabula. Temo supra boves eminebat. In fronte vehiculi sedebat auriga, boves regens fune per nares ipsorum trajecto. Et currebant ipsi tanta celeritate arteque,*
quanta

quanta possit equus optimè edoctus. Habes hic boves Indicos, equis nihilo tardiores. Qvales credere possumus & ad cursum illum publicum adhibitos, si opus esset festinatione. Post boves nescio, annon ad vehicula sint juncti asini, & ipsi ante eqvos. Certè ipsi quoque mitiores tractabilioresque sunt. Habesque inter ministeria agrestia non minus asinos plaustrarios, quam boves. Cato de R.R. cap. II. *Boves duos, asinos plostrarios duos.* Columella de eodem lib. VII. c. I. *Non minima pondere vehicula trahit.* Voluit hoc ipsum in subsequentibus: *Pleraque utensilia & vehere in urbem & reportare collo vel dorso commodè potest.* Nam vehere collo dicitur, cum jugo ad collum firmato vehit trahitque vehiculum, & opponitur *et dorso vehere*, quod fit per clitellas dorso impositas, ut notum. Quin imò Afri quidam eos solent jungere aratro. Plin. lib. XVII. cap. 5. *In Byzacio Africa illum centena quinquagena fruge fertilem campum, nullis, cum siccus est, arabilem tauris, post imbres vili asello, & à parte altera jugi annu, vomerem trahente, vidimus scindi.* Neque alio respexit Deusipse, quando inter leges cæteras hanc edit Deut. 22. *Non arabis in bove simul & asino.* Nempe & Judæis usitatum fuit asinis arare. Unde apud Esaïam cap. 30. *Boves & asini terram colentes.* Neque ignorarunt penitus Itali. Unde Varro II. R.R. 6. *Plerique deducuntur etiam ad arandum, ubi levis est terra, ut in Campania.* Et lib. I. cap. 20. *Vbi terra levis, ut in Campania, ibi non bubus gravibus, sed vaccis aut asinis arant.* Alias solenne ipsorum ministerium, trahere machinas farinarias, easque reciproco gressu circumrotare, quemadmodum ex Luciano Apulejoque novimus. Columella lib. VII. cap. I. *Iam verò molarum & conficiendi frumenti pene solennis est hujus pecoris labor.* Atque ob hanc causam inter cætera, quæ ruri necessaria, Cato *asinum molarium* commemorat cap. II. Erant enim, qui gestandæ farinæ tantum putant destinatum. Alfeno Jcto *asinus est machinarius*, l. 60. ff. de Leg. III. qui ex eadem ratione censet in prædiis legatis contineri. Meminit ejusdem Ulpianus l. 12. §. 10. ff. de Instr. vel Inst. ubi jungit machinæ frumentariæ; unde intelligitur esse plane Catonis molarium, id est, eum, qui *molam machina quadam inclusam volvit & torquet*, sicut à Turnebo explicatur. De hoc locutus quoque Catullus est illo versu:

Et non pistrino traderis atque asino.

Ad quem laudat Barthius Epigramma vetus lib. xxiv. Adv. cap. 5.

Cum possis parvo sumptu conducere asellum,

Qui soleat teretes vertere ritè molas.

Quamvis autem & plostrarii sint asini, crebriores tamen & frequentiores in vehiculis sunt muli, quos & ipsos ante equos aliqui existimant adhibitos. Festus: *Mulis celebrantur ludi in Circo Maximo Consualibus, quia id genus quadrupedum primum putatur ceptum curru vehiculoque adjungi.* Dicit, primum curru adjunctos, quod intelligendum puto non respectu omnium quadrupedum, ita namque falsum esset, verum solum equorum. Quamquam & de hac re possit dubitari. Scholiastes enim Pindari Oxylum auctorem jungendorum mulorum facere videtur. Verba ejus sunt ad Pindari Pyth. Od. V. Ἀσράδην πρῶτον καὶ ζεύξε' Ὀξύλῳ δ' αἰτωλός. Hic Ἀσράδην, ut opinor, *mulus*, ut sit sensus: *Mulum primum iunxit Oxylus Aetolus.* Hesychius profectò: Ἀσράδην τίθειαι, ὅτι τῶν ἀναβαλῶν ὄνων. Οἱ ὃ καὶ τὰ πλείστον μὲν τὴν σωμαλῆγόν ἡμίονον ἔτιωε ἑλεγον. *Astrabe ponitur etiam pro asino, quem conscendimus.* Plerumque autem sic vocantur muli clitellarii. Quibus verbis liquet, Ἀσράδην mulum esse. Facit tamen mulum non currulem aut vehicularem, verum clitellarium. Convenitque Pollux lib. vii. cap. 33. ubi vehiculario opponit. ὅν, inquit, ἡμίονόν, Ἀσράδην, νώτεις καὶ ζύγιοι. Καὶ τὸ μὲν τῶν νώτων ἡμιόνων ἀγώνισμα, ἐκαλεῖτο κάλῳπ, τὸ δὲ τῶν ζυγίων, ἀπὴνῆλον. Hic ἀγώνισμα ἡμιόνων νώτων est, quod fit Ἀσράδης. Sic Oxylus non primus junxerit ad currus, sed in ludis publicis mulos instituerit clitellarios, seu illud genus, quod à Græcis calpe dictum fuit. Floruit Oxylus tribus circiter ætatibus post bellum Trojanum, ut qui patrem Hæmonem, avum Thoantem habuit, qui Thoas Atrei filiorum fuit socius in bello Trojano, quemadmodum ex Pausaniæ Eliacis cognoscimus. Quod abunde monstrat, non ab ipso primum junctos ad vehiculum fuisse mulos. Facit enim eorum in vehiculis mentionem etiam Homerus, ut Odys. Z.

Οἱ μὲν ἄρ' ἐκλὸς ἀμαξάνε' ὑπορχον ἡμιόνειν

Ὀσλειν, ἡμιόνους δ' ὑπαζον, ζεύξαν δ' ὑπὲρ ἀπὴνῆ.

Illi quidem foris currum velocem à mulis tractum instruebant, mulos vero

verò subigebant, adiungebantque vehiculo. Atq; ita legimus & locis aliis. Sed nec in ludis publicis Calpen instituit, si credimus Pausaniæ, ut qvi Patæcum Achæum auctorem ejus faciat circa Olympiadem demum septuagesimam atq; primam. Ut videre Pindari Scholiastes debeat, qvo pacto sua tueatur. Muli fanè diu ante Oxylum fuere noti, nec modo alias, sed & ad vehicula adhibiti. Neq; tamen credam ante eqvos usurpatos, cum hæud dubiè genus ipsum serius extiterit. Qvicquid sit, mulorum usus fuit longè frequentissimus in re vehiculari. Atq; apud Homerum quidem ipsius Priami Regis currum ducunt, Il. 2. Sed & Nauficæ, filiæ Regis Alcinoi, Odyss. Z. Etiam Medea, regia filia, lib. III. Apollonii, v. 840. jubet -- *ὄρνῃς ὑποζεύξασθαι ἄρῃν.*

Mulos adiungere vehiculo. Nam per ἐπῆρας, ἡμιόνους innui Hefychius testatur. Unde constat magna in dignatione apud veteres fuisse. Neq; post evulnerunt. Nam & Cæsares Imperatoresq; illis usi suis in vehiculis. De Nerone Sveton. cap. 30. *Nunquam carrucis minus mille fecisse iter traditur, soleis mularum argenteis.* Idem de Vespasiano, cap. 23. *Mulionem in itinere quodam suspicatus ad calceandas mulas desiluisse.* Nota, mulas utrobq; dici, non mulos, illarum enim usus crebrior ad vehicula. Qvod abunde poterit liqvere etiam ex sequentibus. Conjuges Imperatorum mulas frequentissimè in vehiculis habuere. Inde videas carpenta cum mulabûs in nummis Agrippinæ, matris Caji; Domitillæ conjugis Vespasiani; Faustinae conjugis Antonini, atq; aliarum. Credo pertinere huc & verba Plinii lib. xxxiii. cap. 3. *Nostri ætate Poppea, coniux Neronis Principis, delicatioribus iumentis suis soleas ex auro quoque induere solebat.* Delicatiores jumenta mulas puto significare. Certè apud alios quoq; *jumenta, mula.* Sic apud Juvenalem sat. III. cum præcessisset: *Sed iumenta vocant:* sequitur: *Dudum mulio virga adnuit,* unde constat, jumenta esse mulas. Et in Sulpitii Severi Dialogo II. cap. 4. legimus: *Consumit Gallicas mularum pœnamastigias;* cum tamen antecesserit: *Agi, quo ire cœperant, iumenta præcipiunt.* Præter Reges Imperatoresqve, ipsorumq; seu conjuges, seu alias conjunctas, etiam aliæ opulentiores honestioresq; feminæ ad vehicula habebant

bant mulas. Inde Senatusconsultum Helio Gabali, cum luxu earum usus fieret promiscuus, de matronis, *qua a vino veheretur, qua carpentomulari.* Et solebant à maritis exigere, præsertim locupletiores elatioresque. Tertullianus lib. II. ad Uxorem, cap. 5. eo respexit illis verbis: *Vnde, nisi à diabolo maritum petant, bonum exhibenda sella, & mulabus, & cinerariis peregrina proceritatis.* Viris quoque in dignitate constitutus serviebant in vehiculis. Præsidibus Provinciarum sanè Alexander Severus constituit *mulas senas, mulos binos, equos binos,* cum in aliquam dimitteret provinciam, sicuti Lampridius in vita ejus cap. 12. notavit. Ubi bene Salmasius mulas pertinuisse ait ad rhedas vel carrucas. Dicit autem ibi Lampridius, fecisse hoc Severum *exemplo veterum.* Sed illi quidem veteres mularum nullam, quantum scio, faciunt mentionem, de mulis solis loquuntur. Liv. lib. XLII. cap. 1. *Magistratus mulis tabernaculisque & omni alio instrumento militari ornabantur, ne quid tale imperarent sociis.* Sic Svetonius de Augusto, qui pro rebus pecuniam præberi eis iussit, cap. 36. *Auctor fuit, ut Proconsulibus ad mulos & tabernacula, que publicè locari solebant, certa pecunia constitueretur.* Mulos igitur habebant olim, non mulas, eosque non ad carpenta vel carrucas, verum clitellarios. Postea mollitie crescente sumsisse quoque ad carrucas videntur easque mulas. Usurparunt certè & alii. Inde *mularum carruchariarum* mentio apud Ulpianum l. 38. §. 8. ff. de edicto ædil. *Quæsitum est, si mula talis sit, ut transiungi non possit, an sana sit? & ait Pomponius sanam esse, plerasque denique carrucarias tales esse, ut non possint transiungi.* In his porro datam operam observo, ut essent nitida, ut ejusdem omnes coloris. Hoc enim respectu Seneca, reprehendens luxum sui temporis, ep. 87. *Quid ad rem pertinent mule saginatae, unius omnes coloris?* Neque alia fortassis causa, quod sic pretia illarum augerentur. Martialis certè memorat venditas quandoque carius, quam domos. Verbalib. III. ep. 62.

— — *Pluris mula est, quam domus, emptatibi.*

Mulos habuerunt etiam in cursu publico. Inde Arcadius & Honorius Imperatores l. 53. de Cursu publico Cod. Theod. *Siqui vel per unam mutationem veredum mulam vel superducendam esse crediderit, &c.*

rit, &c. Et nominatim in fiscali rheda observamus apud Sulpitium Severum Dial. II. cap. 4. *Interim per aggerem publicum plena militan-
tibus viris fiscalis rheda veniebat, &c.* sequitur, quomodo verbera-
rint Martinum, & ob id jumenta eorum porro ire nequiverint. *Con-
surgunt deinde omnes pariter in verbera. Consumit Gallicas mula-
rum pœna mastigias.* Solebant quoque jungi vehiculis vulgaribus, qui-
bus iter faciebant. Hinc Ausonius ad Axium Paulum, quem ad se
invitat, Epist. 8.

Cornipedes rapiant imposita petorita mula.

Et ad Paulum, ep. 14. quem cupit venire, verum nullis vectum mu-
labus: *Nec celeres mulas ipse Metiscus agas.*

Ubi nota, celeritatem mularum laudatam. De qua nescio quis in
Catalectis etiam Virgilianis ad Sabinum:

Sabinus ille, quem videtis hospites

Ait fuisse mulio celerrimus

Neque ullius volantis impetum cisi

Nequisse praterire, si ve Mantuam

Opus foret volare, si ve Brixium.

Vocat mulionem celerrimum propter mulas, quas habebat cele-
res in vehiculo, quo solenne iter faciebat vel ad Mantuam, vel ad
urbes alias. Quod liquet etiam ex sequentibus, ubi mentionem fac-
cit mularum. Atque hæc est causa, cur de suo vehiculo, quo faciebat
iter, Seneca epist. 87. *Vehiculum, in quod impositus sum, rusticum est.*
Mula vivere se ambulando testantur. Vult illo se vehiculo incessisse
lento gradu, contra consuetudinem communem. De celeritate il-
la mularum testes sunt & alii. Nam & Ausonius supra *rapere* petori-
ta dicebat, quod celeritatem illam indicat: & de omnibus ab
equa genitis testatur Plinius, quod sint *veloces in cursu*. Quamquam
verò mulas habuerint frequenter ad hoc genus vehiculorum, ta-
men mulos quoque ad id usurparunt. Inde namque *muli* sunt *rhedarii*
apud Varronem lib. III. de R. R. cap. ult. *Celerius voluntate Horten-
sii ex equili educeres rhedarios, ut tibi haberes, mulos.* Scaligeriana &
Commeliniana editio præfert *mulas*. Verum altero modo legitur
in vetustioribus codicibus. Et Varro ipse ad hos usus mulos nomi-

nat, non mulas. Verba ejus lib. II. cap. 8. *In grege mulorum spectanda
 atas & forma, alterum, ut vecturis sufferre labores possint, alterum, ut
 oculos aspectu delectare queant. Hisce enim binis cunctis omnia vehicu-
 la in viis ducuntur.* Loquitur de vehiculis in viis, & ad ea mulis, non
 mulabus. Sed quid est, labores sufferre vecturis? Qui nam illi ve-
 cturi, quive labores? Puto plane, Varronem scripsisse vectura, ac
 intellexisse laborem mulorum, quem perferunt in vectura. Quo-
 modo apud Virgilium est *labor operum*, apud Tullium *labor rerum*,
 & id genus. Fuit alioqui animalis hujus usus etiam in plaustris ad
 trahenda onera. Docet historia de Atheniensi mulo, Plinio me-
 morata lib. VIII. cap. 64. *Mulum LXXX. annis vixisse, Atheniensium
 monumentis apparet, eo gavisi, cum templum in arce facerent, quod, de-
 relictus senecta, scandentia iumenta comitatu nisuque adhortaretur.*
*Nisum hic intelligit jumentorum, id est, mulorum, in plaustris edu-
 cendis in altum. Docet Plutarchus, qui eandem rem sic describit,*
*libro de Solert. Animal. Τῶν συνεργασμένων πρόθυμως ἡ δὴ διὰ γῆρας ἀφει-
 μένων ὀρέων εἰς κἀτερχόμεναι εἰς Κεραμικὸν καὶ τοῖς ἀνάγκαι ζεύγεσι τὰς λίθους ὑπάν-
 των αἰεὶ συνανέστρεφε καὶ συμπαρεβόραζεν.* *Mulorum unus, qui alacriter opus
 adiuverat, sed iam ob atatem vacatione donatus fuerat, in Ceramicum
 descendens, ac iunctis ad plaustra lapides vectantia occurrens perpetuò
 una versabatur currebatque.* Et adhuc clarius in vita Catonis Majo-
 ris: *Ἡμίονων μίαν Φασὶ καὶ αἰνεύσαν ἀφ' ἐαυτῆς πρὸς τὰ ἔργα, τοῖς ἀνάγκαι τὰς
 ἀμείζουσας ὑποζυγίους εἰς ἀκρόπολιν συμπαράλινε καὶ προηγεῖσθαι.* *Mularum unam
 aiunt sua sponte venisse ad opus, unaque cum iumentis, quæ in arcem
 trahebant plaustra, cucurrisse ac præiuisse.* Ἐποζύγια hic iumenta, id est,
 mula. Nam & apud Græcos illo sensu sæpe vox hæc reperitur. Sed
 est observandum in his verbis dici mulam in feminino, quæ mulus
 est & in præcedenti loco, & apud Plinium. *Μίαν*, inquit, & *ἐαυτῆς*, quod
 ad mulam pertinet. Ego tamen malo credere fuisse mulum. Mulos
 enim masculos potius adhibebant ad hoc genus agreste, quam
 mulas feminas. Monstrat ipse etiam Homerus Iliad. P. quando ita
 inquit:

-- "Ὡς δ' ἡμίονοι κρατερὸν μένος ἀμφιβαλόντες

Ἐλκωσ' ἐξ ὄρεσσι καὶ παπαλίεσαν ἀλαρπὸν

Ἡ δοκὸν, ἥ δ' ἐρύ μὲγα νῆϊα.

-- --

Tanquam

Tāquam muli validis viribus sumptis trahunt ex monte per asperam riam vel trabem, vel lignum ingens navale. Cujus circiter temporibus, aut paulò post, florens Naëman Syrus & ipse mulos onera trahentes Regum iv. cap. 5. memorat. Verba Græcorum Interpretum: *δοῦναι δὲ τὸ δέλωσθαι γόμοις ζεύγος ἡμιόνων.* Interpres Latinus sic exposuit: *Concede mihi, servo tuo, ut tollam onus duorum burdonum de terra.* Quod significat onus, non quod trahere, sed gestare possint. Atq; sic accepit & Lutherus: *So viel zwey Mäuler tragen.* Quantum muli duo ferre possunt. Eadem sententia Castalionis fuisse videtur; vertit enim: *Duorum mulorum onus.* Eadem Tremellii & Junii: eadem interpretis Svetici, atq; aliorum. Et profectò muli frequentissimè ad hoc adhibiti, ut ferrent onera in dorso. Phædrus: noster lib. II. cap. 8.

Muli gravati sarcinis ibant duo;

Vnus ferebat fiscos cum pecunia;

Alter tumentes multo saccos hordeo.

Senec. ep. 123: *Omnes iam mulos habent, qui chrysellina, & murrinas, & calata magnorum artificum manu portent.* Nempe sicut notat Columella lib. vi. cap. 37. *Clitellis aptior mulus, illa (mula) quidem agilior.* Quia celerior agiliorq; mula, ideò illius fuit usus in vehiculis, præsertim iis, quibus faciebant iter, sicut supra notabamus; at mulus, quia firmior validiorq;ve, ideò ad gestandas in clitellis sarcinas adhibitus. Hinc *mulus clitellarius* apud Plautum in Mostellaria Act. III. scen. I. *Muliones mulos clitellarios habent.* Non tamen id Naëman volebat, quod interpretes pleriq; censuerunt: Aliud sanè *ζεύγος ἡμιόνων*, aliud *duo muli clitellarii.* *ζεύγος* enim dici nequit aut intelligi, nisi de conjunctis ad jugum, sicut ipsa ratio vocabuli testatur. Atq; ita locum illum Regum intellexit magnus vir Samuel Bochartus. Nam sic reddidit Latine: *Detur, queso, servo tuo onus parvis mulorum:* exposuitq;ve: *Id est, bigæ mularis.* Ut sic Naëman voluerit, non quantum ferre muli duo possint dorso, sed quantum trahere vehiculo. Unde simul constat, mulos jungi ad plaustra & vehicula oneribus gestandis parata consuevisse. Solebat quoq; jungi molis farinariis, ut asini. Hidorus sanè ob hanc causam mulos putat appellat-

pellatos. Μύλη namq; mola. Mulus, ait, à Græco tractum vocabulum habet. Græcè enim, quod jugo pistorum subactus tardas molendo ducat in gyrum molas. Et apud Svetonium in Julio cap. 31. memorantur muli è proximo pistrino ad vehiculum juncti, qui non alii, quam ad molas farinarias destinati. Ad aratra quoq; aliquando adhibebant. Columella lib. vi. cap. 37. *Uterque sexus (mulorum) & viam rectè graditur, & terram commodè proscindit, nisi pretium quadrupedis rationem rustici oneret, aut campus gravi gleba robora bouum deponat.* Videtur hoc loco Columella boves robustiores facere mulis. Contra censet Homerus, qui ne mulabus quidem putat in hoc opere posse comparari. Verba ejus sunt Iliad. K.

Ἡμῖνων, (αἱ) γὰρ τε βοῶν προφερέσσεραί εἰσι
Ἐλκόμεναι νεοῖο βαθείης πηκλον ἀγέρον.

Mularum (hæ enim bobus præstantiores sunt ad trahendum in novali profundo compactum aratrum. Hic mulas præfert bobus. Sed est ista apud Homerum comparatio non de robore instituta, sed celeritate. Eustathius: Φασὶ οἱ ἔμπειροι ὡς μὲν τῇ πρώτῃ τῆς γῆς ἐργασίᾳ, βοῶν δ' εἶ, σχολαιοτέρων ὄντων καὶ γενναιοτέρων, ὡς ἂν βαθείᾳ γένειαι ἡ τομὴ, ἐν ᾗ τῇ νεῖῳ ἡδὴ προσσχισμένη, χρήσιμοι τὸ τῶν ὀρέων γένε, μᾶλλον ὡς ὀξύτερον. Τοῦτον γὰρ τὸ ὀρικὸν ζεύγος, ὡς περ αὐτὸ τῶν βοῶν ισχυρότερον. Ajunt periti, quod prima subactioni terra convenient boves, quoniam sint tardiores, & laboris patientiores, ut profundi sulci agantur. In subacta verò & aratro scissa utilius sit genus mulorum, ut quod sit celerius. Tale namque jugum mulare, quemadmodum contra bouum est robustius. Sed ad genus ultimum est veniendum, id est, eqvos. Hos verò ad vehicula jungi solitos notissimum. Et jam supra prolixè hac de re locuti sumus. Fuitq; usus hic eorum non in militaribus solummodo vehiculis, iisve, qualibus in urbe itineribusve incedebant, verum etiam agrestibus. Quo respectu Virgilius lib. III. Georg. ubi agit de cura circa eqvas gravidas: Non illas gravibus quisquam juga ducere plaustris,

Non saltu superare viam sit passus. -- --

Neq; enim opus erat ista admonitione, nisi eqvi alias eqvæve jungi plaustris consuevissent. Ad aratra tamen juncti rarissimè videntur. Varro sanè, Columella, ceterique, quando mentionem faciunt arationis,

arationis, boves tantum memorant vel tauros, eqvos nunquam. Neque apud Virgilium aut Scriptorem alium veterem aratorem eqvum memini legisse. Similiter Jureconfulti veteres, ubi fundi enumerant instrumenta, boum & jugalium, nunquam eqvorum nominatim faciunt mentionem. Eadem Græcorum fuit consuetudo. Nusquam certè Pollux loquitur de eqvo ad aratrum. Et omnino eqvos censeo in magno quondam pretio fuisse, ac accirco adhiberi raro potuisse adhæc opera. Contra quam videmus hodie per multas Europæ fieri regiones, ubi bobus arare inter notas paupertatis apud agrestes solet numerari. Sed de his occasione alia.

Cap. IX.

De feris & similibus domitis ad vehicula.

Feras ad vehicula quis primus junxerit. Hyginus emendatur. Inter eas usurpati cameli. Salmasii lectio Pliniana comprobatur, & Græca Esaiæ refellitur. Cameli veloces. Iuncti ad aratra quoque. Elephantii in curru Regum ac triumphantium. Plinius, Diodorus expositi, Demsterus notatus. Capitolinus emendatus. Fuerunt etiam in carpentis Augustorum circensibus & quadrigis, item in vehiculis onerariis & aratris. Leones in curru, & quis Romæ primum junxerit. Κώδος quid. Dalechampi notatur, & Athenæus exponitur. Pardi & tigres in vehiculis. De Servio, ejusque quadam historia suspicio. Item ursi, & apri, & origes, & struthiones, & bubali, & bisontes. Oppianus arguitur & explicatur, itemque Solinus. Tum asini sylvestres, & cervi, & canes, & hirci. Leguntur & hermaphrodite equi & onelaphi in vehiculis. Athenæi locus examinatur.

PRæter domesticas, veteres nonnunquam sive magnificentiæ, sive luxus ostentationisq; causa vehiculis jungebant feras. Estque hoc inventum minimè recens, sed jam ante tempora Trojana notum, quando de Admeto Hyginus fab. 50. *Alcestim Pelei filiam cum complures in conjugium peterent, & Pelias cum multos eorum repudiaret, simultatem his constituit, ei se daturum, qui feras bestias ad currum junxisset: Iis, quum velleret, averteret. Itaque Admetus ab Apolline petiit, ut se adjuvaret. Apollo cum ab eo esset liberaliter tractatus, cum in servitium fuit ei traditus, aprum & leonem ei junctos tradidit,*

quibus ille *Alcestim* in conjugium avexit. Sic emendo locum hunc, in quo ante fuit; *Is quam vellet*: sine sensu. Cæterum ferarum aliæ accedunt propius ad domesticas animantes, aliæ non item. Ex his, quæ accedunt propius, camelus est, & elephanti. De CAMELIS ergo primo loco dicemus. Etsi enim Plinius usurpatos ad vehicula videatur negare, tamen diversum comprobabimus. Verba Plinii sunt lib. VIII. cap. 18. ubi de camelis agit: *Omnes jumentorum ministeriis dorso funguntur, aut vicem equitatus in prælio*. Ita bene locum hunc emendat Clarissimus Salmasius, cum ante legeretur: *Omnes iumentorum in iis terris dorso funguntur, atque etiam equitantur in præliis*; absq; sensu. Dicit Plinius, fungi jumentorum ministeriis dorso, non cervice vel collo, quod huic esse oppositum, supra notabamus, usurpariq; de iis, quæ sarcinas onerave gestant; & fungi talibus ministeriis omnes. Unde constat, Plinium camelos jugales aut vehicularios ignorasse. Memoravit tamen eos etiam ex Prophetis Esaias cap. XXI. v. 7. Nam, ut auctor est Clarissimus Bochartus, intelligendus ibi *currus, quem cameli vehunt*, teste Symmacho, non ἀναβάτης καμήλης, sicut vertunt Græci, vel *ascensor cameli*, sicut reddiderunt Latini, cæteri; interpretes. Nec res fuit tam rara vel insolita per Orientem. Nam & Strabo lib. XV. ubi loquitur de elephantis: Νέαρχος & Φινός, μέγιστον τε νομίζουσιν ἡμῶν ἐλεφάντων ἄρμα. Ἄγε δὲ ὁ ὑπὸ ζυγῶν καὶ καμήλης. Vertunt: *Scribit Nearchus, quod maxima possessio existimetur elephantis bigæ, duci enim sub iugo, ut camelos*. Sed vertendum est: *Duci verò etiam sub iugo camelos*. Ostendit Nearchus, non elephantos modò per Indiam vehiculis adjungi, sed & camelos, idq; ibi solens esse, licet alibi non faciant. Usurpavit tamen Ptolemaeus Philadelphus etiam in pompa sua, quæ descripta extat apud Athenæum lib. V. Memorantur enim ibi συναγίδες καμήλων ἐκ ἑκατέρου μέγους τρεῖς: *utrinque bigæ tres camelorum*. Ex Romanis idem fecit Nero, de quo Sveton. cap. II. *Commisit etiam camelorum quadrigas*. Ubi tamen vox, *commisit*, docet, non simpliciter traxisse tantum, sed certasse cursu quoque in Circo. Atq; est non contemnenda nonnullorum ex ipsis velocitas, ut Plinius lib. VIII. cap. 18. testatur. Igitur & de Sagaræis Ælianus lib. XII. cap. 34. Hist. Anim.

Σαγαρεῖσι τῇ Ἀθηνᾷ καμύλων ἀγῶνα ὅσα ἔτι σὺν αἰδοῖ τῇ τῆς θεᾶς ἐπιτελεῖσθαι. Τινὸς γὰρ
 ἀρα παρ' αὐτοῖς αὐταὶ θρομικῶτάαι τε ἀμα καὶ ὤκισται. *Sagarenfes quotannis
 summa aduersus Minervam obseruantia ei celebrant camelorum cer-
 tamen. Enimverò velocissimi apud ipsos procreantur.* Neronem imi-
 tatus est Heliogabalus, sumia ipsius. Nam Lampridius de eo cap. 23.
*Dicitur iunxisse etiam camelos quaternos ad currus in circo privato spe-
 ctaculo.* Quaterni cameli sunt, quos quadrigas camelorum Suetoni-
 us appellavit. Cameli ad postremum aliquando quoque serviebant
 aratro. Leo sanè Africanus affirmat, Numidas vulgo terram exer-
 cere eqvo & camelo. Ut ut autem camelorum usus fuerit non pla-
 ne nullus in vehiculis, tamen longè major fuit elephantorum. Atque
 primum quidem Reges ipsi ELEPHANTOS in curru suo apud Indos
 habuere. Curtius lib. viii. cap. 9. *Rex breviora itinera equo conficit,
 longior ubi expeditio est, elephantum vehunt currum, & tantarum belua-
 rum corpora tota contegunt auro.* Secuti postea exemplum hoc &
 Reges alii. Sic in pompa Regis Syriæ Antiochi habes apud Athe-
 næum lib. V. cap. 5. ἐλεφάντων ἀρμα, *currum elephantorum.* Et in alia
 pompa Ptolemæi Philadelphi apud eundem paulò post Calixenus
 Rhodius commemorat ἐλεφάντων ἀρμάλα εἰκοσιέσδαρα, *elephantorum
 currus viginti quatuor.* Apud Romanos ornabant currus trium-
 phantium, fuitque primus Pompejus, qui hoc instituit. Plin. lib. viii.
 cap. 2. *Roma iuncti elephantum primum subiere currum Pompeji Magni
 Africano triumpho, quod prius India victa triumphante Libero patre
 memoratur.* Plinii sententia, nisi fallor, ea est, Liberum seu Bac-
 chum primum triumphasse iunctis ad vehiculum elephantis. Atque
 ita Demsterus ad Rossini X. *Bacchus de Indis devictis triumphaturus
 quatuor elephantos iugo summisit.* Laudat deinde auctorem Diodo-
 rum Siculum lib. iv. At ille nihil de vehiculo, nec de elephantis
 quatuor, tantum egisse πρῶτον τῶν ἀπάντων θριάμβον ἐπ' ἐλεφάντων Ἰνδικῶν,
primum omnium triumphum super elephanto Indico testatur. Quæ
 verba volunt, vectum elephanto ipso, cui nimirum infidebat. Itaque
 non bene Demsterus, ac ne Plinius quidem, nisi alios secutus sit
 auctores, quam quos Diodorus. Post Pompejum elephantos ad
 currum triumphalem iunxisse Cajum Cæsarem scribit idem Dem-
 sterus,

sterus, loco supra nominato: *Post hunc (Pompejum) Cajus Caesar Gallico Triumpho junxit. Sveton. cap. 37.* At illo quidem loco nihil tale videas. Sed nec alibi de Cajo memorat, quod de Gallis triumpharit, adeo nil tradit de ipsius elephantis. Triumphum ejus de Germanis narrat cap. 47. sed nec eo loco ulla mentio elephantorum. Pergit Demisterus, & Claudium quoque junxisse ait in triumphali curru ex ejusdem Svetonii cap. 11. Sed non magis illo loco mentio currus triumphalis. Sermo est de curru in Circensi pompa; sicut postea videbimus. Idem post Claudium nominat Domitium. Deinde, ait, *Domitius Allobrogibus Arvernisque superatis. Svet. in Nerone, cap. 2.* Svetonii eo loco hæc sunt verba: *Cn. Domitius (atavis Claudii) in Consulatu Allobrogibus Arvernisque superatis elephantum per provinciam in vectus est.* Nulla mentio hic triumphalis currus, & videri potest non tam vehiculo, cui adjunctus foret elephante, quam elephante ipso vice equi usus. Subdit amplius Demisterus Gordianum. Credo Gordianum tertium innuere. Nam in cæterorum vita, à Capitolino proposita, nihil videas de elephantis. At de hoc sic habet cap. 27. *His litteris in Senatu lectis quadrigæ elephantorum Gordiano decretae sunt, utpote qui Persas vicisset, ut triumpho Persico triumpharet.* Hic quadrigas elephantorum accipit Demisterus pro quadrigis triumphalibus, quia sequitur de triumpho: At mihi non videntur ista cohærere. Eccur enim, quia Persas vicit, quadrigæ elephantorum decerni tandem ei debuêrunt? Non sunt elephantis propriè ac speciatim usitati Persis. Dein quid hoc est? *Quadrigæ elephantorum decretae, ut triumpho Persico triumpharet.* An triumpho Persico triumphare aliter non potuit? Itaque vix credo sic Capitolinum scripsisse. Potius ita hæc legenda censeo: *His litteris in Senatu lectis quadrigæ elephantorum Gordiano decretae sunt, atque, qui Persas vicisset, ut triumpho Persico triumpharet.* Quicquid sit, quadrigæ elephantorum Gordiano hic decretae, non ut iis triumpharet, sed ut ex lapide marmoreve formatis publico loco honoraretur. Nunquam enim triumphantibus à Senatu legimus decretum, quo animalium genere uterentur in curru: at honores, statuas, bigas, quadrigas decretas invenimus sæpissimè. Et sequitur statim

statim apud Capitolinum, *Misitheo autem quadriga equorum, & triumphalis currus, & titulus huiusmodi, quæ omnia de statuis intelligenda.* Sic itaq; & Gordiano decretæ quadrigæ cum elephantis, sicut loco alio uberius monstrabimus, ubi seorsum de honore hoc agemus. Superest Alexander Severus, de quo clarè Lampridius cap. 57. *Pedes palatium conscendit, quum retrò currus triumphalis à quatuor elephantis traheretur.* Item Aurelianus, de quo Zonaras tom. III. *Romam reversus quadrigis elephantorum triumphavit.* Quamquam hujus rei mentionem nullam faciat Vopiscus, qui tamen cætera triumphii diligenter executus est. Post currus triumphales, elephantos habemus in carpentis Augustorum, quibus honorabantur in pompa Circensi. Videturq; honor ille primum tributus à Senatu Octavio. Svetonius in Claudio cap. II. *Avia Livie divinos honores, & in Circensi pompa currum elephantorum Augusto similem decernendum curavit.* Habes ecce currum Augustæum cum elephantis in circensi pompa. Et ne putes imaginarium fuisse, verum à vivis tractum elephantis, dabo locum Xiphilini, qui sic de eodem, vita Neronis: *καὶ οἱ ἐλεφάντες οἱ πᾶσι τοῖς Αυγέστου ἀρμάμαζαν ἀγόνες, ἐς μὲν τὸν ἱπποδρόμον ἰσθλῶν, καὶ μέχρι τῆς τῶν βασιλευσίων ἐδρας ἀφίκοιτο.* Et elephantis, qui trahebant currum Augusti in Circum ingressi eo usque, ubi Senatores sedent, processerat. Trahunt & procedunt hic elephantis juncti ad Augusti eum currum. Factum porro hoc imperio Neronis, unde liquet, diu eam consuetudinem mansisse. Post Augusti currum hunc, invenio & Claudii, itemq; Vespasiani, similes Augustæo, in antiquis nummis. Nam Scriptores temporum illorum, quantum scio, memorare omiserunt. Pertinacis tantum legimus apud dictum Xiphilinum, ubi de Severo: *προσέταξεν χρυσὴν εἰκόνα αὐτοῦ ἐφ' ἀρμάματι ἐλεφάντων ἐς τὸν ἱπποδρόμον ἐσάγειν.* *Iussit statuam eius auream curru elephantorum in Circum vehi.* Cæterum hæc consuetudo monstrandi magnorum virorum imagines vectas curru elephantorum in solenni pompa etiam Græcis Macedonibusve fuit usitata. Athenæus sanè scribit lib. V. cap. 8. ubi pompam Ptolemæi ex Calixeno commemorat: *Καὶ ἐπὶ πᾶσιν Ἀλεξάνδρου, ἐς ἐφ' ἀρμάματι ἐλεφάντων ἀδελφικῶν ἐφέζετο χρυσοῦς, Νίκη καὶ Ἀθηνᾶν ἐξ ἐκείνου μέγας ἔχων.* *Præter hæc cuncta*

Alexandri, qui aureus in curru veris elephantis iuncto ferebatur, Victoria & Pallade eius utrumque latus claudentibus. Apud Romanos habitus honor iste etiam Imperatricibus. Sic aviæ Liviae in circensi pompa currum elephantorum decrevit Claudius, ut jam supra ex Suetonio vidimus. Agrippinae, Faustinae aliarumq; currus similes cernuntur in antiquis nummis. Amplius junxisse observamus elephantos ad vehicula, quibus certabant in Circo. Quamquam ignorem, an hoc quisquam fecerit, præter unicum Heliogabalum. Lampridius de eo, cap. 23. *Fertur & elephantorum quatuor quadrigas in Vaticano agitasse.* Tò agitasse monstrat, fuisse ludicrum istud instar certaminis curulis in Circo, quamquam Heliogabalus non in Circo, sed in Vaticano agitaverit. At vehiculis aliis, quibus portabantur onera, junxisse innuit & Seneca, quando inquit lib. II. de ira, cap. 31. *Aspice elephantorum iugo colla submissa.* Indis hoc vulgatum fuit. Plinius lib. VI. cap. 19. de Indis loquens diversis: *Vnum super hac est genus, venandi elephantés domandique; iis arant, iis invehuntur.* Quamquam illud invehuntur possit accipi de non curru vectis, verum ipsi elephanto insidentibus, quare nihil fuit apud eos usitatus. Interim & alterum in usu habuisse, vix est dubium. Sanè faciunt id hodieque, atque memorat Acoſta, iunctos ad tormenta ænea, quorum in militia esse usus solet. Neque forſan alio respexit Strabo, quando ait lib. XV. de Indis: Μέγιστον τε νομίξειδς ἐλεφάντων ἄρμα Φοι. *Maxima possessio putatur elephantorum currus.* Item, ὑπὸ ζυγῶν ἄρειδς Φοι. *Ajunt duci sub iugo.* Atque ad hunc modum de Adriano Spartianus: *Colossus stantem atque suspensum per Detrianum architectum, & de eo loco, in quo nunc templum urbis est ingenti molimine, ita, ut operi etiam elephantés quatuor & viginti exhiberet.* Postremo & aratris adjunguntur. Plinius lib. VI. cap. 19. ubi de ipsis agit: *Iis arant, iis invehuntur, hac maximè novere pecuaria.* Item lib. VIII. cap. 1. *Indis arant minores, quos appellant nothos.* Solinus cap. 65. *Elephantos venantur, quibus perdomitis ad mansuetudinem aut arant, aut vehuntur.* Ad vehicula veteribus adhibiti etiam LEONES. Primus, qui hoc Romæ fecit, M. Antonius memoratur. Plinius lib. VIII. cap. 16. *Iuga subdidit eos, (leones) primusque Romæ ad currum*
junxit

junxit M. Antonius, & quidem civili bello cum dimicatum esset in Pharsalicis campis. Quando Plinius primum eum vocat, qui sic junxerit leones, plures postea fecisse ostendit. Primus enim est respectu plurium, qui sequuntur. Quamquam memoria paucorum supersit. De uno legimus Heliogabalo, apud Lampridium: *Junxit sibi & leones.* Alias & in pompa Ptolemæi mentio leonum in vehiculis. Ita enim habet Athenæus loco antea laudato: *Post hos prodierunt leonum duodecim bigæ.* Ita vertit Dalechampius. At in Græco est συναρίδες κώλων δεκάδους, nulla mentio leonum. Κάλ & enim animal est Scythicum, album, inter cervum & arietem. Strabo lib. vii. Εστὶ τῶν τετραπόδων ὁ καλέμεν & κώλ & μεῖζον ἐλάφου καὶ κριὸς τὸ μέγεθος, λευκὸς, ὅξυτις & τέτων τῶν δρόμων. *Habent autem animal quadrupes, quod ab iis colos dicitur, magnitudine inter cervum & arietem media, album, cursu quam illa velocius.* Vocat κώλον, quod Straboni κώλον. Helychio existimo κολόν esse. Verba hæc sunt: Κολόν, κολουσόν. Μέγαν τετραγών κέρατα ἐκ ἔχοντα. Omnino hic κολός, quod reliquis κώλ & vel κώλ &, quod liquet, quia dicit fuisse hircos majores, absq; cornibus. Convenit enim magnitudini, quam in eis Strabo notat. Neq; alia est causa, quare in enumeratione diversorum vehiculorum apud Athenæum præcedat; συναρίδες τετραγών ἐκόντα, *hircorum bigæ sexaginta.* Nempe quia fuit animal cognatum hircis, ideò adjectum illis est. Legimus & PARDOS in vehiculis, sed rarissimè. Martialis de temporibus Domitiani, quibus visum hoc spectaculum, lib. I.

Picto quod juga delicata collo

Pardus sustinet, improbaque tygres

Indulgent patientiam flagello, &c.

Habes hic non pardos solum, sed & TYGRES. Quales nescio, an ad currum junxerit & Cæsar Julius seu potius Augustus. Virgilius profectò de Daphnide V. Ecloga hoc modo:

Daphnis & Armenias curru subungere tygres

Instituit.

At hoc Servius intelligit de Augusto. Hoc, inquit, apertè ad Cæsarem pertinet, quem constat primum sacra Liberi patris transtulisse Romam. Vult, quantum intelligo, hoc dicere, Augustum sacra Liberi instituisse,

tuisse, atq; ideo dici subjugasse tigres. Nempe tigres in vehiculo sunt Liberi seu Bacchi, sicut loco alio docebo. Verum aliud est *subjungere tigres*, & aliud Bacchum seu Liberum junctis ad vehiculum tigrilibus Romam adducere. Neq; si dicamus Bacchum ferarum, & in eis tigres domuisse, aliquid efficiemus, cum nec Daphnis isto loco facere fingatur quidquam, quod ad Bacchum pertineat, nec in Cæsare Bacchum intelligere queamus. Ut sit cogitandum, annon sicut alia, sic ejusmodi spectaculum dederit Augustus. Plinius lib. VIII. cap. 17. *Divus Augustus Q. Tuberone, Fabio Maximo, Consulibus, III. Nonas Majas theatri Marcelli dedicatione tigrin primus omnium Romæ ostendit in cavea mansvesfactum.* Alias & Helio-gabalus in curru tigres habuit. Lampridius: *Iunxit & tigres, Liberum sese vocans.* URSOS memorat Martialis ante dicto loco istis verbis: --- *Freno Libyci domantur ursi.*

Putat Lipsius per ursos Libyicos intelligendos esse leones. Nempe Libyam ursos alere non existimat. Sed diversum monstrat Clarissimus Salmasius magni Operis p. 311. quem proinde arbitramur hic sequendum, sicut factum à Clarissimo Gerhårdo Vossio lib. III. Idol. cap. 52. Freno autem domitos non aliter intelligendum, quam in curru aut vehiculis. Uris addo APROS; namq; & de his Martialis dicto loco:

Et quantum Calydon tulisse fertur

Paret purpureis aper capistris.

Puto hic capistra intelligi, quibus regunt, qui adjunctos habent in vehiculo. Possunt quidem & capistra esse, quibus ora ipsorum clauduntur, & ducuntur ipsi. Quomodo in cœna Trimalcionis tres albi sues adducti sunt, capistris & tintinnabulis culti. Sed tamen non penitus insolitos fuisse in vehiculis, ostendit nummus aliquis Trajani, expressus ab Onuphrio in ludis Circensibus p. 87. qui exhibet vehiculum ab apro & leone tractum, præeunte Hercule cum clava. Meminit & Occo alicujus, sed diversi, ut opinor, à priori. Descriptio illius hæc est in Trajano: *Diana Lucifera curru à leone & apro vecta dextra facem tenet, præeunte Hercule, Deam retrò aspiciente, clavam dextro humero spectante, sine alia inscriptione.* Facit hic Dianam

Dianam in curru, cum in altero Onuphrii sit Victoria, quæ, præter facem in dextra, palmam tenet in sinistra. Sed & ibi est inscriptio, cum hic sit nulla. Unde colligas non difficulter id, quod dixi. Apud Athenæum in pompa Ptolemæi habes quoque bigas Orygum. μετὰ τέτοις συνωρίδες ὀρύγων ἑπτά. *Post hæc bigas septem orygm.* Sunt autem oryges ea figura, quæ vulgo monocerotes traduntur. Eadem in pompa leguntur & STRUTHIONES ad vehiculâ. Ita namque habet: Στρυθίων συνωρίδες ὀκτώ. Id est: *Struthorum bigas octo.* Major ibi numerus vehiculorum, quæ habebant BUBALOS. Συνωρίδες αἰτ βεβάλων δεκαπέντε, *bigas bubalorum quindecim.* Quo loco bubalos debemus intelligere non boves feros, sive uros, verum animal diversum, ex caprearum genere, de quo Maximus Bochartus Part. I. Hist. Animal. lib. III. cap. 22. BISONTEs legimus apud Martialem, isto versu:

Turpes effeda — trahunt bisonτες.

Unde simul colligas, non esse usquequaque; verum, quod de iis habet Oppianus, nempe αμαϊμάκλον γένεθλον, *indomitum genus* existere. Nisi fors accipimus de domandi raritate difficultateque. Quo respectu Plinius quoque; lib. VIII. cap. 15. *Gignit Germania insignia boum ferorum genera jubatos bisonτες, &c.* Non intellexit Solinus, itaque; de suo sic exposuit cap. 32. *Bisontes frequentissimi, qui boves feris similes, setosi colla jubis, horridi ultra tauros, pernecitate capti assvescere manu nequeunt.* ASINOS SILVESTRES in vehiculis memorat Athenæus in sæpe dicta pompa. Συνωρίδες τέσσαρες ὄνων ἀγρίων. *Bigas quatuor asinorum silvestrium* habuit. Hos Latini alias *onagros* nominant, qui cum ipsi quoque; aliquibus credantur arte nulla posse domari, hoc exemplo diversum ostendunt. Quamquam vel ipsa vehiculorum aut bigarum hic nominata paucitas ostendat, minimè frequentem fuisse onagrorum subjugationem. Id quod & de subjugatione bisonum, bubalorum, struthionum, orygm, aprorum, tigrorum, pardorum & similium censendum. CERVOs crebrius adhibuere, memoratque; Athenæus in prædicta pompa bigas ἑλάφων ἑπτά, *cervorum septem.* Quin imò apud Patrenses solenne fuit, ut virgo sacra Dianæ in festo quodam publico veheretur curru cervis juncto. Pausanias in Achaicis: Καὶ ἱερωμένη πάρθενος ὁχεῖται τελευταία τῆς πομπῆς ἐπὶ ἐλάφω ἑσπε-

τὸ ἀγῶνι ἐοικέναι. *Ultima vehitur virgo sacerdos in pompa curru à cervis tracto.* Nescio, an simile quid observatum apud Gothos fuerit. Regem enim eorum curru cervis juncto vectum legimus apud Vopiscum vita Aureliani. *Fuit, inquit, alius currus, quatuor cervis junctus, qui fuisse dicitur Regis Gothorum: quo, ut multi memoriae tradiderunt, Capitolium Aurelianus in vectus est, ut illic caderet cervos, quos cum eodem curru captos vorasse Iovi Optimo Maximo ferebatur.* An hoc fuerit solenne Gothicis Regibus, sicut Francicis curru bobus juncto vehi, ignoro. Saltem quia Rhenonum, quos nominant Rangiferos, species non multum est diversa, quorum per Septentrionem, unde Gothi oriundi sunt, usus olim fuit longè frequentissimus, in eorum defectu adhibuisse cervos amore patriæ consuetudinis, fortassis non absurdum est putare. Hoc profectò videmus, etiam Aurelianum tali curru vectum. *Quale quid & legimus de Alagabalo seu Heliogabalo. Lampridius cap. 28. Processit in publicum & quatuor cervis junctis ingentibus.* Cervos in vehiculis exhibuit Domitianus quoque, sicut discimus ex Martiale lib. I. ubi spectacula illius describit. Nam post alia sic quoque habet:

Mordent aurea -- lupata cervi.

Quod sine dubio de bigis vel quadrigis cervorum intelligendum est. Atque istæ quidem feræ domitæ ad vehicularem usum. Quæ ostendunt abunde, tabulam ab Onuphrio Panvinio exhibitam in de Ludis Circensibus pag. II. non esse à pictoris sculptorisve ingenio confictam penitus, sed ad veritatem rei ipsius bigas leonarum, cervorum, leonum, capreolorum ibi decurrere. Ante ceteras autem omnes biga canum quoque ibi cernitur. Scilicet & CANES jun gere vehiculis quandoque consueverunt. Lampridius de Heliogabalo dicto loco: *Canes quaternos ingentes junxit ad currum, & sic est vectatus intra domum regiam, idque privatus in agris suis fecit.* Sepius ostendit hoc fecisse, & cum adhuc privatus esset, & deinde, cum venisset ad imperium. Ait autem sic *vectatum* esse, quod ignoro, an de simplici vectatione tantum debeat intelligi, num potius de ludicra ad metam, qualis esse consueverat in Circo. Nam & ad hanc rem adhibitos aliquando canes legimus. Dio sive Xiphilinus lib.

LXI. Cum propter hoc Neronis studium ii, qui equos alebant, una cum aurigis superbè extollerentur, ac proinde erga Prætores & Consules perquam petulanter se gererent, Aulus Fabricius Prætor uti noluit illis, iusta mercede cum quibusdam certare recusantibus, sed *κύνας διδάζας ἐλκευ ἀρμάλα, ἀνὶ ἵππων ἐσθ' ἀγε*, canes doctos currus agere pro equis introduxit. Patet manifestè, bigas canum ad metam decurrentes in prædicta tabula ex vero esse formatas. Exemplo canum jungere quandoq; HIRCOS etiam consueverunt. Nam apud Athenæum sæpe dicto loco leguntur *συνωρίδες τράγων ἐξήκοντα*, bigæ hircorum sexaginta. Similia de capris discimus ex Martiale, quando ait lib. I. ep. 52.

Gestari junctis nisi desinis AEdile capris.

Nec res penitus insolita nostris etiam temporibus: ipsi namq; vidimus nonnunquam capros canesq; in plostellis. Id verò prodigiosum atq; singulare, quod hermaphroditas equas Nero junxerit. Plinius lib. XI. cap. 49. *Ostentabat Nero hermaphroditas subjuges carpento suo equas, in Trevirico Gallia agro repertas, ceu plane visenda res esset, Principem terrarum insidere portentis.* Possunt huc referri onelaphi Ptolemæi, si vera est scriptura Huraldini codicis Athenæi. Nam ubi vulgatus in sæpe dicta pompa exhibet bigas *ἐλάφων ἐπ' α'*, codex ille aliqve habent *ὄνελάφων ἐπ' α'*, quod esset genus animalis ex asinis cervisq; mixtum. Quamquam autem forte non omnimodè repugnet procreari tale animal casu quodam, sicut ex vulpecula & cane, item tigride & cane procreantur aliquando, quæ vocantur *ἀλαπένιδες* vel *μελάγρονες*, ut videre licet apud Gratium, & Ulitii ad eum notis pag. 174. vel sicuti ex asino equaqve, qui vocantur muli; sic inventos esse uno tempore tam multos onelaphos, ut potuerint septem bigas conficere vix persuaderi mihi patior, atq; ideò scripturam communem existimo servandam.

Cap. X.

De hominibus ad vehicula junctis.

Homines vehiculis adjuncti. Cathedrarii. Lecticarii. Corpora lecticariorum. Lipsius notatur. Lecticas gestare non semper proprium servorum. Geruli. Κληνοφόροι. Διφοφόροι. Φορῆς. Φοριοφόροι. Trahararii. I. Forverii. explicatio Sidonii repudiata. Savaro notatus, & Sidonius correctus.

Astrabarii. Philargyrii dissensio ab aliis observata. Senici locus distinctus. Subire sub jugo. Ingerere se sub jugo. Currus Ladislai. Ingerere ad currum homines per superbiam consuetudo vetus. Lectio Lucani contra Argolum defensa. Pampillum, vox nihili. Lampridii locus expenditur.

PRæter bruta sæpe homines adhiberi solent ad vehicula. Est autem hæc ipsorum opera vel solennis, vel singularis & inusitata. Solennis opera duplicis est generis, nam vel gestando promovent vehicula, vel trahendo. Gestant vehicula *cathedrarii*, quorum servilis ferè conditio fuit. Meminit Sidonius lib. I. ep. II. de Curione: *Per cathedrarios servos domum raptus ac reportatus est.* Hic servi cathedrarii, qui gestant cathedras, sicut vocat Phædrus noster, lib. III. cap. 9. *Lecticarios* etiam vocabant. Hinc Svet. in Othone cap. 6. *Muliebri sellâ in castra contendit, ac deficientibus lecticariis cum descendisset, &c.* Sella muliebris est cathedra, & lecticarii, cathedrarii, qui etiam hoc loco servi. Alias sunt lecticarii propriè, qui lecticas gestant. Sulpitius apud Ciceronem lib. IV. ep. 12. *Coactus sum in eadem illa lectica, qua ipse delatus eram, meis lecticariis in urbem eam referre.* Quando ait, meis lecticariis, etiam hos habuisse servos ostendit. Quamquam autem hi servilis ferè conditionis essent, tamen publicè habebant quoque ex minuta plebe, qui hoc munere fungebantur. Inde corpora eorum legimus in inscriptione veteri:

TIB. CLAUDIO
AUG. LIB.
TIGRANO
EX CORPORE
LECTICARIORUM
CÆSARIS.

Tigranus hic libertus est, & tamen ex Lecticariorum corpore, qui Cæsari ministrabant. Quare nescio, quâ ratione Lipsius ex hoc lapide conatus sit probare, lecticariorum ministeria inter servilia fuisse. Licet enim ita fuerit apud privatos, tamen aliter publicè res habuit. Sed & alias amicitiae officiique causa ministerium hoc obibant. Quomodo legimus apud Svet. vita Claudii, cap. 10. *Ab his* (militi-

(militibus) *impositus lectica, & quia servi diffugerant, vicissim succolantibus in castra delatus est.* Similia occurrunt apud eundem vita Othonis c. 6. Martialis ipse non veretur istiusmodi officium præstare, *Lecticam sellamque sequar: nec ferre recusor.*

Posteriori ævo dicti lecticarii etiam, qui efferebant funera, ex instituto Constantini magni, de quo consulendus est Kirchmannus lib. II. de Funer. cap. 8. Alias & gerulos appellavere. Seneca IV. Benef. 2.8. *Quo tandem ab istis gerulis raperis, cubile istud tuum circumferentibus?* Græci κλινοφόρος nominasse videntur. Ita sanè habet Lexicon vetus Argenteratense: *Lecticarius, κλινοφόρος*. Maluerunt tamen διφοφόρος alii vocare. Ita sanè legas apud Plutarchum: πολλοὶ συνίτωσαν, ὥσπερ γυναικὸς πολυτέλεις, τῆς τραγωδίας κομμωταὶ καὶ διφοφόροι. Nam apud Athenæum lib. XII. cap. 2. peculiarem notat ministrum aulæ Persicæ, qui præbere descendenti è vehiculo Regi sellam auream solebat, ne pedibus terram tangere cogeretur. Verba sunt Dinonis: *Cum Rex è curru descenderet, nec deslieberat, etiamsi exigua foret altitudo à terra, nec, ut egrederetur, manibus circumstantium fulciebatur, ἀλλ' αἰεὶ αὐτῷ χρυσῆς δίφορος ἐτίθειτο, καὶ τὴν ἐπιβαίνων καλῆν, καὶ ὁ βασιλεὺς διφοφόρος εἰς τὸ αὐτὸ εἰσιτο.* Sed ei semper admovebatur aurea sella, in quam egressus è curru descenderet, ejusque rei gratia semper regia sella gestator sequebatur. Quamquam fortassis & alias curam sellæ ejus habuisse videatur, Regi q; eam præbuisse, quotiens esset opus. Plutarcho quoq; sunt φορεῖς. Ita namq; habet vita Artaxerxis: *Donavit Τιμαγόρα φορεῖς τὴν κομίζοντα αὐτὸν ἀρχὴν θαλάσσης.* In Glossario antiquo legimus φοριοφόρος pro ipsis. Φοριοφόρος, *lecticarius*. Alterius autem generis sunt, qui vehicula trahebant: quorum pariter est duplex ratio. Quidam enim ante se solebant propellere, alii post se trahere. Prioris generis existimo fuisse, qui chiramaxium impellebant. Et patebit amplius, cum de ipso vehiculo agetur. Veteribus in usu multo fuisse non videtur. Hodie est frequentissimum, non in hortis modò, sed & munimentis aggeribusq; struendis. Posterius genus trahebat vel communia vehicula, vel sacra. De communibus res ipsa docet. Nec enim dubitare possumus, quin habuerint, qui fune plotellum religatum post se traherent. Quomodo nunc quoq; fieri

videmus cum in agris, tum in urbibus, ubi duo tresve birotum cum non parva sarcina trahere per plateas consueverunt. Pertinere huc *traharii* videntur, quorum mentio est apud Sidonium lib. vi. ep. i. Verba hæc sunt: *Tu nihilominus hastatorum antesignanorumque paulisper contubernio sequestratus, ultimos calones tuos lixasque non despicis, & ad extremos trahariorum, qui per insipientiam suam adhuc ad carnis sarcinas sedent, crucis diuportata vexilla circumfers.* Woverius ad hunc locum ita notat: *Trahariorum*) ita ferè omnes MSS. sed opt. *liber meus, & ad extremos triariorum &c. Fort. triariorum. Sed nihil mutandum. Nam & vulgate lectioni in facili interpretamentum comminisci.* Sed non idèò, quia interpretamentum comminisci facile, lectio altera repudianda. Ratio enim, cur *triariorum* legi nequeat, est evidens, quia illi, quorum hic est mentio, sunt inter lixas & calones, multo hastatis atq; antesignanis inferiores. At de triariis nihil unquam tale proditum. Pro optimis & præstantissimis militibus semper habebantur. Liv. lib. viii. cap. *Primum vexillum triarios ducebat, veteranum militem spectata virtutis.* Hactenus ergo rectè retinetur id *trahariorum*. Neq; deest viris doctis aliqua interpretatio. Vossius in Etymologico: *Atraha est traharius, qui trahis vehit sarcinas.* Savaro in Notis: *Traharii sunt, qui trahis & sarracis sarcinas & militaria vehunt impedimenta: sic à trahis traharii dicti sunt. Sunt autem trahæ vehicula, quibus frugum culmi comminuebantur.* Miror Savaronem trahas voluisse sic exponere. Si enim talia fuere vehicula, quid ita illis impedimenta exercitus vehuntur? Et profectò trahis vehi sarcinas impedimentave militum nemo hactenus, opinor, legit. Quotquot veterum Scriptorum Latinorum Græcorumve illam rem exponunt, vehicula, plaustra, *ἀνὰ ξας* & id genus nominant. Quare mihi valde sunt suspecti traharii illi. Et quid, si legamus, & ad extremos *astrabariorum*? Ita procul dubio Sidonius scripsit, perq; astrabarios intellexit eos, qui astrabas & iumenta clitellaria ducunt; ut sit ab astraba, astrabarius, sicut à clitella, clitellarius, à rheda, rhedarius & id genus. Sanè prima syllaba in astrabarius apud Sidonium facillimè absorpta esse potuit per syllabam ultimam haud ita dissimilem vocis præcedentis, & b non mul-

tum

tum differt ab *h* in Manuscriptis. Postremo astrabarum usus frequentissimus in bello, sicut suo loco indicabitur. Sed si apud Sidonium sunt astrabarii, non intelligi possunt illi, qui trahunt trahas ipsi, eqvove juncto ducunt, atq; adeò nec referri ad hanc classem. Quamquam non defuerint veteribus, qui trahas aliave istiusmodi vehicula post se traxerint, licet fortè certum non habuerint vocabulum. Venio ad vehicula sacra, ea quoq; constat homines traxisse funibus. Athenæus in Ptolemæi pompa lib. V. ubi de vehiculo, cui effigies imposita erat Bacchi: *Μετὰ τῆς τειράκυνλ & πηχῶν τριαρεκαίδεκα, ὅκλῳ ὃ τὸ πλάτ & ἡ ἐλὸ ὑπὸ ἀνδρῶν ἐγδοήκοντα καὶ ἑκατὸν. Post hos rotis quatuor currus longus cubitos quatuordecim, latus octo, agebatur à centum & octoginta viris.* Ita paulò post de alio vehiculo, in quo Nyssa Bacchi nutrix: *Μετὰ ὃ ταύτας ἡ ἐλὸ τειράκυνλ & πηχῶν ὅκλῳ πλάτ & ὑπὸ ἀνδρῶν ἑξήκοντα. Post has alter currus quatuor rotarum latus octo cubitos à viris sexaginta ducebatur.* Atq; sic observes etiam in aliis. Similiter apud Virgilium Trojani ducunt sacratum Palladi eqyum. Versus sunt.

II. Æn. *Accingunt omnes operi, pedibusque rotarum
Subjiciunt lapsus, & stuppea vincula collo
Intendunt.*

Dictys Cretensis: *Destructa murorum parte cum joco lasci viaque induxere equum, feminis inter se atque viris certatim attrahere festinantibus.* Et in universum de thenfis Asconius in Verr. III. *Thensas dici putant, quod ante ipsas lora tenduntur, quæ gaudent manu tenere & tangere, qui eas deducunt.* Præter has solennes vehicula deducendi consuetudines, accidit aliquando, ut homines adjungerentur ob defectum jumentorum. Quomodo leguntur juncti olim Cleobis & Biton ad matris suæ plaustrum. Meminit Philargyrius ad Georg. III. *Cydippe Argivæ Iunonis sacerdos, cum boves deessent, filios suos Cleobin & Bitonem plaustro subjunxit, & sic ad templum deducta est, quod fas non erat illam venire sine plaustro.* Dicit Philargyrius, matrem eos subjunxisse; at, qui primus hanc descripsit historiam, Herodotus ultro subiisse jugum ait. *Εκκληζόμενοι ὃ τῇ ᾠρῇ οἱ νενίας, ὑποδύσας αὐτοὶ ὑπὸ πλῶ ζεύγλιν, εἶλκον πλῶ ἀμαξαν.* Juvenes exclusi tempore, jugum subeuntes plaustrum pertraxerunt. Atq; sic Hyginus cap. 254.

Inter

Inter quam trepidationem Gleops & Bitias probobus sub jugo se junxerunt, & ad sanum sacra & matrem Cydippem in plaustro duxerunt. Nota, esse Gleopen Hygino, qui Herodoto & aliis est Cleobis, & Bitian, qui cæteris est Bitō. Nam & Servius sic vocat ad prædictum Virgilii locum, ubi etiam ipse, *matrem, subeuntes jugo, ad templa duxere.* Sic sunt distingvenda illa verba, quæ se malè habent in vulgatis. *Subire jugo, est, quod Hyginus dixit, iungere se sub iugo.* Necessitate licet alia juncti olim homines. Legimus quippe anus ad aratra sine dubio inopia quadam jumentorum. Plinius lib. xvii. cap. 5. *In Byzacio Africa campum post imbres vili a fello, & à parte altera ingi anu vomerem trahente vidimus scindi.* Manuscripti & Chifflelianus codex habent, *iungi anum vomerem trahentem,* quod rem clarius exponit. Quamquam à recepta lectione minimè fortassis recedendum. Non sunt dissimiles multum dicti olim apud Hungaros *currus Ladislai.* Nam cum incurfione Tartarorum sub Ladislai IV. imperio vastatis omnibus jumenta quoque defecissent, homines ad plaustra & aratra juncti. Quod vehiculorum genus odio Ladislai appellabant, sicut dixi. Memorant Bonfinius & alii temporum illorum Scriptores. Invenimus aliquando junctos homines per superbiam, & in signum aliquod victoriæ. Nec est ista consuetudo recens, verum pridem usurpata Sesostris apud Ægyptios. Josephus nominat Sulacum. Diodorus lib. I. *Qui gentium de victarum regna indulgentia ipsius tenebant, aut alioquin principatus acceperant maximos statò tempore cum donis in Ægyptum ventitabant. Quos Rex exceptos cætera honorare & eximie provehere, sed templum vel urbem ingressurus, equos à quadrigis solvere, Regesque ac Duces quaternos subiungere solebat: planum ita cunctis, ut putabat, faciens, quod aliorum potentissimis totoque orbe clarissimis, bello subactis, in virtutis certamine sibi comparandum habeat neminem.* De eodem Plinius lib. xxxiii. cap. 3. *Victo Sesoistre Ægypti Rege, tam superbo, ut prodatur annis quibusque sorte Reges singulos è subiectis iungere ad currum solitus, sicque triumphare.* Hinc Lucanus lib.

*Venit ad Occasum mundique extrema Sesostris,
Et Pharios currus Regum cervicibus egit.*

Argolus in Notis ad Onuphrium pro *Occasum* citat *Oceanum*. Nimirum quoniam in Oriente fuit Sesostris, præterea Oceanus extremum mundi, sicut dixi pridem in libris de Mil. Navali; Occasus autem non magis mundi extremum, quam Oriens, vel Meridies, vel Septentrio. Sed omnino retinendum est *Occasum*, quoniam postremum Sesostris fuit bellum cum Scythis, qui Ægyptiis ad *Occasum*. Sesostris hac parte similis fuit Cyrus, uti testis est Cedrenus, quando sic de ipso pag. m. 117. Ὁ Κύβης αἰχμαλωτεύσας πολλὰς βασιλεῖς, καὶ ἔχων αὐτὰς ἐν φυλακῇ, προσέταξε καὶ ἑορτὴν τοῖς αὐτῶν αὐτῶν σύρειν τὸ τετραίπτερον ἄρμα, ἐν ᾧ αὐτὸς ἐπωχεῖτο. *Cyrus cum multos haberet Reges captivos, & in custodia detineret, solenni quadam festiuitate eos trahere suis humeris quadrigas iussit, quibus ipse vehebatur.* Postremo & lasciviæ causa iunctos homines legimus. Nam de Heliogabalo Lampridius cap. 29. *Iunxit & quaternas mulieres pulcherrimas, & binas ad papillam, vel ternas & amplius, & sic vectatus est: sed plerumque nudus, quum illum nude traherent.* Ita habent cum Schreveliana editio nupera, quæ Salmasii, Casauboni, Gruteri editiones sequitur, tum Henrici Stephani, atque aliorum. Notant tamen pro *ad papillam*, Palatinum Manuscr. exhibere *ad pampillum*. Atque ita editores Fori Romani reppererunt suis in codicibus, unde *genus delicati currus* sunt interpretati. Sed pampilli quidem nulla ratio denominationis liquet, siue Græcam linguam siue Latinam consulemus. Quare sunt, qui *pompilli* legere hic malunt. Sed de pompa nulla loquitur Lampridius. Deinde nec *pompillum* legimus, sed *currum pompaticum*. Isidorus lib. XX. cap. 12. *Carpentum pompaticum vehiculi genus est, quasi carrum pompaticum.* Nempe sic *adventum pompaticum* dixit Tertullianus adv. Valent. cap. 16. Apud quem cum reperiatur & *pompalis, pompalem* quoque *currum* dici potuisse liquet. Quare dubito de integritate huius loci, & quidvis potius, quam *pompillum* aut *pampillum* legere volo. Neque tamen id *papillam* possum amplecti: ecquid enim est, *jungere mulieres ad papillam*? Quid papilla facit ad iuncturam? Deinde, cum de pluribus mulieribus sit sermo, cur non *ad papillas* potius dicendum fuit? Neque cogitare possumus sic iunctas, ut jugum funesque cingerent earum papillas: Nemo enim

ad hunc modum diceret, *jungere equos ad collum, vel cervicem.* Quoties illud *jungere* ad occurrit, toties fit mentio rei, cui quid adjungitur, & quæ ducenda trahendave venit, ut *jungere* ad currum, ad aratrum. Quare alia excogitanda lectio, de qua dicemus amplius, cum ad vehiculâ ipsa ventum erit. Neq; enim dubitare possum, quin sub voce *papillam* vehiculi genus quoddam lateat.

Cap. XI.

De jugo & funibus, quibus junguntur.

Jugum, unde. ζῶγ & pro bobus mulisve junctis. Athenai & Polybii explicatio rejecta. Materia iungi lignum. Locus Esaiæ expenditur. *Jugum unctum oleo. Jugum buxum, æneum, ferreum.* Figura eius eadem in omni genere iugalium. *Jugum fuit curvum. Stevechii & Lipsii figura reiecta.* ζῶγλπ. Sub uno iugo duo, aliquando tria, sed non nisi certo fine. Μέσσαλα. Gualtherus notatur. Ἀποχινιστοί. Curtius exponitur. *Calata iuga.* Γλυφῆ, ἀκρον ζυγῆ. Hesychius explicatur & emendatur. Stephani explicatio reiicitur. Ζυγὸδεσμον. Pollux emendatur. Ζυγὸδέτης. Lora. *Iuga lorata. Subiuga.* Cato emendatur. Ἐσωρ Ὀμφαλὸς ζυγῆ. Δέπαδνα. Eustathius explicatur, item Pollux. Μασχαλισῆρες. Antilena, postilena. Plautus exponitur contra Lambinum. Ὑπερὶς. Pertinet ad clitellas. Διπρεῖς ηῖς. Vossius reiicitur. *Jugum equis solitum imponi.* Ζύγιοι ἵπποι. Iugales. Item mulis atque asinis, & quidem in collo, ac liberè, ut possent excutere. Ἀδφ &. Statius exponitur.

A Nimalia, quæ ad currus junguntur, jungi ferè solent inter-
ventu jugi. Sic enim vocabant instrumentum illud, ad quod & temo vehiculi & funes cæteri, quibus trahebant, religabantur. Dicebatur verò jugum ita à jungendo, uti Varro testis est. *Jugum,* ait, & *jumentum à junctū.* Quamquam fortè rectius cum Gerhardo Vossio statuamus contra sese rem habere, ac à *jugo* venire *jugare,* item *iungere.* Jugum autem à Græco ζυγὸς derivari, permutatione quadam literæ ζ, cui similem Latini non habent, in I, quomodo & à μείζον *maius* est. Ζυγὸς profectò Græcis, quod Latinis jugum. Philoxenus: *Jugum,* ζυγὸς. Licet hoc ζυγὸς fortasse sit à ζῶγ &, quod, ut Hesychius est auctor, notat πᾶν τὸ ἐζευγμένον, id est, quidquid conjugatum sociatumq; est. Quomodo est ζῶγ & pro bobus junctis apud Athenæum

Athenæum lib. I. cap. 13. ubi agitur de saltatione Magnesium. μά-
 χαι πρό ζευγος ἐν θυμῷ πρὸς τὸν αὐλόν. καὶ τέλ. ὁ δλησῆς δῆσας τὸν ἀνδρα, τὸ ζεύ-
 γ. ἀπάγ. Perperam Interpres: *Raptis armis ante iugum arator pu-
 gnat, tibiæ modis corporis motum adaptans. Ad extremum verò prædo
 vinctum aratorem cum iugo abducit.* Ζεύγος enim hic sunt iuncti boves,
 quibus arator sparsa semina simula bat insinuare terræ. Sic ζεύγ.
 mulæ carrucariæ apud Polybium in Excer. Peirasc. pag. 154. καὶ τὰν
 ὀρεοκόμων, καὶ τὰ ζεύγος. Ἐ τῆς ἀπῆνης αὐτῆς ὑπαρχέσης. Ubi pariter interpres
 malè, *iisdem pilento, bigis ac mulionibus.* Nihil enim hic de bigis agi-
 tur, sed mulabus. Materia ipsius vulgo fuit lignea. Inde habes apud
 Esaiam cap. 10. *Auferetur iugum de collo tuo, & computrescet iugum à
 facie olei.* Dicit, *computrescet*, quod non convenit in aliam mate-
 riam, præsertim, cum addatur causa, oleum. Græci omiserunt: Ita
 namq; habent: καὶ καταφθαρίσεται ὁ ζυγός διὰ τὸ ἄμειν. At Junius &
 Tremellius: *Imò disturbabitur iugum propter oleum.* Clarius Casta-
 lio: *Iugum ex cervice auferetur, iugo præ pingvitudine corrupto.*
 Nempe hoc vult, nisi fallor, fore, ut oleum nimis iugo inunctum
 non conservet ipsum, sed corrumpat. Solebant enim instrumen-
 ta illa lignea, quo fierent durabilia, oleo inungere. Cato R. R.
 cap. 98. *Amurca decocta (eafex est olei) ligneam supellectilem omnem
 si ungves, non putrescet, & cum ea terferis, splendidior fiet.* Apud Ho-
 merum in vehiculo Priami buxeum est iugum. Verba sunt Iliad. Ω.

Κάδ' δ' διὰ πᾶσα ἀλόφιν ζυγὸν ἤρεον ἡμιάνειον

Πῶζινον, ὁμφαλὸν τ' εὐοϊήκεσιν ἀρηγός.

Apaxillo iugum abstulerunt mulinum, buxinum, umbilicosumque, bene
 clavis aptatum. Notat hic Eustathius, ita factum ab Homero, cum
 ad indicandum robur, tum, quod sermo esset Regis de vehiculo,
 alias non fuisse usitatum. Verba ejus: Τὸ ὃ πῶζινον, ἔστι μὲν καὶ πρὸς σέρ-
 ρότητι, ἔχει δέ τι καὶ κάλλ. βασιλικῇ πρέπονι ἀπῆνη. Οὐκ ἂν ὃ ζυγός βοεῖ τοῖς
 τ' εἴη. Dicit, iugum vulgare, ac quale bobus solebat imponi, non
 fuisse istiusmodi. Et protectò supra demonstravimus è carpine vel
 acere fieri consuevisse. Sicut autem vulgo lignea fuere iuga, sic
 nonnunquam legimus & ænea. Nam Horatius III. Carm. od. 9. ita
 habet, de Venere loquens:

Diductosque iugo cogit aëneo.

Et Apollonius lib. III. Argon. v. 1283. de bubus Ætææ:

-- Ἰδὲ ζυγὰ χαλκῆα ταύρων.

Ærea vidit iuga taurorum. Sed & ferrea occurrunt. Claudianus:

-- -- *Sub iuga ferrea mittit*

Cornipedes. -- -- --

Et jam olim DEUS ipse apud Jeremiam Prophetam cap. 28. *Iugum ferreum posui super collum cunctarum gentium istarum, ut serviant Nabuchodonosor, Regi Babylonis.* Forma jugi fuit eadem in cunctis animalibus, cujuscunq; essent generis. Quod colligimus ex eo, quia neque Græci neque Latini differentia alicujus meminerunt. Nam quod Cato de R. R. cap. 11. *iugum* memorat *plostrarium*, & mox *asinarium*, non tam pertinet ad formæ aliquam diversitatem, quam ad usum alium & alium, quando illud pertinuit ad plaustra, hoc ad molas. Deinde, quia, quæ in iugo boario memorantur partes, eadem iisdemq; cum nominibus occurrunt & in iugo eqvorum, quod ex Polluce liqvet, qvi lib. I. cap. 10. 10. iugum eqvorum sic describit, sicut alii iugum boum, aliorumve animantium, ut constabit ex sequentibus. Deniq; ostendunt hoc imagines & monumenta prisca, quando ea specie, qua boum, etiam eqvorum juga exhibent. Quod ante omnia notandum, ne talia nobis imaginemur juga eqvorum, qualia hodie per Germaniam regionesq; alias sunt in usu, orbiculata clausaque, & quibus eqvī colla inferunt. Nam contra veterum juga habuere ligna non duplicia, & coëuntia in orbem, sed simplicia, eaque leviter inflexa circa medium, curvaque. Inde Ovid. I. de Arte:

Præbet & in curvo colla premenda iugo.

Non igitur peritè satis, quisquis in Stevechianis notis ad Vegetium quadrigas pinxit falcatas, pag. 215. eqvis quatuor imposuit tignum rectum instar asseris loco jugi. Sed nec Lipsii imago, quam proponit in Notis ad libros de Cruce, pag. m. 116. est conveniens, & nos infra dabimus ex Trajani Columna alia specie. Curvatura illa Græcis ζυγλη. Pollux: Τα κοῖλα τῆ ζυγῆ, ὅφ' ἀντάρωνται οἱ ἵπποι, ζυγλαί. *Curvatura iugi, sub quas mittuntur equi, zengla.* Observandum, quod.

quod unius jugi curvaturas faciat plures. Τα' κοῖλα, inquit, & tamen de uno tantum jugo loquitur. Videlicet non singula jumenta singula quoque apud veteres habuere juga, verum jugum unum simul incumbibat duobus. Inde factum, ut pro duobus istis jumentis uno in jugo duplex esset curvatura. Quod de uno jugo in jumentis pluribus dixi, liquet vel ex Columella, quando capite de domandis bubus lib. vi. *Per hac blandimenta triduo ferè mansvescunt, jugumque quarto die accipiunt.* Unum modò jugum memorat in pluribus. Similiter & lib. II. cap. 2. *In opere boves artè junctos habere convenit, quo speciosius ingrediantur sublimes, jugumque melius aptum cervicibus insideat.* Quin imò lib. vi. cap. 2. jugum memorat, quo tres simul jungi possint boves, pertinens singulariter ad eos domandos. Si, ait, non pigeat jugum fabricare, quo tres jungantur, hac machinatione consequemur, ut etiam contumaces boves gravissima opera non recusent. Memorat hoc jugum velut singulare, atque alias non usitatum, unde liquet, vulgò habuisse, quibus jungebantur tantum duo. Neque alia est causa, cur Latinis pariter ac Græcis jugum boum de duobus usurpetur. Eadem fuit ratio in equis. Ovidius propterea in curru Solis, quem ducebat Phaëton, f. 3.

Consternuntur equi, & saltu in contraria factò

Colla jugo eripiunt, abruptaque lora relinquunt.

Jugo uni eripiunt colla plura, pluresque equi. Itaque & ipsi plures unico sub jugo, contra quam receptum nostris esse moribus consuevit. Quia ergo jugum unum pluribus, & ut postea liquebit, duobus simul incumbibat, ideò in eo curvaturæ binæ, quæ à Græcis ζεύγλαι dicebantur. Errant enim, qui existimant fuisse ligna propendentia à jugo, hinc inde boum colla amplexantia: quando nulla talia in imaginibus antiqvæ. Etymologici auctor: Τὸ ζυγὲ τα' τιθέμενα ἐπὶ τῆς αὐχένος τῶν βοῶν, οἱ μὲν ζεύγλας, οἱ δὲ βοείας, οἱ δὲ μέσσαθα καλεῖσθαι. Facit auctor hic eadem esse ζεύγλας atque μέσσαθα. Porro, μέσσαθα sunt lora quædam jugi, ut mox dicam. Sed notandum, ζεύγλαν duo denotare, lora ista, atque curvaturam. Ideò & de μέσσαθω seu μισσάθω Stephanus, quod aliquibus sit ἡ τῆς ζυγῆς γλῶσση, ἐνθα αἱ αὐχένες τῶν βοῶν δέσονται. *Jugicavitas, in quam colla boum inferuntur, religanturve.* Sanè ζεύγλας apud

Pollucem non intelligi posse lora, vel ex eo liquet, quia statim post superius allata verba sequitur, *ὡν τὰ ἀγκυ, ἀπορχνίσκοι*. Vertit ista Gvaltherus, *quarum* (zeuglarum) *extremities cornua vocantur*. Si zeuglarum extremities cornua, quomodo possint esse lora, quorum extrema sive capita nemo unquam, credo, nominavit cornua? Quamquam Græca parum propriè reddiderit Gvaltherus: Alia enim *cornua*, alia *ἀπορχνίσκοι*. Nam *ἀπορχνίσκοι* propriè extremities, quæ desinunt in anserculos. Nimirum fuit ea consuetudo veterum, ut in jugis, præsertim eqvorum, extremities sive capita formarent specie animalis alicujus, sive avis, maximè verò anserculi, quod videmus apertissimè in jugo boum, quod occurrit in columna Trajani, ista specie.



Habes satis clarè *ἀπορχνίσκον* in hoc jugo. Ad eundem ferè modum cernitur in jugo alio à Lipsio in Notis ad lib. III. de Cruce exhibitò, quamquam ibi pictoris inscitia canis aut piscis potius, quam anseris, speciem exhibeat. Appellabatur autem illa extremitas *ἀπορχνίσκος*, non quod semper ibi anserculi haberet effigiem, sed quod plerumqve. Namq; in quadrigis, quas diligentissimè delineatas exhibet Philippus Rubenus lib. I. Elect. cap. 30. pars illa jugi desinit in helicem, cochleæ figura. In vehiculo Darii ab uno capite Nini, ab altero Beli habebat effigiem. Memorat Curtius lib. II. cap. 3. cujus verba non satis hætenus intellecta, explicant abunde, quæ hucusq; diximus. *Distinguebant, inquit, internitentes gemma jugum, ex quo eminebant duo aurea simulachra cubitalia, quorum alterum Nini, alterum*

alterum Beli gerebat effigiem. Loco anserculi jugum illud effigies Nini Beliq; habebat, unam in dextro, alteram in sinistro capite, non demissas, ut paulò ante anserinum caput vidimus in jugo bovino, sed subreetas, ut opinor, quia scribit, *eminebant.* Atq; hæc *calata jugâ*, quorum mentionem facit Propertius lib. I. I.

Effeda calatis siste Britannia jugis.

Cælata hic, in certas effigies formata, isto modo, sicut dixi. Habuerunt tamen & simplicia, nullisq; istiusmodi sculpturis cælatu-
risve culta, quorum postea effigiem exhibebo. Nunc cum satis constet, ἀνδροχηνίσκος esse in jugis, ζεύγλας esse partem jugi necesse est, quia capita seu ἀκρα ζευγλῶν Pollux appellari dicit ἀνδροχηνίσκος. Neq; aliud intellexisse censeo Hesychium, quando ita scripsit: Ζεύγλη. Ζυγός, ἢ τὸ ἄκρον ζυγῆ καὶ τὸ ἐνίσιθις, τὰς τραχίλας τὰ ζῶα. Quod Pollux appellavit κοῖλα, alii dixerunt γλυφὴν, id Hesychius ἄκρον τῆς ζυγῆ hic reddidit. Intellexitq; illud supernè inflexum, quod imponitur cervici, & cui cervix veluti inferitur. Itaq; is ipse paulò ante: Ζεύγλας, ζυγοῖ, ἢ μέρη τῆς ζυγῆ, καὶ ζευκλήρες ἱμανόδεσμοι. Tria dicit hoc vocabulum significare, jugum integrum, vel certam ejus partem, vel lora quædam si-
ve coria. Si partem ejus, alia profectò esse nequit, quam de qua huc usq; dictum est. Sed apud eum loco ζεύγλας mallem ζεύγλας legere, ut subsequencia respondeant. Ζεύγλας interim & ζευκλήρες ἱμανόδεσμοι, ut Hesychius testatur, hoc est, lora jugorum, non *juga falcata*, ut Gvaltherus reddidit absq; sensu apud Pollucem lib. I. cap. 14. μέσσαλον exponit Etymologus, de quibus Hesychius: μέσσαλον, ἐξ ὁμοειῶν ἱμανίων, ὃ τὸν ἰσοθεῖα πρὸς μέσον τὸν ζυγὸν προσδέξεισι ὅτινες ἐχέβοιον. Sic ibi legendum videtur, non ἢ τὸν ἰσοθεῖα, sicut mea habet. *Messabum est lorum ex crudo corio, quo temonem alligant ad medium iugum, quidam echebæum appellant.* Bene τινες, id est, *quidam*, nam echebæum aliter exponunt alii, ut innox dicam. Interea μέσσαλον esse funem illum, quo temo alligatur jugo, firmat quoq; Tzetzes ad Hesiodum. μέσσαλον (inquit) οἱ ἄνθρωποι οἱ μέσοι ὄντες τῆς ζυγῆ, καὶ συνδέοντες τὸν ῥυμὸν τῆς ζυγῆς. Ubi nota, quod sit Tzetza μέσσαλον, qui μέσσαλον Hesychio. *Mesabi, ait, sunt lora, in medio iugi, quæ temonem iugo adfirmant.* Pollux quoq; ad hunc modum lib. I. cap. 13. ὅς τῃ παλαιῇ ἱματίῳ, ὃ τῆς ζυγῆ παρακαταπτόμενον ἐχέβοιον,

ἐχέειον, ἢ μεσέειον, καὶ μεσάειον καλεῖται. Stephanus non rectè *lorum bovem adiungens aratro* explicavit. Neq; satis evidenter Gvaltherus: *Lorum autem illud latum iugum contingens*. Quid enim est *contingens*? Loquitur de loro, quod iugo alligat temonem, de quo apud Pollucem proximè præcesserat. Et hoc est παρακαταπόμενον ζυγῶ, *lorum*, quod alligatur iugo. De quo speciatim hic observat Pollux, quod fuerit πλάτνυ fivē latum. Idem lib. I. cap. 10. p. 10. ζυγόδεσμον vocavit. Τα δὲ συνάπτεται αὐτὸ πρὸς ζυγῶ, ζυγόδεσμα καλεῖται. Ita meus Francofurti anno MDCVIII. excusus. Verum sine dubio legendum συνάπτεται αὐτὸν, ut respiciat ῥυμόν, de quo præcedit. Et verterunt: *Iugum autem huic alligantia, iugalia lora dicuntur*. In quibus verbis illud *huic* sine dubio ad temonem retulerunt. Aliis est ζυγοδέτης. Hesychius: Ζυγοδέσμων, ὁ ἵμας τῷ ζυγῷ, ὃν ἔνιοι ζυγοδέτην. Latini generali voce *lora* vocant. Inde habes apud Catonem de R. R. cap. 10. *Iugacum loris ornata tria*. Et Curtius de iugo Gordii loquens lib. III. cap. 1. *Ruptis omnibus loris oraculi sortem vel elusit, vel implevit*. Aufonius de iisdem epist. 24.

Ocyus illa iungi fatalis solvere lora
Pellaum potuisse ducem reor. —

Virgilius ex hac caussa dixit *iuga lorata* in Moreto:

Sub iuga parentes cogit lorata iuvencos.

Speciatim tamen observo lora ista esse, quæ Latini *subiugas* vocarunt. Glossæ veteres: Ζεύγλην *subiuga*. Catonem puto lora istæc appellasse *subiugia*, cap. 63. diversamq; ostendisse longitudinem eorum in plauistro & aratro. Verba habent ita: *Funem torculum esse oportet extentum P. LV. &c. subiugia in plostrum P. XVIII. funiculum P. XV. in aratrum subiugia lorum P. XVI.* Corrigenda hinc, quæ leguntur apud eundem cap. 135. *Subiugia in lustrum lora ped. XIX. funiculum P. XV. in aratrum subiugia lora P. XII.* Ita habet mea editio à Comelino anno 1595. publicata. Sed scribendum, pro *in lustrum, in plostrum*, & pro *P. XIX. P. XII.* sicut contra in superiori loco pro *P. XVI.* mallet *P. XII.* Vulgo putant, subjugia fuisse lora, quibus iugum collis boum eqvorumve aptabatur. Verum major apud me Glossarum fides, quæ ostendunt ad temonem iugumq; pertinuisse.

fe. Solebat autem lorum hoc religari circum clavum, quem à jugo habebant trajectum, Græcis ἑσώρα vocatum. Scholiastes vetus Homeri Il. ὁ. Ἑσώρα πατάλας τῶ ζυγῶ ἐνέμενον ἐν ἄκρῳ τῶ ῥυμῶ πιπληγός. Ἐνθα κρήνεται ἐμὲ ἀμείλας, τὸ ζυγὸς δεσμον ἀποδέδεται εἰς συνοχήν τῶ ζυγῶ. *Hestor est paxillus iugo immixtus, in summo temonis defixus, in quem iniicitur annulus, & religatur lorum iugi, ut iugum contineat.* Ita Pollux: ὁ δὲ πατάλας, ὁ δὲ κρήνεται ἀπὸ τῶ ζυγῶ ἐπὶ τὸν ῥυμόν, τῶ τὰ ζυγὸς δεσμα περιελίττεται, ἑσώρα. *Paxillus à iugo ad temonem erectus, cui lora iugi induntur, hestor.* Docent, paxillum istum fuisse in jugo, & transmitti consuevisse per temonem, quia temonem jugo imponebant, ut ostendam in sequentibus. Circulum quoque; five annulum iniecisse paxillo illi demonstrant, qui annulus sine dubio in capite temonis fuit. Meminit hujus annuli Homerus etiam Il. ὁ. in vehiculo Priami:

-- -- Ἐπὶ δὲ κρήνον ἑσὼρι βάλλον

Τρεῖς δ' ἐκάτερθεν ἐνδυσαν ἐπ' ὀμφαλὸν.

Annulum paxillo iniecerunt, ter verò utrinque ligarunt, iuxta medium. Sic hæc explico; nam ὀμφαλὸν expressè Scholiasti veteri τὸ μέσον τῶ ζυγῶ, *iugi medium.* Et temonem cum loris ad medium jugi religari consuevisse superius demonstratum est. Quando ait, *ter ligarunt*, lorum illud ter circum temonem jugumque; vult fuisse ligatum firmitudinis majoris gratia. Quo sine quoque; longum habebant. Quod Homerus quoque; indicat, quando præmittit:

Εκ δ' ἔφερον ζυγὸς δεσμον ἅμα ζυγῶ ἐννεαπῆχων.

Extuleruntque lorum cum iugo novem cubitorum. Facit lorum longum novem cubitos, quod est brevius nonnihil, quam quæ Cato exigit in plauistro. Vult enim esse pedum XVIII. cum novem cubiti faciant pedes tantum tredecim cum dimidio. Dicit autem Homerus ter ligasse ἐκάτερθεν seu *utrinque*, quod accipio de utraque parte paxilli sive hestoris, ut in medio illorum vinculorum emineret, quæ simul ὀμφαλὸν ζυγῶ ambibant. Habebat enim medium illud quædam foramina, per quæ firmitatis majoris gratia lora illa traiciebant simul, cum temonem alligarent. Unde Hesychius: ὀμφαλόεντα, ὀμφαλὸς ἔχοντα ζυγόν. ὀμφαλὸς δὲ λέγεται τὰς ἐν τῶ ζυγῶ τρεῖς ἄλγας, ἐφ' ὧν αἱ ἑνὶ αἵ δὲ δεῖται. *Umbilicatum, iugum umbilicos habentem. Umbilicos autem*

Q

vocant

vocant foramina sive cava iugi, in quibus lora religantur. Fuerunt autem illa non tam integra foramina, quam incisuræ quædam ad hoc factæ. Sic enim accipio, quod ait Eustathius: Ὁμφαλόει δὲ, τὸ ἡ κύκλος τινὰς κοίλας ἔχον ὀμφαλόειδεις, ἢ γλῶσσιμα τε κοῖλον παρὰ τὸ μέσον τῆς ζυγῆς, ὅπερ οἱ ἱμάντες περιβέβηται. Umbilicatum vero, quod habet circulos quosdam cavaos umbilicorum figura, vel incisuram cavam circa medium iugi, circa quam ligantur lora. Præter lorum, temonem iugo alligans, video & lorum aliud à iugo circa colla bouum. Exhibet manifestè pictura proximè proposita, & quam Lipsius in de Cruce publicavit. Similiter in illis bobus occurrit, quos ex Porcii marmore dedit Petrus libro de Ponderibus & Mensuris. Boves trahunt aratrum, cum iugis istiusmodi.



Habes hic lorum à capite iugi, quod hic simplex est, descendens ambiensq; bovis collum. Græcos λέπαδνα existimo vocasse. Eustathius II. E. Λέπαδνα κυρίως, πλάτεις ἱμάντες, οἷς ἀνεδεσμῶσι τοὶ τράχηλοι τῶν ἵππων πρὸς τὸν ζυγόν. Lepadna propriè lora lata, quibus colla equorum religantur ad iugum. Dicit primum manifestè, lora hæc pertinuisse ad colla, eaq; religasse ad iuga, quod notandum. Deinde lora hæc fuisse ait lata. Atq; hac effigie cernuntur in bobus plaustris, quod in tabula marmorea expressum servant ædes Barbarinæ. Hic sanè lorum si-
ve corium est bene latum, quod colla bouum ligat ad iugum. Verum

non

non de boum jugo loquitur Eustathius, sed equorum. Credo, quod in verbis Homeri, quæ exponit, esset mentio equorum. Pollux aliter non nihil de hoc genere lib. II. cap. 10. p. 11. Τα δὲ ἀπὸ τῶν ῥυμῶν ἀπηρημένα, τὰ ὑπὸ τῆς ἀρχένας τῶν ἵππων ἐκτιθέμενα, λέπαδνα. *Quæ verò a temone extensa sub equorum collis constringuntur, lepadna.* Facit ipse lepadna descendere non à jugo, verum à temone. Sed cum Eustathio consentit etiam Hesychius: Λεπάδια, ἱμάδες πλάτεις, οἷς ἀναδέονται οἱ τεράχνηλοι τῶν ἵππων πρὸς τὸν ζυγόν. Ita habent editi, sed legendum λέπαδνα, quod jam Stephanus observavit. *Lepadna*, inquit, *lora lata, quibus religantur colla equorum ad jugum.* Expresè dicit πρὸς τὸν ζυγόν, *ad jugum*, non ad temonem. Potest tamen verum esse etiam alterum, si credamus illa lora pependisse ab una parte à temone, ab altera revincta fuisse ad jugum. Et

Q₂

hoc



hoc velle ἀπὸ τῆς λέξεως Pollucis videtur. Auctor Etymologici alio nomine vocata putat μάσχαλις ἵππου. Λεπάδνα, inquit, οἱ καὶ τῶν ἵππων σιδηρῶν ἱμάδες, οἱ μάσχαλις ἵππου. *Lepadna* sunt lora circa pectora equorum, quæ & *maschalisteres*. At hæc inter se diffingvit, & diversa facit Pollux. Nam post ea, quæ de lepadnis, subdit: Τὰ δὲ ἐπὶ τῶν ὤμων τῶν ἵππων, μάσχαλις ἵππου. *Quæ* verò sub scapulis equorum, *maschalisteres*. Ponit maschalisteres ἐπὶ τῶν ὤμων, cum lepadna sint καὶ τῶν σιδηρῶν. Et certè lepadna omnes agnoscunt in collo, vel, quod idem est, in pectore. At maschalisteres esse circa scapulas humerosque ipsa vox earum docet. Nam μάσχαλη Græcis ala vel axilla. Hesychius: μάσχαλις ἵππου διὰ τῶν μάσχαλιν δερμίδων ὑποζυγίαι, τὸ αὐτὸ καὶ μάσχαλις. *Maschalister*, vinculum per axillas iumentis, quod & *maschalis*. Credo tamen, duo ista lora interdum in summo fuisse juncta, indeque factum esse, ut pro eodem sumerentur. Ita suspicor ex imaginibus vetustis, quæ ab Onuphrio ex tabula marmorea ædium Farnesiarum sunt delineatæ. Ecce tibi cervum curru in Circo ita junctum.



Cingulum, quod collum atque pectus ambit, & lepadnon, quod super humeros & axillas decurrit ad ventrem, maschalister, utrumque in summo conjungitur nodo, in quo fuisse annulus tenendis frenis videtur. Atque ita cernas & in quadrigis à Rubenio delineatis lib. I. Elect. cap. 30. Erant tamen, quæ alterutro carebant. Quod ex iisdem

dem Onuphrii imaginibus apparet, quarum aliquæ eorum habent circa collum, aliquæ tantum circa humeros. Et fortassis potest hoc ex eo esse, quod, quæ animalia non habebant jugum, ut ea, quæ trahabant solis funibus à latere jugariorum, ea nec haberent lepadna, sive lora circa collum, sed tantum circa humeros & scapulas, id est, maschalisteres, ad quas funes horum puto fuisse religatas, sicut ad lepadna jugum actemonem. Certè, si consideramus bene Rubenii quadrigas, quæ omnium diligentissimè sunt pictæ, alia videmus lora circa colla jugariorum, alia circa colla funariorum. Hæc enim tenuia & parva sunt: at illa jugariorum prorsus lata, & à loris triplicibus inter se composita, manifestèq; jugo, cujus caput, desinens in helicem seu spiram à latere unius equi, apertè cernitur, innectuntur. Cæterum, hoc loramenti genus quomodo Latinis dictum sit, hæcenus ignoro. Nam *τῆ ἀντιλένα* vox, quam quidam afferunt, idonea auctoritate caret. Neq; *postilena*, unde antilenam deformarunt, propriè de loro usurpatur, ut apparet ex Plautinis verbis, in quibus solis illa vox occurrit. Ita namq; habent in Casinæ A. I.

Ita te aggerunda curvum aqua faciam probe,

Ut postilena possit ex te fieri.

Hic profectò postilena *lorum crassum*, sicut explicat Lambinus, significare non potest. Nullum enim lorum natura sua curvum. Flecti quidem in utramq; partem potest, at per se curvum non est. At verò postilena, etiam priusquam postilena fiat, debet esse curva, ut postilena possit fieri. Dicit enim Plautus, *te curvum faciam*, non ut sis, sed ut ex te possit fieri postilena. Quare melius, quod lignum incurvum interpretantur, quod mox ipse facit Lambinus. Nihil eo ligno hodieq; vulgatius in jumentis clitellariis, mulis maximè. Lignum est tres circiter digitos latum, unum verò crassum, figuræ π Græcorum non absimili, nisi quod obtusiores rotundioresq; habeat angulos. Ejus extrema duo capita firmanter ad clitellas, cætera muli nates ambiunt sub cauda, unde & in lexico Argentoratensi *ὀπρὶς*, id est, *subcaudale*, dicitur. Illud lignum postilena neq; usum habet ullum in iis animalibus, quæ adjuncta vehiculis. Cæterum, quia postilena lignum, ejus imitatione dici antilena nequit, nullum

enim lignum istiusmodi ab anteriori parte, neq; in clitellariis, neq; in vehiculariis jumentis. Lego tamen in antiquo Lexico Argentoratensi: *Antilena*, προσηθιδιον. Et in Lexico Cyrilli: Στηθισήρ, *antellina*. Item in Philoxeno: *Antilena*, ἰμάς ἵππων, & μοχ, *antele-na*, διεγηςήρ. Ὁ ἐστὶν ἰμάς ἵππων παρὰ τὸ στήθος. Quibus verbis declaratur, per antilenam significari non lignum aliquod, qvale postilena fuit, verum lorum, idq; circa jumentorum pectus. Quamquam, quid postremo loco sit διεγηςήρ, haud intelligam, & διαστηθισήρ vel cum Martinio διεγηςήρ existimem legendum. Porro, si est lorum, illud ipsum fuerit, quod Græci λέπαθρον dixere. Interim vix dubito, quin Latinum saltem vocabulum sit novum, ac fortassis ne id quidem signet, quod est λέπαθρον. Invenio id enim usurpatum apud Mauritium nostrum, non in vehiculariis, sed sellariis. Mauritius noster lib. I. c. 2. καὶ μικρὰ τεφρία καὶ τῶν ὀπισθοστέλινων καὶ ἀντελίνων. *Parva tephria in postilenis & antilenis*. Loquitur de equitibus illorum temporum, qui cum habuerint sellas in eqvis, sicut liquet ex eodem capite, valde mihi verosimile, antilenas hasce inventas esse cum ipsis, & ad easdem propriè pertinuisse, neq; ullo modo spectasse ad juga, vel significasse illa lora, quibus ad vehicula trahenda utebantur. Certè Græca quoque, quæ in Glossis occurrunt, nova sunt, nec apud veteres recepta, ut appareat rem quoque novam denotare. Accedit quoque Isidorus, qui ob causam hanc expressè: *Antella*, quasi ante sella, quemadmodum *postella*, quasi post sella. Nam *antella* & *postella* ipsi, quod aliis *antilena* & *postilena*. Unde aperte sequitur, ad sellas pertinuisse. Fueruntque hæc omnino ἰμάδες, id est, lora coriacea, sicuti Philoxenus testatur, hodieque receptum est. Nec videre possum causam, quare vestes maluerit explicare Vossius in Lexico. Sanè vestem fuisse de cauda dependentem arguit, quod *antilena* item vestis erat, quæ pectus equis tegebatur, ait, postilenam explicans. Verum talem de cauda dependentem vestem nemo prodit veterum, nec in ullis monumentis aut imaginibus antiquis potest observari. Atque istoc quidem jugum apud veteres. Solebat autem jugum istiusmodi usurpari non in bubus tantum, quæ res notissima, verum etiam in eqvis. Liquet ex loco Curtii, quem attulimus in præcedentibus, & Virgilii lib. III. Æn.

*Sed tamen iidem olim curru succedere speri
Quadrupedes & frena iugo concordia ferre.*

Hinc apud Græcos ζυγιοί ἵπποι, apud Latinos *jugales*. Sic enim equos istiusmodi appellat Virgilius *Æn. vii.* & Servius ad lib. V. *Æn. Ingis*, pro *equis jugalibus*. Mulis quoq; imponi solebant. Unde Claudianus in Epigrammate de mulabus Gallicis:

Et pareant duro libera colla iugo.

Etiā asinis. Itaq; habes apud Catonem *jugum asinarium* in de R. R. cap. ii. *Jugum plostrarium* i. *jugum vinarium* i. *jugum asinarium unum*. Et hac ex causa apud eundem cap. 62. *Juga bouum, mulorum, asinorum* nominantur, pro tot paribus. Illud etiā notandum, quod hæc juga haberent in collo. De bubus res est nota, quam aliqui religarent ad cornua, quod minus probabatur. Columella lib. II. cap. 2. *In opere boves arctè iunctos habere convenit, quo minus colla eorum labefactentur, iugumque melius aptum cervicibus insideat. Hoc enim genus iunctura maxime probatum est. Nam illud, quod in quibusdam provinciis usurpatur, ut cornibus illigetur iugum, ferè repudiatum est ab omnibus, qui præcepta rusticis conscripserunt. Neque immeritò: Plus enim quæunt pecudes collo & pectore conari, quam cornibus.* De mulabus discimus ex Martiale, quando lib. ix. in Edilum epigrammate, quo nil dicit esse tritius, inter alia sic ait:

Non ruptæ recutita colla mule.

Vocat enim *ruptam*, quæ est læsa à iugo. Læsionem porrò illam facit in collo, quod appellat *recutitum*, quia labra vulneris reflectuntur hiantqve. De equis discimus ex Scholiaste veteri Homeri, quando ζυγόν exponit, τὸ ἐπὶ τῇ θήμειν ἐξ ὅλων τῶν τραχήλοις τῶν ἵππων, *lignum impositum collis equorum*, ad II. E. Inde Curtius lib. iv. cap. 15. *Equi crebra iactatione cervicum iugum excusserant.* Quibus verbis simul liquet, non fuisse religatum validè, sed potuisse excuti. Hinc de Solis equis Ovidius in fabula Phaëtonis: *Salto in contraria facto Colla iugo eripiunt.* Tacitus Vita Agr. cap. 31. de Brigantibus, respectuq; huius rei: *Nisi felicitas in socordiam vertisset, exuere iugum potuere.* Et Florus lib. II. cap. 14. de Macedonibus: *Sed prior iugum excutit Macedo.* Sed & *imposita* tantum juga iccirco dicuntur. Cicero de Nat.

Nat. D. Nos onera quibusdam bestis, nos iuga imponimus. Græci partem illam colli appellabant λόφον. Eustathius II. τ. Δόφ. δὲ ἐπὶ τε βοῶν καὶ ἵππων καὶ ἡμιόνων, τόπος τῆς τραχήλου, ὃ ἐπὶ τῆς ἀσπίδος ὀζυγός. Stautius tamen iuga ponere in pectore videtur lib. vi. Theb. illo versu:

-- Nunc avidi prono iuga pectore tangunt.

Non intelligo, quomodo tetigerint iuga pectore, si fuerunt in collo. Nam de viris currus agitantibus sermo esse non potest, quia reliqua non ipsos spectant, verum equos. Sed fortassis sermo est de iugis non propriis, sed precedentibus, quoniam velut ex opposito dixerat ante: *Spatio, quo quisque valebat diducti* fuere. Quamquam, cum sit ibi sermo de quadrigis, quarum interiores tantum equi iugum habent, quomodo id subsequentes tangere potuerint, perinde intelligere haud valeam. Igitur notandum, non hic coherere *tangunt pectore*, verum absolute dici, *iuga tangunt*. Dicuntur tangere iuga, qui pedibus cursu in altum sublatis genibusque hoc faciunt, maxime, si ipsi pectora collumque flectant, sicut fit in concitato cursu. Quo respectu quoque; additur *avidiprono pectore*. Vult enim pectus per aviditatem studiumque; currendi habuisse primum inclinatumque; ad terram. Cum quo, quia & cervix & iugum ipsum inclinabatur, fieri profecto poterat, ut genibus tangerentur iuga.

Cap. XII.

De ratione iungendi.

Vni iugo iuncti duo tantum. Olim erant singuli per se, alii post alios in vehiculo. Isidorus explicatur. Tem perpetuus, quid. Emendatio Salmasiana expenditur, vetusque Isidori lectio stabilitur. Temones plures, unus post alterum. Τέτραρσμον & ὀκτάρσμον. Centum iuga in vehiculo. Protelum. Protelare. Nonius explicatur. Protendi ordines equorum. Equi singuli longa serie. Claudianus, Martialis & Cato explicantur. Clisthenis atas, & quid invenerit. Funarii prisca quales. Παρρηγοί. A fronte, non latere iugalium stabant. Homerus explicatur. Τέτραρσνον & τέτταρσμον ut differant. Alexandri mirum vehiculum, in quo singularis iunctura. Tota ratio iungendi breviter explicata. Funes. Σειρά. Ἡνίας. Pollucis versio notata & Gyphanii. Eustathius expositus. Ρολῶρες. Ἐλκυσήγες. Helcia, tænie, copula, iunctura, iungla. Κόσμος μελῶν.

μελῶν. *Argentea iunctura. Funes quo religati.* Μεσάτι & μεσάτιος differunt. Equi, cum ad currum firmantur, dicuntur iungi. Iuncti muli pro vehiculo. Iunctos conscendere. Currus iuncti. Iuges & iuncti differunt. Seinges non sunt sex iuncti. Isidorus explicatur. Iungere & iugare differunt. Ζευγνύειν & Ζεύειν. Τελύειν. Τελείνειν. Philoxenus emendatur. Abiungere. Abiugare. Ἀποζευγνύειν Seiungere. Deiungere. Scaliger & Taubmannus notati. Interiungere. Martialis vetus lectio contra Scaligerum probata & exposita. Equus dexter, sinister. Equi medii. Equus dexter & medius dexter differunt. Iugales & medii num fuerint sexus feminini. Argolus & Salmasius reiecti. Equae velociores maribus. Funalibus non semper tributa in Circo victoria. Introinges, qui. Οἱ ἐξ ἑνὸς ζυγῆ. Vnus tantum equus in triga vel quadriga, cui victoria debebatur. Παγῆγοι, σείραφοι, σείραϊοι, ἀπολήρες. Chrysostomi lectio defensa contra Salmasium. Δεξιόχειροι. Dexter. Λεῖvus. Primus. Secundus. Argolus & Salmasius iterum reiecti. Silii locus examinatus, & Stahlii. Stablius aliter emendatus, atque à Salmasio factum. Funalis dexter præcipuus in curru, non sinister. Primus funalis est dexter. Equorum iuncturas quis primus omnium ostenderit. Ἰσποπόρια. Ἄγμα ζεύειν.

Iugis usos esse veteres ad iuncturam, ante vidimus. Quæ verò ista fuerit iunctura, quove modo singula, quo bina, terna junxerint animalia; unone iugo omnia, num verò pluribus, & utrum quædam nullo, id nunc est dispiciendum. Atque olim quidem boves, equos, asinos uno iugo ad iunxisse duos, manifestum est. Hinc enim iugum boum, equi iugales, & id genus, sicut supra quoque vidimus. Quin imò de sydere, quod plaustrum appellarunt Græci Latiniqve vetustissimi, sic Hyginus in Poët. Astron. *Ex septem stellis duæ, quæ pariles, & maximè in uno loco viderentur, pro bobus haberentur, reliquæ autem figuram plaustri simularent, constituerunt.* Dicit eas stellas habitas pro bobus, quæ maximè pariles & vicinæ, quoniam ut in uno iuncti iugo videbantur. Sed ignoro, annon stellæ ipsæ explicationi huic repugnent: Neque enim una ab alterius consistit latere, sed altera alteram à tergo veluti consequitur. Ut aut valdè rudes veteres in formandis istis imaginibus fuisse, aut hanc novam & ex presenti usu

desumptam Hygini esse interpretationem oporteat. Sanè, quin & alias bovem unum junxerint post alterum, si essent plures, & vehicula oneraria vel rustica, ego quidem dubitare neqveo. Et colligitur ex eqvis, qui sic juncti antiquissimis temporibus. Isidorus: *Quadrigarum currus duplici temone olim erat, perpetuoque, & qui omnibus equis iniiceretur. Iugo primus Clisthenes Sicionius tantum medios ingavit.* Vocat temonem duplicem perpetuumque, quando alter ab alterius capite procedit. Hoc enim perpetuum Latinis, quando absque intermissione quid procedit, quomodo *perpetua fossa, montes perpetui, trabes perpetuae*, de continuis nulloque interstitio disruptis divisisque usurpantur. Jam si temo duplex, illeque perpetuus, necesse est, ut ad unum duo equi & ad alterum ante hunc iterum duo equi alii primis temporibus fuerint firmati. Scio, aliter hæc verba legere Salmasium in Exercitationibus Plinianis, nempe illo modo: *Quadrigarum currus duplici temone olim erat, perpetuoque, & quod omnibus equis iniiceretur, iugo:* Atque ita illud perpetuo referre non ad duos temones, sed ad jugum. Verum adversatur emendationi huic primò constans codicum omnium lectio, in quibus semper *qui* est, quod referri, nisi ad temones, nequit. Deinde jugum unum unquam pluribus impositum, quam duobus, in vehiculis vulgaribus ad bellum pertinentibus, qui probabitur? Contra duobus tantum indi consuevisse scimus nos vel ex Homero, qui vixit annis circiter trecentis quinquaginta ante nominatum Isidori Clisthenem, vel, ut scribi oportebat, Clisthenem. Verba sunt manifestissima II. π. ubi describit pugnam Sarpedonis cum Patroclo:

Τὼ δ' διαστήτην • Κεῖν δ' ἔρπον' ἰνία δέ σφι
 ζυγὺν, ἐπειδὴ κείτο παρ' ὅρ • ἐν νοτίῃσι.

Hi autem divisi sunt, stridit verò jugum, funesque confundebantur postquam jacebat in pulvere funalis equus. Hic, nisi fallor, triæ describuntur, certè trium in curru eqvorum mentio fit nominatim. At jugum non in tribus omnibus, sed tantum in duobus, quia tertius παρ' ὅρ • id est, extra jugum fuit constitutus. Homerus itaque nescivit jugum istiusmodi continuum aut perpetuum, quale prodidit Salmasius. Unde quoque sequitur, cum tanto Clisthenes sit recentior,

centior, quod primus jugum duobus tantum eqvis in plurium eqvorum curru imponere non instituerit. Contra temonum plurium, unius post alterum collocatio vetusta est. Eam enim legimus & in vehiculis Abradatis Cyrique, qui vixerunt circa illa ipsa Clisthenis tempora, ut mirum non sit, si hanc consuetudinem mutavit. Xenophon profectò lib. V. Pæd. Abradatis currum vocat τετραδρυμον ἐξ ὀκτώων ὀκτώων. *Instructum quatuor temonibus & equis octo.* Et paulò post currum Cyri ὀκτάδρυμον, *instructum temonibus octo, tractum verò ὀκτώ ζεύγεσι βοῶν, octo jugis boum.* Unde quoq; discimus, quod jam alias ostendi, veteres quot paria animalium haberent ad vehiculum, tot habuisse temones, hocqve valuisse non in bobus magis, quam in eqvis, fuisseq; omnium eandem rationem. Nec est, ut existimemus, quod Salmasius putabat, temones illos fuisse juxta se collocatos, alios dextros, alios sinistros. Ita enim similes fuissent currus illi τετραπτοις. At Xenophon non dicit habuisse ὀκλίππον, vel ἐκκαίδέκισπον, quomodo hujus generis alia vehicula ἐξίππα, τέτριππα & similiter Græcis nominantur, verum ὀκτάδρυμον, vel τετραδρυμον. Deinde, quis omnino Cyri ætate legit ὀκλίππον, seu octo juges? ut de aliis non dicam. Sed nec ad postremum, quomodo vel boves velequi sedecim uno in vehiculo æqua fronte statui jungive potuerint, apparet, quod tamen in Cyri curru fuit necesse, si eum ex sententia priori explicemus. Quare superest, ut credamus, temones illos quatuor vel octo fuisse alios post alios, id est, *perpetuos*, sicut Isidorus appellabat. Maximè, cum ex temonibus Xenophon vehicula ista, unum ὀκτάδρυμον, alterum τετραδρυμον, potius, quam ex eqvorum numero, maluerit appellare. Quid, quod ista ratio deinde quoq; fuerit servata in onerariis vehiculis? Docet manifestè Lucilius Sat. XII. cum ait: *Hunc juga mulorum protelo ducere centum Non possunt.* -- -- --

Centum juga sunt centum paria, quorum quodlibet ad suum propriumq; jugum est firmatum. Hæc centum paria protelo ducunt quidpià, quâdo ducunt cōstituta lōga serie. Hoc enim *protelo* significat. Quemadmodum res ipsa, quâdo ita longa serie constituuntur, Latinis *protelare* dicitur. Unde Nonius: *Protelare, rursus adjungere.*

jungere. Ita enim recte emendavit Faber, & ex libris optimis expressit Mercerus. Dicit, *rursus adjungere*, quod est, adjuncto jam uni jugo jugum aliud adjungere, & huic rursum aliud. Quod factum aliquando, donec essent centum, indicat Lucilius, qui numerus jugorum, nisi aliis ante alia collocatis, intelligi non potest. Habemus itaque vehicula vetustissimis temporibus sic juncta, ut, si plura bouum aut eorum essent paria, alia antecederent, alia sequerentur, serie continua, interjuncto inter singula temone, qui, quia mutuo se excipiebant longo ordine, ideo ab Isidoro *perpetui* sunt dicti. Eandemque rationem videmus servatam postea quoque in vehiculis onerariis, sive boves ea ducerent, sive muli, sive equi. Pertinet huc enim locus etiam alius Lucilii ex Sat. vi. ubi ait:

Quem neque Lucanis oriundi montibus tauri

Ducere protelo validis cervicibus possent.

Nam & hic protelo ducunt tauri, quando longa serie alii post alios junguntur. Sed & ex Sulpitio Severo hoc discimus, qui fiscalem rhedam sic describit sui temporis. Verba sunt Dial. II. cap. 4. *Per aggerem publicum plena militaribus viris fiscalis rheda veniebat. Sed ubi Martinum in veste hispida nigro & pendulo pallio circumtectum contigua de latere jumenta viderunt, paululum in partem alteram pavescere haeserunt. Deinde funibus implicatis protentos illos, quibus, ut saepe vidistis, misera illa animalia conglobantur, ordines miscuerunt.* Non est dubium, quin protenti ordines jumentorum hoc loco sint alii ante alios longa serie incedentes. Ideoque funium fit mentio in his verbis, quibus implicati non intelliguntur, nisi junctos isto modo dicamus. Adde, quod communis numerus eorum in tali rheda fuerit vel denarius, vel octonarius, quantum nusquam vel rarissime legitur in curribus, qui aequa fronte equos habebant collocatos. Constantius Imperator in l. 8. C. Theod. de Cursu publico: *Octo mule jungantur ad rhedam aestivo tempore, hyemali decem.* Nisi quis non duas & duas incessisse mulas hic existimet, verum pro se singulas, quam fuisse rationem antiquissimam jungendi, maxime in onerariis vehiculis & ad itinera spectantibus, jam ab initio monstravi. Claudianus Epigr. de Mulabus Gallicis, in effeda:

Quamvis

*Quamvis quaque sibi longis discurrat habenis,
 Et pateant duro libera colla iugo,
 Ceu constricta tamen servit, patiensque laborum
 Barbaricos docili concipit aure sonos.
 Absentis longinqua valent præcepta magistri,
 Frenorumque vicem lingua virilis agit.*

Non potuisset elegantius exprimere consuetudinem Gallicam jungendi jumenta, quæ hodieq; durat, nec apud Gallos modò, sed & Germanos passim est recepta. Verè ibi quodq; sibi discurrit, absq; ullo socio. Quo respectu quoq; Claudianus *libera colla* dixit, non quod libera omnino essent, sed quod libera à socio. Et hoc est, quod subdit, *servire tamen ceu constricta*, nam *constricta* sunt conjuncta copulataq; cum alio sub eodem iugo. Currebant igitur hæ mulæ pro se singulæ, una post alteram, longo tractu. De eadem ratione accipio & Martialem lib. V. epigr. in Paulum:

*Vixque datur longas mulorum vincere mandros,
 Quæque trahi multo marmora fune vides.*

Marmora namq; trahuntur *multo fune*, quando equis mulisve pluribus longo ordine ante se junctis vehuntur. Quo fortassis sine ibi mulorum longas habuere mandras, sive stabula, quia mulis trahi multis consueverant. Item Catonem, quando ait lib. V. Orig. de bubus: *Sed protelo trini boves unum aratrum ducent.* Ducent, ait, trini, non communi ratione, missiq; sub unum jugum, sed *protelo*, id est, alii post alios juncti. Quomodo & apud Plinium habes *octonos boves ad singulos vomeres anhelantes*, lib. XVIII. cap. 18. Sicut autem ratio hæc absq; dubio vetustissima, nec in onerariis aut itinerariis solum modò, sed & militaribus vehiculis olim servata, ita eam postea, saltem in militaribus, aut quæ ad speciem illorum facta erant, ludicris & ad spectacula destinatis Clisthenes immutavit. Isidorus loco antea laudato: *Quadrigarum currus duplici temone olim erat perpetuoque, & qui omnibus equis injiceretur.* Iugoprimum Clisthenes *Sicionius tantum medios jugavit*, eisque singulos ex utraque parte *simplici vinculo applicuit*, quos Græci *σικιωνίους*, Latini *funarios* vocant, à genere *vinculi*, quo prius alligabantur. Clisthenes hic Sicionius Si-

cioniorum fuit tyrannus, cujus mentionem facit Athenæus, Polyænus, Frontinus atq; alii, vixitq; circa tempora Solonis, ut observat ex Herodoto Clarissimus Vallesius in annotatis ad Excerpta Diædori, hoc est, circa Olympiadem quadragesimam & septimam. Ante quod tempus proinde, si audimus Isidorum, quadrigæ habuerunt equos non æquali fronte constitutos, verum duos ante, duos post, cum duplici temone. Clisthenes temonem priorem demisit, equosq; divisos, unum à dextra, alterum à sinistra posuit, ut deinde æqua fronte omnes quatuor incederent. Sed quid est, quod addit Isidorus, equos utrinq; additos dictos *funarios* à genere vinculi, quo Prius alligabantur? An & prius funibus alligati? At agebat ante duplicem habuisse temonem. Nec exponit nobis hoc Salmasius, qui & ipse ante Clisthenis ætatem omnes facit jugales. Verba ejus hæc sunt: *Prius quatuor equos sic jungebant, ut duplici temone equis interjecto perpetuum jugum omnibus injiceretur. Tum nullus in curru funalis equus fuit, sed omnes jugales.* Si nullus tum funalis, quomodo Isidorus dicit, appellatos funarios à genere vinculi, quo prius quoq; & ante ætatem Clisthenis alligabantur? Et profectò, quin quadrigæ veteres habuerint jugales omnes, dubitari nequit, saltem ob temonem duplicem, quoquo illum modo, sive perpetuum, sive alterum juxta alterum intelligas. Unde ergo Isidori funarii, & quidem ante Clisthenis ætatem? Ego puto ita dictos non respectu quadrigarum ante Clisthenem, sed trigarum. In his enim habuisse ut jugales duos, ita unum *αφῆρον*, supra etiam ex Homero vidimus. Sed de hoc *αφῆρος* seu funario est dubium, quem habuerit olim locum. Salmasius æquali eum fronte collocat cum jugariis. Verba ejus in Exercitationum magno opere p. 900. *Heroës ut plurimum trigis usi leguntur in bello. Duobus subjugis equis adnexus erat vinculis alius equus extra currum, quem αφῆρον dicebant.* Extra currum ait, hoc est, à latere eorum reliquorum. Sed si hæc trigarum fuit ratio vetustissimis temporibus, scire causam velim, cur, cum facerent quadrigas, mallent addere temonem, quam funali uni, quem in dextro latere adjunctum jam jugariis habebant, ut Salmasius existimat, funalem alium adjungere in sinistro? Atqui illud maluis-

maluisse ante Clifthenis ætatem necesse est, ut credamus, si Salmafii stamus sententiæ. *Equos, ait Salmasius, sic jungebant, ut duplici temone equis interiecto perpetuum iugum omnibus iniiceretur.* Cur, quod incommodum putarunt in trigis, ut tres eqvos mitterent sub unum jugum, id putarunt non incommodum in quadrigis, ut sub jugum unum mitterent quatuor? An quid minus verosimile potest dici? Quare mihi semper is παρήγορ in trigis visus non à latere jugalium adjunctus, verum fronte. Ac putavi posse ita colligi vel ex Homero, quando scribit Il. II. in hunc modum:

Κάδδ' ἐπ' ἐν κονίῃσι μακρῶν, ἀπὸ δ' ἑπ' ἄλσος θυμός.

Τὼ δ' διαστήτην· κείνη δ' ἔσυχον, ἡνία δέ σφι

Σύγχυλ', ἐπειδὴ κείτο παρήγορ ἐν κονίῃσι.

Decidit verò in pulverem hinniens, a volavit autem anima. Hi autem divisi sunt: Stridit autem iugum, habenaque ipsis confundebantur, postquam iacebat extra iugalis in pulvere. Annotandum est, quod divisos fuisse dicat jugales, postquam cecidit funalis, id est, hunc ad dextram, alterum ad sinistram partem instituisse cursum; Divisionis namq; hujus ratio videtur nulla alia, quam quod ante ipsos jaceret funalis. Hoc enim jacente difficile erat, ut in latus unum ambo jugales discederent. Nec transire juncti poterant, nisi simul prolaberentur. Eustathius hoc ipsum indicat illis verbis: Τὼ δ' διαστήτην, καὶ πρὸς ἄλσος εἰσέλαι. Περὶ δὲ τῆς παρήγορ, ἢ ἔσυχον, ἢ διαστήται, ἢ ταγαρμῶ συγχυθέντες, ἢ ἄλλως πρὸς ἀνέλευσιν, ἵνα μὴ συγκαταλεγχθῶσι. *Illud, divisi sunt, opportune dictum est. Cadente namque funali, duo iugales sunt divisi, vel pavore consternati, vel alias obiecto obstaculo, ne simul deferrentur ad terram.* Obstacleum sive ἀνέλευσις Eustathii, ob quod necesse fuit, ut dividerentur à se mutuò jugales, aliud intelligi non potest, quam quod fecit eqvus tertius funalis ante pedes ipsorum prolapsus. Nam si cecidisset à latere, poterant profectò jugales manere conjuncti, imò & cursum tenere suum, illo reciso. At apud Homerum post casum funalis dividuntur, & discedunt in partes diversas, eoq; remoto, de novo incipiunt cursum instituere rectum, seq; conjungere. Sic enim clare ait, postquam resectum funarium ostendisset:

Τὼ δ' ἰδὺν θήτην, ἐν δὲ ῥύλῳσι τάνυσθεν.

Τὼ δ' αὖτις συνίτην ἐπὶ δ' ὀπίρ' ὄμοσέοιο.

Hi autem rectà iwerunt, inque habenis directi sunt, & rursum coiverunt propter contentionis fervorem. Αὖτις συνίτην ait, unde jugales à se mutuò divisos fuisse manifestum est, non hos à funario, qvòd existimare posset, qvi rem non bene ponderaret. Ex qvibus cunctis tandem sequitur, funalem tempore Homeri non stetisse fronte æquali cum jugalibus, sed eos præcessisse. Sanè, si funalis æqua fronte stetit cum jugalibus, qvi potuerunthi procedere longius, altero jacente? Nam cum esset ad jugales revinctus, casu suo ipsos qvoq; tenuisset. At verò, qvia hic procedunt, inter ipsos & funalem spacium aliquantum necesse est fuisse, qvòd intelligi non potest, nisi funalem ante jugales statuamus. Jam cum in trigis fuerit funalis, steteritq; ante jugales, etiam postea, cum à latere adjunctus est jugalibus, nomen id, qvòd olim habuit, servavit, qvoniam adjunctus fuit non temone, verum solis funibus, plane sicut ante. Scilicet res tota sic se habuit, mea sententia. Primum omnium & antiquissimis temporibus sub jugo uno juncta duo jumenta æquali fronte, intercedente uno inter utrumq; temone. Hæc cum non sufficerent vel ad celeritatem, vel ad onus trahendum, addita duo alia simili ratione, id est, sub uno jugo, intercedenteq; uno temone, qvi temo firmatus est ad caput prioris temonis. Nemo enim veterum temones duos ipsi vehiculo junctos & sibi à latere positos unqvam nominavit. Cum ne juga qvidem duo satis essent, addita alia & alia, singula cum temonibus suis. Inde currus τετραρῳμοι & ὀκταρῳμοι, de qvibus supra differuimus. Sed accidebat aliquando, sive oneris levitate, sive penuria jumentorum, ut adjungerentur animalia tantum tria. Hic duo veteri ratione juncta sub jugo uno, cum uno temone: Tertium verò itidem veteri ratione collocatum ante cætera, sed solis funibus religatum, nullo imposito jugo, qvia uni jugum non temerè solebat imponi; nec intercedente temone, qvia nunquam temo sine jugo, nec ab uno temo rectè trahitur. Hæc ratio mansit longo tempore in trigis quadrigisque, donec Clisthenis ingenium accessit. Vidit enim, credo, minus aptè flecti eqvos serie longiori ambu-

ambulantes, & temone duplici impeditos. Ideò temonem alterum sustulit, & si quadrigæ essent, exemplo trigarum eqvos duos fecit funarios, alterum verò ad dextrum, alterum ad sinistrum latus jugariorum collocavit. Si trigæ, veterem funarium retinuit, tantum locum immutavit, effecitqve, ut deinde omnes tres vel quatuor æquali fronte incederent. Atq; hoc, opinor, est, quod a Jebat Isidorus de Clisthene, *mediis equis*, qui soli tunc habebant jugum, cum ante haberent etiam cæteri in quadrigis, *singulos ex utraque parte applicuit*, qui nimirum ante fuerunt non singuli, sed in uno jugo conjuncti, nec ex utraq; parte, sed à fronte, & applicuit *simplici vinculo*, quali prius etiam *alligabantur* in trigis, unde nomen *συναφόρων* apud Græcos, apud Latinos *funariorum* servabant, quod habebant ante hanc mutationem Clisthenis, non quidem in quadrigis, quæ funarios habebant nullos, verum trigis. Hæc nostra est sententia de veteri jungendi ratione ante Clisthenis ætatem temporibus Homeri, & quæ deinde auctore Clisthene in quadrigis fuit observata. Salmasius, ut dixi, adversatur, omniq; tempore ivisse æqua fronte eqvos quatuor existimat, quem hac in parte sequuntur alii, Vossius quoq; in de Originibus, voce *Funis*. Adscribam totum locum, ut necesse non sit adferre Salmasii verba, quando ea compendio refert. *Funales sive funarii equi, quos Græci dixerε συναίς, & συναφόρους, & παραίς, & παραφόρους.* Hierant, qui in quadrigis, ubi fronte aquata equi quatuor irent, latus clauderent duobus jugalibus, qui in medio irent. Ergo hoc ordine ibant, dexter funalis, dexter jugalis, sinister jugalis, sinister funalis. Ac quemadmodum jugales vocabantur, quia interjecto temone jungerentur, ita funales vocabantur, quia à dextra sinistraque jugalium loro seu fune adnecterentur. Antiquis verò temporibus in quadrigis non duo jugales erant, sed quatuor. Neque enim tum unus erat temo, sed geminus, dexter & sinister, ac dextro duo, totidem sinistro temoni equi necessebantur. Facit dextrum & sinistrum temonem in vehiculo, quod ex nullo veterum probari poterit. Nemo enim novit, nisi unum. Et qui possit, cum sit fueritq; semper *μέσον δὲ τῷ ἄξονι*, ut loquitur Hesychius, vel, ut Phavorinus, *μέσαξυ καὶ μὴν* τῷ ἄρματι *ξύλον*, id est, medium ab axe, in medio vehiculi ex-

tentum lignum. Temones certè gemini ambo in medio fuisse nequeunt. Postremo ipsa ratio temonis repugnat. Cum enim eo flecti debeat vehiculum, plures esse nequeunt in uno, quod quidem eis regatur. Nam temones reliqui in τετραρῦμον, exempli gratia, vel διαρῦμον non ad vehiculum pertinebant, verum iuga, & in iis eqvos. Singulis enim paribus singuli temones tribui solebant, idque ante Clisthenis ætatem etiam in militaribus vehiculis. Post in onerariis quidem mansit, at in militaribus Clisthenis est ratio servata, collocatiq; duo eqvi sub iugo, cæteri absq; iugo in lateribus, æquali cum duobus illis fronte. Sic, ut bigæ quidem non haberent nisi jugales duos sub uno iugo; trigæ pariter jugales duos, sed à dextro latere funalem unum absq; iugo. Uni enim soli iugum nunquam imponebant, unde Claudiani quoque mulæ, quarum una cursitabat post alteram, habent *libera calla iugo*. Quadrigæ verò præter funalem in dextro, funalem alium etiam in sinistro latere, atque ita jugales duos, funales duos, omnes æqua fronte constitutos, sicut sæpe in antiquis nummis & marmoribus cernuntur. Jam cum quadrigæ non habuerint, nisi jugales duos, temonem unum, sequitur errare plurimum, qui cum τετραρῦμον faciunt eadem. Sicuti Henricus Stephanus in Lexico, voce τέτρωϑ, & Martinius. Cujus posterioris in Lexico Philologico, voce *quadrijugis*, hæc sunt verba: *Quadrijugis, τέτρωϑ, &c. Glossæ: Quadrigum, τετραρῦμον; Lego quadrijugum, est & τετραρῦμον.* Perperam τετραρῦμον seu *quadriugum* & τετραρῦμον idem esse arbitratur. Nam quadrijugum vehiculum eqvos tantum habet quatuor, at τετραρῦμον bis totidem, id est, octo. Diodorus manifestè ostendit in vehiculo Abradatis, de quo supra etiam locuti sumus. Deinde τετραρῦμον jugales omnes, funales nulli; Contra fuit in vehiculo quadrijugo, cujus pars dimidia eqvorum erat funaliū. Postremo in τετραρῦμον eqvi duo, antecedeabant duos, & hi duos alios; & hi rursus alios duos; At in quadrijugo ibant omnes quatuor fronte æquali. Habebant autem veteres non trigas modò & quadrigas ista ratione junctas, ut in iis eqvi duo tantum essent jugales, reliqui funales, omnes æqua fronte incederent, sed & plurimum aliquando eqvorum vehicula, & in universum omnia, quæ apud

apud Græcos sicut τέτριππα efferuntur. Ut sunt ἑξήματα, quorum mentio est apud Athenæum. Latini *seinges* vocarunt, ut ex Plinio est notum. Occurrunt & *septeminges* in tabula veteri ludorum Circensium apud Onuphrium, qui, opinor, Græcis fuere incogniti: Nomen certè eorum apud neminem reperias. *Deceminges* commemorat Svetonius, qui & ipsi Græcis ignorantur. Sunt & bis seni equi apud eundem in curru Jovis, cap. 94. Aug. Equibus, nostra sententia, duo tantum fuere jugales, ad temonem quippe unum tantum constituti, reliqui funales. Nec enim habere plus, temone uno, hæc vehicula solebant, sicut dixi. Quare tanquam singulare quid & novum Diodorus memorat in curru, quo funus Alexandri ducebatur, quod haberet quatuor temones. Verba hæc sunt lib. XVIII. Τέτραρων δὲ ὄντων ῥυμῶν, ἐκάστω τετρασχοιχία ζευγῶν ὑπέρευκτο. τετράρων ἡμιόρων ἐκάστω ζευγὶ προσδεδεμένων, ὥστε τὴν ἀπαιτίας ἡμιόνους εἶναι ἑξήκοντα καὶ τέσσαρας. Quatuor temones cum essent, unicuique ordo iugorum quadruplex adiunctus erat, quaternis mulis iugo alligatis, ita, ut omnium mulorum numerus esset sexaginta quatuor. Quatuor temones hic intelligi non possunt alii post alios, ut in onerariis vehiculis, hoc enim novi nil fuisset, sed à lateribus iuncti. Quod ex eo etiam colligitur, quia quivis temo habebat τετρασχοιχίαν ζευγῶν, post quam non potuit collocari temo alius. Τέτρασχοιχία enim est, cum iuga quatuor se mutuo, unum post alterum, excipiunt. Itaq; illi quatuor temones ita erant iuncti ad vehiculum, ut æquales essent, neuterq; ante alterum poneretur, sed alter esset ab alterius latere. Temones singuli trahebantur à jugis quatuor mulorum, quorum quodlibet habebat mulos quatuor, duos jugales, duos funales, consuetudine vulgari: erantque illa iuga non à latere, sed in frontem, unum post alterum, collocata per τετρασχοιχίαν, quod fuit plane novum. Sedecim enim muli æqua incedebant fronte, post hos totidem alii, idq; quarta vice, ita tamen, ut temonem quemlibet iuga promoverent quatuor, quæ à tergo sese mutuo excipiebant. Quod, ut dixi, fuit novum quidpiam & singulare, ac neq; ante neq; postea translatum in communem usum. Communis usus non recepit, nisi duo genera, unum ante Clisthenis ætatem, alterum post ea tempora. Illud fuit, cum

jumenta tria, quatuor vel plura junguntur pro se singula, quod hodieque durat, maximè per Sveviam in plaustris, quibus vehunt sarcinas mercatorum; vel cum duo & duo longa serie, sed, ut inter singula paria intercedat temo cum jugo suo, qualis ratio & ipsa nunc in usu est, præsertim, quando plaustris suis carbonarii ex sylva Hercynia per adjunctos boves vehunt res suas in vicinas urbes; vel si ante duo jumenta jugaria eat unum funibus firmatum ad posteriorum illorum temonem, quæ similiter non ignota hodie est ratio, præsertim rusticis per Alsatiam, qui non temerè alia utuntur. Posterius genus, & quod habet Clisthenem auctorem, fuit illud, cum jumenta omnia æquali collocantur fronte, duo media sub jugo, cætera firmata funibus ad axem. Qualis ratio videtur antiquata hodie, nisi ejus instar servare currus Batavorum arbitramur, quibus vulgo facere itinera soverunt. Rarò enim illis duos, plurimum tres jungunt eqvos, pari omnes fronte, in quibus illud quoque servant, quod funem tertii axis capiti alligant. Mansit porro illa Clisthenis consuetudo non modò in Circensibus vehiculis & ludicris, in quibus ipse primus usurpavit, sed & aliis, ut triumphalibus similibusque ad ornatum pompamque pertinentibus, quod liquet ex vetustis monumentis. Quinimò posterioribus temporibus & in ipsa præfecti Prætorii Urbisque carruca eam observamus, sicut in Notitia Imperii est delineata. Equi omnes quatuor incedunt pari fronte. Quamquam illi equi non sint alii jugarii, alii funarii, verum omnes ratione simili nudis tænis copulisve juncti absque jugo. Unde conjectamus, desisse tum & Clisthenis consuetudinem, ventumque propius ad eam rationem esse, quæ in nostris est vehiculis recepta. Nam & in ipsis equi nudis copulis junguntur. Licet nostra differant in eo, quod nos collochemus eqvos non æquales omnes in fronte, verum duos & duos longa serie, nec temones habeamus plures, nisi unum, primis duobus & à vehiculo proximis interjunctum. Cæterum, quemadmodum in vehiculis antiquis equi duo medii fuerunt juncti per lora jugalia in jugo, ut jam ante aliquoties ostendimus, sic cæteri non in jugo, verum axe ipsoque curru *simplici vinculo*, ut Isidorus loquebatur. Vinculum id Græcis est *σείρα*. Pol-

lux lib. I. cap. 10. ἵπποισι ἐκατέρωθεν, παρῳροί, & παράσυροι & συραίοι, & αἱ τέτων
 ἡνία, σιραι & παρῳρία. Vertit Gualtherus: *Equi, qui utrinque assiste-*
bant, pareori, adjutorii, catenati & sirai vocabantur, horum verò ha-
bena, catena & lora. Pleraq; hæc prava. Nam Græcorum παράσυροι,
 non adiutorii catenati ve Latinorum, quos ignorant penitus, sed fu-
 narii, ut mox dicam. Deinde nullus sermo de *habenis* est hoc loco,
 sed de funibus, quibus equi ad vehicula junguntur. Illi sunt ἡνία in
 his verbis. Deniq; hi funes nunquam à Latinis appellati *lora* vel *ca-*
tena, verum *funes*. Inde habes *implicatos funes* in rheda fiscali apud
 Sulpitium Severum verbis supra recitatis. Sed & eqvorum *funar-*
iorum appellatio inde orta, ut ex Isidoro liqvet. Ἠνίας Græcis esse
 funes istiusmodi apparet ex eodem p. II. ubi post ἡνίας varias po-
 stremo subdit, αἱ δὲ, σιραι & ἱμάς. Ubi rursus imperitè Gualtherus,
habena alia lora dextra dicuntur, cum debuisset, *quedam, funes tra-*
ctorii. Neq; aliud, opinor, voluit Eustathius ad II. T. ubi ait: Τὲς δὲ
 ἐπίσω κατὰλεινομένους ῥυήρας, ἡνία, αὐτὰ τὸ ἐνὶ τῆς ἵππου ὑπὲρ τῶν ἀρμάδων. Certè
 ἐπίσω κατὰλεινομένοι, hoc est, *retro extenti*, funes alii in vehiculis sunt
 nulli, qui quidem dici possint ἐν τῆς ἵππου ἀρμάδι, id est, *equos iungere*
currui. Nec ἡνία alia, quam ἡνία. Homerus ipse in verbis supra citatis:

-- -- Κρίκε δὲ ζυγόν, ἡνία δὲ σφι
 Σύχχον. -- -- --

Ubi ne Gyphanius quidem rectè, *habenæque ipsis confundebantur*,
 pro *funes implicabantur*. Nam sequitur, postquam submovisset im-
 pedimentum eorum Patrocius:

Τὼ δ' ἰδυνοῦσιν, ἐν δὲ ῥυήρεσι τάνυσθεν.

Quod & ipsum perperam Gyphanius reddidit: *Hi autem rectè à iue-*
runt, inque habenis directi sunt, debuisset enim, *inque funibus rectè*
tentis processerunt, vel, & *funes rectè intensos traxerunt.* Nam ῥυήρες
 hic, qui paulò ante ἡνία. Scholiastes ibi: ῥυήρεσι, χαλινοῖς, ἡνίαις. Παρὰ τὸ
 ἐρύειν, ὅς ἐστιν ἐλκεῖν. Dicit *rhyteras* & *henias* idem esse, illas ita dici ab
eryein, quod *trahere* significet. Quibus verbis liqvet, ῥυήρας perti-
 nuisse ad trahendum, fuisseq; ἡνίας, id est, funes tractorios. Hesy-
 chius: ῥυήρη ἡνιον, ἄωρ & ἱμάς, ἐλκυστήρ. ῥυήρες, ἡνία. ἱμάδες τῶν ἵππων, ὅσον ἐλκυ-
 στήρες. Exponit per ἐλκυστήρας, qui plane funes sunt tractorii. Ita Au-

Etior Etymologici: *ῥολῆρ, ἐλευσίνῃ*. Apulejus ad exemplum hoc vocavit *helcia* Latinè. Verba ejus lib. ix. Asini: *Defectum me, helcio sparteo dimoto nexu machine liberatum applicant prae sepio*. Paulò ante idem *taniæ* appellat. *Illico scitissimè taniæ sparteæ totus innixus discursus alacres obibam*. Sunt eidem & *copula* in verbis seqventibus, ubi ait, de jumentis ad molas jungi solitis: *Copula sparteæ tritura continua exulcerati*. Capitolinus maluit *iuncturas* nominare in Vero, cap. 5. *Data & vehicula cum mulabus ac mulionibus, cum iuncturis argenteis, ut ita de convivio redirent*. Casaubonus sic exponit: *Iunctura est, qua iunguntur mule carrucaria, ut iumenta aut boves ad aratrum iugo*. Voluit, si rectè mentem ejus assequor, *iuncturam* esse in carrucis, quod jugum in aratris. Atqui etiam in carrucis jugum. Inde namq; Phædrus noster lib. III. cap. 7. ubi *Mulam* talem carrucariam loquentem facit cum musca:

*Sed istum timeo, sella qui prima sedens
Iugum flagello temperat lento meum.*

Quare *iunctura* esse nequit jugum in carruca. Salmasius existimat vocatam alias & *iunglum*. Jungla porrò sunt Philoxeno funes, sive lora. Verba ejus: *Iungla, ἰνγλα, ζευγλῆμα*. *Iungla* sunt contractè, quæ alias *iungula*, quomodo & *ungla* pro *ungula*, *singla* pro *singula*, & ejusmodi. Philoxenus exponit *ἰνγλα, ζευγλῆμα*, id est, funes, qui iungunt. Tales igitur & *iuncturæ* erunt ex Salmasii sententia. Quamquam verius existimem, fuisse *iuncturas* non funes modò, vel lora vehiculo annexa, sed & quicquid firmaret in eqvis funariis. Videlicet funarii juga non habebant, sed eorum loco lora largiora circum pectus absque jugo, sicuti videmus in antiquis monumentis, maximè quadrigis Rubenianis. Illa igitur lora una cum funibus helciariis copulisve una voce, *iunctura*. Hinc Julius Paulus III. Sent. t. 7. *Carruca cum iunctura legata, mule quoque legata, necnon & mulio videtur*. Interpres vetus ista verba sic exponit: *Si carruca cum iunctura per legatum dimissa fuerit, carpentum cum iunctura, & mule debentur*. Nisi quis adhuc amplius *iuncturas* hic significare putet non funes modò helciarios, & lora pectoralia in funariis, sed ipsa quoq; juga cum loris necessariis in jugalibus. Quod ego quidem

dem cenſeo rectiſſimum. Liqvet enim in legato iſto juncturæ vo-
cem eſſe proriſus generalem, & ſignificare non inſtrumenta modo
cuncta trahendo vehiculo in mulabus neceſſaria, ſed ipſas quoque
mulas: Adeo ad funes tantum helciarios non poſſe reſtringi. Un-
de etiam adducor, ut diverſa cenſeam ſignificaffe jungla, & junctur-
ras. Et *iuncturas* denotaſſe omnia mularum cum jugalium tum fu-
nalianum ornamenta; *iugla* verò ſolas copulas, ſeu funes helciarios.
Sanè, quæ Ulpiano in l. 19. ff. de auro, argento, &c. ſunt *iuncturae*, ex
Auctori Baſilicorum μέλων κόσμησις, id eſt, *ornatus mularum*. Verba
Ulpiani ea ſunt: *LECTUM plane argenteum, vel ſi qua alia ſupellex ar-
gentea fuit, argenti appellatione non continetur, ſi numero argenti habi-
ta non eſt. Ut in iunctura argentea ſcio me dixiſſe, quod non in argenta-
riopaterfamilias reponebat.* Baſilicorum iſta: τῷ λεγόμενῳ τῇ ἀργύρῳ, ἢ τε
ἢ ἀργύρῳ κλίνῃ, ἢ τε ἄλλῃ τῆς οἰκοκυεῖς ἀργύρος περιέχεται, εἰ μὴ καὶ ταῦτα ὁ δια-
θέμενός εἶχεν ἐν ἀριθμῷ ἀργύρου. Οὐδὲ δὲ τῶν μέλων κόσμησις, ὅτε μὴ ἐν ἀργεῖλας
ἀποκείται. Nemo poteſt dubitare, quin hic κόσμησις μέλων ſit *iunctura*.
Jam verò κόσμησις referri ad πνίας ζευγικὰς ſolummodo non poteſt. κό-
σμος enim, quicquid ad vehiculum trahendum mulā requirit. Quo-
modo apud Xenophontem eſt κόσμησις κυρῶν pro iis omnibus, quibus
canes inſtruuntur vel armantur. Quo exemplo aliquando etiam
apud Latinos *ornamenta* leguntur, & apud Livium, Cornelium,
alios, *ornati equi, ornati elephanti*, pro inſtructis ad prælium vel
eqvitationem. Hinc intelligitur, quomodo apud Capitolinum eſſe
argenteæ juncturæ queant. Nam per eas & juga, & lora pectoralia,
& helcia, omnia argento culta ornataque indicantur. Qualis ideo &
apud Ulpianum eſt intelligenda. Neque poteſt eſſe mirum de hel-
ciis, id eſt, funibus, cum & ipſi ferè eſſent latiores. Ut enim catenas
cogitemus, cauſſa nulla eſt, cum Gualtherum vox σειρῶν deceperit
apud Pollucem, quam perpetuò catenas denotare putavit, cum σει-
ραι ſint ſæpe funes tenti ex loris. Suidas: Σειραῖς, πλεκοῖς ἱμάσι. Sole-
bant autem funes illi helciarii, de quibus ante dixi, & quorum uſus
erat in funariis, non ad temonem religari, ſed ad currus, ut jam dixi,
nominatimque axis capita, quæ ultra rotas prominebant. Unde
Claudianus lib. I. in Ruf. v. 344. ſub perſona Martis: *Nexusque rota-*

rum Tende, Pavor. Barthius eo loco: *Nexus tendere, est lora capitibus axis adnectere, quibus currus trahebatur, non enim temonibus erant alligata ea lora, sed capitibus axium, ut clarum ex nummis aliisque picturis priscis.* Et hi quidem funes, quibus jungebantur ad vehicula. Præter eos autem erant quoque, quibus jungebantur inter sese ipsi. Docet Pollux, quando ait lib. I. cap. 10. Ἀπὸ δὲ ἰπῶν ὅτι ἰπῶν ὁ ἀπὸ πτημῆν ὁ ἰπῶν, μεσάτι. *Lorum verò ab uno equo pertinens ad alterum, mesatios.* Ubi nota, esse aliud μεσάτι, aliud μεσάτιον, hoc enim denotare partem sellæ in curru, de qua dixi aliquid in præcedentibus, illud verò funem, qui est inter eqvos, & alterum alligat alteri, ne liberè possint evagari, contra uno frenis adducto, simul reliqui adduci. Atq; hoc est, quod superius agebam non potuisse ex jumentis sic ad currum junctis, ut æqvata omnia essent fronte, unum cadere, ut non eo casu cætera progredi impedirentur. Quocunq; autem jumenta firmarentur modo ad vehicula, sive æqua fronte, sive alia post alia, *iungi* dicebantur. Virgilius lib. V. Æn.

Iungit equos currugenitor. -- --

Quod Virgilius hoc loco dicit *iungere currum*, pro *in curru*, id eidem alibi est *iungere ad currum*. Atq; ita & Svetonius in Julio cap. 31. *Mulis è proximo pistrino ad vehiculum junctis.* Hinc sæpe absolute *juncti*, pro junctis ad vehiculum. Columella lib. III. cap. 21. *Arbores ferendi causa collo vel mulo clitellario afferre, sed juncto advehere non permittitur.* Junctum mulum dicit, pro ad vehiculum junctum, & per eum integrum vehiculum intelligit. Simili ratione Cornelius jumentum junctum usurpavit. Verba sunt in Timoleonte cap. 4. *Propter valetudinem vectus jumentis junctis.* Itaq; mox sequitur apud ipsum: *Atque ita de vehiculo, quæ videbantur, dicebat;* quia per jumenta juncta integrum vehiculum significavit. Hinc apud Virgilium *junctos conscendere*, pro conscendere vehiculum, lib. XII. Æn.

-- *Cum prima in prælia iunctos*

Conscendebat equos. -- --

Sed & *currus iuncti* sic dicuntur absolute, pro adjunctis simul eqvis. Vellejus lib. II. cap. 114. *Erat desiderantibus paratum, iunctum vehiculum.* Virgilius IV. Georg.

Et

Et iuncto bipedum curru metitur equorum.

Paulò alii sunt *equi iuges*, nempe non qui modo quovis iuncti ad vehiculum, sed qui iuncti inter se æquali fronte, ac velut sub eodem iugo. Festus: *Iuges, eiusdem iugi, pares. Unde & coniuges, & seiuges.* Non hoc vult, quasi *iuges*, qui sint sub eodem iugo, nam ex se jugibus duo tantum habuere iugum, sicut supra dixi, sed qui ejusdem iugi, hoc est, ordinis. Quomodo & in Tacticis *iugum* seu ζυγός est, ἐκ παρεσπικόντων πλῆθος, ut ad Arrianum & Mauritium nostrum pridem annotavimus, id est, multitudo eorum, qui à latere se mutuò tangentes stant longa serie. Itaq; adjunxit, *pares*, id est, pari modo collocati. Plane illo modo, quo & sejuges locantur, quos exempli causa hic adduxit. Nam sejuges sic dicti non à *iugo* instrumento, quod imponi solet collis jumentorum; Nunquam enim equi sex sub uno constituti iugo, nec in sejugibus unquam amplius, quam iugum unum duobus mediis tantummodò impositum: Sed à *iugo* verbo, quod est juxta colloco, ut sint sejuges, equi sex, juxta se continua serie collocati, non ante se bini & bini. Certè, si à iugo instrumento dicti essent sejuges, vel significarent eqvos sex sub uno iugo, vel significarent eqvos plures sub sex jugis, quorum tamen neutrum verum est, cum sint equi sex æquali fronte collocati. Plane sicut & quadrijuges sunt equi quatuor hoc modo iuncti. Quod cognoscimus ex curru Solis, de quo sic Ovidius:

Tritumque relinquunt

Quadriuges spacium, nec quo prius ordine currunt.

Certè nemo fuit unquam, qui non eqvos in hoc curru faceret æquali fronte incedentes. Itaq; & *quadrigas* appellarunt. Tertullianus libro de Spect. *Quadrigas Solis anxerunt.* Nempe & quadrigæ, velut quadrijuges, aut quadrijugæ. Fronto apud Gellium lib. xix. cap. 8. *Quadriga semper, etsi multiiuga non sunt, multitudinis tamen tenentur numero, quoniam quatuor simul equi iuncti quadriga, quasi quadriiuga vocantur.* Dicit, non esse *multiugas*, id est, multa habere imposita sibi iuga vehicularia, habere tamen simul iunctos eqvos, id est, pares & ejusdem iugi, sicut Festus supra loquebatur, vel, quod idem est, jugatos inter sese ac conjunctos. Quomodo intelli-

T

gendus

gendus quoque; Isidorus, quando ait: *Quadriga & biga, triga & seiuga ab equorum numero & iugo dicta*. Vult, à iugo dictas, non quod iugum unum habeant, sed quod inter se iugentur. Hoc enim propriè *iugare*, à quo differt *iungere*. Jugantur enim animalia, cum vel sub unum mittuntur iugum, vel æquali fronte, velut sub iugo uno, constituuntur. Junguntur autem, quando quovis modo firmantur ad vehiculum. Græcipæne ad eundem modum ζευγνύειν vel συζευγνύειν. ἵππους dixerunt, ut Latini equos *iungere*, quemadmodum ex Homero constat. Sed & sicut illi *currum iungere*, ita hi ζευγνύειν ἄρμα usurparunt. Quod jam olim annotavimus in Indice ad Ælium, ubi tamen perperam per absentiam nostram, etiam in secunda editione, cum non paucis aliis huiusmodi, est vulgatum ζευγνύειν. Verba Ælii extant lib. II. cap. 27. de Anniceri Cyrenensi: Ζεύξας ἐν τῷ ἄρμα, περιήλασεν ἐν Ἀκαδημαίᾳ δρόμους παμπόλλους. Usurparunt autem hoc etiam, cum junguntur æqua fronte. Unde ζεύξ & etiam de bigis, trigis & quadrigis. Pollux lib. X. cap. 12. Ζεύξ & πᾶν ἂν καλεῖτο τὸ ἐζευγμένον, καὶ εἰ τριῶν ὑποζυγίων, ἢ καὶ τετραγώνων. Parum commodè Gualtherus: *Iugum omne subiugatum dicitur, si ve trium iumentorum sit, si ve quatuor*. Mallem ego: *Zeugos dicitur, quicquid innectum est, etiam si sit trium quatuorve iumentorum*. Nam apud Latinos *iugum* usurpari solet nunquam, nisi de duobus. Et docere Pollux voluit, vocem ζεύξ & apud Græcos, quæ & ipsa vulgò bigas denotat, significare aliquando trigas etiam, & quadrigas. Nempe non est à ζυγός, instrumento jugatorio, sed à ζευγνύω verbo. Possunt autem plura ζευγνύειν si ve jungi, atq; ita ζεύξ & fieri. Quanquam pro ζεύξ & in trigis quadrigisque; τετρίζυξ & τετραζυξ dicere maluerint. Lexicon Argentoratense: *Quadriungi, τετραζυγες*. Philoxenus: *Quadrigum, τετραζυγον*. Ubi tamen mallem legere *quadriiugum*, ut intelligatur vehiculum, cum & τετραζυγον sit ita dictum ἄρμα & respectu. Sicut autem *iungi* dicebantur iumenta, quando firmabantur ad vehiculum, sic, quando solvebantur, *abiungi*. Propertius II. eleg. 18.

Quam prius abiunctos sedula lavit equos.

Virgilius Georg. III.

It tristis arator,

Mœrentem abiungens fraternamorte iuvencum.

Pro *abiungere* Philoxenus habet *abiugare*, quod exponit Græcè ἀπολύνειν, id est, *solvere*, quomodo Virgilius idem: *Tauris iuga solvet arator*, Eclog. IV. & Georg. III. in fine:

Et iam tempus equum fumantia solvere colla.

Græcis alias hoc est ἀποζευγνύειν, quod in Glossis est *seiuungere*. Verba earum: ἀποζευγνύω, *seiuungo*. Num & *deiuungere* sic usurparunt Latini? Censet Scaliger ad superiora Propertii. *Abiungere equos*, ait, & *deiuungere*, idem. Amplexus hoc Taubmannus quoque ad Plauti Afin. III. scen. 3. ubi Poëta:

Ne nos deiuunge amantes.

Sed hoc loco *deiuungere amantes* non est ἀποζευγνύειν, verum διαζευγνύειν, fitque, cum alter amantium ab altero separatur, quod non fit, quando abjunguntur equi, tum enim non tam separantur ipsi à se mutuò, quam à curru. Sanè Ciceroni quoque *deiuuncta*, quæ separata à se mutuò, ut Scaligero non possim consentire. Ita enim habet in de Universo: *Ita necessitas cogit, ut eadem sint ea, quæ deiuuncta fuerunt*. Illud rectius idem Scaliger, quod diversum signet *interiungere*. Nam hoc, inquit, est *deiuungere equos, donec cibo recreati sint*. Ac ostendit sic locutum esse Martialem, ubi ait lib. III. ep. 25.

Exarsitque dies, & hora lassos

Interiungit equos meridiana.

Puto autem verbis hisce respexisse Martialem ad eorum consuetudinem, qui vehicula locabant. Hi enim solebant tempore meridiano requiescere paulisper à cursu, & in dispositis ad id stabulis cibum equis præbere, quod in usu hodieque est, Germanisq; *ausspannen*/ Belgis Batavisq; *pleisteren* vocatur. Idem voluisse Martialem eundem lib. II. ep. 6. rectè observatur ab eodem. Verba ejus ita habent:

Et cum currere debeas Bovillas,

Interiungere queris ad Camænas.

Non, ut Scaliger citavit: *Interiungere queris ad bovillas*. Aliud hoc enim, nec quod vult Poëta, qui in voce *Bovillas* & *Camænas* ludit, innuitque frustra querere in litteris Severum & carminibus doctis,

qvæ hic Camœnæ sunt, remissionem aliquam, cum ingenium ipsius cogat eum ire ad Bovillas, id est, rustica & crassa. Rectè, inquam, observatur, etiam hic *interiungere* nil esse aliud, quam paulisper requiescere, ab junctosq; eqvos pabulo reficere. Nam quod putant tractum esse à curru, cujus rotæ interjecto fude junguntur, ut quiescant, nihil est. Lexicon Argentoratense: *Interjungo*, ἐφίσταμαι. Mallem, ἐφίστημι. Quomodo habemus apud Arrianum lib. V. Εὐεστῆσι τὸς ἰππέας τὸ πρόσω, similiter pro cohibere, moram injicere, facere quiescere. Jungebantur autem jumenta alia in dextra parte, alia in læva, quod in bubus quidem iisdem non temerè faciendum monet Varro lib. I. R. R. cap. 20. *Neque pertinaciter, quem feceris dextrum, in eo manendum. Quod si alternis sit sinister, sit laboranti in alterutra parte requies.* Observa, nominare *dextrum*, qui à dextra parte jugi, *sinistrum*, qui à sinistra: Idem namq; & in eqvis fuit solitum. Hinc Aufonius:

Pegasus hinc dexter currat. -- --

Cæterum, in quadriga dextri sinistriq; non modò, qui in jugo, sed & qui in fune, sic, ut jugalis unus & proximus ei funalis essent dextri, & contra reliqui sinistri. Dicebantur autem jugales etiam *medii*, quod essent in medio funalium constituti. Scholiastes Aristophanis, & ex eo Suidas: Ζύγιοι ἵπποι, οἱ ὑποβαλλόμενοι πρὸς τὸ ἄρμα ὁ Ζυγῖος, τὸ ἐξ ἰνὸς ὁ μέσος ἀριστερὸς καὶ ὁ μέσος δεξιός, καὶ ἀπλῶς ὁ μὴ παράσειρος ὁ ἑτῶ λέγεται. *Zygii seu jugales equi, qui jugo vehiculi sunt subditi, hoc est, medius sinister, & medius dexter, & simpliciter, qui non paraseirus seu funalis, ita appellatur.* Alius igitur *dexter medius*, sive μέσος δεξιός, & alius *dexter*, sive δεξιός. Ille enim jugalis, cum hic ferè funalis, ut mox dicam. Jugales hosce putant vulgo fœminas fuisse. Argolus ad lib. I. Onuphr. de Lud. Circens. *Insuper jugales equæ, ut indigniores, maribus equis interponebantur, atque in medio collocabantur.* Putat jugales fuisse indigniores in quadrigis, minusq; utiles, idè ad id eqvas captas. Laudatq; assertionis hujus suæ auctorem Hyginum, qui in descriptione currus Solaris: *Hi funales sunt mares, fœmina jugaria, &c.* Atq; sic jam olim & Salmasius tradiderat. Verum primo falsum, eqvas fœminas esse maribus deteriores in hoc negotio.

Ælianus,

Ælianus, cui, ut Romano, ignota esse res hæc utiqve non potuit, lib. VI. Hist. Anim. cap. 36. Ἰδία δὲ ἄρα τῶν ζώων καὶ ἐκείνα λέγειται. Αἱ ἵπποις αἰγυαλῆσιν ἐπιηθεῖσιν τετραγίνας πρὸς ἐνοῦσιν. De animalium natura hæc quoque feruntur: Equæ ad rem currulem aptiores esse creduntur. Hinc Horatius II. Carm. 16.

-- -- Tibi tollit hinnitum
apta quadrigis equa. -- --

Et Virgilius lib. I. Georg.

-- Eliadum palmas Epirus equarum.

Quo loco Servius: Epirus creat equas optimas, quæ apud Elidem palmas merentur in Iovis Olympici curuli certamine. Nec mireris, equas currere. Nam, ut dicit Plinius, velociores sunt idè, quod in cursu urinam faciunt. Vides verbis manifestis, ad certamen currule prælatas eqvas, ut velociores. Igitur & Glaucus, certaturo quadrigis, eqvas tribuit Philargyrus ad Virgilii Georg. III. Glaucus Sisyphi filius, cum ad mimicum certamen quadrigam duceret, adplicuit ad vicum Bæotie, & equas potum ad fontem sacrum per ignorantiam duxit, unde qui bibissent, in furorem agi solebant. Itaque illum equæ furore exagitante in ipso certamine curru effudisse ac morsibus laniasse dicuntur. Servius aliam reddit causam, eqvas tamen ut velociores adhibuisse in curru ipse quoq; firmat. Dilaniatus est Glaucus, inquit, effrenatis nimia cupiditate equabus, quum eas cohiberet à coitu, ut essent velociores. Sed & apud Herodotum in VI. legimus de eqvabus Cimonis: Καλὴν δ' αὐτὴ αἰπὸι τεθάραι αἰσοῖσι τρεῖς ὀλύμπια δᾶς ἀνελόμεναι. Ἐποίησαν δὲ καὶ ἄλλαι ἵπποι ἠδὲ τῷ αὐτῷ Εὐαγόρῳ Λακων. E regione eius sepulta sunt equæ ille, quæ tres Olympicas victorias reportarunt. Fecerant hoc iam aliæ equæ, quæ fuerant Evagoræ Laconis. OEnomaus quoq; vicit Pelopem non eqvis, sed eqvabus, uti docet Scholiastes Apollonii lib. I. vers. 754. Αἱ δὲ Οἰνομάει ἵπποι, Ψίλλα καὶ Ἄρπιννα. Habes ecce & earum vocabula. Equæ verò OEnomai, ait, Psilla & Harpinna. Et in Tabula veteri, eqvorum Circensium nomina continente, quam publicavit Onuphrius, habes Romulam, Gemmulam, Annaram, Murram, Aristam, victores in ludis circensibus, quæ sine dubio fuere femina, non mares. Deniq; Plinius est auctor lib. X. cap. 63. viciisse Olympia etiam

*prægnantem Echecratis Theſſali eqvam. Adcò ex Hygino contra eas nil concludi poteſt. Deinde nec hoc verum, feminas fuiſſe ſemper jugales. Certè, ſi, qvòd vult Salmiaſius, victoria tributa non jugalibus in curru, ſed funalibus, eqvas, qvas ſuperius ex Herodoto, Plinio & Tabula veteri nominavimus, fuiſſe non jugales, verum funarias, neceſſe eſt, qvia victores celebrantur. Plinius clariſſimè de una Echecratis prægnante loquitur, quæ abſq; dubio in curru ejus extitit funalis. Qvanqvam fortè ne hoc qvidem fuerit perpetuum, ut funalibus victoriâ deberetur. Nam in tabula Cecchinorum legimus de Diocle: *Duobus introjugis Cotyno & Pompeiano vicit.* Item: *Diocles præcedens eum introjugis tribus, Abigeio, Lucido, Parata L. vicit.* Item: *Vicit CXXXXIII. ampliatis titulis ſuis, Cotyno, Galata, Abigeio, Lucido, Pompeiano, introjugis quinque.* Hic introjuges dicuntur, qvi ſunt intra jugum, qvòd eſt idem ac *ingales*, atq; opponuntur funalibus, qvi dicuntur extra jugum eſſe. Scholiaſtes Sophoclis in *Electra*: Σεπράϊον ἱάπων, τὸν ἔξω τῶ ζυγῷ δ' ἔξϊον. *Funalem equum, eum, qui eſt extra jugum, dextrum.* Si funales extra jugum, qvi ſunt intra jugum, non funales erunt, ſed jugales. Auctor tabulæ *introjuges* vocavit, qvibus proinde qvi vicit, iſ non vicit funalibus. Qvorum introjugum qvia nominatim hic ſit mentio, colligitur, victoriâ cum ipſis haud fuiſſe frequentem, qvippe quæ foret difficilior, indeq; toties funales, cum eſt ſermo de victoriâ, nominari. Quando autem auctor tabulæ illius ait, non duobus modò, ſed & tribus, imò quinque introjugis viciffè, non hoc puto dicere, habuiſſe ſimul eqvos quinque unico ſub jugo, id enim nec lectum unqvam eſt, nec cum conditione jugi unius videtur convenire, ſed diverſis vicibus uſurpaſſe hos introjuges, eoſq; fuiſſe tam doctos, ut non uni tantum ſemper deberetur victoriâ, ſed & alteri, & tertio, & quarto, & quinto, ſingulis nimirum ſuo tempore. Nec enim victoriâ unius curſus pluribus, quam uni eqvo, tribui ſolebat. Inde habes in iisdem tabulis, *Fortunatus factionis Præſina in victore Tuſco victor CCCLXXXVI.* Item, in *Abigeio victor eminuìt & ſine flagello.* Idem docet alia tabula integra, in *Baſilica Petri* ſpectanda. Caterum, qvi funales Latinis, ſeu funarii, illi Græcis *παραῖοι, σεπράφοι, σεπράϊοι.* Pollux: οἱ μὲν ἔμπροσθεν τοῦ ζυγῶ, ζυγῶ.*

ζυγιοι, οἱ δ' ἐκ αἰρώθεν, παρήωροι, καὶ παράσυροι, καὶ συράφοροι, καὶ συραῖοι. Dicti quoque ἀκροτήρες. Chrysostomus in Oratione de Circo: Ἐν ἀρμάδι αὐτὲ μέλανες, ὑποζυγιοι μὲν, ὁ ἄδης καὶ θάνατος, ἀκροτήρες δὲ σὸς καὶ ἀπόλειπας. Scio, summum virum Clarissimum Salmasium hic emendare ἀορτῆρες. Sed hæc lectio ibi bis occurrit, quod fatetur ipse; Vix autem verisimile, potuisse utroq; loco corrumpi. Deinde ἀορτῆρες dictos esse hos funales nemo alius ex antiquis docet. Nec fortasse dici potuerunt, si analogiam vocis rectè ponderamus. Est enim ἀορτῆρ, τὸ ἀπηρωρημένον, ut exponit auctor Etymologici, hoc est, ejusmodi aliqvid, quod ex alto est suspensum, descenditq; ab αἶρω, quod est elevo, vel in altum tollo. Adeò non simplex notat lorum, sed ejusmodi, quo quid altè suspenditur. Quomodo, exempli gratia, tali loro sive balteo suspenditur gladius. Unde apud eundem ἀορτῆρ ὁ ἵμας δ' εἰς τὸ ξίφος κρέματα. Et apud Hesychium ἀορτῆρες, οἱ ἀναφορεῖς τῷ ξίφει, ποὶ κρίκοι τῆς θήκης, id est, non baltei solum, sed & annuli, è quibus theca suspenditur. At verò nihil tale convenit in funales eqvos, non illi altius ligati sunt cæteris, sed nec currum ipsi altius suspendunt, vel ad altiora ducunt. Itaq; potiori ratione dicti sunt ἀκροτήρες, quia fuerunt ἐν τοῖς ἀκροῖς, id est, in summitatibus, in extremitatibus, sicut jugales ἐν μέσῳ. Sæpenamq; Græcis ἀκρα opponuntur μέσεις, & extremitates notant. Quomodo apud Ælium nostrum ἀκρα φύλλων leguntur, & in noto proverbio sunt ἀκροὶ δάκτυλοι, extremæ digitorum partes, & in Glossario Argentoratensi, *extremus*, ἀκρ. legitur. Fuerunt autem & hi alii dextri, alii sinistri. Dextri, qui à dextro jugalium latere, sinistri, qui à sinistro stabant. Dextri Græcis δεξιόσειροι. Scholia Sophoclis in Antigona: Δεξιόσειρος, καὶ τὸ δεξιὸν φερόμενος κέρας. Ἡ δὲ μεταφορὰ ἀπὸ τῶν ἵππων τῶν ἐν τοῖς ἀρμασὶ παρασειρόντων. Meminit horum etiam Hesychius in voce σειράφορον, ubi ait post alia, ἀπὸ τῶν δεξιόσειρων ἵππων. Sinistri sine dubio ad hoc exemplum ἀριστερόσειροι, quanquam nusquam legantur. Δεξιὸς & ἀριστερὸς etiam simpliciter vocarunt, credo, quod in quadrigis essent maximè tales. Sophocles in Electra:

Δεξιὸν δ' ἀνείς
σειράῳ ἵππον, εἶργε τὸν προσκείμενον.

Latini pariter *dexteriolem & finifleriolem funalem* ufurparunt. Sueton. Tib. cap. 6. *Actiaco triumpho currum Augufti comitatus eft finifleriole funali equo, cum Marcellus Octaviae filius dexteriore veheretur.* Aufonio fimpliciter funt *dextri & laeves*, fi audimus Argolum. Verba Poëtae funt in Epitaph. 35.

Pegasus hinc dexter currat tibi, laevus Arion

Funis & ad quartum det tibi Caftor equum.

Ad hæc fic citata Argolus: *Equus funis eft equus funalis.* Sic ergo dexter & laevus, qui in funibus, id eft, funales. Cæterum, hi ipfi *primi* quoque dicebantur & *fecundi*. Nam in quadrigis funalis finifter, primus, funalis dexter, fecundus. Argolus idem: *Funales digniores erant, & præfertim finifter.* Nam cum circa metam eundum efferet, interior ad metam erat finifter, atque ille pane totum curfus ordinem fuflinebat, & *primus equus dicebatur, ut contra, funalis dexter, fecundus.* Silius: *Quod ferret lora fecundus Panchates.* Atque ita & Salmafius in Exercitationibus Plinianis. Verum poteft effer dubium de funali finiftro. Manifefte namque Hefychius prærogativam illam dextro tribuit, quod Salmafius ipfe obfervavit. Verba Hefychii: *σειροφόρος, ἡγεμονικός.* Dicit, hoc vocabulum Græcum, quod Latinis etiam funalis, omen alias vel ducem denotare. Et paulò ante: *σειροφόρον, ἡγεμονικόν, μέγιστον ὃ ἀπὸ τῶν δεξιῶν εἶρται ἵππων.* *Seirophorum, principale, translatum verò ab equis funalibus dextris.* Ad quæ verba etiam Salmafius: *Ergo funales dextri in curru potiffimi, utpote qui ducatum cæteris præbeant.* Sed mox adjicit: *Hoc in bellicis & aliis, fi forte, curribus locum habuerit, in agonifticis & Circenfibus fecus obtinuiſſe videtur.* At ego, cur in his, non illis obtinuerit, cauſſam nullam video. Neque enim dubium, quin Circenſes ludi velut umbra effer præliorum cum quadrigis debuerint. At in pugnis ludicris, quantum licet, res ad veritatem comparatur. Nec evincit diverſum Sili testimonium, quod Salmafius adducit. Verba funt ex libro xvi.

Tertius æquata currebat fronte Peloro

Caucasus; ipſe aſper, nec qui cervicis amaret

Applauſe blandos ſonitus, clauſumque cruento.

Spumeus admoſu gauderet mandere ferrum.

*At docilis freni, & melior parere Pelorus
Non unquam effusum sinuabat de vius axem,
Sed lævo interior stringebat tramite metam.*

Hic Salmasius: In quadriga Iberi agitatoris duos funales nominatim commendavit, Caucasum & Pelorum, illum dextrum, hoc est, de *ἑξιοειγόν*, hunc sinistrum, nunquam demum à meta aberrantem, sed doctum interiore orbe metam stringere, eos æquat a fronte ambos currere dicit, quia funalis uterque. At hæc omnia à mente Silii longissimè sunt aliena. Non hic loquitur de duobus eqvis in curru uno, sed diversis. Pelorus, quem hic Salmasius facit funalem sinistrum in curru Iberi, non fuit in curru Iberi, verum Durii. Monstrant sequentia manifestissimè, cum post interjecta quædam de Peloro subdat:

Nobilis hunc Durius stimulabat in æquore currum.

Deinde; quando ait Caucasum cucurrisse æquat a fronte Peloro, non hoc ideò dicit, quia funalis uterque fuit in curru Iberi, verum quia cursu se mutuo, quisque tamen suo in vehiculo æqvabant. De quo nemo dubitare poterit, qui locum ipsum inspicere non gravabitur. Fuit sanè Caucasus adeò non Iberi eqvus, ut pertinuerit ad Atlantem potius, ipso Silio auctore. Ita enim ait ipse post superius adductum versum:

Caucasus antiquo fidebat Atlante magistro.

Jam cum nulla sit inter Caucasum & Pelorum oppositio, malè hic pro Peloro contra Caucasum pronuntiatur. Imò contra, cum in curru Atlantis solus hic nominetur Caucasus, non minus ille, quam Pelorus, funalis sinister erit, cum hos solos in vehiculis Salmasius existimet nominari. Sed nec locus Statii prodesse potest ad rem de funali sinistro probandam. Ea certè verba, quæ leguntur lib. vi. Theb. — — — — Dum non cohibente magistro

Spargitur in gyros, dexterque exerrat Arion.

Arionem eqvum fuisse sinistrum funalem haud ostendunt. Potius dextrum arguunt, quando verbis clavis *Arion dexter* nominatur. Nam, ut *dexter* referamus ad *exerrat*, ratio est nulla. Neque valet locus Virgilii ex *Æn. V. Quo tantum mihi dexter abis?* Quia hæc dicuntur de gubernatore navis ac navigio, cujus ratio est alia, quam

U

eqvo-

eqvorum. Faciamus enim in quadrigis Arionem fuisse funalem finistrum, an abire ille potuit in partes dextras? Annon obistentes ab illa parte sibi habuit tres alios? Adversus quos non abeuntes prius, qui potuit ipse solus abire, aut ad abitum ipse in sinistra parte collocatus eos compellere? Præterea expressè Statius exerrat dicit. Non autem exerrare intelligitur, nisi qui exterius est constitutus, & ab illa exteriori parte longius digreditur, quorum neutrum de funali sinistro cogitari potest, qui cum exerrat, abit ad sinistram partem, non ad dextram. Præterea, nec verba, quæ sequuntur, hoc ostendunt. Ita enim sonant:

-- -- *Laxo quum tandem ex orbe reductus*
Æquoreus sonipes premit, evaditque parumper
Gavisos. -- -- --

Dicit quidem hoc loco summus vir: *Hæc non possunt convenire, nisi in eum equum, qui sinister est. Nam is equus, qui alium habet ad sinistram inter metam & ipsum, non potest dici ipse metam interiore rota stringere.* At eqvoreum sonipedem, seu Ariona strinxisse metam interiore rota, Statius non dicit, pressisse dicit, quod ad metam non refertur, verum ad *gavisos*, id est, eos, qui antecesserant, & victoriam in manibus habere crediderant. Hos pressit, dum institit, æqvavit, & parumper evasit. Quæ res tam de dextro, quam sinistro funali, intelligitur. Ut propterea in verbis Statii necesse non sit aliquid mutari, quo Arionem finistrum faciamus funalem, potius, quam dextrum. Nam Salmasii quidem emendatio, ut de cæteris nil dicam, valde libera est. Ego ita mallem:

-- -- -- *Nam flavus Arion*
Vt vidit, saliere iuba, atque erectus in armos
Stat, sociumque iugi, comitesque utrique laboris
Secum altè suspendit equos. -- --

Vellem autem iugi socium explicari de jugali eqvo, socio Arioni non itidem jugali, verum funali, ut sit *socius*, vicinus, & is præterea *iugi*, hoc est, jugalis, comitesque *utrique*, illi eqvo iugi, seu jugali, & Arioni funali, funalis & jugalis alius. Certè Arionem in dextro latere fuisse etiam hoc docuerit, quod primus horret monstrum in

Circo

Circo sibi objectum. Nam id à latere sinistro objectum non fuisse colligitur ex eo, quia ibi decurrebant quadrigæ, mediæ inter cursum Arionis & metam. Præcedit enim:

Obstitit Hippodamus, mediasque immisit habenas.

Mox Chromis Hippodamum metæ interioris ad orbem

Viribus Herculeis, & toto robore patris

Axe tenet presso. -- -- --

Sed nec à fronte, quia sic non primum terruisset Arionem, sed equos omnes quatuor. Unde superest, ut à latere dextro credamus factum. Ubi cum primum terruerit Arionem, in illa parte funalem fuisse necesse videtur. Sanè de funali dextro, velut præcipuo, præter Hesychium testatur quoque Scholiastes Sophoclis in Antigone: Δεξιόσευς & γενναῖος. οἱ γὰρ ἰσχυροὶ ἵπποι εἰς τὴν δεξιὰν σείρον ζεύγνυται τῷ ἄρματι. *Dexter funalis, generosus, nam equi fortes ad funem dextrum in vehiculo religari solent.* Neque ratio deesse potest. Nam cum circa metam flectendum esset vehiculum, quiescente propemodum funali sinistro, quippe cujus gyros metæ vicinior, eoque brevior esset, funalis dexter pæne solus conficere cursum, gyroque amplissimo secum trahere cæteros cogebatur. Nemo melius docuerit, quam Sophocles, cujus ea de re leguntur verba in Electra:

Κοῖν' δ' ὅπ' αὐτῷ ἐσχάτην σῆλην ἔχων,

Ἐχρημῆ' αἰεὶ σύγχιλα. Δεξιὸν δ' ἀνείς

Σειράϊον ἵππον, εἶργε τὸν προσκείμενον.

Quem locum sic interpretatus est Rattalerus:

Columna at ille hærens sub extrema movet

Agitatque currus, deinde habenas dexteri

Laxans equi cohibet sinistrum. -- --

Vides, ut in circumactione circa metam dexter funalis currere cogatur, retracto & cohibito sinistro. Adeo sunt frustranea, quæ habet Salmasius: *Præstantissimus quadrigæ equus, & adprime flecti facilis frenoque docilis ac cæteris doctior ad funem sinister locabatur.* Cuncta enim ista modo sese habent contrario, & in dextro requirebantur. Unde quoque verba Silii de Peloro, non ut funali sinistro, verum dextro, exponenda puto. Nam quando dicit:

*Non unquam effusum sinuabat devius axem,
Sed lævo interior stringebat tramite metam:*

Non hoc vult, quasi steterit interior respectu eqvorum reliqvorum in eadem quadriga, id est, propior abfuerit à meta, & sic extiterit funalis sinister: Sed dicuntur hæc in comparatione cum eqvis aliis, qui malebant exerrare, nec adigi tam faciliè poterant ad cursum metæ vicinissimum capeffendum. Postremo dextrum funalem fuisse honoratiorem colligo & ex Svetonio, quia illi in curru Augusti triumphali imponitur Marcellus, cum Tiberius sinistro veheretur, sicut supra vidimus. Nam Marcellus carior Augusto fuit, multumq; semper Tiberio prælatus. Tacitus Hist. I. cap. 15. *Augustus sororis filium Marcellum, dein generum Agrippam, mox nepotes suos, postremo Neronem privignum in proximo sibi fastigio collocavit.* Omnibus necessitudinibus Marcellum prætulit Augustus. Non est autem verisimile, quem tantopere amavit, in tam solenni negotio postponere privigno, ac deteriori loco esse voluisse. Unde plane sequitur, quod ajebam, funalem dextrum honoratiorem & præstantiorem fuisse. Frustra dicitur, fuisse currum Augusti triumphalem, non Circensem, de Circensi namq; idem ex superioribus apparuit. Sed & in Circensi curru funalem dextrum appellarunt primum, uti vidimus, quod non erat usq; quaq; conveniens, si præstantior sinister fuisset. Id quod firmat & Ausonius in Epitaph. 35. quod Theodosii jussu scripsit eqvo, nomine Prosporo, & mea sententia sic debet legi:

*Hunc titulum vani solatia sume sepulchri,
Et gradere Elysios præpes ad alipedes.
Pegasus hinc dexter currat. Tibi lævus, Arion,
Funis sit. Quartum det tibi Castor equum.*

Respicit Prosporum, & hinc, id est, proximè abs te, currat Pegasus, qui fit dexter in jugo. At tu Arion funem habeas, eumq; lævum. Quartum eqvum det Castor, non funalem & ipsum, sed jugalem. Sic enim jugalem sinistram appellari solitum necesse est, etiam si Salmasium audimus. Nam & ipse funalem lævum appellari solitum secundum ex Silio testatur, quando Silius de Panchare eqvo:

eqvo: *Quod ferret lora secundus.* Sic enim ait: *Ex omnibus unum Panchatem urget & excitat ad palmam, quia ferebat lora secundus, id est, quia funalis erat sinisterior.* Si funalis dexter in quadriga fuit primus, sinister secundus, sequitur, jugalem dextrum fuisse tertium, sinistrum quartum. Nisi putamus, aliud significare *funalem secundum*, & aliud *equum secundum* in quadriga: Hunc esse non funalem, sed jugalem dextrum, ut sint ita numerati, funalis dexter primus, jugalis dexter secundus, jugalis sinister tertius, funalis sinister quartus. Quamquam quartum equum dictum, qui ex mente Salmasii omnium fuit præstantissimus, durum videatur. Itaque & contrariam numerationem facit, sic, ut funalis sinister primus sit, jugalis sinister secundus, atque sic deinceps; Quæ quia consuetudini ac naturæ ipsi adversatur, cui sinistra deteriora semper esse consueverunt, testimonio idoneo probari debet, antequam in eam consensum nostrum præbeamus. Funalem sinistrum dictum esse *secundum*, non primum, novimus ex Silio, ipseque Salmasius fatetur; Eundem alia numeratione dictum primum non novimus, ac ne rationem quidem, quæ dici primus debuerit, nempe quia fuit præstantissimus, amplectimur, quippe quam jam falsam esse demonstravimus. Nobis primus dexter est, neque alium apud Aufonium intelligimus, sive sicut nobis visum est, sive sicut voluit Salmasius, legamus. Atque ista quidem equorum jungendorum ratio in vehiculis, quotiens æqvata fronte incedebant, hæc vocabula eorum. Si verò non æqvata fronte, verum longa serie, tum fuisse primos dictos funales, postremos jugales existimo. Nec fortassis alia est causa, quare & deinde funales primi secundique dicti sunt, postquam æqvata fronte congiungi cum jugalibus cœperunt, quam quod ante, cum adhuc eos præcederent, hæc vocabula haberent. Cæterum, hanc omnem equos ad vehicula jungendi rationem artemque, primus docuisse dicitur Prometheus. Nec enim tam de vehiculis, quam arte jungendi ad ea animalibus, nominatimque equis accipio, quod habet Æschylus, ubi sic loquentem facit:

-- Πρῶτος ὁ· ὅς' ἀρχαί' ἐκταγὼν φίλους
ἵππους.

Primus ad vehicula iunxi frenigeros equos. Alii hoc tribuunt Neptuno, qvi hoc primum docuerit Barcæos, Libyæ gentem. Ita namq; Phavorinus ex Mnasea, &, qvem excribit, Hesychius: *Βαρκαίοις ὄχοις. Λιβυκοῖς. Οὗτοι γὰρ ἐσπεδάζον περὶ ἵπποδροσίαν. Φασὶ ὃ ἀνέες καὶ πρῶτες ἄρμα ζεύξαι διδασχθέντας ὑπὸ Ποσειδῶν.* *Barcæis vehiculis, hoc est, Libycis. Hi enim in alendis equis operam magnam posuerunt. Aiunt verò ipsos primos currui equos adiunxisse, à Neptuno edoctos.* Ubi nota, ἵπποδροσίαν atq; ἄρμα ζεύξαι pro eodem poni. Facit enim, ut intelligamus, qvid voluerit & Stephanus, qvando ita de Barcæis, voce Βάρκη: οἱ τὰς ἵπποδροσίας περὶ Ποσειδῶν ἐμάθον. Vult nimirum idem, qvod Hesychius, à Neptuno edoctos artem modumqve, qvo ad currus eqvos jungere deberent. Qvod de Barcæis hi, id generatim Scholiastes Pindari extulit de Libyis: *ποσειδῶν τὰς Λίβυας διδάσκει πλὴν ἁρμάτων καὶ ἀλευξίν.* *Neptunus Libyas docuit currus iungere.* Nempe Barcæi sunt ex Libyis. Sed ad alia est veniendum.

Cap. XIII.

De armis vectantium, seu frænis.

Fræna quis invenit. Peletronius an Chiron. Plinius exponitur. Turnebus reiicitur. Minerva χαλινίτις. Orea. Στόμια. Χαλινός. Oria. Festus emendatur. Ἡνίον. Δακτύλιοι. Ἐχίνοι. Τὰ κοῖλα τῶν ὑποσφομίον. Ὑποσφομία. Τρίβολοι. Λύκοι. Lupi. Fræna lupata fræna. Lambini explicatio reiicitur. Ἰσπολυκοσπάδες. Plutarchi versio emendata & Xenophontis. Κέρκεμα. Curcuma. Non sunt fræna, quod putabat Salmasius. Φιμὸς. Ἐπισφομεῖν. Camus. Δωρόσαυκ. Versio Pollucis reiecta. Fiscella. Camerarii versio Xenophontis improbata, & Pollucis iterum, qui uterque emendatur. Χειλῶν. Hesychius correctus. Παρασφομίον. Τροχοὶ. Χαλινὸς λειὸς, τραχὺς, σκληρὸς, ὑγρὸς. Σύμβολαι χαλινῶ. Pollux emendatur. Στόμια πριοναῖα. Obeli in frænis. Ὀβελίσκοι. Xenophon expositus contra Camerarium, & Pollux contra Gualtherum. Χαλεπῶς διατρέχει τὰ τῶ χαλινῶ, quid sit. Ἀζονες. Φέλλα. Hesychius & S. Iobus explicati. Vetus interpres Bibliorum & Castalioreiecti. Φάλιον pro fræno. Ὑποχαλινιδία. Xenophon iterum exponitur. Κορυφαία. Αὐρεά. Γενειασή. Ἡνία. Ρυήρης. Habena. Ἀγογῆς. Lora. Καλαωθαῖα. Δακτύλιοι. Θαιροδύται. Vbi fuerint. Temperare ora frænis. Fræna inhibere, succutere, ducere, retrò tendere, adducere. Ἀραγξίν. Fræ-

na dare, immittere, effundere, laxare, remittere, ἐνδιδέναι, ἐξορμᾶν ἡνίαρ. Τανύειν ἱμάσιον. Fræna tenere, concutere, quaterere, flectere. Τὸν χαλκὸν μέλας αἶμα. Capistrum. Φορβία. Φορβία. Κάπιςτρον. Non est τροίς, quod Salmasius putavit. Stomis, postomis. Lucilii locus examinatur. Capistrum ferratum. Servius revellitur, & Virgilius explicatur. Postomis unde. Capistrorum usus. Κημὸς. Φιμὸς. Capistrare fiscellis. Φιμῶν. Os servorum claudifiscellis solitum, aut pelliis. Φιμὸς δένεος. Aristophanis locus examinatur. Φιμῶσι τὸν αὐχένα. Hesychius explicatur. Σπαρτίον. Capistrare. Φιμὸι δουλῶσι. Versio Pollucis reiecta. Κώδων. Tintinnabulum, tintinnaculum, tintibulum. Hesychius bis corrigitur, semel Eustathius. Pollux explicatur.

UT propositum felicius expediant vectantes, armis aliquibus uti consueverunt. Ea verò spectant vel ad eqvos, vel ad currus. Ad eqvos spectant, quibus vel continentur & reguntur, vel concitantur ad cursum. Ad currus, quibus vel iter eorum redditur facilius, vel, cum opus est, impeditur sistiturve. Arma, quibus continentur regunturq; equi, fræna sunt. Ea putant Pelethronium excogitasse. Plinius VII. cap. 56. *Frænos & strata equorum Pelethronium aiunt invenisse.* Quis hic fuerit Pelethronius, indicare docti omitunt. Ac existimet non nemo, Chironem innuisse, quia ipse ita dictus fuit. Phavorinus: Πελεθρόνι & ὁ Χείρων, ἀπὸ τοῦ Πελεθρόν, ἐν ᾧ ἑτέραν. *Pelethronius est Chiron dictus, à Pelethrono, ubi educatus est.* Habet eadem & Hesychius, ex quo Phavorinus fortè sumsit. Sed Chironem fræna invenisse veterum nemo prodidit. Præterea vixisse Chironem Trojanis demum temporibus est notum, ut qui fuerit magister Achillis. At iis temporibus in usu frequentissimo fræna, imò ante quoq; cognita, ut ipse auctor eorum credi nequeat. Postremo Virgilius non Pelethronium unum, sed Pelethronios Lapithas, gentem totam, hujus rei facit auctorem, lib. III. Georg.

Fræna Pelethronii Lapithæ gyrosque dedere.

Lapithæ Thessali sunt, dicti Pelethronii à Pelethronio, oppido Thessaliæ, sicut Servius est auctor. Quamquam cum in gente quoq; illa non plures, verum unum aliquem excogitasse rem hanc necessesse sit, Plinii Pelethronium, unde postea Pelethroniis in universum

id tributum est, existimo fuisse Regem veterem, urbis illius conditorem in Thessalia. Meminit ipsius unicus Philargyrus in explicatione dicti Poëtæ loci. Verba ejus: *Pelethronios Lapithas idè appellavit, quia sunt Thessali. Pelethronium antrum est, ubi Achillem Chiron erudit. Alii Pelethronium Regem Lapitharum volunt. Dicit, Pelethronium, à quo Pelethronii vocati, alios explicare antrum, alios Regem veterem Lapitharum. Qvem necesse est per Plinii Pelethronium intelligi. Qui cum conditor Pelethroniorum fuerit, inde factum, ut in univèrsum Pelethronii invenisse dicerentur. Plane sicut de Atheniensibus Justinus lib. II. cap. 6. Primi lanificii, & olei, & vini usum docuere. Arare quoque, & serere frumenta glaudem vescentibus monstrarunt*, quæ tamen omnia ceterorum inter ipsos hominum inventa fuere, sicut aliunde novimus. Unde nec placere potest, quod existimabat Turnebus, in Virgilio vocem *Pelethronii* accipiendam gignendi casu, singulari numero, ut cum Plinio Virgilius concordet. Nam ne sic quidem idem dicet, cum sit aliud tribuere quod Pelethronio, aliud Pelethronii Lapithis, qui manent Pelethronii Lapithæ etiam post obitum Pelethronii. Quo tempore si quæ inveniunt, Pelethronii Lapithæ invenisse, non autem ipse Pelethronius, dici possunt. Cum hic non tam Pelethronii fræna, quam Pelethronius ipse, & propter ipsum cives ejus, Pelethronii Lapithæ, invenisse dicantur. Alii tamen nec Lapithis, nec Pelethronio Regi & conditori ipsorum, sed Minervæ putant hoc deberi. Scholiastes Pindari ad od. 12. Olymp. ubi reddit causam, cur Minerva Ἑλλάτια sit dicta: Ἐτεροὶ δὲ φασὶ διὰ τὸ ἐλεῖν τὸν Πήγασον ἐν χαλινῷ ὑπὸ Ἀθηνᾶς βοθρῶνι Βελλεροφόντι, πανήγυριν καὶ ἱερὸν Ἑλλάτιας Ἀθηνᾶς ὑπὲρ αὐτῆς γερνῆσαι. Alii aiunt, propter captum frano Pegasus, quod Minerva Bellerophonti dedit, sacrum & templum Hellenias Minervæ ab ipso institutum. Meminit ejusdem rei Pausanias, eidemq; ex hac causa structum ait templum aliud, in quo sub nomine *Frenatricis* coleretur: Τὴ μνήμα δὲ ἐστὶν ἐπὶ πόρῳ, χαλινῶν δὲ Ἀθηνᾶς ἱερὸν. Ἀθηνᾶν γὰρ θεῶν μάδισα συναλεξαμένη τὰ τε ἄλλα Βελλεροφόντι φασὶ, καὶ ὡς τοὶ Πήγασον οἱ παραδόν, χρεῖσα μὲν τὴ καὶ ἐν δαίσει αὐτῇ τῷ ἵπῳ χαλινόν. A sepulchro non multum distat Frenatricis Minervæ sanum. Minervam etenim ajunt præ cat-

ris Diis Bellerophonti cum aliis rebus opitulatam, tum verò à se domi-
tum, fræno imposito, Pegasus dedisse. Fuit in eadem sententia &
Mnaseas, propterea enim τὸ ἡνιοχεῖν Minervæ tribuit, cum τὸ ἀρµα-
ξέυξαι invenisse Libycos ante retulisset. Τὸ δὲ ἡνιοχεῖν ἀπὸ Ἀθηναίης, ὡς Μνα-
σεας ἐν τοῖς περὶ Λιεύνης, ait Phavorinus voce βαρβαρίσας. *Frænare Minervam*
auctorem habet, ut ait Mnaseas in libris de Libya. Verum per Miner-
vam non intelligenda quædam ex humano genere, sed vis ingenii
ac rationis. Quod apparet, quoniam Bellerophon æqualis fuit Ao-
di judici Hebræorum, ante cujus tempora jam nota erant fræna.
Certè ante ista tempora leguntur currus Pharaonis, quos infrenes
fuisse, nemo facile crediderit. Fræna tamen primis temporibus si-
ne dubio fuere simplicissima, ex nudo ferro, quod inferebatur ori
eqvorum. Quomodo videmus hodieq; rusticos clavos duos fer-
reos à capitibus in annulum flexos jungere, fræniq; loco usurpare.
Latini genus istoc *oreas* vocarunt. Unde Cælius apud Festum:
Equusque mihi sub feminibus occisus erat, oreas detraho, inspectante
Lucio Stertinio. Dicit, *detraho*, quia loris ad caput erant revinctæ,
quæ proinde junctæ hic cum ferramento per oreas intellexit. Alias
oreæ propriè sola illa ferramenta, quæ inferebantur ori, sic ab ore
dicta. Ideò apud Catonem III. Orig. legimus: *Equos* (antiquè,
pro eqvus) *respondit, oreas mihi inde, tibi cape flagellum.* Facit indi
oreas, id est, inferi, immitti, sine dubio respectu oris. Græci στόμια
vocarunt simili ratione. Inde Pollux lib. II. cap. 4. Στόμιον χαλινῶ τι μέ-
ρος. *Stomium seu oreæ, pars est frani.* Quamquam cum sit χαλινὸς pro-
priè, quod ori inditur, hæc pars ejus fuerit præcipua. Pollux idem
lib. I. cap. 10. ubi de fræno, illiusq; partibus: τὸ δὲ εἰς τὸ στόμα ἐμβαλλόμε-
νον, χαλινός. *Quod ipsi ori solet injici, chalinus.* Gvaltherus pro χαλινός
habet *cannus*, quòd, quid sit, ignoro. Nisi fortè scripsit *camus*. Sed
est aliud quid *camus*, ut post indicabo. χαλινός interea ferramentum
totum, quod inferebatur ori eqvi, στόμιον pars ea, quam apprehende-
bat vel mordebat ore. Hinc sæpe pro iisdem usurpantur, & Xeno-
phon, quod in libro de Re Eqvestri προσφέρειν τὸ στόμιον dixit, aliquan-
to post τὸν χαλινὸν προσείναι extulit, velut æquivalente locutione. Imò
στόμιον propriè ferramentum unum χαλινῶ, unde supra Pollux par-

tem ejus dixit. Nempe fræni ea pars, quam inferebant ori, constabat ferramenti duobus ansa inter se connexis, ut flecti possent, sicut hodieq; videmus. Ferramentum quodlibet per se est ὄριον, & sic duo ὄρια, χαλινός. Quod & in oreis valet. Inde namq; est, quod oreæ in plurali de fræno uno usurpentur, sicut supra vidimus, oreas uni eqvo detrahi, uni eqvo indi. Nempe frænum est à frendo, uti putant, quod in eo frendat equus, id est, dentibus crepet: Itaq; id totum notat, quod in ore equi. At idem oreæ in plurali, unde oreas unius fræni plures esse manifestè colligas. Pro oreis apud Festum orias habemus voce aureax. Aureax, auriga. Aureas enim dicebant frænum, quod ad aures equorum religabatur. Orias, quo ora coercerentur. Ita puto legendum. Scaliger sic e didit: Aureax, auriga. Aureas enim dicebatur frænum, quod ad aures equorum religabatur. Orias, quo ora coercerentur. At præcedit proximè: Aureas dicebant frænos, quibus equorum aures rediguntur. Quod sine dubio est rectius, cum aureas in casu primo pro aurea veterum nemo usurpaverit. Cæterum, in his oriis seu oreis habebant ferramenta varia minutaqve, ut annulos, globulos, & id genus, quibus equus luderet. Pollux lib. I. cap. 10. Χαλινὸν τὸ μὲν μέσον, ἡνίοχον, τὸ δὲ πρὸς αὐτὸ δακτύλιοι, ἐχίνοι, τρεῖς οἱ, ὅσπερ μασάται οἱ πῖπες. Fræni medium, henium, quod autem circa ipsum, dactylii, echini, triboli, quas equus mandit. Quibus verbis ἡνίοχον ostendit significare id in fræno, quo in medio jungitur. Est hoc autem ansa duplex in capite utriusq; oreæ, de qua dixi supra: Altera enim alteri inserta conjunguntur, quæ conjunctio ansarum Polluci ἡνίοχον, ab ἐνώω, id est, jungo, unio, & ex duabus rebus unam facio, quomodo hic duæ oreæ per ansas istas uniuntur. Circa has nunc ansulas dicit Pollux habuisse δακτύλους, id est, annulos ferreos, catenatim junctos, quod & hodie in usu solet esse. Pollux alio loco: Ταῖς τετραῖς, καὶ προμήκη, καὶ ἀλλήλοις ἀντεμπαλεόμενα ἐν ἀλύσει, εἰς δὲ δακτύλιοι καὶ δακτύλοις. Longa verò illa duraque, sibi que mutuo catena instar connexa, dactylii & dactyli. Habuisse quoq; αἱ ἐχίνοι, id est, ut existimo, globulos oblongos, eosq; crebris aculeis asperos. Indicat Xenophon de Re Equestri, quando frænorum genus duplex facit. Τῶν τε, αἱ, ἕως οὐ μὲν κείνη, τὰς τροχὰς εὐμεγέθεις ἔχων. Ὅς ἔτι, τὰς μὲν τροχὰς καὶ βαρεῖς ἐταπεινέας,

ves, τὰς ὁ ἐχέινες, ὀξείς. *Horum unum genus levius orbes grandiores habeat, alterum orbes cum graves, tum depressos, echinos autem acutos.* Utrique generi tribuit τροχός, alteri etiam ἐχέινες, eosque ὀξείς, unde asperos fuisse constat. Budeus orbiculos echinatos putat fuisse, quibus fræni essent conferti, quod non potest verum esse. Frænum, sive ferramentum illud, quod inferebatur ori, non habebat præter unum articulum in medio, beneficio duarum ansularum mutuò se tenentium. Et licet eas jungas etiam orbiculo peculiari, unus tamen ille solusque erit. Jam verò in fræno uno non est ἐχὴν, sed ἐχῖνοι, in plurali, sicut ex Polluce liquet. Quare illis fræni nequeunt fuisse conferti. Potius existimantur globuli olivarum instar, sed asperati, circa oreas volubiles. Unde & Hesychius: Ἐχῖνοι τῶν χαλινῶν μέγρο. Plures in uno fræno memorat. *Echini, ait, pars fræni.* Polluci alio loco sunt τῶν ὑποσφομίων τὰ κῶιλα, id est, *hypostomiorum cavæ.* Ubi hypostomia exponit χαλινῶν σιδήρια, quæ proinde nihil erunt alia, quam σόμια. Κῶιλα verò eorum, illi globuli, propter cavitatem & volubilitatem ita dicti. At verò τριβόλοι, opinione mea, triquetrae sunt lamellulae, dependentes ab annulis, in oreis. Meminit & Hesychius. Τριβόλοι, ait, ἀνδρῆς εἶδος, ὅθεν ἐστὶ τὸ τοῖς ἵπποις ἐν τοῖς χαλινῶς ἐνὶ στόματι. *Triboli, genus spinæ, unde & quod equis in frænis inditur.* Putes loqui, velut de unico in frænis tribulo. Et nescio, annon tribulus aliquando sit ferrum illud latius triangulari figura, quod dependere solet ab ἡνίοχο ansaque, sive illa simplex sit, sive in modum semicirculi curvata, in qua plures annuli hodieque. Quamquam & in annulis cæteris interdum ferramenta istiusmodi figuræ adhiberi soleant, quæ proinde magis Pollux intéllexit. Pertinent ad hoc genus quoque λύκοι, hoc est, *lupi.* Hesychius: Λύκος τὸ ἐν τοῖς χαλινῶς σιδῆριον. *Lupus parvum ferrum in frænis.* Apertè dicit, ἐν τοῖς χαλινῶς, unde partem eorum constat fuisse, & quidem talem, quæ in os soleret inferi. Ovidius IV. Trist. cl. 6.

-- -- *Duros accipit ore lupos.*

Lupi planè hoc in loco sunt Græcorum λύκοι. Sed hæc pars peculiaris fuit, nec in frænis omnibus. Propterea, quæ habebant, dicta sunt *lupata*, velut armata lupis. Virgilius III. Georg.

-- -- *Duris parere lupatis.*

Servius hoc loco: *Lupatis, frænis asperrimis. Dicta autem lupata à lupinis dentibus, qui inæquales sunt.* Vult, nisi fallor, ferramenta fræni, ori solita inferi, non fuisse æqualia & lævia in hoc genere, sed aspera, ac modo lupinorum dentium, inæquali serie aculeorum, armata. Hinc, quæ apud Virgilium *dura*, ea Claudiano *rigida lupata*, in Conf. Prob. v. 82.

-- -- *Rigidisque docet servire lupatis.*

Pro lupatis integrè *lupata fræna* dixit Horatius I. Carm. od. 8.

-- *Gallica nec lupatis*

Temperet ora frænis.

Lambinus isto loco: *Lupati fræni, quibus equi ferociores coercentur, à lupinorum dentium similitudine, seu à lupo instrumento ferreo, unco & tortuoso, instar dentium lupinorum, quod pro lupato fræno usurpatur.* Quale instrumentum ferreum intelligat, ex quo dictum sit lupatum, nescio. Lego eqvidem apud Vegetium lib. IV. cap. 23. *lupum*, quem exponit *ferrum, in modum forficis dentatum.* At hic nil ad frænos facit, quod ostendit forfex, cui lupo ille comparatur. Fuit enim forfex ferrum uncatum duplex, quod immissum pondere tenebat illud, ut per funes posset erigi in altum, sicut ex Vitruvio apparet, lib. X. cap. 2. ubi etiam à Barbaro effigies ipsius traditur. Talis forfex nil commune habet cum frænis, ut ignorem, quare scripserit Lambinus, *pro lupato fræno usurpari.* Lupatum est à dentibus lupinis, quorum & asperitatem & inæqualitatem referebat. Itaque nec usurpatum, nisi in ferocioribus, quos existimarunt aliqui propterea *λυκοσπάδας ἵππους* Græcis dictos. Plutarchus lib. II. Symp. q. 8. *Ἴππους λυκοσπάδας οἱ μὲν ἀπὸ τῶν χαλινῶν τῶν λύκων ἔφασαν ὠνομαῖν, διὰ τὸ θυμοειδὲς ἔδυσκάλειν, ἕτω σωφρονιζόμενες.* *Equos lycospadas sunt nonnulli, qui à frænis, quæ lupata dicuntur, appellatos putent, ob ferociam & contumaciam sic domitos.* Ita vertunt ista. Ego verò λύκεις ipsa dicta esse lupata non existimo. Quare puto sic vertenda, *qui à frænorum lupis ajunt appellari.* Sunt enim hic non *λύκοι χαλινοί*, sed *λύκοι χαλινῶν*, coherentq; *ἀπὸ τῶν λύκων τῶν χαλινῶν*, pro *τῶν λύκων, τῶν ἐν χαλινῶις.* Quod monendum fuit, quia video τὰς λύκεις sive lupos accepisse aliquos pro χαλινῶις seu frænis ipsis. Quia verò lupi pars peculiaris fræni certi, quod

quod ex eo dictum est lupatum, ideò non satis commodè, qvi *ῥόμιον* sic reddunt, inter quos est Camerarius in versione Xenophontis. Nec enim lupatum *ῥόμιον*, sed pars ejus, neq; *ῥόμια* omnia, lupata. Putat Salmasius hoc fræni genus dictum quoq; *κέρκεμα*. Sic enim habet pag. 1001. magni operis: *Lupata multis nodis ferreis olivarum instar, ac sibi coherentibus fiebant. Inde curcumam nuncupavere, quæ vox frænum vel lupatum propriè significat.* Ut hoc firmet, adducit verba Pollucis, sic de frænis veteribus loquentis: *Τὰ χαλινῶ τὰ σιδήρια περιφερῆ καὶ περιονώτα, τροχοὶ.* At hoc nihil ad lupata. Quærit Pollux, qvi sint *τροχοὶ* in frænis, & ait esse *σιδήρια περιφερῆ καὶ περιονώτα*, id est, ferramenta circularia & denticulata. Talia ferramenta dicit appellari *τροχῶς* communi nomine in cunctis frænis, id est, orbiculos, annulos, rotulas. Sunt enim *τροχοὶ* propriè rotæ, sic à vertendo nominatæ, quia rotarum instar illi annuli circa oreas, velut circa axem, vertebantur ab eqvis ludentibus, ut mox indicabo. At longè alii sunt *λύκοι*, ut constat ex prioribus. Sed tamen *λύκοι, κέρκεμα*. Ego verò neque hoc existimo, quia curcuma diversa sunt à frænis. Docet l. unica C. Nulli in fr. *Aliis autem gemmis fræna & equestres sellas & baltheos suos privatos exornare permittimus, de curcumis omnem prorsus qualiumcunque gemmarum habitum precipimus submoveri.* Manifestè in his verbis alia sunt fræna, & alia curcuma. Nam cum illis concedatur ornatus gemmarum, his penitus adimitur. Liqvet autem, olim curcuma quoq; exornasse gemmis. Jam si curcuma fuissent lupata, quomodo sic exornari potuerint, non video, quippe quæ inferebantur ori, nisi per lupata fræna simul cum habenis intelligenda putamus. Postremo liberat nos dubitatione omni Hesychius, quando explicat *κημῆς*. Verba ejus: *Ἐν κημῶ, ἐν κερκέμα.* Facit idem *κέρκεμον & κημὸν*. At *κημὸς* est certum genus fræni, de quo Strabo lib. XV. de Indis agens: *Ἀντὶ τῶ χαλινῶν φιμοῖς χρῆσθαι, κημῶν μὲν δὲ διαφέρειν.* Vertit Casaubonus: *Capistris pro frænis uti, quæ à camis non multum differunt.* Liqvet hinc, *κημὸν* fuisse non *χαλινὸν*, ac ne *φιμὸν* quidem, sed peculiare genus, quod Casaubonus *camum* reddidit. Nempe *χαλινὸς* inferebatur ori, *φιμὸς* non inferebatur, verum circumponebatur. Esaiæ cap. 37. *Εμβαλὼ φιμὸν εἰς τὴν ῥῖνάν σου.* Quod vul-

gatus reddit: *Ponam circulum in naribus tuis.* Unde constat, non inferi ori, sed circumdari vel imponi naribus, & esse velut circulum aliquem. Puto autem eum circulum habuisse uncus, fodiendis naribus eqvorum. Tale namq; aliquid Hebræa insinuant. Igitur & Castilionius: *Vnco meo naribus injecto te retraham.* Et Tremellius: *Ponam hamum meum in naso tuo, & frænum meum inter labia tua.* Frænum ponitur inter labia, id est, inseritur ori, at $\phi\mu\delta\varsigma$ in naso, & est uncatus seu hamatus. Et qvonia in naso ponebatur, inde Hesychius $\phi\mu\epsilon\nu$, ἐπισομίζω explicavit, & apud Lucianum nescio quis, $\sigma\omega\pi\alpha\nu$ ποιῶ $\phi\mu\delta\acute{\omicron}\nu$ αὐτοῖς περιθεῖς, qvod plane circumponi circum os naresq; consuevisse demonstrat. At $\kappa\eta\mu\delta\varsigma$ id est, qvod Latini reddiderunt *camum*, sicut Casaubonus voluit. Qui consentientem sibi habet Hieronymum, ita exponentem supra indicatum Esaiæ locum. Sed & Ps. 31. ubi Græca habent: $\epsilon\nu$ $\kappa\eta\mu\omega$ καὶ $\chi\alpha\lambda\iota\nu\omega$ τὰς $\sigma\alpha\gamma\acute{\omicron}\nu\alpha\varsigma$ αὐτῶν ἀγχαῖς. Hieronymus vertit: *In camo & fræno maxillas eorum constringe.* $\kappa\eta\mu\delta\varsigma$ igitur est *camus*. At $\kappa\eta\mu\delta\varsigma$ non unius fuit generis, unus de genere frænorum, alter aliud instrumentum qvoddam. Docet Hesychius. $\kappa\eta\mu\delta\varsigma$, αἶτ, ὁ περιθέμενος τοῖς ἵπποις εἰς ὃν αἱ κριταὶ βάλλονται, καὶ εἰς $\chi\alpha\lambda\iota\nu\omega$. *Camus*, qui circumponitur equis, ut avena ei immittatur, & species quedam fræni. Ostendit $\kappa\eta\mu\delta\acute{\omicron}\nu$ seu *camum* significare aliquando id, cui avena pabulumq; solet inferi, & sic circa eqvi os religari. Δωρόσακκον vocavit Mauritius noster lib. I. cap. 2. ubi ostendimus fuisse saccum scorteum, hoc fine religari solitum ad ora eqvorum. Vide Notas nostras pag. 394. huc enim faciunt. Pollux paulò aliter: $\tauὸ$ μὲν ὅλον τῷ στόματι τῶ ἵππου περιθεμένον $\chi\alpha\lambda\kappa\epsilon\nu$ ἠθμῶδες, $\kappa\eta\mu\delta\varsigma$ καλῆσαι. Vertit Gvaltherus: *Sed colli instar equino ori circumdatum ferrum, frænum*, qvod ineptum. Primum autem scribi debet, *coli instar*. Colum est vas, minutis foraminibus pertusum, qvo ad percolandum uti solent. Ejus habuit speciem non *frænum*, sicut vertit Gvaltherus, verum $\kappa\eta\mu\delta\varsigma$ sive *camus*. Dicit autem ferreum fuisse. Solebant nempe ex ferro struere corbis instar reticulatim plexo, qvod eqvorum induebant oris, ne valerent lædere qvem morsu. Id Polluci est $\chi\alpha\lambda\kappa\epsilon\nu$ ἠθμῶδες, qvia coli aut cribri speciem habebat. Latini *fiscellam* appellarunt. Cato de R. R. cap. 54. *Fiscellas habere oportet, ne herbam se-*

essentur boves, cum arabunt. Sunt hoc loco fiscellæ velut fiscinæ aut corbes, è funiculis aut viminibus reticulatim plexæ, quibus occludebant ora bovis, ne inter arandum herbas & pabulum possent invadere. Tales habuerunt quoque in equis, sed ex ferro, ut ostendit Pollux, cum essent mordaces. Meminit & Xenophon in de Re Equestri: Εἰδέναι ὃ χρὴ τὸν ἰσποκόμοι καὶ τὸν κημὸν περιλίσθεναι τῷ ἵππῳ, ὅταν ἐπὶ ψῆξιν, ὅταν ἐπὶ κυλίσραν ἐξέρη. Καὶ αὖτις ὅποι' ἀν' ἀχαλίνωλον ἄρῃ, κημὲν δέει. ὁ γὰρ κημὸς ἀναπνεῖν ἐκωλύει, δύνειν δὲ ἐκείῃ. Hoc ita vertit Camerarius: *Sciet etiam curator equo accommodare capistrum, quoties vel ad restrictionem vel ad volutabrum educere volet, denique, quocunque sine fræno ducendus est, capistrum induetur. Nam hoc respirationem non impedit, & morsibus tamen obstat.* Parum aptè. Qui enim capistrum magis obstat morsibus, quam frænum? vel qui omnino obstat? Itaque κημὸς non est capistrum, verum plane istiusmodi fiscella, qualis à Polluce describitur. Qui ejusdem meminit paulò post par. 10. Ἦν μὲν γὰρ κεχαλινωμένον ἄρῃ, ἐδύναιτο παραινῶ, ἢν δὲ ἀχαλίνωλον, κημὲν τὸν ἵππον. ὁ γὰρ κημὸς ἐν δύνειν μὲν ἐκείῃ, ἐκπνέειν δὲ ἐκωλύει. Ita habent editi, unde & Gvaltherus vertit: *Sed qui equum fræno parentem habuerit, nihil hunc jubeo. Si verò effrenem, camo utendum est. Hic enim mordere non sinit, bibere tamen non prohibet.* Ineptè omnia. Num enim κεχαλινόμενος, frænoparens? num' ἀχαλίνωτος, effrenis? Qui deinde fit, ut hic bibere opponatur τῷ mordere? Verba Pollucis sunt desumpta ex Xenophontis antea laudato loco, qui ostendit, pro ἐκπνέειν ἐκπνέειν scribendum esse. Sic habebimus hunc loci totius sensum: *Qui frænatum ducit equum, ei hoc præcipi necesse non est, at verò, qui absque fræno, ei camo aut fiscella utendum. Nam fiscella mordere equum non sinit, spirare tamen non impedit.* Cur spirare non impedit? quia est ἡθμῶδες χαλκῆν, id est, ferrum cribri instar undique perforatum. Hoc aliud est ab eo, eis ὃν αἱ κριθαὶ βάλλονται, ut ait Helychius. Nam hordeum seu avena qui manere possit in ferro ita perforato? Ergo illud potius, quod λωρόσακκον nominarunt. Pollux vocat χειλωήρα, lib. I. cap. II. Ἐφ' ἧ δὲ ἐστὶ τῆς ἵππου, κρεμασμένη μὲν ἐν τῇ κορυφαίᾳ, περιλίσθιμεν δὲ τῷ στόματι, χειλωήρῃ. Non videtur satis intellexisse Gvaltherus, vertit enim admodum obscurè: *Quod autem ab aurea extensum ori circum-*

cum datum est, in quo equos comedit, crates dicitur. Quid hic est, *extensum ab aurea*? *κρεμάμενον* non est *extensum*, sed *dependens*. Nempe dependebat saccus ille ab ore, ad quod revinctus erat. Deinde nec in eo comedebat, sed ex eo. Pabulum indebatur sacco, inde per partes equus educebat. *Χειλῶν* ergo plane *λαρός* αὐτοῦ, nisi putamus illum solidum ex corio pannove, hunc reticulatim textum ex funiculis fuisse, sicut hodieque solet fieri, quia *χειλῶν* à *χειλός*, id est, fræno. Hesychius: *Χειλός*, τροφή, βρώσις, χόρσις, ἢ πᾶν ἄλλο χόρλασμα. Ita ibi censeo scribendum, non *χιλός*, docetq; ipsa series & ordo litterarum. Nam præcedit *χειλίδες*, & sequitur *χειλῆται*. Non ignoro, scribi alias per simplex *i*, sed & isto modo reperiri ex Eustathio cognovimus. Neutrum autem horum *κημός*, quatenus est *εἶδος* χαλινῆς, sicut supra testabatur Hesychius aliquando usurpari. Nam hujusmodi *κημός*, Latine *camus*, specie non multum erat diversus à *φιμῶ*. *Φιμός* autem circulus circa os & nares equi, qualis proinde fuerit & *camus*. Hinc Phavorinus: *Φίμα*, *κημός*, *παρασόμενον*, *φιμός*. Pro iisdem habet, atque *παρασόμενον* exponit, hoc est tale quid, quod apponi solet ori. Ubi tamen malè fecerit, quisquis acceperit pro fiscella. Nam distinxit Hesychius in superioribus à *κημῶ*, qui est *εἶδος* χαλινῆς, quod Stephanus non observavit. *Camus* sic exposuit Isidorus: *Camus genus asperi fræni est, quo caballi superbi coerceri solent, dictus à curvitate.* Χαμὸν enim Græci *curvum* dicunt. Facit *camum* *curvum*, & *asperum*. Unde conjicias, quoniam & ori naribusq; solebat imponi, non fuisse alium, quam quem hodie Germani *Nas-Band*/ id est, *vinculum narium*, vel *kappezaum* appellant. Quale quid proinde fuerit & *κέρκεμον*, sive *curcumum*, non lupatum cum nodis ferreis, olivarum instar, quod Salmasius putabat. Neq; aliter intelligenda verba sunt Achmetis cap. 261. quæ sunt talia: *Εἰ δὲ ἀνευ δεσμών σιδηρῶν, ἔτοι κερκέμον οἱ εἰρημένοι μέγιστοι ὑποαγέντες ἐλεύσονται ἐν αὐτῷ.* Comparat *δεσμοῖς σιδηρῶν*, quia erant velut *vinculum narium*, sicut supra & Germanos dixi appellare. Nam Vegetius Artis Veterinariæ lib. II, cap. 33. aliud quid ea vocé videtur inpuere, quando ait: *Curcumam constrictam oportet imponi, ne depravet dentes & labia.* Præter lupos habuerunt etiam *τρέχες* in oreis seu *σφιγίαις*, aut *ὑποσφιγίαις*. Hi non fuerunt

fuerunt *δακτύλιοι*, seu annuli catenati, quod colligitur ex Polluce, qui ab eis distinguit lib. I. cap. II. De ipsis verò ita ait: καὶ τῶν ὑποσπομίων τὰ περιφερῆ καὶ περιονώα, τροχοὶ. *Hypostomiorum illa rotunda & serrata, rotæ.* Fuerunt ergo instar rotarum orbiculata & volubilia, exterius ferræ instar aspera. Quibus equi ludebant, dum frequenter vertunt lingua. Habebantq; fræna ferè omnia, non tamen eodem modo, quædam majora, alia minora, unde & eorum differentia. Nam χαλινὸς λεῖς, *frantum leve* habebat τροχὸς ἐυμεγέθεις. At verò χαλινὸς τραχὺς *frantum durum* τροχὸς καὶ βάρεις καὶ ταπεινός, sicut constat manifestè ex verbis Xenophontis, quæ jam superius attulimus. Pollux de eadem re, secutus Xenophontem lib. I. cap. II. 'Εἰσὶ δὲ σκληροὶ χαλिनὸι, οἱ ἔχοντες τροχὸς τραχεῖς καὶ ἔχεινους ὀξεῖς ὑργοὶ δὲ, οἱ εὐρείας καὶ λείας ἔχοντες τὰς συμβολὰς, ὡς ῥαδίως καὶ μπιεθῆς, καὶ πάντα, ὅσα περιίθεται περὶ τὸ στόμα, εὐρύστομα & σύμπικνα. *Sunt autem dura fræna, quæ habent rotas asperas, & echinos acutios.* Mollia verò, quæ amplas & leves commissuras, ut faciliè possint flecti, eaque omnia, quæ circum os ponuntur, patula, nec compacta. Sic expono ista, interpreti parum intellecta: Et observo, primum χαλινὸς σκληρὸς Polluci esse, qui Xenophonti τραχεῖς, item τροχὸς τραχεῖς, qui eidem βάρεις καὶ ταπεινοί. Contra χαλινὸς ὑγρὸς, qui Xenophonti λεῖος; qui sic dicti, quod haberent συμβολὰς λείας. Ubi συμβολὰς existimo vocari, quæ alio loco Polluci sunt ἑνία, id est, juncturas illas orearum, vel per anfas, vel per circulos integros, aut dimidios. Sed quæ illa πάντα περὶ τὸ στόμα? & qui fit, quod hic nihil de τροχοῖς, quæ differentiam frænorum maximè faciebant, sicuti ex Xenophonte constat? Puto esse vitium in scriptura, & pro περὶ τὸ στόμα, περὶ τὰ στόμια oportere legi. Στόμια, ut dixi supra, ferramenta illa duo sunt, quæ inseruntur ori equorum, in capitibus per anfas circulosve juncta. In his τροχοί, ut verè dicantur περιίθεται. Neq; alia sunt εὐρύστομα & σύμπικνα, quam τροχοὶ ἐυμεγέθεις, sicut Xenophon locutus fuit. Pro χαλινὸς σκληρὸς Aristophanem opinor usurpassè στόμια περιονώα. Sic enim accipio, quæ habet Pollux lib. X. cap. 13. Στόμια δὲ περιονώα, ἔφη ἐν ἀναγνώσει Ἀριστοφάνης. Nam docuerat in præcedentibus, περιονώα τῶν ὑποσπομίων esse τροχὸς, ut sint περιονώα, istiusmodi rotulis ferratis armata, & sic dura fræna. Observo & obelos in frænis, Græcè ὀβελοί. Est de his insignis

Arriani locus in Indicis: *Περὶ ἀκρῶ τῷ στόματι τῆ ἵππου ἐν κύκλῳ ἔχουσι δέσμα ὠμοβοῖνον, ῥαπτόν, περιπληγμένον, καὶ ἐν τέτῳ χαλκεὰ κέντρα ἢ σιδήρεα, ἢ κάρτα ὀξεία, ἔσω ἐστραμμένα. Ἐν δὲ τῷ στόματι σιδήρεον αὐλοῖσιν οἱ ἵπποι ἔχουσιν οἷον περὶ ὄβελον, ἔνθεν ἐξηγ-
τημένοι εἰσὶν αὐλοῖσιν οἱ ῥυτῆρες. Ἐπιπλὴν ἐν ἐπερ ἀγῶσι τὸν ῥυτῆρα, ὅτε ὄβελος κρατεῖ τὸν ἵππον, καὶ τὰ κέντρα, οἷα δὴ ἐξ αὐτῶ ὑρτημένα κεντέοντα ἐκεία, ἀλλό τι ἢ πεῖθει δὲ τῷ ῥυ-
τῇρι. Circa oris extremum equi in ambitum habent ex corio bubulo pel-
lem, consutam, & circumcirca alligatam, & in ea cuspides æreos aut fer-
reos, non admodum acutos. In ore verò ipso equi habent ferrum,
instar obeli, in quo obfirmata procedunt habena. Quando igitur habe-
nas adducunt, obelus imperat equo, & cuspides ex eodem procedentes
pungunt, nec permittunt eum nisi obtemperare frænis. In his frænis
ὄβελος seu obelos puto esse veruculos, seu ferramenta paulò longiora,
cuspide armata, quæ immissa oris, stimulant ipsa. Est enim obe-
lus ima sui parte latior, paulatimque definit in acumen forma sive
specie pyramidali. Atq; talis ille in Indorum frænis. Quamquam
non in ipsis solis fuisse videatur, sed & aliis. Neque enim alius est
ὄβελισκος, apud Xenophontem in libro de Re Equæstri, mea qui-
dem opinione. Verba ipsius: Τὸν μὲν σκληρὸν ὅπῃ ἂν ὀϊππὸς λάβῃ, ὅλον
ἔχη πρὸς τὰς γνάθοις, ὥσπερ καὶ ὄβελισκον ὁποῦν ἂν τι λάβῃ, ὅλον αἶρει. Camera-
rius sic reddidit: Nam rigidum quavis parte prehensum retinet equus
totum inter maxillas, perinde ut veru ubilibet prehendas, totum sustu-
leris. Non videtur Camerarius intellexisse mentem Xenophontis.
Ecquid enim est, veru ubilibet prehendas, totum sustuleris? Mihi
non est dubium, quin loquatur de ejusmodi obelo, quem immis-
sum ori equus tenet dentibus, & sic vim ipsius eludit. Ut sic reddi
debeant postrema: Perinde ut obeliscum si prehendat, totum tenet.
Pollux lib. I. cap. II. Τοῖς θυμοειδέσιν ἐκ ἐμκλητέον σκληρὸς χαλινὸς. Αναλαμβά-
νται γὰρ αὐτοὶ εἰς τὸ στόμα, ὥσπερ ὄβελισκος, ἀλλὰ ὕγρεις. Vertit Gvaltherus:
Quapropter ferocioribus aspera fræna injicienda non sunt, hac enim
veluti obeliscos arripiunt robustos quidem & firmos. Non sunt alii hi
ὄβελισκοι, quam illi Xenophontis, cum ex eo locus totus sit desum-
ptus. At hic eos equi dentibus arripiunt tenentque, unde liquet,
ibi quoque sic accipiendos esse. Sed quid illud, robustos quidem & fir-
mos, apud Gvaltherum? De obelis sermonem esse liquet: At quo
pacto*

pacto ibi ἐυπαγείς? Credo, quia erant solidi, ex unico solidoq; ferro, nullis articulis flexibili. Plane sicut erant & duriora fræna, quæ his facit similia. Ἡνὶ χαλεπῶς ἐκαστα τῶ χαλινῷ διατρέχει καὶ συνδῆ, τῷ τ' ἐστὶ σκληρὸν εἶναι. Verit Camerarius: *In quo verò omnes particule fræni graviter discurrunt atque colliduntur, illud frænum rigidum erit.* Non est affecutus Xenophontis mentem. Χαλεπῶς διατρέχει dicuntur, cum frænum est immobile, ac inflexibile, cum in eo annuli, dactyli, & id genus non laxi, sed adstricti. Huic generi oppositum est alterum, de quo idem: ὁ δὲ ἕτερος ὥσπερ ἡ ἀλυσὶς ποιεῖ. Ὁ γὰρ ἀνέχῃ τὴν αὐτὴν τῷ το μόνον ἀκαμπτον μένει, τὸ δὲ ἄλλο ἀπὸ ῥήναι. Dicit, illud genus esse instar catenæ, in qua si præhensa fuerit pars aliqua, illa sola fit immobilis, cæteræ verò omnes possunt moveri. Ubi ergo catenæ instar mobile est frænum, molle erit, hoc est ὑγρὸν, ut vocat Xenophon, aut μαλακὸν, ut est apud Pollucem lib. X. cap. 13. Ubi verò penitus immobile, σκληρὸν. Qvalis cum sit obeliscus, quoniam ἐυπαγείς, id est, ex uno ferro absq; articulis fabrefactus, liquet, cur eum ad genus durioris fræni retulerit. Præter oreas in fræno, quas & ἄζονας appellat Xenophon, quando ait, οἱ καὶ μέσον ἐκ τῶν ἄζόνων δακτύλιοι κρεμάννυνται, sunt & ψέλλια. Sic autem appellasse catenas sub mento equi tenfas putant. Pollux lib. I. Τὸ δὲ περὶ τὸ γένειον διεργόμενον, ψέλλιον. *Quod verò menti subtenditur, psellium.* Ita quidem Gualtherus. Verum διεργόμενον est id, quod *insertum*, non quod *subtensum* est. Sic διεργόμενον περὶ τὸ γένειον, id erit, quod juxta mentum solet inferi. Hoc verò non catena sub mento tenfa, verum annulus à latere oreæ insertus, à quo habena procedere consuevit. Docet aperte Xenophon, quando ita scribit de eo, qui conscendere parat equum: τὸν ῥύαγωγέα χερὶ ἐν τῇ ὑποχαλινιδίᾳ, ἢ ἐκ τῶ ψαλίῃ ῥημένον ἐν τῇ πρὸς εἰς τὴν ἄριστεράν χεῖρα λαβεῖν. Non est aliud hoc loco ψάλιον, quam quod Polluci ψέλλιον. At in hoc habena. Nam sic reddidit Camerarius: *De fræni parte inferiore seu etiam de annulo bullæve hujus religatum lorum ductorium aptè sinistra manu præhendet.* Vides ut lorum ductorium, id est, habena, religatum sit ἐκ τῶ ψαλίῃ, quod Camerario est *de annulo bullæve*. Credo, quod illi annuli vulgo bullis auratis ornantur. Revera tamen ψάλιον seu ψέλλιον solus ille annulus, ab utraq; oris parte fræno insertus, ad quem religantur habenæ.

Nisi quod interdum huic addantur alii, ut fiat instar alicujus minutæ catenæ. Atq; inde Hesychius: *Ψάλια, κρήκοι, δακτύλιοι*. Neq; aliter intelligenda verba Jobi cap. 40. *Δήσεις κρήκον ἐν τῷ μυχῷ τῆς αὐτοῦ. Φέλιον δὲ τρυπήσεις τὸ χεῖλ & αὐτῆς*. Vertit vulgatus: *Numquid pones circulum in naribus ejus, aut armilla perforabis maxillam ejus*. Sed *φέλιον*, quod Polluci *φέμιον*, Hesychio *ψάλιον*, nil aliud hoc loco, quam circulus si-
ve annulus. Solebant enim ferarum malis perforatis inferere annu-
los ferreos, ut per immissos in illos annulos funes ducerent, & huc
illucq; flecterent, sibiq; obsequentiores facerent. Quod nos ipsos
in ursis aliquoties vidisse meminimus. Atq; hinc est illud *τρυπήσεις*
φέλιον, quod non rectè Castilionius videtur acceperisse, quando reddi-
dit: *Et buccam cuspide perforabis*. *Φέλιον* enim non est *cuspis*. Suidas
περιοχὴν exposuit adducto hoc ipso Jobi loco, quod significat ali-
quid, quod rem aliam tenet clausam. Sed Castilionius respexit ma-
gis ad Hebræum textum, in quo acutum quid significatur. Nam &
Tremellius ita: *Aut spina perforabis maxillam ejus*. Omnino *φέλιον*
apud Jobum uncus circularis est, in quo per maxillas transmissio ca-
ptos suspendere solent pisces. Ut sensus sit, non poteris Leviathan,
maximum ex cetorum genere, sic uncato circulo tenere clausum
captumqve, sicut soles pisces minutos in circulo tali suspendere.
Atqve quia *ψάλιον* est circulus, quo moventur fræna, quando addu-
cuntur habenæ, propterea sic dictus est. Est enim *ψάλλειν* sæpe *κινεῖν*,
Hesychio teste, id est, *movere*. Quin imò ex causa hac quandoqve
frænum totum denotat, quomodo & alias pars aliqua eximia pro-
toto solet usurpari. Hesychius: *Ψάλιοις ἵππων, χαλινοῖς ἵππων*. *Κωλύη-
γοις. ψάλιον, κωλύηριον, χαλινός*. Et paulò post: *Ψάλον, εἶδος χαλινῆς*. Et hæc
quidem *φέμια* Pollucis. At quid est, quod præmittit Xenophon,
velut huic non multum dissimile, quando ait: *Ἐκ τῆς υποχαλινιδίας, ἢ
ἐκ τῆς ψαλίδος*? An *υποχαλινιδία* quoq; *ψάλιον* seu annulus hujusmodi?
Camerarius *frani partem inferiorem* reddidit, quod vix intelligitur.
Pollux memoravit inter *ἵππων ὄργανα*, id est, instrumenta equestria,
lib. I. cap. 12. ubi tali ordine recensentur: *Σείραγωγός, ῥυλαγωγός, κέντρον,
μύωψ, υποχαλινιδία, ἡνία*. Gualtherus prorsus imperitè vertit *ocreas*.
Verba ejus: *Equestria instrumenta sunt, catena, habena & lorum*
equi,

equi, stimulus, calcar, ocrea, habena. Non video, quæ ratione ὑποχαλινidia verti possint *ocreae*. Nam ὑποχαλινidia est singularis numeri, sicut manifestè docet Xenophontis locus, quod non observasse Gualtherus videtur. Unde quoque rectius apud Pollucem ὑποχαλινidia scribi existimo. Sanè ὑποχαλινidia est ἀχαλινός, id est, frænum. At quid hoc ad *ocreas*? Potius existimem ὑποχαλινιδίαν esse ferramentum longius ab *orea* dependens, cui habena alligatur. Scilicet duplicia habebant fræna, quædam cum simplicibus annulis in oreis, alia cum ferramentis longioribus, quæ quia propendebant ab oreis, seu axe, aut χαλινῶ, id est, illo, quod inferebatur ori, inde dicta ὑποχαλινidiai. Nam χαλινός propriè id ferrum, quod insertum ori mandunt equi, hinc ὑποχαλινidia, quasi quod sub illo ferro, quia inde propendet. Ecce tibi fræni utriusque effigiem ex columna Trajani.



Sunt hæc imagines desumptæ ex Lafrerii operibus, qui omnium optimè ac diligentissimè singula delineavit, ut vix possit ambigi. Videturque insuper & series vocabulorum apud Pollucem docere. Sequitur enim mox ἡνία, id est, lorum seu habena, quæ ad ferrum istud solet religari. Et hæc quidem ferramenta fræni, quæ ut ad os caputque firmarentur, opus erat loris. Eorum unum Græci appellabant κορυφαίαν, eratque illud, quod ab equi vertice præter aures ten-

debat ad os. Pollux: ὁ ὃ δὲ πορυφῆς τῆ ἵππευ ἐκλείαμεν & ἰμάς ἐπὶ τὸν χαλινὸν κορυφαία. *Lorum ab equi vertice tendens ad frænum, capitale.* Ita vertit Gvaltherus. Dixi præter aures. Docet Xenophon in de Re Equestri, unde nostrum desumisse arbitror: πῶς δὲ χεῖρα τὸν χαλινὸν πῶς ὃ περὶ τὰ ὦτα πλὴν κορυφαίαν. Vertit Camerarius: Videbimus, & *lupos, quo pacto ore, & verticale lorum, quo pacto ad aures admittat.* Verum χαλινὸς non sunt lupi, sicut liqvet ex superioribus: Nec δὲ τὰ ὦτα, ad aures. Mallem sic exponere: *Videbimus, quo modo & admittat frænum ore, & lorum circa aures.* Liqvet autem plane, κορυφαίαν pertinuisse ad aures, ut existimem non esse aliam, quam quæ aurea est Festo, & ab ore distinguitur. *Aureās dicebant frænum, quod ad aures equorum religabatur.* Meminit ejusdem Xenophon & in sequentibus, ubi docet, quomodo imponi frænum debeat: τὰς μὲν ἡνίας περιβαλὼν περὶ πλὴν κεφαλὴν κατὰ θέτω ἐπὶ τῇ ἀρρωμῇ, πλὴν ὃ κορυφαίαν τῇ δεξιᾷ αἰρέτω, τὸ δὲ εἰς ὅμιον τῇ ἀριστερᾷ προσφéréτω. Exponit Camerarius: *Habenas ob caput in summis armis ponat, verticale autem attollens in dextra teneat, ac lupos sinistra admoveat.* Ubi *verticale* reddit, quod supra *verticale lorum*, Gvaltherus *capitale* dixit. Liqvet autem totum id intelligi in quo frænum, non unum modo lorum, quoniam opponitur ὁμίῳ, & præter illud εἰς ὅμιον ac κορυφαίαν nihil memoratur ad frænandum eqvum. Est tamen seorsum & γενεῖας ἥρ inter fræni lora. Pollux sic de eo: Ὅ δὲ περὶ τὰς γένους, γενεῖας ἥρ, γενεῖας. Vertit Gvaltherus: *Quod circa maxillas, maxillare.* At γένειον, mentum. Philoxenus: *Mentum, γένειον.* Sic erit lorum non circa maxillas, sed mentum. At verò lorum illud, quo auriga frænum moderatur, Græcis est ἡνία. Hesychius: ἡνίας, λῶρα χαλινῶ. ἡνίαις, χῶροις, τόποις, ἢ λῶροις τῶν χαλινῶν. Dicit, lora frænorum ita nominari. Vocantur & ῥυτῆρες. Pollux: Αἱ δὲ ἡνίας καὶ ῥυτῆρες. Suidas: ῥυτῆρες, χαλινὸν ἰμάνας, ἡνίας. Dicit expressè, hoc vocabulo significari ea lora, quæ ad frenos spectant. Quod notandum, ne hic cogitemus helcia, de quibus alio loco dixi. Latinis sunt *habenæ*. Philoxenus: *Habena, ἡνία, αγωγεύς.* Observa, etiam αγωγεῖας appellasse. Suidas: Αγωγεῖς, ἰμάνεις ὧ ἀγεία ὁ ἵππος. Atq; ita usurpavit Xenophon, Polybius, & alii. Idem voluit Hesychius, quando scripsit:

Ἀγωγεύς

ἄνωγ' εὖς ὁ ἵμας. Nam *ἵμας* est *lorum*. Ita autem etiam Latini habenas
appellarunt, maximè Poëtæ. Virgilius lib. I. *Æn.*

Flectit equos, curruque volans dat lora secundo.

Phædrus noster lib. III. cap. 7.

Et lora frænis continet spumantibus.

Ovidius lib. II. cap. I. in verbis Solis ad Phaëtonem:

Corripe lora manu.

Cæterum, hæc lora à frænis per dorfa jugalium decurrebant ad au-
rigam, unde κατανάλια; id est, *per tergum decurrentia*, appellabantur.

Pollux: Τῶν ἰνῶν αἱ μὲν κατανάλια οἱ καλεῖται. *Ex loris aliqui nominantur*
catanotiei, hoc est, decurrentes per tergum. Nisi quis existimet,

signari per *ἰνίας* hoc loco non tam fræna, quàm lora alia à jugo per
tergum ad caudam decurrentia, quod videtur esse verius. Interim
sic protenta fuisse certum est, ac ne turbarentur facilè, aut decide-
rent, transmissa per annulos quosdam. Pollux: οἱ σιδηροὶ κύκλοι, δι-

ῶν δ' ἰνῶν αἱ ἰνῖαι, δακτύλιοι. *Ferrei circuli, per quos trahuntur habena, di-*
cti dactyli. Docet, dactylos vocasse. Nuncupabant quoq; θαιροδύτας.

Hefychius: Θαιροδύται οἱ ἐν τῷ ζυγῷ δακτύλιοι, δι' ὧν οἱ ῥυλῆες. *Therodyte*
annuli in jugo, per quos transmittuntur habena. Quibus verbis simul

discimus, ubi annuli illi fuerint, videlicet in jugo. Apparet ta-
men ex Onuphrii picturis, saltem in Circensibus vehiculis habuisse
etiam in summo maschalisteris, si modò rectè sese habent. Usus

erat omnium, ut haberent in obsequio jugales, quod Horatio est
temperare ora frænis. Pertinebat huc, ut pro ratione negotii lora

cum frænis vel attraherent, vel remitterent, & vel in hanc vel in il-
lam partem flecterent. Primum dicebant *frænos inhibere*. Livius I.

cap. 48. *Inhibuit frænos is, qui jumenta agebat*. Valerius eandem rem
proponens lib. IX. cap. II. sic ait: *Is, qui jumenta agebat, succussis fræ-*

nis constitit. Unde colligas esse idem & succutere frænos. Ovidio hoc
est *ducere*, lib. XV. Met. f. I.

--- Ego ducere vana

Fræna manu, spumis albetibus oblita, luctor,

Et retro lentas tendo resupinus habenas.

Hic retro tendere habenas, & ducere fræna idem est. Nempe *ducere*
simplex,

simplex, pro adducere ponitur: Est enim adducere, attrahere. Cicero in Lælio: *Commodissimum est quam laxissimas habenas habere amicitia, quas vel adducas, cum velis, vel remittas.* Græcis hoc est ἀνακρῖν & ἐπὶ χαλινῶν καὶ ἀσπίδεσσι τὸν ἵππον, ut ex Luciano discimus. Secundum dicebant *fræna dare*. Livius lib. XXXIV. cap. 2. *Dare frænos impotenti naturæ & indomito animali.* Virgilius lib. I. Æn.

-- -- *Et laxas sciret dare jussus habenas.*

Idem est *immittere fræna seu habenas.* Virgilius iterum lib. IX. Æn.

-- -- *Immissis pars cæca & concita frænis.*

Ubi tamen plus est *immittere*, quam *dare*, quoniam, qui dat, non tenet ea adstricta, nec tamen libera plane patitur esse fræna, qui verò immittit, finit quoque esse libera. Alibi pro *immittere*, Poëta idem dixit *effundere*. Ut lib. V. Æn.

-- -- *Manibusque omnes effundit habenas.*

At pro *dare*, usurpant & *laxare fræna*. Quomodo Lucanus lib. VII. *Frænosque furentibus ira laxat.* Cicero in verbis antea citatis ita usurpavit *remittere*. Græcis hoc est ἐνδιδοῦναι τὸν χαλινὸν, item ἐξορµᾶν ἡνίαν, uti Pollux docet lib. I. Homero ferè τανύειν ἱµᾶσιν. Ut II. 4.

Ὅπως τὸ πρῶτον τανύσει βοέοισιν ἱµᾶσιν.

Ubi Nestor vetat filio, loris extensionem facere ab initio, & sic ad cursum nimis concitare suos equos. Alterum verò πάντα χαλινὸν ἀνείναι, ut de voluptate Basilii locutus est. Medium ex his est *fræna tenere*. Respexit auctor Dialogi de Causis corr. eloq. cap. 31. *Orator tenebit habenas animorum, & prout cujusque naturâ postulabit, adhibebit manum, & temperabit orationem.* Horatius pro eo dixit *temperare*. Solebant autem equorum excitandorum gratia percutere ipsorum colla habenis, quod ex Xenophonte discimus. Pollux imitatus ipsum hoc appellat ἀνακλᾶσαι τὸν αὐχένα ἐν τῷ χαλινῷ. Item ἀνακρῖν ἐπὶ χαλινῷ. Virgilio hoc est *concutere fræna* lib. VI. Æn.

-- -- -- -- *Ea fræna furenti*

Concutit, & stimulos sub pectore vertit Apollo.

Silius dixit *quater* lib. XVI.

-- -- -- -- *Quatit equore aperto*

Lora suis victor.

Quod

Quod si tardiores sunt, habenis eos verberant, præsertim in defectu flagellorum. Silius lib. XVI.

Pro stimulis dorso quatiuntur inania lora.

Simili ratione habes apud Statium lib. VI. Theb.

Verberibusque jubeas, & terga laceffit habenis.

Curtius lib. IV. cap. 15. Exaudiebantur tantum strepitus habenarum, quibus equi, currum trahentes, identidem verberabantur.

Tertium dicebant flectere. Ovidius lib. II. Met. de Phaëtonte:

Ipse pavet, nec, qua commissas flectat habenas,

Nec scit, qua sit iter. -- -- --

Pro flectere habenas idem alibi usurpavit flectere ora equorum aut equos ipsos habenis. Ut in Ep. ad Pilonem:

Sic auriga solet ferventia Thessalus ora

Mobilibus franis in aperto flectere campo.

Virgilius sic dixit contorquere ora lib. XII. Æn.

Ora citatorum dextra contorsit equorum.

Solebat autem hoc fieri frænis in alterutrum latus conjectis, quod Pollux τὸν χαλιδὸν μεταβάλλειν ἐφ' ἐκατέραν τὴν γνάθον appellat. Malè Gualtherus vertit: *Frænum in utramque trajicere maxillam*. Nam ἐφ' ἐκατέραν non est in utramque, sed ad alterutram. Vult, oportere frænum conjici vel ad dextram maxillam aut genam, vel ad sinistram, si flectendus equus, de quo ibi sermo. Atq; hic frænorum usus. Sequitur nunc capistrum. Id ita à capite jumentorum dictum ait Isidorus. Nempe, sicut oreæ ab ore, ita capistra à capite, quia illæ inferebantur ori, hæc circumdabantur capiti. Erant enim capistra, quibus equi jumentave, sublatis frænis, tenebantur, unde quoq; sunt, qui capistra dicta putant. Qua de re videri Vossius potest. Varro lib. II. de R. R. cap. 6. ubi agit de pullo asinino, & qua ratione primo secundoque post partum anno debeat haberi. *Proximo anno patiuntur esse cum his, & leniter capistris aliave quare habent vinctos*. Vides, capistris vinciri tenerique, verum leniter. Inde mollia capistra apud Virgilium lib. III. Georg.

-- -- *Inque vicem det molibus ora capistris.*

Ubi Servius: *In vicem. Frænorum scilicet, ne adhuc tenera ora ledantur.*

tur. Quibus verbis constat, alia esse fræna, alia capistra: Illa lædere ora, hæc non lædere. Nempe fræna pertinebant ad ora, inferebantur ori: Contra capistra pertinebant tantum ad capita, neq; ori indebantur. Itaq; nec ora lædebant. Græcis vulgo est φορβία. Philoxenus: *Capistrum*, φορβία. Sed in Glossis est φορβία. Ita namq; habent: *Capistrum*, φορβία. Glossæ Græcæ habent φορβειάν. Atq; ita etiam apud alios reperitur, nisi quod accentum referant ad syllabam priorem. Hesychius: φορβία, ἔλκυστρον, περιστόμιον, καπίστριον. Vides, per καπίστριον exponi, quod est Latinorum *capistrum*. Moschopulus: Ἀπὸ τῆς φορβῆς, ἦν τὰ κοινῶς καπίστριον. Suidas: φορβειάν, περιστόμιον, καπίστριον. Quando Suidas & Hesychius per περιστόμιον exponunt, ostendunt manifestè, non inferi ori, sed alias circumponi ei consuevisse, hoc enim propriè est περιστόμιον. Et in eo differebat à frænis. Idem liquet ex instrumento tibicinum φορβία vocato, quod utique non inferebatur ori, sed tenebat illud iusto modo. Itaq; Scholiastes vetus Aristophanis in Vespis explicat τὸ περικείμενον τῷ στόματι τῆς αὐλῆς δίσμα, ἵνα μὴ σχισθῇ τὸ χεῖλος αὐτῆς. Id, quod ori tibicinis circumpositum est, loramentum, ne labra ejus findantur. Vide Salmasium Exercit. Plin. pag. 833. ibiq; pertinentem huc picturam. Et quia parum discrepat hæc φορβία, iccirco στομίδα capistrum quoq; dictum Salmasius putavit. Στομίς, ait eo loco, idem, quod capistrum. Nempe ita habet, etiam Hesychius: φορβία, ἢ αὐλητικὴ στομίς. Sed mihi hic Hesychius non voce propria & æquivalente per omnia, sed qualicunque usus esse videtur, ut ostenderet, quid φορβία significaret. Nam alias στομίς immittebatur ori, sicut liquet ex superioribus, φορβία nequaquam. Præterea nemo reperitur, qui φορβειάν atq; στομίδα diceret esse idem. Nam Lucilii quidem versus, quem adducit, penitus huc facit nihil. Verba ejus:

Trullen postomis huic ingens de naribus pendet.

Hic Salmasius existimat legendum: *Trullen pro stomide*, ut faciat Latinum *stomidem*, pro eo, quod in Græcis esset στομίς, id est, φορβία, seu capistrum. At hic sermo esse de capistro nequit. Nam expressè Lucilius id, quicquid est, pendere ait de naribus, quod profectò nihil convenit in capistrum. Capistrum est περιστόμιον, ambit os, at postomis

Si postomides plures pendent de unius naribus , qui significare
Z 2 possunt

possint capistra? Nemo enim plura ea uni eqvo imponit. Neq; tamen in eorum sum sententia, qvi exponunt circulum ferreum, dentatum naribus eqvorum ferocientium imponi solitum, qvem in præcedentibus ostendimus vocari camum. Circulum enim illum sive camum nemo unqvam fecit pendentem de naribus, sicut manifestè hic de postomide Lucilius testatur. Magis eo adducor, ut existimem significare instrumentum, qvo utuntur mulomedici fabriq; nostri, qvando urunt secantve eqvos. Ferrum duplex est ac longiusculum, ab uno capite ansatum, ut aperiri claudiqve possit, crebris dentibus intus asperum, qvòd in superiori labro eqvi fixum verissimè dependet. Germani **cine Premis** appellare consueverunt. Juvat planè, qvòd ajebat supra Nonius, non solum naribus, sed etiam *morsui* imponi. Hoc enim in nullum instrumentum aliud magis convenit. Non profectò in camum, ac ne in capistrum qvidem, minimè verò stomidem, cum nunqvam stomis imponatur. Non igitur postomis stomis est, nec apud Lucilium in stomis immutari potest. Qvòd & ex eo liquet, qvòd Nonius ait postomidem dictum ἀπὸ τῆς στόμας, hoc enim sic intelligo, qvòd ab his vocabulis ἀπὸ στόμας formatum sit *postomis*, quasi qvòd ἀπὸ τῆς στόμας, hoc est, ab ore, dependeat. Neq; obstat lectio vulgata Nonii, imò ex hac interpretatione accipit lumen, cum intelligitur, eum, qvisqvis tandem hic exagitur, habuisse ita trulleum & vas vinarium ingens ori affixum, ut eo liberare se non magis potuerit, qvam eqvus postomide. Postomis itaq; non est *στομίς* vel stomis, sed nec capistrum significat, qvippe qvòd nec ferrum erat, nec à naribus pendebat, verum lorum aut funis, qvo præligabant capita jugalium. Auctor Etymologi ex Herodiano Grammatico, voce ἀρεμή: Φορβεία σημαίνει τὸ σχοινίον τῆς ἀλόγης τὸ περιστόμιον, τὸ καπίστριον. *Phorbeia est funis circa os jugalis, capistrum.* His capistris alligabant jugales in stabulis, nec officiebant ea, qvo minus sumere possent pabulum, unde constat, qvòd & ante dixi, non habuisse illa inserta ori. Hippiatrica seu de Re Equestri: Τὰς ὧ φάτνας ὑψιλοῦρας εἶναι δεῖ, ὡς ἀντιλεῖδῃς ἀπὸ αὐτῶν τὰς φορβείας, καὶ ἀνανεύσας λαμβάνειν πλὴν τρεφίν. *Præsepia verò oportet esse altiora, ut in eis suspendi possint capistra, & nihilominus animalia subla-*

is capitibus sumere pabulum queant. Sicut autem φορβία proprie
 apud Græcos est capistrum, sic interdum video pro eo positum
 κημὸν. Ita sanè habes in Lexico Argentoratensi: *Capistrum*, κημὸς.
 Etiam φημὸς hoc sensu aliquando usurpatus videri potest. Nam
 quod extat in Lege Mosaica Deut. 25. οὐ φημώσεις βέν' αλοῶνλα, & vul-
 gatus reddidit, *non ligabis os bovis terentis in area fruges tuas*, id
 Grotius in notis ad hæc verba explicat, *non capistrabis*, & addit, *ita*
enim Plinius loquuntur & Columella. Verum inspicienti utrumq; au-
 ctorem aliud videbitur. Plinius sic ait lib. XVIII. cap. 19. *Si inter ar-*
borea vitesque aretur, fiscellis capistrari oportet, ne germinum tenera
præcerpant. Hic usurpat non *capistrare* simpliciter & per se, verum
capistrare fiscellis, quæ duo inter se differunt plurimum. Nam qui
 simpliciter capistrantur, illi illigantur capistris, & qui capistrantur
 fiscellis, eis adduntur fiscellæ, quorum hoc prohibet ipsos capere
 cibum, illud non prohibet. Unde liquet in Lege Mosaica non pro-
 hiberi, ut capistrentur, sed ut capistrentur fiscellis. Et hoc proprie
 φημὸν. Φημοὶ enim os claudebant, erantq; craticulatim ex funiculis
 viminibusq; plexi sacculi corbesve, quos vocabant fiscellas Latini,
 Græci alias κημὸς, quemadmodum superius ostendi. Scholiastes
 Aristophanis in Equitibus: Ὁ τοῖς ἵπποις περιβιζόμενος ἔτιως ἐκαλεῖτο κη-
 μὸς, ὁ καλεῖται φημὸς. *Fiscella, quæ circa os equorum ligari solet, & alias*
vocatur phimos, ita dicitur. Et quoniam φημοὶ claudebant os, inde
 habemus in Glossis: φημέμαι, *obmuteo, commuteo, commutesco, compe-*
scor. φημῶ, *compesco.* Nempe, quia non bobus solummodo vel equis,
 sed & hominibus fiscella obligari os solebat, ne id possent aperire.
 Servi frequentissimè sic coerciti, præsertim in pistrinis, ne possent
 edere, farinamq; subducere. Sed & silentium hoc modo ipsis im-
 positum videtur. Unde Seneca de veterum humanitate adversus
 servos, & servorum apud illos libertate, ep. 47. *At illi, quorum os non*
consuebatnr. Ubi consui plane Græcum φημῶς, peræ scilicet ac fac-
 culi instar ambitu collecto, & funiculo constricto. Neq; aliud exi-
 stimo voluisse Ammianum, quando scribit de Persis lib. XXIII.
Nec ministrandi apud eos famulo mensaque adstanti hiscere vel loqui li-
cet, vel spueri, ita prostratis pellibus labra omnium vinciuntur. Alludit

sine dubio ad τὸ φιμῶδες, solitum hoc sine usurpari. Cum primis verò in damnatis hoc receptum fuit, ne liberam emittere possent vocem. Et hinc φιμωθέντες Zenobii, quos memorat & Heinsius Exerc. Sacr. pag. 69. Putant viri summi, pertinere huc & locum Aristophanis in Nubibus:

Φιμώσῃ τε τὴν τῷ ξύλῳ τὸν ἀυχένα.

Sed nos sumus alia in sententia. Nempe sermo ibi est de Cleone furci & ambitus damnato, quem sic puniri volunt. Non est autem pœna sufficiens tantorum delictorum, si eam modo illo tantum accipiamus, quo prædictum est. Adde, quod hic non simpliciter sit positum φιμώσῃ, sed additum τὸν ἀυχένα. Vulgo φιμὸς pertinebat non ad ἀυχένα sive collum, sed ad στόμα sive os. Quando ergo dicitur φιμώσῃ τε τὸν ἀυχένα, nulla intelligitur conclusio oris, verum colli, sive gutturis & faucium. Qualem fieri nonnunquam consuevisse φιμῶ, sicut nunc nervo arcui dempto, vel hinc intelligitur. Neq; aliam opinor fuisse causam, quare Hesychius sic scripserit: φιμοί, δεσμεύει, ἐμπαράττει, ἀρχαί. Est enim ἀρχαί strangulare, fauces constringere. At τὸ φιμῶν vulgo sumptum significat tantum os concludere loro, qui φιμὸς est Græcis. Chrysostomus pro eo dixit σπαρτίον. Verba ejus Orat. 5. in Esaiam: Καὶ ἐξήλθοι πόν, καθάπερ οἱ πλεὶς ἐπὶ θάνατον ἀπαρχόμενοι, σπαρτίον ἐπὶ τὸ στόματ' ἔχοντες. Hic plane σπαρτίον est φιμὸς, id est, lorum, seu potius funis sparteus, quo claudebatur os damnati, cum supplicium de eo esset sumendum. Idem Or. 9. de incomprehensibili DEI natura: Σπαρτίον ἐπὶ τὸ στόματ' ἔχων ἐξήγετο πλεὶς ἐπὶ θάνατον ἰδὼν. Vertunt: *Frano in os injecto ad supplicium ducebatur*. Perperam. Non enim in os injectum fuit, verum circa os ligatum, ita, ut maxillis per lorum illud ad superiora constrictis aperiendi ejus nulla facultas esset. Id quod abunde Græca indicant, quando habent ἐπὶ τὸ στόματ' ἔχων, non ἐν τῷ στόματι. Hoc ergo lorum σπαρτίον, credo, quod non esset semper ex corio, sed sæpius ex sparto, non quod ex illo φιμῶ habena seu funis esset aptata, quo carnis ex damnatos ad supplicium trahebat, sicut volunt viri longè doctissimi. Dicit enim expresse Chrysostomus de illo σπαρτίῳ, quod damnatus id habuerit circa os. Occurruntq; similia apud ipsum verba Homil. 4. in Es.

Ἐξάρυσιν αὐτὲς τὸ σπάρτιον ἐπὶ τῇ σόματι ἔχοντας. Item Hom. I. ad Macab. Τὸ σπάρτιον ἐπὶ τῇ σόματι ἔχοντα. Σπάρτιον istiusmodi, seu φριμόν, Pacatus noster Latine appellavit *frenum*. Verba ejus cap. 29. *Cum licitorum arma, cum damnatorum fræna tractassent*. Non sunt alia hic *damnatorum fræna*, quam φριμοὶ seu σπαρτία, sicut dixi jam in Notis ad eum locum in Editione secunda. Et hoc quidem est φριμὸν, quod Plinius vocavit *capistrare fisciellis*. Columellæ locus, quem & ipsum laudat Grotius, huc prorsus nihil facit. Loquitur enim ibi Columella non de bobus, aut conclusione oris, verum simplici religatione. Ita namq; habent lib. VI. cap. 19. *Primis duobus statuminibus imponitur firmum jugum, ad quod jumenta capistrantur, vel boum cornua religantur*. Capistrari dicuntur jumenta hoc loco, quando simpliciter alligantur, sicut alligari solent in stabulis ad præsepia. Nempe sunt capistræ sæpe qvaliacunq; vincula, etiam ex viminibus facta. Idem Columella lib. IV. cap. 20. *Cum ad summum palum recta vitis extenta est, capistro constringitur, ne sætu gravata subsidet curvaturque*. Capistrum hoc loco dicitur vinculum ex vimine, quo summus vitis ramus in capite devinctus religatur ad jugum solenni hodieq; ratione. Quod an locum habeat etiam in φριμὸς & φριμὸν Græcorum, necdum habeo compertum. Illud singulare est, quod reperiantur & φριμοὶ αὐλωτοὶ. Sic enim habet Pollux: *Ἐκαλεῖντο δὲ τινες αὐλωτοὶ φριμοὶ, διὰ τὸ κώδωνας ἔχειν ἐπιρτημένους, οἷς ἐγχεμετίζοντες οἱ ἵπποι ἤχον ἐποίεν προσόμοιον αὐλῷ*. Vertit Gualtherus: *Sunt & fræni quidam fistulati eo, quod tintinnabula habeant appensa, quibus equi inhinnientes sonum reddunt fistula per similem*. In hac versione multa sunt, quæ probari non possunt. Primum φριμόν reddit *frenum*. At pro fræno illam vocem usurpari nusquam observavimus. Nam Pacati locus agit non de instrumento equestri, verum ad supplicia & poenas pertinente. Deinde nec αὐλὸς est *fistula*, sed *tibia*, quæ differt plurimum. Præterea nec illud quadrat, quod fræna illa dicat habuisse tintinnabula, & tamen dicta esse fistulata. Nam à tintinnabulis quæ dici queat fistulatum? Sed & illud parum liquet, quomodo illa tintinnabula sonora facere potuerint hinnitu potius, quam motu corporis, & agitatione alia. Equidem κώδωνας esse vulgò tintinnabula discimus ex Glossis, quæ

sic

sic habent: κώδων, *tintinnabulum*. In Glossis aliis *tintinnaculum* scribitur. *Tintinnaculum*, κώδων. In aliis *tinnibulum*. Sic enim habent: *Tinnibulum*, κώδων. Quicquid autem sit de varia formatione vocis, ea instrumenta vulgo denotari per κώδωνας, quæ agitatione pulsuq; sonum edunt, certum est. Præterea videmus in antiquis monumentis dependentia ex eqvis tintinnabula. Nam in nummo æreo Imperatoris Heraclii, cujus effigiem exhibet Lipsius in de Cruce, habes Imperatorem in vehiculo sedentem, quod à tribus trahitur eqvis, è quibus tertius, qui antecedit cæteros, habet tintinnabulum inter primos duos pedes ante pectus pendens. Sed & phaleras, & fræna culta olim apud veteres Romanos sic fuisse observat Phavorinus. Κώδωνας, αἱ, ἐν ταῖς φαλάροις καὶ χαλιναῖς τῶν ἵππων οἱ στρατηγοὶ ὡς τοῖς παλαιοῖς εἶχον, ὥσπερ καὶ νῦν. Κώδωνο φαλαροπόλως λέγει Ἀριστεύς τὰς χρωμένους κώδωσι. Καὶ ὡς Ῥωμαίοις ὁμοίως, ὅπερ ἐγὼ Βαρὶν ὁ πολλὰς εἶδρακα. *Tintinnabula in phaleris & franis equorum milites apud veteres habuere, sicut nunc quoque. Equos cum phaleris tintinnabula habentibus memorat Aristophanes de iis, qui usurpant. Simile quid & Romanis usitatum, sicut ego Varinus sapissimè conspexi. Locus Aristophanis, quem respexit, extat in ipsius Ranis, istis verbis:*

Κύνες ποιῶν καὶ Μέμνονας κώδωνο φαλαροπόλως.

Hoc sic reddiderunt Latine: *Effingens Memnonas, cygnosque nolipharepolas*. Sed non exprimunt sententiam vocis Græcæ, ea namq; illud notat, quod est dictum in superioribus, cujus respectu poterant dixisse *nolaphalaropullos*. Nam & Scholiastes ibi aperte: κώδωνο φαλαροπόλως Ἀπολλωνίος φησιν, ὅτι παρήνεγκε χρωμένους κώδωσι τινας, κώδωνας ἐν τοῖς φαλάροις καὶ χαλιναῖς τῶν ἵππων ἔχοντας. *Codonophalaropolus, id est, nolaphalaropullos, Apollonius ait vocare, quod proponat quosdam nolis seu tintinnabulis utentes, qui tintinnabula in phaleris & franis habent equorum*. Dicit aperte, in phaleris & franis eqvorum habuisse ista tintinnabula. Ut sic πόλοι denotent non *polas*, ut verterunt, verum eqvos. Et de talibus accipiendum est, quod habet Diodorus lib. XVIII. agens de mulis in curru Alexandri, καὶ παρ' ἐκαστὴν τῶν σιαγμάτων εἶχεν ἐξηγνόμενον κώδωνα χρυσεόν, & *ad utramque maxillam habebant ex ære tintinnabulum ex auro*. Sicut autem hæc de tintinnabulis in franis

frænis certa sunt, sic incertum, an quid faciant ad Pollucem, nam ipse loquitur non de phaleris, nec frænis, sed *φιμοῖς*. Deinde *φιμῶς* appellat non *κώδωνοφόρας*, sed *αὐλωῖς*. Maximum verò, quod hic obstat, illud est, quod *κώδωνες* hic sonum edant non agitatione, sed hinnitus equi, eoq; sine appendantur. De *κώδωνι* vulgaribus sic ait Suidas: *Κώδων, τὸ ἐν τῷ κινεῖν ἀδειν. Codon seu tintinnabulum est dictum, quod tinnitum sonumve edat, quando movetur.* At *κώδωνες* apud Pollucem edunt sonum tum demum, cum in eos hinnit equus. Quare potius adducor, ut existimem has *κώδωνας* fuisse instar cymbalorum æreas patellas, intus cavas, sensimqve dilatato ambitu patentes, in quas dilapsus equi hinnientis sonus, majori voce relabebatur. Hesychius: *Κώδων, σάλπιγξ, ἡ χεῖρον, κύμβαλον, μύκων, κάλυξ.* Ita hæc sunt distinguenda. Dicit *κώδωνα*, quem alias nolam seu tintinnabulum exponunt, significare quoq; tubam, vasculum æneum, voce repercussa sonum edens, cymbalum, mycona, & calycem. Quibus verbis & per ea adductis rebus liquet abunde, *κώδωνα* significare cavum aliquod ex ære, quod acceptum majore claritate reddebat sonum. Convenit Scholiastes Sophoclis in Ajace, quando ait: *Κώδων, τὸ τῆς σάλπιγος πλάτυ.* *Codon est illud in extremitatē tubæ patulum latumque.* Nam & hoc ejusdem plane specie est cum cæteris. Hujusmodi *κώδωνας* igitur seu patellas cymbalorum specie habebant aliquando in *φιμοῖς*, quæ, quia sonum reddebant percussum equi voce, ideo rectissime *αὐλωῖ* vocati sunt. Hesychius: *Αὐλωῖ, φιμοῖ οἱ κημοῖ διὰ τὸ τοῖς κημοῖς κώδωνας προσέθου, εἰς ὧς ἐμφυσῶντες οἱ ἵπποι φωνὴν σάλπιγος προΐνθου.* Sic editum est in vulgatis, sine sensu. Legendum absq; dubio ac distinguendum: *Αὐλωῖ, φιμοῖ, ἡ κημοῖ, διὰ τὸ, &c.* Sententia est: *Phimi aut camī tibiāli, quia camīs codones addebant, in quas inflantes equi vocem tubæ edebant.* Ostendit, sonum illum fuisse gravem tubæ instar, unde manifestum est, huc nihil pertinere tintinnabula, de quibus ante dictum fuit. Maximè, cum & ipse asserat, non aliter edidisse sonum, quam inflati ab equis, quod quo pacto factum sit, ostendit Pollux, quando pro Hesychii *ἐμφυσῶντες ἐγχρημελιζόντες* usurpavit. Cum Hesychio convenit & Eustathius, cujus verba de hac re leguntur in II. 2. *Αἰσχύλ. καὶ φιμῶς* (malè in Basileensi Editione, quæ uxor, legitur

θημὲς) λέγει αὐλωτὲς, διὰ τὸ κώδωνας φησὶ προσῆσαι αὐτοῖς, οἱ ἐμφυσῶντες οἱ ἵπποι, ὥς φωνὴν σάλπιγγος ποιεῖν. Γράφειν ἔτι τῶς: Ὅς εἶχε πέλους τέτραρας ζυγηφόρους, φημοῖσιν αὐλωτοῖσιν ἐσομαμένους. Memorabile in his verbis Æschyli est testimonium. Nam ostendit, genus hoc φημῶν pertinuisse ad eqvos, qvos & ipse πέλους vocat, sicut supra Aristophanes, qvi hinc lucem accipit, nec ad eqvos singulares ita, ut ad eos, qvos adungere ad vehicula solebant. Ob hanc causam enim πέλους ζυγηφόρους vocat, quasi tu jugales aut jugarias equas diceres. Sed & illud ἐσομαμένους φημοῖσιν declarare videtur, quasi κώδωνας illos seu patellas habuerint religatas ad ora, fiscellarum instar. Quæ fortassis causa est verissima, cur φημοὶ αὐλωτοὶ sunt dicti. Non qvòd φημοὶ hic essent fræni, sicut hætenus intellexerunt apud Pollucem & alibi viri docti, verum qvòd fiscellæ ad hunc modum formatæ, ut haberent instar patellæ cymbalivæ, aut tubæ. Quam verissimam sententiam existimo, & propterea Pollucis locum integrè sic expono: *Appelluntur verò & fiscella quadam tibiata, quia habent appensas codonas, id est, patellas, instar cymbalorum aut orificiorum patentium in tubis, quas cum equi hiniñientes inflant, edunt sonum veluti tubarum.*

Cap. XIV.

De flagellis stimulisqve.

Virga. Ράβδος. Κέντρον. *Stimulus. Stimulum.* Βέντρον. Βενέτρος ἥ ῥα. Μάστιγξ. *Flagella. Duplex horum genus.* Καλάυροϛ. *Grotius rejectus. Scholiastes Aroti correctus.* Ἰμάδων. Φαγέλλειον. *Flagra, flægella, flagelli, scutica, flagra.* Hesychius *correctus.* Angvilla. *Monumenta bubula.* Βέντρον. *Ἄκονα.* Ὑσωνή. Ὑσωνίς. Ὑσωνίς. *Flagrum catenatum ossibus. Interpres Luciani notatus.* Ἀσπαλαγώνιδης. *Plutarchi versio notata, & Athenai, qui exponitur.* Μύωπος. *Pollux explicatur.* Ἐνέλιγιδες. *Scorpiones.* Βένευρα. *Hesychius emendatur.* Κισσρίς. *Alia.*

DIximus de armis, qvibus continentur regunturq; eqvi, ea igitur nunc videamus, qvibus pelluntur & concitantur ad cursum. Horum primum simplicissimumq; virga est. Meminit Curtius lib. VII. cap. 4. in eqvis: *Nobilis equus umbra quoque virga regitur.* Earundem usus fuit etiam in jumentis cæteris, ut maulabus, de qvibus Juvenalis Sat. III.

*Sed jumenta vocant, & Sol inclinat, eundem est.
Nam mihi commota jam dudum mulio virga.
Adnuit.*

Sic habes in Notitia Imperii depictum mulionem cum virga juxta mulas in carpento Præfecti Prætorio, & Præfecti Urbis Romæ. Sed & ob hanc causam facta constitutio Constantini l. 2. Cod. Theod. de Cursu publico: *Placet, ut omnino nullus in agitando fuste utatur, sed aut virga, aut cerere flagro.* Et fuit olim virgarum usus tam receptus, ut nonnulli populi his solis rexerint animalia quoque sua, non solum concitarint, atq; ita virgas habuerint loco frænorum. Lucanus lib. IV. de Massylis:

*Et gens quæ nudo residens Massylia dorso
Ora levi flectit frænorum nescia virga.*

Idem observatur de Mauris & Mazacibus. Nemesianus Cynege.

*-- Quodque infrenes, quod liber uterque,
Nam flecti facilis, lascivaque colla secutus
Paret in obsequium lente moderamine virga:
Verba sunt præcepta fugæ, sunt verba fræni.*

Meminit & Strabo lib. XVII. in Massylis: *Μικροῖς ἵπποις χρῶμενοι, ὅξεσι ἢ καὶ ὑπὲρ δέσιν, ὥς δὲ πρὸς ῥάβδους οἰκονομεῖται.* *Parvis equis usi, celeribus tamen, adeoque facile parentibus, ut virga regantur.* Ex hoc loco discimus, virgas istas appellasse *ῥάβδους*. Glossæ veteres: *ῥάβδος, virga, vimen.* Sic Herodianus lib. VII. *Καὶ ἵππεῖς ἄριστοι, ὥς καὶ χαλινῶν ἀνευ, ῥάβδῳ μόνῃ τὸν δρόμον τῶν ἵππων κυβερνᾶν.* De Numidis loquitur. Verba sic exponit politissimus Politianus: *Equitandi peritissimè, sic, ut equos etiam infrenos virga tantum currentes moderentur.* Post virgas usurparunt *κέραια*. Pollux lib. X. cap. 12. *Τοῖς ἡνίοχοις κέραιαν δέει.* Vertunt: *Aurigis conveniunt stimuli.* Atq; sic habemus in Glossis, nisi quod in neutro genere vocabulo utantur. Ita enim scribunt: *Κέραιον, stimulum.* Vulgata ratione legas in lexico Argentoratensi: *Stimulus, κέραιον.* Sed & altera apud Plautum in Menæchmis V. scen. 2. *Iam adstisti in currum, jam lora teneo, jam stimulum in manu est, Agite equi, facitote sonitus unguularum, appareant.*

Quibus verbis simul discimus, stimulis & eqvos consuevisse conci-

tare. Neq; aliud de Græcorum κέντροις produnt. Suidas: Κέντρα, τὰ τῶν ἵππων ἀλκήτρα. Item paulò ante: τὲς ἡνίοχος κέντροις καλεῖται, τὲς τοῖς κέντροις τὲς ἵππους πλῆττοντας. Utroq; loco κέντρα dici ait, quibus equi stimulantur. Eadem de caussa apud Homerum sunt κέντρον κέντροις ἵππων Il. E. & aliis locis. Hesychius exponit τοῖς κέντροις εἰπόντας καὶ παροτρύνοντες, id est, *qui stimulis cedunt parentque*. In bubus hoc solenne fuit. Unde Græcis βέντρον, & βέντροεργία. Sic enim vocabant recentiores, non βέντροεργίον, ut Meursius putabat, à non βέντρον, sed βέντρα, pro βέντρα, id est, *virga*, quia fuit virga acuta. Tibullus:

Et stimulo tardos increpuisse boves.

Item Manilius:

-- Stimulo junctis instat de more juvencis.

Et Perottus: *Stimulus propriè instrumentum est, quo punguntur boves*. Fuit autem instrumentum hoc nil aliud, quam pertica cum cuspidē acuta. De pertica manifestè docet Plautus in Asinaria Act. II. scen. 4. quando Leonida servum verberaturus ait:

Vtinam nunc stimulus in manu mihi sit! --

Et aliquanto post subjungit:

Tanquam, si claudus sim, cum fusti est ambulandum.

Hic enim, quod vocavit ante *stimulum*, *fustem* deinde exponit. De cuspidē in ea liquet ipso ex vocabulo, cum sit à τίζω, id est, *pungo*, quod sine cuspidē non potest fieri. Videtur autem cuspis illa fuisse vel simplex ipsius perticæ, vel ex ferro acuto, perticæ immisso. Hinc Victor Uticensis lib. I. *stimulos ferreos* nominatim memorat, quod non erat facturis, si sic omnes fuissent armati. Verba ejus: *Quantis sacerdotibus quantisque illustribus onera ingentia ut camelis vel aliis generibus jumentorum imposuerint, neque enarrare, quos stimulis ferreis ad ambulandum urgebant*. Neq; alia de caussa Philoxenus: *Stimulum*, κέντρον σιδηρέον. Et hujusmodi fuere stimuli, quorum meminit Statius lib. VI. in certamine curuli:

Nec jam sufficiunt stimuli, non verbera. --

Item Silius lib. XVI. in simili certamine:

Pro stimulis dorso quatiuntur inania lora.

Expressit eos optime Rubenus ex lapide antiquo ad portam Nomenta-

mentanam lib. I. Elect. cap. 30. ubi effigies alicujus decurrentis in Circo cum quadrigis. At Græcorum κέντρα paulò aliter exponunt, nempe μάστιγας, quæ sunt *flagella*, ut mox dicam. Scholiastes vetus ad Homeri Il. E. Κέντρον κέντρον, τὸς τοῖς κέντροις, ὅ ἐστι μάστιγι κέντρον μένους. Atq; adhunc modum etiam Hesychius: Κέντρον, δόρυ, μάστιξ. Item Eustathius ad Il. Ψ. Κέντρον ὃ ὅ σπέρχοντα ἵπποι, καὶ ταῦτα ἡ μάστιξ, ὡς τὸ κέντρον. *Centron* verò, quo urgentur equi, idem atque *mastix*, sic à pungendo dictum. Habent pro eodem μάστιγα & κέντρον. An, quod μάστιξ interdum ipsis nudum significaret *flagrum*, id est, baculum, sive fustem? Certè, quod apud Eutropium in Tarquinio Superbo legitur, *fustes* excogitasse, id Suidas in voce σπέρχοντα effert μάστιγας ξυλίνες. Quasi duplex genus fuerit *μαστιγῶν*, unum ἱμάντιον, de quo postea, & alterum ξύλινον, hocq; simplices denotarit fustes. Videturq; idem velle etiam Eustathius, cum ait in superiori loco: Ἰστέον ὃ καὶ ὅτι κυρίως κέντρον, τὸ σίζον ἐστὶ, διὸ καὶ ταύτῃ παρ' Ὀμήρῳ κέντρον καὶ μάστιξ. Ἐν τῷ σίζειν γὰρ τοῖς κέντροις ἡ μάστιξ. Sciendum verò, quod propriè *centron* sit id, quod pungat, unde secundum Homerum *centron* & *mastix* idem est; Nam à *sing* vendendo seu pungendo dicta *mastix*. Μάστιξ sanè, sicut vulgo sumitur, non pungit, verum verberat. Suidas: Μάστιξ, δι' ἧς τὸν ἵππον πλήττομεν. *Mastix*, qua equum verberamus. Dicit, πλήττομεν, non κεντρώμεν, aut σίζομεν. Itaq; alia est μάστιξ Homeri, alia vulgaris. Illa κέντρον, id est, stimulus, seu baculus acuminatus, aut cusptide ferrea instructus: hæc cum loris. Pro stimulo Græcos etiam καλάρωπα usurpasse Grotius existimat in Arateis p. 4. Nempe tribuunt Booti. Scholia Arati, quorum Auctor Theon Alexandrinus: βοῶτας, καλάρωπα φέρων, ὅ ἐστι ῥοπαλον. Ita editur, cum legendum sit καλάρωπα, ut rectè Grotius notavit. Jam verò Manilius de eodem loquens, Aratumq; exponens:

Quod stimulo junctis instat de more juvencis.

Sed est usus libertate sua Manilius. Aliud enim stimulus, aliud καλάρωπα. Quod vel unus docuerit Hesychius, quando exponit ξύλον ὃ τὰς βόας βάλλουσιν, hoc est, *lignum*, quo boves verberant. Verberari eo boves ait, non pungi, sicut fieri stimulis consuevit. Sed & reliqua figura ejus docet. Eustathius de ea ita habet Iliad. Ψ. καλάρωπα ἢ βυκολικὴ ῥάβδος. Ἐστὶ ὃ ξύλον καὶ τὸ ἕτερον μέρος ῥοπήν ἔχον, ὅ ἐστι καμπύλον.

Calaurops est bubulcorum baculus, est autem fustis ab alterutra parte habens rhopen, id est, curvitatē. Ostendit, fuisse incurvum. Neq; aliter exhibetur in Arati imaginibus antiqvis à Grotio publicatis, cum in Arctophylacis imagine, p. 13. tum in Engonasin, p. 5. At stimuli fuerunt recti, sicut ex quadrigis Rubenianis intelligitur. Sed de bubulcorum baculo dicemus pluribus, & ex professo in nostro de Opilione Commentario. De stimulis hoc annotamus, qvod interdum cuspides habuisse videantur satis firmas, sic, ut servire hastæ loco possent. Ita enim legimus de Sagmare filio Anath, Judicum III. Ipse Israëlitas defendit, cassis baculo, quo boves stimulantur, sexcentis Palæstinis. Ita habet Castalio. Sed & Junius Tremelliusqve: Percussit Peleschthæos sexcentos viros stimulo bovis. Lutherus quoque: Mit einem Ochsenstocken/ id est, baculo boum, qvo haud dubie stimulum intellexit. Græci habent: Ἐν τῷ ἀρόροποδι τῶν βοῶν. Qvod servavit vulgatus, reddiditqve: Percussit de Philistiim sexcentos viros vomere. Sed alterum convenientius videtur. Sicut autem μάστιγες habuere, qvæ fuerunt stimuli, sic quoque, qvæ fuere flagra seu flagella, non ex baculo nudo, sed alligato illi loro. Docet Eustathius, qvando ait ad II. Ψ. Ἰμάσθλην, ἥ ἐστιν μάστιγας, ὅπερ ἐκ μέρεος τοῦ πᾶν δηλοῖ; ἦτοι ἐκ μόνου τῆ ἱμάντι. τὴν ἑξ ἀπὸ τῆ καὶ τῆ ξύλης συγκειμένην μάστιγαν. Himasthlen, aut mastiga, ex parte totum indicans, vel ex loro solo compositam ex ipso simul atque baculo mastiga. Habes manifestè μάστιγας ex baculo & adjuncto illi loro. Et qvonia ex loro, inde quoq; ἱμάσθλην dicta est. Hesychius: Ἰμάσθλην, μάστιξ, διὰ τὴν ἱμάσσειν ὃ ἐστὶ τυπτεῖν τῷ ἱμάντι. Himasthle, mastix, ab himassein, quod est verberare loro. Fiebat tamen etiam è lino aut junco, plexo more funis. Etymologicum: φραγγέλω, ἐκ τῆ φραγγέλειον, ὃ σημαίνει σειρὰν ἐκ σχοίνου περιλεγμένην, ἢ κέκληται μάστιξ. Phrangelo, ex phrangeleio, quod significat funiculum ex junco plexum, qui vocatur mastix. Observa, qvod ejusmodi mastiga vocaverint φραγγέλειον. Johannis II. de CHRISTO Salvatore: Καὶ ποιήσας φραγγέλειον ἐκ σχοινίων. Qvod vulgatus reddit: Et cum fecisset quasi flagellum de funiculis. Qvanqvam cum hic nominatim addat ἐκ σχοινίων, de funiculis, videantur habuisse etiam de non funiculis, id est, ut ego explico, de loris. Scholiastes Aristophanis in Achæm. pag. 406.

ἱμάνας, λώρως, φραγγέλια. Τὸ γὰρ παλαιὸν φραγγέλαις ἐτύπτον οἱ λογισαὶ τὰς τῆς ἀγορᾶς. *Coria, lora, phrangelia. Apud veteres enim phrangeliis cadebant Praefecti eos, qui in foro.* Locus observatione dignus, qui ostendit, fecisse CHRISTUM ex more ἀγορανόμων sive λογιστῶν, quod adhibuerit φραγγέλιον, seu, ut Scholiastes scribit, φραγγέλιον, in reformando foro rerum venalium. Latinis instrumenta haec sunt *flagra*, seu *flagella*. Glossæ: μάστιξ, *flagellum*. Glossæ aliæ: *Flagellum, μάστιξ*. Atq; ita vulgo. At apud Philoxenum sunt *flagelli*, non *flagella*. Verba ejus: *Flagelli, μάστιγες*. Porro, quoniam ex loris erant coriaceis, hinc in iisdem Glossis antiquis titulo περὶ δερμάτων, id est, *de pellibus*, memorantur. Sed & *scuticarum* inde habebant vocabulum, si vulgo credimus. Scuticam enim exponunt flagellum ex pelle, sive loris. Martialis profectò lib. X.

Scuticaque loris horridis Scythæ pellis.

Et est scutica à Græco σκυτάλη, quæ Suidæ βακλήνη ἀεροπαγής ἢ φραγγέλιον, id est, illud ipsum, quod supra μάστιγα nominabamus, seu flagellum. Distingvit tamen Horatius scuticam flagellumque, illamque facit minus gravem aut molestam, quando ait Sat. I. scen. 3.

Affit

Regula, peccatis quæ pœnas irroget aquas :

Nescutica dignum, horribili sectare flagello.

Quæ sit utriusque differentia, haud liquet. Puto tamen hic intelligi flagellum non simplex, sed plane *horribile*, id est, non ex loris tantum, sed & rebus aliis compositum, de quibus postea dicemus. Vulgo enim eadem fuisse flagella scuticasque, cenleo. Flagella sanè per diminutionem sunt à flagris. At flagra scuticæque velut res eadem leguntur in Glossis: *Flagra, scutica, σκύτη, σκῦτ*. Ubi nota, *flagram* fœminino genere usurpari. Deinde habemus expressè σκυτάλας ab Hesychio φλαγγέλια expositas, quæ non dubitare possumus, quin sint *flagella*, Græcis recentioribus, quippe qui eadem ratione φλαγγέλιον usurparunt pro Latino *flagellare*. Itaque flagella sunt, quæ alias & scuticæ. Verba Hesychii sunt illa: σκυτάλα· βακλήνη· οἱ αἱ ἱερτικαὶ ἰδαὶ καὶ ὄφεων εἰσὶ φλαγγέλια. Ita habet meus Hagenoæ editus. Sed scribendum βακλήνη· ἢ αἱ, vel, ut habet Phavorinus, sine dubio ex Hesychio,

βακλήνη·

βακτηρίας καὶ αἰ. *Scytala, fustes, vel turmæ equestres, vel flagella ex serpentibus.* Per ἰλας ἰσκιὰς, seu turmas eqvestres, intelligit certum schema earum, forma scutulæ. Scutula idem est ac rhombus. Fragmentum incerti auctoris Censorino solitum adjungi cap. 7. *Scutula, id est, rhombos, quod latera paria habeat, nec angulos rectos.* Hinc ergo σκυλάαι illæ acies eqvestres, quæ aliis ῥομβοειδεῖς. At φλαγγίαι ὄφρων existimo hic esse, quæ aliis Furiis tribuuntur. Pacatus noster cap. 42. *Minax umbra ob os ejus oculosque fumantes infernis ignibus tædas, & crepitantia torto angve flagra quatiebant.* Ficta verò hæc ex angvibus videntur, cum propter causas alias, tum quia usitatum quondam fuit scuticas ejusmodi seu flagella facere ex coriis angvillarum, in quarum locum non ineptè Furia serpentes adhibebant. Glossæ Isidori: *Angvilla est, qua coërcentur in scholis pueri, quæ vulgo scutica.* Nota, scuticas hujusmodi *angvillas* appellatas, sine dubio, quod ex pelle angvillarum fierent. Vulgares erant ex corio bubulo. Hinc Plautus in Mostell. Act. IV. scen. 1.

Castigabit eos bubulis exuviis.


In Stich. Act. I. scen. 1. nominavit *monumenta bubula*, quoniam commonefaciunt ignavos aut delinquentes. Græci hac de causa βαπλήας vocarunt. Phavorinus: βαπλήξ, βέκεντρον, ἢ μάστιξ, γινωμένη δὲ πρὸ τῆς μάστιγος. *Buplex, stimulus, aut flagellum factum ex corii segmine.* Loquitur de corio bubulo in lora secto, indeque factum flagellum ostendit, quod est μάστιξ alias, ut superius ostendi. Hesychius: βαπλήξ, μάστιξ. Vulgo βαπλήξ, βέκεντρον, id est, stimulus, quo urgentur boves. Glossæ veteres: βέκεντρον, *stimulus.* Etymologici auctor: Ἀκαινα ἔστι ῥά ἐδ' αὖ, τὸ καλέμενον βέκεντρον. Ostendit, baculum fuisse ita nominatum, sicut supra docebamus, eumque alias & ἀκαιναν vocari solitum. De quo & Hesychius: Ἀκαινα μέτρον τι, ἢ κέντρον ἐν ᾧ ἀροιστῶντες κεντῶσι. *Acena, mensura, vel stimulus, quo arantes pungunt.* Sed præter baculum ejusmodi, stimulantibus bubus factum, βαπλήξ significat & flagellum, ex corio bovino in lora secto, quo verberabant. Aliquando hæc flagella etiam ex pilis leguntur habuisse, præsertim suum vel porcorum, unde quoque ὄσπληγας vocabant. Auctor Etymologici Magni: Ὀσπληξ, φλαγγίον, ἀφελήρα. βέκεντρον. λέγειται ποτὶ τὸ δὲ τῶν τριχῶν

τῶν ὄντων, τῆς τῶν χοίρων γίνεσθαι πλὴν μάστιγα. *Hysplex, flagellum, carceres, lorum, ita dicitur, quod sit flagellum ex crinibus suum, seu porcorum.* Hefychio est ὕσριχis. Verba ejus ista sunt: ὕσριχis, μάστιξ πεπλεγμένη ἐξ ὑέων τριχῶν. *Hystrichis, flagellum, plexum ex crinibus suum.* Et sic Scholiastes vetus Aristophanis in Pace: ὕσριχis, ἢ ἐξ ὑέων τριχῶν μάστιξ. *Hystrichis flagellum ex crinibus suillis.* Observa, quod Hefychius exponat πεπλεγμένην, hoc est, *plexam* ex ejusmodi crinibus. Nam habebant alias ex corio, cui crines adhuc adhærebant. Quod genus Aristophani est ὕσριξ, si est fides Suidæ. Ita enim ipse ait: ὕσριξ, ἐκ δέρματος καὶ αὐτῶν τῶν τριχῶν μάστιξ. *Hystrix est flagellum ex corio cum ipsis adhuc pilis.* Dubitant viri eruditi, quæle corium oporteat intelligi, suisne, an hystricis, quod est Lybiæ animal. Mihi de hystrice nil credibile videtur, cum quia fera est, & peregrina, & captu minime facilis, tum quia non tam τριχὺς habet sive crines, quam κύνες, id est, aculeos. Unde forsitan & auctor Etymologici: ὕσριξ, ὕσριχ, ἢ ἐκ τῶν τριχῶν τῶν ὄντων μάστιξ. *Hystrix, flagellum ex pilis suum.* Facit clarè non ex hystricis aculeis, sed pilis suum hystricem, quos fuisse in ipso corio relictos ex Suida intelligimus. Putamus autem factum hoc partim eo, quo sic essent durabiliora flagella, partim eo, quod acrius urerent, & stimulerent. Habent enim pili tales setæq; aculeorum instar. Quo fine aliquando flagellis addere consueverant & ossa. Apulejus lib. VIII. A sin. *Arrepto deinde flagro, quod semi-viris illis gestamen est, contortis taniis lanosi velleris prolixè fimbriatum, & multijugis talis ovium tessellatum, indidem sese multimodis commulcant ictibus.* Et paulò post: *Cunctis stramentis me renudatum ac de quadam quercu destinatum flagro illo pecuinis ossibus catenato verberant.* Ubi *catenatum ossibus* appellat, quia habebat talos illos longa serie catenæ instar innexos loris, vice frequentium nodorum. Lucianus, unde ista sumsit Apulejus, ita habet: καὶ τὰ σπράμαλά με πάντα περισπασάντες, γυμνὸν ἢ δὴ προσδέσσι με δένδρῳ μεγάλῳ, εἴτα ἐκείνῃ τῇ ἐκ τῶν ἀσφαλῶν μάστιγι παίοιτες. Quod interpretes non intelligens ita reddidit: *Fuste ex nervis facto me ad necem verberant.* Quasi ἐκ τῶν ἀσφαλῶν μάστιξ fustis esset ex nervis. Μάστιξ non est fustis, sed flagellum, ἀσφαλῶν verò non nervi, verum tali. Crates apud Pollucem istiusmodi

flagellum appellavit μάστιγα ἀσραγαλωπῶ. Verba Pollucis lib. X. cap. 12. Παρά ὃ Κράτης ἐν ταῖς ἑορταῖς καὶ ἀσραγαλωπῇ τις μάστιγ ὠνόμασται. Etiam in his Gvaltherus lapsus est: Vertit enim: *Apud Cratetem verò in Festis Flagellum nodosum nominatur*: Cum debuisset, *flagellum talis catenatum* sive *tessellatum*, Apuleji exemplo. Meminit & Eustathius ἀσραγαλωπῶν μάστιγων ad Iliad. 4. item Plutarchus adversus Colotem circa finem, ubi ait: οὐδὲ μάστιγ ὁ ἐλευθέρας δέομεν, ἀλλὰ τῆς ἀσραγαλωπῆς ἐκείνης, ἥ τὴς Γάλλους πλεμμελιῶνας ἐν τοῖς Μηρώοις κολάζουσι. Quæ verba sic interpretes reddidit: *Et ne liberali quidem dignus flagello, sed nodoso illo, quo Gallos in Magnæ Matris sacris delinquentes puniunt*: Cum rectius vocasset *flagellum talis armatum*, vel, ut Apulejus dixit, *catenatum*, cujus locum eleganter hic illustrat, ostenditque hoc solenne Gallorum, sive Sacerdotum Cybeles, Matrisve Deorum, fuisse supplicium per hujus generis flagella. Unde Apulejus quoque, *flagrum, quod semi-viris illis gestamen est*, appellavit. Usurparunt & Parthi, de quorum Rege Posidonius lib. XXIII. tradit, quod amicos, ad cœnam ad se vocatos, eo confveverit castigare. Verba extant apud Athenæum lib. IV. cap. 13. ῥάβδοις καὶ ἱμάσι ἀσραγαλώτοις μάστιγῶται. Quod interpretes ita vertit: *Virgis lorisque nodosis, quia innexi tali sint, verberatur*. Mallet ego: *Virgis, in quibus lora cum implexis talis*. Nam ῥάβδοις καὶ ἱμάσι posuit, non res diversas, verum unam intelligens, flagellum scilicet, ex virga sive baculo & loris istiusmodi concinnato, pro ῥάβδοις ἱμασίναις. Non autem ossibus solummodò, sed & brevibus aculeis ista flagellorum lora veteres armabant. Meminit Constantinus Imperator l. 2. Cod. Theod. de Curfu Publ. Quoniam plerique, inquit, *nodosis & validissimis fustibus inter ipsa currendi primordia animalia publica cogunt, quicquid virium habent, absumere, placet, ut omnino nullus in agitando fuste utatur, sed aut virga, aut certe flagro, cujus in capite infixus brevis aculeus pigrescentes artus innocuo titillo poterit admonere*. Non existimo sermonem esse hic de stimulo, sed vero flagro, id est, baculo cum loris, q̄valis alias flagellum. Hinc enim Philoxenus: *Flagrum, σκῦτ*. Sed nec hodie cessavit penitus istiusmodi flagrorum sive flagello-rum usus. In extremo lori capite addunt ferrum stimulis minutis asperatum

asperatum instar ferri in calcaribus. Sulpicorq; plane ex hac caussa
 μύωπας retulisse inter instrumenta aurigarum Pollucem lib. X. c. 12.
 Τοῖς ἡνίοχοις, αἰτ, κέντρον, μάστιγαν, μύωπων, ἐγκνήριδας. Nam μύωπες seu calca-
 ria alia, qvalia calcibus pedum alligari solent, qvo pacto spectare ad
 aurigas potuerint, non dispicio, qvippe qvi non eqvis, sed vehiculis
 insidere solerent. Nec fortassis aliorum spectant ἐγκνήριδες. Item
 enim alias est ἐγκνήρις & μύωψ. Certè velut singulare ac diversum no-
 tat in equestribus instrumentis ἐγκνήριδας τοῖς ποσὶ καὶ τὰς πτέρνας οἱ ἰσπεύ-
 οντες περιεδύντο, id est, calcaria, qvæ calcaneis pedum eqvitanes alli-
 gant, qvod necesse fuisse non videtur, si id ipsum instrumentum usu
 simili paucis versibus ante prodidisset. Sed nec κέντρον simplex in-
 nuere videtur, cui alias sine dubio subjecisset statim, nec inferuisset
 μάστιγας. Postremo etiam Grotius sic exponit *scorpiones*, qvi legun-
 tur III. Reg. cap. 12. ubi vetus Interpres: *Ego cedam vos scorpionibus.*
Scorpionibus, inquit, id est, flagellis aculeatis ad modum *scorpio-*
num. Solebant autem flagella modò unam teniam, funiculum, vel
 lorum, modò duo plurave habere. De uno res vulgata est. Et agno-
 scit supra Eustathius μάστιγα ἐν ἑμᾶντ & καὶ ξύλε, qvod nisi de uno loro
 accipi non potest. Sed & in antiqvis monumentis ita cernias atq;
 nummis. De pluribus colligimus ex monumentis aliis. Neq; aliam
 ob caussam Johannes de flagello CHRISTI Salvatoris, loco superi-
 us nominato: Φαγγέλειον ἐν σχοινίων, hoc est, flagellum non ex uno,
 verum pluribus funiculis. Non est, ut hic funes cogitemus plexos;
 singuli pro se alligabantur. Unde Martialis etiam de scutica, lib. X.
 ep. 61. *Scuticæque loris horridis scytæ pellis.*

Vocat *lora horrida* unius scuticæ in plurali, & qvidem *horrida* opi-
 nor, qvod essent pilis adhuc obsita & aspera, sicut supra demonstra-
 vimus fuisse usitatum. Qvomodo & Apulejus *flagrum contortis te-*
niis LANOSAE velleris fimbriatum dixit, & tanius plures de flagro
 uno usurpavit. Sed en tibi flagella ex marmoribus veteribus ludo-
 rum Circensium expressa.



Primum flagellum est ex sepulchro marmoreo, in ædibus Colimnensibus ab Onuphrio in figura L propositum. Secundum extat apud eundem in figura G. Tertium est ex tabula Fulginienſi, ibidem p. II. publicata. E quibus discas porro, non eodem modo istas tancias coriaceas seu lora conſueviſſe ad bacillos firmare; Alii namque ea circumligabant capiti, ut ex imagine ſecunda cernitur, alii inferebant veluti in ſummo. Et hæc quidem ſunt flagella veterum. Ad quæ ignoro, an referre debeam & βέρυρα. Meurſius quidem ita habet in Gloſſario: βέρυρα, *flagellum è nervis bubulis*. Sed revera fuit non è nervis bubulis, verum ipſe nervus bubulus, ſicut vox oſtendit. Nervus autem bubulus, bovis genitale, quomodo & alias hoc ſenſu nervus invenitur. Latini *tauream* appellarunt. Quomodo Juvenalis Sat. VI.

Taurea punit

Continuo flexi crimen, facinusque capilli.

Taurea hic nervus bubulus, Græcis recentioribus βέρυρα. Atque ideo in Onomaſtico veteri Petri Danielis apud Turnebum habes: *Taurea, plaga, nervi*. Adde, quæ notaviſus ad Mauritium noſtrum pag. 524. Quamquam aliquando taureæ non tam ex pene bubulo quam corio fuiſſe videantur, & ſic rectè referri poſſe inter flagella. Quomodo ex hac cauſa legimus in Lexico Argentoratenſi: *Taurea, βίος*. Et apud Heſychium eſt, μάρανα, μάριξ, πάρεθ' α, ταυρία, cum ſcribendum ſit, quod pridem viri docti monuerunt, μάρανα, item ταυρία. Sequiturque mox, μάρανα, ἢ ταυρία. Ubi illud ἢ ineptum delendum eſt, locusque ſic ſcribendus: μάρανα, ἢ ταυρία. Verba ſunt deſumpta

desumpta ex veteri Magistro, qui hanc expositionem annotaverat ad locum alicujus Poëtæ, apud quem hoc casu ea vox occurrebat. Cæterum, uterque locus Hesychii ταυρεῖαν exponit μάραγναν, μάραγνα verò μάσιξ. Pollux lib. X. cap. 13. ὁ μὲν τοι Πλάτων ὁ κωμικὸς ἐν Κλεοφῶντι, μάραγναν τὴν μάσιγα ὠνόμασεν. *Plato comicus in Cleophonte flagellum maragnan appellavit.* Sic igitur & ταυρεῖα sive taurea flagellum erit. Verum taurea nonnunquam quoque; *ne vms*, quod est plane βένευρον. Hesychio est κισσηρίς. Sic enim habet: Κισσηρίς, βένευρον. Quod vocabulum videtur ei inditum ab κισσῶ, cujus meminit Etymologici auctor, deducitque à κίειν, velut ea pars, in qua sedes desideriorum atque voluptatis. Sed ad alia procedendum.

Cap. XV.

De axungia & similibus.

Axungia. Unguen. λιπ. Στίαρ. Lexicon Argentoratense corrigitur. Ὀξύριον. Arbina. Hesychii lectio defensa contra Salmasium & Meursium, & explicata. Ἀξέριον. Ἀξέριον. Moschopolus emendatur. Amurca. Sufflumen. A Salmasio dissentitur. Ἀγκύριον τροχῶν. Ἐπιχλεῖς, τροχονέδν. Succula. Comenius rejicitur.

Arima memoravimus, quæ ad equos spectant; restant illa, quæ ad vehicula. Nam cum etiam in illis culpa quædam possit residere, quo minus commodè facileve duci queant, ei occurrendum erit. Culpa ejus maximum in rotis est axeque: Nisi enim volubilitas earum ratione aliquæ juvatur, ægrè solent circumagi, præcipuè, si vehiculum onere aliquo sit grave. Hac de causa pridem cœptum, ut ungantur axes pingvi medicamine, quod *axungiam* Latini nominarunt. Rectè namque Vossius in Etymol. *Axungia ita dicta, quod ea curruum axes ungantur, ut facilius circa eas volvantur rota, brevique tempore majus conficiant spatium.* Et confirmat Plinius lib. XXVIII. cap. 9. *Axungia antiqui maximè axibus vehiculorum perungendis ad faciliorem circumactum rotarum utebantur, unde nomen.* Palladius simpliciter appellat *unguen*, lib. I. t. 17. *Tantum sumes unguinis, quod vocamus axungiam.* Græcis λιπ. est. Tzetzes ad Hesiodum: πλῆμνα εἰς τὰ ξύλα, τὰ πρὸ ἄξονι ἀντερίδοντα, εἰς ἀσμάνας καὶ λιπ. ἐμβάλλουσιν οἱ γεωργοί, ὅπῃ τὰ ταχέως διατρέχειν τὴν ἀπασαν

ἀμαξαν. *Modioli sunt ligna, axi respondentia, in qua sæpius axungiam immittunt agricolæ, ut celerius currere vehiculum totum queat.* Ita Philoxenus: *Axungia*, λιπὸν ἐν ᾧ τὰς ἀξοντας χρίουσιν. In antiquo Lexico Argentoratensi *ῥέας* redditur. Verba ejus hæc sunt: *Axungia*, ῥέας, ὄον. Nempe *ῥέας* & λιπὸν idem. Hesychius: *ῥέας*, λιπὸν, ζῆλον. Sed quid illud ὄον? Mihi non est dubium, quin distinctione sublata legendum sit *ῥέας ὄειον*. Vult nimirum axungiam fuisse ex adipe suillo, quod *ῥέας ὄειον* significat. At Plinius axungiam & Græcos ait nominasse. Ita namque habet loco supra indicato: *Axungiam etiam Græci appellare eum in voluminibus suis.* Verum hoc de Græcis ejus ævi est intelligendum, cum axungia sit vox Latina, sicut ipse fateatur. Sane *ὄξυγλιον* occurrit apud Dioscoridem lib. III. cap. 104. qui aut ejus tempore, aut paulò ante vixit. Sed & alii deinde ita usurpant. Inde habes in Glossario veteri: *ὄξυγλιον, arbina, ungven, ungvina.* Ubi *ungven* usurpatum vides eo modo, sicut apud Palladium. *Arbina* est *arvina*. Lexicon Argentoratense: *Arvina*, λιπὸν. Glossæ aliæ: *Arvina*, λιπὸν ἀνευ σαρκός. Meminit & Hesychius: *Ἀρβινν, κρέας σκελετοί.* Mutant hoc in loco Scaliger & Meursius vocem *κρέας* in *ῥέας*, citra causam, ut opinor. Scilicet *Ἀρβινν* vel *Ἀρβιν* Græcum & Latinum *arvina* est ab Æolico ἄρβιξ, pro quo Latini fecere *arvix*, & postea *arvinus*. Est autem *arvix* idem, & quod alias vocatur *aries*, sicut pluribus ostendit Vossius in Etymologico. Ergo *arvinus*, *a, um*, significabit id, quod est ex ariete. Hoc autem non ad adipem ipsius pertinebit magis, quam ad carnem. Ut mihi dubium non sit, Hesychium per *Ἀρβινν* docere voluisse, Siculos intellexisse *κρέας*, id est, *carnem*, eamque arietinam. Quamquam alias significarit quoque ejus adipem, ut ex superioribus cognovimus. Quo etiam videtur respexisse Hesychius, & cum alias *Ἀρβιν* esset λιπὸν ἀνευ σαρκός, ut supra indicabant Glossæ Philoxeni, docere voluisse Siculis significare quoque *κρέας*. Id quod eo mihi probabilius apparet, quia *ῥέας* nimis longè abit à *κρέας*, cujus tamen sensus non est alienus ab hoc loco. Pro *ὄξυγλιον* dixerunt etiam *ἄξυγλιον* propiore sono. Ita enim reperitur apud Phæmonem, & Alexium Comnenum, sicut Meursius notavit. Sed & est *ἄξυγλιον* apud Moschopulum, cujus hæc

hæc sunt verba: λίπον τὸ ἐν σαρκὶ, ἀξέγκιον. Ita habent editi. Sed distinctio delenda est, cum ἀξέγκιον ad præcedens ἴδ referatur. Hoc vult, λίπον significare adipem carni junctam. Ut sit quædam differentia inter ipsum & ἀξέγκιον. Hoc significare λίπον ἀνευ σαρκός, ut Philoxenus dicebat supra, id est, adipem absque carne, separatam scilicet: Illud verò ἀξέγκιον ἐν σαρκὶ, id est, adipem cum carne. Cæterum, cum axungia Græcis λίπον sit, ut Tzerzes docet, illud verò adipem significet quemcunque, inde colligas, hunc adhiberi solitum in istos usus. Maximè verò laudabatur suillus. Plinius profectò lib. XXVIII. cap. 10. verba superius adducta de axungia retulit ad adipem suillum. Antecedit enim ante omnia: *Proximum in communibus adipis laus est, sed maximè suilli.* Sequuntur postea varii ejus usus. Postremo additur: *Antiqui maximè axibus vehiculorum perungendis utebantur.* Unde illud manifestè discimus. Neq; alia est causa, cur in Lexico veteri axungia exponatur ἑξάρυγιον, ut superius ostendi. Respexisse quoque Martialis huc videtur, quando ait lib. II. ep. 78.

Cosconi, qui longa putas epigrammata nostra

Vtilis unguendis axibus esse potes.

Scilicet adipe unguuntur axes, qui est pingvis. Pingve porro, quicquid fordidum, crassum, stupidum. Nonius: *Pingve postum pro impedito & inepto.* Subdit testimonium Ciceronis ex lib. IV. Academicæ. ubi ait: *Quod ipsi Antiocho pingve videtur & sibi ipsi contrarium.* Et sic Flaccus I. Sat. 3.

Tardo cognomen pingvis damus. -- --

Accedit, quod ad axes usurpetur adeps suillus, suem autem indicare hominem impurum atq; lutulentum vulgo constat. Apud Romanos loco adipis adhibebant aliquando amurcam. Cato de R. R. cap. 97. *Amurca decocta axem ungit, & lora, & calciamenta, & coria, omnia meliora facies.* Plinius lib. XV. cap. 8. tradit eadem, ex eopse Catone. Idem, quomodo decocta fiat, ostendit lib. XXIII. cap. 3. *Multo, inquit, omnis amurca decocta efficacior. Coquitur in cupreo vase ad crassitudinem mellis.* Est autem amurca fordidum illud, quod emergit in oleo. Servius ad Virgilli Georg. I. verbis, *nigra perfundere*

fundere amurca: Olei, inquit, sordibus, sed his, quæ præcedunt. Nam sordes, quæ sequuntur oleum, fæces vocantur. His ergo sordibus decoctis svadet Cato axes ungendos. Quamquam vix existimem, fuisse hoc vulgare. Varro enim lib. I. cap. 49. de amurca: *Ex olea fructus duplex, oleum, quod omnibus notum, & amurca, cujus utilitatem quod ignorant plerique, licet videre è torculis oleariis fluere in agros, ac non solum denigrare terram, sed multitudine facere sterilem.* Si utilitatem amurcæ pleriq; ignorarunt, & ut rem rejiculam passi sunt defluere, vix ad axes adhibuerunt. Deinde nec hoc scio satis, an axungia loco commendarit Cato. Potius putavit roborari, sicut reliquam suppellectilem ligneam, si bibissent altius oleosam hanc amurcam. Videturq; hoc ostendere, quod habet in superioribus, omnia meliora facies. Coria profectò, lora, calciamenta meliora, durabiliora & validiora ibi intelliguntur. Quod proinde pertinuerit & ad axes. Manet ergo axungia veterum ex adipe suillo. Sed an solo, num aucto rebus aliis? Hodie certè picem nauticam alibi, alibi resinam cum cæra una decoquere cum eo consueverunt. Sed hoc veteribus quoq; fuisse receptum, vix opinor. Plinius profectò lib. XXVIII. c. 9. cum axungia, quam memorat ex adipe suillo, medicinas memorat, nil in ea notabile refert præter ramenta ferri ex axe. *Sic quoque, ait, utili medicina, cum illa ferrugine rotarum.* Præter ferruginem rotarum, id est, ramenta ex attritu ferramentorum in modio- lo & axe, indeqve nigras sordes, nil in axungia vulgari memorabile recenset. Atq; istoc quidem est, quo vehiculorum cursum adjuvabant. Quoniam verò aliquando sisti debuit, eo quoq; sine habebant instrumentum. Id vocare *sufflamen* Latini solebant. Juvenal. Sat. VIII.

Ipse rotam adstringit multo sufflamine Consul.

Et qui ejusmodi impedimentum rotæ injiciebat, *sufflaminare* illam dicebatur. Seneca in extremo Apocolocynt. *Aliquando Ixionis miseri rotam sufflaminandam.* Docet uterq; *sufflamen* & *sufflaminare* spectasse ad rotas, easqve adstringendas, & impediendas à circum- actione. Ut mirari satis nequeam Salmasium, qui in epist. de Cruce p. 414. acceperit de furca temonis potius, cum hæc tamen nihil pertinuerit

tinuerit ad rotas. Cæterum, sufflaminare rotas solebant plerumque, cum ex editiore loco descendendum esset ad depressiorem. Tum enim metus erat, ne rota nimio cursu circumacta vel in iumenta faceret impetum, vel vehiculum ipsum subverteret. Hinc locus Augusti in Haterium, cujus meminit Seneca Procem. IV. Contr. *Tanta erat Haterio velocitas orationis, ut vitium fieret. Itaque divus Augustus optimè dixit: Haterius noster sufflaminandus est, adeò non currere, sed decurrere videbatur.* Bene non currere, quia fit in plano, & cum iusto temperamento, *sed decurrere*, quia fit ex superiori loco ad inferiora, & propterea cum immodica præcipitatione, ob quam sufflamen adhibendum. Meminit ejusdem dicti D. Hieronymus Epistola ad Pammachium: *2. Haterius ingenium in numero habebat, ut sine monitore tacere non posset, de quo egregiè Cesar Augustus: Quintus, inquit, noster sufflaminandus est.* Rotæ scilicet instar, quæ decurrens sine sufflamine stare non potest. Græcis est ἀγκύριον ἀμάξης vel τροχῶν. Philoxenus: *Subflamen, τροχῶν ἀγκύριον, βοήθεια, κέφισμα ἀμάξης.* Solebat autem fieri ex ferro. Sic nos docet Scholiastes vetus ad prædictum Juvenalis locum. *Sufflamen, ait, vinculum ferreum, quod inter radios mittitur, dum clium descendere cæperit rheda, ne celeres rotæ sequantur, & animalia vexent.* Lubinus ad eundem locum catenam putavit fuisse. Ita namq; ait: *Rotam sufflamine stringere, est catenam rotæ injicere, ne currus è declivi monte descendens in præceps feratur.* Et huc facere videtur, quod appellat *vinculum* Scholiastes. Quamquam mea sententia fuerit non catena simplex, sed uncata, sive talis, quæ in capite haberet uncum ferreum, qui injectus radio rotam non sinebat circuire. Id quod colligo ex Philoxeni interpretatione, cum ἀγκύριον significet quid curvum & uncatum. Contra Vossius existimat fuisse lignum. Sic enim habet in Etymol. *Dicitur sufflamen de ligno, quo currus in declivibus locis nimio impetu ruentes cohibentur.* Nempe aliquando lignum quoque sive fustem inter radios rotarum immittebant, ut earum sisterent circumactionem. Ita discimus ex Eustathio Odysl. 4. ubi ait: *Φασὶ ὃ ἐποχλία τὸ διαβαλλόμενον ξύλον διὰ τῶν τροχῶν, ὅτε καὶ ἄλλαι τόπως ἐχρησίζοντο, ὥστε καὶ αὐτὸς ἐκρήχειν καὶ πρᾶνός, ὅτι βλάπτει τὸ ζεύγε.* Vocant autem epo-

chlea lignum, quod per rotas trajicitur, cum ad declivia loca ventum est, vetans eas decurrere per precipitia cum detrimento jugalium. Observandum est à Græcis lignum illud dictum ἐποχλέα. Athenæus lib. III. cap. 21. Οἶδα ὃ καὶ Ἡρόδην τὸν Ἀττικὸν ῥήτορα ὀνομάζοντα τροχοπέδην τὸ δια-
 βαλλόμενον ξύλον διὰ τῶν τροχῶν, ὅτε καλάνηεις τόπῳς ὁδὸν ἔχουσιν ἐπορεύετο, καὶ τοὶ Σι-
 μαριῆς ἔν τοις συνωνύμοις ἐποχλέα τὸ ξύλον τῆτο ἐπονομάσαντι. *Herodem Atti-
 cum Rhetorem ego quidem scio trochopedem appellasse lignum, quod per
 rotas trajicitur, cum per loca declivia curru vectus iter facit, quamvis
 Simaristus in Synonymis lignum hoc epochlea nominarit.* Vides plane
 lignum fuisse instrumentum hoc, dictumq; Græcis ἐποχλέα. Fuisse
 verò singulare, quod Herodes Atticus id nominarit τροχοπέδην, qua-
 si quod rotas impediat. Neq; enim ante ipsum quisquam ita nuncu-
 pavit. Quod autem apud Philoxenum sufflamen, explicatur etiam
 βοήθεια, item κέφισμα ἀμάξις, id fit sine ratione. κέφισμα enim est, quod
 levat. Glossæ: κέφισμα, *levamen*. At sufflamen non levabat, potius
 impediabat. Et quid? si dicamus aliud quid habuisse Philoxenum
 in animo, cum ista scriberet. Nempe id, quod à vehiculi extremo
 collocatur, ne, cum enitendum est ad altiora, ipsa volubilitate rota-
 rum relabatur. Lignum est & ipsum, teres, à capite armatum ferro
 bifurcato, quod pone tractum sequitur, cum vehiculum procedit,
 at cum recedit, furca terræ immissa, cursum omnem impedit, nec
 permittit illud relabi. Nisi potius ad machinulam referri debet,
 quæ vehicula sublevabant, cum vel fractus esset axis, vel eximenda
 rota, vel ipsum è fossa erigendum. *Suculam* Latinè reddidit Comœ-
 nius. Verum longè aliud quid succula fuit, nempe machina generis
 tractorii, constans tereti ligno, duobus pluribusve vectibus traje-
 cto, utrinque æqua extantibus longitudine. sicuti Budæus tradidit.
 Effigies illius cernitur in Notis ad Vitruvium pag. 209. Editionis
 Elzevirianæ. At machina, de qua ego loquor, non est generis tra-
 ctorii, sed elevatorii, quod in altum erigit. Ferrum est denticula-
 tum, longum, à summo furcatum, ab imo leviter inflexum. Id intra
 stipitem ligneum oblongum arcuè conclusum erigitur beneficio
 rotularum, per dentes ferri decurrentium, quas homo validus ansa
 ferrea in gyrum versa pro arbitrio circumagit. Germani mei vo-
 cant

cant *eine Winde*/ à vertendo, quia conversione crebra ferrum longum procedit receditve, prout ratio negotii videtur postulare. Quamquam, quæ de verbis Philoxeni adferimus, nobis ipsis sint incerta dubiaque. Cum has machinas veteribus fuisse notas ambigamus: Certè veterum sciamus neminem, qui earum aliquam fecerit mentionem.

Cap. XVI.

De vehiculorum ornamentis.

Ἄρματα ποικίλα. Ornamenta vehiculorum ex ære, plumbo albo, stanno, argento, auro. Aurea vehicula nulla. Ex argento calata. Calare, in argento calare, quid. Vehicula auro distincta. Staticulum, quid. Sigillum. Eborata vehicula, gemmata. Politiani versio notata. Isidorus emendatus. Instrata vehicula. Sternere arceram. Rotæ aeneæ auro cultæ. Axis ferreus. Temo argenteus. Iugum aureum. Incoquere argentum. Habena aurea. Bractea in habenis. Frana aurea. *Ἄρμα χρυσοχάλινον.* Interpres vetus Esra notatur. Strata equorum aurea & purpurea. Phalera. Monilia gemmata. Pectoralia aurata. Iunctura argentea. Meursii lapsus. Sublimia ornamenta. Crines equorum inter aures collecti in nodum. *Χρυσάμυνοι.* Solea argentea, aurea. Mula unius coloris. Coloris candidi. Lucianus explicatur contra Erasmus. Mula unius magnitudinis. Iulius Africanus exponitur. Mula bene saginata. Muliones cum vestitu albo, coccineo, &c.

Venio ad vehiculorum ornamenta: Nam & ipsa exornabant variè temporibus antiquis. Inde legas apud vetustissimum Homerum *ἄρματα ποικίλα* non uno loco, quæ intelligi vix possunt, nisi diversimodè exculta atq; exornata. Hesychius: *Ποικίλα, πεποιημένα, κεκαλλωπισμένα.* Pæcila, variegata, exornata. Fuerunt verò illa ornamenta olim ferè ærea. Hinc enim apud dictum Poëtam Il. Δ. *ἄρματα ποικίλα χαλκῷ*, currus ære ornati. Similiter habemus locis aliis. Ut Il. K. petit Dolon ab Hectore præmii loco sibi dari Pelidis

-- *τὸ ἐῖς πᾶν τε καὶ ἄρματα ποικίλα χαλκῷ.*

Inveniuntur tamen & ex plumbo albo apud ipsum. Ut Il. 4.

Ἄρματα ὃ χρυσοῦ πεπικασμένα καὶ σίρρωτε.

Vertunt: Currus autem auro ornati stannoque. Sed καὶ σίρρων est plum-

plumbum album. Plinius lib. XXXIV. cap. 16. *Pretiosissimum plumbum candidum à Græcis appellatum cassiteron.* Et mox: *Plumbum album habuit auctoritatem & Iliacis temporibus teste Homero cassiteron ab illo dictum.* Quibus verbis respexisse ad hunc locum videtur.

Quamquam & stannum veteres adhibuerint, sed postea, & invento Galliarum, fuitque stannum illud incoctum æreis operibus in vehiculis, ut liquet ex ejusdem Plinii dicti libri cap. 17. Homerus in superioribus addebat etiam χρυσῶν, unde constat ista ornamenta aliquando quoque aurea fuisse. Atque ita videas apud eundem Il. K. in vehiculo Rheii Thracum Regis:

Ἄρμα δέ οἱ χρυσῶ τε καὶ ἀργύρῳ ἐν ἔσκηπαι.

Currus autem ei auro & argento scite fabricatus est. Nota, & argentum adhiberi solitum hoc fine. A Latinis, nisi fallor, hæc vehicula *arata*, *argentata* vel *aurata* dicta. Lampridius in Heliogab. *Habuit vehicula & aurata, contemptis argentatis & aratis.* Vopiscus in Aureliano: *Dedit potestatem, ut argentatas privati carrucas haberent, cum antea arata vehicula fuissent.* Erant autem ornamenta hæc vel sparsim hic & illic affixa vehiculo, vel eidem undiquaque inducta. De posteriori genere accipio παρχρῦσες δίφρους Myrtili apud Sophoclem in Electra:

Μυρτίλ & ἐνοικμάθην

Παρχρῦσων δίφρων.

Ratallerus ita vertit:

Præceps datus ex aureis

Provolutus est quadrigis.

Sed vehicula tota quidem aurea non existimo habuisse: inducta solum ornamentis aureis fuere. Ideò παρχρῦσες appellavit, quasi essent, quæ haberent aurum non per omnia, sed in certis tantum partibus. Ita sanè παρχρῦσον οἶκον Dianæ Ephesiæ appellat Aristophanes in Nubibus Act. I. scen. 6. quæ tamen tota aurea non fuit. Scholiastes optime illo loco: *Παρχρῦσον οἶκον λέγει τὸν πολυτελέστατον ναόν. Ἀνθεῖαν per omnia ad eam vocat templum exquisitissime cultum & ornatum.* Ita ergo & δίφρ & παρχρῦσ, exquisitissime ornatus currus: Quomodo & ὀλέχαλκον βεδίον alibi ostendimus accipiendum non de prorsus ænea rheda, verum ære undiquaque inducta ornataque. Quæ verò

qualiaque

qualiaq; fuerint ex auro, metallisq; cæteris, illa ornamenta, non est promptum satis dicere. Apud Plinium quidem ita legitur lib. XXXIII. cap. 3. de Romanis: *Nos carrucas ex argento calare invenimus.* Curtius quoq; de vehiculis Darii lib. III. cap. 3. *Haud procul erant vehicula decem, multo auro argentoque calata:* Verum, qualis ea fuerit cælatura, non commemoratur. Puta tamen *argento*, vel *ex argento calare*, nil significare aliud, quam effigies argenteas eminentes extantesq; facere in vehiculis. Hoc enim & alias Latinis est *calare*. Sic *calata pocula* intelliguntur. Et apud Livium lib. IX. *scuta habes auro calata*, quæ sunt culta imaginibus variis ex auro eminentibus & protuberantibus. Ita ergo & vehicula habebant culta ornataqve. Ipsa erant per se ex ligno, more solito. Huic deinde ligno cælatae imagines variarum rerum, florum, animalium, hominum, Deorum, ex ære, argento, auro, addebantur. Atq; hoc, opinor, est, quod volebat Plinius, quando dixit, *cælata ex argento*. Non erant vehicula ipsa argentea, & imagines deinde expressæ cæto, hoc enim *cælare in argento*. Quomodo Virgilius *Æn. I.*

Calataque in auro fortia facta patrum.

Sed imagines solæ cæto erant formatae ex auro argentove, ac impositæ vehiculis. Hinc apud eundem Curtium de vehiculo Darii legimus, *utrumque currus latus Deorum simulachra ex auro argentoque expressa decorabant.* Sola illa simulacra erant aurea & argentea, non currus ipse totus. Nam *expressa* hoc in loco quidem non sunt alia, quam *calata*. Vopiscus iccirco vehicula istiusmodi vocavit *auro argentoq; distincta*, in Aureliano: *Currus regii tres fuerunt. In his unus Odenati argento & auro operosus atque distinctus: Alter, quem Rex Persarum Aureliano dono dedit, ipse quoque pari opere fabricatus.* Habes & hic currum Persicum, à Persarum Rege dono datum, ac propterea haud dubie formatum ea specie, qua solebant apud Persas. At fuit non argenteus vel aureus, verum auro argentoq; distinctus. Qui autem est *distinctus*, nisi hic illicqve variis imaginibus ex auro argentoq; cælatus? Adornatum auro argentoq; nominavit Curtius lib. X. cap. 1. ubi de opibus Persagadae, qui & ipse Persicæ fuit originis: *Equorum domiti greges sequebantur, currusque argento*

& auro adornati. Neq; aliter intelligenda verba Plinii superius laudata, ubi de vehiculorum ornamentis loquebamur stanneis. *Cæpere*, inquit, *& effeda, & vehicula, & petorrita exornare, similique modo ad aurea quoque, non modo argentea staticula inanis luxuria pervenit, quæque in scyphis cerni prodigium erat, hæc in vehiculis atteri, cultus vocatur.* Ridiculè hoc loco viri docti *staticulum* exponunt *currus genus.* Quæso enim, quomodo, si genus fuit currus, potuisset atteri in vehiculis, quod Plinius testatur. Currus certè non est in vehiculo, sed ipse sibi est vehiculum, nec in vehiculo atteritur, sed atteritur, si atteritur, per se ipse. Sed nec, si genus fuit currus, cerni potuit in scyphis. Nec enim ulla genera vehiculorum, quæ imponi scyphis poculisve consueverunt. Ac ne illos quidem rectè puto facere, qui *staticulum* signare volunt *effedi anteriorem partem, in qua firmus & status manet, qui habenas equis regit.* Non enim magis pars hæc, quam vehiculum integrum, cerni terive in scyphis solebat, quod tamen de staticulis confirmat Plinius. Contra staticula Plinio imagines & emblemata, qualibus ornari atq; incrustari multis scyphis apud veteres solebant, atq; unde maximâ accipiebant admirationem æstimationemque. Ciceroni sunt *sigilla*, & scyphi eis ornati *scyphi sigillati.* Verba ejus in Orat. VI. Ver. *Quum sederem domi tristis, accurrit Venerius, jubet me scyphos sigillatos ad Prætorem statim afferre.* Hic profectò scyphi sigillati, in quibus cernebantur staticula, sicut Plinius loquitur. Nempe staticula sunt à statuis, pro quibus iccirco usurpavit Hieronymus: *Vxor Loth fit staticula salis.* Pari sensu legas apud Tertullianum adversus Gnost. cap. 2. aliisque locis. Et quia statuis parvis, sigillis, imaginibus, sive ex toto, sive ex dimidio speciem suam exhibentibus, adornabant scyphos, sicut effigies ipsorum Bayfio in libello de Vasculis exhibitæ testantur, iccirco Plinius staticula cerni memoravit in scyphis. Qualia deinde staticula transferebantur etiam ad effeda, & petorrita, & id genus alia vehicula, artificiosissimè cælata, & crustarum instar hic illic imposita, unde postea vehicula ipsa cælata dicebantur. Solebant autem hæc staticula vel sigilla fieri non ex metallis solum, sed

& rebus aliis, ut ebore. Hinc *eborata vehicula* Plauto quoq; memorata in *Aulularia* Act. II. scen. I.

Clamores, imperia, eborata vehicula, pallas, purpuram.

Lampridius in *Heliogab.* *Habuit gemmata vehicula & aurata, contemptis argentatis & eboratis.* Memorat hoc loco Lampridius etiam *gemma*, id est, gemmis pretiosisq; lapidibus distincta. Id enim propriè *gemma* Latinis. Philoxenus: *Gemma*, φηφω-
τὸν, διαλίθων. Herodianus nominat διαλίθων πεποικιλμένον lib. V. ubi de hujusmodi *Heliogabali* vehiculo: Συγκαθεσθεὶς αὐτῷ ἐν τῷ βασιλικῷ φο-
ρεῖω, ὅπερ διὰ χρησῆ πολλῆ καὶ λίθων τημάτων πεποικίλιο. Vertit Politianus: *In vehiculo imperatorio confidente, quod erat auro multo gemmisque exornatum.* Quamquam, cum φορεῖον alias lectica quoq; sit, dubitari hoc de loco posset, nisi de vehiculis *Heliogabali* gemmatis etiam Lampridius testaretur. Habebant ergo & *gemma* *vehicula* *Romæ*, saltem *Heliogabali* temporibus; Aliis enim temerè non legas. Nam *Aureliani* peregrina fuere, *Odenati* scilicet, & à *Persarum* Rege missa dono. *Vopiscus* sic de ipsis, triumphum *Aureliani* describens, cap. 33. *Currus regii tres fuere. In his unus Odenati, argento, auro & gemmis operosus atque distinctus: Alter, quem Rex Persarum Aureliano dono dedit, ipse quoque pari opere fabricatus.* Tamen & de curru *Constantii*, quo intravit urbem, *Ammianus* lib. XVI. *Insidebat aureo solus ipse carpento, fulgenti claritudine lapidum variorum, quo micante lux quaedam misceri videbatur alterna.* Tribuit alias & *Uranix* *Deæ* *Politianus* in versione sua. *Ipsū porro Dei simulacrum impositum vehiculo, quod esset auro pretiosis que lapidibus exornatum, deducebat ex urbe in suburbanum,* ait. At *Herodianus* aliter: Τὸν ὃ Θεὸν, inquit, αὐτὸν ἐπιστῆσας ἄρματι χρυσῷ τε καὶ λίθοις τιμιωτάτοις πεποικιλμένον καλῆς ἐν δὲ τῆς πόλεως ἐπὶ τὸ παραστῆσαι. Quæ verba docent, non currum, sed simulachrum Dei auro gemmisque fuisse cultum: Cum πεποικιλμένον non ad ἄρματι, quo cum casu minimè convenit, sed Θεὸν sit referendum. Imitatione tamen istiusmodi vehiculorum postea *Prudentius* in *Psycomachia* tribuit *Luxuriæ*:

-- -- *Currum varia gemmarum luce micantem.*

Et hi quidem sunt ornatus, quibus culta Regum, Principum, aliorumve

rumve virorum magnorum, vehicula videntur. Reliquorum communiter fuere picta. Primis quidem temporibus veneto, post ruffato colore. Ita sanè de pilentis Servius ad Virgil. VIII. Æn. v. 666. *Erant autem tunc veneti coloris, non, ut nunc sunt, ruffati.* Repetit hæc eadem Isidorus lib. XX. cap. 12. nisi quod pro *nunc* malè hodie legatur *tunc* in vulgatis libris. Color venetus est pallidè virens, ac quasi vitreus, similis marinis fluctibus, propterea *κυανε* à Græcis appellatur. Nominarunt & cæruleum. Isidorus lib. XVIII. cap. 41. *Iunxerunt equos venetos aquis vel aëri, quia cæruleo sunt colore.* Equi veneti cærulei dicuntur esse coloris. Itaq; venetus color cæruleus est, talemq; veteres in vehiculis habuere. Videtur allusisse Virgilius, quando de vehiculo Neptuni lib. V.

Cæruleo per summa levis volat aquora curru.

At ruffus color, qui successit veneto, est *ρῥῶδες*, qui Latinis alias & luteus, qui hodieq; in vehiculis ad usum revocari cœpit. Ante magis frequens fuit ruber, qui veteribus est *μινιακός* sive miniacijs. Quamquam & priscis temporibus apud Romanos in Capitolio Iupiter in quadriga miniacea legatur, uti docet Servius ad Virgilii Ecl. VI. Possis credere instrata quoq; vehicula tapetis aut linteis apud veteres. Hinc enim fortasse Paulus l. 5. §. 1. ff. de supell. Leg. *De tapetis autem vel linteis, quibus insternuntur vehicula, dubitari potest, an sint in supellectile.* Neq; alio respexisse putes Sextum Cæcilium apud Gellium lib. XX. cap. 1. ubi de arcera: *Arcera vocabatur plostrum tectum undique & munitum, quasi arca quadam magna vestimentis instrata.* Et in lege veteri apud eundem ex tabulis duodecim proposita *sternere arceram* est vehiculum vestimentis ita adornare. Quamquam de tapetis, vestimentis, linteis hujusmodi non sciam satis, an ad decus pertinuerint. Videntur sanè magis supernè imposita pluvie arcendæ causa, sicut hodieq; tegi alicubi non corio solum, sed & panno viliori consueverunt. Certè tectum undiq; vehiculum Cæcilius hic memorat, & tectum vestimentis. Neq; alia est causa dubitationis in proposita Pauli lege. Nempe, quoniam tapetes tegumenta illa fuerant, poterant videri sicuti toralia in supellectile connumeranda. Quia tamen operiebant atq; involvebant ve-


hicu-

hicula, ideò dicuntur se habere potius sicut pelles, quibus involvuntur vestimenta. Nec enim est ratio alia, cur pellibus ejusmodi à Paulo comparentur. Sed de istiusmodi vehiculorum tectis loco alio. Interea vix dubito, quin & ipsis in vehiculis quandoq; ornatus splendorisq; causa habuerint tapetes aliaque id genus vestimenta pretiosa. Video nimirum talia circumdata vehiculo Imperatorio Heraclii, quod in nummo veteri exhibetur apud Lipsium de Cruce. Suntq; ibi non picta solum, sed & gemmis margaritisq; culta. Nam Homerus velle aliud videtur, quando de vehiculis Lyaonis II. E. *Currus*

Καλοὶ, πρωτοπαγεῖς, νεοτευχέες, ἀμφὶ δὲ πέπλοι

Πέπλωναι. -- -- -- --

Pulchri, recens compacti, nuper facti, circum verò stragula expansa sunt. Scholiastes quidem vetus sic ad locum hunc: περὶ αὐτῶν πέπλοι. Πέπλοι δὲ λεπτοὶ ὑφάσματα. *Circum eos pepli, sunt verò pepli vestes tenues,* quasi tenuibus & subtilibus his vestibus fuerint ornati. At Eustathius: πέπλοι δὲ τὸ ἱμάτιον ἐστὶ ἐλαφύτα, ἀλλὰ ὑφασμά τι σιν δονοειδῆς καὶ ἀπὸ τῶν νύμενον τῶν δίφρων εἰς ἀπόβησιν καπνῶ καὶ κόνεως, καὶ τῶν τοιούτων. Vult, nisi fallor, tantum storeas fuisse, quas vehiculis domi repositis circumdabant, ne inquinarentur à fumo pulvereque. *Peplus, ait, non est vestis hic, sed textum secundum aliquos ex arundinibus, curribus circumdatum, ut arceat fumum, & pulverem, & id genus alia.* Neq; alia interpretatio convenire cæteris hujus loci melius videtur. Certè ornata fuisse vestimentis etiam, cum starent domi, vero non est consentaneum. At regi contra quaslibet injurias istiusmodi storeis ne quidem hodie ignotum est. Præter hæc habebant aliquando alia quoq; ornamenta. Ipsa namq; vehicula per se lignis eminentioribus, velut regulis, cymatiis, toris, coronis, & ejusmodi, decorabantur circa oras. Ita habes cultas bigas quadrigasq; partim apud Philippum Rubenum lib. I. Elect. cap. 30. partim apud Onuphrium Panvini-um in imaginibus variarum tabularum, unde istas quoq; huc transulimus.



Simili ratione in Notitia Imperii carruca Præfecti urbis variis ornata cernitur, five globis, five orbibus; habetqve sculpta velut delphinorum capita, in longas squamas desinentia ex utroq; latere. Achæc quidem ornamenta ipsorummet sunt vehiculorum. Seorsum verò legas rotas aneas, cum circulis aureis & canthis æreis in curru Minervæ apud Homerum II. E. Apud Ovidium lib. II. Met. in vehiculo Solis est :

--- -- --- *Aurea summa*
Curvatura rotæ, radiorum argenteus ordo.

Prudentius in Psychomachia facit currum Luxuriæ habentem

--- -- --- -- *Radiorum*
Argento albertem seriem, quam summa rotarum
Flexura electri pallentis continet orbe.

Eodem in curru memorat

Et solido ex auro pretiosi ponderis axem.

Imitatione quadam currus Solaris apud Ovidium, ut puto, cui & ipsi *Aureus axis erat.* --- -- ---

Apud Homerum axis potius est ferreus in vehiculo Minervæ, ut firmior, oneriq; ferendo convenientior, maximè, cum ad prælium accommodandus currus esset. Idem Homerus in vehiculo eodem

dem temonem facit argenteum, qui apud Ovidium est aureus. Facit & jugum aureum, quod apud Ovidium est ornatum gemmis.

Per juga chrysolithi, positaque ex ordine gemma

Clara repercusso reddebant lumina Phæbo.

Et révera tale fuit in vehiculo Darii, de quo Curtius lib. III. cap. 3. *Distinguebant internitentes gemmae jugum, ex quo eminebant duo aurea simulachra cubitalia.* Loco aurigemmarumq; adhibebant alii plumbum album, solebatqve illud incoqui æneis præsertim jugis. Plinius lib. XXXIV. cap. 17. *Plumbum album incoquitur arcis operibus, Galliarum invento, ita, ut vix discerni queat ab argento, eaque incoctilia vocant.* Deinde argentum incoquere simili modo capere, equorum maxime ornamentis jumentorumque jugis *Alexia oppido: Reliqua gloria Biturigum fuit.* Hic incoquere argentum vel plumbum album jugis æneis nil aliud, quam, cum fundi debent, cocto ari & liquefacto plumbum tale vel argentum addere, ut plus splendeat, penitusq; accipiat argenti colorem. Præter vehicula, illorumq; partes, etiam adjuncta ipsis animalia exornabantur. Habenas profecto legimus in ipsis aliquando aureas, unde currus ipsi Græcis χρυσήνιοι. Hefychius: χρυσήνιος, χρυσᾷ νήϊας ἔχων, οἷον καλὰς. Aliquando bracteas solummodo addebant aureas argenteasve. Unde Prudentius in Luxuriæ curru commemorat

Bracteolis trepitantia lora.

Fuerunt hæ bracteolæ clypeolorum instar aut claviculorum, sicut suspicamur ex Notitiâ Imperii, in qua occurrunt hac effigie in eqvis carruchæ superius memoratæ. Habenis addebantur fræna aurea. Meminit Cassianus de Reg. Cænob. Æg. in vehiculo duorum tribunorum: *τρεῖς τινες δύο μὲν πολλὰ κόμπη εἰσεληλυθισαν, ῥέδιον, ἔχοντες ὀλόχαλκον, καὶ χρυσοχαλίνες ἵππους.* Tribuni quidam duo vehabantur multa cum pompa, rhedam habentes totam aratam, & equos cum frænis aureis. Apud Esram lib. III. cap. 3. eqvi sic ornati appellantur ἄρμα χρυσοχαλινον, quod Interpres vetus male vertit currum aureo fræno. Meminit & Virgilius in eqvis Æneæ missis dono ad vehiculum seu currum. Sic enim de ipsis:

Tecti auro, subvum mandunt sub dentibus aurum.

Dicit autem amplius Virgilius, tectos quoque auro equos illos fuisse, hoc est, habuisse vestes ex auro, quibus erant operiti. Quare antecedit quoque :

Iubet ordine duci

Instratos ostro alipedes pictisque tapetis.

Idem Seneca accommodat ad vehicula suorum temporum ep. 87.

Quid, ait, ista vehicula celata, instrati ostro alipedes? &c. Ornabantur & phaleris, ut ex eqvis Solis liquet apud Prudentium, cujus verba mox adducam. Fuerunt autem phaleræ clypeoli rotundi, quos in fronte habebant. Etymologus: *Φάλαρα τὰς πορομειωπιδίαις, ἀσπιδίσκου, πλὴν κόσμωσιν, πλὴν καὶ τὸ μέσῳ των ἰσχυίων.* *Phalera, frontalia, clypeolos, ornamenta in fronte equorum.* Item monilibus circa collum. Diodorus lib. XVIII. de mulis in curru, quo cadaver Alexandri Regis deferebatur in Ægyptum: *Περὶ ὃ τὰς τραχήλους χλιδῶνας λιθοπολλήτας.* *Habebant circa collum monilia gemmis distincta.* Atque ista sunt, quæ instar fasciorum circa colla equorum cernuntur in antiquis monumentis, & superius ex columna Trajani à nobis cap. 13. sunt expressa. Tum accedebant lora in pectore, auro multo culta. Hinc Prudentius in vehiculo Solis, quod describit lib. I. contra Symmachum: *Et frænos phalerasque, & equorum pectora anhela*

Aëris inaurati, vel marmoris, aut orichalci

Insenserunt nitido fulgere polita metallo.

Atque ita videas plane in dictis aliquotiens Notitiæ Imperii quadrigis. Neque alia horum omnium est species in eqvis vehiculo Imperatoris Heraclii junctis. Nisi bis decurrentem per lora omnia orbicularum seriem margaritas accipere malimus. Illud singulare, quod hæc ornamenta Prudentius faciat non ex ære solum orichalcove inaurato, verum etiam ex marmore. Nec enim intelligo satis, quomodo ex eo fieri potuerint. Leguntur etiam juncturæ, quibus ad vehiculum destinantur, ex argento. Inde sunt *juncturae argenteæ* apud Ulpianum, de quibus egi satis in superioribus. Capitolinus in Verò, cap. 5. *Data & vehicula cum mulabus ac mulionibus cum juncturis argenteis.* Cum juncturis aureis citavit Meursius in de Luxuria Romana cap. II. memoriam vitio, ut opinor. Quamquam forte

non

non defuerint, quæ haberent etiam ex auro. Apud Gaudentium profectò tr. 13. leguntur ornamenta aurea eqvorum mulorumque, quæ intelligi aliter, quam ut simul & juncturas innuant, vix possunt. *Brutis quoque, inquit, animalibus, equis & mulis, ex argento & auro sublimia ornamenta componunt.* Sunt hic sublimia ornamenta, nisi fallor, pretiosa & eximia, propter auri argentiq; copiam, quam habebant adjunctam. Ad hæc omnia crines quoq; animalium collectos in unum colligatosq; ac erectos aureis funiculis in fronte habebant, eratque vetustissimum hoc ornamentum, Iliacis etiam cognitum usurpatumq; temporibus, unde χρυσάμπυκας eqvos sic ornatos Homerus appellavit, II. E. Scholiastes vetus eo loco: χρυσάμπυκας, χρυσεχαλίνες, δὲ τὸ μέγας, ἢ χρυσοκόμης. Κυρίως γὰρ ἀμπύξ καλεῖται σείρα καὶ ἀχρυσὸς ἢ δὲ τὸ μελῶπις τινομένη, ἢ συνδένειαι αἱ τρίχες. *Chrysampycas, aureos habentes frenos, à parte, vel comas aureas.* Propriè namque ampyx appellatur funiculus auratus, à fronte extensus, quo colligantur crines. Eustathius: Ἀμπύξ ἐκαλεῖτο σείρα καὶ ἀχρυσὸς τὰς δὲ τὸ μέτωπον τῶν ἵππων τρεῖς συνδέεσα. *Ampyx dictus est funiculus auratus, quo crines in fronte equorum colligantur.* Crines hi funiculis istis erant subrecti in altum, ut inter aures surgerent instar pennarum. Hesychius: χρυσάμπυκος, χρυσεὶς δισμὲς ἔχον, ὡς τὴν ἀμπυκα, ὅ ἐστιν ἡ τῶν τριχῶν εἰς τὸ ἀνω ἀνάληψις. *Chrysampycos, aureos funiculos habentis, ex ampyca, quod est crinium quedam in altum collectio.* Pedibus mularum suffigebant aliquando soleas argenteas. Ita sanè de Nerone Suetonius cap. 30. *Nunquam carrucis minus mille fecisse iter traditur, soleis mularum argenteis.* Conjux verò ejusdem fecit etiam ex auro. Plinius lib. XXXIII. cap. 3. *Nostra atate Poppea, conjux Neronis Principis, delicatioribus jumentis suis soleas ex auro quoque induere solebat.* Eqvi mulæq; unius omnes plerumq; fuerunt coloris, nam & hoc inter decora vehiculorum atq; ornamenta pridem cœpit numerari. Hoc respectu Seneca ep. 87. *Quid ad rem pertinent mula saginata, unius omnes coloris?* Sicut nempe vulgo consueverant habere. Curtius de vehiculo Jovis apud Persas lib. III. cap. 3. *Currum deinde Iovi sacratum albentes vehebant equi.* Virgilius de Turni curru & adjunctis illi eqvis lib. XII.

Qui candore nives antērent, cursibus auras.

De triumphantibus apud Romanos Servius ad lib. IV. *Æn. Qui triumphat, albis equis utitur quatuor.* Etiam privatorum ista fuit cura. Hinc Abdias lib. III. *Nicolaus, quidam ex civium numero, exhibens carrucam deauratam, cum quatuor mulis candidis.* Observa simul ex his locis, inter cæteros colores antelatum esse candidum. Itaq; & Lucianus optimates Romanorum describens in de Mercedē Cond. Ἀποδιδμεν ὅτι λευκὰ ζεύγῃς ἐξυπιδόστας. Ubi perperam Erasmus reddidit *rhedam albam*: Peregrinari alba in rheda resupinatos. Cum debuisset vertere: *Sublatos in vehiculum ab albis tractum equis.* ζεύγῃ enim non est *rheda*, verum par jugalium, quod alibi ostendi. Fuitq; hæc de eo sententia non recens, verum vetustissima, ipsiq; cognita Homero, qui propterea de Rhefi Thracum Regis vehiculo equisq; Il. K.

Λευκότεροι χιόνι, θετείν δ' ἀνέμοισιν ὁμοῖοι.

Candidiores nive, ad currendum autem ventis similes. Magnitudo quoq; spectata videtur, & ut essent omnes equi mulive pares. Hinc enim Julius Africanus l. 34. ff. de *Ædil. Edicto quadrigas & mulas PARES* memorat, quæ simul vendantur & redhibeantur omnes. Scilicet, si ex his perit una, cæteræ etiam fiunt inutiles, quia pari magnitudine substituere aliam non perinde promptum. Verba Africani: *Interdum etsi in singula capita pretium constitutum sit, tamen una emptio est, ut propter unius vitium omnes redhiberi possint vel debeant, scilicet, cum manifestum erit, non nisi omnes quem empturum vel venditurum fuisse, ut plerumque circa comædos, vel quadrigas, vel mulas pares accidere solet.* Seneca in verbis præcedentibus ostendit, habuisse quoq; bene saginatas. *Quid, ait, ad rem pertinent mula saginata?* Nempe, quæ sunt saginatae, illæ nitent, nitor autem decens est in jumentis. Non autem animalia solum, sed & qui agebant ea, ornare consueverunt. Ita, qui Darii currus regebant, vestes habebant albas, virgas aureas. Curtius lib. III. cap. 3. *Aurea virga & alba vestes regentes equos adornabant.* Pro vestimentis albis canusinati fuere muliones Neronis. Svetonius: *Fecisse iter traditur soleis mularum argenteis, canusinatis mulionibus.* Canusinati sunt vestiti la-

na Canusina, quæ fuit rutila, & alioquin erithra appellata, ut ex Plinio cognoscimus. Memorat vestitos cocco Martialis lib. X. epigr. de Mevio: *Pullo Mevius alget in cucullo,*

Cocco mulis fulget incitatus.

Bene fulget, quia cocci color fuit splendidissimus. Ad eundem ferè modum exhibetur in Notitia Imperii membranacea coloribusq; picta. Habet enim sive pallium, sive largius vestimentum aliud coccineum supra prassinum sagulum in sinistrum humerum reiectum, cum ocreis rubentibus. Et hæc quidem ornamenta.

Cap. XVII.

De iis, qui quacunqve ratione spectant ad vehicula.

Auriga. ἡνίοχος. *Agitator.* Philoxenus emendatur, & Lucilius. *Aureax.* Locus Festi expenditur. Vossii sententia improbat, & Scaligeri. Festus corrigitur. *Aureax solitarius.* *Aurigarius.* *Magister.* ἡνιογρ. ἡνιογρ. Ἀρμαλιδάτης, Ζευγιδάτης. *Mulio.* Codex Theodosianus emendatur. *Plaustrarius.* *Rhedarius.* *Cisiarius.* Ἀμαξάρι. *Vlpianus* corrigitur. *Carrucharius.* *Glossa veteres* emendantur. *Quadrigarius.* *Trigarius.* *Plinius explicatur.* *Torrentius refutatur.* Διφρευλῆς. Διφρελῆς. *Auriga femina.* *Valla versio Herodoti rejicitur.* *Currus agere, ducere,* ἄμαξεν. *Trahere currum.* Ἀμαξαν ἔλκειν. Ἀμπρέν. *Curru vehere quem.* ἡνιοχέειν. Ἐγκράλειν τῶν ἡνιῶν. *Habenas tenebant sinistra, flagellum dextra.* *Flagellum repositum in iugo, vel theca.* *Sustinere currum.* Ἐπέχειν. *Strigare.* *Impellere currum, retorquere, agitare.* ὀξδῆν ἐλαύνειν. *Flectere.* Παράρπειν. *Versare.* Στρέφειν. *Perelānē.* *Vox & clamor aurigæ, strepitusque.* *Sedet in sella prima seu temone primo.* *Ambulat interdum prope jugales.* *Versio Dionysii rejecta.* Ὀρεικόμ. *Seneca expositus.* *Mulio excalceatus.* *Aurigæ servi, aliquando & liberi.* *Quartarii.* *Perpetuarii.* *Ars aurigandi.* Δρόμ. Ἀρμαδρόμοι. *Orbita.* *Vestigia rota.* Τροχαί. Ἀρμαλιδασία. Διφρευλική περὶ ἡμῶν. *Aquo inventa.* *Valuerunt ea Barcai quondam & Libyci & Cyrenenses.* *Aurigationes varia.* *Donaria aurigarum.* Παράβια. Παροχέμενοι. Ὀχέμενοι. *Sedentes rheda.* *Conscendere, adscendere, inscendere vehiculum.* Ἐπισκαίνειν. Ἀνακαίνειν.

Tolli in currum. Ἀναλίσσει. Ἀνάγειν εἰς ἄρμα. *Currum occupare. Vehiculo sedere.* Καθίσσει ἐπὶ τῷ ἄρμα. *Ingrederi vehiculo, volare, rapi, vehi, portari, excuti, versari.* Contra hoc postremum vota aurigarum. *Ad conscensum saltus, scala. Tempus conscendendi virgæ nutu significatum. Ad descensum saltus. Carpentarii.* Ἀγματοποιοί. Ἀμαξιοποιοί. Ἀρροτοποιοί. *Trigarii. Cistarii. Iuniores. Iugarii. Veterinarii. Veterina.* Ἱππιαῖοι. *Mulomedici.*

Supereft, ut agam de hominibus ad vehicula spectantibus. **H**orum primus est *auriga*, qui currum equosque dirigit. Servius ad XI. *Æn.* v. 85. *Aurigæ sunt propriè currus regentes.* Dictum verò aurigam sic ab aureis, quas & oreas appellavere, Vossio libenter credo, quia sit, qui regat aureas, id est, fræna. Græcis namque ad eundem modum est ἡνίοχος, quo significatur is, qui tenet lora. Glossæ veteres: *Auriga, ἡνίοχος.* Philoxenus: *Auriga, agitur, ἡνίοχος, ἐλάτης.* Sed quid hic est *agitur*? Ita namque habet Stephani editio. *Scribe agitator.* Glossæ Græcæ: ἡνίοχος, *auriga, agitator.* Nempe sunt agitatores ferè titulo solenni aurigæ bigarum quadrigarumque Circensium. Svet. Ner. cap. 22. *Tractum Prasinum agitatore inter condiscipulos quarens.* Et in Cajo, cap. 55. *Agitatori Cythico commessatione quadam in apophoretis vicies H. S. contulit.* Hinc inscriptiones veteres: M. AURELIO, AGITATORI FACTIONIS PRASINÆ. Item: C. APULEJUS DIOCLES, AGITATOR FACTIONIS RUSSATÆ. Item: CL. AURELIO POLYPHEMO, DOMINO ET AGITATORI FACTIONIS RUSSATÆ. Quamquam etiam sic appellentur aurigæ alii & vulgares. Lucilius apud Ciceronem lib. XIII. ep. Att. 21. cujus versus ita debet legi: *Sustineat currum ut bonus sæpe agitator equosque.*

Cicero ipse adhuc clarius lib. IV. Qv. Acad. *Ego, ut agitator callidus, priusquam ad finem veniam, equos sustinebo, eoque magis, si locus is, quo ferentur equi, præceps erit.* Loquitur de loco præcipiti, qualis cum in Circo non sit, liquet de auriga vulgari esse sermonem. Similiter Virgilius lib. III. *Æn.*

Vna ingens Periphas, & equorum agitator Achilles.

Pro auriga posuerunt aliquando *aureacem*. Festus certè ita habet:

Aureax,

Aureax; auriga. Verum contra Vossius in Etymol. *De aureax, quod Festus dicit, probatur etiam cum veteri Glossario, tum Glossis Isidori, in quibus exponitur ἵππας ἑ & eques solitarius, ut omnino aureax ex horum mente sit, quem Græci κέλαια vocant.* Habet hæc, ut multa alia, Vossius à Scaligero, qui plane tradit eadem in Festi Notis. At si κέλαια sive eqves solitarius significatur voce aureacis, aureax auriga esse nequit, sicut Festus voluit. Nam auriga regit currum, sicut supra testabatur Servius, κέλαια verò currum habet nullum. Verum non id dicunt Glossæ, quod volebant Scaliger & Vossius. Scaliger sic habet: *Aureax: Glossarium: Aura, ex solitarius, ἵππας ἑ.* Lege *aureax, solitarius.* Ita Scaliger. Sed in Glossis Stephani nulla est distinctio, continua serie sic habent in editione prima: *Aura ex solitarius, ἵππας ἑ.* Quare scribo, commate sublato: *Aureax solitarius, & interpretor de aureace non communiter accepto, qui auriga fuit, verum sic peculiariter & cum epitheto ad differentiam alterius vocato, id est, eqvite.* Neque obstant Glossæ Isidori, quæ sic habent: *Aureax, eques solitarius.* Sunt enim desumptæ ex peculiari quodam loco, in quo fuit sermo de huiusmodi aureace, sicut multæ aliæ libelli ejus. Adde, quod sint distinctissima *solitarius* & *eques solitarius.* Hic enim oppositus est desultori, qui duobus simul pluribusve uti eqvis consuevit. At solitarius simpliciter sic positus pro eqvite non reperitur. Contra fuit in aureace. Dicebatur aureax, & auriga, & eques, verum hic ad differentiam alterius non aureax simpliciter, sed aureax solitarius. Atque hoc est, quod volebat Festus. Sunt, qui aurigas etiam *aurigarios* existimant vocatos apud Svetonium in Nerone cap. 5. ubi ait: *In prætura mercede palmarum aurigarios fraudavit.* Sed si aurigarii hoc loco sunt aurigæ, non aurigas quoslibet, sed bigarum trigarumve in ludis Circensibus denotabunt. Nam ad hos palmæ pertinent. Potius *magistri* dicebantur voce generali. Claudianus epigr. I. loquens de Mulabus Gallicis:

Absentis longinqua valent præcepta magistri.

Sic Sulpitius Severus Dial. II. cap. 4. *Tollentibus altius vocem magistris, flagris hinc atque inde resonantibus nihil penitus movebantur iumenta.* Græcis non ἵπποϝ & solummodo aurigam denotat, sed &

ἡνίοχος. Ita enim nominatur à Philippo lib. IV. epigr. Etiam ἀρμαπλάτης dicitur. Hesychius: Ἀρμαπλάτης, ἡνίοχος. In Glossis est ἐλάτης, uti supra vidimus. Sed aliis vocatur ἐλάτηρ. Hesychius iterum: Ἐλάτης, ἡνίοχος. Item ζευγπλάτης. Hesychius iterum: Ζευγπλάτης, μέλας ἑλάτης, ἡνίοχος. Possis hinc colligere, quod & μέλας ἑλάτης dictus sit. Sed hoc nomen propriè ad eos pertinet, qui currus regunt militares, sicut alibi jam dixi. Sicut autem hæc communia eorum sunt vocabula, qui currus regunt, ita habuerunt quoque propria. Capta erant ea vel ex animalibus diversis, quæ trahebant currus, vel ex ipsis curribus vehiculisque aliis & aliis. Animalium respectu speciatim dicebantur *muliones*. Licet enim muliones aliquando quoque sint, qui agunt mulas clitellarias, frequentissimè tamen eos denotant, qui regebant carrucharias. Senec. ep. 87. *Vehiculum, in quod impositus sum, rusticum est. Mula vivere se ambulando testantur; Mulio exscalceatus non propter astatem.* Mulio hic non est alius, quam qui regebat mulas in vehiculo. Similiter Sveton. cap. 30. Neron. *Nunquam carrucis minus mille fecisse iter traditur, soleis mularum argenteis, canusinatis mulionibus.* Pertinet huc quoque *mulio*, qui per imperitiam impetum mularum retinere, vel propter infirmitatem sustinere non potuit; De cuius poena, si hominem obtriverit, quærit Gajus l. 8. ff. ad L. Aquiliam. Itemque ille, de quo Martialis lib. IX. epig. in Edilium:

Nihil est tritius Edili lacernis, &c.

Nec pigri rota quassa mulionis.

Quamquam videantur dicti aliquando notione generaliori, qui quæcunque denique agebant animalia currulia. Sic profectò capio, quæ leguntur passim in Cod. Theodos. t. de cursu publico, de mulionibus. Ut, l. 31. *Nec mulionibus, nec carpentariis, nec mulomedicis cursui publico deputatis mercedem à quoquam sinceritas tua si verit ministrari.* Sic opinor ibi legendum, non fuerit, quod est in vulgatis, ac ne faciat quidem, quod nonnulli viri docti censuerunt. Atque ita censuisse video nunc demum etiam Jacobum Gothofredum, atque lator. Esse verò muliones hoc in loco aurigas qualescunque liquet, quia cursus publicus non per mulas solum, sed & equos, aliaque animalia, perfici solebat. Respectu vehiculorum quidam sunt *plaustra-*

rii, qvi plaustraregunt. Ita sanè nominantur Ulpiano l. 27. ff. ad L. Aqvil. §. 33. Verba ejus: *Si ex plaustro lapis ceciderit, & quid ruperit vel fregerit, Aquilia actione teneri plaustrarium placet, si male composuit lapides, & idè lapsi sunt.* Alii *rhedarii*, qvi rhedas. Cicer. in Mil. *Adversus rhedarium occidunt.* Usurparunt hoc vocabulum & Græci ultimis temporibus. Aretas ad Apocalypf. cap. 18. *ῥαῖδαι, ἀφ' ἧν αἱ τὸ ῥαῖδ' ἀγὲρ & τέτριπται.* Alii *cisarii*, qvi cisia. Ulpianus antea laudatus in l. 13. ff. Locati: *Si cisarius, dum ceteros transire contendit, cisum everterit.* In Basilicis vocatur *ἀμαξάρις*. Verba: *Εἰ ἀμαξάρις & φιλοκενὼν προλαβεῖν, ἐπέψατο τὸ ἀμαξάν.* Leunclavius hæc ita reddidit: *Si carucharius, dum ceteros antevertere contendit, carucham everterit.* An, qvòd in dicta lege hodie sic scriptum est, *si cisarius, id est, carrucharius, &c.* Sed haud dubie hæc glossa est, eaq; haud satis apta, cum à cisio diversa sit carrucha. Legas tamen qvoq; *carrucharios*, qvi carruchas ducunt. Glossæ veteres: *καρυχάρις*, *mulocisarius*, *carucharius*. Observa hic, sic appellatum Græcis etiam recentioribus. Deinde unico scriptum esse *r*, cum id alias geminetur. Sed qvid est, qvòd exponant qvoq; *mulocisarium*? Qvòmodo cum cisario hic muli conjunguntur? Meo animo scribendum *mulio cisarius* distinctis vocibus videtur. Nempe mulio generale nomen est, ut superius monstravi. At verò *mulio cisarius*, qvi regit mulas in cisio. Est & *quadrigarius*, qvi quadrigas ducit in Circo. Asconius: *Quadrigarius, qui in Circensibus quadrigas agitabat.* Usurpavit ita Varro lib. II. R. R. cap. 3. *Peritus belli alios eligit atque alit ac docet, aliter quadrigarius & desultor.* Non est aliud hoc loco quadrigarius, quam qvi quadrigarum agitandarum causa eligit instituitqve eqvos. Philoxenus: *Quadrigarius, ἀρμελάτης, ἱππηλάτης, ἡνίοχος*. Glossæ aliæ: *Ἀρμαῖνλάτης, quadrigarius.* Habes & *trigarium* apud Plinium lib. XXVIII. cap. 17. *Feruntque & Neronem Principem hac potione recreari solitum, cum sic quoque se trigario approbare vellet.* Tamen hic Torrentius trigarium interpretari mavult eum, qvi ornandi instruendiqve agitadores gerit curam, sicut discas ex ipsius Notis ad Svetonii Neronis cap. 5. Nempe illud *approbare se trigario* putabat dictum, sicut *approbare se magistro*. Qvòmodo & Sveto-

nus ipse, *Cajo talem & se & exercitum approbavit*, vita Galbæ cap. 6. At *trigarius, a, um*, est adjectivum, nec necesse, ut ad virum tantum referatur. Et quid, si intelligamus cursum? Quid, si certamen trigarum? Verum apud Plinium in libris optimis non legitur *trigario*, sed, una littera adposita, *strigario*, unde optimè Salmasius ad Solinum: *Cum sic quoque strigario approbari vellet*. Est videlicet strigarium, ut ipse docet, locus, ubi exercentur equi ad certamen curule, ita dictum, pro *spacio strigario*, ut sit approbari strigario idem atq; adprobari per strigarium, hoc est, spacium illud, atq; simul exercitium, quod in eo institui solebat. Apud Philoxenum omissa prima littera *trigarium* est, exponiturq; τόπος ὅπου ἵπποι γυμνάζονται, id est, *locus, ubi equi exercentur*. Atq; ita scribitur & Aurelio in Regionibus Urbis Romæ, ipsiq; Plinio lib. XXXVII. cap. 3. Ut proinde frustra in superius adductis verbis aurigam trigarum requiramus. Græcis genus hoc vocari *διφρευής* consuevit, à διφρος, qui fuit propriè in hujusmodi ac militaribus vehiculis. Ità sanè appellavit Sophocles. Apud Lucianum *διφρηλάτης* est, in dial. Jovis & Solis, ubi Jupiter ad Solem de Phaëtonte loquens: *Τοιῦτον ἡμῖν τὸν καλὸν ἡνίοχον καὶ διφρηλάτην ἐκπέμφομας. Talem nobis pulchrum aurigam atque rectorem currus emisisti*. Et hi quidem varii sunt aurigæ. Quos notandum amplius non fuisse viros semper, sed quandoq; etiam mulieres. Docet vel Homerus, apud quem Juno pro auriga est in curru Minervæ, & Minerva in curru Diomedis. De priori verba sunt Poëtæ in Iliad. E.

Ἦν ἡ μάστιγι τοῶς ἐπιμαίνει ἀρ' ἵππους.

Iuno autem scutica velociter urgebat equos. De posteriori legitur in eodem libro prolixè, ubi inter cætera hoc quoque:

λάζετο ἡ μάστιγ' αὐτὴ καὶ ἡνία Πάλλας Ἀθήνης.

Corripuit autem flagellum & habenas Pallas Minerva. Annotandum, quod hic agat de vehiculis bellicis ac militaribus, adeò non potest mirum esse, si nonnunquam hoc acciderit in cæteris. Quomodo apud eundem Odýss. Z. vicem aurigæ præstat Nausicaa, aliæ apud alios. Nam & apud Herodotum legimus Zavecibus solenne fuisse, ut in bellis aurigas haberent fœminas. Verba sunt in Melpomene: *Μαξύων ἡ Λιθύων Ζαύνηκες ἔχοντα, τοῖσι αἱ γυναῖκες ἡνιοχεῦσι τὰ ἄρμαλα εἰς τὸν*

πόμενον. *Maxium autem Libyū confines sunt Zaveces, ubi fœmina aurigantur currus in bellum.* Ita vertit Valla, sed intelligendum est, ut dixi, non quod ipsæ curribus certaverint, sed quod certantium virorum fuerint aurigæ. Cæterum, officium eorum communissimum, quod Latini vocant *currus agere vel ducere*, hoc est, jumentis animalibusque ad currendum ambulandumve compulsis vehiculum idoneo itinere promovere. Ovid. II. Metam. fab. I. de Jove:

Non aget hos currus.

Et fab. 5.

Quilibet alter agat portantes lumina currus.

Justin. lib. XLI. cap. 6. *Per sanguinem ejus currum egit.* Val. Maxim. lib. IX. cap. II. *Supra corpus duci vehiculum jussit.* Græcis istoc una voce, ἀμαξέειν. Unde Plutarchus in Eumène: Ἀμαξέειν διὰ πεινίαν, vel ἑλάττειν. Unde Lucianus ante dicto loco: Εἶπον καὶ ἡλίκα ὁ κίνδυνος, εἰ μὴ ὁρῶν ἑλάττοι. Animalia dicebantur *trahere*. Sveron. Augusto, cap. 94. *Videre visus est filium super currum laureatum, bis senis equis candore eximio trahentibus.* Simili ratione loquebantur Græci. Dio lib. LIX. τὸ ἄρμα τὸ πομπικὸν ἐφ' ἧ ἤχθη, ἐξ ἵππων εἰλκυσαν. Quod si verò vehiculum esset onerarium, non tam ἔλκειν, quam ἀμπερεύειν, hoc reddebant, si est vera Suidæ observatio, voce ἀμπερεύοντες. Unde inter alia: Ἀμπερεύειν κυρίως τὸ μὲν ἀμάξης πορεύεσθαι. Propriam ait vocis hujus esse hanc significationem. Quod si præter aurigas alii quoque vehiculū infiderent, eos dicebantur *vehere*. Sic enim Latini quoque reddere hoc negotium solebant. Ovid. ep. 21.

Hunc Venus in cælum curru vexisset eburno.

Fiebat porro hoc per habenas, quas tenebant. Quod ἡνιοχεῖν à Græcis propriè vocatur. Quemadmodum qui per eas verè poterat jumenta regere, ac prout usus postulat, vel concitare, vel sistere, ἐγκράτῃ εἶναι τῶν ἡνιωτῶν. Lucianus in Dial. Jovis & Solis: Καὶ ὡς ἐγκράτῃ εἶναι τῶν ἡνιωτῶν, καὶ μὴ ἐφρίναι τὰ θυμῷ τῶν ἵππων. *Vti habenas regere, neque impetum permittere equis deberet.* Habenæ tenebant una manu, altera flagellum. Apollonius III. Argon. de Medea:

Καὶ ῥ' ἐτέρῃ μὲν χειρὶ λάβ' ἡνία, τῇ δ' ἄρ' ἰμάσθην.

Alteram manu capit habenas, altera flagellum. Et flagellum quidem

Ec 3 capie-

capiebant dextra, sicut idem docet, unde consequens, quod habenas tenuerint rexerintque sinistra. Verba ejus aliquanto ante :

-- -- Καὶ εὐπορίῳ ἰμάσθην
Δεξιτερῇ, ἔλαυν δὲ δι' αἵους. -- --

Elaboratissimam scuticam cepit dextra, & per urbem fecit iter. Et quoniam utrumque sic tenebant, flagellum inquam & habenas, inde Phædrus noster, de auriga loquens, lib. III. cap. 7. vocat eum, qui

Iugum flagello temperat lento, --

Et lora franis continet spumantibus.

Flagellum, si non amplius illius esset usus, iugo equorum applicuise videntur. Facit sanè Tydides apud Homerum Il. 4.

Αὐτὸς δὲ ἐκ δίφροιο χαμαὶ θόρε παμφανώων
Κλῖνε δ' ἄρα μάστιγα πῶς ἱζυρόν.

Ipse autem è curru humi defiliit nitido, acclinavit igitur flagellum iugo. At verò Pollux ad hoc memorat, nescio quas thecas: Πρὸς θεῖον ὅ, ὅτι ἐκ ἐν τοῖς ἄρμασιν ἀπέλλ' ὁ δὲ τοὺς μάστιγας, ἀλλὰ οἷον εἰς θήκη ἐκκαλεῖτο. Vertit Gualtherus: Notandum quoque, quod non in curribus flagella deposuerint, sed ferè theca quædam appellatur. Postrema sensum habent nullum. Mallem vertere: Sed eo, quod quasi theca vocatur. Cæterum, qualis illa theca, quove in loco fuerit, non declarat, neque discere adhuc aliunde potuimus. Ac videtur, nescio quid, deesse istis verbis, de quo alias deliberabimus. Habenæ verò aurigæ, si volebant currere jugalia, & vehiculum celerius incedere, remittebant; Sin ire tardius, vel subsistere, adducebant, sicut alias ostendi. Ac posterius quidem quando faciebant, dicebantur currum equosve sustinere. Lucilius apud Ciceronem lib. XIII. ad Atticum, ep. 21. Sustineat currum, ut bonus sæpe agitator. Græcis est ἰστέχειν. Unde ἐποχή, quod Cicero retentionem vertit. Verba ejus dicto loco: Carneades retentionem aurigæ similem facit ἐποχή. At verò equi tum dicebantur strigare. Unde mula carrucharia Phædri nostri libro II. cap. 7.

Namque, ubi strigandum est, & ubi currendum, scio.

Quando autem faciebant prius, currum dicebantur impellere. Ita Silius lib. XVI. quanquam de multitudine loquens:

Impellit currum clamor, vocesque faventum.

Erat verò longè hoc frequentius altero, cum ferè cursu uterentur concitato cunctis in vehiculis, iis maximè, quibus vehebantur publicis in viis. Inde velut singulare ac inusitatum notat Seneca in suo vehiculo, epist. quod in eo mulæ AMBULANDO tantum restarentur sese vivere, neq; cursu properarent solito. Sed & musca hoc intuitu ad mulam carruchariam apud Phædrum nostrum:

Quam tarda es, inquit, non vis citius progredi?

Optimè, *non vis*, & cum increpatione quadam, velut quæ officium deserat suum. Neq; opus, ut mutetur, quando & alii hoc verbo sic utuntur. Senec. ep. 47. *Vis tu cogitare istum, quem servum tuum vocas, ex iisdem seminibus ortum?* Plinius lib. IX. ep. 17. *Vis tu remittere aliquid ex rupis?* Fuit autem ea currendi consuetudo vetus: Nam & de Medæ curru mulisque Apollonius lib. III. v. 884. ubi egredientem urbe describit; Item mox, cum revertitur, v. 1154.

Θῦνον ἐπειγόμενοι πόλι δώματα. --- ---

Festini proriebant & ad ades. Ipse Homerus suis temporibus mulas Nauficæ facit currentes Odyss. Z.

Αἰδ' εὖ μὲν πρῶχων, εὖ γ' ὀλίγοισι πόδες αἶσαν.

Ille scitè currebant, & pulchrè penetrabant pedibus. Erat porro iter vel antrorsum, vel retrorsum. Illud vel in rectum, vel in latera. Retrorsum fiebat ex metu ferè lapsus, aut alterius incommodi obstaculive, atq; tum *retorquere currus* dicebantur. Virg. XII.

Aversos toties currus lturna retorsit.

Servius: *Aversos retorsit, pro retorsit & avertit.* Bene, antecessit enim retorsio, sequebatur averio. Quod si aversi currus fuissent, non erat opus, ut retorquerentur. Statio divisim est *retro torquere* lib. VI. Theb.

--- --- *Cum fræna ipsosque frementes*

Oblitus palma retro Tyrinthius heros

Torsisset. --- ---

Antrorsum fiebat, cum iter esset commodum, nec quid impediret. Ac primum quidem in rectum, quod ferè communiter est *currus agitare*. Quomodo Virgilius lib. III. Georg. de certamine curculi, in quo itinere recto decurrebant:

Centum quadrijugos agitabo ad flumina currus.

Luciano hoc ὁρθὴν ἐλαύνειν. Ita namq; habet in sæpius laudato Dialogo Jovis & Solis: Εἶπον δ' καὶ ἡλίου & ὁ κίνδυνος, εἰ μὴ ὁρθὴν ἐλαύνοι. *Dixi etiam, quantum periculum foret, si non recta via currum ageret.* Deinde in latus dextrum vel sinistrum, quod Latinis *flectere vehiculum*. Livius lib. I. cap. 48. *Flectens carpentum dextra in Orbium cliyum.* Sic legendum ibi docuit celeberrimus Gronovius. Et profectò Tullius quoq; in Verrinis *flectere curru de foro in Capitolium* usurpavit, quod non multum discrepat. Homero παραρέπειν esse videtur, illo versu Il. Ψ.

Ἀντίλοχος δ' ἐπαραρέψας ἔχε μῶνυχας ἵππους.
Εκλὸς ὁ δ'.

Antilochus autem flectens impellebat unungulos equos extra viam. Quod si cursus in incertum esset orbem, aurigæ currum dicebantur *versare*. Virgilius lib. XII. *Æn.*

-- -- *Tu currum deserto in gramine versas.*

Servius hoc loco: *Versas, huc atque illuc agis.* Homerus ἔσσερον. Docet simul, Græcis, nominatimq; Homero, istoc esse ἐρέπειν. Si incertum, Græcis est περιελαύνειν. Quod ex Æliano nostro discimus, qui sic habet de Anniceri lib. II. V. Hist. cap. 27. Ζεύξας τὸ ἄρμα περιήλασεν ἐν Ἀκαδημίᾳ δρόμους παμπολλὰς. Ut verò promptius hæc facerent aurigæ, vocem ferè addere solebant, eamqve modò hanc, modò illam, pro negotii diversitate. Docet Claudianus in toto epigrammate de mulabus Gallicis. Imprimis autem ista pulchra sunt & huc pertinentia:

Lava jubet, lavo deducunt limite gressum,

Mutavit strepitum, dexteriora petunt.

Rectè vocat *strepitum* vocem illam aurigarum, quia fit peculiari murmure sonove, eoq; alio & alio. Si augendus erat cursus, tollebatur clamor. Unde Homerus Il. Ψ.

Πέπληγόν δ' ἱμάσσιν, ὁμόκλησεν τ' ἐπέεσσιν.

Percusseruntque flagellis, clamaruntque verbis. Statius Theb. VI.

Nec jam sufficiunt stimuli, non verbera; Voce

Nominibusque cient Pholoen Admetus & Irin.

Sulpitius Severus Dial. II. cap. 4. *Iumenta cum omnia solo fixa ac si aenea signa riguissent, tollentibus altius vocem magistris, flagris hinc atque inde insonantibus nihil penitus movebantur.* Solebant autem aurigæ vel sedere in vehiculis, vel juxta ea ambulare. Infedisse constat vel ex Svetonio, qui sic habet in Flavio cap. 23. *Mulionem in itinere quodam suspicatus ad calceandas mulas desiliisse.* Non intelligitur desiliisse, nisi qui sedit antea in vehiculo. Sic apud Homerum Mercurius vehiculum Priami ducturus conscendit. Verba Poëtæ sunt II. 9.

Ἡ καὶ ἐπαίξας ἐριένι & ἄρμα & ἵππους
καρπαλίμως μάστιγα καὶ ἡνία λαζέτο χερσίν.

Dixit, & exsiliens Mercurius in currum & equos statim flagella & habenas accepit manibus. Atq; sic solebant plerisque in vehiculis, illis maximè, quibus utebantur in longinquis itineribus. Sed & in bellicis hoc obtinuit, quod liquet exemplo Minervæ apud eundem, Stheneleū submoventis à vehiculo Diomedis in prælio, ejusq; occupantis locum. Poëta sic exponit Iliad. E.

-- -- Ὅ δ' αὖ ἐμπαπέως ἀπόρρυσσε
Ἡ δ' ἐς δίφρον ἔβαινε παρὰ Διομήδεα δῖον.

Hic autem (Stheneleus à curru amotus à Minerva) confestim desiliit. Hac verò (Minerva) in currum adscendit ad Diomedem nobilem. Locus verò eorum erat sella prima. Phædrus noster lib. III. cap. 7.

*Sed istum timeo, sella qui prima sedens
Iugum flagello temperat lento meum.*

Agere de auriga, manifestum est. Ergo sedere illum sella prima facile colligitur. Dicta porro sella prima numeri respectu credi potest, cum vehiculum haberet plures, sicut ferè habuerunt, quibus facere itinera consueverant. Atq; hujus explicationis quidem argumentum certum habemus in imagine, quam monumentum vetus exhibet, apud Onuphrium propositum in Antiquitatibus Venetensibus hoc modo:

M. VIRIATIUS
ZOSIMUS.

Quod si quis existimet intelligendum esse militare, in quo tamen mulas junctas alibi non lego, posset prima sella significare primam ejus partem, spectantem ad mulas. Pro sella prima Statius temonem dixit in ejusdem rei memoracione lib. I. Sylv. in Epithalamio, ubi loquitur de curru Veneris:

*Jungit Amor, latamque vehens per nubila matrem
Gemmato temone sedet.* -- -- --

Quomodo & Virgilius ob hanc causam Metiscum, Turni aurigam, facit prolabi à temone lib. XII. Æn.

*Aurigam Turni media inter lora Metiscum
Excutit, & longè lapsum temone relinquit.*

Nempe sella prima proxima est temoni, sic, ut ipsi immineat, vel incumbat, quod ex imagine præcedenti videmus. Ideò & Propertius istum locum temonem primum appellavit lib. IV. el. 8.

-- *Ipsa sedens primo temone pendit
Ausâ per impuros frana movere locos.*

Primus temo non est propriè intelligendus, sicut censent viri summi, ac ob id auriga constituendus in temone; Verum primam ejus signat partem, ubi *pendisse* dicitur, hoc est, leviter innixus fuisse, *sedens* non in temone ipso, verum sella, quæ vicina primo temoni, hoc est, parti temonis illi, quæ prima est à vehiculo. Nam *primus te-*

mo ita dictus, sicut *prima labra* apud Ciceronem, & sicut apud Vale-
 rium Maximum *prima palus*, sive *primus lacus*, lib. I. cap. 4. ubi per-
 peram *proximum lacum* emendarunt, quod in Notis ad eum osten-
 detur. Certè etiam in militaribus vehiculis sedisse aurigam, & sedi-
 se prima sella, ante militem seu pugnatores, docet Curtius lib. IV.
 cap. 15. quando ait: *Auriga Darii, qui ante ipsum sedens equos regebat,*
hasta transfixus est. At verò cæteris in vehiculis, præcipuè urbanis,
 mulierum usibus servientibus, atq; ad splendorem factis, non sede-
 bant, verum ambulabant juxta jugales. Sic enim accipio verba
 Dionysii Halicarnassei, quæ habet lib. IV. in historia Tullix, Tar-
 quini uxoris: Αἱ ὑπὸ τοῖς πῶμα ἰδῶσαι διαλαρόχθισαν, καὶ ὁ παρὼν ἐμει-
 τῶν ὀρεωκόμῳ παθὼν τι ὅτι τὰ τῆς ὀφθαλμοῦ ἐλατύνοντες. Vertit Gelenius:
Mulis ad cadaveris conspectum territis, ipse quoque auriga commotus
est, & inhibito ad miserabile spectaculum progressu, oculos in Dominam
reflexit. Quæ obscura sunt & ambigua, cum non appareat, suumne
 an mularum progressum inhibuerit. Ego propius sequendo Græca
 sic expono: *Mula, cum spectassent cadaver projectum, per terrefacta*
sunt, quique ducebat eas, mulio, commotus ad misericordiam eo specta-
culo, substitit. Ipsum mulionem ait Dionysius substituisse. Quomodo
 verò substituisse intelligetur, nisi prius ambulaverit? Atq; ita plane
 Livius, in eadem historia: *Restitit pavidus, atque inhibuit fræna is,*
qui jumenta agebat. Item Valerius Maximus: *Is, qui jumenta age-*
bat, succussis frænis constitit. Ubi nota, ὀρεωκόμῳ Dionysii ab utroq;
 verti non *aurigam*, verum *eum, qui jumenta agit.* Aurelio Victori est
mulio, in vita Seruli, sive alius est Illustrium Virorum vitas scripto
 prodens: *Mulionem evitantem per ipsum corpus carpentum agere*
præcepit. Ad eundem modum ambulans auriga cernitur in nummo
 veteri Heraclii Imperatoris, quem vulgavit Lipsius lib. III. de Cru-
 ce. Imperator ipse sedet in vehiculo angusto, pedibus ab equorum
 latere incedit auriga, una manu fræna, altera flagellum tenens. Si-
 militer ambulantem exhibet pictura vetus in Notitia Imperii pro-
 pe equos in carrucha Præfecti Urbis. Neq; aliud voluisse videtur
 Seneca ep. 87. quando de mulione illius vehiculi, quo ipse faciebat
 iter: *Mulio excalceatus non propter ætatem.* Certè alias excalcea-

tos fuisse ostendit propter ætatem, quibus suum hunc opponit. At si propter ætatem, consequens videtur, quod non sederint, sed ambulaverint, cum sedentibus in vehiculo calcei non potuissent esse molesti. Et hoc quidem munus fuit aurigarum. Ipsi generis vilissimi plerumque extiterunt, ac sæpissimè servilis. Unde Martialis lib. XI.

Mulio viginti venit modò millibus Aule.

Et Labeo in l. 60. ff. Locati: *Servum meum mulionem conduxisti.* Liqvet, habuisse servos muliones, eosque non sibi solum, sed & aliis, quos certo pretio elocabant. Eratque hoc frequentissimum, præsertim in urbe, propter frequentissimum vehiculorum usum. Quare quoque inter ministeria urbana numeravit Paulus l. 99. ff. de Leg. 3. *Muliones, ait, de urbano ministerio sunt.* Erant tamen aliquando & liberi, varièque suam operam elocabant aliis. Hinc *quartarii* nonnulli dicti, de quibus Festus: *Quartarios appellabant antiqui muliones mercenarios, quod quartam partem quæstus capiebant.* Non ostendit, cujus quæstus partem quartam cœperint. Sed verisimile videtur ejus intelligere, quem faciebant, qui elocabant mulas. Apud Senecam in ludo Claudii sunt *perpetuarii*, joco, ut existimant, confecti. Quamquam nil prohibeat sic vulgo dictos credere, qui statis temporibus faciebant iter ex Galliis in Italiam per totum annum. Cum præsertim memoret hic Lugdunenses & Lugdunum, quo frequenter solenniterque contendisse etiam ex Claudiano colligitur. Aliquando hoc negotium obibant etiam, qui in magna erant dignitate. Sic profectò apud ipsum etiam Homerum Nauficaa, apud Apollonium Medea mulas regunt. Dionysius Siciliæ tyrannus, cum ad eum venisset Plato, ipse vehiculum duxit, cui habuerat impositum. Ælianus noster lib. IV. Hist. Var. cap. 18. καὶ ἀνὴρ ἀγὼν αὐτὸν ἐπὶ τὸ ἄρμα ὅντι Διονύσιον, αὐτὸς μὲν ἡνιοχῶν, παρακείμεν ὃ ποιοῦσθαι τὸν Ἀριστόν. Et sustulit eum in currum Dionysius junior, ipse habenas regens, Aristonis verò filium faciens sessorem. Heliogabalus Imperator τὴς τε θεῆς αὐτῆς ἐπὶ ἀρμαλὶ χρυσῶν & λευκοῖς ἐξελύχουσιν ἵπποις ἀνακείμενος αὐτὸς ἡνιοχῶν, ait Joannes Antiochenus, hoc est, Deorum suorum simulacrum aureo impositum vehiculo trahentibus equis sejugibus eximii candoris deducebat, ipse aurigam agens. Quin imò ipsa Juno ita ducit Miner-

vam,

vam, & Minerva Diomedem, apud supra laudatum Homerum II. E. Nec fortasse mirum est, cum inter artes non profectò minimas aurigatio numeraretur. Lique exemplo Anniceris, de quo Ælianus noster lib. II. Var. Hist. cap. 27. Ἀννίκερις ὁ Κυρηναῖος ἐπὶ τῇ ἵππῳ μέγα εἰσφρόνῃ καὶ ἄρματων ἐλάσῃ. *Anniceris Cyrenensis ob artem equitandi & regendi currus multum superbiebat.* Fuit hic Anniceris Philosophus, & tamen arte ista sese ostentavit, quod non potest credi fuisse facturum, nisi vulgo artem magnam & laudabilem existimassent. Neq; sanè dubium, præsertim de aurigatione illa, qva in Circo ludisve aliis currulibus utebantur. De qva loquens Nestor etiam apud Homerum II. 4.

Μήτις δ' ἥνιόχῃ περιγίγεται ἥνιόχοιο.

Arte auriga superat aurigam. Nec ambigit vir ætate usq; rerum spectatissimus, hanc artem ipse ibi docere filium suum, perqve hoc propriam illius ostendere peritiam. Quin imò ne postea quidem longo tempore celebrari desierunt aurigæ istiusmodi, ornariqve palmis præmiisq; aliis. Svetonius de Domitio, abavo Neronis, cap. 3. *Ner. Domitius non minus aurigandi arte in adolescentia clarus, quam deinde ornamentis triumphalibus, ex Germanico bello.* Nero ipse cenferi voluit hac arte, quod post etiam alii fecere Cæsares. Et fortasse fuit non omnino contemnendum, quod fecisse Annicerin memorat Ælianus: Περιήλασεν ἐν Ἀκαδημίᾳ δρόμους παμπόλλους, ἕως αὐριῶς φιλάτων τῶν δρόμους τὸν σοῖχον, ὥς μὴ παραβαίνειν τὰς ἀρματοδροχίας, ἀλλ' αἰεὶ καὶ αὐτῶν ἵναυ. *In Academia circumvectus est multis vicibus, tanta cura custodiens curriculi vestigia, ut non egrederetur orbitas, sed iisdem perpetuò inhereret.* Lucianus rem eandem commemorans in Encomio Demosthenis sic ait: Φασὶν τὸν Κυρηναῖον ἄρματῆρα σίαν ἐπισκευέναι, πολλὰς αὖτε πλὴν ἀκαδημίαν ἐξελάυνειν δρόμους, ἐπὶ τῆς αὐτῆς ἀρματοδροχίας ἀπαντας, μὴ δ' ἐν παραβάσει, ὥς δ' ἐνδὸς δρόμου σημεῖα καὶ τῆς γῆς ὑπολείπει. *Ajunt Cyrenensem demonstrantem aurigandi peritiam multos ante Academiam flexus, omnes in eadem orbita, nec ullatenus exerrans, ut unius tantum itineris in terra vestigiare relinquenterent.* Δρόμους hic uterq; vocat vehiculi incessus sive cursus. Ἀρματοδροχίας verò, vias in terra. Apud Hesychium compendiosiori scriptura sunt ἀρματοδροχίαι. Ita namq; habet: Ἀρμα-

τροχία, αἱ τῶν τροχῶν ἐν τῇ γῇ ἀποχαράξεις. *Harmatrochiae sunt rotarum in terra notæ.* Latini *orbitas* appellavere proprio vocabulo. Glossæ veteres: Ἀρμαδῶρεχια, ἢ χάραξις τῶν τροχῶν, *orbita*. Asconius ad Verrinam III. *Orbita, vestigium rotae.* Quod χάραξις Glossarum auctor, Hefychius ἀποχάραξις, id Asconius *vestigium* interpretatur. Atq; ita Isidorus: *Orbita, vestigium carri, ab orbe rota dicta.* Senfit & Ovid. II. Met. f. i. *Hac sit iter, manifesta rota vestigia cernes.*

Sunt & τροχία. Hefychius: τροχία, αἱ τῶν τροχῶν χάραξεις. Per hæc igitur vestigia orbitasq; perpetuo tenore incedere, Anniceris exemplo, res erat non cujuslibet, sed exercitati, artemqve edocti, quam Ælianus ἑλασιν ἀρμάτων, Lucianus junctim ἀρμαῖν ἡλασάν appellavit. Ut nunc nihil dicam de cæteris, quæ peculiariter in Circò ludisve similibus observari debebant. Quibus omnibus haud dubie Anniceris valebat, cum præsertim esset Cyrenensis, Cyrenensesq; arte hac ante alios populos præstarent. Maximus Tyrius Dissert. VII. Παιδείµατα Κρητικά, θῦραι, ὀρεῖθασια, τοξεΐα, δρόμοι. Τὰ δεῖλα δὲ, ἵππικὴ. Τὰ Κυρναϊκὰ, διφρεΐα. *Instituta Cretica, venari, superare montes, sagittare, currere. Thessalica, equitare. Cyrenaica, aurigare.* Pari modo Stephanus in Βοιωτῷ ex Ephoro: Ἐφοροῦ δὲ φησιν, ὅτι Κυρναῖοι πλεῖστον διφρεῦσιν ἐπιστήµην ἠσχόλησαν. *Ephorus ait, quod Cyrenenses circa scientiam currulem fuerint studiosi.* Ubi nominat διφρεῦσιν ἐπιστήµην, quæ ἑλασιν ἀρμάτων atq; ἀρµαῖν ἡλασία cæteris scriptoribus. Putabatur autem ars hæc inventa primum à Minerva, traditaq; Barcæis. Ita namq; Hefychius in Βαρκαῖ ex Mnasea: Τὸ ἔνδοξεῖν ἐπὶ Ἀθηνᾶς ἔµαθον, ὡς Μνάσεας ἐν τοῖς πλεῖστοις Λιβύης. *Aurigandi artem didicerunt à Minerva, ut ait Mnaseas in libris de Libya.* Pari modo Stephanus in Βάρκῃ, qui & ipse habuit ex Mnasea, ut videtur: Ἠνιοχέειν ὃ πλεῖστον ἐπὶ Ἀθηνᾶς ἔµαθον. *Aurigandi artem verò à Minerva didicerunt.* A Barcæis venisse ad Cyrenenses Libyasq; cæteros videtur. Nam & Barce vicina est Cyrenes. Unde Sylius lib. III. conjungit:

-- -- Barce sitientibus arida venis,

Nec non Cyrene. -- --

Et Barcæum idem, quod Libycum. Suidas: Βαρκαῖοις, Λιβυκοῖς. Βάρκῃ, ὁ πόλις Λιβύης. *Barcæis, Libycis. Nam Barce urbs Libya.* Sed & currus Barcæi

Barcæi dicti, qvi alias Libyci. Hesychius: Βαρκαίος ὄχος, Λιβυκοῖς. Qvod eruditissimus Boëhardus vidit jam ex Sophoclis Electra didicisse. Qvanqvam autem aurigarum munus viri aliquando magni obirent ipsi, tamen in vehiculis plerisq; hoc negotium committabatur aliis, iisq; ferè vilioribus. Cæterum, autigæ qvando ex quacunq; caussa omittebant munus suum, aliorum ritu arma sua, id est, lora, flagella, pectines, & id genus, suspendebant Diis, Castori præsertim & Polluci, donaria. Qvod discimus ex parodia veteri, qvæ est inter Catalecta Virgiliana de Sabino, ubi Poëta:

— — Propter hoc novissimum
 Paternalora, proximumque pectinem.
 Sed hac prius fuere, nunc eburnea
 Sedetque sede, seque dedicat tibi,
 Gemelle Castor, & gemelle Castoris.

Scaliger id proximum suspectum habet, atqve ploximum substituit. Neqvicqvam, ut opinor, qvando ploximumque pectinem non possunt cohærere. Præterea hic proximum perinde videatur positum, ut superius novissimum. Qvi verò vehebantur in vehiculis, Græcis παραβάται sunt, qvemadmodum ex Æliano cernimus. Nam is usurpavit non de iis, qvi utuntur curru bellico, qvod Poëtæ ferè faciunt, sed de aliis quibuscunqve. Atq; ad hunc modum Hippodamum παραβάτην nominat & Apollonius lib. I. v. 754. Dionysio Halicarnassensi lib. VII. sunt παροχέμενοι; Aristophani simpliciter ὀχέμενοι in Pluto. Aliis dicuntur ἵποχοι. Hesychius: ἵποχοι, ὁ ἐπὶ τῷ ὀχηματι. Ἴποχοι, οἱ ἐπὶ τῶν ὀχημάτων διαβαίνοντες. Latini una voce non appellant. Vitruvio lib. X. cap. 14. sunt sedentes rheda. Ciceroni vehentes curru, qvi sic habet in de Clar. Or. Sed in te intuens, Brute, doleo, cujus in adolescentiam per medias laudes quasi quadrigis vehentem transversa incurrit fortuna. Hi cum itineris faciendi caussa eniterentur in vehiculum, dicebantur conscendere. Ovid. III. Trist. el. 8.

Nunc ego Triptolemi cuperem conscendere currum.

Svetonius usurpavit adscendere cap. 2. Tiberii: Fratrem injussu populi triumphantem, adscenso simul curru, usque in Capitolium profecta est. Plautus etiam inscendere in Asinaria, ubi ait: Quadrigas si

nunc

nunc inscendas Iovis, atque hinc fugias, &c. Græcis hoc est ἐπιβαίνειν ὄχημα. Lucianus in Somnio: Ἐπὶ ἐνδιτέτε τὸ ὄχημα. Herodianus lib. IV. cap. 12. Τὸ ἄρμα ἐπιβαίνοντι προσκομίζεσι, &c. At Homerus etiam ἐμβαίνειν ὄχημα usurpavit, II. E.

Ἰπποισὶν μὲν ἐκένετο καὶ ἄρμασιν ἐμβαῖντα.

Lucas ἀναβαίνειν maluit Actor. cap. 8. Παρακάλεσέ τε τὸν Φίλιππον, ἀναβαίνει καθίσαι σὺν αὐτῷ. Quid si non sua, verum aliena ope vel licentia veniebant in vehiculum, tolli dicebantur. Cic. III. de Nat. Deor. Sol in currum Phaëtonem filium sustulit. Sic Horat. II. sat. 6.

Quem tollere rheda

Vellet iter faciens, & cui concedere nugas.

Et Ovidius Fastorum lib. VI.

At Dominus, discedite, ait: plaustroque morantes

Sustulit, in plaustro sirpea lata fuit.

Græcis hoc ἀναβιβάζειν. Lucianus in Dial. Sol. & Jov. ἀναβιβασάμεν ἐπὶ τὸ ἄρμα, ὅπως μὲν χρεὶ βέλκεται αὐτὸν. Micyllus ita vertit: In currum impositum submonui, quo pacto oporteret insistere via. Verum ἀναβιβασάμεν non est impositum, nec ad Phaëtonem refertur, sed ad Solem. Quare mallet: Tollens verò ipsum in currum, &c. Philostratus pro eo usurpavit ἀναβήμενον. Sic enim loquitur in vita Dionis: τραϊανὸς ἀναβήμεν αὐτὸν ἐς τὴν χρυσῆν ἄμαξαν, &c. Æliano nostro est ἀνάρχειν ἐς vel ἐπὶ τὸ ἄρμα. Verba ejus lib. IV. cap. 18. Ἀνήγαγεν αὐτὸν ἐπὶ τὸ ἄρμα ὁ δὲ Διονύσιος. Jam, postquam conscendissent, currum dicebantur occupare. Ovidius II. Met. 2.

Occupat ille le-dem juvenili corpore currum.

Occupat hic non est conscendit, verum tenet, quod ex eo liquet, quia currus levis dicitur corpore ipsius, etiam dum occupat. Non autem levis gravisve dici potest currus hoc respectu quidem, nisi corpus comprehendat. Livius pro eo dixit vehiculo sedere. Verba ejus lib. I. cap. 34. Ei carpento sedenti, cum uxore, aquila suspensis demissa leniter alis pileum aufert. Cicero addit præpositionem lib. V. Att. 8. Hanc epistolam dicta vi, sedens in rheda. Græcis est καθήμεν ἐπὶ τὸ ἄρμα. Lucas loco superius laudato: Ἦν τεύχος ἑφών, καὶ καθήμεν ἐπὶ τὸ ἄρμα. Iter porro erat vel tardum, vel concitatum. In

illo dicebantur ingredi. Tac. XII. Ann. 42. *Carpento Capitolium ingredi, qui mos est Sacerdotibus.* Svet. Tib. cap. 9. *Quas ob res ovans, & curru urbem ingressus est.* In hoc volare. Cicero pro Rosc. *Decem horis nocturnis sex & quinquaginta millia passuum cisis pervolavit.* Item rapi. Plaut. Pœnulo I. f. 2. *Ego illum jubeo quadrigis cursim ad carnificem rapi.* Juvenal. f. VIII.

-- *Volucris Carpentorapitur pingvis Lateranus.* --

Vehi ad utrumq; genus pertinet. Inde habes apud Tullium Philipp. II. *Cisio celeriter ad urbem vectus.* Et apud Ovid. IV. Trist. el. 2.

Hos super in curru Caesar victore veheris.

Portari dixit Cornelius Nepos in Phocione cap. 4. *Cum propter ætatem pedibus jam non valeret, vehiculoque portaretur.* Quinimò aliquando ipse currus vehere quæ dicebatur. Ovid. Fast. I.

Nam prius Ausonias matres carpenta vehebant.

*Q*uod si via salebrofa esset, vel alias accideret, ut è vehiculo de jicerentur, *excuti* dicebantur. Ovid. XV. Met. f. I.

Excutior curru. -- --

Item versari. Jul. Firmicus lib. VIII. cap. 17. *Aut vehiculo versatus vel enervatus interibit.* Currus verò ipse everti, sive id fieret hominis vel aurigæ culpa, quomodo ait Ulpianus loco alias laudato: *Si cissarius, dum ceteros transire contendit, cissum everterit:* sive vitio equorum, quomodo ait Curtius lib. IV. cap. 15. *Equi crebra jactatione cervicum etiam currus everterant.* Ac posterius quidem *σρέφειν* vel *σρέφω* Græcis. Ita namq; reddunt Ulpiani verba Basilicorum Auctores: *Ἐὶ ἀμαζαὶ σρέφω τὸν ἀμαζαν.* Prius verò *ἐκκυλισθῆναι*. Homer. II. 4.

Αὐτὸς δὲ ἐκ δίφρου τοῦ τροχὸν ἐκκυλισθῆναι.

Ipse verò ex curru juxta rotam excussus est. Luciano est *ἐκδισθῆναι*. Verba sunt de Phaëtonte in Dial. Jovis & Solis: *Ἐπὶ τῷ Ἡριδανῷ, ἵνα περ' ἔπεισεν ἐκδισθῆναι.* *Juxta Eridanum, quo loco decidit curru excussus.* Ne quid verò tale fieret, aurigæ præsertim quærebant vitare, votis etiam conceptis, imploratisque Diis semitalibus, qui viarum & itinerum habere curam credebantur. Huc allusit auctor Parodiæ veteris de Sabino, quæ est inter Catalecta, ubi inter alia de Sabino auriga sive mulione:

Gg Neque

*Neque ulla vota semitalibus Deis
Sibi esse facta.* -- --

Cæterum, ad conscensum viri ferè utebantur saltu. Aufonius epigramm. 8. *Vel ciso trijugi, si placet, insilias.*
Virgilius lib. XII. Æn.

-- -- *Saltuque superbis
Emicat in currum.* -- --

Neq; aliter intelligendus est Homerus Iliad. α. ubi agit de Mercurio vehiculum Priami conscendente loco aurigæ:

Η, καὶ ἐπαΐζας ἐρίοντι ἄρμα καὶ ἵππους.

Est enim ἐπαΐζας, αἰζας ἐπὶ τὸ ἄρμα, ut Eustathius exponit, quod non est *irruens*, ut vertunt vulgo, verum plane *insiliens*. Quomodo Plutarchus habet in Pompejo: Ἐπὶ ᾧ Πομπήϊον ἐνδοῦς αἰζας. At verò fœminæ videntur habuisse scalas. Plutarchus in de Adulat. οὐδὲ γὰρ τὰς ἐν Κύπρῳ κολακίδας ἐπειδὴ διέβησαν εἰς Συρίαν, κλιμακίδας προσαγορεύθεισας, ὅτι ταῖς γυναῖξιν τῶν βασιλέων ἀναβαίνειν ἐπὶ τὰς ἀμάξας δι' αὐτῶν ὑποκατανύμωσιν παρέχον. *Neque adulatrices Cyprias, quæ, postquam in Syriam transiverunt, climacides* (quasi scalares diceret) *appellatæ sunt, quod Regum uxori- bus vehicula conscendere volentibus se substernerent, adscensumque eis praberent.* Sanè, nisi scalas quasdam habuissent vulgo, saltem delicatiores fœminis istis scalariarum nomen indi non videtur potuisse. Tempus conscendendi, maximè in meritoriis vehiculis, significabat mulio virgæ aut flagelli crepitu. Juvenalis respexit sat. III. istis verbis: *Sed jumenta vocant, & Sol inclinat; eundum est.*

*Nam mihi commota jam dudum mulio virga
Adnuit: ergo vale, nostri memor.* -- --

Jam sicut adscendebant viri saltu, ita saltu descendebant quoque. Sulpitius Severus Dial. II. cap. 4. de militibus vectis rheda fiscali: *Qua permoti injuria militantes, precipitatis in terram saltibus, se dederunt.* Ovidius lib. XII. Met. f. 3.

*Tum verò princeps curru fremebundus ab alto
Defiliit.* -- --

Pariter legas apud Homerum II. Φ.

Αὐτὸς δ' ἐν δίφῳ χαμαὶ θόρε παμφανόωντι &c.

Ipse autem è curru humi defiliit nitido. Similiter II.E.de Sthenelo:

-- -- 'Ο δ' ἀρ' ἱμμάπείως ἀπόρουσε.

Hic autem confestim defiliit. Et hi quidem sunt præcipuè, ad quos res currulis pertinet. At qui currus fabricant, sunt *carpentarii*. Mentio eorum in notitia artificum urbis Romæ, quæ proponitur in l.C.de Excusatione artificum. Unde simul patet, alios hos esse carpentarios, alios illos, quos superius commemoravimus. Certè, quomodo aurigæ inter architectos, medicos, pictores, statuarios, marmorarios, & id genus, numerari queant, non dispicio. Ita ergo erunt, qui Polluci ἀρματοπηγοὶ & ἀμαξοπηγοὶ. Verba ejus: καὶ ἀρματοπηγὸς ὃ καὶ Ὀμηρον προσήκοι ἀν τεκλονικῇ καὶ ἀμαξοπηγὸς εἴποις. Homeri locus, ad quem respicit, est II.Δ. ubi Scholiasti veteri exponitur, ἀρμάτα συμπηγνύων. Hesychius: Ἀρματοποῖς, τέκλον, ἢ ἀρματοπηγὸς. Suidas nominat ἀμαξεργῆς. Verba ejus: Ἀμαξεργοὶ. Ἀμαξεργῆς λέγεται τὰς ἀγριοπηγῆς. Εἰδὲ ὃ οἱ ἀγριοπηγοὶ τεκλόνων, οἱ τὰς ἀμάξας καὶ αὐτοὺς ἀμαξοποιεῖσι, καὶ πάντων τῶν ἀγρίων ζώων εἰσὶν ἐργάται. Ubi nota, etiam vocatos esse ἀγριοπηγῆς, quod feras distortasq; cunctas arbores in usus suos converterent. Quamquam fortè carpentarius sit propriè, qui carpenta facit, quomodo *trigarius*, qui trigas, *cisarius*, qui cisia, quorum itidem vocabula in notitia illa leguntur. Verba sese habent isto modo: *Carpentarii, sculptores, dealbatores, cutores, trigarii, cisarii, bractearii, &c.* Omnes mea opinione sunt artifices, qui fabricare pertinentia ad currus confecerunt. Nam & sculptores sculpebant, & dealbatores pingebant, & cutores armabant ære ferrove, & bractearii inducebant ebore, argento, auro. Carpentariorum mentio etiam in l.31. lib. VIII. t.5. Cod. Theod. ex qua liquet, certos ad cursum publicum destinatos fuisse, habuisseq; vestem & annonas ex publico. Num & habuere, qui peculiari arte onerarent, sicut hodie habere solent? Certè non cuiusvis est, diversi præsertim generis, onera sic in vehiculo componere, ut & firma jaceant, & pondere suo cursum vehiculi laboremque jumentorum promoveant. Quare non magnopere dubitare possum. Quamquam sæpe ipsi facerent plaustrarii. Unde apud Ulpianum lege Aquilia tenetur plaustrarius, *si male composuit lapides, & ideo lapsi sunt è plastro*, l. 22. ff. ad L. Aquil. §. 33. Memoratur in ve-

tutis Glossis aliquis ζευγής, vertiturq; *junctor*, forſitan, qvòd in jungendis mulis ad vehiculum præſtaret ſuam operam. Nam & in alio Lexico titulo de artificibus legitur: *Junctor*, ζευγής. Apud Columellam lib. I. cap. 6. *jugarius* videtur: *Lata bubilia eſſe oportebit pedes decem, vel minime novem, quæ menſura & ad procumbendum pecori & jugario ad circumcundum laxa miniſteria præbeat*. Hic *jugarius* videtur eſſe, qvì adjungit boves jugo. Niſi malis capere pro eo, qvì *jugarios* boves curat. Qvòmodo *jugaria* fuit Juno, quæ *jugatos* ſive *conjugatos* curare homines putabatur. Pertinent huc qvòq; qvì Latinis dicti *veterinarij*, à veterinis, id eſt, jumentis, quæ qualiacunq; vehunt onera. Nam Cato generaliter exponit apud Feſtum. Feſtus ita dicit: *Veterinam beſtiam jumentum Cato appellavit à vehendo*. Paulò quidem aliter Opilius eodem loco: *Opilius veterinam dici putat, quaſi venterinam vel uterinam, quod ad ventrem onus religatum gerat*. Loquitur haud dubie Opilius de jumentis non vehiculariis, ſed clitellariis; Solebat enim onus impoſitum clitellis religari uno fune ad ventrem, alterò ad uterum ſive imam ventris partem, ſicut hodieq; receptum eſt in mulis clitellariis. Sic veterina beſtia non erit curilis, aut jugata. Verum latius interpretatur Cato, & invenias apud Philoxenum, *veterina beſtia*, ζευγής, qvòd propriè ſignificat eam, quæ ſub jugum mittitur, hoc eſt, vehiculo adjungitur. Juvât qvòq; Plinius lib. XVII. cap. 23. quando de iſſis: *Namque ut veterina à jugo volutatio juvat*. Nam volutatio, à jugo eſt, quæ ſe volvunt in pulvere, poſtquam liberata ſunt à jugo. Non autem liberata à jugo intelliguntur, niſi quæ prius ſub jugo fuerunt. Ab his ergo veterinis ſunt veterinarii, qvì jugalium hujusmodi gerunt curam. Meminit eorum Columella lib. XI. cap. 1. *Nam & arator reperitur aliquis bonus, & optimus foſſor aut fœni ſector, nec minus arborator & vinitor, tum etiam veterinarius*. Ubi videtur intelligere eum, qvì qvòcunq; modo notitiam habet bonam veterinorum, eaq; ſcit probè curare. Qvanquam ferè alibi accipiat ſpecialiori notione pro jumentorum medico, nec jumentorum modò, ſed & pecoris cujuſlibet. Unde lib. VI. cap. 8. agens de boum qvòdam morbo, unde ſaſtidium eis oritur: *Vitioſa incrementa*

mental lingua, quas ranas veterinarii vocant. Et lib. VII. cap. 5. ubi agit de morbis ovium: Ovem pulmonariam similiter & suam curari convenit, inserta per auriculam, quam veterinarii consiliginem vocant. Alias sunt mulomedici. Jul. Firmicus lib. VIII. cap. 13. Hoc Oriente qui natus fuerit, aut erit auriga, aut equorum nutritor & cultor, vel eorum exercitator, aut mulomedicus vel equitarius. Hinc habes crebro eorum mentionem in Cod. Theodosiano inter ministeria cursus publici. Ut, l. 31. Nec mulionibus, nec carpentariis, nec mulomedicis, cursui publico deputatis. Græcis sunt ἰατροὶ ἄλσῳ. Glossæ veteres titulo de Divitiis: Mulomedicus, ἰατροὶ ἄλσῳ.

Cap. XVIII.

De vario vehiculorum usu.

Usus vehiculorum generalis. Initio adhibita in agris. Plaustrum inter sydera. Post in itineribus. Mulieres potissimum vehiculis quondam usæ, post promiscuè adhibita. Romæ ad hoc rheda meritoria. Harum usus rarus ad portanda onera. Vehicula sacra Deorum, ut quadrigæ Iovis. Livius emendatur. Item Solis. Thenfa. Alia. Ficta Poëtarum vehicula Iovis, Junonis, Saturni, Rheæ, Neptuni, Protei. Natalis Comes atque Erythreus notantur. Martis. Demsterus notatur. Veneris, Dianæ, Plutonis. Color ceruleus. Cereris, Bacchi, Solis. Sol quadrigas primum invenisse credebatur, & quare. Natalis Comes iterum notatur. Currus Auroræ. Aurora pro Sole. Gyraldus rejectus, & emendatus Fulgentius, ac Hyginus. Currus Lunæ. De Ausonii loco nova sententia. Invenca. Currus Noëtis. Vehicula Olympica & Circensia. Quibus Diis dicata fuerint. Tertullianus explicatus, ejusque vetus lectio defensa. Equus venetus, prasinus. Vehicula vera Diis consecrata. Quadam ad verorum effigiem in fastigiis adium sacrarum collocata. Vehicula ad portandas res sacras in pompa Circensi & Bacchi. Ad gestandos Sacerdotes. De sensu Taciti suspicio. Vehicula Regum apud gentes multas, aliorumque honoratiorum. Romæ Præfecti Prætorii & urbis, Vicarii urbis, Consulium, Senatorum. Gellii locus expensus. Currus ob præclara merita. Appa pro equo. Currus Victorum Olympicorum, Triumphantium. Currus ob animi constantiam, & fidem. Currus honoris causa missus obviam. Recepti ab aliis in currum.

ob honorem. Currus datus ob sexus reverentiam matronis, item Sponsæ in nuptiis. Brissonius notatur. Currus anei, marmorei, & id genus, honoris gratia, decreti Triumphantibus, eis quoque, qui publicum præbuisent munus, quales simul curru vecti per Circum. Currus honorarii alii, etiam cum elephantis. Currius ludicri in Abaco. Currus ad comædias, medicinam. Ἱατρὸς ἐν ἰδίῳ ᾠκῷ. Ad litterarum deportationem. Diploma ei rei. Cursus vehicularis non est idem cum angariis. Veredi. Vehicula domicilii & habitationis. Iustini lectio defensiva. Plinius emendatus. Vehicula cubiculorum vice. Vehicula ad exercitationes corporis, gestationes in porticibus. Vehicula ad recuperandam valetudinem. Ad sublevandas membrorum infirmitates, pedum, oculorum, etatis. Ad deportandos defunctos honoris gratia, vel minuendos sumptus, vel ad contumeliam, vel ob necessitatem ex multitudine funerum, aut longinquitatem viæ. Currus ad supplicia. Trahi, discerpi quadrigis. Hercules num auctor huius rei. Πῶλον, equi. Lipsii emendatio Seneca rejecta. Comminuti plaustris. Rota supplicium. Gallicula. Barthius notatur. Rota Græcica longè alia, quàm Germanorum. Erasmus, Frischlinus, Rhodiginus notati. Ignis & flagella cum rota. Vehiculis impositi per infamiam. Vehicula ad prælia. Διογλαῖ varia, quidque notent. Pollux explicatur. Persica, Libyca, Cyrenaica διογλαῖ. Vehicula in munimentum castrorum, ad securitatem itinerum, defensionem in pugna, portationem machinarum, & armorum militarium, superanda flumina, excludendos hostes à persecutione diuturniori, & id genus.

Usus vehiculorum in humana vita fuit varius & multiplex. Unus generalis ad portanda onera, transferendaq; ea de loco uno in alium. Sed cum ea onera non sint generis unius ejusdemque, inde nati usus alii aliiq; pro diversitate finium, ad quos ea onera referebantur. Primum omnium in agris usurpata videntur ad expedienda opera rustica, quæ carere nequeunt subsidio vehiculorum. Ac fortassis hæc est causa, quod in cælos ipsos astraque transtulerint. Nam quod sydus ursam vulgo nuncupant, id initio plaustrum est vocatum. Mansitq; illa appellatio apud gentes ferè omnes, omnium saltem gentium agrestes rusticosve, quos primos observasse sydera

dera propter cultum agrorum non est vero alienum. Hyginus lib. II. Poët. Astr. in Arcto minori: *Majorem arctum complures plau-
stro similem dixerunt, & αμαξαν Græcè appellarunt.* Et post pauca: *Initio qui sidera per viderunt, & numerum stellarum in unaquaque spe-
cie corporis constituerunt, non arctum, sed plaustrum nominaverunt.* Plaustrum ergo sydus illud non Latinis modò antiquissimis, sed & Græcis, qui vocarunt αμαξαν. Idem Arabes & Hebræi vetustissimi fecere, ut testatur Scaliger ad Manilium, neque alia est consuetudo gentium Germaniæ magnæ omnium mirabili consensu. Adeò non potest dubitari de antiquo hujus rei usu. Post vehicula videntur usurpata in itinere. Plaustris sanè seu vehiculis Jacobum, patrem suum, & uxores fratrum liberosque ad se adduci ex Mesopotamia in Ægyptum curasse Josephum legimus Gen. XLVI. Quo tamen ex loco colligat fortasse quispiam, nec ineptè, mulierum olim senumque usui potissimum fuisse destinata, viros juvenesque pedibus ple-
rumque iter consuevisse facere. At sequentibus temporibus promiscuè cesserunt omnibus. Ita Naaman Syrus vehiculo facit iter in Judæam, de quo lib. IV. Reg. cap. 5. *Venit ergo Naaman cum equis & curribus, & stetit ad ostium domus Elisæ.* Similia legimus de Thesaurario Candacis, Reginæ Æthiopum, in Actis, cap. 8. *Et revertebatur sedens super currum suum.* Vel, ut Græca habent, καθήμεν & ἐν τῇ ἀμαξί & αὐτῇ. Eadem Græcorum fuit consuetudo. Nam vehiculo & Pisistratus profectus est in prædia vicina teste Herodoto lib. I. & Triptolemus totum ferè orbem pervagatus, quod Hyginus docet. Latini vehiculis frequentissimè sunt usi ad itinera, viri, feminaeque. Tarquinius mox circa initia urbis ab Sabinis Romam proficiscitur *carpento sedens cum uxore*, quæ sunt Livii verba. Neque aliter deinde factum. Cicero de se ipso lib. V. ad Attic. epist. 17. *Hanc epistolam dictavi sedens in rheda, cum in castra proficiscerer.* Adde lib. VI. ad Attic. ep. I. ubi habet paria de Vedio. Plinius quoque de se lib. X. epist. 26. *Nunc destino partim onerariis navibus, partim vehiculis provinciam petere.* Achabebant ideò recentioribus temporibus Romæ atque alibi, qui rhedas & id genus elocarent eo fine sub mercede, quæ proinde *meritoria vehicula* nuncupabantur. Suetonius in Julio cap.

cap. 50. *Longissimas vias incredibili celeritate confecit, expetitus meritoria rheda, centena passuum millia in singulos dies.* Et in Caligula

cap. 39. *Quicquid instrumenti veteris aulae erat, ab urbe repetiit, comprehensis ad deportandum meritoriiis quoque vehiculis.* Tanquam singulare quid commemorat, quod vehiculis meritoriis sit usus Cajus ad deportationem instrumenti ejus. Nempe alias non ad res, sed homines, nec gestationem, sed profectionem pertinebant. Cæterum, ut hi duo modi primi antiquissimiq; fuerunt, quibus constitit vehiculorum usus, ita postea divisi sunt in varias multiplicesq; species pro diversitate negotiorum pertinentium vel ad pacem, vel ad bellum. Ac in pace quidem primum vehicula usurpata in sacris, tributaq; Diis ipsis. Tale ἄρμα Διὸς ἱερὸν, *currus Iovi sacer*, apud Herodotum lib. VII. quem religione summa colebant Persæ, inq; itineribus & expeditionibus secum habebant Reges. Curtius lib. III. cap. 3. in pompa Darii: *Currum deinde Iovi sacratum albescentes vehabant equi.* Ubi nota equos albos in hoc curru solennes. Atq; sic receptum fuit etiam aliis, maximè Romanis. Ideò vitio Camillo datum, quod hoc genere equorum usus esset in vehiculo triumphali, tanquam æmulatione quadam Jovis, ἱερὸν γὰρ ἡγεῖντο τὸ τοιαῦτον ὄχημα τοῦ βασιλέως ἔπαρτι τῶν Θεῶν, *sacrum enim tale vehiculum habent Deorum patri & Regi*, ut Plutarchus in Camilli vita loquitur. Livius lib. V. cap. 23. de eadem re: *Curru equis albis juncto urbem invectus: Parumque id non civile modo, sed humanum etiam visum. Iovis Solisque equis equiparatum Dictatorem in religionem etiam trahebant.* Ostendit & ipse, albos equos proprios putatos Jovi. Verum nescio, an integra sint loci hujus verba. Cui enim hic æquiparatur Dictator? Utrum equis? Quomodo? Nec enim intelligitur, imò ne quidem eis Livius æquiparatum voluit, sed Jovi. Quare illud *equis* non est casus tertius, sed ultimus. Jam si casus ille ultimus, oratio non est integra, quia nihil est, quod τὸς *equiparatum* respondeat. Quare puto Livium scripsisse, *Iovi Solique equis equiparatum.* Fuit nempe vocabulo *Iovi* adnexum sex sequenti voce *Soli*, & quia in secundo casu cœpit legi, etiam vocem *Soli* eo casu putarunt collocandam. Cæterum, ex verbis Livii apparet, etiam *Soli* currum Romanos tribuisse,

isse, eumq; pariter cum equis albis. Ubi verò currus hos habuerint, non liquet. Mihi verisimile videtur, respexisse ad eos, quos circumducebant in pompa Circensi, atq; thenfas alias vocabant. Sanè *thenfa Iovis* legitur apud Svetonium in Vespasiano, & ὄχος τῆς Ἀθῆνας, id est, *thenfa seu vehiculum Minervæ*, item ὄχος Ἀριῶ, id est, *thenfa seu vehiculum Martis*, apud Dionem in Circensi pompa. Sed & Dii reliqui Deæque, nec non Heroës, & ex hominibus in Deorum numerum relati, sua in Circensi pompa habuisse vehicula comperum est. Qvale quid ne Græcis quidem plane incognitum fuisse videtur, quum & Ptolomæus Philadelphus in pompa sua Bacchum aliosq; Deos sic traduxerit, ut apud Athenæum lib. V. legitur. Ac fortassis sua res hæc accepit initia ex imitatione sacrorum Judaicorum, cum in iis semel iterumque arca foederis vehiculo imposita & in locum suum traducta legatur. Ipse David hoc observavit cum suis, de quibus ita lib. II. Sam. cap. 6. habemus: *Et imposuerunt arcam Dei super plaustrum novum*. Alias vehicula tributa Diis, sed figmento quodam, à Poëtis & Pictoribus. Atq; Jovi quidem assignabant quadrigas ipsi quoque. Inde Plautus in Amphitruone:

Quadrigas si incendas Iovis, nunquam effugies infortunium.

Ubi nota, his quadrigis summam tribui celeritatem, quod existimant ex eo fieri, quoniam celerrimo curriculo rapi Jupiter ex Olympo in terram, & rursum ex terris in Olympum fingatur. Verum rectius putabimus hoc inde ortum, quia Jupiter non est alius paganus, quam qui vulgo Sol vocatur, cujus curius est celerrimus. Sed de Sole postea. De Jove ac celeritate currus ejus etiam Lucianus videtur testari, quando currum facit alatum in Piscatore: ὁ μέγας Ζεὺς ἑλκύνων ἄρμα ἐλαύνων. *Vt magnus Iupiter curru vectus alato*. Sumfit Lucianus hoc ex Platonis Phædro, ubi Plato quoque: ὁ μὲν δὲ μέγας ἡγεμὼν ἐν ἑρανῶ Ζεὺς ἑλκύνων ἄρμα ἐλαύνων. *Magnus Imperator cæli Iupiter curru vectus alato*. Imitatur & Horatius, quando *volucrem* appellat currum eum lib. I. Carm. od. 34.

Plerumque per purum tonantes

Egit equos, volucremque currum.

Sed dispiciendum, annon volucris alatusq; currus hic dicatur propter

pter aquilas, quas nonnulli adjunxere loco eqvorum. Sanè in Hygini picturis sat antiquis non sunt eqvi, verum aquilæ, in curru Jovis. Juno & ipsa curru fingitur incedere, sed tracta pavonibus. Ovidius lib. II. Metam.

-- -- -- *Habili Saturnia curru
Ingreditur liquidum pavonibus athera pictis.*

Saturno picturæ Hygini currum tribuunt cum draconibus adjunctis, qui caudas suas ore præhendunt & absumunt. Quod non puto alibi occurrere. Rheam, quæ & Isis vel Cybele, fingeant uti curru tracto leonibus. Hinc Lucretius lib. II.

*Hanc veteres Grajum docti cecinere Poëta
Sedibus in curru bijugos agitare leones.*

Consentiunt Virgilius Æn. II. Claudianus de Raptu Proserpinæ, ac alii, monumenta item prisca nummiqve, quales cernuntur apud Anton. Augustinum in gente Volteja, Rossinum, atq; alios. Leones illi quondam homines fuisse finguntur, Hippomanes videlicet ac Atalanta, post ira Numinis conversi in feras. Ovid. lib. X. Met. f. 14. de ipsis agens pluribus, postremo claudit:

*Pro thalamis celebrant sylvas: aliisque timendi
Dente premunt domito Cybeleia frana leones.*

Habet etiam Neptunus currum sententia Poëtarum, eumq; quadrijugis junctum. Hinc Orpheus de eo:

Κυμοθαλής, χαρίῳπα, τετραπόρον ἄρμα διώκων.

Quadrijugum impellens currum, summo æquore labens. Plato ad illius currum eqvos jungit sex in Critia: τὸν μὲν θειὸν ἐφ' ἄρματος ἐστῶτα ἐξ ὑποπλέγων ἵππων ἑνὸς ἑκάστων. *Constituerunt Deum, (Neptunum) currui insistentem, sex alatorum equorum aurigam.* Ubi observa, eqvos hosce dici alatos. Nam alii quidem eqvos nominant nudos. Ut Virgilius lib. V. Æn.

*Iungit equos currigenitor, spumantiaque addit
Frana feris.* -- -- --

Et fortasse Plato non tam alas aliquas in eis intellexit, quam celeritatem singularem. Nam & Virgilius statim post prædicta:

Caruteo per summa levis volat æquora curru.

Quomodo & lib. I. Æn. de Neptuno:

-- -- *Curruque volans dat lora secundo.*

Pro equis hippocampus alii in eo posuere, neq; illos sex, vel quatuor, sed duos, si est verum, quod habet Schottus in Dial. XII. Antiq. C. Marius, ait, *Arpinas, belli arte manuque promptus, in Nummis cuspum caput edidit Neptuni, &c. Atergo in biga habenis regentem cernas hippocampus.* Sanè apud Fulvium Ursinum quoq; in gente Crepereia currus cernitur cum hippocampis, hoc est, equis in pisces desinentibus, duobus, cui insistit aliquis cum tridente. Sed, num is Neptunus sit, certò haud dixerim, cum hoc genus Proteo tribuat Virgilius lib. III. Georg.

Est in Carpatio Neptuni-gurgite vates

Ceruleus Protheus, magnum qui piscibus aquor.

Et juncto bipedum curru metitur equorum.

Pulchrè *bipedum equorum*, quia pars eorum posterior in pisces erat deformata. Unde Servius: *Equi enim marini prima parte equi sunt, postrema resolvuntur in pisces.* Eqvos marinos vocat, quos Schottus hippocampus. Tales ergo Proteus, non Neptunus habuerit. Neptuno tamen sunt, qui cete tribuant pro equis, vitulosque marinos. Natalis Comes lib. II. *Alii maluerunt ejus currum trahi à vitulis marinis & cete, quam ab equis.* Qui sint illi alii, non declarat. Observo interim ex numero illorum esse Erythræum, quando ita notat ad Virgilii lib. V. Æn. p. m. 241. *Homerus Odysf. V. currum describit Neptuni, τὰ κῆτι μεγάλα.* Verum ego nihil tale invenio apud Homerum. Verba ibi sunt Ulyssis naufragi, & inter fluctus nantis: *Vereor,*

Ἥ ἔστι μοι καὶ κῆτ' ὁ ἐξ ἰστένης μέγα δαίμων.

ne mihi cete immittat magnus Deus. Hæc verba nihil faciunt ad currum Neptuni, timuisse Ulysses ostendunt, ne à piscibus devoretur. Et qui possint, cum præcedat paulò ante apud ipsum quoq; de Neptuno:

Ὅς ἄρα φωνήσας, ἵμασεν καλὴν τριχὰς ἵππον.

Sic locutus impulit pulchricomos equos. Tribuit & Homerus equos Neptuno in curru, non cete, neque vitulos marinos. Memorant

Poëta currum quoq; Martis cum eqvis. Ipse Homerus Iliad. O.

Ὡς φάτο· καὶ ῥ' ἵππους κέλετο δ' αἶμόν τε, φέρον τε

Ζευγνύμεν.

-- -- -- -- --

Sic dixit, (Mars) & equos jussit Metumque Fugamque jungere. Per Metum Fugamque, sunt, qui putant eqvos intelligi sic nominatos. At Eustathius Martis filios exponit. Eqvos sanè memorat in curru Martis etiam Calaber, verum quatuor, eosq; vocat Æthona, Phlogium, Combon, & Pholum. Pro eqvis Demsterus locat leones. Verba ejus sunt in Comment. ad Roslini X. cap. 29. *Antonius Hellogabalus triumphabat tigribus, ut referret Bacchum, leonibus, ut Martem, denique canibus, ut exemplo careret.* Habet, ut testatur ipse, ex Lampridio. Verum primo falsum est, quod ait triumphasse. Nusquam hoc Lampridius, quod alibi jam dixi. Deinde nec id verum, quod de Marte prodit. Nulla Martis mentio in verbis Lampridii, sed Matris Deum, id est, Isis vel Cybeles. Ita enim habent: *Iunxit sibi & leones, Matrem magnam se appellans.* Verba hæc non bene Demsterus inspexit, & ex Matre Martem nobis deformavit. Veneri tribuerunt currum cum columbis. Docet pictura verus Hygini, & Ovidius lib. XV. Metam. ubi de Venere:

Perque leves auras junctis in vecta columbis.

Apulejus quoq; lib. VI. Asini, de curru Veneris agens: *De multis, quæ circa cubiculum Domina stabulant, procedunt quatuor candidæ columbæ, & hilaris incessibus picta colla torquentes, jugum gemmeum subeunt, susceptæque Domina latæ subvolant.* Quibus verbis nota quatuor nominari, cum in picturis Hygini duæ tantum cernantur. Sunt tamen, qui pro columbis cygnos memorant. Ut Horatius lib. III. Carm. od. 28. ubi sic describit:

-- -- -- -- --
*Quæ Cnidon
Fulgentesque tenet Cycladas, & Paphon
Iunctis visit oloribus.*

Et Papinius lib. I. Sylvarum in Epithalamio, de Venere:

-- -- *Amyclæos ad fræna citavit olores.*

Ipse etiam Ovidius hoc facit lib. X. Metam.

*Vecta levi curru medias Cythera per auras:
Cypron olorinis nondum per venerat alis.*

Sappho

Sappho ei tribuit passeret, quod est singulare. Ita enim habet carmen ejus ad Venerem, quod legitur apud Dionysium Halicarnasenseum in libro de structura Orationis :

-- -- -- Ἡλθεῖς
 Ἀρμ' ὑποζεύξασα· Καλοὶ δὲ σ' ἄγον
 Ωκίεες περ τοῖς, πτέρυγας μελαίνας
 Πυκνὰ δινέοντες. -- --

Venisti curru vecta. Pulchri te ferebant agilesque passeret, ales nigras crebro moventes. Dianæ currum finxerunt trahi à cervis. Calimachus :

-- -- χρύσειον δ' ἐζεύξατο δίσκον
 Ἐν δ' ἐβάλευ χρύσεια θεὰ κερμάδεσσιν χαλινὰ.

Et frana, quæ aurea cervis imponis, cum ducis ad currum aureum. Apollonius lib. III. Argon. v. 877.

Χρυσείοις Ἀηλῶϊς ἐφ' ἄρμασιν ἐς πῆα
 Ωκείαις κερμάδεσσιν διεξέλασσι κολώνας.

Aureo in curru stans Diana velocibus cervorum hinnulis colles trans-vehat. Atq; hac effigie Diana cernitur etiam in nummis veteribus & monumentis aliis. Pluto apud Pœtas currum habet cum eqvis. Docet Claudianus in Gigantom.

-- -- -- Rex ille silentium
 Lethæo vehitur curru, lucemque timentes
 Insolitam mirantur equi, trepidoque volatu
 Spissas cæruleis tenebras è naribus efflant.

Nota, nares eis eqvis tribui cæruleas, quia color is eqvorum integrorum fuit. Intelligitur verò cæruleus, non qvalis Cœli, cum est serenum, sed cum obicurum atq; tenebrosum. Cyaneum & Indicum alias vocarunt, qvalis distat proximè à nigro. Hinc Ovidius eosdem eqvos vocat atros lib. V. Met.

Hanc metuens cladem tenebrosa sede tyrannus
 Exierat, curruque atrorum in vectus equorum
 Ambibat Sicule cantus fundamina terre.

Nempe Pluto Jupiter est inferus. Sicut ergo candidos, qui est superus, habere fingebatur eqvos, sic ex adverso alter atros. Nume-

rus equorum putatur quaternarius. Claudianus in de Raptu Proserp. ubi Pallas ad Plutonium:

Audes Tartareis Cælum incestare quadrigis.

Idem nomina eis dat Orphnæi, Æthonis, Nyctei, & Alastoris, lib. I. Cereris currus trahitur ab angvibus. Sic Orpheus in carmine de ipsa, primus forsan hujus commentii auctor:

Ἄγμα δρακοντείον σὺν ὑποζεύξασα χαλινούσας.

Currum jungens angvibus franatis. Angyes illi putabantur bini, unde Ovidius lib. V. Met.

-- -- *Geminos Dea fertilis angves*

Curribus admovit, franisque coercuit iras.

Neq; aliter effigiem ejus representant nummi veteres. Claudianus istiusmodi vehiculum ei tribuit, in de Raptu Proserpinæ, ubi & de cætero describit eleganter. Bacchum quoq; curru vehi voluerunt, quem trahant tigres. Ovidius lib. I. de Arte:

Iam Deus in curru, quem summum texerat uvis,

Tigribus adjunctis aurea lora dabat.

Virgilius lib. VI. Æneid.

Nec qui pampineis victor jûga flectit habenis

Liber, agens celfo Nyse de vertice tigres.

Idem tamen Ovidius & lynces ei tribuit in curru. Versus extant libro IV. Metam.

-- -- *Tu bijugum pictis insignia franis*

Colla premis lyncum: Baccha Satyrique sequuntur.

Bijuges appellat, unde sequitur, duos tantum habuisse. Quomodo & Martialis ei duos tantum tribuit tigrides, lib. VIII. ad Domit.

Nam cum captivos ageret sub curribus Indos,

Contentus gemina tigride Bacchus erat.

Post hos invenio & Soli datum currum à Poëtis, sive Phœbo. Describit eum pluribus Ovidius in fabula Phaëtonis. Et Prudentius hac dere in lib. I. contra Symmachum:

Hoc sidus currum, rapidasque agit axe quadrigas

Commenti. -- -- --

Ubi quod commemorat quadrigas, proprium & peculiare est in curru

curru Solis, quando Solem primum quadrigas censent invenisse. Ita discimus ex Hygino, quando ait lib. II. *Astron. Admiratus est ingenium hominis ad Solis inventa accessisse, quod Princeps quadrigis inter Deos est usus.* Ante Solem ergo nullis Dii usi quadrigis putabantur, ipse primus iunxit equos quatuor, ex sententia Poëtarum. Quamquam commentu huius causa, quod per anni partes currat quatuor. Fulgentius in Mytholog. lib. I. *Hinc quoque quadrigam ascribunt, illam ob causam, quod aut quadripartitis temporum varietatibus anni circulum peragat, aut quod quadrifido limite die metiatur spacium.* Quatuor ergo equi semper sunt in curru Solis, erratque sine dubio Natalis Comes, quando putat Homerum nominare tantum duos. Verba ejus ita habent lib. V. cap. 13. *Homerus lib. XIII. Odyssæa duos tantum Solis equos numeravit, Lampum scilicet, & Phaëtonem.* Sed errat Natalis, quando hi non Solis equi apud Homerum sunt, sed Auroræ. Verba Homeri manifesta sunt.

Λάμπρον καὶ Φαέθον δ', οἳ τ' ἥν' ἅλλοι ἀγροῖ.

Lampum & Phaëthonta, qui Auroram juvenes ducunt. Non Solem ait ducere, sed Auroram. Equorum Auroræ mentionem facit & Ovidius lib. I. *Amor. el. 8.* ubi eis roseum tribuit colorem:

— — *Nigri non illa parentem*

Memnonis in roseis sobria vidit equis.

Parens Memnonis Aurora tradebatur, sicut notum. Aurora igitur secundum Poëtas vecta equis & ipsa, verum binis, iisque roseis, qui Phaëthon & Lampus dicebantur. Unde Pacuvius in Thyeste: *Non illic luteis Aurora bigis.* Ubi nota, luteas pro roseis, quas Nonius tamen splendida exponit. Pædo quoque in obitum Mæcen. de Aurora loquens:

Illius aptus eras roseas adjungere bigas.

Contra tamen etiam Virgilius lib. VI. *Æn. Roseis Aurora quadrigis.* Sed hic Solem denotare rectè vidit Donatus, de quo & Servius ad ista verba: *Donatus dicit, Auroram cum quadrigis positam Solem significare.* Sol igitur non binis, sed quaternis vectus equis, neque rosei, sed purpurei coloris. Itanamque Ovidius testatur epistola 21.

Demere purpureis Sol juga vellet equis.

Sed quid faciendum Martiali, qui & ipse duos tantum Solis equos nominat? Verba ejus hæc sunt:

*Quid cupidum Titana tenes? Iam Xanthus & AEthon
Frana volunt.* -- -- -- --

Gyraldus sanè putat, ipsum quoque duos tantum illi tribuisse. Verba ejus in Syntagmate VII. *Martialis tamen duos solum memorat Solis equos.* Sed non necessariò hinc colligas, quia duos solum memorat, duos quoque solum tribuisse, sæpe namque unum modò nominari videmus in quadrigis, quod jam alibi notatum. Itaque & ipsum memorasse hos, sed sine reliquorum exclusionem, arbitramur. De quadrigis certè eo minus dubitare possumus, quoniam & nomina equorum & sexum veteres prodidere. De nominibus scimus ex Fulgentio, qui sic habet lib. I. Mytolog. *Vnde & ipsius (Solis) equis condigna sic nomina posuerunt; id est, Erythreus, Actæon, Lampos, Philogæus.* Eadem verba legas apud Commentatorem veterem Germanici, p. m. 144. sed ut pro *Lampos* exhibeant *Lampros* meliori ratione, cum *Lampron* uterque; *lucentem* vel *ardentem* reddant. Alii alia posuere nomina, sed & ipsa quatuor, ut sit nullum de quadrigis dubium. Ovidius II. Metam.

*Interea volucres, Pyrœis, & Eous, & AEthon,
Solis equi, quartusque Phlegon, hinnitibus auras
Flammiferis implent.* -- -- --

De sexu cognoscimus ex Hygino, qui sic habet lib. I. cap. 183. *Equorum Solis nomina: Eous, per hunc Cælum verti solet; AEthops, quasi flammeus est, concoquit fruges. Hi funales sunt mares. Fæminæ jugariæ, Brontæ, quæ nos tonitrua appellamus; Sterope, quæ fulgitrua.* Ita enim cenſeo legendum, pro *Eos*, *AEthyops*, quæ fulgitrua. Pro jugariæ male hætenus excudi *locariæ* Salmaſius quoque vidit. Factum autem hoc ex eo, quia primum *jocariæ* fuit scriptum ſolenniſſima tñ in o & g in c mutatione. Jugariæ igitur fuerunt fæminæ, funales verò mares, ſecundum Hyginum, licet ipſe quoque in eorum appellatione à reliquis diſſentiat. Et hæc quidem ſatis de nominibus equorum Solis atque ſexu. Nam quæ ex Homero tradit nomina iſ ipſe Hyginus, nec in iis, quæ ſuperſunt ex Homeri ſcriptis, leguntur, quantum

quantum scio, & fœdissimè sunt depravata, sicut alibi ostendam. Illud observatione dignum, quod ad curruum Solis Claudianus jungat non eqvos, verum gryphes. Verba leguntur in sexto consûlatu Honorii: *At si Phæbus adest, & frenis grypha jugalem*

Riphaeo tripodas repetens detorsit ab axe.

Sed nimirum sequitur hæc parte philosophiam & traditiones Indorum. Quod jam Vossius notavit ex Philostrati lib. III. de vita Apollonii, cap. 14. ubi sic Philostratus: *Τὰ γὰρ διπλά ταῦτα εἶναι τε ἐν Ἰνδοῖς, καὶ ἱερὰς νομίζεσθαι τῇ ἡλίῳ. Τέττιππά τε αὐτῶν ὑπαζευγνύουσι τοῖς ἀγέλασιν τὰς τὸν ἡλίον ἐν Ἰνδοῖς γράφοντας. Has enim aves ajunt esse in India, ac Soli sacras, ac quadrigis eas jungunt, qui Solem apud Indos pingunt. Ubi nota τέττιππων si-ve quadrigarum vocem, quando & apud Indos hunc, quem dixi supra, numerum animalium in curru Solis creditum ostendit. Jam, ut Soli, sic & Lunæ tribuerunt curru.* Virgilius lib. X.

Iamque dies Cælo concesserat, almaque curru

Nocti vago Phæbe medium pulsabat Olympum.

Dicebatur autem uti bigis, non quadrigis. Manilius:

Quadrijugis ut Phæbus equis, & Delia bigis.

Color putabatur albus, sive niveus. Ovidius l. de Rem. Amor.

Vt solet in niveis, Luna vehetur equis.

Nota nominatim eqvos memorari, quod & fit ab aliis. At Ausonius pro iis habet juvencas. Verba extant ep. 19.

Iam succedentes quatiebat Luna juvencas.

Sed quæ illæ juvencæ? Num boves? Ita fanè judicat Prudentius, qui propterea lib. I. contra Symmachum de Luna:

Nunc bigas frenare boves -- --

putatur. At in picturis antiqvis Hygini currus ejus trahitur à duabus puellis: Quæ cum & ipsæ sint juvencæ seu juvenculæ, de Ausonii animo possis dubitare; maximè, cum & Ovidius juvencæ vocem usurpaverit de puella, ep. 5.

Graja juventa venit, quate patriamque domumque

Perdat: Iô prohibe; Graja juventa venit.

In vetusto carmine apud Fulgentium lib. I. Mytol. vehiculo Lunari adjunguntur tauri. Verba sic se habent:

*Astrigeroque nitens diademate Luna bicornis
 Bullatum bijugis conscenderat athera tauris.*

Claudianus cervos nominat in eo, in Sec. Conf. Stilich. v. 286.

-- -- *Cervi currum subiere jugales,
 Quos decus esse Deæ primi sub limine cæli
 Rofcida fecundis concepit Luna cavernis.*

Sed hic Luna Dianam magis repræsentat, de qua diximus in præcedentibus. Quotiens autem verè Lunam significat, boves potius usurpant, vel eqvos. Quomodo Auctor vetustus Hymnorum:

*Ζευξάμενιν πόλιν ἐρίδουχας αἰγλήεντας
 Εσσυμένους προέρωσ' ἐλάση καλλιτέρχας ἵππους.*

Iunētis equis longæ cervicis fulgidis impetuosè prius agitavit equos pulchricomos. Dant & Nocti bigas Poëtæ. Claudianus in de Raptu Proserp. v. 275.

-- -- *Sparso Nox humida somno
 Languida cæruleis invexerat otia bigis.*

Quibus verbis bigæ cæruleæ nigras denotant, quomodo & Plutonis equi sunt cærulei, ut supra est ostensum. Præter hæc vehicula, Diis erant consecrata, quibus certabant in ludis. Ita Græci dabant in Olympicis spectaculis, & similibus. Romani habuere in Circo, ubi bigas quidem emittebant in honorem Lunæ. Tertullianus de Spectaculis cap. 5. *Bigas Lunæ sanxerunt.* Isidorus: *Bigas Lunæ consecraverunt.* Bigæ istæ fuerunt eqvorum, quorum unus nigri, alter candidi coloris erat. Isidorus rursum: *Bigas Lunæ consecrarunt, quoniam gemino cursu cum Sole contendit, si ve quia & nocte videtur & die.* Iungunt enim unum equum nigrum, alterum candidum. Videntur & mulares bigæ huc referri oportere. Nam de his, in ludis publicis, usurpari solitis, non aliis, accipio, quæ leguntur apud Festum: *Mulus vehiculo Lunæ adhibetur, quod tam sterilis ea sit, quam mulus, vel quod, ut mulus non suo genere, sed equi creetur, sic ea Solis, non suo fulgore luceat.* Præsertim, cum præcedat proximè à Paulo Festi Breviatore adductum: *Mulis celebrantur ludi in Circo maximo, Consuabibus.* Trigas dabant Diis inferis. Isidorus: *Trigas consecrarunt Diis inferis.* Et paulò post, ubi causam addit: *Trigas Diis inferis, quia*

quia hi per tres atates homines ad se rapiunt, id est, per infantiam, juventutem, atque senectā. Quadrigas referebant ad Solem. Tertullianus: De jugo verò quadrigas Soli sanxerunt. Pariter & Isidorus, atq; alii. Erat porro color harum quadrigarum duplex tantum ab initio, albus, & roseus, sive rufus. Hoc enim vult Tertullianus libro de Spectaculis, cap. 5. ubi ait: Nam initio equi duo soli fuerunt, albus & roseus: Albus hyemi, ob nives candidas, roseus æstati, ob Solis ruborem, voti erant. Pro duo soli, sunt, qui duo Solis legant, unde hic de Solis eqvis Commentator, Laurentius de la Barre. At nil tale voluit Tertullianus, colorum in Circo numerum binarium solummodo fuisse ostendit, postea demum factum quaternarium. Ideò subjungit: Sed postea, tam voluptate quam superstitione provec̃ta, roseum alii Marti, alii album Zephyris consecrarunt: Prasinum verò Terræ Matri vel Verno; venetum Cælo & Mari, vel Autumno. Hic sanè prasinus & venetus equus non de colore in eqvis, qualis nullus est in eis, sed quadrigis totis, omniqve illarum apparatu, est accipiendus. Id quod hac occasione annotandum. Sed & hoc non omittendum, licet Soli sacræ forent quadrigæ, colores tamen earum pertinuisse roseum seu rufum ad Martem, album ad Zephyros, prasinum ad Terram, venetum ad Mare vel Cælum. Vel, ut alii exponunt, prasinum ad ver, rufum ad æstatem, venetum ad autumnum, niveum ad hyemem. Sed de his occasione alia. Habebant & sejuges in honorem Jovis. Isidorus: Sejugæ maximus currus currit Iovi, propter quod maximum Deorum suorum eum esse credunt. Porro citra usum aliquem consecrata quoq; Diis vehicula habuere. Liquet exemplo vehiculi, quod in Midæ regia repositum Gordius Jovi dedicaverat. Justinus lib. XI. cap. 7. Ille (Gordius) plaustrum, quo vehentî regnum delatum fuerat, in templo Jovis positum, Majestati regiæ consecravit. Nec fortassis aliter fecere alii post finita rustica opera, si genus aliud vivendi instituissent. Sed & quæ capta habuerunt ex hostibus, suspensa in postibus consecrare Diis solebant. Unde Virgilius lib. VII.

*Multaque præterea sacris in postibus arma
Captivi pendent currus curvæque secures.*

Et Servius hoc loco: *Sacris in postibus, ubi spolia consecrabantur. Habuerunt ergo inter cætera spolia suspensa & currus, idq; in postibus ædium sacrarum. Quin imò curruum simulachris quoq; istas ædes adornabant. Plutarchus in vita Romuli: Inter ceteram prædam ex Camerio aeneam attulit currum, atq; eum in templo Vulcani dedicavit, cui imposuit statuam suam, quam Victoria coronat.* In Græco est χαλκῶν τεθριππων, quod significat currum cum adjunctis eqvis quatuor. Non igitur verus ille currus fuit, sed ex ære ad similitudinem veri formatus, una cum eqvis. Et solebant veteres hoc genere ornare templa maximè in summo. Testantur primo nummi veteres ingenti copia, Græci Latiniqve, ut & monumenta alia. Deinde Scriptores: Quomodo de templo Delphici Apollinis videmus prodere Justinum lib. XXIV. cap. 7. ubi de Brenno: *Præda ubertatem omnibus ostendebat, statuasque cum quadrigis, quarum ingens copia procul visebatur, solido auro fusas esse.* Et de templo Apollinis Palatini Romæ Propertium lib. II. eleg. 3.

Auro Solis erat supra fastigia currus.

Formabantur porro currus hi ad instar bigarum quadrigarumqve primum ex auro, quod superiora docent. Dein ex ære, quod exemplo Romuli cognoscitur. Sed & Livius de iis lib. X. cap. 23. *Eodem anno Cn. & Q. Ogulnii ædiles curules aliquot sæneratoribus diem dixerunt, quorum bonis multatis, ex eo, quod in publicum redactum est, aenea in Capitolio limina, Iovemq; in culmine cum quadrigis posuerunt.* Currus hi nonnunquam inducebantur auro. Livius iterum lib. XXXV. cap. 41. *Iudicia in sæneratores eo anno multa severe sunt facta, accusantibus privatos adilibus curulibus, M. Tuccio & P. Junio Bruto. De multa damnatorum quadriga inaurata in Capitolio posita in cella Iovis supra fastigium edicule.* Invenio & fictiles ejusmodi quadrigas. Festus voce Ratumena: *Equi feruntur non ante constitisse, quam pervenirent in Capitolium, conspectumq; fictilium quadrigarum, quæ erant in fastigio Iovis templi.* Eadem narrat Plinius lib. XXVIII. cap. 2. & tali modo, ut appareat non infreqvens fuisse. Post hunc usum, qui honori Deorum tributus, vehicula etiam adhibita rebus sacris deportandis. Ita legimus de sacris Cereris apud Servium lib. I. Georg.

org. *Ipsa* (Eleusina mater) *est etiam Ceres, Romæ quoque sacra hujus de plaustris vehi consueverant.* Et de rebus in pompa Circensi solitis circumduci apud Macrobiū lib. I. Sat. cap. 6. ex Verriō: *Evenisse, ut Circensium die puer de cœnaculo pompam supernè despiceret, & patri referret, quo ordine secreta sacrorum in arca pilenti composita vidisset.* Simile quid in sacris Bacchi observamus receptum, nam in iis membrum virile in plostello ductum. B. Augustinus lib. VII. C. D. cap. 19. ex Varrone: *In Italia compitis quadam sacra Liberi celebrata cum tanta licentia turpitudinis, ut in ejus honorem pudenda virilia colerentur.* Nam hoc turpe membrum per Liberi dies festos cum honore magno plostellis impositum prius per rura in compitis & usque in urbem postea vectabatur. Amplius vehicula observamus tributa sacris hominibus sive Sacerdotibus. Apud Thessalos profectò Sacerdos Dianæ curru vehebatur. Unde Heliodorus lib. III. describens pompam sacram ejus Deæ, Charicliamq; Sacerdotem: Ἡρῆλο ἐφ' ἀρμάμαξις δ' ἀπὸ συνωπίδ' & λευκῆς βοῶν ὀχούμενη. *Vehebatur harmamaxa, quam trahebat biga bouum alborum.* Et Pausanias lib. VII. de ejusdem Deæ pompa apud Patrenses: *In ea virgo, quæ sacerdotio fungitur, postrema omnium ceruorum bijugo curru vehitur.* Consimili modo apud Argivos Sacerdos Junonis templum adire non pedibus debebat, verum curru. Herodotus in Clio, ubi verba refert Solonis: Σέσης ἐορτῆς τῇ Ἡρῇ τοῖσι Ἀργείοισι, ἔδει πάντως πλὴν μητέρα αὐτῶν ζεύγεσθαι κομῆσαι θῆνας ἐς τὸ ἱερόν. *Cum dies festus Junonis apud Argivos esset, oportebat omnino matrem eorum ad templum venire junctis bobus.* Loquitur de matre Cleobis & Bitonis, quæ Sacerdos Junonis fuit, quod & ipse docet, & testatur Cicero in Tuscul. I. *Primum Argie Sacerdotis Cleobis & Biton filii prædicantur, &c.* Sic apud Romanos virgines Vestales vehebantur curru. Quod cognoscimus ex Prudentio, quando sic de aliqua:

*Fertur per medias, ut publica pompa, plateas,
Pilentoresidens molli.* -- -- --

Et huc trahunt viri docti, quæ leguntur apud Tacitum XII. Ann. cap. 42. de Agrippina: *Carpento Capitolium ingredi, qui mos Sacerdotibus & sacris antiquitus concessus.* Quamquam fortè hoc ad Vestales solas non sit adstringendum, cum præsertim Artemidorus

lib. I. cap. 58. testetur, curru in somniis per urbem vehi, virginibus bona sacerdotia portendere. Non autem fœminis sacerdotibus solummodo hoc reperimus tributum, sed & viris. Sic enim de Fidei Flamine apud Romanos Livius lib. I. cap. 20. *Ad Fidei sacrarium Flamines bigis curru arcuato vehi iussit.* Post hunc, in sacris, etiam alius vehiculorum usus erat in negotiis aliis, spectans pertinensque ad honorem. Ita enim constitutum fuit apud Ægyptios antiquissimis temporibus, ut curru veherentur Reges, quod ex Mose quoque cognoscimus, qui mentionem facit hujus consuetudinis lib. I. c. 47. Similis Persarum consuetudo, quod non uno loco docet Xenophon in Pædia. B. Augustinus, in quæst. ex utroque testam. cap. 115. *Persarum Reges vehiculis feruntur. Nam veteres Reges Persarum nec videbantur a populis.* Athenæus lib. XII. cap. de eodem Rege: *Ὅτι εἰς ἰσχάτην αὐτὴν ἔλθοι, ἀνέβαινε δὲ τὸ ἄρμα, ἐν ᾧ καὶ ἑῷ ἵππος, πρὸς τὴν πόλιν ἑώραθ' ἐξω τῶν βασιλείων.* Cum ad aulam ultimam venit, conscendit currum, interdum & equum, pedibus vero ire nunquam extra regiam conspicitur. Apud Gallos quoque Reges olim vecti curribus. Eginhartus de Gallorum seu Francorum Rege: *Quocumque eundum erat, carpento ibat.* Romani serius hoc instituerunt, instituerunt tamen, ut carpentis veherentur Imperatores, quanquam sic, ut sua uterentur libertate, si equis vehi mallerent. De Nerone Suetonius: *Nunquam carrucis minus mille fecisse iter traditur.* De Heliogabalo Lampridius: *Habuit gemmata vehicula, & aurata, contemptis argentatis & eboratis.* Sic Heraclii extat nummus, Lipsio editus in calce operis de Cruce, in quo cernitur Imperator carpento sive alio Imperatorio vehiculo insidens. Etiam apud Indos valuit hæc consuetudo, si quæ Curtio est fides. Ita namque habet lib. VIII. cap. 9. *Breviora itinera equo conficit. Longior ubi expeditio est, elephantibus vehunt currum.* Atque ista fortasse causa, cur inter cætera Regum insignia Theodoretus referat & vehicula. Verba ejus serm. 10. τὸ μὲν τῆς βασιλείας περιβόητον σχῆμα τὴν ἀλουργίδα, τὸν ἑφάρον, τὸν θρόνον, τὸ ζεύγος, τὰς δορυφόρους. Regie dignitati addita est species per purpuram, coronam, thronum, currum, satellites. Deinde datum hoc honori etiam eorum, qui munus quoddam nobile in Republica sustinerent. Quo

fortasse

fortasse pertinet, quod de Pharaone Ægypti Rege legimus, tribuisse Josepho, ut in curru proximè à suo veheretur. Romani saltem sic instituerunt apud se, quanquam serius, & Cæsarum demum temporibus. His enim factum, ut carpento veheretur Præfectus Prætorii, quod ex Notitia veteri colligimus, in qua præter alia insignia Prætorii Præfecto tribuitur etiam carpentum. Idem subinnuit Cassiodorus, quando Præfectum Prætorii in formula ipsius, quæ est lib. VI. cap. 3. comparat Josepho, qui *carpentum reverendus ascendit*. Simili vehiculo & Præfectus urbis est ornatus, de quo idem Cassiodorus dicto libro, cap. 4. *Carpento veheris per nobilem plebem*. Et Vopiscus initio Aureliani: *Vehiculo suo me & judiciali carpento Præfectus urbis, vir illustris, Iunius Tiberianus, accepit*. Sed & Vicarius urbis isto genere utebatur. Cassiodorus cap. 15. libri ante indicati de eo differens: *Ad similitudinem summorum carpento veheris*. Currus etiam pertinuit ad Consules. Inde Cassiodorus rursum lib. II. cap. 2. ad Consulem designatum: *Respice te supra omnium humeros atque ora volitare*. Et paulò ante: *Celfos currus* (ita enim legit Lipsius, non *cursus*) *nisi confidentia magna non appetit*. Senatoribus concessum, ut carrucis ingrederentur honoris gratia. Lamprius de Alexandro Severo, in vita ejus, cap. 43. *Carrucas Roma & rhedas Senatoribus omnibus ut argentatas haberent, permisit: Interesse Romana dignitatis putans, ut his tanta urbis Senatores vectarentur*. Loquitur de carrucis non simpliciter, sed argentatis, quod notandum. Nam carrucis aliis etiam ante Severum incedebant. Imò prius jam temporibus hoc obtinuit, si quæ fides Basso, cujus verba refert Gellius lib. III. cap. 18. ubi differit de pedarii Senatoris appellatione: *Hac etiam vocabuli istius ratio dicitur, quam C. Bassus in Commentariis suis scriptam reliquit: Senatores enim dicit in veterum ætate, qui curulem magistratum gessissent, curru solitos honoris gratia in curiam vehi, in quo curru sella esset, &c.* Sed repugnat, quod à Plinio refertur de Metello lib. VII. cap. 43. *Tribuit ei Populus Romanus, quod nunquam ulli alii ab condito ævo, ut, quoties in Senatum iret, curru veheretur ad curiam. Magnum & sublime, sed pro oculis datum, quos nimirum rapto ex incendio ædis Vestæ Palladio amiserat. Manifestè*

testatur,

testatur, nemini ante Metellum hoc indultum. Neq; potest ambigi de fide Plinii, cum supersit hodieqve ejus rei monumentum, in quo inter cætera hoc quoque:

TRIBUIT EIP. R. UT, QUOTIES IN SENATUM IRET,
CURRU VEHERETUR AD CURIAM. QVOD A
CONDITO ÆVO NULLI ALII CONTIGIT.

Quæ pæne ipsa Plinii sunt verba. Jam si Metellus fuit primus, cui concessum curru vehi in curiam, aliquanto serius institutum hoc necesse fuerit, quam Bassus putavit. Nisi fortè arbitramur id, *in curiam*, à Glossa esse apud Gellium, cum & curru vecti alias videantur, licet non in curiam, quemadmodum ostendam, cum de curru erit agendum. Quicquid sit, hoc saltem verum est, tributum postea Senatoribus, ut curru, nominatimq; carruca, veherentur. Ab his deniq; transiit ad honoratos omnes. Quæ de re habemus legem Gratiani, Valentiniani atqve Theodosii, quæ cum alibi, tum in Codice Justiniano extat lib. XI. t. 19. istis verbis: *Omnes honorati seu civilium seu militarium vehiculis dignitatis suæ, id est, carrucis, intra urbem sacratissimi nominis semper utantur.* Post hos invenimus etiam extra ordinem hoc concessum aliquibus, propter singularia quædam merita. Pertinetq; etiam huc, quod de Josepho legimus & Pharaone, Ægypti Rege, apud Mosen, Gen. 41. *Fecitque eum (Josephum Pharaonem) ascendere super currum suum secundum.* Cassiodorus sanè speciatim hoc tributum sapientiæ ipsius ait, lib. vi. cap. 3. *Cum Pharaon, Rex Ægyptius, de periculo futura famis in auditis somniis urgeretur, nec visionem tantam humanum posset revelare consilium, Joseph, vir beatus, inventus est, qui & futura veraciter prædiceret, & periclitanti populo prudentissime subveniret. Ipse primum hujus dignitatis infulas consecravit, ipse carpentum reverendus ascendit.* Ostendit autem hoc exemplum, quam vetusta sit hæc consuetudo, & jam apud Ægyptios recepta. Videtur id ipsam obtinuisse postea & apud Persas. Ita namq; apud Esram lib. III. cap. 3. juvenes sapientia inter se certantes: *Dicamus unusquisque nostrum sermonem, qui præcellat: Et cujuscunq; apparuerit sermo sapientior alterius, dabit illi Rex Darius dona magna, purpura cooperiri, & in auro bibere, & super au-*

rum dormire, & currum aureo frano. Sic interpretis vetus. Nec recedit Castalio, vel Junius, cum ille reddat, *conferet aureis franis currum*; Hic verò, *curru vehetur cum equis franatis auro.* Græcита habent: Δώσῃ αὐτὸς Δαρεῖ ὁ Βασιλεὺς θωρεὰς μεγάλας, ἄρμα χρυσοχάλινον, quod hoc ipsum videtur confirmare. Maxime, cum & Josephus iisdem prope verbis lib. II. cap. 4. hoc enarret: τὲν τὸ γέρας δώσιν νικητῆριον, ἄρμα χρυσοχάλινον, licet vertat liberalius nonnihil Gelenius, *in cubatu quoque ac veſtatione uſurum inſtrumento aureo.* Quamquam alibi de hac apud Perſas conſuetudine difficulter quid invenias. Ut fortaffis non immeritò quis ambigat, an ἄρμα χρυσοχάλινον ſit currus cum frænis aureis apud Eſram. Nempe ἄρμα Græcis eqvum quoq; denotat, quemadmodum apud Latinos currus ſæpe ponitur pro eqvo, ſicut Servio jam ad Virgilium notatum eſt. Ita Xenophonti ἄρμα λευκὸν in Pædia uſurpatur. Quia tamen & ſic eqvum ferè non ſimplicem, ſed vehiculo adjunctum, iccirco temerè ab expoſitione vulgari haud fuerit recedendum. Apud Græcos quoq; non omnino ignoratum hoc fuiſſe videtur. Nam & Hector apud Homerum II. K. currum ſe cum eqvis datum ait illi, qui explorare caſtra hoſtium auſus fuerit. Ita namq; ait:

Τίς κέν μοι τόδ' ἔργον ὑποσχόμεν ὅτε τέλεσεν
 Δώρω ὅππῃ μεγάλῃ. Μισθὸς ὃ οἱ ἄρμι ὅς ἐσσι
 Δώσω γὰρ δὴ φρονεῖν τε δύνω τ' ἐριάυχενας ἵππους.

Quis mihi promittit conficere hoc negotium ſub premio eximio? Dabo ei namque vehiculum duosque equos ardua cervicis. Etiam, qui Victores in ludis Olympicis extitiſſent, curru honorabantur, quo diſſectis quoque urbis mœnibus ingrederentur in patriam. Vitruvius lib. IX. præfat. *Nobilibus athletis, qui Olympia, Pythia, Iſthmia, Nemea viciſſent, Græcorum majores ita magnos honores conſtituerunt, ut, cum reverterentur in ſuas ciuitates cum victoria triumphantes, quadrigis in mœnia & in patrias revertantur.* Meminit ejuſdem rei Plutarchus II. Sympoſ. 5. itemq; Diodorus lib. XIII. ut nunc alios omit- tam. Olympionicarum morem imitati ſunt Romani, Ducesq; ſuos poſt victoriam in bello triumphare curru voluerunt. Unde Seneca I. de Benef. cap. 5. *Quid habet per ſe corona pretioſum? quid prætex-*

ta? quid fasces? quid tribunal & currus? Nihil horum honor est, sed honoris insigne. Currus hic est currus triumphalis, sicut rectè Lipsius exponit. Et quia eo triumphabant, inde currus sæpe ipsum denotat triumphum. Ut in illo Ciceronis lib. xv. ep. 6. ad Catonem: *Et si non modo unus, verum etiam multi Catones essent in civitate nostra, in quam unum extitisse mirabile est, quem ego currum aut quam lauream cum tua laudatione conferrem?* Non absimile est, quod de Aulum virginibus memorat Herodotus lib. iv. confveuisse quorannis certo die inter se pugnare lapidibus, post fortissimam ex eis imponere vehiculo, & ornatam armis ducere circum paludem. Κοινή παραδόντων τὸ καλίστευσαν ἐκάς ὁλοκομήσαντες καὶ τὴν Κορινθίαν καὶ πανοπλίην Ἑλληνικήν, καὶ ἐπ' ἄρμα ἀναβέβασαντες, περιδρασεὶ τὸν λίμνην κύκλῳ, inquit. Curru curiam ingrediendi jus honoremque apud Romanos consecutus est Metellus ob animi constantiam, quia ex mediis flammis, etiam cum oculorum suorum damno, Palladium eripuit, cum templum Vestæ arderet, quia de re jam supra egimus. Ob fidem Constantina dedit delatoribus, ut curru circumveherentur. Ammianus lib. xiv. *Accenderat super his incitatum propositum ad nocendum aliqua mulier vilis, quæ ad palatium ut poposcerat intronmissa, insidias ei latenter obtendi prodiderat à militibus obscurissimis: Quam Constantina exultans, ut in tuto jam locata mariti salute, muneratam, vehiculoque impositam per regias januas emisit in publicum, ut iis illecebris alios quoque ad indicanda proliceret paria vel majora.* Erat & hoc apud veteres receptum, ut quem honorarent misso obviam vehiculo. Sic à Nerone factum in honorem Teridatis, de quo Xiphilinus lib. LXIII. *Ἐν ᾗ τῇ Ἰταλίᾳ ζεύχονται πεμφθεῖσιν ὑπὸ τῶν Νέρωνος ἐκπομπῶν. In Italia vectus est vehiculis à Nerone ipsi missis.* Et à Dionysio in honorem Platonis, de quo Plutarchus in Dione: *καὶ γὰρ ἄρμα τῶν βασιλικῶν αὐτῷ παρέσθη, πεπομπημένων διασπερπῶς, ἀποβάντι τῆς τριήρης. Nam ei (Platoni) currus unus ex regis præstò fuit, cum descenderet è triremi.* Plinius Dionysium ipsum excepisse illum curru scribit in littore, lib. vii. cap. 3. *Platoni, Sapientie Antistiti, Dionysius tyrannus, alias sævitie superbiq; natus, vittatam navem misit obviam, ipse quadrigis albis egredientem in littore excepit.* Ubi nota, quod Plutarcho ἄρμα τῶν βασιλικῶν, id Plinio esse

esse *albas quadrigas*, quia hujus generis Regum vehicula plerumq;
 fuere. Quod de Regibus Persarum jam notavit Barnabas Brissio-
 nius lib. I. de Reg. Pers. *Ælianus* noster eo amplius *Dionysium* au-
 rigam scribit fuisse lib. IV. Var. cap. 18. Ὅτε κατήλθε Πλάτων ἐν Σικελίᾳ κλη-
 τὸς, πολλὰ ἐπὶ πολλοῖς ἐπισείλαυ' & τῷ Διονυσίῳ, καὶ ἀνήγαγεν αὐτὸν ἐπὶ τὸ ἄρμα ὀνέ-
 & Διονύσι & αὐτὸς μὲν ἡνιοχῶν, παραβάτην δὲ ποισάμεν & τὸν Ἀρίστων &. *Cum in*
Siciliam venisset Plato, multis crebrisq; litteris Dionysii evocatus, Dio-
nysius junior in currum eum imposuit, ac ipse quidem egit aurigam, ses-
sorem verò fecit filium Aristonis. Invenimus quoq; aliud honoris ge-
 nus, ut, qui dignitate major esset, in vehiculum reciperet mino-
 rem. Id quod observatum fuit apud Imperatores Romanos. Hinc
Vellejus de Octavio lib. II. cap. 59. Quem (Octavium) C. Cæsar co-
mitem habuit, nunquam alio usum hospitio, quam suo, aut alio vectum
vehiculo. Photius de Dione Chrysostomo: *Viguit Trajano Romæ*
imperante, cum quo diu multumque vixit in ea existimatione atque ho-
nore, ut cum Augusto communi interdum carpento veheretur. Et quia
 facere hoc neglexit Constantius, ideo superbus fuit habitus. Am-
 mianus lib. XVI. *Quod autem per omne tempus imperii nec in confessum*
vehiculi quenkumque recepit, nec in trabea socium privatum adscivit, ut
facere Principes consuevere, & similia multa, quæ elatus in altum su-
percilium, tanquam leges æquissimas, observavit, prætereo. Locus an-
 notatione dignus, qui ostendit manifestè, hanc fuisse Principum
 Imperatorumq; olim consuetudinem. Fecerunt idem Magistratus
 alii. Hinc Vopiscus de se ipso initio Aureliani: *Hilaribus, quibus*
omnia festa & fieri debere scimus & dici, impletis solennibus, vehiculo
suo me & judiciali carpento Præfectus urbis, vir illustris ac præfata re-
verentia nominandus Iunius Tiberianus, accepit. Porro, & ob sexus
 reverentiam honoremq; legimus tributum mulieribus, ut uteren-
 tur vehiculis, præsertim, si ad publica & solenniora quædam prodi-
 re negotia cogerentur. Ita pridem receptum fuit per Italiam, quæ
 de re Ovidius lib. I. Fastorum:

Nam prius Ausonias matres carpenta vehebant.

Colligitur hoc idem ex Valerii oratione apud Livium lib. XXXIV.
 cap. 7. ubi de matronis Romanorum: *Universis dolor & indignatio*

est, quum sociorum Latini nominis uxoribus vident ea concessa ornamenta, quæ sibi adempta sint, quum illas vehi per urbem, se pedibus sequi, tanquam in illarum ciuitatibus, non in sua, imperium sit. Agit ibi Valerius de abolenda lege Oppia, quæ interdictum fuit matronis Romanis, vehiculo incedere, quod concessum olim erat, teste dicto Livio lib. V. cap. 25. Grata ea res, ut quæ maximè, Senatui fuit, honoremq; ob eam munificentiam ferunt matronis habitum, ut pilento ad sacra ludosque, carpentis festo profestoque uterentur. Vehabantur itaq; vehiculis matronæ etiam Romanæ, quod faciebant pridem per Italiam aliæ, idque partim propter sexum, partim munificentiam, quæ inopiæ publicæ subvenerant. Ac licet per viginti annos ob legem Oppiam hoc usu fuerint privatæ, tamen postea eundem receperunt & retinuerunt omni pæne tempore. Fuit eadem consuetudo Græcorum. Idcirco Scholiastes Aristophanis: Αἱ τῶν Ἀθηναίων γυναῖκες ὅτι ἀμαξῶν ὀχέμεναι εἰς τὰ μέγ' ἄλλα Ἐλευσίνα ἀπέρχοντο. *Atheniensium mulieres curru vectæ ad magna Eleusina proficiscebantur.* Et Hesy-chius: Κάνθρα, ἀμαξα πλέγμα δ' ἄχρεσα, ὅφ' ὧν πομπέουσιν αἱ πάρθενοι, ὅταν εἰς τὸ τῆς Ἑλένης ἀπίωσιν. *Canathra vehiculum est cum textu vimineo, in quolibus vehi virgines solebant in pompa, cum proficiscebantur ad sacra Helenæ.* Didymus apud Athenæum lib. iv. cap. 7. ubi agitur de Hyacinthiis, festo Spartanorum: *Virginum autem aliæ cantharis vehiculis, ligneo textu clausis, magnæq; sumptu ornatis, aliæ curribus agonisticis vehuntur.* Noctu addere lucernam debebant, ex lege Solonis. Plutarchus: Μηδὲ νύκτωρ πορεύεσθαι πλὴν ἀμαξῆ κομιζομένην, λύχνην προφαίνοισθαι. *Non permisit noctu, nisi curru vectam, pralucente face, iter facere.* Imprimis observatum hoc in nuptiis, si Sponsa ducenda esset ad virum. Solebat enim sellæ insidens in currum imponi, quam consuetudinem non ita pridem observavit quoq; celeberrimus Joann. Georgius Grævius in eruditissimis lectionibus Hesiodicis, cap. 21. Nempe mentionem ejus facit ipse etiam Hesiodus in Scuto Herculis, v. 273.

-- -- Ταὶ μὲν γυναικὲς ὥστε ἐπ' ἀπίνης
Ἦρον' ἀνδρὶ γυναῖκα, πολὺς δ' ὕμέναιος ὄρωσθαι.

Alii quidem fabrefacto in curru ducebant viro uxorem, multusq; hy-
menæus

menaeus excitabatur. Hinc Plutarchus in de Virtutibus Fœm. ubi de Chiis: Ἀγομένης ὁ τῆς νύμφης ἐπὶ ζεύγους. Cum autem Sponsa duceretur in vehiculo, &c. Pollux lib. III. cap. 3. Ἐπὶ ζεύγους ὁ αἰ νύμφαι ὡς ἐπὶ πολεμῶν μέλεισαν. Vehiculo verò Sponsæ plerumque vehebantur. Adde Suidam voce ζεύγους, ubi latè ritum omnem describit: Item Synesium ep. 3. quos laudat & Briffonius in de Ritu Nupt. pag. m. 515. Nam Apulei quidem locus, quæm & ipsum citat, huc non pertinet, quippe in quo nupta vecta dicitur octophoro. Fuit enim hoc receptum etiam non nuptis, quod jam in superioribus ostensum est. Datus autem honor apud veteres non modò per currus veros, sed & ex ære marmoreve factos. Qvales innumeri leguntur, apud Pausaniam præcipuè. Nimirum Græci dabant omnibus, qui in ludis publicis currus exitissent Victores. Plinius lib. xxxiv. cap. 5. *Græci caletas dicabant in sacris Victores.* Postea verò, & qui bigis vel quadrigis vicissent. Quamquam non his solis, sed & aliis, quos insigni honore volebant ornatos. Sic enim Philippum quoque Regem filiumque ejus Alexandrum coluere. Unde idem Plinius dicti libri cap. 8. de Euphranore statuaria: *Fecit & quadrigas bigasque. Item Alexandrum & Philippum in quadrigis.* Ab his res transiit ad Romanos, qui sic triumphantes primum honorarunt, teste dicto auctore. Unde, inquit, & nostris currus in his, qui triumphavissent. Deinde illos, qui dedissent Populo munus. Quo respexit Cyprianus in sermone primo de Jejunio, ubi ait: *Quanto istic & apparatus uberior & sumptus largior exhibendus est, ubi munerario non quadriga vel consulatus petitur, sed vita aeterna præstatur.* Videtur & Plinius hoc voluisse dicto ante loco, quando dicit: *Non vetus & bigarum celebratio in his, qui Pratura functi curru vecti essent per Circum.* Nam curru vecti per Circum possunt intelligi, qui auctores muneris & ludicri pompæ Circensi adfuissent. Sic enim receptum fuit. Unde Juvenalis Sat. X.

Quid, si vidisset Pratorem in curribus altis

Exstantem, & medio sublimem in pulvere Circi?

Et Symmachus vi. ep. 41. *Natali urbis susceptum Consulem currus, quæ vehebatur, evoluit, per ferociam bigarum, quæ triumphum vehebant. Triumphum vocat pompam Circensem, ante ludos Circenses,*

quos dabat Consul ea die. Atq; hoc est *ἀγὼν ἡρώων*, seu sacrum vehiculum, quod memorat Dionysius Halic. lib. V. *Alter Consul, Manius Tullius, in sacris his & ab urbe denominatis ludis, dum pompa deducetur, è sacro curru in ipso Circo prolapsus est.* Postea res venit ad Imperatores Cæsaresqve, quibus & ipsis currus decreti. Quomodo Pollio de Pisone: *Ceteri consulti statuam inter triumphales, & currus quadrijugos Pisoni decreverunt.* Erat tamen differentia inter hos & triumphales currus, quod hi essent rotundi, specie verorum, quibus incedebant triumphantes, illi specie eorum, quibus certabant in Circo, sicut monumenta prisca docent. Etiam hoc observandum, quod hi currus facti non cum eqvis solum, sed & elephantis. Docet utrumqve Capitolinus in Maximinis, quando ita scribit acclamatum Principibus: *Victoria causa Principibus nostris, Maximo, Balbino & Gordiano, statuas cum elephantis decernimus, currus triumphales decernimus.* Faciunt alios currus triumphales, alios cum elephantis, ut apparet. Nam per statuas cum elephantis currus esse intelligendos, si nil aliud, nummi saltem temporum eorum ostenderent. Collocabantur autem currus illi in locis celebrioribus, circis, arcubus, & id genus. Unde Prudentius lib. II. in Symmach.

Frustra igitur currus summo miratur in arcu

Quadrijugos. -- -- -- --

Et in nummis Augusti, Domitiani, Alexandri Severi, aliorumqve, currus ejusmodi, etiam cum elephantis, videas non semel. Pertinebant alias vehicula etiam ad ludos & certamina. Nam & Græcis inde à temporibus Trojanis currebant, posita certa meta, ad quam contenderent, quemadmodum Homerus ipse auctor est. Liqvetq; amplius ex libro vi. Statii, ubi pariter certamina Græcorum talia describit. Postea res est deducta ad solennia Græciæ spectacula, quod notissimum, unde tandem Romam venit in Circum. Dionysius Halic. lib. vii. cap. 72. *Reliquum est, ut & de certaminibus, quæ post pompam (Circensem) inibantur, paucis disseram. Primus erat quadrigarum, bigarum singulariumque equorum cursus, sicut apud Græcos olim in Olympia, & nunc quoque.* Sed de Circi certaminibus Onuphrius & alii abunde. Nero instituit, non in Circo, sed in Abaco,

nec

nec quadrigis veris, sed eburneis. Svetonius in vita ejus, cap. 22. ubi de summo ejus studio eqvorum & Circensium: *Inter initia imperii eburneis quadrigis quotidie in Abaco lusit.* Casaubonus ad hunc locum: *Satis constat, hoc genus lusus expressisse in Abaco Circensium simulacrum: Nam ea manifestò mens Svetonii.* Addit, idem factitatum ab Heliogabalo in triclinio, sicq; intelligendum Lampridium, ubi ait, cap. 27. *Quadrigas Circensium in tricliniis & in porticibus sibi semper exhibuit pransitans & cœnitans.* Sed vix mihi dubium, quin de veris agat hic quadrigis, non formatis ex ebore. Quia sequitur: *Convivas senes agitare cogens, nonnullos honoratos.* Scilicet, ut alii alia, & in his gladiatorum etiam certamina, sic Heliogabalus quadrigas Circenses in cœna & ad mensam spectabat. Quod non potest mirum videri, qui cæterum ejus cogitare volet luxum. Vehiculorum quoq; usus olim fuit aliquis in Tragœdia; In eis enim agere ante theatrorum scenarumqve inventionem, & in vulgus ludere dicteriiis solebant. Quam ob rem Horatius in de Arte Poëtica v. 275. *Ignotum Tragica genus invenisse Camæna*

Dicitur, & plaustris vexisse poemata Thespis.

Meminit & Sidonius Carn. IX. v. 232.

Aut plaustris solitum sonare Thespis.

Lambinus ad Horatium: *Antequam scena esset inventa, Thespis in plaustris tragœdias docebat, idemque agebat.* Et Johannes Bond. *Thespis Atheniensis, primus Poëta tragicus, tragœdias docuit, atque egit in plaustris, quibus poëta circa vicos fuerunt circumacti, antequam scena esset inventa.* Scaliger tamen factum hoc existimat non ante scenæ inventionem, sed ante destinationem ejus in peculiari quopiam fixoque loco, scenam enim pensilem tum solitam haberi, ut in plaustris posset circumvehi. Verba ejus lib. I. Poët. cap. 6. *Satis constat illud, à Thespi Poëta factam nitidiorem tragœdiam, qui primus pensiles scenas in plaustris circumegit.* Simili pæne modo Medici nonnulli circumvehere medicamenta sua solebant, & velut scenam artis suæ instruere, quod ne hodie quidem est ignotum. Græci eos ob hanc causam *ισχυροειδίπλους* appellabant, ut ex Troilo Sophista in prologo ad Hermog. observamus. Hesychius: *Ἐπισφύρια, τὰ ἐπὶ τοῦ ἀρμαλίου*

ἰσχυρῶ.

δις. Sic ergo & ἰατρὸς ἐπὶ τοῖς ἵπποις, quia de vehiculo medicinam profitebatur. Est & ille celebris apud veteres vehiculorum usus, quando eis nuncii & tabellarii currebant. Auctor ejus apud Romanos fuit Augustus, de quo Sveton. cap. 49. *Quo celerius ac sub manum annunciari cognoscique posset, quid in provincia quaque gereretur, juvenes primo modicis intervallis per militares vias, dehinc vehicula disposuit.* Subjicit & causam, cur vehiculis eos uti maluerit. *Commodius, inquit, id visum est, ut, qui à loco eidem perferrent litteras, interrogari quoque, si quid res exigeret, possent.* Meminit vehicularis hujus cursus etiam Plutarchus in Galba, simulq; ostendit, quia ratione illa obtinuerint vehicula. *Servos publicos, inquit, destinaverunt Consules ad deferendum Imperatori Senatusconsultum, & consignata dederunt diplomata: Quorum signo cujusque oppidi Magistratus per dispositos currus tabellariorum cursum accelerant.* Factum hoc ait interventu diplomatis, quod Pancirollus in Comment. ad Not. Imp. p. 23. codicillos exponit duplicata charta. Sed inclino magis in sententiam Budæi, qui tesseram cum signo principali ait fuisse. Plutarchus enim σφραγίδα memorat in eo, alibiqve διπλώμα σφισμασμένον vocat, quod aperte ostendit, signum in eo ab impresso ceræ annulo fuisse, sive id Principis unius, sive aliorum Magistratuum, præsertim in provinciis degentium, fuerit. Quo præsertim refero, quod habet Plinius lib. X. ep. 14. *Rex Sauromates scripsit mihi, esse quadam, quæ deberes quam maturissime scire, quæ ex causa festinationem tabellarii, quem ad te cum epistolis misit, diplomate adjuvi.* Item, quod habetur apud eundem epist. 121. & in responsione Trajani, ubi ait: *Nec dubitandum fuisset, si expectasses, donec me consuleres, an iter uxoris tuæ diplomatibus, quæ officio tuo dedi, adjuvandum esset.* Verba, quæ officio tuo dedi, Buchnerus certè sic exponit: *Quorum concedendorum tibi potestatem proratione officii, quod in presenti sustines, dedi.* Quamquam nil obstat, quo minus ipsis inhæreamus verbis, credamusque datos Præsidibus provinciarum aliisque Magistratibus ab Imperatore ipso codicillos signo Imperatorio munitos ad istiusmodi usus. Cum præsertim, quod ex his Plinii epistolis observamus, tanta religione tractaverint, nec ad alia quam publica negotia dederint, nisi

venia ipsius Imperatoris ante impetrata. Erat autem opus diploma-
 matibus & signis istiusmodi, ne ex causa qualibet quislibet exige-
 re vehicula posset ab iis, quibus onus præstandi ea incumberebat, sed
 liqueret, præstari in usus Reipublicæ ac Principis. Multo magis au-
 tem postea hoc necesse fuit, cum à privatis hoc onus translatum
 est ad Fiscum post Severi tempora, ne absque causa publica patri-
 monium Imperatoris ab omnibus consumeretur. Cæterum, hunc
 cursum putant viri docti institutum ad exemplum Angarorum atq;
 Astandarum apud Persas, item Hemerodromorum apud Græcos.
 Et profectò, si respiciamus usum & propositum, ubiq; illud quidem
 fuit idem. At Græcorum Hemerodromi currebant pedibus. Un-
 de Livius lib. XXXI. cap. 24. *Et respondisset, ni speculator (Hemero-*
dromos vocant Græci, ingens die uno cursu emetientes spatium) Athe-
nas pervenisset. Persarum verò Angari equitabant, nullisq; uteban-
 tur vehiculis, sicut liquet ex proluxa eorum descriptione, quæ legi-
 tur apud Xenophontem lib. VIII. Pæd. Unde & Herodotus lib.
 VIII. Τὸ τὸ δράμημα τῶν ἵππων καλεῖσι Πέρσαι, Ἀγάρηιον. *Hunc cursum eque-*
stre Persæ vocant Angarium. Contra cursus Augusteus & Roma-
 nus vehicularis fuit. Hinc Capitolinus de eo in vita Antonini c. 12.
Vehicularium cursum summa diligentia sublevarvit. Neque alia est
 causa, ob quam equos ad hunc cursum destinatos olim nominave-
 rint veredos. Festus: *Veredos antiqui dixerunt, quod vehementer rhe-*
das, id est, ducerent. Quamquam postea res immutata fuerit, dictiq;
 veredi etiam equi simplices absque rheda, destinati ad hoc munus.
 Unde Procopius lib. XI. de bello Pers. ὁ ἵππος τοῖς δημοσίοις ὀχέμενος,
 ὃς ὁ βερέδης καλεῖται νεόμινος. *Equus verò, quo utuntur in viis publicis,*
quales usitatum veredos appellari. Nempe sequentibus temporibus
 obtinuit, ut cursus hic equestris esset, sicut idem Procopius testa-
 tur, ex quo descripsit etiam Pancirollus. Verba hæc sunt: *Impera-*
tores Romani modum excogitarunt, quo cuncti sibi quam celerrimè pos-
sent nunciari, & ut scirent, quæ ubique inter hostes agerentur, & si qua
in civitatibus seditio, vel quid aliud improvisum à Præsidibus, vel
aliud quomodocunque oriretur, & ut annua tributa velociter & tuto
transmitterentur. Publicum ergo & celerem quandam cursum hoc mo-

do instituerunt: Viro expedito ad iter diei stationes constituerunt quandoque octo, quandoque pauciores, non tamen minus quinque, quod plurimum eveniebat. Quadraginta verò equi in singula mansione stabulabantur, & itidem hippocomi, ad curandos, quot poterant, equos, erant destinati. Sed de cursu isto jam prolixè alii. Venio ad usum alium, quo fuerunt, qui vehicula haberent loco ædium, & in eis habitarent. Celebres hoc nomine sunt Scythæ, quando inde nomen quoque pepererunt sibi, atque *hamaxobii* sunt appellati. Theodoretus in Paneg. Joann. Chryf. apud Photium: πρῶτον & ὅσον τοῖς ἀμαξοχοῖς συνταίς θυσίας ἤπια ἐποίησας. Primus apud Scythas hamaxobios aras extruxisti. Nempe *hamaxa* Græcis plaustrum est. Habitabant autem in plaustris corio contectis. Justinus lib. II. cap. 2. Vixores liberosque secum in plaustris vehunt, quibus coriis imbricium hyemisq. caussa tectis pro domibus utuntur. Mallent viri docti legere corticibus pro coriis, sed nil immutandum, nam de coriis testatur etiam Cinnamus lib. I. Hist. ubi de Scythis: Plaustris se circumdederunt, βοέοις ἀνὰ θυρὰς ποταμῶν ἀπὸ πλάξεσσιν, quæ coriis bovinis supernè habebant contecta. Sed de hac re dicam & sequenti libro. De plaustris confirmat & Ammianus, quando tribuit Alanis, qui Scythæ sunt, lib. XXXIX. Vagantur supersidentes plaustris, quæ operimentis curvatis corticum per solitudines conferunt. Item lib. XXXI. Nec enim ulla sunt eis tuguria, aut versandi vomeris cura, sed carne & copia victitant lactis; plaustris supersidentes, quæ operimentis curvatis corticum per solitudines conferunt, sine fine distentas. Item post: Velut carpentis civitates impositas vehunt, maresque supra cum fæminis coeunt. Et nascuntur in his & educantur infantes, & habitacula sunt illis perpetua, & quocunque ierint, illic genuinum existimant larem. Eadem commemorat & de Hunnis. Adscribam verba ejus etiam de ipsis: Omnes sine sedibus fixis, absque lari vel lege aut ritu stabili dispalantur, semper fugientium similes, cum carpentis, in quibus habitant, ubi conjuges ex villis vestimenta contexunt, & coeunt cum maritis, & pariunt, & ad usq. pubertatem nutriunt pueros. Nullusq. apud eos interrogatus respondere, unde oritur, potest, alibi conceptus, natusque procul, & longius educatus. Eandem olim veterum Gothorum consuetudinem fuisse, discimus ex B. Ambrosio, qui propterea

propterea de ipsis ep. 73. *Vt Gothi olim plaustra sedes erant, ita nunc plaustrum ecclesia est. Vocat sedem, quod alias est domicilium. Quemadmodum & Mela lib. II. Hujus flexum Briges amnis secat, Agathyrsi & Sauromata ambiunt, quia pro sedibus plaustra habent, dicti hamaxobitæ.* Ubi nota, dici *hamaxobitas*, qui aliis sunt *hamaxobii*, & ad genus hoc in plaustris habitantium referri Agathyrsos etiam, & Sauromatas. Etiam de Æthiopibus ex Philostrato colligimus, qui lib. VI. cap. 12. vitæ Apollonii, eos ἐφ' ἀμαξῶν πεπολισμένους nominat, hoc est, tales, qui rempublicam suam habeant in vehiculis. Nescio, an Cimbrōs quoque in hunc censum referre debeamus. Equidem sic Plinius lib. VIII. cap. 40. *Canes defendere Cimbris cæsis domus eorum plaustris impositas.* Sed hæc lectio est Dalechampii. Alii libri habent, *cæsis Dominis*. Rhenanus edidit: *Cimbro cæsis Dominis e.p. impositi*. Hermolaus Barbarus: *Cimbro ac cæsis Dominis eorum plaustris impositis*. Puto lectionem veram esse: *Canes defendere Cimbras, cæsis Dominis eorum plaustris impositis*. Loqui de mulieribus Cimbrorum videtur, quæ maritos secutæ fuerant in bellum. Eas defenderunt canes, cum viri essent cæsi, plaustrisque impositi, quo eripi hostibus ad sepulturam possent. Nisi malimus, *cæsis Dominis earum, plaustris impositas*, ut impositæ plaustris ipsæ mulieres intelligantur, ritu militiæ, de quo in sequentibus. Sanè de Cimbrorum mulieribus Plurarchus etiam in C. Mario: Αἱ γυναικες ἐπὶ τῶν ἀμαξῶν μελανέμυρες ἐφεστῶσαι. *Femine consistebant in plaustris pullatæ*, quam nihil habeat de canibus. Cæterum, ut his vehicula domorum vice habebantur omni tempore, ita aliis nonnullis ex occasione, noctu præsertim, quod de Regibus Hebræorum observat Grotius. In defectu namque domus vehiculum pro lecto eis ait ac cubiculo fuisse. Idque colligit ex lib. I. Reg. cap. 26. ubi sic vulgata: *Venerunt ergo David & Abisai ad populum nocte, & invenerunt Saul jacentem & dormientem in tentorio.* Grotius hoc loco ita notat: *In tentorio: LXX. ἐν λαμπήνῃ. Ita vocabatur currus Regius, teste Polluce. Optimè. Nam Reges solent, ubi domus non sunt, dormire in curribus: Et vox עגלה ab eadem origine currum significat plurimis in locis. Pertinebant alias vehicula ad valetudinem. Atque primum quidem ad*

exercitationes quasdam corporis. Firmat Plinius exemplo suo. In delib. IX. ep. 36. ad Fuscum: *Vbi hora quarta vel quinta, (neg, enim (certum dimensum q, tempus) ut dies s'vasit, in Xystum me vel cryptoporticum consero, reliqua meditor & dicto, vehiculum conscendo.* Et paulo post: *Nonnunquam ex hoc ordine aliqua mutantur. Nam si diu taci vel ambulavi, post somnum demum lectionemque non vehiculo, sed, quod brevius, quia velocius, equo gestor.* Bene, gestor, ad gestationes enim referebant, ipsi quoque Medici. Celsus lib. II. *Genera gestatorum plura, sed tamen levissima est navi vel in portu, vel in flumine, vehementior in alto mari vel lectica aut scamno, acrior vehiculo.* Ac de istiusmodi gestatione accipio, quod de Triumfalcionis puero in chiramaxio lato memorat Petronius, ut dicam alio loco. Solebat porro hæc gestatio institui in porticibus plerumque aut nemoribus ad hoc adornatis. Unde Juvenalis Sat. IV. de Crispino:

*Quid refert igitur, quantis jumenta fatiget
Porticibus, quanta nemorum vectetur in umbra.*

Lubinus hoc loco: *Viridaria & hortos egregios intellige, in quibus vectabantur, & umbram captabant in calore aestatis.* Deinde morbos quoque, si quando eis essent infestati, pellere vectatione tali quærebant. Ita Seneca gestatione tali utebatur, quo abstergeret bilem, faucibus hærentem. Ipse Epist. 55. *Agestatione cum maxime venio, non minus fatigatus, quam si tantum ambulassẽ, quantum sedi. Mihi tamen necessarium erat concutere corpus, ut, si ve bilis infederet faucibus, discuteretur, si ve ipse ex aliqua causa spiritus densior erat, extenuaret illum jactatio, quam profuisse mihi sensi. Ideo diutius vehi perseveravi, invitante ipso littore, &c.* Laudant Medici & in capitis affectionibus, visu debilitato, paralyti, epilepsia, febribus ad postremum, quod prolixè Hieronymus Mercurialis lib. III. Artis Gymnasticæ, cap. 10. & lib. VI. cap. 10. testatur. Sed & si quæ alias ob morbum pedibus uti difficulter possent, ministerio vehiculorum incedebant. Inde illud legis XII. tab. *Si in jus vocat, si morbus a vitas ve vitium extitit, qui in jus vacabit, jumentum dato.* Quod exponit Sext. Cæcilius apud Gellium lib. XX. cap. 1. his verbis: *In jus vacato pauperrimo homini vel inopi, qui aut pedibus fortè agris esset,*
aut

aut quo casu alio ingredi non quiret, plostrum esse dandum censuerunt, neque inferni tamen delicate arceram jusserunt, quoniam satis esset invalido hujusmodi vectaculum. Liqvet, plaustro aut vehiculo usos tales, si quando procedere in publicum necesse foret. Ita cum se ipsum fauciasset Pisistratus, *ἦεν εἰς ἀγορὰν ἐπὶ ζεύγους νομιζόμενος*, inquit Plutarchus in Solone, hoc est, rheda vectus in forum. Neq; alio retulerim, quod legitur de Erichthonio. Servius ad Georg. III. Virg. *Erichthonius ad tegendam pedum fœditatem junctis equis usus est curru, quo tegeret sui corporis turpitudinem*. Dicit quidem, factum ad tegendam pedum fœditatem. Verum ea non tam fœditas quam infirmitas intelligenda, quando pedes draconteos volunt habuisse. Sunt enim dracontei, quibus reptant serpuntque potius, quam ambulant. Cæci quoq; usi sunt vehiculis, cum in publico versari deberent. Cornelius de Timoleonte, cap. 4. *Hic cum atate jam provectus esset, sine ullo morbo lumina oculorum amisit, &c.* Veniebat autem in theatrum, cum ibi concilium populi haberetur, propter valetudinem vectus jumentis junctis, atq; ita de vehiculo, quæ videbantur, dicebat. Eadem commemorat Plutarchus. Respexerunt porro huc, qui apud Romanos etiam Marcello cæco vehiculum decreverunt, quo in curiam itaret. Quæ de re quia dixi satis in superioribus, hic nihil repeto. Videtur autem in universum hoc tributum senibus, ut vehiculo uterentur. Inde in lege XII. tabularum ante adducta: *Si ævitas vitium extitit.* Et Gellius prædicto loco: *Arcera nimis agri aut senes portari cubantes solebant.* Hac de caussa etiam Ausonius epist. 14. ad Paulum senem:

Pelle soporiferi senium nubemque veterni,

Atque alacri mediam carpe vigore viam.

Sed cissum aut pigrum cautus conscende veredum.

Non tibi sit rheda, non amor acris equi.

Memoratqve de Antiocho Medico Galenus, quod annos natus plusquam octoginta, si ei longius ire necesse esset, sella aut vehiculo uteretur. Sic de Spurinna septem & septuaginta annorum Plinius lib. III. epist. I. *Deinde confidet, & liber rursus, aut sermo libro potior: Mox vehiculum ascendit: Assumit uxorem singularis exempli, vel ali-*

quem amicorum, ut me proximè. Quæ exempla simul docent, non ob infirmitatem modò, sed & exercitationem, adhibita à senioribus. Venio ad alium vehiculorum usum: Solebant enim eis aliquando exportari defuncti. Atq; primum quidem factum hoc honoris gratia: Nam Matronæ, quæ filios habuissent in curuli dignitate constitutos, curru sellaq; curruli efferebantur. Ita colligit Jos. Scaliger ex illo Propertii lib. iv. el. 12. ubi Cornelia ad Paulum:

Sim digna merendo

Cujus honoratis ossa vehantur equis.

Veteres habuerunt aquis, sed alteram sui codicis ait esse lectionem, additqve: *Hæc confirmant, quæ superius dixi, nempe Matronas honorariis vestibus, curru & sella curuli efferri, quæ filios consulares aut aliis curulibus Magistratibus functos relinquerent. Nam equi honorati sunt curules, vel currus prætorius, in quo sella curulis.* Deinde sumptus minuendi gratia in pauperibus ac servis. Apud Massilienses profectò sic obtinuit, de quo Valerius Maximus lib. II. cap. i. *Dux etiam ante portas eorum arca jacent; Altera, qua liberorum, altera, qua servorum corpora ad sepulturæ locum plastro devehuntur.* Ubi nota plaustrum usum in hoc negotio. Forsitan fecerunt ita & Romani, maxime, cum servi essent sepulturæ tradendi, quando & in aliis pecorum ritu habuere, pecora verò mortua plaustris evehuntur. Damnatos profectò extulere plaustris, idq; contumeliæ fiebat causa, quæ non aliunde orta videtur, quam quod sic pecoribus & servis redderentur similes. Herodianus lib. iv. cap. 6. τὰ δὲ σώματα φερόμενα μετ' ὕβριος πῶσαις ἀμύξαις ἐπιθεμένα, ἔξω τῆς πόλεως κομισθέντα σαρπηδὸν καλεπτήματα, ἢ ὅπως δὴ ἐπὶ πλοῖο. Ipsa cada vera plaustris omnibus per contumeliam imposita atque extra urbem exportata acervatim aut temerè injecta rogis comburebantur. Loquitur de amicis & ministris Getæ Imperatoris, quos Caracalla frater condemnatos hac infamia notaverat. Videntur tale quid & illi attendisse, qui sic Commodi cadaver extulere. Idem auctor lib. II. τὸ μὲν ἐν σώματι βασιλέως ἔτι κλαπὲν, ἐκ κομισθέντος αὐτοῦ εὐρύας, νύκτωρ δὲ χιμάλι ἐπιθέντες, εἰς τὸ πρῶτον ἀπέπεμψαν. Ita Meursius emendat, cum priores, imò postea quoque Argentorati excusi habeant ἀριστῶν, quod haud dubie depravatum est. Sensus: *Corpus*
princi-

*principio furtim elatum ac per noctem vehiculo impositum in suburbium miserunt. De suburbio est sermo, ubi culina, locus pauperum, fervorum, damnatorum sepulturæ destinatus. Præter hæc consuetudo efferendi mortuos in vehiculis obtinuit quandoque, cum in lue publica præ multitudine defuncti non possent efferri in lectis. Quæ de re testimonium habemus Zonaræ in Const. Copron. ubi agit de pestilentia ingenti per Siciliam, Calabriam & Græciam: Tanta fuit morientium multitudo, ut efferri non possent, sed plura cadavera simul curribus imposita eveherentur. Et Paulus Diaconus de pestilentia simili sub Constantino: Ex necessitate multa excogitatum est, quod super animalia tabule sternerentur, & ita super has impositi mortui deferrentur. Eodem modo & alii in plaustris suprapositi asportabantur. Legimus hoc ipsum aliquando factum ob itinerum longinquitatem. Sic enim Athenienses civium suorum, qui cecidissent in bello, cadavera tot componebant arcis, quot habebant tribus, & sic referebant in urbem vehiculis, quod ex, nescio quo, veteri testatur Alexander Ferrariensis lib. III. cap. 10. Nisi respexisse Thucydidem puramus, qui sic ea de re lib. II. Interprete illius optimo, Enekgelio Barone: Eadem hyeme Athenienses more patrio exequias bello primum absumptis publice fecerunt, in hunc ferè modum: Extructo triduo ante tabernaculo, occisorum ossa proponant, & suis quisq; aliquid produbitu addit. Cum verò efferrendum est funus, arcas ex cupresso, suæ quamque tribus ossa continentes, currus singularum tribuum singulas vehunt, &c. Comitantur funus pro voluntate cuiusque civis peregrinique, & fæmina cognatione eos aliqua attingentes ad sepulchrum lamentantur. Ponunt eos in publico monumento, quod est in pulcherri-
mo suburbio civitatis. At his verbis, currus istos secum habuisse in militia, Thucydides non ait; quod tamen Alexander videtur voluisse, quando ait: Cadavera tot arcis componebant, quot erant tribus, & referebant in urbem vehiculis. Itemq; Alexander Neapolitanus, seu ab Alexandro, qui expressè lib. VI. Genial. Dier. cap. 14. Inolevit mos Athenis, ut singula tribus singulas arcas, in quibus cadavera & dispersas reliquias illorum, qui bello ceciderant, suæ cuiusque tribus, inquisita colligerent, in expeditione vehiculis ferant. Non, inquam, latas ar-*

cas in expeditione dicit Thucydides, sed in urbe congesta in eas ossa, ut sic singulæ plaustris singulis ad sepulchrum publicum possent deferri. Itaq; habuerint sua ex alio quoviam uterq; Alexander, vel Thucydidem non rectè affecuti fuerint, necesse est. Quamquam vero non repugnet, ossa quoq; reportasse domum in vehiculis. Qui enim alias quivissent commodè? Adde, quod & alibi sic fveverint. Quod colligimus exemplo Alexandri, quem in curru Alexandriam perlatum memorant. Diodorus lib. XVIII. *Συνέλελεν αὖ τὴν ἀρμάμαξαν, ἐφ' ἧς ἔειδ' ἀλαιοκομισθῆναι τὸ βασιλικὸν σῶμα, παρεσκευάζετο δὲ τὰ πρὸς τὴν κομίσιν.* *Harmamaxa, qua regium cadaver transvehendum erat, jam confecta, ad translationem ejus se preparabat.* Paulò aliter Ælianus noster lib. XI. cap. ult. ita tamen, ut & ipse currum memoret in hoc negotio. Et sic alibi quoq; observamus factum. Ita namq; circumvehere cadaver Regis sui defuncti Scythæ consueverunt, teste Herodoto in Melpomene. *Quum Rex eorum decessit, inquit, accipiunt mortuum corpore incerato, alvo evulsa atque expurgata, quam filere contuso & thimiamate atiq; semine & anisi quum expleverunt, resunt rursus, impositumq; plaustro cadaver ad aliam gentem ferunt. Quod qui excipiunt, eadem agunt, qua regi Scythæ, &c. Postmodum Regis cadaver carpento ferunt ad aliam gentem, cui imperitant, qua ipsos comitatur ad eos, unde primum venerant. Sed hoc satis. Occurrit & vehiculorum usus aliquando ad supplicia & pœnas. Quo referimus, quod Homerus prodidit de Hectore ad currum religato ab Achille, atq; sic per terram tracto, lib. X. Iliad. Dictys Cretenfis lib. III. *Achilles cum cade inimicissimi, tum memoria doloris ferox, spoliatum armis hostem, mox constrictis in unum pedibus vinculo, currui postremo adnectit. Dein, ubi ascendit ipse, Automedonti imperat, daret lora equis. Ita currum concitato per campum, qua maximè visi poterat, pervolat, hostem mirandum in modum circumtrahens: Genus pæne novum miserandumque. Sed hoc quidem Hectori evenit jam occiso. At verò vivo filix Limones adultero, per Hippomenem, unum ex Codri posteris. Heraclides in Polit. *Ενεῖνον μὲν ἀνείλεν ὁ πορξέυζας πρὸς τῆς θυγ' ἀγὸς τὸ ἀγυαλί.* *Ipsum (adulterum) necavit, currui alligatum una cum filia. Simili modo Betim ultus est Alexander, de quo Curtius***

lib. iv. cap. 6. *Per talos spirantis lora trajecta sunt, religatumque ad currum traxere circa urbem equi, gloriantē Rege Achillem, à quo genus ipse deduceret, imitatum se esse pœna in hostem capienda.* Alia est ratio, quando nocens alligatur vehiculis duobus, & sic distrahitur in partes. Priscis temporibus hoc accidit Metio apud Romanos. Livius lib. I. c. 28. *Exinde duabus admotis quadrigis, in currus earum distentum illigat Metium.* Deinde in diversum iter equi concitati lacerum in utroque curru corpus, quæ inhaeserant vinculis membra, portantes. Florus lib. I. cap. 3. *Ruptorem fœderis Metium Fuselium, religatum inter duos currus, pernicious equis distrahit.* Habes nominatim currus: Ad quos quo pacto religatus fuerit, declarat Dionysius Halicarnassensis. Et Servius ad Virgilii VIII. *Metium post victoriam captum Tullius Hostilius religavit ad duas quadrigas, ita, ut ab unis quadrigis traherentur manus, pedes verò ab alteris: Quibus agitatīs velociter, cum crudeli morte discerpfit.* Sunt, qui supplicii hujus auctorem faciunt Herculem. Freinshemius in Notis ad Florum: *Id supplicii Herculem invenisse ferunt.* Respexit, ut opinor, Godelevæum, qui ad Livium, ubi de Metii supplicio, hoc modo: *Hoc supplicii genus ab Hercule inventum esse constat, qui florenti adhuc ætate Regem Eubœæ Pyrechmen bellum Bæotiis inferentem vicit, victumque pullis equinis ita alligavit, ut in duas dispertiretur partes, ut refert Plutarchus cap. 13. Paral.* Sed non nihil differunt, alligare ad currus cum quadrigis, aliud ad equos simplices. Hoc factum ab Hercule, non illud. Ita enim Plutarchus ipse: *πῶλοις ὃ προσδήσας, καὶ εἰς δύο μέρη διελὼν τὸν Πυραίχραν ἄταφον ἔρριπεν.* Malè vertunt: *Pullisque equi alligatum in duas partes discerpfit, insepultumque abjecit:* Deberent enim, *equis alligatum*, quoniam *πῶλοι* Græcis sæpe simpliciter sunt equi. Et sic ipse statim in historia Metii: *τὸν βασιλέα δύο πῶλῳ συζεύξας διεσπάραζεν.* Ubi similiter reddendum erat: *Duos jungens equos eum discerpfit.* Licet verò & Plutarchus nudos equos nominet in Metii supplicio, & iccirco illud Pyrechmes huic assimilet, fecit tamen id, secutus alios auctores, contra sententiam plerorumque Romanorum. Ipse Varro lib. I. de Gente Pop. Rom. *Metium Suffetium equis ad curriculum ex utraque parte deligatum distraxit.* Meminit alias supplicii hujus & Se-

neca ep. 14. ubi licet legat Lipsius, *distracta in diversum actis cruribus membra*, tamen *curribus*, quod habent vulgati, & Gronovii optima editio, præferendum, cum *acta crura* parum commodè dicantur, quæ flexis arboribus sunt innexa, neque crura solum, sed & brachia religari consueverint. Reperimus etiam, qui subjecti plaustris, comminutiq; rotis fuerunt. Memoratq; nominatim Plutarchus in Galba delatorem Aponium hujusmodi supplicio affectum: *Απόνιον δὲ τινὰ τῶν κατήγορικῶν ἀνδρῶν Ἰσπανίης, ἀμάρτυρας λίσσοφους ἐπήγαγον. Απονίῳ* quendam ex delatoribus prostraverunt, & per corpus ejus onusta lapidibus plaustra egere. Aliquando rotæ solæ huc adhibita, quomodo videmus hodieq; fontes rota contundi ad mortem. Quamquam genus hoc sit recentius, & ut Bodinus censet lib. V. de Rep. excogitatum à Germanis. Gallo-Francis tribuit Barthius lib. IX. Adv. c. 1. propter ista Galteri lib. VIII. Alex.

*Hoc habitu quondam Burchardum Flandria vidit
Solventem meritas, occiso Principe, pœnas.*

*Quem rota pœnalis pro tanto crimine torsit,
Totaque confregit Ludovico vindice membra.*

Item, quod in Glossis rota sit *Gallicula*. Verba veteris Glossarii, sub titulo Excerptorum laudati, ita habent: *Galliculæ, τροχάδες*. Nec videtur error in scriptura, quando & in Glossis Græco-Latinis ita reperitur, *τροχὰς, gallicula*. Sed gallicula hic nihil pertinet ad rotam, quam nec *τροχὰς* significat. Rota Græcè est *τροχὸς*, non *τροχὰς*, quod sine causa Barthius in *τροχὸς* putavit immutandum: *τροχὰς* verò gallicula. Hesychius: *τροχάδες, σανδάλια διὰ τοῦ αἰγίου δέξιμαλ*. Vides, adeò non significare rotam, ut sint sandalia de genere calceorum, qualia & gallicæ & galliculæ. Itaq; in conjectatione sua frustra Barthius hic fuit. Nec tamen repugnem, apud Gallos Francosq; genus hoc supplicii fuisse olim receptum, propter verba Galteri, quæ aperte memorant contrafacta membra. Rotas habuere Græci quoq; ac Latini, sed solummodo ad torquendum, non adimendam vitam. Talis rota, in quam reponebantur servi, cædebanturq; virgis. Scholiastes vetus Aristophanis in Pace: *οἱ δ' ἔλοι σφαλλόμενοι ὅππῃ τῷ τροχῷ δεσµένοντες καὶ συρόμενοι ἐτύπτοντο, ἀνακλῶμενοι ἐν αὐτῇ. Servi delinquentes super*
rotam

rotam religati & tracti verberibus multabantur, in ea reflexi. Religabantur verò manibus. Qvòd indicat Achilles Tatiuss lib. vi. *Φερέτω τροχόν, ἰδὲ χεῖρες, τείνελο.* Sic enim distingvendum est, Salmasio auctore, atq; explicandum: *Rotam inferat, Ecce manus, eas extendat.* Quid autem est ἀνακλώμενοι apud Scholiast. vel *reflexi in ea?* Puto machinam sic fuisse structam, ut nocens ab una parte religatus incumberet orbi bene lato, eoqve circumactò tenderetur. Suidas in voce τροχισθεῖσα: Ἀπὸ τῆ τροχῆ ὅπερ ὄργανον βασανιστικόν, καὶ διαλείνον τὰ σώματα. Verbum hoc dictum à rota, quæ instrumentum tortorium, quo corpora extenduntur. Neq; mirum, cum in pedibus haberent religata pondera, si modò rectè sese habent, quæ leguntur apud Josephum in de Maccabæis. Verba hæc sunt: *Illigari igitur, mole pedibus appensa, atque innecti rotæ jubetur Maccabeus, ita etiam in gyrum circuli porrectus, ut solutis hinc inde visceribus, venisque distentis, dolores ipsius & pœna crescerent.* Ita sese habent verba Erasmi, qvì hunc librum reddidit Latinè. At Josephus ipse ita loquitur: Ἀνέβαλον αὐτὸν πρὸς τὸν τροχόν, πρὸς ὃν κατὰλεινόμενος ὁ εὐγενὴς νεανίας, ἔξαρχος ἐγένετο, & κτὶ πάν μὲλ κλώμενος. In qvibus verbis nil occurrit de ponderibus, tantum membra singula dicuntur extenta, & articulos omnes è loco suo emotos, ipse damnatus postremo conjectus πρὸς τὸν τροχόν, qvòd plane id significat, qvòd dixi. Non videlicet ligatum super radios, sed in orbe sive circulo rotæ. Qvare illa qvòq; non sunt rectè reddita, quæ sequuntur: Ταῦτα λέγοντι πῦρ ὑπὲς ῥωσαν, καὶ διηρέθησαν τὸν τροχόν προσεπικατατείνοντες. Ἐμολύνετο ὃ πᾶνλοθεν αἷματι ὁ τροχός, καὶ ὁ σορὸς τῆς ἀνδρακίας τοῖς τῶν ἰσχυρῶν ἐυεβνίλο σαλαγμοῖς, καὶ πρὸς τὰς ἀξονας τὰ ὄργανα περιέβρεον αἱ σάρκες. Erasmus ita vertit: *Hæc eo loquente preparatur incendium, & ut erat affixus rotæ, igni in catasta objicitur, atque ita tendentibus corpus radiis & contrahentibus flammis costis deinde patentibus laterum vitalia rumpuntur.* Nihil tale dicitur in Græcis, qvorum sensus verus hic est: *Ista dicenti substraverunt ignem excitaruntque, rotam juxta intendentes. Rota verò undiquaque maculabatur sanguine, prunarum autem cumulus rore humorum destillantium exstinguebatur, & circa machinæ axes difflebant carnes.* Nihil hic de radiis rotæ, sed de axe, cui incidebant carnes corporis lacerati, qvòd impositum fuit orbi.

Sed nec, quæ de igni habentur, satis intellexit Erasmus. Putavit in eum una cum rota fuisse conjectum damnatum. At Josephus prunas ait substratas, ut alligatus rotæ non tenderetur solum, sed & torreretur. Atq; sic receptum fuit in hoc genere, ideò ignis ferè una cum rota memoratur. Achilles Tatius, post ea, quæ de rota paulò ante protuli: *Φερέτω καὶ μάστιγας, ἰδὲ νῶτ' αὐτοῦ, τυπλέτω. Καμιζέτω πῦρ, ἰδὲ σῶμα, καί τω.* *Afferat & flagra, ecce tergum, verberet. Ferat ignem, ecce corpus, comburat.* Sic enim distingvit explicatq; Salmasius. Atq; statim post: *Λάμβανε καὶ ἐμὲ τὰς μάστιγας, τὸν τροχόν, τὸ πῦρ.* *Cape in me flagra, rotam, ignem.* Apulejus lib. III. Asini: *Nec mora, cum ritu Gracienſis ignis & rota, tum omne flagrorum genus inferuntur.* Habes ecce ignem simul cum rota. Sed & flagra, quia, sicut dixi ab initio, & hoc receptum fuit, ut simul damnati verberarentur. Aristophanes in Pace:

Ἐπὶ τῷ τροχῷ χ' ἑλκοδὸ μάστιγ' ἔμεν.

Vertit Florens Christianus:

Flagris secetur, & trahente eat rota.

Quod non satis est evidens, quando non ibant tracti rota, sed ei impositi trahebantur ad divulsionem membrorum, & interea proficindebantur flagris, idque veritatis extorqvendæ vel alterius rei obtinendæ gratia, non verò adimendæ vitæ, in quo rota Gracienſis à rota Germanorum Francorumve differebat, contra quam pleriq; docti censuere. Gerardus ad Plutum Arist. Noxii alligabantur rotis, ut radiis rotarum convulsi lenta quidem morte, sed maximo cruciatu, illic perimerentur. Neutrum horum verum, nam nec alligati radiis, nec perempti. Docet ipse Aristophanes:

Ἐπὶ τῷ τροχῷ γὰρ δὲ σ' ἐκεῖ σρεβλ' ἔμενον

Εἰπεῖν, ἂν πεπανάργμας. -- --

Sententia est clarissima, *super rotam*, ait, *te incurvatum hic oportet proloqui, quæ feceris prava.* Frischlinus perperam sic reddidit:

-- -- *Nam oportet te, rota*

Illic revinctum & radiis insertum, tua

Flagitia profiteri.

Nulla mentio hic radiorum: Tantum dicit rotæ tormento eo compulsus iri, ut veritatem profiteatur. Veritatis ergo exprimen-

da

de causa, non perimendi fontis, rota est inventa, ut ne Caelius Rhodiginus quidem rectè cum rota Germanorum junxerit. *Rota tormentum*, ait lib. X. cap. 3. *Germanorum ferè peculiare censetur: Ita tamen, ut ejus meminerit Aristophanes Pluto*. Falsum hoc. Non agit de rota Germanorum, verum ea, quam vocavit *Græciensem* Apulejus. Itaq; nec illud probum, quod sequitur: *Rota inferuntur noxii, & membratim rotarum convulsi radiis lentitudine mortis maximo cruciату perimuntur*. Non perimuntur rota veteri Græciensi, sed torquentur. Ita torquetur peregrinus ille apud Plutarchum in vita Niciæ, qui cladem Atheniensium in tonstrina narraverat, ut rei à se nunciatae proderet auctorem. Ita fuerunt, qui Phocionem censuerunt torquendum ad edendos conjurationis socios, priusquam ad ultimum duceretur supplicium, apud eundem Plutarchum in vita Phocionis. Pertinet huc quoq; dictum Plauti, quando ait Act. II. Cistell. scen. I.

Lactor, crucior, agitor, stimulator, versor in amoris rota miser.

Sed de rota satis, redeo ad integra vehicula, quæ adhibebantur quoq; ad infamiam. Quomodo apud Scythas, qui vates falsus erat, imponebatur plaustrum sarmentis onusto, quæ simul accendebantur igne. Herodotus lib. III. *Falsos vates hunc in modum necant: Plaustrum concameratum, ubi sarmentis referserunt, bobusque junxerunt, vaticinos pedibus implicatis, & manibus post tergum revinctis, atque ore obstructo, extendunt in medium sarmentorum: Incensisque sarmentis territando agitant boves, quorum boum multi cum vaticinis concremantur, multi ambugi, cremato utique plaustris temone, aufugunt*. Romani parricidas affecturi supplicio, plaustrum deferrebant ad mare juncto bobus nigris. Ita docet Glossarium verus, quod citat Savaro ad Sidon. iv. ep. 24. *Fuit lex quadam hujusmodi omnibus hominibus, ut, qui parricidium fecisset, publicè in culleo missus cum vipera & cane & simia & gallo, impiis animalibus, impius homo super plaustrum, junctum nigris bobus, deferretur in mare, & projiceretur in profundum*. Eadem plane habet Dositheus, Grammaticus græcus, in Sententiis & Epistolis Hadriani Imperatoris, ex quo adducit Demisterus ad Rosinum verbis græcis, ut alter ex altero transcripserit.

Nescio, num quid simile receptum fuerit apud Græcos in proditoribus. Phocion saltem, hujus criminis reus, ita vectus est. Plutarchus in ejus vita: καὶ πρὸν τὸ σχῆμα τῇ κομιδῇ λυπηρὸν, ἐφ' αἰμάξαις κομιζομένων αὐτῶν διὰ τῆ Κεραμικῆ πρὸς τὸ θέατρον. *Species vecturæ fuit tristis admodum, plaustris vecti per Ceramicum fuerunt ad theatrum.* Atq; hi vehiculorum usus ferè pacis tempore. Fuit & eorum usus non exiguus in bello. Populi profectò antiquissimi hoc genere pugnarunt. Quod ex ipso Mose discimus, qui exercitum Pharaonis & Ægyptiorum æstimat ex solis curribus. Verba ejus Exodi 14. *Iunxit ergo currum, (Pharao) & omnem populum suum assumpsit secum. Tulitque sexcentos currus electos, & quicquid in Ægypto currum fuit, & Duces totius exercitus.* Simili modo in exercitu Sesostris Diodorus lib. I. memorat ζεύγη πολεμιστήρια διαμύρια καὶ ἐπὶ τριακισχίλια, *currus militares ad viginti septem millium numerum.* Sic de Jabin, Rege Cananæorum, legimus in libro Judic. cap. 4. *Nongentos habebat falcatos currus.* Habuerunt & Assyrii. Diodorus lib. II. de Nino memorat, quod in exercitu suo adversus Bactrianos adhibuerit ἄρματα δρεπανηφόρα μικρὸν ἀπολείποντα τῶν μυρίων ἑξακοσίων, *currus falcatos paulò minus decem millibus & sexcentis.* Persæ non alio genere magis parari victoriam putarunt. Inde Curtius lib. IV. cap. 9. *Ingensque, ut crediderat, terror hostium, ducentæ falcatæ quadrigæ unicum illarum gentium auxilium sequuntur.* De Persis & Dario loquitur, ipsorum Rege. Neq; recens fuit institutum hoc Persarum, sed vetustum plane. Meminit enim Diodorus lib. II. auxilii Priamo missi à Teutamo, Rege Assyriorum, curribus ducentis Susianorum, qui sunt Persæ: Ἄλλες ὅ τος ἑταῖρος Σησιανῶς σὺν ἄρμασι διακοσίοις ἑξαποσεῖλαι. *Totidem Susianos cum ducentis curribus illi misit.* Transiit hæc consuetudo etiam ad Thraces. Polyænus lib. IV. de Alexandro: Θρακῶν παρασκευασμένων καὶ πλεονεξίας πολλὰς ἐπαφέναι τοῖς Μακεδόσι. *Thraces paratos esse didicit, ut magnam vim currum in Macedones immitterent.* Indos. De quibus ante dictus Curtius lib. VIII. cap. 14. *Summa virium in curribus. Senos viros singuli vehebant, duos clypeatos, duos sagittarios ab utroque latere dispositos, ceteri aurigæ erant, haud sanè inermes, quippe jacula complura, ubi cominus præliandum erat, ommissis habenis in hostem ingerebant.* Sic describit currus istos

istos Indorum, Regisq; Pori, unde constat, non fuisse, qvales vulgo in militia, præcipue græcorum, fuerunt recepti. Ut hoc ipsum fortè Clariss. Freinshemium monere debuerit, ne in dubium Curtii fidem vocaret. Nec enim, si alii Indorum, excepto auriga, epibatas seu propugnatores habuere duos tantum, qvòd Ælianus tradunt atqve Strabo, & ipsam qvoq; diversum est à consvetudine græcorum, necesse videtur, ut idem statim de Indis, qvibus Porus imperabat, statuamus. Curribus pugnarunt græci qvoqve. Ideò vetusta mentio eorum etiam apud Homerum. Eadem Libyæ gentis consvetudo. Docet junctim Pollux lib. I. cap. 10. Λίβυες δὲ δι' ὄψεων καὶ ἵππων ἐπιζευγνύμενων, ὥσπερ οἱ Ὀμήρου ἦρωες, μάχονται. *Libyci ex curribus, ad quos juncti equi, quemadmodum Heroës Homeri, præliantur.* Ita locum hunc vertendum monui in meis ad Arriani tactica Notationibus. Num & Lacones? Inter species δι' ὄψεας enim apud Pollucem dicto loco est & ἡ λακωνικὴ. Præterea in illo Pollucis loco toto agitur de curribus non aliis, qvam militaribus. Sed qvæ δι' ὄψεας illæ, qvarum species tres memorat, Libycam, Persicam, & Laconicam? Puto significare non certam qvandam & peculiarem rationem agendi currus, in peculiari eqvorum concitatione consistentem, verum singularem speciem, cum respectu curulis constructionis, tum respectu eorum, qvi ex curribus pugnant, & armorum, qvibus utebantur. Qvòd colligo ex loco Xenophontis, qvi extat lib. vi. Pædiæ, ubi Persicam δι' ὄψεαν explicat, ei; opponit Trojanam & Cyrenaicam. Verba sic se habent: Καὶ πῶς μὲν Τρωϊκὴν δι' ὄψεαν πρὸς θέν ἔσαν, καὶ πῶς Κυρηναίων ἐτι νῦν ἔσαν ἀρμαῖηλασίαν κατέλυσε. Τὸν 3^{ον} πρὸς θέν χρόνον καὶ οἱ ἐν Μηδία καὶ Συρία καὶ Ἀραβία καὶ πάντες οἱ ἐν τῇ Ἀσίᾳ τοῖς ἀρμασιν ἔως ἐχρῶντο, ὥσπερ νῦν οἱ Κυρηναῖοι. Sermo est de Cyro: Trojanam, ait, rationem aurigandi, qua olim fuit recepta, & Cyrenaicam, qua nunc quoque usitata est, omisit. Superiore namque tempore & Medi, & Syri, & Arabes, & Asiatici omnes curribus ita utebantur, ut nunc Cyrenaici. Subdit postea, qvòd Cyrus immutaverit in structura curruum, & armatura illorum, qvi pugnare ex iis debebant. Unde liquet, δι' ὄψεαν esse rationem certam præliandi ex curribus, aliter aliterq; se habentem pro ratione curruum ipsorum & præliantium ex ipsis. Rationemq; illam memorari

morari quintuplicem, Libycam, Asiaticam vel Cyrenaicam, Persicam, Trojanam, & Laconicam. Atq; ita Laconas seu Spartanos quoq; habuisse quondam currus suos in bello, eosq; peculiari quadam structos ratione armatosque, quæ à structura cæterorum differerebat, eamq; esse *διφορίαν Λακωνικὴν*, quam Pollux memorat. Quæ verò illa fuerit differentia, in defectu auctorum de hac re tradentium, haud profectò dixerim. Troicam, Asiaticam seu Cyrenaicam, & Persicam cognoscimus quadamtenus ex Xenophonte, alibi que explicamus; At verò Libycam & Laconicam descriptam hætenus non observavimus. Ut sufficere nobis debeat, quod fuisse utriusque aliam à prædictis rationem sciamus. Nisi fortè Libycam putamus eam ipsam, quæ & Cyrenaica. Videturq; velle Scholiastes Pindari, quando, quod de Cyrenaicis proposuit, deinde explicat de Libyis. Verba sunt in Oden iv. Pyth. *τὴν Κυρήνην εὐπιπρον εἶπεν ἐκ ἐκ τῆ παραλυσχόλος, αὐτὸς ὅτι Ποσειδῶν τὰς Λιβυὰς διδᾶξαι πλὴν τῶν ἀρμάτων καὶ ἄρξεν.* *Cyrenen vocat bonam equis*, (Stephanus & docti viri alii non satis commodè reddiderunt *equestrem*) *non ex eo, quod tunc accidit, sed quia Neptunus Libyas docuit juncturam vehiculorum.* Non potuisset tribui Cyrenaicis, quod ad Libyas pertinuit, si non Cyrenaici etiam Libyæ fuissent. Ita amplius cognoscimus ex Stephano, qui Libyn etiam Cyrenen ait dictam: *Λιβύη, χώρα πολυώνυμος, ὡς Πολυίς ωρ. Ἡ Ὀλυμπία, Ὠκεανία, &c. Αἰθιοπία, Κυρήνη.* *Libya, terra, quæ multa habet nomina, ut ait Polyhistor. ut terra Olympia, Oceania, &c. Æthiopia, Cyrene.* Itaq; vix alia Libyca est ratio, quam Cyrenaica. De Laconica dubitamus, cum præsertim ejus alibi, quam apud Pollucem, mentionem nullam videamus fieri. Præter græcos autem, interq; eos nominatim Laconas seu Spartanos, invenimus usos curribus ad prælia & alios Europæ populos, ut gallos Belgasque, quorum bennæ ac corvini veteribus non semel memorantur. Hinc Lucanus quoque lib. I. de Belgis:

Et docilis Rect̃or constrati Belga corvini.

Et de gallis rivijs lib. X. cap. 20. *Effedis carrisque superstans armatus hostis, ingenti sonitu equorum rotarumque, advenit.* Britannis nihil fuit olim usitatius. Memorat jam Tacitus in Vita Agricolæ, cap. 12.

Quædam

*Quadam nationes & curru præliantur. Honestior auriga, client-
 tes propugnant. Et ante ipsum Mela lib. III. cap. 6. Dimicant
 non equitatu modo aut pedite, verum & bigis & curribus, Gal-
 licè armati. Num & alii sic prælia commiserint, nescimus,
 nisi de Romanis aliquid colligere ex Auctore veteri de Rebus
 Bellicis volumus, propter Currodrepanos vulgares, singu-
 lares & clypeatos, quos describit. Sed hoc valde recens fue-
 rit, necesse est, atque rarum, cum Scriptores nulli memo-
 rarint. Priscis sanè temporibus ignorasse, vel unicus docue-
 rit Polybius, qui, cum diligenter omnem Romanorum de-
 scripserit militiam, currus ne uno quidem in ea nominavit ver-
 bo. Cæterum, hic primus usus est vehiculorum in bello, per-
 tinens ad prælia & acies. Est & usus alius, ad claudenda fir-
 mandaque castra, qui non Romanis quidem, aliis tamen po-
 pulis admodum fuit receptus. Ac de Gallis quidem pridem
 est testatus Sisenna lib. IV. Historiarum, cujus verba Nonio
 servata voce Carra hæc sunt: *Impedimenta collocant omnia, con-
 struunt carros, & sarraca crebra disponunt.* De Helvetiis disci-
 mus ex Cæsare, qui sic lib. I. Bell. Gall. cap. 6. *Ad multam noctem
 etiam ad impedimenta pugnatum est; Propterea, quod pro val-
 lo carros objecerant.* Idem testis est & de Germanis, nomina-
 timque Harudibus, Marcomannis, Triboccis, Vangioni-
 bus, Nemetibus, Sedusiis, Svevis, libr. I. dicti operis,
 cap. 51. Fuit & Cimbrorum ea consuetudo, quod colligi-
 mus ex Floro, quando lib. III. cap. 3. foeminas eorum scri-
 bit, *objectis undique plaustreis atque carpentis post virorum cla-
 dem pugnasse.* Gothis tribuit Ammianus lib. XXXI. *Haud
 longo spatio, ait, separatum vulgus inæstimabile Barbarorum,
 ad orbis rotundi figuram multitudine digesta plaustrorum, tanquam
 intramuranis cohibita spatiis, otio fruebatur & ubertate præda-
 rum.* Gethis vicinisque Claudianus in Rufinum lib. II. v. 127.
 ubi sic de ipsis, quos communi nomine appellat Barbarum:*

*Tum duplicem fossam, non exsuperabile vallum
 Asperat alternis sudibus, murique locata
 In speciem castris obtendit plaustra juvencis.*

Ubi nota, consuevisse interdum plaustris curribusve hisce coria exterius apponere, contra ictus ingruentium ab hoste telorum, & quo tutius ab eis in subeuntes pugnarent, quia de re cum alibi, tum quoque ad Mauritium nostrum egimus. Scythas vulgo habuisse intelligimus ex Luciano, ubi Toxaris Scythia in ejus nominis dialogo: Ἐνθα ἡμῖν τὸ ἡμῶν τῷ στρατοπέδῳ, καὶ μέγῃ τῶν ἀμαζῶν ἦν. Οὕτω γὰρ ἐκκινώσαμεν. *Vbi nobis dimidium copiarum & pars plaustrorum erat. Sic enim castra fueramus metati.* De Thracibus ex Arriano discimus, qui sic statim ab initio de ipsis: Συνεπαγόντες ἀμαζας, καὶ προκαλούμενοι πρὸ σφῶν ἅμα μὲν χάρακι ἐχρῶντο ταῖς ἀμαζαῖς ἐς τὸ ἀπομάχεσθαι ἀπ' αὐτῶν εἰ βιάζοντο. *Congregatis plaustris, & ante se collocatis, (Interpres liberalius, in orbem dispositis) simul pro vallo utebantur eis, ut ex iis, si premerentur, pugnarent.* Barbaris in universum omnibus tribuit Vegetius lib. III. cap. 10. ubi agit de diversa muniendi castra ratione. *Omnes barbari, ait, carris suis in orbem connexis ad similitudinem castrorum securas à supervenientibus exigunt noctes.* Usurparunt tamen & Romani quoque sequioribus temporibus, ut ex Leone, Mauritio, ceterisque Tacticorum Scriptoribus, cognoscimus. Et jam de Narsete Agathias lib. II. ubi agit de ipsius castrametatione: Καὶ τὰς τῶν ἀμαζῶν τροχὰς, αἷς δὴ ὡς πλέϊσας ἐπέθηκε, σοιχνηδὸν ἐς ἀλλήλους ἀρμόσας, ἐπέπηξε τὰ ὀπίσω τῶν ἐδάφους, ἄχρι καὶ ἐς τὰς πωλύμνας περιχώσας, ὡς μόνον τὰ ἡμικύκλια ὑπερανέχειν καὶ προβέβαιναι. *Et currum, quorum maximam habebat vim, rotas ordine inter se confertas sola infixit, terra ad modiolos rotarum usque aggesta, ita, ut circumferentie dimidia tantum pars extaret & prominere, ut Vulcanius hæc vertit.* Non verò ad munitionem castrorum solummodo, sed & integri exercitus, in itinere constituti, pervinebant, si quia vis ab hoste timeretur, aut insultus. *Quod ostendit*

ostendit Polyænus lib. III. ubi de Timotheo testatur, quod
 contra Olynthios servavit exercitum suum in itinere, τὰς ἀμά-
 ξας πυκνὰς ἀγῶν καὶ συνηρημένας, τὰς δὲ ὀπλίτας τέτων ἔωθεν περιβαλὼν,
currus constipatim ducens & conjunctim, eisque circumdans ar-
matis. Pollio in Gallienis, cap. 13. Quo comperto Scythæ fa-
 cta carragine per montem Gessacem fugere sunt conati. Cælius
 Rhodiginus lib. XVIII. cap. 24. explicans hunc locum ita
 scribit: Sic interpretantur nonnulli, ut carraginem facere, ver-
 bo barbariem respiciente, sit perinde, ac si dicas, conclamare
 vasa. Sed & carraginem facere dixeris non rectè minus, viam
 aperire, qua commeent plaustra: Quando & carraginem ratio-
 ne hac usurpat pleraque Italia, vel proverbio teste. Verum,
 quicquid sit de proverbio Italiaque, nihil tale voluit Pollio
 in prædicto loco, sed per carraginem facere intellexit carros in-
 ter se conjungere vel construere, ut per eos ita confertos, &
 à latere utroque tergoque incedentes, medius inter eos exer-
 citus tutum ab hoste possit iter facere, quæ de re loco alio plu-
 ribus agemus. Ad postremum etiam in ipso prælio sic suos
 muniebant aliquando, maximè, si metueretur fuga. Cæ-
 sar de Bell. Gall. cap. 51. Omnem aciem suam rhedis & carris cir-
 cumdederunt, ne qua spes in fuga relinqueretur. Simile quo-
 dammodo Indorum institutum apud Curtium lib. IX. cap. 1.
 Barbari, ait, vehiculis inter se junctis dimicaturi occurrerunt,
 transiliebantque in vehicula strenuo saltu, cum succurrere labo-
 rantibus suis vellent. Ubi juncta inter se vehicula non aliter in-
 telligenda, quam ut dixi. Quare sequitur de Alexandro:
 Vincula, quis conferta erant, (vehicula) jussit incidi, quo fa-
 cilius singula circumvenirentur. Sed & de Vacceis Frontinus
 lib. IV. cap. 7. 33. Vaccei, cum à Sempronio collatis signis urge-
 rentur, universas copias cinxere plaustris. Est & tertius vehi-
 culorum usus in militia ad deportanda primum tela majora cum
 suis machinis. Inde inter vehicula exercitum sequentia Mau-
 ritius noster lib. XII. cap. 18. numerat τὰς βασιςροφόρας ἀμάξας


(sic enim legendum , non βαλισφόρες , quod in Notis monui) hoc est , *currus balistas portantes*. Vegetio videntur esse *carrobalistæ* tela , ducta istis curribus. Verba extant lib. II. cap. ult. *Legio primum omnium instruitur jaculis , quæ nulla lorica , nulla possunt scuta sufferre. Nam per singulas centurias singulas carrobalistas habere consuevit , quibus muli ad trahendum deputantur.* Idem memorat onagros in vehiculis , eodem loco : *In una legione esse solent decem onagri , hoc est , singuli per singulas cohortes. In carpentis bobus portantur armatis , ut , si fortè hostes ad oppugnandum venerint vallum , sagittis & saxis possint castra defendi.* Sic distinguo locum hunc , qui se malè habet in vulgatis : Deinde pertinebant ad gestationem armorum , si fiebat iter , neque metus erat ab hoste. Unde Mauritius notat lib. XII. cap. 19. *Εὰν οἱ ἐχθροὶ πλησίον ᾖσι , τὰ ὅπλα αὐτῶν βασιζοῦσας τὲς ὀπλίτας περιπαλεῖν δεῖ , καὶ μὴ εἰς τὰς ἀμάξας ταύτας καταλιμπάνειν , ἵνα ᾧσιν ἑτοιμοὶ πρὸς τὴν μάχην.* *Si appropinquent hostes , graviter armati debent incedere gestantes arma sua , nec ea relinquere in vehiculis , quo sint parati ad prælium.* Hic monentur , ne appropinquante hoste arma relinquant in vehiculis , sed eis sese muniant. Ex quo sequitur , habuisse alias deposita in eis. Neque alia fortassis causa , quod non rarò videamus apud Auctores veteres etiam in itinere decursum ad arma , si quando ex inopinato hostis ingruerat. Ita Curtius lib. III. cap. 8. *Itineri quam prælio aptiores erant , raptimque arma capiebant.* Sed & alias in eis arma habebant , ut , si quovis modo sua perdidissent , haberent , unde promerent alia. Hinc capta legimus *plaustra coricis ac minoribus sagittis onusta* apud Nonium voce *catapulta* ex Sisennæ lib. III. Ultimus est usus ad gestandas sarcinas militares alias , de quo frequentissimè Scriptores. Hinc illud Curtii lib. VI. cap. 6. *Planicies spaciola erat , in quam vehicula onusta perduxerant. Expectantibus cunctis , quid deinde esset imperaturus , jumenta iussit abduci , suisque primum sarcinis , face subdita , ceteras incendi præcepit.* Habes manifestè


manifestè sarcinas in vehiculis. Quod & aliunde sæpius colligitur. Præter hos solennes propriosque, sunt & usus alii vehiculorum. Ut cum in flumine collocantur ad coercendam vim aquarum, quo facilius transire possit exercitus. Quo videtur referendum, quod habet Cæsar lib. I. Bell. Civ. cap. 64. *Legiones expeditas educit, magnoque numero jumentorum in flumine supra atque infra constituto transducit exercitum.* Nam, jumenta currus plaustraque significare interdum, alibi jam ostendi. Singularis est inventi, quod de Datame refert Polyænus lib. VII. Verba sunt hujusmodi, ut Vultejus vertit: *Datames supra fluvium magnam viam contendit, & curribus binis conjunctis binos alios imposuit, eosque clavis inter se compegit, & juxta canthos ab inferiori parte tabulas affixit, ut ne rota in limbum fluminis deprimerentur. Viros autem valentissimos, qui optima jumenta attraherent, tranare jussit. Postea currus compactos in fluvium immisit. Hoc pacto cum posteriores impellerent, ii verò, qui trajecerant, ab anteriore parte traherent magnis funibus suspensos, injectis superius sarmentis atque lignis, fluvium cum suis copiis transmisit.* Sic Vultejus, paulò tamen obscurius. Polyæni mens est hujusmodi, fecisse Datamen in defectu pontis, ut per currus in flumine constitutos exercitum posset traducere. Itaque non binos tantum, sed & duos & duos (*ἀμδξας συνδυό ζεύξας*) conjunxisse. Verum, quia fuit flumen altius, his imposuisse currus alios. Jam ut sic juncti copulatique duci possent per flumen, primum viros strenuos jussisse illud superare natando cum jumentis validis, ad hæc jumenta in adversa ripa constituta jam alligasse funes validos, quibus attraherent vehicula serie longa inter se connexa, & ut promptius hoc posset fieri, fuisse, qui à tergo vehicula ista propellerent. Postremo, ne in limo subsiderent rotæ, tabellas eis affixisse. Ita conjecisse sarmenta in plaustra, & super ea tabulas, ut per eas exercitui pateret via. Hæc sententia est Polixeni, quam interpreti dabit facilè, quis-

quis nostra conferre cum Græcis volet. Ut enim Græca quoque proferamus, prolixitas verborum prohibet. Vehiculis in angusto itinere constitutis accensisque Demetrius impedivit persecutionem hostilem, sicut idem testatur lib. IV. *πλῆθος αἰμαζῶν σφρέυσας καὶ τὸ στενὸν τῆς δυσχερείας πῦρ ἀνῆκεν. Οἱ μὲν πολέμιοι πλεῖον πυρκαϊὰν ὑπερβαίνειν ἐκ ἡδυνάτο.* *Currum multitudine coacervata in angustissimo difficilimoque loco ignem subdidit. Hostes incensum ignem transire non poterant.* Jam ut vehiculorum fuit usus in militia & bello, ita & in belli præludiis, hoc est, venationibus. Sic saltem de Garamantis legimus apud Herodotum lib. IV. Nec fortassis non est factitatum aliis, priscis maxime temporibus, anteqvam ars eqvitandi publicè invaluisset. De quo alii deliberent.

Finis libri primi.









JOANNIS SCHEFFERI
 Argentoratensis,
 De
 RE VEHICULARI
 LIBER SECUNDUS.

Cap. I.

De varia & multiplici vehiculorum differentia.

In hoc capite agitur de multiplici vehiculorum figura, primum respectu rotarum, dein capsarum, tertio adjunctorum animalium. Postea subjicitur multiplex eorum usus sive in pace, sive in bello.

CUM superiori libro de vehiculis in universum copiosè satis, sicut opinamur, actum sit, res ipsa postulat, ut nunc persequamur explicationem singulorum, & quem usum in negociis habuerint humanis, demonstramus. Possunt autem omnia considerari vel respectu formæ suæ, vel respectu finis operumque, quibus destinantur. Nam materia quidem jam exposita est in præcedentibus. Et qui genus unum fabricant vel conficiunt, etiam alterum fere facere consueverunt. Quando igitur attendimus ad formam, hoc est speciem vehiculorum ac structuram, differre illam intelligimus vel respectu ipsorum,

rum, vel respectu eorum, à quibus duci solent aut moveri. Prius genus quoq; suas habet differentias, si attendimus vel ad rotas, vel ad corpus reliquum. Rotarum intuitu sunt vehicula nonnulla, quæ eas habent aliquas, sunt item nonnulla, quæ iis penitus destituuntur. Ea quoque, quæ posterioris generis, non eodem sese habent modo. Nam quidem loco rotarum habent aliud quidpiam, cui subnixa feruntur, alia nil omnimodo. Ad priorē classē petirēt trahæ ac id genus; ad posteriorē clitellæ, sellæ, lecticæ, ac ejusmodi. At verò quæ instructæ rotis, habēt eas aliquando plures, aliquādo pauciores. Alia quippe innitūtur & incidūt unica, ut chiramaxium; alia duabus, ut birōta, carrus, bigæ, ac id genus; alia quatuor, ut rheda, carpentum, & similia. Si attendamus corpus reliquum, apparet aliqua habere capsam, aliqua vero non habere. Habent enim lecticæ, rhedæ, carpenta, & ejusmodi: at plaustra, & trahæ, & quæ simili constructa specie plerumque non habent. Etiam quæ vehicula capsam habent, differunt, pro diversa ejus specie. Nam modo est quadrata, modo rotunda, vel semirotonda. Sed ad quadratā capsā modo æquitatera est, nec multo longior, quam latior; modo oblonga, sic ut longitudo latitudinem exsuperet plurimum. Rotunda capsā est, quæ nullos habet angulos, sed circulārī forma instar urcei vel cupæ clauditur. Semirotonda, quæ non undiquaque clausa, sed dimidia sua parte aperta instar lunulæ, idq; vel à fronte, vel à tergo. Primi generis sunt rhedæ, secundi currus triumphales, tertij bigæ, quadrigæ, carpenta magistratuum, currus militares, & ejusmodi. Quæ vehicula & in eo differunt, quod nonnulla capsas habeant ex solidis integrisq; tabulis constructas, ut arcere, quædam textas ex bacillis aut viminibus, ut cophini, bennæ ac id genus. Differunt & pro constructione reliqua: sunt enim quædam tecta vehicula, quædam vero aperta. Tecta sunt, quorum capsā superne constrata est velut tecto, contra pluvias, vel pulverem, vel radios solares. Aperta, quorum capsā tecto tali destituitur. Respectu eorum, à quibus duci vel moveri vehicula debent, observamus, esse quædam gestatoria, quædam vero tractoria. Gestatoria sunt, quæ portantur, quorum differen-

tia in eo, quod portentur quædam à jumentis, quædam ab hominibus. Sed & in eo sunt diversa inter se, quod alia portentur in dorso, ut clitellæ, aliæ in humeris, ut fercula, sellæ, lecticæ, aliæ à latere, ut bastarnæ ac id genus. Quæ trahuntur, pariter trahuntur vel à jumentis, vel ab hominibus. Homines trahunt vel post se adducendo, vel ante se propellendo agendove. Propellendo, quando qui agit movetur vehiculum, pone sequitur, quomodo fit in chiramaxio. Adducendo, quando qui movet, antecedit, sicut fit in cæteris. Jumenta trahunt una semper forma, nempe post se adducendo, res enim absurda est ac ridicula, jumenta jungere post currum. Cæterum & ista differunt pro numero eorum, à quibus trahuntur. Alia quippe ab animali tantum uno promoventur, ut monacus, alia à binis ut bigæ, alia à pluribus, ut trigæ, quadrigæ, sejuges, & id genus. Differunt & in modo adjungendi. Quædam enim habent animalia omnia æqua collocata fronte, alia vero singula, vel bina sese mutuo excipientia longa serie. Atque ista quidem est diversitas vehiculorum, si respicimus ad eorum speciem ac formam. Respectu vero finis ac negotiorum possumus nonnulla nominare sacra, reliqua non sacra. Illa sunt, quæ ad sacra quoquo modo pertinent, possuntq; dividi vel in ea quæ attribuuntur dijs, vel in ea, quæ servire solent ludis sacris ac spectaculis. Dijs tribuuntur vel ficta, vel vera. Prioris generis sunt quadrigæ Jovis ac Solis, bigæ Junonis, Veneris, Lunæ, atq; sic deinceps. Posterioris generis sunt vel usurpata hominibus, vel ad speciem illorum ex quacunque materia expressa, quæ dedicari dijs solebant. Ad primam classem pertinet plaustrum Gordij, currus capti ab hostibus & collocati in templis, similiave vehicula. Ad secundam, quadrigæ fictiles, marmoreæ, eburneæ in fastigijs templorum, aliisque locis. Quæ spectaculis ludisve solebant servire, spectabant vel ad pompam, vel ad certamina in eis. In pompa quædam gestabantur, ut fercula, quædam trahebantur, ut tensæ, quadrigæ deorum, carpenta Cæsarum, Augustarum, atq; aliorum. In certaminibus decurrebant modo bigæ, modo quadrigæ, eaq; vel equis junctis, vel aliis animalibus. Vehicula non sacra sunt, quæ negotiis inserviunt

humanis. Pertinent porro hæc vel ad bellum, vel ad pacem. Bellica vehicula vel prælijs inserviebant, vel castris atq; itineribus. Quæ serviebant prælijs, faciebant hoc vel per se apparatusq; proprio, ut currus falcati, vel gestatione armatorum, qui ex ipsis pugnant, ut currus militares alij. Itineribus serviebant vel gestando, ut clitellæ jumentorum dossuarius, vel vehendo, ut plaustra castrensia & id genus. Quæ ipsa quandoque munimenti vicem castris præbebant ambitu suo ac circumdatione. Vehicula quorum usus est in pace, vel sunt agrestia, vel urbana. Agrestia pertinent ad agros operaq; rustica. Habentq; rotas, ut plaustra, plostellæ, vel sunt rotis destituta, ut trahæ, & id genus. Urbana pertinent ad urbes, eorumque usus, qui in urbibus versantur. Horum vehiculorum alia possunt dici necessaria, alia non necessaria. Necessitas vel ad valetudinem refertur, vel ad alia. Et quoniam valetudo, vel invaletudo potius, quandoq; est perpetua, quandoq; temporaria, quædam illi serviunt, ut sellæ podagricorum, currus eorum, qui sunt destituti pedibus, & hujusmodi; quædam huic, ut lecticæ subitariae, arcerae instratae, atque alia id genus. Necessitas quæ ad alia refertur, spectat ea, quatenus vel intra urbem sunt, vel extra eam. Extra urbem est necessitas vel deportandi oneris. vel faciendi itineris. Ad prius genus pertinent vehicula vel privata, vel publica. Illa sunt vel mercatorum, vel opificum ac similium, quæ rursus vel gestatoria, vel tractoria. Publica sunt, quibus deportantur species ex provinciis, vel tributa ad Principem. Ad posterius genus spectant primum vehicula tabellariorum, ut veredi, rhedæ fiscales publicæq; ac hujusmodi; deinde vehicula privatorum, quoquo modo iter facientium. Intra urbem occurrit fere necessitas custodiendi decoris pudorisq;. Pertinent huc sellæ, lecticæ, carpenta matronarum & virginum. Vel necessitas excludendæ turbæ ac conficiendorum negotiorum. Pertinent huc sellæ virorum. Vehicula non necessaria vel ad honorem pertinebant, vel ad splendorem, voluptatem, luxum. Ad honorem spectabant vehicula triumphantium, victorum in ludis publicis, magistratum, sacerdotum, ac similium. Ad luxuriam vero atque voluptatem

ptatem, vehicula aurata, argentata, gemmata, cælata regum Imperatorumve, lecticæ sellæq; splendidissimæ mulierum impudicarum, meretricularum, & id genus alia plurima. Et hæc sunt, ex quibus multiplex vehiculorum differentia facillime colligitur.

Cap. II.

De clitellis, furculis, ærurnis, & id genus.

Clitella. Bos clitellas. Consuetudo vetus alludendi ad fabulas per prolationem primorum ex eis vocabulorum. Fragmentum Petronij Tragicum, Terentius & Cicero explicantur. Clitellarum vox unde. Commentator Cruquij emendatur. Sagma alia à σάγμα, alia à σάγμα. Sagum quid. Lampridius contra Salmasium exponitur. Stratum. Stramentum. Sagma, salma, sauma. Saumros. Versio Pollucis rejicitur. Κανθήλια. Versio Aristophanis castigatur, ipse aliter exponitur. Οἷοι δὲ κανθήλιοι. Philelphus, Septimius, alij refutantur. Gellius exponitur. Interpres Aristophanis Græcus & Suidas revelluntur. Cantherij. Cretella. Comenius notatur, item Calepinus, Iunius, Vossius, alij. Cantherium. Canton, cant. Canijas, κανί. Varro rejicitur. Livius exponitur. ἄντρος. Astrabæ vehicula pro sedilibus. σαγμοέλιον. Hesychius & Etymologus explicantur. Clitella aliquando sella, contra Salmasij sententiam. ærurnula. Furcilla. Furca. Plantus explicatur. Sarcina pro fœtu in utero. Labores pro doloribus in partu. ἀίρω. Fungerus & Vossius revelluntur. Lacuna in Festo notatur. æro. Phormio. Tabella. Lipsij imago rejecta. Vnci in clitellis. Constringere, religare sarcinas. Fisci asinorum. σαρὴ. Pulvilli, centunculi sub clitellis. Frontinus explicatur. Instrata. Clitellaria. Asini, equi clitellarij. σαγμάει. Caballus, equus sagmarius. ἀσπείλα. σωμαίνον, ἀναβαίνον. ἀναβατίνδ' οἷοι. Salmasius notatur. ὑποζυγίοι non semper, quæ in vehiculis. ἀσπείλα. κανθήλιοι. Cantherij. Sæctorum equorum usus frequens in itineribus. Varro explicatur. Cantherij homines. Geruli. Commentator Cruquij notatur. Laturarij. Laturas locare. Bajuli, operarij, bajulatores, sarcinarij, sarcinati. Glossæ Savaronis emendantur. Nutritores. Vossius notatur. AErurnosi. ἀχθροφόροι. βασανισαί. Glossæ Savaronis iterum emendantur. Βασανισαί. Bastaga. Bastagarij.

garij. Βασανείς, Βασανόρνη. *Cod. Theodos. explicatur. Tergo gestabant onera. Νόωφόροι, νωτάρες, νοτείς. Hesychius emendatur. Νοτείς & ζόρια differunt. Hesychius denuo emendatur. Dossuarij. Tintinnabula dossuaria. Suertius refutatur. Pictiles balthei. Multi dossuarij in ministerio Præsidentum provinciae. Muli cartherij. Muli Praesidentum dati ex publico, eique redditu. Lampridius emendatur. Grex jumentorum. Merces ducta per plateas, asinis imposita. In bello portabant arma. Sarcinaria. Sagmaria. Leonis *Tactica* correcta. ἀδίσματα. Leo iterum emendatur. τέλδον. Sagmariorum usus varius. Contubernia singula habebant bina sagmaria. Leo iterum emendatur. Mulus centuriatus. Cicero exponitur cum Festo, qui corrigitur.*

Vehicula differre diximus non una ratione, sive formam spectes, sive usum. Sed cum usus respectu sint nonnunquam varia, quæ si attendas formam, sæpe eadem, idcirco rectius, opinor, ac commodius fecerimus, si narraverimus observata differentia, quam accipiunt non ab usu, sed à forma. Primum autem omnium occurrunt vehicula, quæ sunt destituta rosis, ac ne quidem alia re vice illarum instructa, qualia diximus gestari. Hujus generis sunt *clitella*, quibus onera imponi, & de loco in locum transportari consueverunt, idq; vel per homines, vel per jumenta, ut mox ostendemus. Nam *clitella*, ut Perottus ait, *instrumentum, quo sarcinæ colligatae mulis, sive jumentis, sive camelis asinisve portantur*. Ubi jumentorum vocem vix accipere de aliis debemus, quam de equis, uti ex sequentibus liquebit. Nam bubus quidem nunquam legimus apud veteres impositas clitellas, licet hodie non ubique sit incognitum, videreq; memetipsum meminerim in Helvetijs prope Basileam. Ubi rusticus non clitellas modo, sed & frenum bovi sive tauro imposuerat. Sed veteribus res est absurda, ut ex Cicerone constat. Fabius, qui Ciceronis locum respicit, lib. V. Inst. c. II. *Confinē est παροιμία genus illud, quod est velut fabula brevior & per allegoriam accipitur. Non nostrum onus: bos clitellas*. Quibus verbis innuit, circumlatam vulgo fabulam de homine absurdo stolidoq; qui clitellas bovi imposuerat, sub atq; bovis malo. Fuisse vero

vero ejus fabulæ initium, *Bos clitellas*, eoq; in hoc dicto alluisse Ciceronem. Nempe sic solebant in isto paræmias genere. Quod discimus ex Fragmento Petronij, quod nos primi Notis illustrare conati sumus. Ita namq; ibi Trimalcio p. 34. editionis nostræ: *Et ipse vobis rem horribilem narrabo. Asinus in tegulis. Cum adhuc capillatus essem.* Italocus ille debet distingui. Verba illæ: *Asinus in tegulis*, per se consistunt, & spectant ad notam illa tempestate fabulam, ad quam allato hoc ejus initio alludit Trimalcio, tanquam quid illi simile allaturus. Scilicet in ea memorabatur asinus in summa parte ædium ipsoq; tecto ambulans, quod stupendum omnibus ac prodigiosum videbatur. Quomodo apud Lucianum admirationi asinus est *μυωσας ἐν τῷ ὑπερφῶν, ostentans se ex superiore tabulato*, quem est imitatus Apulejus lib. X. Omnium vero optimè clarissimèq; hæc cognoscitur ex Terentio, qui sic loquentem facit Lacheten A. IV. Hecyræ sc. 3.

— *Iam nos fabula*

Sumus, Pamphile: Senex atque anus.

Donatus eo loco: *Senex atque anus: Hæc duo nomina, ut posita sunt, caput indicant, & inceptum hujusmodi fabularum.* Item paulo post: *Pronuncia; Senex atq; anus; quasi initium fabule.* Dicit, in comædia, cum ad ea verba ventum erit, *senex atq; anus*, non ut cætera proferenda voce tali, quasi pertinerent ad comædiam & ipsa, verum alia pronunciatione, quasi enarranda esset aliqua fabella. Ea nimirum, cujus argumentum sit, ac initium, *Senex atque anus.* Ad hunc ergo modo Cicero quoque, *bos clitellas*, ex fabellæ initio, seu argumento, arguens rem absurdam, atque antea non visam: Quod viri docti hactenus non satis assecuti sunt. Cæterum quod Perottus dixit de clitellis, firmat quoq; Festus Pauli. *Clitelle*, ait, *dicuntur, ea, quibus sarcinæ conligatæ mulis portantur.* At quod idem addit verbis ante recitatis, *dictas à colo*, quod ejusmodi animalis ornamentum sint, dubitationem habet magnam. Nam à colo non est colitum, unde colitelle, & per syncopen *clitelle* possent fieri, sed *cultum*. Magis ergo faveo Scaligero, qui ad Festum ita habet: *Græci κλωστήν dicunt locū in vallem demissum, à quo clitellus formarunt Latini.*

Objicias

Objicias, aliud esse locum, de quo Scaliger, & aliud instrumentum illud, de quo nobis sermo. Sed respondet Vossius in Lexico, κλίτον vocari, quicquid sit declive, à verbo κλίνω, quod *inclino* significat. Porro talia esse latera quoq; clitellarum, ut jumentorum dorsa, à quibus scilicet utrinq; per eorum latera dependent. Sunt clitellæ alias Latinis *sagmæ*. Ita certe Commentator vetus Cruquij ad Sat. I. ecl. 5. Horatij. *Clitellas, sagmas, sive sellas, quibus strati muli sarcinas & onera gestant*. Ita ibi est legendum, non *saginas*, quæ huc nihil faciunt. Sagmæ namque sunt clitellæ, atq; instar quoddam fellarum habent, licet proprie non sint sellæ, cum in sellis sedeant, in clitellis non sedeant, sed imposita habeant onera & sarcinas. Isidorus lib. XX. cap. 16. ubi agit de varijs equorum instrumentis, atq; inter ea & sagma. *Sagma*, inquit, *que corruptè vulgo dicitur salma, à stratu sagorum vocatur, unde & caballus sagmarius, mula sagmaria*. Quod Isidorus putat, *sagmam* esse appellatam à *sagis*, in eo nescio, annon erret. Prorsus namq; est à Græco σάγμα, quod clitellam denotat. Vetus lexicon à Stephano laudatum. σάγματα, καὶ θήλια, *clitella aut strata jumentorum*. Quanquam & hic poni videantur non de clitellis solis, sed & stratis. Ut fortasse non omnino debeat contemni, quod ab Isidoro dictum est, ut viri docti fecere. Aliud tamen sagma, cum clitellam signat, & aliud, cum stratum; illud quippe est à σάγμα, hoc vero potius à σάγῳ. Nempe σάγῳ ab Hebræa voce כס, sicut bene docet Vossius, quo significatur *tegere*, vel *operire*, quia σάγῳ tegumentum quodvis. Neque aliud Latinis *sagum*. Non amictum modo, sed & vestem quamlibet, qua quid operiunt, significat. In ipsis equis posuit Capitolinus vita veri c. 6. ubi de equo volucris. *Sagis fuso tinctis coopertum in Tiberianam ad se adduci jubebat*. Casaubonus eo loco: *Quæ alij coopertoria vel tegumenta equorum dicunt, ea sæpè nominantur saga, ut hic*. A tali sago, *sagma*, qua jumenta insternuntur, item *sagmaria*, ita strata. Neque aliter accipienda sunt apud Lampridium, vita Heliogabali c. 4. *Semiramica facta sunt senatusconsulta, ridicula, de legibus matronalibus: quæ quo vestitu incederet, quæ cui cederet, quæ ad cujus osculum veniret, quæ pilento, quæ equo sagmario veheretur*.

Frustra

Frustra hic ὁ πᾶν equum saginarium deducit à σάγμα vel σαγή, quod jumentis onera bajulantibus imponitur, sicut ipse explicat. Σάγμα enim tale pertinebat non ad ea, quibus equitandi caussa insident, sed ad illa, quæ gestare solent onera. Et quo pacto insedisset sagmæ istiusmodi honestior matrona, Romæ præsertim, ubi omnia splendidiora? Adde, quod ætate illa major fuerit mollietates earum, quam ut vehi possent super clitellas. Postremo sellæ aut strata pertinebant ad homines, non sagmæ, non clitellæ. Ipse vir doctissimus: *Differt sagma à sella: nam sagma proprie est, quod jumentis, onera bajulantibus imponitur: Sella equorum est, vel aliorum animalium, quibus homo vehitur.* Si sagma, cui imponi sarcina consuevit, quomodo ab ea dictus sit sagmarius, cui matrona debuit insidere? Igitur convenientius, ut à sagma derivemus, quæ à sago est, ut significetur in decreto Heliogabali equus, qui sit stratus sago, eaq; pretiosiori, quomodo & veri equus coopertus fuit sagis, fuce tinctis. Hoc enim ex dignitate fuit matronarum Romanarum. Sagum istiusmodi simpliciter & *stratum* appellarunt. Seneca ep. 80. *Stultus est, qui equum empturus, non ipsum inspicit, sed stratum ejus.* Petronius in Fragmento; *qui asinum non potest, stratum cedit.* Apulejo lib. VIII. est *stramentum*, ita enim vertit Luciani σρώμαλα. Lucianus ita habet: καὶ τὰ σρώμαλά μιν πάντα περιεσπῶσάντες. Apulejus ita: *cunctis stramentis merendatum vestarant.* Atq; stratum istiusmodi fuit primum antiquissimumq; in equis mulisve; diuq; usurpatum ante sellas ligneas, quod jam alij docuere. Fuitq; non unum, sed interdum multiplex, ut mollius in eo sederent. Quomodo Xenophon de Persis lib. VIII. Pæd. Νῦν δὲ σρώμαλα πλείω ἔχουσιν ἐπὶ τῶν ἵππων, ἢ ἐπὶ τῶν ἐνῶν. ἢ γὰρ τῆς ἱππείας ἕτως, ὥσπερ τῆς μαλακῆς καὶ ἡδονῆς περιμέλονται. Num autem stragula plura in equis habent, quam in lectis, non enim tam equitationis, quam sessionis mollioris studiosi sunt. Quanquam strata postea sint dictæ sellæ, nec illæ solum, verum etiam clitellæ. Sic videmus apud Livium lib. VII. c. 14. *Mulis strata detrahi jubet, binisque tantum centunculis relictis, agasones armatos imponit.* Strata mulis hic detracta, non sunt sellæ, quod apparet, quia muli erant agasorum, qui parati non ad equitandum, sed ducenda jumenta sarcinaria, ve-

rum *sagmæ* seu *clitellæ*. His stratis oppositi centunculi, quibus agasones infidebant, vice aliorum stratorum. Quæ strata Xenophonti *σώματα*, aliis *sagmæ*, unde Lampridij *sagmaria*. Exterum hinc putes sequi, *sagmam* recte Isidorum explicasse. Verum aliud ostendit *salma* vox adjecta ipsi, quippe quæ notatur *sagma* non à fago, verum *σάγμασι*. Nam est *salma*, quæ deinde *saulma*, & respectu pronuntiationis, quæ omittit liquidam, & sequentem consonantem *sauma* nuncupata. Et existunt, qui sic scriptum invenerunt apud Isidorum. *Sauma* vero nihil aliud, quam *clitella*. Inde namque *saumarius* & *summarius*, hoc est *clitellarius*. Matthæus Parisinus, in An. MCC XLV. *Dedit domino Papæ triginta palafridos, cum totidem equis clitellariis, quas summarios vocamus*. Habes manifeste hic *summarios* pro *clitellariis*, unde *summa*, *sauma*, *saulma*, *salma* nil significabit aliud apud Isidorum, quam *clitellas*. *Sauma* sane hodieque est in usu, etiam apud Germanos meos, quibus inde *Saumros*/qui alias *sagmarij* vel *clitellarij*. *Sagmarij* à Latinis dicti non ex fago voce Latina, quod videtur censuisse Isidorus, verum Græca, quod superius ostendi. Pollux lib. X. c. 36. *Σάγματα μὲν ἐν ὑποζυγίων κατὰ τὰς πολλὰς ἐν τῷ πέμπτῳ φιλιππειῶν ἐστὶν εὐρεῖν*. Gualtherius in versione sua parum intellexit, ita namque reddidit: *Stabula vero jumentorum secundum multorum sententiam invenire licet in quinta Philippina*. Imo vero non stabula ibi, sed *clitellæ* memorantur, quæ Græcis *σάγματα*, unde *sagmaria*, *σαγμάρια*, hoc est jumenta clitellaria; & *sagmare*, sequioribus temporibus, pro sarcinas imponere clitellis. Græci *σάττειν* nuncuparunt. Philoxenus: *Sagmat asinum*, *σάσσηνον*, *Sagmatius*, *σεσαγμένον*. Qui Philoxeno *sagmatius*, in Onomastico veteri Argentoratensi est *clitellarius*. Verba: *Clitellarius*, *ἐπισεσαγμένον*. Alias quæ *σάγματα*, eadem & *κανθήλια* Græcis. Ita vidimus superius ex Lexico vetusto Stephani. Et Hesychius: *Κανθήλια, τὰ σάγματα τῶν ὄνων*. Ideo & Aristophanes in *Vespis*:

Μὰ τὸν Δι' ὃδ' ἦτ' ἀλλ' ἀποδύσασθαι βέλομαι

Τὸν ὄνον ἄγων αὐτοῖς, τοῖς κανθηλίοις,

Perperam interpretes, *Minime, per Iovem testor, ac tantum velim venum dare ipsis simul cantheriis deductum asellum*. Non intelligo, quid

quid velit. Ecquid enim, *venum dare ipsis simul cantheriis*? An, cantherios facere emptores? Nihil tale poëta. Vult, & intelligit venundare asinum una cum clitellis. Glossæ veteres: *κανθήλιον, clitella*. Sed fortasse decepit interpretem Scholiastes vetus, qui sic habet: *Κανθηλίους, ὄνους μεγάλους*. Quasi *κανθήλιοι* sint asini prægrandes. Nec juvatur Xenophontis testimonio, quem hic laudat. Verba quidem Scholiastis: *Ξενοφῶν. ὅτι ἐν βαρυλῶνοι οἱ φοίνικες ἔμεινον, ἢ πλεθεινῶν τὸ μέγεθος ἐνέοντα. οἱ δὲ πιεζόμενοι ἀπὸ βάρους ἀνω κυρτύνται, ὥσπερ ὄνοι κανθήλιοι*. Xenophontis locus, quem hic innuit, occurrit lib. VII. Pæd. ubi non est *ἀπὸ βάρους*, verum *ὑπὸ βάρους*, nec *ὥσπερ ὄνοι κανθήλιοι*, sed *ὥσπερ οἱ ὄνοι οἱ κανθήλιοι*, in Stephani editione. Franciscus Philelphus verba ejus ita reddidit: *palma pressa onere curvantur sursum, quemadmodum canthelij asini*. Quintus Septimius apud Scholiastam Aristophanis: *presso pondere curvata in sublime, velut asini κανθήλιοι*. Neuter ausus est *asinos prægrandes* vertere, credo quod nescirent, quomodo magni asini sursum curventur potius, quam parvi. Nec tamen à Græcavoce recedere, quod ignorarent, qui essent *ὄνοι οἱ κανθήλιοι*. Nobis dubium est nullum, quin significantur clitellarii, qui gerunt sarcipas impositas clitellis. Scilicet & hi, cum imponuntur ipsis sarcinæ vel onera, non cedunt eis, imo contra dorsum erigunt, ut magis obnitantur. Plane sicut aut Xenophon de stipitibus palmæ arboris, si in iis fundamenti loco depositis saxa ingentia, & id genus imponantur. Gellius lib. III. c. 6. ex Aristotele & Plutarcho: *Si super palmæ arboris lignum magna pondera imponas, ac tam graviter urgeas oneresque, ut magnitudo oneris sustineri non queat, non deorsum palma cadit, nec intra flectitur, sed adversus pondus resurgit, & sursum nititur recurvaturq.* Hic lignum palmæ non sunt rami adhærentes arbori, quod existimasse videntur, qui palmam Isingrinianam, insigne notissimi apud Basileensis typographi detinerunt, verum caudices & stipites ex illa arbore. Hi ponderibus suppositi non cedunt. Atque ad hunc modum muli quoque, cum clitellæ ipsis, & in eis sarcinæ onerave imponuntur. Quales ideo ad cæterorum differentiam *ὄνους κανθηλίους* Xenophon vocavit, non quod essent prægrandes, id quod falso Aristophanis

interpreti credidit & Suidas, sed quod ferrent *καυδῆλαι*, id est sag-
mas aut clitellas. Latini Græcæ vocis imitatione nominarunt
cantherios, neq; multis tantum tribuere, sed & aliis animalibus, imo
ipsis etiam hominibus. Turnebus optime lib. XVIII. Adv. c. 23.
Non solum de equis cantherium veteres dixerunt, sed etiam de aliis ani-
malibus, ut Pomponius de homine: magnus manducus, camillus canthe-
rius. Ita optime Turnebus, sicut dixi. Sed quis sit cantherius, cum
de homine usurpatur, non exposuit. Ego plane censeo sic nomina-
tum bajulum, qui certa machina clitellis non ab simili, gestaret o-
nera in dorso. Convenit; quod vocet *magnum manducum*, hoc est,
hominem voracem: tales namq; plurimum consueverunt esse isti
geruli, propter magnitudinem laborum. Etiam machina hoc do-
cet. Nam quæ alias *clitella*, ea etiam *cretella*. Glossæ Isidori: *Clit-*
telle, cretelle. Porro *creta* ac *cretelle* hodieq; meis popularibus per
Alsatiam, & præcipue Argentoratensibus machinulæ furcatæ ba-
julatorum quibus sustinent gestantq; onera in dorso. Vulgo *Krets,*
& *Kretsle* nuncupant. Speciem, quia facit ad textus rei meliorem
intellectum, hic subjeci.



Qui cretellis istiusmodi seu clitellis onera gestabant, priscis dicti sunt *cantherij*. Neq; scio, annon ipsas etiam sic nuncupaverint clitellas istas, seu machinulas. Sane alias res haud absimiles ita nominarunt. Nam cantherius & jugum ad quod alligatur vinea. Columella lib. IV. c. 12. *Vetera deponemus hastilia, quibus adnectantur singula transversa pertica in imam partem ordinis, quod genus jugi cantherium vocant rustici*. Comœnius inepte, sicut multa alia, Germanice vocavit *lager*. Nam *lager* tigna crassa sunt longaq; , humi deposita in cellis vinariis, bina, paribus per omnia intervallis à se distantia, ut super ea transversim disposita vasa vinaria ligneae requiescant, nec ab humore ex terra exsudante corrumpantur. At cantherij non in cellis sunt vinarijs, sed in vineis, perticę erectę, quę cum perticis transverse alligari solitis exhibent fere speciem Gręcę litterę π , quales *stutzen* meis popularibus dicuntur. Eratque hæc illarum appellatio ex eo, quod non multum sua specie recederent à furcis. Quomodo & in ædibus ligna, quibus sustentatur tectum, velut furcis ad modum Gręcę litterę Λ cantherij dicuntur. Populares mei *sparren* vocant. An & quę subjiiciuntur crassioribus caudicibus arboribusve à materiariis, dum secant, ut est auctor Calepinus? Sequitur enim Junius in Nomenclatore, ad dicto vitruvij vocabulo, quasi ipse sensu hoc posuerit. Junium describit quoq; Vossius, omisso licet nomine in Lexico, nam habet ipsa ejus verba. *Præterea cantherios, inquit, præunte vitruvio vocamus ligna lingulata, quę fabri materiarij pro adminiculis subjiiciunt materia ferro dissecanda. Belgis dicuntur schragen*. Optassem adscripsisse locum Vitruvij, ubi tali sensu reperitur usurpatum. Sed vix dubito, quin fidem Junij sit secutus. Vitruvij profecto locum frustra hætenus quæsi. Neque annotatus Baldo est, qui alioquin egit de hac voce, cæterisve, qui vocabula vitruvij sub idoneis indicibus proposuere. Ut plane suspicer, deceptum Junium à Calepino minus diligenter attenteq; inspecto quippe apud quem post allata superius, sequitur: *item cantherij tigna dicuntur. Vitruvius lib. V.* Putavit Junius, quia illud *item* interferitur, hinc colligi, Vitruvium utroq; sensu eam vocem usurpasse, quod opinor esse falsum.

sum. Livius & in neutro posuit, si sequimur vulgatos. Ita enim apud Taurea, lib. XXIII. cap. 47. *Minimesis cantherium in fossa*. An, quod adjectivum sit, quemadmodum videtur Græcum, nam & illud est *κανθήλιον*, & *κανθήλιον*. Et habes additum substantivis, sicut apud Xenophontem, atq; Scholiastem Aristophanis *κανθήλιον* ὄν. Nec fortasse aliter *κανθήλιον* intelligendum, quam ut simul putes addi *ξύλον*. Quomodo Hesychius, *κανθήλια, τὰ ἐν τῇ πρύμνῃ τῆς νεῶς ἐπικαμπῇ ξύλα*, de quibus egimus jam in Militiæ Navalis nostræ nova editione. Sic *κανθήλιον* videri possit dictum à *κανθός*, quod existimo fuisse usurpatum olim de quacunque re, quæ curva esset ac in angulum coiret. Certe Gallis hodieq; atq; Italis *canton* de angulo in usu est, Belgæ quoq; ac Septentrionis populi angulum *cant* appellare solent. Inde *cantjes* apud Belgas illud ex filis lineis, sericis, argenteis dentatim contextum ornamenti genus, quo utuntur circa oras vestium sive linearum, sive sericarum, quod Germani *Spizen* nuncupant. Inde Græcis Latinisq; *canthus*, illé angulus, in quem palpebræ oculorum coeunt. Denique *κάντι* vel *κάντιον* & *κάντιον* Græcis recentioribus, quicquid angulosum, quod Salmasius jam docuit. Inde igitur existimas vocatum utraq; terminatione *cantherius*, & *cantherium*. Atq; ita sunt, qui putant apud Livium accipiendum. Verum mihi aliter videtur, putoq; τὸ *cantherium* non neutrius esse generis, sed casum quartum à *cantherius*, nec significare jugum vineæ, sed jumentum à *cantheriis*, sic dictum, hoc est lignis curvis ac superne in angulum seu acumen coeuntibus, Græce *κανθήλια*, Latine alias *clitella*, ac fortassis imitatione vocis Græcæ etiam *cantheria* vocatis. Nam quod Varro censet, equos cantherios sic esse dictos, quia sint castrati, & careant testiculis, tanquam vocarentur *carenterij*, haud dubie est falsum. Equidem cantherios castratos plerumq; fuisse non negaverim, id vero ipsis hoc constituisse nomen, minima persuadeor. Scilicet cantherij castrati ideo, ut recte possent esse *κανθήλιοι*, h. e. cantherij seu clitellarij, & evaderent quietiores, demptis testiculis, quod fieri solere Varro ipse testatur, itemq; firmiores atq; durabiliores, quod experientia evincit evenire. Alterum quippe laboris conti-

nui, alterum confociationis gratia cum alijs necesse fuit. Solent enim clitellaria jumenta plurimum conjuncta sociataq; ambulare cum alijs, sui similibus, quibus facile, si non essent quieta, molestiam & periculum crearent. Quare non, quod testibus carerent, dicti cantherij, sed qui facti cantherij, eis testes adempti, ut hoc munere melius rectiusq; fungerentur. Cantherij vero dicti, quod destinati essent ad cantheria, Græce κανθήρια, id est clitellas, sarcinasq;. Ac de talibus cantherijs existimo explicanda verba Livij, superius adducta. Quod ut melius intelligamus, annotandum, quod negotium illi Taureæ fuerit cum Romano, cujus nomen erat Claudius Asellus. Hic Asellus provocatus ad certamen singulare, cum negotium faceret Taureæ adversario, isq; ideo occasionem quæreretur sese subducendi, petitione Taureæ commotus, qui rogaverat, ut cum equo descenderet in viam cavam; ubi nullo dato ad evagandum spacio, cominus conferrent manum, confestim sese conjicit in eam viam, sperans obviam se habiturum sibi Tauream. Sed Taurea elabendi nactus spacium, dum abit, joco & velut eludens ad Asellum, *minime sis cantherium in fossa*. Ita enim vulgo verba ejus leguntur, de quibus quærunt eruditi, nec quid Taurea voluerit, satis intelligere se fatentur. Dicam igitur & meam sententiam. Primum existimo, hoc dictorio respexisse ad vocabulum Aselli, & id respersisse sale. Nam cum asellis mulisq; fere uterentur ad gestanda in clitellis onera, ideo cantherij hic mentionem fecit, qui proinde non de jugo in vinea, sed jumento clitellario, mulo, asello accipi debebit. Deinde puto verba, sicut nunc eduntur, esse depravata. Nam si hic cantherium accipimus in masculino, illud *sis cantherium*, minime cohæret. Ac observo, aliter legisse veteres eum locum. Nam Erasmus in Adagiorum opere apud Episcopios impresso Basileæ An. MDLXXIV. ita habet: *minime scis cantherium in fossa*, quæ lectio mihi alijs videtur præferenda. Nempe ita distinguenda est, ut sensus prodeat idoneus: *Minime. Scis; Cantherium in fossa*. Cum descendisset jam Asellus in viam cavam; tum Taurea caussam discedendi quærens, jocoq; obtendens: *Minime*. Quasi diceret: ego vero minime nunc ad te

in hanc

in hanc viam cavam & angustam descendo. Quare? *Scis* enim, *Cantherium in fossa*. Quibus verbis allusit ad fabulam veterem de cantherio asello in fossa, sive via cava. Plane ad eundem modum, ad quem supra demonstravimus ex Quintiliano paræmias adferri solere. Fabulæ argumentum possumus cognoscere ex natura & ingenio aselli sive muli, cum gravatus sarcinis in via cava & angusta occurrit alijs animalibus. Sciunt enim, qui experiendo didicere, tali casumulum vehementer ferocire, ipsisq; cum sarcinis insultando aperire sibi viam quoquo modo. Igitur id agebatur ea fabula, quomodo asellum sive mulum clitellarium, ὄνον κανθήλιον, seu cantherium haberet sibi obviam in fossa equus aliudve animal, quod cum decedere non posset, ab eo fuerit protritum atq; conculcatum. Ad hanc fabulam alludebat Taurea, quasi diceret; *minime* ego te sequor in hanc viam cavam, ibique tibi occurro. Scilicet tu Asellus es. Εἰ ὄνον κανθήλιον. *Scis*, quid doceat fabula illa: *Cantherium in fossa* obviam habebat sibi equus, & quæ sequuntur. Non expecto, ut eadem arte me quoque obteras. Sic hunc locum multis hactenus tentatum explico, & cantherium accipio de asello sive mulo clitellario. Quemadmodum & equi alias sic dicti, non à *carendo*, quod careant testiculis, sed *cantherio*, quod gestent *cantheria*, Græce κανθήλια, hoc est clitellas. Quæ sic dicta à κανθός, vel κανθός, quod in curvum seu in acumen junctum denotat, quoniam hæc erat species seu figura clitellarum. Quæ κανθήλια intellexit quoq; Aristophanes, cum dixit, vendere se ὄνον αὐτοῖς, κανθηλίους, non vero asinos prægrandes, quod Scholiastes putabat, cum sint alij κανθηλίοι ὄνοι, alia ξύλα κανθήλια, quibus constant clitellæ, indeq; habent suum nomen. Plane sicut ex hac causæ quoque ἀντυγες sunt dictæ. Philoxenus: *Clitella*, ἀντυγες. Nempe ἀντυξ lignum est incurvum, ut in rota, in sella vehiculi, similibusque rebus. Inde ἀντυξ etiam clitellæ. Sunt, qui & *astrabas* putent dictas. Scaliger ad Plauti Clitellariam: Αστράβα, *clitella*. Tamen aliter Isidorus: *Astraba*, est *tabella*, ubi pedes requiescunt. Firmat & Philoxenus: *Astraba*, σάνις, ὑποπόδιον. Sic enim legendum ibi, non *astrama*, quod viri docti pridem docuerunt. Etiam Salmasius sic intellexit.

Verba

Verba ejus ex epistola de Cruce p. 521. *Videntur & olim hæc tabella suppedanei vice in mulis & asinis usum habuisse, sed & in equis, quibus femina veherentur.* Itaque non multo post distinguit à clitellis: *Alij, ait, clitellas esse volunt. Sed clitellarij asini mulig, non sunt ἀναβατινοί, quia sarcinis tantum vehendis clitellæ aptæ sunt.* Quanquam vero ista bene sese habeant, tamen constat, non de sola istiusmodi tabella suppedanea in sella, sed & sella ipsa usurpasse. Probus in vita Virgilij, ubi agit de Bucolicis. *Hoc idem carmen Astrabicon* (scribendum est, *astrabicon*) *dictum est, à forma sedilis, quo advecti fuerant, qui illa cantaturi erant.* Vocat clare nominatimq; *sedile*, non *suppedaneum*. Imo statim subdit: *Sunt autem astraba vehicula, dicta ἀστράβη τὸ μὴ σπρίφεισθαι, quo titulo & Plantus fabulam inscripsit, in qua mulieres in ejusmodi vehiculis inductæ.* Ubi *vehicula* non sunt carpenta, vel id genus, sed ea ipsa, quæ paulo ante nominavit *sedilia*, sic dicta, quod insidentes eis vehebantur. Sed & Phavorinus convenit, quando ait: *Ἀστράβη, τὸ σαγμοσέλιον.* Nam *σαγμοσέλιον* appellat istiusmodi *sedile*, sive *sellam*, qualis *σάγμα*, non *clitella*, quæ non fuit ad fodendum comparata, verum *saga*, quæ & *stratum* vocabatur. Quod vere Probus addit, *astraba vehicula, dicta ἀστράβη τὸ μὴ σπρίφεισθαι*, firmat Scholiastes Demosthenis, qui simul explicat genus καθήζρας εἰς ὑψὺ ἀνῆκον, ὥς ἐκ καθέζομένων κατέχειν τὰ νῶτα, id est, *sedilis ejusmodi, quod surgebat in altum, ut contineret terga insidentium.* Scilicet quemadmodum & hodie in sellis feminarum, quibus ad equitandum utuntur, hemicyclus est, alta surgens supra ipsam sellam, & insidentis claudens tergum, ne ab averso equi latere possit facile decidere. Neq; debet aliter Hesychius exponi, quando ait: *Ἀστράβη, τὸ ἐπὶ τῶν ἵππων ξύλον, δικρατῆσιν οἰκαδεζόμενοι. Τίθεται δὲ ἐπὶ τῶν ἀναβατικῶν ὄνων.* Stephanus sic vertit: *Ἀστράβη sella seu ephippium ligneum, quod manu tenent seffores.* At hæc versio vix potest stare. Primum enim ephippia non ad id sunt comparata, uti teneantur manu. Deinde manus nulla mentio apud Hesychium, tantum ait, *κρατῆσιν*, hoc est *tenent*, occupatum nempe sessione, sicut occupari, & teneri sellæ solent. Eriam Etymologici hæc est sententia, quando ait: *Ἀστράβη, ἐπὶ σκεύους εἴρηται ξυλίνε.* *Astraba dicitur de instrumento ligneo.* Nam

exponit, τὸ ἐπὶ τῶν ἵππων τιθέμενον ξύλον, ὃ κρατῦσιν οἱ καθεζόμενοι οἰονεὶ ἀσφρα-
φῇ τις ὄσα, ὡς δὲ τὸ μὴ σφέρεσθαι & πίπτειν τὲς καθεζομένους, Ubi ἐπὶ τῶν ἵππων
aliter intelligi non potest, quam de instrumento illo, quod ipsorum
tergis est impositum. Pro sedili alias & Machon usurpavit apud
Athenæum lib. XIII. c. 5. ubi de Gnathenio meretricula.

Εἰς Πειραΐδα κατέβαινε πρὸς ξένον τίνα

Ἐμπορον, ἑρασμὸν ἔυτελῶ ἐπ' ἀσφράξιος.

Hic revera Gnathenium sedet in astraba, id est sella tali, qualem
ante explicavimus. Ideo non multo post luctator quidam factus
ei obviam in arctiore via: *Nisi decedas*

— Τὰ γύναια ταυτὸ καβαλαῶ

Σὺν τοῖς ὄναρσις φησὶ & ταῖς ἀσφράξιος.

Affatur puerum conducentem eam, cum ancillis tribus, equitanti-
bus in asellis, minaturque, subversurum omnes, cum asellis simul &
astrabis, quod intelligi non potest, nisi de sellis. Dalechampius
clitellas reddidit. In Peiræum descendebat ad peregrinum quendam
mercatores & amatorem, sed comitatu viliorē. Sedebat illa in *clitella*.
Et in annotationibus, ἀσφράξιος, sella præalta, quæ lumbos tegit, *clitella*.
Quasi eadem sit sella, & *clitella*. Quæ iudicio Salmasij sic differe-
bant, quod in ista equitarent, in hac ferrent onera & sarcinas.
Quamquam quæ *Astraba* Græce comœdia, eadem Latine Plauto
Clitellaria. Quæ cum dicta sit à mulieribus super asinas equitan-
tibus, ut ex Probo supra indicavi, ægre inveniam, cur negemus, &
de sellis aliquando usurpatam *clitellarum* vocem. Illis præsertim
mulierum, quas describit Probus, Græciq; ἀσφράξιος appellarunt.
Quæ *clitellæ* tamen quoniam diversæ sunt ab his, de quibus isto lo-
co agere decretum est, ne astrabæ quidem huc spectabunt. Nisi
censeamus, aliquando denotasse veras etiam *clitellas*, quod vide-
tur colligi ex astrabis equis aut jumentis, quæ fuerunt *clitellaria*.
Ethæc quidem de *clitellis* animalium brutorum. Habuerunt &
homines, ut apparebit ex sequentibus. Sed eas non *clitellas* ap-
pellabant, verum *arumnulas*. Festus: *AErumnulas* Plautus refert
furcillas, quibus religatas sarcinas viatores gerebant. Quarum usum
quia C. Marius retulit, muli Mariani postea appellabantur. Putes,
Festum,

Festum loqui de sarcinis tantum viatorum, sed & ad alias pertinebant. Docet, quod *furcillas* explicat. Ex namque, quibus quælibet feruntur onera. *Furcas* dixit Plautus Ac. II. Casinæ sc. 8.

Sine modorus veniat, ego remittam ad te virum

Cum furca in urbem, tanquam carbonarium.

Lambinus ad hunc locum. *Furca ad tergum aptata gestabant carbonēs servi carbonarij.* Turnebus lib. XV. Adv. c. 3. *Furca aptati gestabantur carbonēs.* Sicut hic furcis gestantur carbonēs, ita alibi onera alia & sarcinæ. Festus iterum. *Muli Mariani dici solebant à C. Mario instituti, cujus milites in furca interposita tabella varicosius onera suaportare ad se veverant.* Quam hic *furcam* nominat, in superioribus appellavit *furcillam* & *ærumnulam*. Est itaq; idem *furcilla* & *ærumnula*, *furca* & *ærumna*, instrumentum scilicet, quo homines gestabant onera sarcinasve. Allusit Plautus in Amphit. Act. I. Sc. 2. ubi consilio Jovis ait factum

Vnout labore absolvat æumnas duas,

Alcmena, duplicemq; edat partum. Nam *æumnas* dixit eleganter, quibus concepti tenebantur filij, sicut onera & sarcinæ machinulis, cum præsertim foetus in utero *sarcinæ* ac *onera* vocentur, ubi velex Phædro nostro intelligimus. Lambinus ita explicat: *Absolvat æumnas duas, i. e. liberetur & solvatur æumnis duabus.* *Æumnas* appellat labores & dolores partus, qui sunt graves & onerosi. Nil tale dicit Plautus. Quid enim, si æumnæ hic labores, quomodo labore labores exsolvuntur? Dicit, labore absolutas æumnas. Ergo aliæ æumnæ, alij labores. *Labores* vere illi dolores partus. Ovidius eandem Alcmenam faciens loquentem,

— Nec jam tolerare laborem

— Vltius poteram —

& Myfis apud Terentium i. Andr. 5. de parturiente Andria: *Laborat è dolore.* At æumnæ, quæ absolvuntur labore, quia sicut in machinulis sarcinæ, sic in utero foetus constricti colligatique, ac propterea solvendi, sicut onus sarcinave solvitur, cum ærumna deponitur. Alludit igitur Poeta ad æumnas veras, id est furcas, sive machinas, quibus onera gestantur. Quæ æumnæ ita dictæ sunt

ab *ἀρω*, sicut Festus docet hoc est *tollo*, quoniam tolluntur onera in ærumnas istas, quando sunt gestanda. Bene Scaliger eo loco, *ut ab ἐλαμένη vel ἡλαμένη, lamina & lamna, ita ab αἰγομένη, ærumina, ærumna*. Ita Scaliger ad Festum, non Festus ipse, quod per festinationem Vossius in Etymologico notavit. Festus tantum ita: *Ærumna labores onerosos significant, sive à Græco sermone deducuntur. Nam αἰρεω Græce, Latine tollere dicitur*. Dicit Festus, significare labores onerosos, non proprie, sed per translationem ab ærumnulis & furcillis, de quibus præmisit. Alias enim illud *αἰρεω* sive *tollere* nulla quadrat ratione, nam quod Fungerus putat eo pertinere, quoniam labor onerosus *tollit ac conficit hominem*, in eo quidem frustra est, cum hoc nil commune habeat cum ærumnulis aut furcillis. Neq; Vossij commentum istud quadrat, qui à *μέριμνα*, quod *anxiam sollicitudinem* significare ait, deducendum putat. *Ærumna* nihil tale primo proprieq; significabat, quod vel *ærumnula* vocabulum ostendit. Quomodo enim quæso diminutivum pertineret ad sollicitudinem, eamq; non mediocrem, sed anxiam? *Ærumna* igitur ab *αἰρεω*, quia *tollit*. Nempe *tolli* debet onus, antequam gestetur. Quomodo Christus ad paralyticum Marci c. II. *ἀρον τὸν κράββατόν σου. tolle grabbatum tuum*. Et Planudes in vita *Æsopi*, de iis, qui gestare permittebant *Æsopo*, quicquid vellet, *τῶν δ' ὅπερ ἐν αἰρεαί βέλῃται ἐπιτρεπόντων*. & in fabula 20. de Senem mortem vocante, *ἡ γέρον ἐφη, ἵνα τὸν φόρτον τῆτον ἄρας, ἐπιθῆς μοι*. Quia igitur *ærumna* onus tollitur, ideo *ærumna* dicta est, ut Festus docet. At, quid illud *sive* vult, apud eum. *Sive à Græco*? Non solet ita poni nude, sed habere aliud *sive*, quod ei respondeat. Id cum absit, puto locum esse mutilum, & aliqua non comparere. Censeo autem datam à Festo etiam denominationem seu originem ex Latino. Quod opinione mea fuit *fero*. Putavit enim à *fero* abjecta prima littera posse fieri *erumnam*, velut *ferumnam*, qua quid portetur. Et solebat scribi utraq; ratione cum per *e* simplex, tum per *æ* diphthongum. Ut hoc similive modo locus ille debeat expleri: *Ærumna, labores onerosos significant, sive à Græco sermone deducuntur, nam αἰρεω Græce, Latine tollere dicitur. Sive à Latino, nam sunt erumna, ferumna, à fe-*

ro, quia in eis onera feruntur cum labore. Quanquam ego putem esse derivationem veriore ab αἶρω. Nam hinc æro quoq; sive Phormio, qui significat genus vasis spartei, quod sportam, sive fiscinam vocamus. Donatus ad Phormionem Terentij: *Phormio non à formula, sed à Phormione sparteo, quem nos æronem dicimus*. Sicut æro, fiscina est ab αἶρω, quod consensu magno volunt eruditi, ita plane & ærumna, machina oneribus gestandis ab eodem αἶρω, quia generis utriusq; idem pæne usus in tollendis rebus, quæ portari debent. Differebat tamen æro ab ærumna, quod hæc esset fabrefacta ex lignis integris & solidioribus, illæ vero contextus è viminibus aut sparto. Ille circa & in ambitum esset clausus, sicut solent corbes, ærumna vero minime, sed paucissimis constaret bacillis. Alias utrumq; genus arbitror aptari dorso consuevisse, ac æronem eum ipsum esse, qui à meis popularibus ein Ruckforb nuncupatur. Quod de specie formaq; dixi ærumnarum, constat vel ex eo, quoniam & furcæ nominatæ. Furca enim non est, in hoc quidem genere, nisi ex lignis seu bacillis solidioribus, in duo fissis cornua & patentibus. Sic ubiq; furca Latinis intelligitur, ut in vehiculo, in instrumento rustico, vel ad pœnas & supplicia destinato. Talis ergo fuit & ærumna. Festus & tabellam memorat in ea. *Milites, ait, in furca, interposita a tabella onera portabant*. Fuit autem hæc tabella eo interposita, ut in ipsa ligarentur sarcinæ seu onera. Quomodo in cretella superius à notis exhibita in imò interposita est tabella eo fine. Quanquam cretella hodierna in eo videatur diversa à furca veteri, quod hæc lignis duobus cornutis constet, illa tantum uno, sitq; illa simplex, hæc vero duplex furca. Certe si, quod ait Festus, tabella ea fuit interposita, species furcæ veteris intelligi aliter vix poterit. Nam interposita est inter duo furcæ cornua immissa, ut in ea reponatur onus sive sarcina, cornibus superne continenda. Talis ergo fuerit ærumna vetus. Nam quæ nobis species illius exhibetur ex columna Trajani à Lipsio, ubi exprimit milites duos cum sarcinis, ea vero nil huc facit. Nulla ibi interposita tabella, nulla furcæ cornua. Nempe illa ærumnarum Marianarum consuetudo pridem castris fuit ejecta, propter molestiam. Adde,

quod ibi milites sarcinas gerant ante se, tenentes sive perticas sive hastas, adpectus reclinatas dextris. Non sic furcæ vel ærumnæ gestabantur, sed in dorso. Ita namq; supra vidimus & carbonarios fecisse. Neque causa fuit alia, cur milites cum ærumnulis suis dicerentur muli. Muli nempe sarcinas & onera ferunt dorso. Quibus proinde ut sint similes & homines, necesse fuerit, ut & ipsi onera dorso suo subeant. Nam onus quidem unicum solumque facere similitudinem non potest. Hastæ ergo Lipsij vel perticæ nil ad ærumnas faciunt, aut furcās. Alia longe fuit species earum, sicut dixi. Cæterum quemadmodum ærumnæ furculæque pertinebant ad homines, ita clitellæ ad iumenta. Neque differebant multum specie ab ærumnis sive furcis, nisi quod furcæ essent simplices clitellæ duplices, furcæ paterent superne ad modum litteræ V, clitellæ vero inferne, ad modum litteræ Λ, quo aptari dorso iumentorum possent. Duplices dixi furcas, quod haberent ligna duo bifurcata parvulo distantia spatio, conjuncta tamen inter se ab utroq; latere, plane sicut hodieque fieri consueverunt. Hæc utrimque per dorsum dependebant, indeque dicta sunt clitellæ. Festus. *Clitelle dicuntur non tantum ea, quibus sarcina conligata mulis portantur, sed etiam locus Romæ propter similitudinem, & in via Flaminia loca quidem de vexe subinde & acclivia.* Quia loca Romæ & in via Flaminia erant acclivia innox de vexe, similitudinem clitellarum habere videbantur, quia & clitellæ declives à summo iumentorum dorso, quod furcæ clitellarum velut cruribus varicatis comprehendunt atque claudunt. Habuerunt alias & dependentes uncōs. Docet unicus Horatij interpret vetus, loco supra indicato. *Clitellas, ait, sagmas sive sellas, quibus strati muli sarcinas & onera gestant, uncinis ligneis hinc inde dependentibus.* Facit uncinos illos ligneos, eosque dependentes à clitellis hinc inde, hoc est, ut existimo, ab utroq; latere. Intellego hoc autem de non ita libere pendulis in loro tæniave, sed affixis ad extrema clitellarum, sicut hodieque fieri consuevit. Nam ad uncinos istiusmodi etiam nunc religan-

tur sarcinæ per funes, ut ne defluant. Quo *constringere sarcinas* dixit Plautus Trinum. A. III. Sc. 2.

— *Quid ego nunc agam?*

Nisi uti sarcinam constringam, & clypeum ad dorsum accommodem. Religare dixit Festus. *Furcillis religatas sarcinas viatores gerebant.* Quanquam sermo sit hoc loco non de jumentorum clitellis, sed hominum ærumnulis. Quod vero Hesychius in vocabulo *κανθήλια* sic quoq; dicit appellari τὰ τοῖς ὄνοις ἐπιτιθέμενα λύγια πλέγματα, h. e. texta viminea, quæ asinis imponuntur, huc non pertinet, sed ad genus aliud referri debet, quod & ipsum asinis imponi consuevit. *Fiscos* appellavere Latini, meminitque Phædrus noster lib. II.

*Muli gravati sarcinis ibant duo,
Vnus ferebat fiscos cum pecunia.*

Fisci ejuscemodi sunt πλέγματα λύγια, nam ex viminibus fiebant. Eratque usus istiusmodi fiscorum sive sportarum asellis ab utroq; latere suspendi solitorum sicut hodieque, sic olim creberrimus, non apud eos solum, qui faciebant iter, sed & agricolas rusticosq;. Qui & stercus in ijs deferri ad agros curabant, aut vineas in locis editioribus fitas. At clitellas nemo πλέγματα vocavit, quoniam fuere non plexæ, sed constructæ ex lignis firmis atque solidis. Quibus, ne asperitate sua læderent jumenta, subdere pulvillos fere solebant, farctos palea vel rebus aliis. Nam est σάγμα, quod clitellam notat, à σαγή, tomento, quo pulvilli replebantur, quod est σάτλειν Græcis. A σάτλειν est σαγή, inde σάγμα, pulvillus tomento repletus, clitellæ solitus supponi, unde ipsa etiam clitella sic est dicta. Alij centunculos subiciebant, id est pannos viliores crassioresque, ac eos sæpe plures. Livius lib. VII. *Mulis strata detrabi jubet, binisque tantum centunculis relictis agasones armatos imponit.* Strata hic non σρόματα, sed clitellæ, quod jam alias est dictum. Quibus sublatis cum hic relinqui dicantur centunculi, necesse est fuisse antea in jumentis, ubi vero, nisi sub stratis illis, hoc est clitellis. Atque sic intelligendus & Frontinus lib. II. c. 4. *Ad implendam multitudinis speciem agasones*
lixasq;

lixasq; armatos simul ire jussit, jumentorumq; magnam partem instratorum cum centunculis. Nam instrata hic accipio, quibus strata fuere detracta relictique soli centunculi. Sed cur tandem strata detracta? Docet Frontinus, quando addit, *ut per hoc facies equitatus objiceretur.* Nempe strata illa seve clitellæ longe ultra dorsum animalis eminebant, sicut hodieque cernimus in mulis. At strata equitum, ut ex panno simplici coriove, presse inhærebant. Quare si sedisset in clitellis, dolus facile fuisset depræhensus, cum sic visi essent altiores, quam solerent vulgo equites. Et hæc quidem species clitellarum à quibus deinde jumenta omnia, quæ ferebant, *clitellaria* sunt dicta. Ita habes asinos clitellarios, apud Catonem, R.R. c. 10. *Asinos ornatos clitellarios, qui sterqus vectent.* Item mulos. Columella lib. II. c. ult. *Arbores ferendi caussâ collo, vel mulo clitellario afferre.* Equos etiam clitellarios appellat Matthæus Parisius An. MCC XLV. *Dedit domino Papa triginta palefridos, cum totidem equis clitellariis.* Græci talia jumenta nuncuparunt *σαγμάρια*. Suidas: *σαγμάρια τὰ βασάζοντα τὴν ὀπισθενίαν.* Hinc postea & Latinis *sagmaria*. Vegetius lib. III. c. 6. *Antiqui diligentissime præcavebant, ne & sagmariis clamore pavefactis milites turbarentur.* Hinc caballus sagmarius, & mula sagmaria apud Isidorum voce *sagma*. Equum sagmarium dixit Vopiscus in Aureliano. *Equum sagmarium suum defricet.* Recentes *saumarium*, vel *summarium* appellavere, quod jam supra notavimus. Iisdem Græcis etiam *ἀστράβαι* hæc jumenta. Pollux lib. VII. c. 33. ubi de animalibus operariis: *ὄν, ἡμίον, ἀστράβη.* Hesychius: *ἀστράβη, τὸ ἐπὶ τῶν ἵππων ξύλον, ὃ κρατῶσιν οἱ καθεζόμενοι. οἱ δὲ κατὰ τὸ πλεῖστον μὲν τὴν σωματηγὸν ἡμίονον ἔτ' ἔλεγον; ἐνίοτε δὲ πάντα ἀπλῶς τὰ σωματηγῆλα ὑποζυγῆντα.* Dicit, astrabam significare fellam equestrem, plerumq; vero usurpari de mulis, astrabas seu clitellas ferentibus: aliquando quoq; pro genere omni clitellario poni. Hoc enim apud Hesychium est *σωμάτηγόν*, opponiturq; *ἀναβατικῶς*, de quo præcefferat, *τίθεται δὲ καὶ ἐπὶ τῶν ἀναβατικῶν.* Ubi *ἀναβατικοὶ ὄνοι*, qui conscendi solent ab hominibus, æquitationis causa, *σωμάτηγοὶ* vero, clitellarij. Ad eundem modum Eustathius ad Odyss. I. *Ἀστράβαι φησιν, οἱ κατὰ*

μὲν τις σωματιζῶντες. Nam σωματιζῶντες hic σωματιζοί, aut σωματιζέντα
 ὑποζυγέειν, ut Hesychius vocavit. Nisi velimus cum nonnullis ap-
 pud ipsum scribere ὑποζυγία. Nam quod Salmasius in epistola de
 Cruce delet, quia ὑποζύγιοι non sunt σωματιζοί, non putamus jure
 fieri. Equidem & Eustathius, ὑποζυγίαοι ὅφ' ἀμάξαις ζευγνύμενοι, sed
 alij aliter, & pro ijs etiam usurpant, quæ non juncta sunt ad currum.
 Etymologus in hac ipsa voce. Ἀσράβη· λέγεται αὐτὸ τὸ νῶτοφύρον ὑποζύ-
 γιον. Quod hic νῶτοφύρον ὑποζύγιον, id Hesychio σωματιζόν σωματιζέν, vel
 ὑποζυγέειν vel ὑποζύγιον. Ἀσράβαι Græcis etiā κανθήλαιοι. Hinc κανθήλαιοι ὄνοι,
 clitellis ornati, sicut supra pluribus monstravi. Romani Græcæ
 vocis imitatione appellarunt *cantherios*. Nec enim cantherij pro-
 prie, quibus adempti testiculi, sed quibus impositæ clitellæ.
 Unde Seneca de Catone ep. 87. *M. Cato Censorinus cantherio ve-*
hebatur & hippoperis quidem impositis, ut secum utilia portaret. Lipsi-
 us cantherium hic exponit eqvum sectum. At hoc nil notabile in
 Catone, nam & alij his vehebantur. Varro lib. II. R. R. cap. 7.
In viis habere malunt placidos equos, propter quod maximè institutum,
ut castrantur. Video, ut castratis vulgo usi fuerint in viis. Id vero
 singulare, Catonem vectum κανθήλαιο five clitellario, in illis ipsis cli-
 tellis, quæ alias non ad equitandum, sed onera & sarcinas fuerunt
 paratæ, ac ne nudis quidem eis, sed impositis hippoperis super
 ipsas sedens sarcinas, quod hodieque, verum soli agrestes conve-
 verunt. Ideo sequitur. *O, quantum erat saculi decus, imperatorem,*
triumphalem, censorium, & quod super omnia hæc est, Catonem uno
caballo esse contentum, & ne toto quidem, partem enim sarcinæ ab ut-
roq; latere dependentes occupabant. Cantherij ergo clitellarij, sic-
 ut κανθήλαιοι ἵπποι. Jam ut equi mulive cantherij, sic plane & homi-
 nes, quod ex Pomponio superius monstratum est. Quod ipsum
 quoq; docet, cantherios non ex exsectione dictos, quia careant te-
 sticulis & semine, quod voluerunt hactenus, sed ex κανθήλαιοις seu
 clitellis, quas portare solebant. Nec enim qui ex hominibus
 cantherij sunt dicti, exsecti fuere. Maluerunt tamen homines
 vocare *gerulos*. Nam quod apud Plautum extat III. Mostel.
 Sc. 2.

— *Muliones mulos clitellarios*

Habent, ego habeo homines clitellarios,

Joco dictum est, ut apparet facile ex eo, quod præcedit: *Novitium mihi questum institui.* Non *clitellarios*, sed *gerulos* appellavere. Horatius lib. II. ep. 2.

Festinat calidus mulis gerulisq, redemptor.

Commentator quidem vetus Cruquij: *Gerulisq, h. e. sagmariis.* *Geruli qui portant necessaria ad fabricam.* Sed *geruli* non sunt *sagmarij* eo loco, qui à *mulis* nihil differunt, verum homines, qui dorso ferunt onera. Suetonius in Cajo, c. 40. *Ex gerulorum diurnis questibus pars octava exigebatur.* Ubi Casaubonus: *Geruli sunt οἱ μὲν δὲ φέροντες, ut vocat Appianus IV. Εμφυλ. Attici πρῶτους καὶ ὠδελῶες vocant Latini etiam bajulos & gerones, ut Cicero in epistola quadam ad Atticum.* Quæ sit Ciceronis hæc epistola, mihi necdum liquet. Nec *gerones* alibi occurrunt. At vero *gerulos* de hominibus usurpavit quoque Columella lib. X.

Ære sinus gerulus plenus gravis urbe reportet.

Firmicus vocavit *laturarios*, prout recte verba ejus ex antiquis libris, emendavit Cl. Salmasius. *Operarios reddat, ac sempiternis laboribus deditos, & qui corpus suum ad opus aliquod locare consueverunt, laturarios, humeris ac dorso vitæ subsidia querentes.* Ubi *laturarij* sic dicti, quod *laturas* facerent, id est onera gestarent humeris ac dorso. Philoxenus. *Latura, φέρειν.* Hinc *laturas* locare apud Interpretem veterem Juvenalis Sat. III. quod is ipse vir doctissimus jam observavit. Appellarunt quoque *bajulos*. Ipse Tullius in Parad. *Utrum potius de bonis est quarendum, quid bajuli atq, operarij, an quid homines doctissimi senserint.* Recte *bajulos* & *operarios* conjungit. Sunt enim *operarij* recentiori consuetudine, qui vetustioribus *bajuli*. Festus. *Bajulos dicebant antiqui, quos nunc dicimus operarios.* Atque ita supra *operarij* apud Firmicum à cupiendi, non de omnibus vel quibuslibet, qui opus faciunt. *Bajulatores* appellavit auctor vetus Glossarum. *Αχδοφός, gerulus, onera ferens, sarcinarius, bajulator.* Docet locus, vocatos quoq, *sarcinarios*, à *sarcinis* videlicet, quos ferebant. Dico, *sarcinarij*: nam *sarcinati* alij, illi scilicet,

cet, qui ex quacunque causa gerunt sarcinas, non ad hoc conducti, & professione tales. Plautus Pœnuli A. V. Sc. 2. *Viden homines sarcinatos consequi*. Sarcinatos nominat nō sarcinarios aut bajulatores, verum servos militis, sarcinas ipsius ad hospitium portantes. De bajulatoribus doceret quoq; Glossæ Savaronis ad Sidonij lib. VI. ep. 4. ita namq; habent: *Βασαντες, bajulator, bajulator*. Sic ibi legendum. Nam *bajulatores* incuria typographi, pro *bajulator*, & est factum. Quod autem Vossius in lexico bajulos & nutritores atque *pappas* ait dictos, fit confusione bajulorum ut sunt inter ministeria domestica & pars familiæ, cum mercenarijs. Familiares illi ita dicti, quod assidue gestarent pueros ac infantes, de quo vide sis Laurentium Pignorium, cum mercenarij ad bajulanda onera conducerentur. Num hi ab ærumnis nominati quoq; *ærumnosi* fuerint, haud dixerim. Quanquam non dissydeat, quod legitur in Petronij fragmento: *In capricorno erumnosi nascuntur, quibus præ malo suo cornua nascuntur*. Græcis ἀχοφόροι sunt, item βασανταί. Glossæ: *Βασαντες, bajulator*. Atq; sic legendum est in Glossis Savaronis, non ut habent editi, *Βασαντες*. *Βασαντες* est ἀβασαν, quod onus signat. Hesychius: *Βασαν, βάρος*. Α βασαν fecerunt *Bastagam* Latine. Inde titulus 20. lib. X. Cod. Theod. *De bastaga reparatione*. Ubi bastaga non modo significat onus, sed & deportationem ejus. Indeque veniunt *bastagarij*, eadem memorabili titulo, qui sunt Græce non *Βασανται*, quales supra dicti, verum *Βασαντες* procuratores. Docet manifeste ipsa lex, quando eis jubet præberi animal decimum, pro reparatione bastagæ. Liquet enim hinc, non ipsos ea onera gestasse, verum animalia. Unde nec huc pertinere potest, quod habetur in Corona pretiosa Meursio citatum. *Βασανταρης, bajulus, ἀχοφόρος*. Non hic *Βασανταρης*, qui in lege *Bastagarius*, quia hic jumenta oneraria regit, illa onera ipse bajulat. Solebant vero isti omnes onera gestare tergo. Hinc communi voce Græcis *νωτοφόροι*. Suidas. *νωτοφόρος, ὁ ἐπὶ νώτῳ βασάζων*. Loquitur non de jumentis solum, verum etiam hominibus. Hesychius: *νωτισταί, ὁ μὴ ἐπὶ ζυγὸν, ἀλλὰ τῷ νώτῳ ἀχοφορῶν ἀνδρῶπις, ἵππος, ὄν*. Aper te testatur, non de equo solum asino ve, sed & homine usurpari,

hosq; perinde, ut illos, si quando gestarent onera, id fecisse dorso. Quod confirmat Firmicus, quando de Laturariis, *dorso vitæ subsidia quaesivisse* scribit in superioribus. Dicebantur ex eadem causa & νωτάρεις. Suidas. Νωτάρης, ὁ ἐπὶ νώτῃ ἀρῶν ἑβαστάων. Ubi nota illud ἀρῶν, supranobis explicatum. Hesychio sunt etiam νωτῆς simplici-ter. Νωτῆς, οἱ ἀχθοφόροι ἡμίονοι, μὴ ἔλκοντες ζύγιοι. Sic lego illum locum non ἢ ἔλκοντες, quod præferunt excusi. Nam sunt alij ζύγιοι, alij νωτῆς. Hi sunt ἀχθοφόροι, hoc est, onera ferentes tergo, illi ἔλκοντες, hoc est, trahentes jugis. Pollux lib. II. c. 4. 37. ΝωτοφόρⓈ ἡμίονⓈ, τὰ δὲ Ξενοφῶντι, ἔδνⓈ. Καὶ νωτῆς δὲ τέτρες ἐκάλεν, ὡς καὶ τὸς ὑπὸ ζυγῶ, ζυγίτας. Sed quid est, quod νωτοφόρες etiam σωματοφύλακας Hesychius exponit? Σωματοφύλαξ, δορυφόρⓈ, νωτοφόρⓈ, καὶ ὁ βασιλικὸς φύλαξ. Non video, quomodo νωτοφόρⓈ esse possit σωματοφύλαξ, cum repugnet ratio vocabuli. Suspicio, omiſſa & trajecta quædam, scribendumque σωματῆρος, νωτοφόρⓈ. Σωματοφύλαξ. ΔορυφόρⓈ. Excidit σωματῆρος, quia visum fuit idem cum σωμαλίφⓈ in scripto codice, quod proxime præcessit. ΝωτοφόρⓈ certe nusquam custos corporis, sed qui sarcinas fert dorso, homo, mulus, asinus. Latinis hac de causa dictus *dossuarius* vel *dorsuarius*. Philoxenus: *Dorsuarius*, νωτοφόρⓈ. Varro lib. II. R. R. c. 6. *Greges fere fiunt mercatorum, ut eorum, qui Brundisio aut Apulia asellis dossuariis comportant ad mare oleum.* Uthic asellos dossuarios, ita capite 10. equas habet, ac jumenta alia. *Magistrum providere oportet, ut omnia sequantur instrumenta, quæ pecori & pastoribus opus sunt, maxime ad victum hominum, & ad medicinam pecudum. Ad quam rem habent jumenta dossuaria domini. Alij equas, alij pro his quid aliud, quod onus dorso ferre possit.* Vides manifeste dossuaria, quæ onus ferre possint dorso. Cæterum hæc dossuaria jumenta, & præsertim muli varie ornati olim. Tintinnabula præsertim collo appensa habebant. Phædrus noster lib. I. c. 8.

— *Celsa cervice eminens,*

Clarumq; collo jactans tintinnabulum.

Loquitur de mulo ficos ferente cum pecunia. Ethic quidem unum habuit; at Apulei ille plures, ubi & de cætero ornatu. *Me phaleris aureis, & fucatis ephippiis, & purpureis tapetis, & frenis argenteis, & picti-*

Et pictilibus balthéis & tintinnabulis perargutis exornat. Haufituti cætera ex Luciano, qui sic de eadem re. Καὶ σκέυή μοι ἦν πολυτελής. καὶ σπώματα πορφυρὰ ὀππράλλομαι, καὶ χαλινὰ εἰσδεχόμενος, ἀργύρεα καὶ χρυσὰ πεποι-
 κιλμένεες, καὶ κώδωνες ἐξ ἡπτολίβω μέλ. & μυσικώτατον ἐκφονέντες. Memorat
 & ipse strata purpurea, frenos aureos, & tintinnabula musicum so-
 num edentia. Nam κώδωνες ipsius, Apulei *tintinnabula*. Atq; sic
 exculti equi quoque, sicut libro primo dixi. Magius de Tintin-
 nabulis, c. 8. *Olim oblectamenti atq; ornatus gratia muliones atq; aga-
 sones equis mulisq; tintinnabula alligabant, quod & hodie passim fieri
 videmus.* Suvertius non tam ornatus caussa putat factum, quam
 quod sono eo animalia delectarentur. Sic enim ait ad Magium:
*Affiduo compertum est, mulos valde delectari tintinnabulorum soni-
 tu: quapropter muliones multijuga tintinnabula ad illorum colla su-
 spendere solent, quo facilius sarcinarum labores perferant, ut Ovidius
 alibi canit.* Verum magis est, ut existimemus factum, quo adven-
 tantibus alij occurrentes in tempore decederent de via, præsertim
 cava vel angusta sono tintinnabulorum exaudito, propter caussas,
 quas superius adduxi. Quanquam postea & alterum sit observa-
 tum. Videturq; Phædrus noster innuere, quando malum superbū
 facit jactantem illud tintinnabulum, velut gaudio & per ostentati-
 onem. Phaleras aureas, quas inter ornamenta mulorum memo-
 rat Apulejus, puto esse clypeolos orbiculofve, quales hodieq; in
 fronte ac temporibus ornamentis caussa ex ære inaurato, vel auri-
 chalco habere consueverunt. Hesychius in voce φάλαρα generali-
 ter ἱπποκόσμηα vocasse videtur. At Suidas propius & convenienti-
 us sententiæ nostræ. Φάλαρα, τὰς προμετωπίδας, τῆς ἀσπίδος οὐκ, τὴν
 κόσμησιν τὴν κατὰ τὸ μέτωπον τῶν ἵππων. Dicit phalaras vocare frontalia,
 clypeolos, ornamenta qualia equi habeant in fronte. Sicut equi, sic &
 muli habuere. Tapetes quoq; hodie servantur, summis enim inster-
 nuntur sarcinis, partim ut legantur, partim ut ornent. Ideo varias pictu-
 ras habent intextas, quandoq; nomina, & insignia illius, ad quæ sarci-
 nae spectant. Sed qui *pictiles balthéi*? An, quibus præcinguntur pe-
 ctora, tæniis versiculisq; ornatis, aut villis, ex lana sericove: ut *pi-
 ctile*, signet *pictum*, sicut *fictile*, *fictū*. Sane quomodo hic *pictiles* in-

telligi aliter debeant, haud video. Atq; ista quidem ornamenta, non dofluarium omnium, sed præstantiorum, quod per se cognoscitur. Usus fuit multiplex. Nam jumenta quidem serviebant agris rei; rusticæ, si vehendum stercus, transplantandæ arbores, aut alia id genus facienda, quod ex Catonis & Columellæ verbis supra discere potuimus. Alias vehiebant sarcinas quasunque, hominum quorumlibet. Primum magistratuum ac præsidum, cum irent in provincias. Quo respexit Cicero in Or. cont. Rullum, quando de Rullo, & magistratu ab eo Colonia deducendæ causâ constituto, quem prætoribus esse voluit similem: *Deinde ornat apparitoribus, scribis, librariis, præconibus, architectis, præterea mulis, tabernaculis, centuriis, supellectili.* Habes ecce mulos in ministerio horum, sicut solenniter solebant esse in ministerio Prætorum. Sed in Pantagathi libro una voce auctius legebatur *mulis cantheriis*, quod cum Aldo & Grutero puto esse rectum. Sunt enim *multi cantherij*, *ὄνοι καὶ ἐνὶ λίσσι*, sic ad differentiam eorum dicti, quibus utebantur in vehiculis, alias *mulis clitellarij*. Nec enim cantherij à carento, verum *καὶ ἐνὶ λίσσι*, seu clitellis, ut jam supra demonstratum est, & hic locus satis comprobare potest. Eadem quippe ratio & muli cantherij, & cantherij equi. Et quia muli cantherij, inde liquet, quod a jebam, consuevisse sarcinas prætorum, maxime tabernacula, & supellectilem ipsius bajulare. Accipiebant autem mulos istos è publico. Livius lib. XLII. c. I. *Magistratus mulis tabernaculisq; & omni alio instrumento militari ornabantur, ne quid tale imperarent sociis.* Fiebatq; hoc per privatos, qui accipiebant pecuniam ex publico, & ituros in provincias instruebant necessariis, interq; illa mulis quoque, quod ex vita Augusti apud Suetonium c. 36. est notum, & jam pridem expositum Sigonio lib. II. de Jure Provin. c. I. Quanquam hoc abolitum ab Augusto, mox per sequentes Cæsares denuo restitutum, ut vel ex Lampridij Alexandro Severo cognoscitur. Qui simul docet, elapso administrationis tempore, ut cætera, sic hos mulos restituere coactos. *Judices, ait, exemplo veterum, ut & Cicero dicat, & argento, & necessariis instruebat, ita ut præsides provinciarum acciperent argenti pondo vicena, phialas senas, mulos*

mulos binos, equos binos &c. reddituri, deposita administratione mulas, mulos, equos &c. Observa, quod hic mulas quoq; memoret in postremis, cum in præcedentibus solos nominarit mulos. Nam ostendit, locum esse mutilum, & sic explendum: *Phialas senas, mulas binas, mulos binos, equos binos.* Scriba negligentior rem eandem bis putavit positam, & ideo mulas omisit. Vehabant quoq; muli, asini, equi sarcinas aliorum, iter facientium. Quomodo supra vidimus Gnathonij utensilia, Athenas deportata asellis. Seneca vulgatam hanc Romanorum iter facientium fuisse ait consuetudinem ep. 123. *Omnes jam mulos habent, qui christallina, & murrhina, & celata magnorum artificum manu, portent, turpe est, videri, eas te habere sarcinas, quæ tuto concuti possunt.* Mercium vero huc illudq; transportandarum istoc solenne vehiculum. Ibantq; juncti fere sociatiq; plures, quod superius jam monui. *Gregem* Varro nominavit illam sociatorum jumentorum multitudinem lib. II. R. R. c. 6. *Greges sunt fere mercatorum, ut eorum, qui è Brundusino aut Apulia asellis doffuariis comportant ad mare oleum aut vinum, itemq; frumentum, aut quid aliud.* Ne hoc faciebant mercatores solum, sed & alij, qui venale quid habebant. Ipsi agrestes in asinis circumvectare per plateas merces suas solebant. Innuvit Virgilius Georg. I.

Sape oleo tardi costas agitator aselli

Vilibus aut onerat pomis: lapidemq; revertens

Incusum, aut atræ massam picis urbe reportat.

Paulo planius Apulejus lib. IX. Asini, de hortulano loquens, cui serviebat: *Matutino me multis oleribus onustum, proximam civitatem deducere consueverat dominus, atq; ibi, venditoribus tradita mercede, dorsum insidens meum sic hortum redire.* Item Lucianus: *Ἀποδίδουταί με ἀνθρώπων κηπευθῶν τῶν τέχνῳ δὲ σαώτης ἔν ἑωθῶν ἐπιθεῖς μοι τὰ λάχανα, ἐκόμεζιν, εἰς τὴν ἀγορὰν, καὶ παραδὲς τοῖς ταῦτα πιπράσκουσιν, ἥ γέ με πάλιν εἰς τὴν κῆπον.* Præcipuus jumentorum ejuscemodi fuit usus in militia & bello. Nempe quicquid erat rerum necessariarum, non in vehiculis tam frequenter, quam clitellariis ejusmodi jumentis circumferre solebant. Inde *sarcinaria* Julio Cæsari lib. I. Bel. Civ. c. 81.

ubi

ubi de militibus Afranij: *Ibi & inopia pabuli adducti, & quo essent ad iter expeditiores, omnia sarcinaria jumenta interfici jubent.* Sagmaria deinde vocarunt, vel equos, mulos, afinos sagmarios. Vegetius lib. III. c. 6. *Primi ergo equites iter arripiant, inde pedites. Impedimenta, sagmarij, calones vehiculāq, in medio collocentur, ita ut expedita pars peditum & equitum subsequatur.* Nempe sic & Græci appellabant. Suidas. Σαγμάρια τὸ παρ' ἡμῖν λεγόμενον τέλδον, τὰ βαρύνοντα τὴν ὁδοσκευὴν καὶ τὴν μετακομιδὴν τῆς ἐπιηδείων. *Sagmaria id, quod nobis tul-dum, quæ ferunt apparatus onerag, rerum necessariarum.* Verba hæc non sic intelligenda, quasi τέλδον quoque sit σαγμάριον, sed τέλδον est, quod ex omnibus sagmarijs conficitur. Itaque distinguit Leo quoque cap. 10, 7. καὶ αὐτὰ τὰ σαγμάρια, καὶ τὴν λοιπὴν ὁδοσκευὴν, ὥστε καλεῖται ἁδέρσια (sic ibi est scribendum, non δέρσια, quod habent editi) μετὰ αὐτῶν τέλδον καταλιμπάνειν. Interpretes ita vertit: *Ipsa autem sagmaria, id est, sarcinas reliquosq, apparatus, quæ andresta vocant, cum ipso tuldo relinques.* Hic primum prave habuit in suo codice ἀνδρε-σα, pro ἁδέρσια. Deinde sagmaria putavit sarcinas significare. At vero sagmaria non ipsæ sarcinæ, sed jumenta sarcinas portantia. Debuit igitur sic reddere: *Ipsa vero sagmaria, reliquumq, apparatus, quæ vocantur adestrata, cum tuldo ipso relinques.* Ubi nota, hæc sagmaria vocata etiam ἁδέρσια. Ipse Leo paulo est: δὲ τὰ ὁδοκαλεῖν τὰ ἁδέρσια (sic iterum est emendandum, pro ἀδέρσια) ἢ γὰρ σαγμάρια. Quanquam videatur fuisse inter ista quoque differentia, sic ut σαγμάρια significarent proprie jumenta clitellaria, ἁδέρσια vero, cum sarcinis & oneribus jam essent gravata. Et hoc voluisse Leonem quando supra σαγμάρια καὶ τὴν λοιπὴν ὁδοσκευὴν ajebat ἁδέρσια vocata. Nam alias ἁδέρσια sine jumentis nō intelliguntur, id quod liquet ex Mauritio nostro, qui l. V. Strat. c. 2. dicit esse ὁδο μικρῶν παλ-λίκων κρατόμενα, hoc est regimini parvorū puerorū subdita, quod nisi de jumentis explicari utiq; non potest. Adde, quæ in notis nostris de eadem re locuti sumus. Ἀδέρσια igitur sunt σαγμάρια cum suis oneribus, quæ una cum carris, & vehiculis, & similibus aliis efficiebant id, quod Græci novitij τέλδον, Latini alias *impedimenta*, nominarunt. Cæterum in his sagmariis vel sarcinariis habebant com-
meatum

maetum suum, item utensilia, tum tentorialia, postremo arma quoque, qua de re non uno loco dixi ad Mauritium. Erātq; illa sic divisa per exercitum, ut contubernia singula, vel bina unum haberent istiusmodi sagmarium. Leo VI. 29. ἵππους σαγματαεῖς ἢ ὑποζυγίους, αἱ μὲν ἐδέχεται, καὶ ἑκάστον κονταβέριον, αἱ δὲ μή γε, εἰς τὰ δύο κονταβέρια ἕνα. Ita editi. Sed pro σαγματαεῖς, mallem σαγμαεῖς scribere, pro ὑποζυγίους, ὑποζύγια in Barberino legit codice Cl. Holstenius, manuq; sua codici adscripsit, quem ipsius munere possideo. In eodem ἕνα legitur post κονταβέριον insertum. Sensus hic est: *Equos sagmarios, vel jugales, si potest fieri, singula contubernia singulos, vel si non singula, bina singulos habeant.* Interpres etiam hic minus fuit accuratus. Cæterum contubernia singula decem vel duodecim continebant milites, ut notum. Ergo singuli decem milites, vel viginti unum habebant sagmarium, cujus usus communis erat omnibus. Habebant autem non contubernia modo vel decuriæ, sed etiam centuriæ aliquem, quem *centuriatum* nuncupabant. Vopiscus in Aureliano: *Mulum centuriatum communiter curret.* Salmastius ad hunc locum. *Mulus centuriatus erat communis toti centuriæ.* Recte igitur καὶ κατὰ λόγον *mulum communem communiter vult curari.* Quibus verbis intelligimus, sagmarij illius usum fuisse communem toti centuriæ, sic ut ea, quæ spectarent non ad singulos, hoc enim pertinebat ad sagmarium contubernij seu decuriatum, sed ad totam centuriam gestaret. Simulq; observatum, ut communis quoq; ejus esset cura, id est ordine singuli per totam centuriam sagmarium illum suo quisq; tempore curarent. Erat autem mulus, sagmarius centuriatus. Decuriatus equus videtur fuisse, supra enim Leo, ἵππους σαγμαεῖς, vel ut est in editis σαγματαεῖς, quod ineptum tamen puto, nominavit. Quanquam vix sit dubium, quin & mulos adhibuerint. Nam mulorum mentio creberrima hoc sine. Ita supra vidimus strata detracta mulis, quos non intelligimus alios, quam sagmarios hujusmodi. Etiam camelos ita usurparunt. Pollux lib. I. c. 10. ubi agit de his omnibus: *Χρεῖα δ' εἰς τὰς πολέμους, σκευοφόρων μὲν ὄνων, ἐπισκευαζομένων δὲ ἐσῶν ὑφ' ἀμάξαις, ἡμιόνων δὲ πρὸς ἀμφοῖν, καμήλων δὲ, ἐπισσαγμένων τὰ σκέη.* Ad bellum autem opus est asinis, qui ferant sarcis-

nas, & bobus, qui jungantur ad vehicula, mulis vero, qui utrumq; faciant, camelis denique, qui portent utensilia. Ita verto locum hunc, ab interprete minus clare redditum. De camelis dixi quoque ad Mauritium nostrum, qui & ipse facit mentionem aliquam eorum ad hos usus. Jam quoniam jumenta isthæc omnia in bellis sua præstabant ministeria, hinc & jure postliminij recepta. Cicero hoc nominatim docet de mulis in Topicis. Postliminio, ait, redeunt hæc; homo, navis, mulus clitellarius, equus, equa, quæ frena recipere solet. Mulus clitellarius non quilibet, sed qui sarcinas & onera gestavit in militia, captusq; fuit, hic intelligendus est. Ac de tali loquitur & Gallus Ælius apud Festum. Verba Festi hæc sunt: Postliminio receptum Gallus Ælius in libro primo significationum, quæ ad jus pertinent, ait esse eum, qui liber ex qua civitate in aliam civitatem abierat, in eandem civitatem redit ex jure, quod constitutum est de postliminio. Item qui servos à nobis in hostium potestatem pervenit, postea ad nos redit, redit in ejus potestatem, cujus antea fuit, jure postliminij. Equi, & muli, & navis eadem ratio est. Ita lego & distinguo Galli verba. Liquet autem satis, sermonem esse non sic universum de mulo, sed de clitellario, eoq; qui gestavit sarcinas in bello, aut vehicula & currus traxit.

Cap. III. De Ferculis.

Fercula, unde. Fercula cenarum, triumphorum, funerum. Fercula cenarum qualia. Calepinus & Stuckius notatur. Cibi plures in uno ferculo. Ferculum componere, struere. Compositores, structores. Repositorium. Baysius notatur. Plinius emendatur. Epula ingentes. Lampridius exponitur. Dapes ingentes. Emendatio Salmasij revellitur. Ferculi figura rotunda vel quadrata, item simplex vel duplex. Theca repositorij. Ornamenta ferculorum. Vrsinus refutatur. Repositoria non sunt mensæ. Quomodo illata mensis, missus. Fercula orantium qualia. Livius explicatur. Fercula spoliorum in pompa triumphali. Ferculis impositi homines. Quomodo portata. Onuphrij pictura falsa. Fercula ludorum. Torrentius rejicitur. Dio explicatur. ἄρρα ὄλον.

Dio emendatur & explicatur. Pulpitum in scholis & theatris. Pompa quid. Cicero exponitur. Ferculi sunt nulli. Nizolius refutatur. Imagines motæ ab hominibus intus latentibus. Apulejus explicatur. Dij incedunt pedibus humanis. Portare Anubin. Signiferi. Noxij ad hoc negotium. Induere deos. Latere sub pompa. Seneca explicatur. Πομπη. Fercula funebria. Fericula. Fercula. Dio notatur & Casaubonus, & Argolus. Fercula pro muneribus & donis in funere. Feretra. Suetonius exponitur. Casaubonus denuo notatur, & Torrentius. Suetonij lectio vetus defensa. Lectum funebrem præibat imago defuncti per vivum hominem expressa. Ferre alicujus personam, induere. Persona imponitur. Plinius explicatur, Dalechampius rejicitur.

Venio ad genus aliud, quod gestari solet, non in dorso, ut liquebit postea, verum humeris ac dextris. *Fercula* vocarunt, à *ferendo*, quod ferantur. Nam ut ab *operio*, *operis*, est primo *opericulum*, & per syncopen *operculum*, sic plane & à *fero* *feris* est *fericulum* primo, & deinde *ferculum*. Erant vero talia primum *fercula* cænarum de quibus Suetonius in Augusto cap. 74. *Cenam trinīs ferculis, aut cum abundantissime, senis præbebat.* Deinde *fercula* pompæ: quales primum pompæ triumphales, in quibus *fercula*. Suetonius iterum in Julio cap. 37. *Pontico triumpho inter pompæ fercula trium verborum prætulit titulum; veni, vidi, vici.* Deinde pompæ ludorum sacrorum. Idem eodem libro, c. 76. *Sed & ampliora etiam humano fastigio decerni sibi passus est, sedem auream in curia & pro tribunali, thesaurum & ferculum Circensæ pompæ.* Postremo & pompæ funebres, in quibus ipsis *fercula* quandoq;. Suetonius rursus in vita Cai. c. 16. ubi loquitur de matris ejus fratrisq; cineribus. *Per splendidissimum quemq; equestris ordinis, medio ac frequenti die, duobus ferculis Mausoleo intulit.* Qualia fuerint omnia hæc *fercula*, nondum evidenter satis traditum à viris doctis opinamur. Ac de *ferculis* cænarum quidem valde sunt incerti. Fulgentius exponit *missus carniū*. *Ferculum*, ait, *missus carniū*. Petronius *Arbiter*: *Postquam ferculum allatum.* At alij accipiunt pro cibis ipsis. Stuckius in Antiquitatibus convivalibus: *Dapes sive cibi, qui appo-*

nuntur, *fercula Latine dicuntur. Ferculum, teste Nonio, est missus cibi, ita dictus, quod mensæ inferatur.* Unde habeat hoc Stuckius non satis scire possum, apud Nonium profecto ipsum nihil tale invenias. Quare suspicor, secutum Calepinum, qui similiter: *Ferculum, teste Nonio, missus cibi, ita dictus quod ad mensam inferatur.* Sed confundit Calepinus Nonium cum Fulgentio. Deinde missum cibi vocat, quod Fulgentio est missus carniū. Postremo missum cibi putat ipsum cibum. Ac ne videatur sine auctoritate hoc facere, subdit locum Juvenalis ex Sat. I. ubi Poëta:

— *Quis fercula septem*

Secreto canavit avus? —

Nempe quia hic *canari* fercula dicuntur, utique significare cibos arbitratus est. Atq; sic collegit ex hoc loco ille etiam, qui Forum Romanum concinnavit. *Ferculum, ait, dapes dicuntur.* Sed videlicet non observarunt, Poëtam figura receptissima posuisse fercula pro cibis, quæ in ferculis apponebantur. Quomodo & mensas usurpavit alicubi hac significatione, atque alij fecerunt. Nam & *tenuem mensam* Horitius, & *opimam mensam* Silius ita usurparunt. Quare fercula non magis erunt cibi dapesq;, quam mensæ, si quid proprie significarint, quæras. Fercula fuere tabulæ lignæ latiores, quibus vasa plura ciborum una vice imposita inferri mensis solebant, ita à ferendo dictæ, quia eis ferebantur cibi, mensæ imponendi. Docet omnia egregie Petronius, quando ita loquitur. *Laudationem ferculum est insecutum, plane non pro expectatione magnum, novitas tamen omnium convertit oculos. Rotundum enim repositorium duodecim habebat signa in orbe disposita, superq; proprium convenientemq; materiæ structor imposuerat cibum.* Habes hic manifeste ferculum, nec nisi unicum, in eo tamen cibos duodecim, suis comprehensos patinis, pro signis duodecim, quibus ferculum fuit pictum. Ergo unum ferculum non unius tantum fuit cibi, vel unius patinæ, sed plurium. Atq; sic accipiendum est, quod habet Servius ad Æn. I, ex Catone; & *in atrio, & duobus ferculis epulabantur antiqui.* Item quod de Augusto memorat Svetonius c. 74. *Cenam trinis ferculis, aut cum abundantissime, senis præbebat; ut non nimio sum-*

ptu, ita summa comitate. Non tres patinæ hic sunt intelligendæ, sed tria fercula, singula patinarum plurium, per tres missus cænæ illata. Nam sermo est non de cæna quotidiana, sed convivio, in quo, quis credat Augustum tam opulentum eo præsertim tempore, quo luxuria pars magnificentiæ habebatur, tria tantum genera ciborum voluisse apponi. Et igitur ea fercula Svetonius fuisse ait sumptuosa, *sumptu licet non nimio*, ut sunt ejus verba. Deinde habuit Petronianum illud ferculum cibos illos *impositos*, & quidem per structorem, cujus fuit officium, cibos & patinas decenti ordine disponere. Martiali hoc est *ferculum componere* lib. V. Sat. ubi ait:

— *Veniet, qui fercula docte
Componat, veniet, qui pulmentaria condit.*

Et *compositores ferculorum*, ordinatores, ciborum in eis collocatores. Servius ad Virgil. i. *Struere, ordinare, componere, unde structores dicuntur ferculorum compositores.* Atq; quoniam sic ordine repositos habebat cibos ferculum, ideo & à Petronio *repositorium* est dictum. Nam *repositorium* nil aliud, quam ferculum, quod hic locus evidenter docet, in quo quod ante *ferculum*, statim post *repositorium* vocatur. Baysius accepit pro tripode, qua sustineatur mensa. Verba ejus in opusculo de vasculis: *Repositoria, à reponendo dicta videntur, in quibus reponebantur mensa, quæ fortasse inde trapezophora dicuntur.* Addit verba Plinij, quibus probet hanc sententiam ex lib. XXXIII. *Iam vero & mensas repositoriis imponimus, & ad sustinenda opsonia interrاديمus litera.* Sed est sine dubio vitiosa ea lectio. Nam sermo ibi est de vasis argenteis, ad quæ nil profecto ista verba. Quare nihil dubito emendanda esse ac legenda in hunc modum: *Iam vero & in mensas repositoriis imponimus.* Vasa intellige argentea, de quibus ante loquebatur. Sensus optimus, & mutatio nulla, tantum revocatur in ex sequenti voce, cujus prima littera totidem constans lineolis, absorpserat. Dicit, *imponi* vasa illa argentea in *mensas*, & quidem cum *repositoriis*, in quibus scilicet disponebantur plena cibis. Atq; ita consuevisse docet ipse lib. XVIII. c. 35. quando ait: *Vasa, quibus esculentum additur, sudorem repositoriis re-*

linquentia, diras tempestates prænunciāt. Vocat vasa cum esculentis, sudorem relinquentia repositoriis, quod non intelligitur, nisi steterint super illa repositoria. Quapropter repositoria, in quibus vasa cibaria reponebantur, ut cū eis inferrentur mensæ, unde alia voce quoque fercula vocata. De ferculis hujusmodi agit & Lamprius, in vita Heliogabali, ubi ait: *Exhibuit aliquando & tale convivium, ut haberet viginti & duo fercula ingentium epularum.* Fercula non de patinis singulis accipienda sunt, sed pluribus, quia illud nihil foret memorabile, & igitur ea fercula dicuntur habuisse *epulas*, & quidem *ingentes*. Ubi quæri video, quæ illæ sint ingentes epulæ. Mihi sic videntur dici, quæ constarent non ex cibis minutis, sed integris, eisq; prægrandibus animalibus, ut bubus, apris, porcis, ac similibus. *Dapes ingentes* appellavit ante cap. 20. *Exhibuit & palatinis ingentes dapes, extis nullorum refertas, & cerebellis phœnicopterum, & perdicum ovis, & cerebellis turdorum, & capitibus psittacorum, & fasianorum, & pavonum.* Corrigunt hic viri docti, & pro *palatinis*, *palatinas* substituunt, *dapes* vero delent, quoniam in Palatino Ms. uno non comparet. Verum unus ille non ob stare potest cæteris, cum præsertim ille ipse ex his cæteris, quamvis manu alia, ad scriptum *dapes* habeat. Nec admittit tamen *refertas*, quod à *farctum* est. *Farctæ* namq; non dicuntur patinæ, sed epulæ ac dapes, quia erunt intus oppletæ ovis, extis, ac similibus, sicut aper Trimalcionis apud Petronium refertus fuit turdis, & porcus tomaculis ac botulis. Quanquam cum ingentes illæ fuerint epulæ, singula fercula iis singulis constituisse videantur, vel repositoria. Quomodo & in Fragmento Petronij legimus *repositorium, in quo positus erat prima magnitudinis aper*; & aliquanto post, *repositorium cum sue ingenti*. Ubi simul habes illud *ingenti*, unde *dapes* atq; *epule ingentes*. Cæterum hæc repositoria seu fercula non unius erant formæ. Quod colligimus, quia id Trimalcionis tanquam contra consuetudinem vulgarem dicitur fuisse rotundum. *Novitas tamen, ait, omnium convertit oculos. Rotundum enim repositorium duodecim habebat signa.* Non nominatim Petronius vocasset rotundum, si hæc omnium fuisset figura. Et quadrata quoq; fuisse docet Fene-

stella, cujus postea adducemus verba. Deinde quædam fercula seu repositoria hujusmodi simplicia extitere, quædam duplicia, intusq; cava, ut uni eidemq; ferculo duplex numerus patinarum posset imponi. Tale namq; memoratur illud Trimalcionis apud Arbitrum. Verba Arbitri, post enarratos cibos in superiori ferculo dispositos per signa duodecim, de quibus ante, *Ad symphoniam quatuor tripudiantes procurrerunt, superioremq; partem expositorij abstulerunt. Quo facto videmus infra, scilicet in altero ferculo altilia, & sumina, leporemq; in medio. Ubinota, rursum dici ferculum, quod ante repositorium. Nam alterum ferculum nil aliud, quam pars inferior repositorii. Thecam repositorii nominavit in sequentibus, quia erat operta superiori ferculo, cibosq; habebat in se reconditos & clausos, veluti in theca. Rogo, inquit Trimalcio, me putatis illa cana esse contentum, quam in theca repositorii videratis? Habebant quoque ornamenta sua hæc repositoria seu fercula, uti ex Petronio apparet. Istuc enim pertinent signa illa duodecim in repositorio. Trimalcionis expressa, sive lignis diversicoloribus, sive lineis argenteis inter tabellarum commissuras insertis. Sic enim consueverant, quod nos docet Fenestella, Plinio laudatus lib. XXXIII. c. II. Verba Plinij: *Cornelius Nepos tradit, ante Sullæ victoriam duo tantum triclinia Romæ fuisse argentea. Repositorijs argentum addi sua memoria ceptum, Fenestella dicit, qui obiit novissimo Tiberij Caesaris principatu; sed & testudinea tum in usum venisse. Ante se autem paulo, lignea, rotunda, solida, nec multo majora, quam mensas fuisse. Se quidem puero quadrata & compacta, aut acere operta, aut citro capisse, mox additum argentum in angulos, lineasq; per commissuras. Multa docet istis verbis de his ferculis. Primum materiæ intuitu omnia fuisse primum lignea. Quod formam attinet, eam primum extitisse rotundam, post factam & quadratam. Magnitudinem quoq; non multo excessisse magnitudinem mensarum, hoc est, ut ego accipio, non longiora multo, non latiora mensis fuisse. Quoad ornatum, eum quoq; initio fuisse exiguum. Primum namq; operta acere vel citro, id est tabellis tenuibus ex isto genere materiæ ac velut laminis exterius adglutinatis tecta fuisse, sicut hodieque*
capla-*

capſarij viliorem materiam pretioſiori operiunt. Poſt additas cruſtas ex teſtudine, qualis nobis quoq; ſub vocabulo *Schildpadd* nota laudataq;. Tandem adjectum argentum ab initio in angulis, dixit enim poſtea quadrata facta, per laminas, ut exiſtimo operis, ſicut annis ſuperioribus librorum opercula, item ciſtarum anguli laminis æreis aut ferreis tegi conſueverant; in commiſſuris vero tabellarum, quibus ſuperne ornabantur, additas tenues ex argento velut lineas, quibus diſtinguerentur. Neque mihi dubium, quin iſtæ lineæ per commiſſuras ita fuerint ordinatæ, ut diverſas exhiberent figuras ſtellarum, orbium, ac rerum aliarum, plane ſicut in menſa Iſiaca immiſſæ lineæ ejusmodi figuras deorum dearumq; exhibebant. Atque hæc jam fercula ſeu reſepoſitoria, non cibi, multo minus menſæ, quod Urſinus arbitrabatur. Verba ejus hæc ſunt in Appendice Ciacconij. *Toties autem menſas, hoc eſt reſepoſitoria, quoties fercula & obſonia mutari.* Quasi fercula & obſonia ſint idem, & fercula differant à reſepoſitorijs, & reſepoſitoria ſint menſæ. Reſepoſitoria adeo non fuerunt menſæ, ut contra menſis imponerentur. Ideo à menſis ſupra Plinius diſtinxit, & majora dixit facta menſis, primo quidem non multum, at deinde plurimum, ut locus ille innuit. *Non multo majora, dicit, quam menſas fuiſſe.* Si non multo majora, quam menſæ, igitur non potuerunt menſæ ipſæ fuiſſe. Ac quoniam non alia reſepoſitoria, quam fercula, ideo & hæc à menſis diſtinguuntur. Plinius lib. XXVIII. c. 3. *Sternutamento revocari ferculum menſam ve.* Sicut hic aliud menſa, & aliud ferculum, ita paulo ante aliud menſa, & aliud reſepoſitorium. *Bibente convivæ menſam vel reſepoſitorium tolli ait.* Ferebantur autem hæc reſepoſitoria ſeu fercula modo à duobus, modo à pluribus, prout eſſent majora minorave. Ita facile reſipſa docet. Apud Petronium profecto ſunt quatuor, qui ſuperiorem tantum auferunt partem. *Ad ſymphoniam, ait, quatuor tripudiantes accurrerunt, ſuperioremq; partem reſepoſitorij abſtulerunt.* Si partem ejus abſtulerunt quatuor, ergo duplo plures minimum intulerunt totum. Quoties autem ferculum ejusmodi inferebatur menſæ, toties miſſus unus dari dicebatur. Inde ſæpe *miſſus pro ferculis.* Fulgentius ſupra: *Ferculum;*

lum, missus carniū. Atq; ita usurpavit Lampridius in Heliogabalo: *Habuit etiam istam consuetudinem, ut canas sibi exhiberet tales: una die non nisi de fasianis tantum ederet, omnesq; missus sola fasianorum carne strueret.* Non tamen ferculum est missus, si loquendum proprie, sed feruli è culina in mensam dimissio atq; deportatio, quod parum observarunt. Venio ad fercula triumphalia. Hujus generis fuere primum, qualibus suspensas hostium à se devictorum vestes & exuvias gestabant, præsertim quas dux detraxisset duci, & opima spolia vocabant. Livius lib. I. c. 10. de ijs loquens. *Romulus cum factis vir magnificus, tum factorum ostentator, haud minor, spolia ducis hostium caesi suspensa, fabricato ad id apte ferculo gerens, in Capitolium ascendit.* Habes nominatim ferculum, & in eo spolia ducis. Quale vero fuerit, Plutarchus docet vita Romuli, ubi ait: ὁ Ρωμύλος & σφῦν ἔτεμεν ὑπερμεγέθη, καὶ διεμόρφωσεν ὡς περ τροπαίων. *Romulus quercum mira proceritatis recidit, & formavit ad instar tropæi.* Quia formam dicit habuisse tropæi, hinc liquet, fabrefactum ex stipite simplici, cui in capite appositum transverse lignum brevius, figura crucis. Ista namque fuit tropæorum forma apud veteres. Tertullianus in Apolog. c. 16. *In tropæis cruces intestina sunt tropæorum.* In tali ergo crucelignea è quercu ferebat Romulus opima spolia. Livius ferculum vocavit, quoniam inferebat. Ferebat autem, ut opinor, erecta, sed paulisper tamen reclinata in dextrum humerū. Hic enim ejus gestitantis habitus descriptus est Plutarcho, dicto loco. ὑπολαβὼν δὲ τὰς δεξιὰς τὸ τροπαῖον ὡμῶς προσερεϊδόμενον ὀρθὸν, ἐβάδιζεν. *Captum vero ferculum, dextroq; applicatum humero ac subrectum gerens incessit.* Discimus, gestasse ferculum non in dorso, sed in humero, nec tamen demissum jacensque, sicut hastæ gestantur, sed erectum. Nempe arma spoliaq; imposuerat, quæ obhærere aliter nequibant. Quia tamen propter pondus manu libera gestari molestum ac difficile constabat, ideo applicatum humero habebat. Atq; ad tunc modum spolia opima omnia deinde delata in Feretrij Jovis templum. Factitatum idem aliquando & in aliis spoliis. Ita namq; censeo accipienda verba Livij de Horatio, trigeminorum victore lib. I. c. 27. *Princeps Horatius ibat, tergemina spolia præse-*

rens. Sane quomodo præ se gesserit aliter, quam suspensa in ferculo, vix excogito. Neque finit multum dubitare, quod sequitur de torore ejus, cognovisse *super humeros fratris paludamentum sponsi.* Quomodo enim præ se ferens, & tamen super humeros, nisi quia ferculum, in quo suspensum fuit, humero habuit applicitum, & paludamentum ante arma cætera in humeros propendit. Præter ista fercula habuerunt & alia, quibus gestabantur signa atq; alia in pompa triumphali. De hujusmodi Suetonij sunt verba superius adducta ex vita Julij, cap. 37. *Pontico triumpho inter pompæ fercula trium verborum prætulit titulum, veni, vidi, vici.* Habe his aperte fercula pompæ triumphalis. Est autem pompa triumphalis illa spoliolorum aliarumq; rerum ordine gestata multitudo. In hoc fercula cum titulis, hoc est, ut ego arbitror, cum tabulis, in quibus scripta rerum gestarum summa capita. Ideo Suetonius de uno illo titulo Julij Cæsaris, *non acta belli significasse, sicut ceteros.* Liquet enim, triumphum illum plures ejuscemodi habuisse titulos, eosq; indicasse breviter acta belli ejus, & res gestas. Præter eos vero unum, quo contra consuetudinem non acta belli, sed celeritas confecti notabatur. Titulus ille non ipsum fuit ferculum, sed in ferculo præferebatur, eo plane modo, sicuti & res aliæ præferebantur, ut oppida, montes, castella, & id genus, interdum picta, interdum sculpta ligno, interdum queq; pretiosiori materia. Vellejus omnes illas res appellat *apparatum* triumphi. Verba ejus lib. II. c. 56. ubi agit de triumphis Cæsaris: *Quinq; egit triumphos. Gallici apparatus ex cicandro, Pontici ex acantho, Alexandrini testudine, Africani ebore, Hispaniensis argento rasili constitit.* Viri docti acceperunt de ferculis. Torrentius ad Julium Suetonij c. 37. ubi hæc adducit verba: *De triumphiferculis, diversa factis materialoquitur,* ait. Et sic alij. Sed ferculum proprie loquendo non est apparatus, verum id, quo apparatus gestabatur. Ideo ferculum semper ex eodem fuit genere, ligno scilicet, non ita apparatus. Suetonius pro apparatu dixit instrumentum. *Triumphum,* ait de Cæsare, *egit diverso quemq; apparatu & instrumento.* Instrumentum triumphi, atq; apparatus velut rem eandem posuit, & illos titulos, imagines rerum diversarum,

& id

& id genus intellexit. Habuit enim Cæsaris triumphus præter titulos etiam imagines, quales dixi. Fabius lib. VI. c. 3. *Cum in triumpho Cæsaris eborea oppida essent translata, & post dies paucos Fabij maximi lignea, thecas esse oppidorum Cæsaris dixit.* Hic oppida eborea sunt in instrumento atq; apparatu Cæsaris, ut Svetonius vocavit. Fabius & ipse habuit in triumpho suo, verum lignea, quod fuit usitatus frequentiusq;. Hæc ergo oppida & tituli & imagines & alia id genus gestata in triumpho non nudis manibus, sed imposita ferculis, quo essent conspectiora. Neque ista inter se confundenda. Asconius in Verrina I. *Ferculis signa ante triumphantem vehi per pompam solebant.* Per signa simulacra oppidorum, arcium, & similitum, præcipue vero illo in loco statuas & simulacra deorum, hosti crepta intelligit, quod ipse Ciceronis locus manifeste docet. Non autem dicit fercula seu signa vecta, verum signa vecta ferculis, quia illis ferculis imponebantur. Neq; res inanima impositæ solummodo, sed ipsi vivi homines, clariores maximæ, ac nobiliores ex captivis. Jole apud Senecam in Hercule Oetæo v. 109. ubi loquitur de ijs, qui matura morte captivitatem evaserunt.


*Non captiva dabit brachia vinculis,
Nec pompæ veniet nobile ferculum.*

Respexit & Seneca Philosophus in de vita beata c. 25. *In alienum imponar ferculum, exornaturus victoris superbi ac feri pompam.* Videnturque hi ostentati cum catenis, & adpositis erectisq; ex ipsorum spolijs trophæis. Memorat hoc namq; in triumpho Tiberij aut Germanici Ovidius lib. III. ep. 4. ex Ponto, quem auguratur..

*Scuta, sed & galeæ gemmis radientur & auro,
Stentq; super victos trunca trophæa viros.*

Ita edidit vir eruditione juxta & humanitate singularis Nic. Heinsius, qui & in Notis exprimi per nummos istam consuetudinem bene observavit. Quærat aliquis, an & hæc fercula superioribus fuerint similia, illis inquam, quibus Romulus est usus. Equidem quod illa attinet, quibus portabantur tituli, non video, cur debeat

mus dubitare. Poterant fortassis & imagines aliquæ, aliaq; minutiora, præsertim ex ligno fabricata sic gestari. At de iis, quibus impositæ statuæ gravioris materiæ, ipsiq; vivi homines, quis possit credere. Videturque aliud docere Josephus, quando loquens de hoc genere non ferculis, sed pegmatis impositos fuisse ait. Verba ejus sunt de Triumpho Vespasiani. *Stupori erat pegmatum, quæ portabantur, fabricatio tam magna, ut occurrentes timerent, ne qui subierant, gestare haud valerent, nam quedam in tabulatum tertium excreverant. Erat autem per singula pegmata capta civitatis dux, ita ut captus fuerat ordinatus.* In Græco est, ὃν τρόπον ἐλήφθη, quod significare puto, positum fuisse ibi habitu captivi, injectis catenis, sicuti fiebat, quando capiebantur, hocq; respicere id ipsum, quod de captivorum habitu in ferculis superius notavi. Docet autem istis verbis Josephus, pegmata fuisse, quibus duces vivi fuerunt impositi, hoc est tabulata lata, structaq; in altum. Ea enim proprie sunt Græcis πήματα, à πήγνυμι, quoniam ex lignis pluribus coagmentata, structaq; in altum. Fuisse quoq; non simplicia, sed habuisse plura tabulata, alia super alia. Deniq; cum essent magna ponderosaque, gestata quidem ab hominibus, sed bene multis, quod in altero genere minime fiebat. Igitur vocat πήματα φερόμενα. Θαῦμα inquit ἐν τοῖς μέγιστα παρῆχεν, ἢ τῶν φερομένων πηγμάτων καλῶς. Quo planè constat, lata. Quomodo autem lata fuerint hæc pegmata, id non declarat. Verisimile, hoc factum humeris subjectis, suppositisq; afferibus validis. Nisi quod extare tamen facerent supra humeros, & ipsa capita. Ita conjicio ex arcu triumphali ejusdem Vespasiani, sicut Lafreri manu sculptus apud me habetur. Equidem pictura est parum accuratè facta, quod doleo, exhibebo eam tamen, si fortassis lucis aliquod accedere inde argumento nostro possit.



Cernitur hic primum illud genus, quo gestabant titulos. Plane namq; titulos interpretor illas duas tabulas, unam præcedentem arcam fœderis, alteram sequentem, suspensas in ferculis, quæ intelliguntur hinc fuisse perticæ longiores, sic gestatæ, uti supra demonstravi. Deinde cernitur & genus alterum, cui insistit arca fœderis, cum lichnucho, sublatum supra capita gestantium, nisi malimus non tam esse arcam, quam ferculum ipsum, id cui impositus est lichnuchus. Habuit namq; arca suos à lateribus annulos, & per eos asseres trajectos, quales nulli hic comparent. Quicquid vero sit de arca, illud plenum est, gestasse genus hoc elatum super capita. Non ergo accurate satis Onuphrius in triumpho suo ista omnia vehiculis imposuit, & velut in cumulum nullo ordine coniecit. Nam contra omnia exhibita solerter pulchreq; disposita, veluti Josephus docet. Cæterum an hæc pegmata quoq; nominarint fercula Latini dubium potest esse. Quamquam cum non pugnet ratio vocabuli,

præterea in re similima Seneca uterque ac Ovidius fercula nominarint, mihi dubitandum parum videatur. Erant quoque fercula ludorum sacrorum, sicut supra demonstravimus. Quæ illorum species extiterit, est dubium. Torrentius partem facit sacrorum vehiculorum sive curruum, qui dicebantur thense. Ita namq; habet vita Julij. *Est thensa, ut Grammatici volunt, vehiculum ipsum sacrum, ferculum vero vehiculi pulpitem, cui simulacra imponebantur.* Vellem ego nominasse aliquem Grammaticorum, qui ferculum dixerit esse pulpitem vehiculi, quod vocatur thensa; nam hætenus invenio neminem. Hoc quidem scio, pulpitem exponere, sed thense pulpitem vocare, id vero penitus ignoro. Quare suspicor hoc esse de ingenio Torrentio. Quia pulpitem vocari vidit, ipse de thense pulpito coniecit. Non profecto ita Acro, qui pulpitem exposuit. *Fercula, inquit, sunt pulpita, in quibus deorum simulacra reponebantur, quia in pompa Circensi hujusmodi simulacra deorum ferebantur.* Vocat pulpita, sed thensarum nullam facit mentionem, imo in ijs deorum simulacra dicit *lata*, quod non convenit, si ea pulpita in vehiculis reposita fuere. Quod enim est in vehiculo, non tam fertur, quam ducitur aut vehitur. Et qui dici fercula potuissent, nisi lata gestatave fuissent? Deniq; thensis separat disertim Svetonius in superius citato loco. Verba sunt clarissima. *Ampliora etiam humano fastigio decerni sibi passus est, sedem auream in curia & pro tribunali, thensam & ferculum Circensi pompa.* Tanquam de duabus distinctissimisq; rebus loquitur. Atq; ad eundem modum Dio quoque, qui hinc capit lucem. Verba ejus sunt in lib. XLIII. *Και τότε μὲν ἀνδρεάνια αὐτὸ ἐλεφάντινον, ὕστερον δὲ καὶ ἄρμα ὅλον ἐν ταῖς ἰσποδοποιαῖς μετὰ τῶν θεῶν ἀγαλμάτων πέμπεται ἔγνωσαν.* Vertunt ita: *Statuam quoq; tunc eburneam Caesaris, ac post thensam in Circensibus pompis cum deorum simulacris vehi jusserunt.* Satis apte, si rem ipsam cogitas, non si verba Dionis. Ἄρμα ὅλον quippe non est thensa. Thensa equidem hic intelligitur, sed ἄρμα ὅλον notat *integrum currum, integrum vehiculum.* Respiciebat nempe ferculum, in quo prius gestabatur illa Cæsaris statua eburnea. Id ait non fuisse ἄρμα ὅλον.

ἄλλοι, sed vestibulum tantum aliquod, quo gestabatur. Postea de-
 mum accessisse & currum. Aliud ergo currus, aliud simulacrum
 per se circumgestatum, quod cum fieret per collocationem simu-
 lacri ejus super ferculum, ut Acro docet, manifestum sane, res fuis-
 se distinctissimas, ferculum & currum. Erat autem minus quid ho-
 nore atq; dignitate ferculum, quod liquet, quia primo loco decre-
 tum, ac post demum currus. Neq; aliter accipienda verba sunt
 Svetonij, licet ipse primo loco ponat thenfam. Thenfam enim
 præmittit tanquam digniorem, non quod ante ferculum sit decre-
 ta. Imo decreto curru, ferculum sublatum, tanquam minus di-
 gnum, quod notandum, ne quis putet uno eodemq; tempore Cæ-
 sari & ferculum tributum, & thenfam. Primum, ait Dio, decerne-
 bant ipsi tantum ferculum, quo gestaretur imago ejus eburnea.
 Postea crescente adulatione, illam ipsam imaginem imposuerunt
 thenfæ, ut necessario ferculum fuerit sublatum. Ideo & lib. XLIV.
 ubi novissimos honores Cæsari decretos enumerat, solius currus,
 nullam ferculi facit mentionē. Ἐστὶ τὰ θιάττρα τὸν τε δίσκρον ἀπὸ τῆ ἐπιχρύ-
 στον, & τῆ σέφαρον τῆ διαλίθον καὶ διαχρυσον, ἐξίσταταις τῶν θεῶν ἐσοικιζέσθαι. Καὶ τὰς
 ἵπποδρομαῖς ὄχλον ἐσάγειν ἐψηφίσαντο. Ita habent editi, quod vertunt:
In theatra etiam sellam ejus auream, coronamq; gemmis auroq; insignem
(qui honor alias diis tribui solebat) inferri, atq; in circum etiam intro-
duci à multitudine jusserunt. Sed quis unquam legit, sellam introdu-
 ci à multitudine? & quid tandem est, *sella* *introducitur* *à multitudine*
ne? quæ multitudo intelligitur? plebisne, an equestris, num pro-
 miscua omnis? Mihi non est dubium, quin Dio scripserit vel ὄχον,
 pro ὄχλον, vel quæ Lipsij est conjectura in libello de Vesta cap. II.
 ὄχον ὄλον, sicut supra ἄρμα ὄλον, quod prave connexum, deinde ὄχλον
 peperit. Ideo verba illa καὶ τὰς ἵπποδρομαῖς in Græcis à præceden-
 dibus separantur distinctione majore, ut appareat novi quidpiam
 hic dici: & ipsa loquendi ratio hoc docet. Postremo sella nun-
 quam Circumlata in pompa Circensi, solum ferculum & thenfa.
 Svetonius manifeste: *Decerni sibi passus est sedem auream in curia &*
pro tribunali, thenfam & ferculum in Circensi pompa. Solam thenfam
 & ferculum nominat, non addit sedem auream. Quare locus ille
 rectius.

rectius sic verteretur: *In theatra etiam sellam ejus auream coronamq; e gemmis auroq; sicuti consuevit diis, inferri: itemq; in Circum vehiculum induci decreverunt.* Liquet autem, sicut dixi, solius vehiculi hic fieri mentionem, nullam ferculi, quia tum cessaverat in Cæsaris imagine illius usus. Jam cum constet alia esse fercula, & alias thesauras, nec ad has illa pertinere, aut ipsarum partem facere, quod Torrentius volebat, videndum erit, quali ergo specie fuerint. Acropulpita appellat. Porro pulpita reperio duplicia apud veteres, alia in scholis, alia in theatris. In scholis erant cathedræ, de quibus stantes recitabant. Suetonius de Illustr. Grammaticis cap. 4. *Repeto quendam, Principem nomine, nonnullis diebus mane differere, post meridiem remoto pulpito declamare solitum.* Dicit differuisse de pulpito, id est de materia quacumq; informasse docuisseq; auditores, id enim differere, eaque est dissertatio, uti pridem in opusculo de stylo demonstravimus. At cum declamandum esset, pulpitum removisse. Unde constat, pulpitum fuisse locum recitantium & differentium, non declamantium, illudq; pulpitum apponi potuisse atque removeri, & sic non fixum, verum mobile fuisse. De tali agit Isidorus lib. XV. c. 4. *Pulpitum, quod in eo lector vel psalmista positus in publico conspici à populo possit, quo liberius audiatur.* Ostendit de hujusmodi pulpitis habuisse olim lectiones sacras, recitantesq; bene conspici potuisse, unde constat, fuisse eminentiora. Utrum vero tale quidpiam extiterit Circense ferculum, potest dubitari. Tertullianus profecto libro de Spectaculo c. 16. vocet *suggestus*, & similitudinem habuisse ait crucium. Verba ejus, ubi loquitur de imaginibus deorum, in circo circumferri solitis; *Omnes illi imaginum suggestus insignes, monita crucium sunt.* Quando vocat *monita crucium*, ostendit admonere nos crucis. Quomodo autem possint, nisi speciem illius aliquam habuerint? Et disertim ille eo loco hoc testatur. Jam si habuerunt crucis speciem, ad illa Grammaticorum pulpita quo pertineant, non video. Theatrorum quoq; pulpita huc nihil facere videntur. Illa namq; tabulata sunt editiora, structa ante scenam, id est ædiculam theatralem, quæ à fronte velo claudi solet, ut inde velo illo sublato prodeant actores fabularum

rum in extructum istud tabulatum. Vetus Horatij Interpres à Cruquio editus ad Epistolam de Acta Poëtica *Per pulpita, per tabulas scena. Erant autem gradus, per quos ascendebatur in scenam.* Hæ tabulæ nil habent, quod nos possit admonere crucis. Et tamen Tertullianus suggestus imaginum hoc ait facere. Neque pulpita, quod sciam, alia occurrunt. Quid dicemus? Puto fercula Circensia quoq; non unius generis fuisse, alia quæ crucium referrent speciem, alia quæ pulpitorum. In crucibus puto lata simulacra leviora, in pulpitis graviora. Nam lata plane constat, & lata ab hominibus, & in humeris lata. Ita namq; docet Dionysius Halicarnassensis lib. VII. ubi pompam Circensem describit. *Τελευταῖον δὲ πάντων αἱ τῶν θεῶν εἰκόνες ἐπὶ ὀμπεύον, ὥμοις ὑπὸ ἀνδρῶν φερόμεναι, μορφάς τε ὁμοίας παρέχουσαι ταῖς παρ' ἑμῶσι πλατύνουσιν.* *Postremo circumlata in pompa imagines deorum, gestate humeris hominum, speciem habentes eam, quæ & apud Græcos formantur.* Non existimandum est, imagines eas ita latas nude in humeris, sed super fercula repositas, ita namq; sicutum fuisse Acro docebat in superioribus. Si lata in humeris, & tamen crucium effigie fuerunt formata, necesse est, ut intelligamus, qualia tropæa, & triumphantium fercula fuere. Atque hinc fortassis est, quod Commodianus appellavit *ligna bifurci*. Plane namq; de hoc genere accipio, quod habet de Nemosiaco, id est bajulante simulacrum Nemesis:

Succollat, quando libet, eam, (Nemefin) & quando deponit,

Vertitur à se rotans cum ligno bifurci,

Ac si putes illum afflatum numine ligni.

At vero gestabantur graviora quoq; simulacra ex ebore, argento, auro. Quin imo vivi homines quandoq; in speciem deorum adornati gestabantur. Julius Obsequens c. 130. *Puer in pompa victoria cultu cum ferretur, ferculo decedit.* Hic pompa non triumphali cujus est intelligenda, sed Circensis. Nam eo quidem tempore, quo hoc factum, M. Lepido nimirum, & Munacio Planco consulibus, nullus fuit habitus triumphus, uti discimus ex Dione, qui annum eum describit lib. XLVII, memoraturus sine dubio, si quis habitus fuisset. Nempe *pompa* excellentiori notione Latinis illam

significat Circensem. In hac igitur Circensi pompa latus puer est in ferculo, cultus habitu victoriæ, quod fieri vix potuit, nisi genus alterum intelligamus, quod diximus. Fuitq; genus hoc vel nihil, vel perfecto parum dissimile illi, quod in pompa triumphali Josephum pegma nominare ostendimus. Nec abludit multum, quod exhibuit in Circensi pompa Onuphrius, sive habuit ex monumentis, sive, id quod verius existimo, ex ingenio confinxit. Sed quid est, quod ait Tullius Officiorum I. *Cavendum est autem, ne tarditatibus utamur in gressu mollioribus, ut pompæ ferulis similes esse videamur.* Possunt hic existimari tarditates in gressu ipsiis etiam ferulis à Tullio tributæ, quod haud facile est intellectu. Ideo & Nizolius non fercula, sed ferculos, id est homines ferentes sive bajulos intelligendos putavit. Verba ejus: *Fortasse melius* (non, hoc ferculum, sed) *hic ferculis, ut bajulus diceretur.* Nam non est dubium, quin hoc loco pro iis, qui vasa simulacra, deorum, & id genus alia in pompa seu triumpho ferunt, accipiat, non ut pleriq; omnes existimant, pro epulis aut pulpitis, seu aliis quibusvis rebus: nam de incessu loquitur tardiore, qualis eorum solet esse hominum, quos id genus pompas ferre videmus. Incessum tardiore non putavit convenire ferulis instrumentis, sed ferulis hominibus id est gerulis sive bajulis, quos & ferculos existimavit dictos. Verum ferculos homines ad hunc diem non opinor observasse quenkum. Neq; opus, ut huc abeamus. Possunt enim fercula intelligi hoc loco ratione alia. Quod ut apte fiat, observandum, simulacra illa non fuisse omnia ejusdem generis, alia enim erant solida, & ex materia eadem confecta tota, ebore puta, ære, auro. Hæc portabantur vel in ferulis crucium speciem habentibus sublati in altum, unde *suggestus imaginum* dixit Tertullianus supra, quoniam gerebantur in sublimi. Alia vero capite pectoreve tenus ex materia solidiori, cætera erant cava vestibisq; ornata, intra quas se abdere homo, motuq; suo simulacrum ipsum mobile ac animatum quasi reddere poterat. Ita simulacrum, ipsum incedere ac ambulare videbatur. Estque moris hujus vetustissimi servata hodieq; ratio nonnulla apud Aquisgranenses, apud quos quotannis simulacrum Caroli Magni à latitante

latitante sub toga viro circumfertur in processione, uti vocant, solenni, sic ut ipsa viva incedere videatur. Initium illius rei sine dubio ab illa deorum circumgestatione, ac mox Cæsarearum imaginum prolatione simili, tempore ludorum Circensium desumptū. Atq; sic solebant & in pompa Isidis, de qua Apulejus lib. XI. egregie. *Nec mora, cum dei dignati pedibus humanis incedere, prodeunt: hic horrendus ille superum com meatōr & inferum, nunc atra, nunc aurea facie sublimis attollens canis cervices arduas Anubis, leuā caduceum gerens, dextra palmam virentem quatiens. Cujus vestigium continuum sequebatur bos in rectum leuata statum, bos omniparentis deæ fecundum simulacrum, quod residens humeris suis proferebat unus è ministerio beato, gressu gestuoso.* Per omniparentem deam, Isidem intelligit, quæ sub bovis specie in pompa illa circumlata. Circumlata verò ab uno, quod notandum, & quidem residens in humeris, leuata in rectum, velut ambularet, quod non intelligitur, nisi de eo, qui imaginem illam, humeris sustentatam intus regebat. Itaq; velut de bove viva, *sequebatur bos.* Idem & de Anubi intelligendum, nam & ipsum *attulisse cervices canis arduas ait, gessisse palmam, contulisse caduceum,* quod fiebat omne ab eo, qui intus latitabat. Unde deos illos ait *incessisse,* verum *pedibus humanis,* quia hominem bajulantem habitu suo contegebant. Neq; aliud est apud veteres, *portare Anubim,* quam hanc ejus effigiem indutam, ut nunc diximus, gestare in pompa Isidis. Lampridius vita Commodi cap. 9. *Sacra Isidis coluit, ut & caput raderet, & Anubim portaret.* Spartianus vita Caracallæ, c. 9. *Mihi mirum videtur, quem admodum sacra Isidis primum per hunc Romam venisse dicantur, quum Antoninus Commodus ita eae celebrauerit, ut & Anubim portaret.* Annotat hoc loco, rem fuisse singularem, quod Imperator ipse Anubim portauerit. Videlicet hoc fieri per ministros sacerdotum alias consueverat. Apulejus supra: *humeris suis proferebat unus è ministerio beato.* Signiferos vocarunt Imperatores Honorius & Theodosius l. 2. lib. XIV. t. 7. C. Theod. ex qua intelligimus, fuisse aliquando & in corpus certum ac collegium consociatos. Quin imo homines viliores, etiam pravi ac nocentes adhibiti, modo valentes essent, ac gestare de-

center valerent. Inde namq; Tertullianus: *Ipsos deos vestros sæpe noxij induunt.* Bene dicit, induunt. Nimirum indui vestimenta proprie dicuntur, quando applicantur corpori, hominesq; illa subeunt vel intrant, à *subeo*, quod est *subeo, ingredior*. Sicut ergo induuntur illa, ita pulchre vocabulo isto declarat & illa deorum simulacra induisse, neq; probos tantum, sed & improbos. Cum præsertim ipsa quoque vestimentis colerentur. Ita namq; colligi licebat ex victoriæ cultu, quam supra Obsequens nominavit. Similes victoriæ leguntur & in pompa sacra Ptolemæi apud Athenæum lib. V. c. 7. *Proxima*, ait, *fuere victoriæ cum alis aureis, thymiateria ferrentes, tunicis vestita animalium figura depictis.* Atq; ita res se habuit in cæteris ejusmodi simulacris, quorum vestimenta quoniam superinducta vel injecta simul habebant sibi, qui gestabant, ideo induere deos Tertulliano dicebantur. Qui similiter & alibi: *Qui vivus cremebatur, Herculem induerat.* Habebant autem sic injecta sibi, ut eis recti conspici non possent, quod apud Senecam, *sub pompa latere.* Verba extant ep. 24. *Non hominibus tantum, sed & rebus persona demenda est, & reddenda facies sua. Quid mihi gladios & ignes ostendis, & turbam carnificum circa te frementem? tolle istam pompam, sub qua lates, & stultos territas. Mors es, quam nuper servus meus, quam ancilla contempsit.* Dicit, mortem, ut se faciat terribiliorem, conspiciendam se præbere non sua facie, sed sub persona carnificum, gladiatorum, ignium, sicut solent in pompa sæpe viliores homines latere sub personis deorum dearumq;, quando ipsas circumferunt, ac se reddere venerabiles. Putare namq; spectatores simpliciores, hic Jovem, ibi Æsculapium incedere, verum si dematur pompa, si tollantur, si relegantur vestimenta, sub quibus latent, sæpè minutum aliquem homuncionem, sæpè noxium deprehendi. Atq; hæc jam illa fercula, quibus ne fiamus similes tarditate in gressu, Cicero cavendum ajebat. Nempe qui gestabant, ut magis repræsentarent majestatem dijs convenientem, incedebant tarde, sicut hodieq; in Carolum Effigie observare meminimus, cum versarer Aquisgrani. Hoc Cicero putabat parum viris convenire. Viri nempe uti gradu debent. Dij non gradiuntur,

non movent pedes, verum fluunt, cum appropinquant, quibus qui gestabant eorum simulacra, similes se volebant facere. Calasiris apud Heliodorum lib. III. *Æthiop. Dij & numina venientia ad nos, & à nobis recedentia in alia animalia rarissime, in homines autem ut plurimum sese transformāt, ut visum in somniis esse opinemur, nobis imponentes. Quamvis igitur profanos homines latuerint, tamen quin à sapiente cognoscantur, effugere non possunt, sed ex oculis notari possunt, cum continuo obtutu intueantur, & palpebras nunquam occludant, καὶ τὸ βᾶδίσματι πλέον, ἢ κατὰ δίδεσθαι τοῖν ποδῶν, ἢ δὲ μάλ' αἰθεῖν ἀνυομένω, ἀλλὰ καὶ τινα ῥύμω ἀέειν, καὶ ὅρμιν ἀπαρὰ πόδισιν τεμνόντων μᾶλλον τὸ θεέχον ἢ διαπαρευομένων.* Et magis etiam ex incessu, qui non ex divaricatione pedum, neq; transpositione existit, sed ex quodam fluxu aëreo, & vi expedita gradientium magis auras, quam transeuntium. Hæc Calasiris doctrina, de incessu deorum, quam ut probet auctoritate aliorum, addit, Ægyptios ob hanc causam formasse deos junctis pedibus, non divisis instar gradientium. Διὸ δὴ καὶ τὰ ἀγάλματα τῶν θεῶν Αἰγύπτῳ τὰ πόδε ζευγνῶτες ὥσπερ ἐνέοντες ἱστᾶσιν. Quamobrem statuos quoq; deorum Ægyptij ponunt, conjungentes illis pedes, & quasi unientes. Atq; sic videmus in tabula, sive mensa Isiaca Pignorio illustrata, quem hoc inobservatum transmississe miror. Item in ipsis Ifidis icunculis, quæ insuuntur cadaveribus, atq; passim habentur apud talium studiosos. Postremo ne Homerum quidem ignorasse ait, verum docuisse illis versibus:

Ἰχνα γ' δ' μέλοιται θεῶν ποδῶν ἢ δ' ἐκνημάων
 Πεί ἐγνων ἀπλόντ' &. Ἀέζωντοί τε θεοί περ.

Quod ita vertit Bourdelotius.

*Namq; pedum crurumq; simul vestigia pone,
 Perfacile agnovi remeante, auresq; secante.
 Dij quoq; cognosci possunt, certoq; notari.*

Quia ergo dij non credebatur ambulare commotis & diductis pedibus, unoq; ante alterum per vices positis, ut solent homines, sed junctis immotisq; potius fluere, idcirco, & qui simulacra eorum gestabant in pompa, hoc imitabantur, quod in hominibus virisq; Cicero inconveniens putavit. Et hæc expositio verborum ejus, nemini, quod sciam, evidenter satis tradita. Nec repugnat, quod

in verbis præcedentibus *gressum gestuosum* Apulejus in bove Ifidis notaverat, id enim privatim pertinebat ad bovem, cuius speciem præ se ferre debebat is, qui sub pompa latebat. Sub *pompa* dico, exemplo Senecæ, atq; ipsam imaginem bovis intelligo. Ita namq; solebant, Græcos imitati, ut opinor, quibus similiter πομπή res quælibet, quæ in pompa transvehitur. Casaubonus ad lib. V. Athenæi, c. 7. Πομπή significat res singulas in pompa transvectas, sive, ut Latini loquuntur, singula pompa fercula. Sic intellige de secunda pompa: ἐπειδὴ ἡ τοῖς βασιλείων γονεῦσι καλῶ νομασμένη. Sequebatur Luciferi simulacrum, ferculum divi parentibus regis & reginæ sacrum. Deinde auctor multas πομπὰς in unum cogit, & ait, μετὰ δὲ ταύτας αἱ τῶν θεῶν ἀπάντων, ὁμοίαν ἔχουσαι τῆς θεῆς Ἰνδῆς ὧν αὐτῶν ἰσχυρεῖς διασκευῶν. Quæ ita erant vertenda: Post has sequebantur deorum omnium pompa (hoc est imagines) ornato eo, qui historia cuiusq; illorum conveniebat. Per ornatum historiæ illorum convenientem intelligit Athenæus talem, qualem supra in Ifide ac Anubī notavimus. Ad eundem enim modum Jupiter cum corona & sceptro, Saturnus cum falce, Neptunus cum tridente, cæteri cum alijs id genus insignibus incedebant, amicti de cætero vestimentis splendidissimis. Quomodo in Antiochi pompa factum, de qua idem Athenæus capite præcedenti. Πάντων τῶν παρ' ἀνθρώποις λεγομένων ἢ νομιζομένων θεῶν ἢ δαιμόνων, προσέτι δὲ ἡρώων εἰδωλα διήγρητο, τὰ μὲν περὶ ἡρώων, τὰ δὲ ἡμιθεῶν, σοφῶς διακρίσεις. Omnium, quotquot apud homines vel creduntur, vel dicuntur esse dii aut demones, atq; adeo heroum simulacra gestabantur, alia inaurata, alia stolis aureis induta. Qui ergo dicitur apud Senecam latere sub pompa, is dicitur latere sub sacra imagine, proprie vero sub vestimentis illis imaginis, sub quibus tectus, gerebat movebatq; imaginem ferculo innixam, quod incumberebat ejus humeris. Videturq; consuetudo hæc fuisse nota etiam antiquissimis temporibus, memorataq; ac reprehensa in Judæis ipsis à Propheta Isaia c. 46. ubi ait: *Confertis aurum de sacculo, & argentum statera ponderatis conducentes artificem, ut faciat deum. Et procidunt, & adorant, portant illum in humeris gestantes.* Procopius profecto ad hunc locum: Φασὶν ὡς ἐν ταῖς τῶν δαιμονίων πομπαῖς ἐκκομίζοντες ἱερεῖς τὰ ἀγάλματα φερόντες ἐπὶ ὤμων τὰς πλά-

~~τῆς αὐτῆς πομπῆς διασκευῆς.~~ *Facere hoc dicit, sicut in pompis demonum sacerdotes deferunt imagines gestantes in humeris, & per plateas bajulantes incedunt.* Venio nunc ad fercula funebria. Habebant enim aliquando fercula & in funeribus. Ac primum quidem ijs deportati peregre defunctorum cineres, si fuissent in auctoritate summa constituti. Sic enim de cineribus matris fratrisq; Cai imperatoris Svetonius c. 16. *Per splendidissimum quemq; equestris ordinis medio ac frequenti die duobus ferculis Mausoleo intulit.* Ita habent libri. Quanquam alij exhibeant *fericulis*, quod non existimo contemnendum. Sic enim requirit ratio analogiæ, uti ab initio est dictum, neq; insolens Svetonio, hujusmodi attendere. At *forulis*, quod in nonnullis legitur, huc facit nihil, ac ne scriptum quidem ita puto, verum *forculis*. Nempe utroq; modo & *ferculis* dicebant, & *forulis*, quomodo *adversus* & *advorsus*, *advorto*, & *adverto*, atq; alia id genus. Sed quæ hæc fericula, seu fercula funebria? Casaubonus ait, fuisse instrumenta, in quibus cineres erant. *Fercula*, inquit, appellat pompatus, ut dicam cum Tertulliano, *instrumentum, in quo cineres erant, cum inferrentur in Mausoleum, ob similitudinem aliquam ferculorum triumphalium.* At vero ferculum dici, cui quid inest, hæcenus non puto lectum esse. Ac repugnat ratio vocabuli, quod non signat rem, quæ aliam contineat vel concludat, verum in qua alia gestetur. Cineres non ferculis includebantur, hoc enim reperimus nusquam, verum urnis. Scholiastes Lycophronis: *Mos erat, peregre mortuos cremare, cineremq; ipsorum urnis inclusos in patriam perferre.* Adde reliquos, qui de funeribus scripsere. Neq; dubitandum de cineribus matris fratrisq; Cai. Svetonius expressit, paulo ante allata superius: *Ad transferendos matris fratrisq; cineres festinavit, tempestate turbida, quo magis pietas emineret, adiung. venerabundus, ac per semel in urnas condidit.* Non condidit in fercula, sed in urnas, sicut moris fuit. Quando igitur sequitur, duobus intulisse ferculis, non dicitur duabus urnis, sed hoc indicatur, urnas istas collocatas super fercula fuisse, atq; illatas Mausoleo, id quod singulare fuit. Agrippina certe ipsa mariti sui cineres gestat in ulnis. Tacitus III. An. i. *Postquam duobus cum liberis feralem*

urnam tenens egressa navi. Alij in humeris. Idem statim post, de
 iisdem cineribus & urna. *Igitur tribunorum centurionumq; hume-
 ris cineres portabantur.* Nulla ferculi hic mentio, quod fit in de-
 portatione cinerum superius dictorum. Ergo hoc peculiare fuit,
 voluitq; sine dubio divinis pæne honoribus afficere matrem fra-
 tremq; per imitationem ferculorum, quibus in Circensi pompa
 dici circumferebantur. Dio lib. LIX. fecisse putat more trium-
 phantis, quia fuit indutus prætextam, cum funus duceret. Τὸ ἰσά-
 των τὸ περισπῶς φερον ἐνδύς, καὶ ποδὶ δέχοις τισὶν, ὡς περ ἐν ἐπικηλοῖς κοσμηθεὶς.
*Prætextam amictus, ac lictoribus ornatus, tanquam in triumpho quo-
 dam.* Verum quomodo hæc ad triumphum possint referri, non vi-
 deo, quoniam omnia pietate singulari fieri, Cæsus credi voluit.
 Magis est, ut credamus imitatum eos, qui deducere pompam Cir-
 censem solebant. Nam & illi splendidissime vestiti fercula & then-
 sas comitabantur, sicut insequentibus dicemus. Unde Casaubo-
 nus quoq; rectius fecisse credi potest, si in verbis præcedentibus
 pro ob similitudinem aliquam ferculorum triumphalium, ferculorum
 Circensium scripsisset. Quine illud quidem mihi probat, quod hæc
 Cai fercula existimat fuisse pæne eadem cum tropæo in funere Ju-
 lij. Verba ejus ita habent, paulo post superius allata. *Svetonius
 vocem tropæum non multo aliter usurpat extremo libro primo in fune-
 re Julij.* At ego nihil video, in quo convenient tropæum illud &
 hæc fercula. De tropæo sic Svetonius: *Intra lectus eburneus, auro
 ac purpura stratus, & ad caput tropæum, cum veste, in qua fuerat occi-
 sus.* Hic tropæum notat perticam, cum transverso baculo in sum-
 mo, defixam ad lecti caput, quali in pertica etiam spolia hostilia su-
 spendi solebant. At fercula Cai non fuerunt perticæ, sed palpita
 extructa. Deinde Julij tropæum suspensam habuit vestem, in qua
 fuit occisus. At fercula Cai urnas non suspensas, veram impositas.
 Equidem tropæa illa, quoque fercula vocata, sicut supra demon-
 stravi, tamen alia illorum species, alia horum, de quibus hic est ser-
 mo. Nisi putamus illud voluisse Casaubonum, Svetonium in fu-
 nere Julij illud instrumentum Pompatius appellasse *tropæum*, sicut
 hic Pompatius usurpavit *ferculum*. Quicquid de hoc sit, Cai fercula

non alia fuisse mihi videntur, quam qualia in Circensi pompa fuerit usitata, & à Grammaticis plutei explicantur. Itaq; gestata non ab uno, verum pluribus, quod innuit Svetonius, quando ait, intulisse cineres per *splendidissimum quemq;* ordinis equestris, quod accipi, nisi de pluribus, non uno tantum aut duobus, nequit. Præter hæc fercula habuerunt & alia in funeribus, quorum mentionem facit Statius lib. VI. Theb.

*Portant inferias, arsurag, fercula primi
Grajorum, titulisq; pios testantur honores
Gentis quisq; sue —*

Argolus in Notis ad Onuphrium hic sermonem esse putat de Pheretris, sed sine dubio est falsus. Nam intelliguntur *munera* præferri solita, ut Svetonius appellat in vita Julij cap. 84. Hæc enim simul cum mortuo cremabantur injecta igni, non pheretra (sic enim legendum apud Argulum, pro *pharetra*, quod vitio typographi nunc habetur) Ideo quoq; Statius *arsura fercula* dixit in superioribus, quod ad pheretra non pertinet. Fuerunt autem ea munera non modo lances plenæ thure, de quibus Meursius in Funere c. 22. locum hunc accepit apud Statium, sed & rerum aliarum, vestium, armorum, ornamentorum; nec sequebantur lectum funebrem, sed præibant. Svetonius dicto Julij loco: *Præferentibus munera suffecturus dies non videbatur.* Dicit aperte, *prælata* illa munera, cui autem, nisi lecto funebri mortuoq; nam de alio intelligi non potest. Mox & munera enarrat. *Turba*, inquit, *quicquid ad donum aderat, congeffit: Deinde tibicines & scenici artifices vestem, quam ex instrumento triumphorum ad presentem usum induerant, deiractam sibi atq; discissam injecere flammæ, & veteranorum militum legionarij arma sua, quibus exculti funus celebrabant. Matronæ etiam pleraq; ornamenta sua, quæ gerebant, & liberorum bullas atque pretextas.* Hæc munera in funere Julij confuse quidem ingesta, in alijs vero lata ordine, ac ut discimus ex Statio, imposita ferculis peculiaribus, quo conspectiora, splendidioraq; omnia evaderent. Id enim Statius voluit verbis allatis, indeq; partem non exiguam constitit nomenq; habuit suum, quod *pompa funebri* appellabatur. Silius voca-

vit feretra, quæ Staius *fercula*. Ita namq; ait lib. X. ubi agitur de funere Pauli.

*Non conjunx native aderant, non juncta propinquo
Sanguine turba virum: aut cessis de more feretris
Præcedens prisca exsequias decorabat imago.*

Quânquam Silius non agat de muneribus cremari solitis, sed imaginibus familiaribus ex cera factis, quæ & ipse ante lectum funebrem in ferculis gestabantur, vel ut ait Silius, in feretris. Quin imò videntur aliquando non defunctorum modo, sed & viventium gestasse imagines, præsertim virorum principalium ac magnorum, ut splendidius esset funus: easq; imagines habuisse non in perticis longioribus solidas, sed super vivos homines, intus latitantes, ut in pompa Circensi solebat. Sic enim accipienda puto verba Svetonij, quæ habentur in Vespasiani vita cap. 19. *Et tamen ne sic quidem pristina cupiditatis infamia caruit.* Vespasianus. *In funere Favo archimimus personam ejus ferens, imitansq; ut est mos, facta ac dicta vivi, interrogatis palam procuratoribus, quanti funus & pompa constaret, ut audiuit HS centies, exclamavit, centum sibi sestertia darent, ac se vel in Tiberim projicerent.* Casaubonus ait, morem hunc servatum in funeribus divitum virorum ac insignium, videlicet ut præirent scurræ ac mimi, adducitq; super ea re Dionysij Halicarnassensis testimonium, qui sic habet lib. VII. *Quia etiam in illustrium virorum funeribus præter alias pompas vidi & Satyricos choros, qui lectulum præcedebant, & sicinnem saltationem saltabant. Præcipue vero in fortunatorum virorum funeribus.* Sed Dionysius hic agit de ijs qui saltabant, habituq; Satyrorum cum pellibus caprinis & similibus erant ornati. Svetonius de mimo, qui ferebat personam Vespasiani, quod ad Satyros nil pertinet. Nec enim ferebat ita, ut repræsentaret Satyros, sed ut imitaretur *facta ac dicta vivi*. Quânquam hic Torrentius ex quodam libro veteri legendum putat *viri*, non vero *vivi*. Nam ait, *imperitus quispiam, quia funeris fit mentio, vivi, substituit.* Verum ego censeo locum longe aliter accipiendum, quam fecisse Torrentius videtur. Existimavit, ut opinor, Torrentius, sermonem esse de funere aliquo, quod cujus fuerit, indicare

Sveto-

Svetonius omiserit. At mihi sermo esse de ipsius Vespasiani funere videtur. Itaq; retineo *vivi*, ut sit sensus, expressisse Favum illum; & imitatum esse facta & dicta non *viri*, quod hic nimis frigidum, nec facile sic absolute de incerto ignotoq; ponitur, sed *vivi* Vespasiani. Sic enim conveniens erat, quia personam ejus ferebat. Scilicet receptum erat, ut lectum funebrem præirent non imagines familiæ solummodo, sed imago ejus quoq;, qui efferebatur. Dio de funere Augusti lib. LVI. *Imago autem ejus cerea, habitu triumphali conspiciebatur. Hanc à palatio ducebant consules designati. Altera aurea ex curia, tertia in curru triumphali ducebatur.* Sicut ergo hic in funere Augusti anteibat Augusti imago, ita plane & in funere Vespasiani. Sed gerebat Vespasiani imaginem Favus, qui simul omnia facta dictaq; vivi exprimebat. Debebat nempe similem se exhibere vivo, sicut hodieq; videmus fieri in funeribus magnatum & nobilium. Anteferunt loco imaginum vexilla cum insignibus avorum atq; proavorum. Sequitur cataphractarius, equo insidens, pulcherrimè ornatus, qui vivam mortui referre debet effigiem. Consuetudo ista tota ex Græcis Romanisq; funeribus translata est ad nostra. Nam & in illis ita defuncti præcedebat imago, interdum nuda simplexque, interdum animata expressaq; dictis factisq; per eum, qui latens in ferculo gestabat. Quomodo in funere Vespasiani factum, unde quoque Favus tulisse personam Vespasiani. Svetonius ajebat. Nam *ferre personam* alicujus mea sententia hic significat gestare effigiem in ferculo, atq; gestu corporis ac oratione exprimere eum, qui ejusmodi effigie significatur. Neq; dubito, quin hæc locutio sit propria translata deinde ad personas quaslibet, & personarum functiones. Quomodo & *imponere personam* usurpatur, item *induere personam*. Nam *induere personam* dicitur, sicut supra *induere deos* à Tertulliano demonstravimus usurpari. *Imponere* vero, sicut imponere imaginem humeris, de quo pariter est actum. Quando igitur Svetonius de Favo ait, tulisse personam in funere; de persona Vespasiani debet intelligi præcedente lectum funebrem, quam ferebat Favus, sicut quandoq; ferri personæ ac imagines deorum solebant in ludis Circen-

fibus, ac velut vivam exhibebat gestu ac oratione. Pertinebatque huc, quod sequitur apud ipsum, quæ sive, quanti constaret funeris pompa, item petiisse, dari sibi centum festertia, & vel in Tiberim se abjicerent. Hoc enim conveniens erat funebri negotio, & sepultura jam jam peragenda, & cupiditatem pristinam Vespasiani infamia quadam perstringebat, de qua ab initio Svetonius testabatur. Ut proinde liqueat, non *viri*, quod putabat Torrentius, apud eum legi oportere, verum *vivi*, ut sit sensus, fuisse hanc consuetudinem Romanorum, ut ante funera magnatum irent, qui gestarent simulacra defunctorum, non muta & immobilia, sed à ferentibus animata per gestus, facta, dicta, quæ conformia essent factis dictisq; eorum, cum adhuc essent vivi. Dico, hanc fuisse consuetudinem, quoniam expresse Svetonius hoc factum testatur, *ut est mos*, quod à nemine hucusq; puto esse observatum. Ad postremum sunt & fercula funerum Plinio memorata lib. X. c. 10. ubi de milvis; *Notatum in his, rapacissimam & famelicam semper alitem nihil esculenti rapere unquam ex funerum ferculis*. Sed hæc fercula, qualia jam ab initio nobis exposita, plena cibis, quæ in tumultis defunctorum dijs manibus apponebantur. B. Augustinus ferm. XV. *Miror, cur apud quosdam infideles hodie tam perniciosus error increverit, ut super tumulos defunctorum cibos & vina conferant, quasi egressa de corporibus anima carnales cibos requirant*. Delechampius de cœna funerali accepit. *In funeribus*, ait, *cœna lauta apparabatur, quam ad rogam delatam cum defuncto cremarent*. At hoc alienum est huic loco. Nam si cremarunt, quid fuit mirum, si ex ea milvi nihil rapuerunt? Itaq; non de ista cœna sermo est, sed cibis postea repetitis vicibus tumulo imponi solitis, ut dixi. Quo respexit & Tertullianus in de Resurrectione Carnis, ubi ait: *At ego magis ridebo vulgus, tunc quoque, cum ipsos defunctos atrocissime comburit, quos postmodum gulosissime nutrit*. Malè referunt ad cœnam funeralem, quod apparet, quia manifeste ait primum combustos, & post demum nutritos. Et servatur hodieq; consuetudo illa apud Moschos, neque Suecis veteribus, alijsq; populis Septentrionis ignorata fuit.

Cap. IV.

De Sellis cathedrisque.

Sella gestatoria, portatoria, Fertoriū. Sella procurata. Aurelianus exponitur. Barthius & Chimentelius notantur. Fertulum. Savaro rejicitur. Sessio bajulatoria Διῶς & . Alius est à lectica, & quæ illa differrentia. Sella alta. Lubinus aliq. notati & juvenalis explicatus. Sella differebant à cathedris. Cathedra mulierum. Sedere inter cathedras. Cathedra longa. Scamna. A Vossio diffensum. Varro explicatur. Gradus & scala differunt. Subsella. In his sedent. Sella feminarum mollior. An clausa. Διῶς & καλὰς & εὖ & à quo inventus. Est virorum. Καλὰς & εὖ quid. Quomodo clausa muliebris sella. Suetonij locus examinatur. Adoperta sella. Sella triplex. Plinius exponitur. Sella laxior, angustior. Sella num acceperit duos. Sella & sedes differunt. Locus Taciti exponitur. Lipsius revellitur. Gestantur etiam qui sunt in curru. Sellula. Sella pellicea, offea, eborata, argentata. Lampridius corrigitur. Pellis. Chimentelius notatur. Sella bracteata. Cervicalis sella. Lecticarij, sellarij, cathedrarij. Bini sellam portant. Lubinus & Gonsalvus notantur. Aliquando plures. Hexaphoron. Late vehi, quid. Lecticarii donati uxoribus. Conductitij lecticarij. Sella ad iter infirmioribus, mulieribus, delicatis. Sella ad custodiam pudoris. Impudentiores conspiciendas sese dabant, quod pravis temporibus habitum civile. Sellam meretrices aperiebant pro sedæ, sellariæ. Sella virorum. Sella patronorum. Lubinus & Chimentelius rejecti. In sellis legebant, dormiebant. Sella in viis publicis commoditatis & occultationis causa. Noxii sellis deportati. Arcus sella. Chimentelius & Pignorius rejecti. Sella debiliū. Marcellinus exponitur. Sella ad exercendum corpus.

Tertium vehiculorum genus, quod gestari solet, sella est, ad differentiam aliarum gestatoria vocata. Plures enim sellæ apud veteres fuerunt. Aliæ stabiles ac fixæ, aliæ mobiles quidem, sed tamen domesticæ. Quædam proferebantur etiam in publicum, ut peculiari opere vir egregius, Val. Chimentellius docuit, quo marmor Pisanum de honore bisellij, pulcherrimè illustravit. Et il-

lustraturus erat pluribus, nisi præmatura mors dignum longiori vita intercepisset. Dum enim ista scribimus, nuntium de erepro eo bonis artibus ac litteris accipimus ingratum. Inter eas ergo sellas, quæ proferri solebant etiam in publicum, gestatoria est. Svetonius in Nerone. c. 26. *Interdum quoque, clam gestatoria sella delatus in theatrum.* Cælio Aureliano *sella est portatoria* lib. I. c. 1. istis verbis: *Ante cibum præterea erit adhibenda gestatio, portatoria scilicet sella, sine vehementi motu.* Eidem etiam *fertoria*. Sic enim habet lib. I. c. 5. *Levem & delectabilem adhibeat gestationem, ut fertoria sella, vel cathedra.* Dixit & *fertorium* in neutro. Verba ejus lib. I. c. 1. *Adhibenda igitur vectatio pro viribus agrotantis, fertorio, vel sella procurata.* Quærunteruditi, quæ hoc loco nominetur *sella procurata*? Barthio Adversar. lib. XLI. c. 25. est, ad id commodè instructa, & necessarijs omnibus curata. Chimentellio, prompta, provisâ, curata. Mihi contra videtur sella nulla unquam *procurata* dicta. Nam apud Aurelianum illud *procurata* non ad sellam puto referendum, verum longius præcedentem *vectationem*. Dicitur *vectatio procurata fertorio vel sella*, quæ hoc genere vectabuli instituitur. Quomodo *somnia procurata mola salsa* Tibullus lib. I. eleg. 5. sensu licet alio, usurpavit. Nam *procurare* hic compositum, pro simplici *curare*. Jam vero usitatum *curare corpus cibo, curare corpus somno*. Possumus igitur pari ratione dicere, *procurare vectationem fertorio*, quod hic viri docti cogitasse non videntur. Porro Savaronem video ad lib. I. ep. 12. Sidonij notare, Asconium pro *fertorio* usurpasse *fertulum*: Verba ejus: *Ditiores portabantur in lectica, quæ sella portatoria Cælio Aureliano, & fertulum Asconio III. in Verrem.* Verum eo loco nil de sella invenias apud Asconium. Nec de *fertulis* ibi agitur, sed *ferculis*, qualia in triumphis usurpari solebant, quod jam in superioribus monstratum est. *Ferculis*, inquit, *signa ante triumphantem vehi per pompam solebant.* Pro *ferculis* in suo codice Savaro legit *fertulis*, & accepit de sellis vel lecticis. Sed nec ibi *fertulis* legitur, nec si legeretur, ulla ratione capide lecticis sellisve deberet, quippe quorum usus nullus unquam ad gestanda in triumpho signa fuit. Ergo melius fortasse, quod Savaro idem tradit

ex Aureliani lib. I. c. 15. dici quoq; *sessionem bajulatoriam*, nam Aurelianus ipse quidem nunc ad manus nobis non est: & potest *sessio* non de sella tantum accipi, sed & cathedra & scamno, cum & in his gestari solerent. De cathedra notum ex superioribus. De scamno legimus apud Celsum lib. II. c. 14. *Gestationum vehementior est in alto mari navi, vel lectica, aut scamno*. Græci sellam, qualem hic exponimus vocarunt *διζπον*, uti liquet ex Dionis Cassij lib. LX. verba postea proferemus. Erat autem non eadem cum lectice, quod Savaro censuit, sed plurimum diversa. Distinxeruntq; veteres clarissime. Svetonius in Domitiano c. 11. qui solus sufficit: *Habitabat cum patre una, sellamq; ejus ac fratris, quotiens prodirent, lectica sequebatur*. Diversitas hæc in eo primum, quod in sella sederent, sicut verbum ipsum docet, contra cubarent in lectica, quod jam Lipsius notavit. Deinde, quod sella esset altior, lectica longior; sic enim necesse erat, postulabatq; in altera quidem habitus sedentis, in altera vero habitus cubantis jacentisve. Respexisse huc existimo Juvenalem Sat. III. v. 135. cum sic canit:

Cum tibi vestiti facies scorti placet, hæres,

Et dubitas alta Chionem deducere sella.

Sellam albam explicant Lubinus, atq; alij, qua meretrix, cui nomen Chione, alte vehebatur per urbem ac superbe. Chimentellius primo sellam intelligit non gestatoriam, sed *ubi maneret amassios*: quam putat dictam *altam*, ut *lupam* demonstraret non tam curti assis, aut vulgaris indicaturæ, sed difficilem, magnoq; pretio comparandam. Sed qui explicari possit *alta*, propter magnum pretium, quum Chione, charis illis atq; difficilibus opponatur? Præcedit nempe apud Juvenalem

— *Alter enim, quantum in legione Tribuni*

Accipiunt, donat Calvina, vel Catiena,

Vt semel atq; iterum super illam palpitet —

His adulteris magno precio comparandis opponit Chionem, scortum precij minoris, ut vulgatum, & in sella per plateas ostentare, mercesq; venalitias proponere solitum. Ut proinde sella ejus alto modo eo, quo volebat Chimentellius, accipi haud queat.

Deniq;

Deniq; ipsa ratio loquendi valde dura est, si *sellam altam* usurpatam pro meretricula ingentis pretij diceremus. Sed nec *alta sella* propriè *superba* est, quod Lubinus putabat, verum revera exstructa & ædificata in altum. Scilicet, ut dixi, quoniam in ea sedebant, idcirco extrui altius necesse erat. Videturq; in sellis æstimatum, si essent altæ, tantoq; habitam splendidiorem quamlibet, quanto altior existeret: tantoq; vulgatiorem, quanto esset humilior, aut depressior. Quo respectu quoq; potest fieri, ut *altam sellam* cum epitheto Juvenalis dixerit, intellexeritq; non vulgarem, sed splendidiorem, qua se circumferri Chione juvenum alliciendorum gratia voluerit. Non autem à lecticis solum, sed & cathedris diversæ sellæ fuisse videntur. Cælius Aurelianus sanè supra indicato loco: *Levem & delectabilem adhibeat gestationem, ut fertoria sella, vel cathedra*. Tanquam res distinctas ponit. Similiter lib. II. cap. i. *Gestatione corpus movemus pro virium modo fertoria sella, sive cathedra*. Quæ harum inter se diversitas extiterit, haud liquet. Chimentelius fertoriam communem & vulgarem, cathedram honestiorem atq; instructiorem fuisse existimat. Sed hæc nuda est suspicio, nec in verbis quidquam allatis, quibus queat confirmari. Potius conjecerim cum Lipsio, sellas communes fuisse sexui utrique, cathedras pertinuisse tantum ad mulieres. Nam quod legitur apud Juvenalem Sat. I. v. 64.

— Cum jam sexta cervice feratur
Hinc atq; inde patens, ac nuda pane cathedra
Signator —

Id cum Scholiaste veteri de lectica malle explicare, qui sic ait: *Sexta cervice; lectica, faciente luxuria, à sex hominibus portabatur*. Quod si tamen, quoniam repugnat nomen cathedræ, quod à *vel dnm* sedeo, cathedram sic proprie vocatam quis hic pū et intelligendam, ne sic quidem alia, quam muliebris erit. Nempe sermo est de falsario, qui ut luxum ac mollitiem posset alere, per subsignationem adulterini testamenti hæreditatem alienam involavit. Itaq; non fuit inconveniens, quod ei cathedram attribuit Poeta. Indicavitq; eo, quia *multum* ait *retulisse de Mecanate supino*. Cum præsertim

sertim viri molliores uti sellis muliebribus haud abnuerint. Svetonius in Othone c. 6. *Tunc abditus propere muliebri sella in castra contendit.* Quæ hic sella muliebris, ea opinione mea apud Juvenalem cathedra. Igitur & mollis cathedra eidem Juvenali, quia fuit molli-ter pro delicijs & mollitie feminarum parata. Sic enim loquitur de Hippia mœcha famosissima Sat. VI. v. 90.

— — *Famam contemserat olim,*

Cujus apud molles minima est jactura cathedras.

Cathedra profecto alias ubique, nisi ubi sit respectus ad molliti-
em muliebrem, de solis usurpatur feminis. Phædrus noster lib. III.
cap. 9.

Hi speculum (in cathedra matris appositum fuit)

Pueriliter ludentes forte inspexerant.

Ita locum hunc legendum dixi ad auctorem ipsum. Liquet autem, eam cathedram in usus muliebres fuisse comparatam. Atq; ideo feminea est cathedra apud Martialem lib. XII. non quod esset etiam virilis, sed quod feminæ illa uterentur. Epigramma est ad Candidum, ubi agit de homine molli:

Hunc qui femineis noctesq; diesq; cathedris

Incedit, tota notus in urbe nimis,

Crine nitens, niger unguento, perlucidus ostro

Ore tener, latus pectore, crure glaber

Vxori qui sepe tuæ comes improbus hæret,

Non est quod timeas —

Sensus est, eum mollem delicatumq; vectum cum mulieribus in suis cathedris. Aliæ sunt cathedræ domesticæ, ut sic appellem, quibus confidebant pariter feminæ, sed domi suæ, nec confunden-dæ cum prioribus, quod fere facere video doctos. Talis illa Mar-tiali memorata lib. V. ep. in Cotilum, quam Rigaltius accipere de priori non debuit. Verba ejus, postquam quælivisset, quis sit bel-lus homo appellandus?

Inter femineas tota qui leve cathedras,

Desidet, atq; aliqua semper in aure sonat.

Sermo hic non potest esse de cathedris gestatorijs, quia dicit *inter cathedras*. *Inter cathedras* enim *sedere* dicitur is proprie, qui sedet in medio earum, qui cathedras illas habet circa se, quod intelligi hoc loco, nisi de domesticis, non potest. Has cathedras ad cætararum differentiam Juvenalis appellavit *longas*, quia gestatoriæ magis erant altæ. Verba ejus extant Sat. IX.

-- *Et strata positus, longaq; cathedra*

Munera fœmineis tractas secreta Kalendis.

Scholiaſtes vetus *ſcamna* explicavit. *Cervicalibus*, inquit, *ſcratum ſcamnum* dicit. At vero *ſcamna* Voſſius in Etymologico dicit *alta* fuiſſe *editaq;* ut *ſcandere opus eſſet*. Verum quomodo hoc demonſtrare valeat, haud video. Nam Varronis quidem locus, quem adducit, longe diverſum teſtatur. Verba ſunt in lib. IV. de L. L. *Quia ſimplici ſcanſione ſcandebant in lectum non altum, ſcabellum, in altiore, ſcamnum, duplicata ſcanſio gradus dicitur*. Non hoc loco dicit Varro, *ſcamna* ſic fuiſſe *alta editaq;* ut *ſcandere opus eſſet*, verum in lectos altos editioresq; ope ſcamni ſcandiſſe. Facit lectos triplices alios humiles, alios altiores, alios altiffimos, ut conſcēderent in humiles, adhibuiſſe ait *ſcabella*, quæ ſunt *ſcamna* minora & humiliora. Ut verò in altiores, adhibuiſſe *ſcamna*. Ut deniq; in altiffimos, adhibuiſſe *gradus*. Dicit autem *gradus* in eo fuiſſe diverſos à ſcamnis, quod illi duplicem haberent ſcanſionem. Et ſine dubio hinc *gradus* dicti ſunt. Duplicem enim ſcanſionem faciunt duo illi *gradus*, è quibus conſtabant, qui ἀπλως *gradus* dicebantur. In quo differebant à ſcalis. *Scale* habebant *gradus* plures, id eſt tabellas, alteram alteri certis intervallis in altum impoſitas, quibus inſiſtentes enituntur ſurſum. At vero *gradus* non habebant, niſi duas. Contra *ſcamna* non niſi unam tabulam ejusmodi, ſicut hodieq; videmus in ijs, quæ meis popularibus *Schemel*, Suecis *Pall* vocantur. Jam ſi unum tantum iſtiusmodi habuerunt *gradum*, non proſecto *alta* fuerunt, ut opus eſſet *ſcandere*, ſed *humilia* prorſus. Itaq; & *ſubſellia* ſunt dicta, quod Voſſius ipſe notavit. l. 2. lib. III. Cod. Theodoſ. de Contr. Empt. *Ut etiam ſi ſubſellia, vel ut vulgo ajunt, ſcamna vendantur*. *Subſellia* non fuerunt *alta*, ſed *minora ſellis*.

fellis. Varro lib. IV. de LL. *Vt subsipere, quod non planè sapit, sic quod non planè erat sella, subsellium dicebatur.* Vides, subsellium non fuisse planè sellam, sed minus aliquid, & humilius. Idem ergo & de scamno judicandum. Ideo & scamnis appositis in sellas adscendebant, hoc est subsellijs. Isidorus lib. XX. c. II. *Scamna sunt, quæ altioribus lectis apponuntur, dicta à scandendo, hinc & scabella, qui lectis parvis vel sellis ad adscensum apponuntur.* Scabella dicit, sive scamna parva apponi sellis, & subsellia intelligit. Subsellia enim scamna, & sæpe scamna parva, id est scabella; dicta scamna, quia super ijs adscendebant in lectum, subsellia verò, quia erant simul sellæ minutæ humilesque, ac in ijs sedebant. Nam in subsellijs sedisse, notum. Sveton. in Claudio c. 23. *Medium inter Consulium sellas, Tribunitio subsellio sedisse.* Expresse dicit, *sedisse*, simul sellis Consulium opponit subsellium tribunitium non profecto altius, qui enim possit tribunus in minori dignitatis gradu constitutus? sed humilior. Et quia idem fuit scamnum, cumq; scamno eadem cathedra domestica mulierum, hinc colligitur, & cathedram illam non fuisse pari altitudine cum sella consulari, multoq; minus gestatoria, quam existimo fuisse altiore. Alia proinde ista cathedra, & alia, quæ sellam gestatoriam significat. Non tamen quamlibet, sed femineam, ut dixi. Sed quæ differentia inter sellam muliebrem, & virilem? Ego certi nihil ad hunc diem reperi. Structuram non oportet multum fuisse diversam, quia idem utriq; nomen; quia viri quoq; interdum vecti sellis muliebribus. Ornatus quoq; tam distinctus esse vix potuit, quod tamen aliquibus video placere. An putamus sedem in his molliorem, quoniam conveniebat feminis; & est *mollis cathedra* apud Juvenalem Sat. VI. quam cum sella feminarum diximus fuisse eandem? Nam quod *mollem* dictam censet Turnebus propter pulvinaria, eo non probare possum, quia hæc in sella omni fuisse videntur. Feminarum verò mollis ideo, quia sedebant non in tabula, sed corio duplici, farcto tomento, loris binis pluribusve substratis suspenso, sicut hodieq; solet, mollioris sessionis grata. Sunt, qui feminarum quoq; putant clausam fuisse, non & virorum. Et huc trahunt illud Svetonij de Othone cap. 6.

Tunc abditus prope muliebri sella in castra contendit. Ac profecto legimus & apud Juvenalem Sat. I.

Ostendens vacuam & clausam pro conjuge sellam.

At quando dicunt, talem Græcis δίφρον κατὰ σέρον appellatam, hanc suam sententiam evertunt. Δίφρον enim κατὰ σέρον Claudiani est inventi, quod fatentur ipsi ex Dione, non in usus mulierum, sed virorum. Dio ita habet lib. LX. de dicto Claudio. Δίφρον κατὰ σέρον πρῶτον Ῥωμαίων ἐχρήσατο. Ergò δίφρον κατὰ σέρον magis ad viros pertinet, quam feminas; inventa quippe à viris, & ab iisdem usurpata. Sed κατὰ σέρον non puto denotare clausum & opertum, verum superne tantum tectum. Pollux lib. I. c. 9. τὸ ὑπὲρ τὴν κεφαλὴν, ὅρσιν, καὶ ὀροφῇ. καὶ ὑπὸ σέρον τε καὶ ἄσέρον, & κατὰ σέρον. Ostendit verbis apertissimis, σέρον dictum apud Græcos, quod esset non à lateribus, sed supra caput, indeq; κατὰ σέρον nuncupatum. Δίφρον igitur κατὰ σέρον non propriè sella est undiquaq; superne ac à lateribus operata, sed solummodo in summo. Quale proinde genus invenerit Claudius, viriq; deinde alij transtulerint in suos usus. At sceminarum revera fuerunt clausæ, hoc est operatæ etiam à lateribus. Ideo in eis secrete habitas vel in publico Tertullianus dixit in de Pallio c. 4. *At nunc in semetipsas lenocinando, quo planius adeantur, & stolam, & supparum, & crepidulum, & caliadrum, ipsas quoq; jam lecticas, & sellas, que in publico quoq; domestice ac secrete habebantur, ejeravere.* Si in sellis, quod Tertullianus ait, domestice ac secrete habitæ mulieres, hoc est, ita vectæ, tanquam domi essent, ac à turba omni separatæ, undiquaq; tectas eas fuisse apparet. Igitur & distributor apud Juvenalem licet sellam videat, de sedente in ea conjuge illius, qui petit sportulam, non est certus, sed proferre ipsam caput petit. Postquam enim maritus, simulans videlicet, licet vacua esset sella, conjugem in ea sedere, ad distributorem: *Gallamea est, citius dimitte.* Tum distributor; *Profer Gallacaput.* Quibus verbis simul existimo constare, sellas illas non fuisse clausas latis specularibus ac vitris, sic enim vel per vitra conspici potuisset, nec prolatione capitis fuisset opus, verum velis linteis coriisve, sicut hodieq; receptum nobis in vulgaribus vehiculis. Potue-

runt

runt tamen vela illa coriave removeri, quod necesse fuit, ut profferret caput, imò sic convolvi, ut sella videretur nuda, planè sicut hodieq; fit in vehiculis. Hoc enim Juvenalis voluit alio loco, ubi de subsignatoris falsi cathedra, quem eandem esse dixi cum sella muliebri; *Fertur*

Hinc atq; inde patens, ac nuda pæne cathedra.

Benè *hinc atq; inde*, nam superne quidem tecta erat, in utroque vero latere dimota habebat vela convolutaq; ac suspensa. Hoc enim propriè *hinc & inde*. Addit tamen pæne, credo, quod à fronte saltem obducta illa vela manerent. Feminarum ergo cathedræ sellæve vulgò fuerunt clausæ undiquaq; corijs, nisi quod per foramen exiguum diem fortassis admitterent. Virorum vero superne tantum tectæ, de cætero patentes. Neq; alia fortassis causa est, cur Otto sella muliebri usus fuerit: Contra Galba projectus è sella. Tacitus Hist. I. cap. 41. *Juxta Curtium lacum trepidatione ferentium Galba projectus è sella ac provolutus est.* Si sella Galbæ fuisset clausa, sicut muliebris esse solebat, projici & provolvi nequivisset. Nam projicitur, quod ad anteriora jacitur: provolvitur, quod ad anteriora volvitur. Hoc non potuisset fieri obstante sellæ claustro, & objectis parietibus in sella Galbæ. Sed si talis sella fuit virorum, quid ita Svetonius in Augusto cap. 54. *In consulatu pedibus fere, extra consulatum sæpè adoperta sella per publicum incescit?* Num *adoperta* hic est *clausa*? Atqui talis feminarum fuit, non virorum. An *διφρακτάς* exponi debet? At hæc sella demum à Claudio inventa. Ut hoc dubium solvat Lipsius, pro *adoperta* putat *adaperta* legendum, quasi, ait, *sella quidem usus Augustus, sed aperta non tecta* lib. I. Elect. cap. 19. Probat emendationem hanc & Casaubonus, verum *adapertam* non *apertam* explicat, sed *aliqua ex parte apertam*. Nam, ait, *adaperire est* *ὑπαναίρειν*. Sed quæ aliqua ex parte tantum est aperta, eā aliqua ex parte non aperta, ut perinde sit, si *adoperta* legas, si *adaperta*. Nam & *adopertum* ratione simili, quod parte quapiam opertum. Quare malo hic *apertam*

Ad Wolf. intelligere non ex parte, sed per omnia. Quomodo apud Plinium
ex omni legas lib. XXXII. c. 95. *Ius traditur album & vesicas exinanire, in-*
Ad aperta *teranea distringere, omnia adaperire.* Sed quæ hæc adaperita vel a-
 perta sella? num quæ aperta ex parte? jam quid est aperta ex par-
 te? quæ pars illa? Num, quod ait Lipsius, quæ non tecta? quæ ve-
 ro est non tecta? num, quæ non clausa? ita enim Lipsius intelle-
 xisse videtur. Mihi ea est, quæ non *valde* *et* *Q*, id est tantum super-
 ne nullum habebat. Nempe mea opinione triplex sella fuit: una
 nec superne, nec à lateribus operimento clausa, sed aperta tota,
 nihil differens à sellis cæteris, nisi quod asseribus immixtis posset
 gestari. Talis Augustea. Alia, quæ superne tecto fuit munita, de
 cætero aperta & ipsa. Talis Claudij, & post eum communiter vi-
 rorum. Alia undiquaq; cooperta clausaq;. Talis scæminarum.
 Augustea verè aperta fuit, quia nihil habuit operimenti. Cæteræ
 non idem. Quo respectu & Antyllum credo de his sellis gestato-
 rijs prodidisse, quod sint aliæ apertæ aliæ coopertæ. Sic enim ex
 eo Hieronymus Mercurialis lib. III. Artis Gym. c. II. *Sellam du-*
plicem fuisse tradit Antyllus, alteram, in qua jacebant, alteram, in qua
sedebant, quæ vel cooperiebatur, vel aperta sinebatur. Ita Hierony-
 mus, nam ipsum quidem consulere non licuit. Sed si muliebris so-
 la clausa undique, quid ita proditur de Plinio, quod sella uti Romæ
 voluerit hybernis mensibus, ne impediretur in legendo scriben-
 doq; à cæli inclementia. Nec enim convenire, nisi clausæ undi-
 quaq; videtur, ut excludat frigus. Verba Plinij jûnioris leguntur
 lib. III. ep. 5. *In itinere quasi solutus cæteris curis huic uni* (studio
 litterarum) *vacabat. Ad latus notarius cum pugillaribus & libro, cu-*
jus manus hyeme manicis muniebantur, ut ne cæli quidem asperitas ul-
lum studij tempus eriperet: quæ ex causa Romæ quoq; sella veheretur.
 Videtur dicere, vectum sella suum avunculum, ut ne cæli quidem
 asperitas eriperet ei studij tempus, atq; sic necesse esse, ut munita
 contra illam asperitatem credatur. Verum ego locum aliter opi-
 nor explicandum; videlicet de sola Plinij diligentia, nullo habito
 ad asperitatem cæli respectu. Vectum sella, non propter cæli aspe-
 ritatem, sed ne sibi ullum studij eriperetur tempus, quod nempe
 fuisset

fuiſſet ereptum, ſi ambulaffet pedibus, quia legere tum haud licuiſſet. Habemus ergo ſellam aliam virilem, aliam muliebreſ; illam rectam ſuperne tantum, hanc undiquaq;. Fuit autem utraq; vel laxior, vel anguſtior. Digniores ac potentiores ſella utebantur laxa. Inde Seneca de Conſtantia c. 14. *Quid refert quantum habeat, quot lectiſarios, quam ornatas aures, quam laxam ſellam.* Itaq; non unus ſemper ſolusq; in ſella, licet frequentiffimum hoc eſſet, aliquando enim & duo, ſi quidem Lipſium audimus. Qui ſic ad An. Taciti II. c. 33. ubi auctor de Narcifſo: *In eodem geſtamine ſedem poſcit ſumitq;.* In eodem geſtamine, id eſt, geſtatoria ſella, quæ à Claudio deducta in vulgi uſum. Apparet, in uno geſtamine plures ſellas fuiſſe, ut hic vides in Narcifſo, qui eodem geſtamine ſellam poſcit ſumitque. In quibus tamen verbis non intelligo, quid velint ſellæ plures in eodem geſtamine. Nam ſi geſtamen ipſum ſella, quomodo in ſella una, ſella plures? Sed nec ſellam poſcit Narcifſus in eodem geſtamine, quod hic ait Lipſius, verum ſedem. Differunt porro plurimum inter ſeſe ſella, & ſedes. Sella, integra & tota eſt fabrica, ſedes una illa tabula, cui inſident, quamq; occupant, qui ſella utuntur. Sedile quoq; appellarunt. Chimentellius benè c. 24. *Sedile propriè ea pars, quam ſede premimus, quomodo in Actis D. Marci vocatur, quæ Henr. Valeſius profert ad Euſebij Hiſt. Eccleſiaſticam VII, 19. In cuius cathedra ſedili, &c. planitie ſcilicet illa lignea, omni exuta fulcrorum, pedum, ornatu aut inſtrumento.* Sicut ſedile pars ſellæ, ita & ſedes, eadem enim ratio utriusq; eſt vocabuli. Quare qui in ſella poſcit ſedem cum alio, non ſellam aliam in ea poſcit, verum locum, ubi queat ſedere. Sedet, quod geſtamen, ſellam explicat, non caret omni dubitatione. Sermo enim ibi non eſt de Narcifſo tantum atq; Claudio, id eſt duobus in geſtamine eodem, verum L. Vitellio quoque, & P. Largo, id eſt quatuor, quod ipſum quoq; Chimentellio rectè obſervatur. Porro quatuor in ſella una conſediſſe non eſt veriſimile, quoniam ſtructura ejus altior, quam longior, ut dixi ſupra. Quare mallem de vehiculo accipere cum rotis; nam lecticam cogitare prohibet, quoniam in ea jacebant, Narcifſus verò poſcit ſedem. Neq; obſtat vox geſtaminis, quoniam geſtari

gestari dicuntur, etiam qui utuntur vehiculis. Martialis lib. I. ep. de Regulo

-- -- *cum mole sub illa*

Gestatus bijugis Regulus esset equis.

Hic equi bijugi sunt bigæ, quibus Regulus *gestatus* dicitur. Similiter *gestatio* de vehiculo usurpata Cælio Aureliano lib. II. cap. I. Tum *gestatione corpus movemus pro virium modo fertoria sella, sive cathedra, tum longiore vehiculo.* Celsus lib. II. *Genera gestationum plura, sed tamen levissima est navi, acrior vehiculo.* Quanquam ergo genus aliquod sellarum laxius extiterit, non id eo factum videtur, ut geri simul in eadem sella possent duo, sed ut, qui gerebatur, spacium haberet amplius, & hoc ipso majorem, potentior, gloriosior se exhiberet. At quorum fortuna exilior, ij sella utebantur arctiore. Talis opinor, quam appellat *sellulam*, & Vitellio clam fugienti tribuit Tacitus III. Histor. c. 85. *Vitellius capta urbe, per averfam palatij partem, Aventinum in domum uxoris sellula defertur.* Dicit, *defertur*, unde patet, agere de sella gestatoria: quam vocat *sellulam*, quia fuit vulgaris, ut facilius lateret, ac minuta. Cæterum hæ sellæ suæ habebant ornamenta, quædam pretiosiora, quædam minus pretiosa. Inde *sella* alia *pellicea*, alia *osseæ*, alia *eborata*, alia *argentata*. Lampridius in Heliogab. c. 4. *Semiramica facta sunt senatusconsulta ridicula de legibus matronalibus, quæ sella veheretur, & utrum pellicea, an osseæ, an eborata, an argentata.* Tò *Semiramica* hic vitiosum est, quod liquet ex appposito *ridicula*, quod sine dubio tñ *Semiramica* interpretatio, ex glossa recepta in textum, ac si expungendum. Pro *Semiramæ* malletm cogitare quid de *simiis*, quia illi propriè ridiculi, ac iccirco legere *simiatica*, vel quid tale, quod ostendat senatusconsultis istis simiarum more imitatas viros, illas de mulierum conventu senatores. Nisi cum Salmasio malumus *Symiamira*, ut intelligamus *Symiamirica*, sic à matre Heliogabali *Symiamira* vocata. Cæterum *pellicea* quæ hic vocatur *sella*, opinione mea inductam pellibus, hoc est corijs significat, estq; maximè vulgaris. Nisi quis existimet, habuisse pellibus propriè sic dictis, hoc est hirtis & villosis corijs obductas. *Pellis* enim propriè, ut est detracta

detracta pecori seu animali, cum pilis, lanis, villis; cum corium, cui ea sunt adempta, coriarij alutarijve opera. Isidorus lib. XI. cap. I. *Pellis, mox detracta, subacta jam corium dicitur.* Vult, differre pellem à corio, quod illa sit, qualis est in vivis animalibus, cum pilis scilicet, lanisve. Cum præsertim fellis quoque aliis insternerent, ipso auctore Homero, qui sic Odyss. T.

Εὐρυνόμην φέρε δὴν δίσκον, καὶ κῶας ἐπ' αὐτῆς.

Eurynome affer sellam & pelles super eam. Quo in loco dubitare non debebat eruditus Chimentellius, utrum pellem pro pulvillis concinnatis & confutis, an per schema, quod appellant ἐν διαδυσσιν, sellam pelliceam aut coriaceam intellexerit. Nam posterius revelit evidenter illud ἐπ' αὐτῆς. Unde & Eustathius, καὶ κῶας ἐπ' αὐτῆς βάλμεται ὡς ἐν τῇ ἐλῳ. quod significat, pellem fuisse superinjectam, nempe ut in ea sederent. Prius quoq; pugnat cum simplicitate veteri consuetudineq; de qua etiam apud Romanos intelligimus ex Festo, quando tribuit novæ nuptæ, item Servio ad Æn. IV. ubi ait; *Sellas duas jugatas ovili pelle, superinjecta ponimus est.* Sicut autem pellicea sella est contexta vel inducta pellibus, sic ossea contexta vel inducta ossibus. Ita namq; docet ratio vocabuli, quod significat vel ex ossibus integre constructum, vel sic exterius appositis vestitum, ut mere osseum videatur. Quomodo habemus *cultrum osseum*, apud Columellam lib. XII. c. 45. *Illud verò, quod multi faciunt, ut ea dividant ossea cultro, & semina eximant, quod putent ex eis pomum vitari, supervacuum est.* Item *stylum osseum* apud T. Quintium Attam in Satyra

Vertamus vomerem in ceram, mucroneq; aremus osseo.

Osseum utroq; loco, quod ex osse mero totum est constructum. At hoc fieri vix potuisse videtur in sella, quoniam esset major, quam ut ex ossibus construeretur. Quare potius existimo, ut osseam accipiamus respectu exterioris faciei, quæ inducta vestitaq; ossibus fuit. At verò *sella eborata* ea videtur, quæ distincta ebore, ornatus gratia. Quomodo sunt *lecti eborati* apud Varronem: *Cum in eborato lecto, ac purpurei operis toro cubare videas egrotum.* Et *eborata vehicula* apud Plautum Aulul. II. Sc. I.

*Clamores, imperia, eburata vehicula, pallas, purpuram
Nihil moror, quæ in servitutem sumptibus redigunt viros.*

Loquitur de vehiculis eburatis five eboratis feminarum, quas libenter acciperem de fellis quoque, cum & ipse sint vehicula, & si alia, ebore ornari consueverint. Eboratum enim verè proprieq; quod ornatum ebore. Sospater Charisius in Instit. *Eboreum, & eboratum, & eburnum* ita placuit distingui, ut *eboreum* sit ex solido ebore confectum, *eboratum* extrinsecus ebore ornatum, *eburnum* à similitudine eboris aptatum. Ad eundem modum *argentata sella*, quæ ornata & exculta argento. Sic enim & apud Livium *argentati milites*, qui habent arma exculta cæлатаq; argento. Verba extant lib. IX. c. 40. *Tunica auratis militibus versicolore, argentatis lintea candida.* Quem hic vocat *argentatum*, mox explicat *calatum* argento. Subdit enim: *horridum militem esse debere, non calatum auro argentog.* Uti miles *calatus* argento aliter intelligi non potest, quam de eo, cujus arma argento cæлата, hoc est ornata atq; culta. Nam *calatum* proprie de imaginibus extantibus ac pro minulis usurpatur, quod jam pridem viri doctissimi demonstrarunt. Sic arma argento cæлата erunt, quæ stellas, rosas, lunulas, & alia id genus ex argento habent exterius apposita, ex quibus *argento calatus miles* Livio est dictus, qui eidem quoq; *argentatus*. Aliæ sunt *selle bracteate*, quorum meminit Sidonius VIII. ep. 8. *Licet tu deductum nomen à trabeis, atq; eboratas curules, & gestatorias bracteatas, & fastos recolas purpurissatos.* Nam hæ non imaginibus solummodo & icunculis vel sigillis appositis decoratæ, sed totæ metallo tectæ. Bractæ nimirum laminæ malleo ductæ. Glossæ: Πέταλον, *bratteum, lamina*. Sic ibi scribendum, non *blatteum*, *Bratteum* porrò dicebant pro *bracteum*. Quomodo & *brattea*, pro *bractea* habetur in Philoxeno. *Brattea*, Πέταλον. Hinc *bratteatum* seu *bracteatum*, quod cum intus generis sit alterius, extra & in superficie laminas habet ex metallo. Sic *bracteata sella* apud Sidonium, bracteis obducta ex auro, quæ iccirco & *aurea*, nam de Consulari loquitur, quod optime Savaro annotavit, addiditq; locum Claudiani, qui hoc docet in iv. Conf. Honorij eo versu:

Portatur juvenum cervicibus aurea sedes.

Quæ Claudiano *sedes aurea*, ea Sidonio *gestatoria bracteata*. Et hæc quidem ornamenta. Quo verò veherentur mollius, cervical fere habebant ad caput, mulieres præcipuè. Vidit Lipsius quoq; ex hoc versu Juvenalis, qui legitur Sat. VI. v. 351.

Vt spectet ludos, conducit Ogulnia vestem,

Conducit comites, sellam, cervical amicas.

Cervical vocat proprie, quia pertinebat ad fulciendas cervices. Scholiastes verus eo loco. *Cervical, pulvinar, super quod caput inclinet*. Quibus verbis simul discimus, mulieres præsertim in his sellis sedisse non erectas planè, sed nonnihil tergo & cervicibus seu capite reclinato in pulvinar. Sedisse tamen sicut supra monui. Et testatur Scholiastes idem, quando paulò ante ad vocabulum *sellam*, notat, *in qua gestatur sedens*. Gestabantur autem opera servorum, qui communi voce cum ijs, à quibus lecticæ ferebantur, dicti *lecticarij*, quod & ipsum Lipsio est observatum, itemq; Chimentellio. Quod verò putant, nunquam appellatos & *sellarios*, dubitationem habet. Saltem in Glossario antiquo legas. Διφῆς, *sella*. Διποφῆς, *sellarius*. Ergo in frequentiore quidem usu alterum, quia vox *sellarij* ambigua, & de equis potuit intelligi, scortisve: non tamen solum semperq; usurpatum. Quia imò & *cathedrarios* dixere. Sidonius lib. I. ep. II. *Solus Curio meus cum ad vesperasceret, per cathedrarios servos vespillonibus tetriores domum raptus ac reportatus est*. Quando ait, *vespillonibus tetriores*, ostendit, alias fuisse cultiores, quomodo & qui proprie sic dicebantur, gerebantq; lecticas, ut deinde dicam. Erant autem vulgo bini numero, qui gestabant. Unde Juvenalis Sat. IX. v. 142.

-- -- *Et duo fortes*

De grege Mæforum, qui me cervice locata,

Securum jubeat clamasse insistere Circo.

Lubinus agi putat de lectica, nam exponit *duos servos lecticarios, qui me humeris suis in lectica portant ad ludos*. Sed lecticam ullam à duobus solitam portari non opinor, & prebabo postea. Igitur assentior Lipsio, qui accepit de hoc nostro genere. Nam *sellis*, ait,

deferebantur in circum sive in theatrum, & in iis etiam per sedebant, probatq; testimonio Svetonij, quod puto esse verum, & attendi etiam à Gonsalio debuisse, qui similiter de lectica accepit. Aliquando tamen auctus ille numerus, sumptiq; quatuor. Imo legimus & sex in sella, præsertim muliebri, credo, quod esset ponderosior, quia tecta undiquaq; clausaq; Juvenal. lib. I.

— *Cum jam sexta cer vice feratur*

Hinc atq; inde patens, ac nuda pene cathedra,
Martialis genus hoc *hexaphoron* vocavit, ostenditq; ingens laxumque fuisse, lib. I. epigramm. in Cæcilianum.

Cum tibi non essent sex millia Cæciliane,

Ingenti late vectus es hexaphoro.

Postquam bis decies tribuit dea cæca, sinumq;

Ruperunt nummi, factus es ecce pedes.

Quid tibi pro meritis & tantis laudibus optem?

Di reddant sellam Cæciliane tibi.

Non potest esse dubium, quin hexaphoros sit sella, ideo enim optat, ut sellam di reddant Cæciliano, quam nempe habuit vectus hexaphoro. Est autem sella hæc hexaphoros, quia ingens. Nec opinor numerum majorem ullam habuisse. Quanquam non ponderis & magnitudinis solum gratia, sed & ex fastu ac superbia haberent multos. Quod nos docet Seneca de Constant. c. 14. ubi de muliere: *Quid refert, quantum habeat, quot lecticarios, quam oneratas aures, quam laxam sellam?* Vides, in muliere ab imperitis spectatum, quot lecticariis, paucioribus nempe pluribusve sella ejus gestaretur. Erant porro sic dispositi hi lecticarij, ut, si bini essent, si plures, pars una dimidia gestaret à dextro, pars altera à sinistro latere. Scilicet in collo, si humero gestabant. Inde Juvenalis supra allato loco de cathedra, quod *sexta cer vice feratur*. Item de Mœsis: *Cervice locata securum jubent insistere circo*. Si in cer vice si humero, fieri non potest, quin gestarint eo modo, sicut dixi. Atq; huc respexisse puto Martialem, quando supra *late vectum* scripsit Cæcilianum. Nam late vehitur, opinione mea, cujus vehiculum latum, cujus bajuli, qui vehunt, late incedunt, quod

quod utrumq; fuisse in Cæciliani sella intelligitur. Erant autem isti geruli, ut & hoc addamus, vel proprii, vel conductitij. De propriis apparet ex Jcto Ulpiano, qui propterea legalis ait contineri. l. 49. ff. de Legat. III. *Legato continentur mancipia, puta leſticarij, qui ſolam matrem familias portabant.* Vult, mancipijs legatis vel præcipuè leſticarios contineri. Scilicet hos comparare uxoribus ſuis mariti, præſertim indulgentiores ſolebant. Quo reſpexit Terullianus libro ad Uxorem: *Vnde niſi à diabolo maritum petant bonum exhibendæ ſellæ.* Maritus bonus exhibendæ ſellæ non iſ ſolum, qui parare ſellam poteſt nudam, ſed & qui ſervos leſticarios ad eam geſtandam. De conductis teſtis Juvenalis eſt, quando de Ogulnia Sat. VI.

Conducit comites, ſellam, cervical, amicas.

Agit quidem proprie de ſella, quam & ipſam conducto habuiſſe apud veteres intelligimus ex hoc loco; non tamen de ſella nuda, ſed & ſervis bajulis ſed leſticarijs. Ideo Poeta idem Sat. IX.

-- -- *Et duo fortes*

De grege Mæſorum, qui me cervice locata

Severum jubeant clamorſo inſiſtere Circo.

Cervicem locatam intelligit pro mercede, pro qua Mæſos iſtos conduxerat. Scholiaſtes vetuſe eo loco: *Et duo fortes, leſticarios ait, quorum laturas locem, & ſecurus Circenſes ſpectem.* Ubi locare laturas eſt pecunia conducere. Quomodo apud Varronem in præfat. lib. II. de R. R. *locare, qui adducant frumentum, eſt conducere.* Verba ejus: *Igitur quod nunc intra murum fere patres-familia. correſperunt relictis ſalce & aratro, frumentum locamus qui nobis advehant, qui ſaturifiamus, ex Africa & Sardinia.* Et de ſellis quidem hæc ſuffecerint. Venio ad earum uſum. Primus fuit, ut qui pedibus valerent minus, ope illarum adjuti, facere poſſent iter. Tacitus de Galba lib. I. Hiſt. cap. 35. *Nemo ſcire, & omnes affirmare, donec inopia veri & conſenſu errantium victus, ſumpto thorace Galba, irruenti turba neq; ætate neq; corpore ſiſtens, ſella levaretur.* Hic Galba debilior ætate imponitur ſellæ, ac in caſtra rapitur. Poſt acceſſit

ambitio & fastus, maximè in mulieribus, nolueruntq; amplius ambulare pedibus, sed vehi sellis. Inde *maritus bonus exhibenda sella* apud Tertullianum, uti supra vidimus. Et apud Ulpianum sella inter ea, quæ mariti suis uxoribus emunt comparantve. Unde l. 49. ff. de legat. III. inter legata contineri ait *jumenta, vel lecticam, vel sellam, vel burdones*. Quamquam aliqui præbuerint, non tam, ut augerent fastum, quam ut custodirent earum pudorem, ac confunderent modestiæ, si quando prodire in publicum cogerentur. Quo intuitu Tertullianus de pallio, uti de matronis agit minus pudicis. *At nunc in semetipsas lenocinando quo planius adeantur, & stolam, & supparum, & crepidulum, & calliandrum, ipsas quoq; jam lecticas & sellas, quis in publico quoq; domestice ac secreta habebantur, egeravere*. Noluerunt hæ uti sellis amplius, quia intra eas nimis tectas, nimis clausas se putarunt. Atque ita similiores sese fecerunt meretricibus, quam matronis. Fuit alias usus earum apud matronas longe creberrimus, & diuturno tempore servatus, quod ostendit, vel Heliogabali edictum è Senatu muliebri publicatum, cujus mentionem fecimus in superioribus. Ut non satis videam, quomodo ejuraverint, temporibus Tertulliani, qui Heliogabalum tempore non exiguo antecessit. An hoc voluit, noluisse sic in ijs esse clausas tectasq; , sicut primis temporibus, & à modestioribus est factum, sed sustulisse coria velaque, ac conspiciendas sese præbuisse? Nam & hoc fecisse constat liberiores. Unde Seneca de tali: *Non, quam margaritæ suffocent quam in patente sella circumlatam per urbem populus ab omni parte æque, ac maritus inspexerit*. Quin imò rusticitas est habita in marito, & argumentum exagitationis, si quis hoc negasset uxori. Seneca idem lib. I. Benef. c. 9. *Rusticus, inhumanus, ac malevolus, & inter matronas abominanda conditionis est, si quis conjugem in sella prostare vetuit, & vulgo admissis inspectoribus vehi undiq; perspicuam*. Illud prostare in sella nihil aliud significat, quam conspiciendam se præbere, formæq; ostentatione ad amorem sui alios allicere. Quod fecisse meretrices videntur, si quando uterentur sellis. Habuisse inquam sellas non clausas tectasq; matronarum consuetudinè, sed apertas. Quod signifi-

ficare

ficare Juvenalem arbitror lib. III. v. 135. uti de Chione meretrice.

— — — *At tu*

*Cum tibi vestiti facies scorti placet, hares,
Et dubitas alta Chionem deducere sella.*

Ducere de alta sella non opinor aliud significare, quam de sella, in qua aperta planè, patenteq; circumgestata præbebat se inspiciendam per vias publicas, ad congressum invitata abducere. Quin enim & sellis circumferri sese meretrices voluerint, eo minus dubitare possum, quia usæ etiam lecticis inveniuntur. At exponunt alij de sella non gestatoria, sed qua sedebat meretrix ante stabulum cellamve meretriciam expectabatq; quæstum atq; conductores. Ita namq; consuevisse colligunt ex Plauti Pœnulo A. I. Sc. 2. ubi ob hanc causam *prosedæ* nuncupantur. Verba Plauti:

— *Ante ibi vis inter istas versarier*

Prosedas, pistorum amicas, reliquias alicarias

Miseras, schæno delibutas, servilicolas sordidas?

Quæ tibi olent stabulum, statumq; sellam & sessibulum merum.

His in verbis nominatim mentio fit sellæ, cui videlicet *prosedæ* illæ infidebant. Commentator vetus Juvenalis hac de causa, quæ *prosedæ* Plauto, *sellariam* nuncupavit. Ita namq; scribit ad prædictum locum: *Deducere sella: inde sellariæ dicuntur. Vnam meretricum à sella sua abducere conductam cunctaris cum alij adulteri emant.* Sellariam hic accipio nō lupanar, & locum sellis meretricum confitum, ut Chimentellius, sed meretricem, sic à sella nuncupatam. Quanquam alias sellaria generis alterius fuisse videatur, ea nempe, quæ merebat in sellario. *Sellarium*, ac in plurali *sellaria* fuit locus à Tiberio excogitatus, ubi sese constuprabant mutuo in sellis. Torrentius ad Svetonij Tiberium cap. 43. *Sellaria appellata selle ipsa ad libidinem disposita.* Ab hoc sellario, vel his sellarijs *sellarij* viri, & *sellariæ* feminae, quæ ibi sese mutuo inibant. Nam & de viris accipit Lipsius, quod habet Tacitus lib. VI. Annal. c. 1. *Tuncq; primum ignota ante vocabula reperta sunt sellariorum, & spintriarum ex fæditate loci & multiplici patientia.* Nam sic ibi notat de Turnebo, & Svetonio. *Non tamen satis explicant, cur sellarij dicti à fæditate loci.*

loci. Ergo Lipsij iudicio non solum feminæ sellariæ, sed & sellarij virij; juvaturq; à Svetonio, qui in sellarijs Tiberij memorat non *puellarum* modò, sed & *exoletorum greges*, itemq; *monstruosi concubitus repertores*. Dicit autem Tacitus sellariorum vocem ante Tiberium fuisse incognitam, neq; tum usurpatam de alijs, quam qui sella tali, qualem paulò ante dixi, merebant. Ut sic dubitari possit de Interpretis antiqui apud Juvenalem explicatione. Nam si sellariam intellexit proprie ita dictam, ea accipi de Chione non potest, quippe quam de sella Juvenalis putavit deducendam. Si vulgarem meretriculam, in sella expectantem ante lupanar amassios, non apparet, cur sellam eam Juvenalis tam signanter appellaret altam. Neq; possunt sese satis explicare cæteri, qui cum ipso locum accipiunt de sella vulgari, qua solebant confidere. Non fuit ea tam alta, ut notari hoc epitheto à Poëta debuerit. Nam quod Chimentellius existimat pro *alta* legi posse *arcta*, sine causa & necessitate dicitur. Deniq; revera fuisse altam etiam id docet, quod deduci debuit de sella. Nam deducitur verè proprieq; quod de loco altiore ducitur. Quomodo habemus apud Cæsarem III. Bel. Civ. *deducere de rostris conantem concionari*. Et apud Virgilium Ecl. VIII. *Deducere cælo lunam* similima locutione. Si sella hic intelligenda vulgaris esset, qua profedæ utebantur, non *deducenda* erat Chione, sed *abducenda*. Quare manet sella ejus alta, & propter hoc ipsum non vulgaris sessoria, sed gestatoria, quæ & hoc intuitu vocata potest esse alta, quia gestabatur alte, in cervicibus nimirum atq; humeris succollantium, habebatq; ipsam alte repositam. Nam & de lectica, quæ cum sella convenit hætenus, Seneca epist. 81. *Idem de istis omnibus dicas, quos supra capita hominum supraq; turbam delictos lectica suspendit*. Sicut qui gestabantur in lectica, eminebant supra capita hominum, ita planè & qui sella, ut nil mirum sit, si deduci ea Chione debuerit. Deduci sella inquam, non sedentaria, sed gestatoria, qua hinc colligo fuisse usam, & cum ea meretrices alias. Ad quas alluserit & Seneca, quando de matronis in superioribus *prostrare in sellis* voluisse scribit. Nam de sedentarijs, quod putabat Chimentellius, non agere, vel inde constat, quia ijs dicit

vehi. Nec enim in his vehuntur, verum gestatoriis. Sicut autem per ambitionem festumq; meretrices, feminæ, matronæ, sic interdum viri quoq; vecti sella. Istuc pertinet, quod Cæciliano exprobrat Martialis lib. i. Epigr.

Cum tibi non essent sex millia Cæciliane,

Ingenti latè vectus es hexaphoro.

Spectabat tamen sicut apud matronas, sic apud viros aliquando ad dignationem. Quo respexit Juvenalis, quando ait Sat. VII.

Respicit hæc primum, qui litigat, an tibi servi

Octo, decem comites, an post te sella, togati

Ante pedes --

Agit de Patronis caussarum eo loco, quos non absurde colligas hinc, usos esse istis sellis, existimationis & auctoritatis gratia. Lubinus accipit de sella sedentaria, *Post te sella*, inquit, *in qua sedeas, si collibitum fuerit.* Quemadmodum & Chimentellius p. 135. Sed videntur tueri nostram opinionem illi servi octo, qui hic nominantur, & à Lubino ipso explicantur lecticarij. Possumus enim æque facile intelligere de servis ad gestandam sellam, quam lecticam necessarijs. Cum vix consentaneum videatur, eidem & lecticam dare, & cum ea simul sellam. Gestatoriam profecto hoc in loco intellexit & Lipsius, non sedentariam. Observavit alias hoc idem & in Consularibus Consulibusq; Chimentellius, vir eruditissimus. *Indicare non desino*, ait, *hanc sellam opertam* (inventam à Claudio) *Consulibus deinceps & Consularibus fuisse adhibitam, postquam Claudius primus usurpavit.* Addit testimonium Dionis, qui post ea, quæ inventam sellam hanc à Claudio docebant, addit: *καὶ ἐξ ἐκείνης ἐννῶν ὅτι οἱ αὐτοκράτορες, ἀλλὰ καὶ ἡμεῖς οἱ ὑπαλεικότες διαγοφορέμεθα.* Inde & nunc non Imperatores, sed nos quoq; qui consulatum gessimus sella (operta) vehimur. Alij non tam dignationem spectabant, quam usum. Nam & legere in his solebant. Docet exemplum Plinij majoris, de quo junior III. epist. 5. *Qua ex causa* (ut ne ullum ipsi studij tempus eriperetur) *Roma quoq; sella vehebatur.* Repeto me correptum ab eo, cur ambulare, *Poteris, inquit, has horas non perdere.* Dicit, non ipsum modo usum sella, quo posset, dum nego-

tiorum causa de loco uno fertur in alium per urbem, librum legere, sed & nepotem suum eo animasse, ne si ambularet, horas eas nihil agendo perderet. Delicatiores etiam dormiebant in eis, quod cognoscimus exemplo Gallæ, de qua maritus apud Iuvenalem Sat. 1.

— *Noli vexare, quiescit.*

Proferre caput eam dispensator, seu distributor sportulæ voluerat. Sed quia sella erat vacua, fingit maritus eam intus dormire, sicut nempe crebro faciebant. Porro quia istis omnibus fuerunt apta, ideo non intra urbem modo, sed & extra illam adhibebant in viis atq; itineribus. Svetonius de Othone. *Tunc abditus prope mulieris sella in castra contendit.* Tacitus XIV. An. c. 4. *Satis constitit, extitisse proditorem, & Agrippinam, auditis insidiis, gestamine sella Bajas pervectam.* Aliquando hoc agebant ideo præcipue, ut laterent. Quomodo videmus in Othone paulo ante. Svetonius de Nerone cap. 26. *Interdum quoque gestatoria sella clam delatus in theatrum.* Item de Vitellio cap. 16. *Continuo igitur abstrusus gestatoria sella, Aventinum & paternam domum clam petijt, ut inde in Campaniam fugeret.* Videatur idem spectasse, qui & fontes, vel quacunque causa supplicio afficiendos includebant sellis. Nam & hoc receptum fuit. Tacitus de Epichari liberta lib. XV. An. cap. 57. *Postero die cum ad eosdem cruciatus retraheretur gestamine sella, (nam dissolutis membris insistere nequibat) vincolo fasciæ quam pectori detraxerat, in modum laquei ad arcum sella restricto, indidit cervicem, & corporis pondere connisa, tenuem jam spiritum expressit.* Dicit quidem Tacitus, hoc factum, quia insistere nequibat, sed & alterum attendi potuit, cum ad illud quævis obvia suffecisset cathedra, hæc vero sella clausa fuerit; quod intelligitur ex eo, quia sibi ipsi, dum ad cruciatus gestatur, vitam adimit laqueo. Nec enim hoc potuisset, si gestantes potuissent observare. Sed & *arcus sella* hoc demonstrat. Namque arcus ille non pars reclinatorij in apsidem curvata ornatus causa, quod volebat Chimentellius p. 116. sed qui sustinebat tectum superne in sella operata clausaq;. Ideo ei tanquam

quam supra caput extanti fasciam laqueumq; indit Epicharis: ideo pondere corporis connititur, deorsum nempe, hoc enim vult pondus, non antrorsum, quod Chimentellius putavit. Marcellini quoq; locus est, qui hoc idem confirmare videtur. Verba ejus lib. XXIX. *Quibus (incantamentis) in judicio recitatis, uti non lex, non religio, non aequitas veritatem à mendaciis dirimebat, indefensi bonis ablatis, nullo contactu delicto promiscue juvenes aliq; membris omnibus capti ad supplicia sellis gestatoriis ducebantur.* Equidem doctissimus Pignorius in de Servis p. 136. existimat, hinc posse colligi, quod sellis raptarentur rei tormentis afflicti ad supplicium. Facit cum eo etiam Chimentellius. Ego diversum censeo. Nulla enim toto loco isto tormentorum mentio. Imo contrane quidem instituta quæstio dicitur, cum veritatem æquitas à mendacio non dirimeret, indefensique rei ducerentur. Nam quod Marcellinus ait, *captos membris omnibus*, aliud significat, constrictos nempe vinculis, sicuti solebat, de quibus supplicium erat sumendum. Unde vetus formula: *l. lictor, colliga manus.* Sic per translationem Ciceroni captus membris, cujus membra morbi vis captiva velut tenet in vinculis. In Orat. pro Rabirio. *Confectus senectute, præpeditus morbo, mancus, & membris omnibus captus atq; debilis.* Quare verò magis cōsentaneum, ut credamus ductos sellis, ne ad spectu suo commovere quenquam possent. Sellis inquam gestatoriis, non gestoriis, ut Lipsius Marcellini loco scripsit. Deniq; in sellis hisce per gestationem exercebant corpus, valetudinis vel conservandæ, vel reparandæ gratia. Primi generis sunt isti, de quibus Seneca de Brev. vitæ, c. 12. *Nec illos quidem inter otiosos numeraveris, qui sella se, & lectica huc & illuc ferunt, & ad gestationum suarum, quasi deserere illas non liceat, horas occurrunt.* Licet hi enim per molliem ac voluptatem gestarentur sellis, videri tamen volebant causâ valetudinis per exercitationem servandæ istoc facere. Quia sic receptum fuit apud alios, & præscriptum à Medicis. Ad secundum genus spectant, quæ leguntur apud Cælium, & à nobis allata sunt in superioribus. *Adhibenda igitur vectatio pro viribus egrotantis fertorio, vel sella procurata.* Atq; ita locis alijs; quibus

fere ostendit, conducere gestationem hanc concussionemq; molliorem in dolore capitis, in epilepsia, si ferri queat, in mania, in paralyti, quemadmodum ex eo docuit & Hieronymus Mercurialis lib. VI. Artis Gymnasticæ cap. 10. Solebantq; in hoc genere modo rectas clausasq; habere sellas, modo reiectas apertasq;, prout morbi ratio postulabat, sicut idem ex Antyllo observavit. Atq; ista quidem sunt, quæ de sella nobis occurrebant.

Cap. V.

De Lecticis.

Lectica num digniores sellis. Lipsius rejicitur. Suetonius exponitur. Num excogitaverint Bythini. Lipsius & Scholiastes Iuvenalis refutati. Cicero corrigitur & explicatur. Catullus aliter, ac fit à Lipsio, exponitur. Lectica Persis nota. Φοπέlov. Φοπέλον. Gestatorium. Nota Indis. Curtius corrigitur. Nota Macedonibus & Syris. Quando Romam venerint. Gellius à correctione prava Lipsij liberatus. Species lecticarum. Lipsius denuò rejectus. Asseres lecticæ ad gestandum. Gellius contra Lipsium expositus. Plumæ ac rosæ in pulvinibus lecticarum. Pedes lecticarum ex ligno, argento, auro. Lectica operata coriis, cum fenestra in latere. Num & vela habuerit. Aufidius Bassus explicatur. Lipsius bis revellitur. Sindon lecticaria. Torrentius notatur. Lectica dormitoria. Aperire lecticam. Propertius explicatur, & à correctione Lipsij liberatur. Consuta lectica. Suetonij lectio vulgaris defenditur. Ornamenta lecticarum. Aureæ lecticæ, angustæ, laxæ. In lecticis cubabant. Cubile pro lectica. Portabantur super humeris. Suspensæ lecticæ. Gonsalvus notatur. Martialis exponitur. Sella plicatilis. ὀκναδίας. Faldistorium, faldistonium. Lecticarij longi, Liburni. Lubinus notatur. Scholiastes Iuvenalis emendatur. Geruli Lyburni. Lectica Lyburnata. Lecticarij formosi cum vestimentis pulchris. Senecæ lectio contra Lipsium defensa. Canusinati. Coloris rufi. Quatuor ad lecticam, vel sex. Hexaphoros. Cicero liberatur à glossa. Octophoros. Gonsalvus denuò notatur. Petronius exponitur. Lecticarij dicti non ij soli, qui ad lecticas adhibiti. Quidam qui gestant alios humeris. Succollare.

Περὶ οφείποι. Plutarchus emendatur. Habuerunt emptos, vel acceptos dono, vel conductos mercede. Castra lecticariorum. Liberti gestant lecticas. Opera togata. Prosequi lecticam. Elephantum ad lecticas. Lecticarum usus promiscuus viris feminisque. Ποσειδάωνεια. Viri infirmiores fere usi lecticis. Hieronymus Mercurialis notatur. Octophoros lectica mulierum fere, nisi forte viri essent in itinere. Lecticis vectipueri. In lectica plures simul. De locis binis Ciceronis suspicio. Concurrere. Lecticarum usus in itinere vetus, serus in urbe. Olim promiscuus, mox matronis honestis solum concessus, nec semper. Mamertinus explicatur contra Chimentellum, & distinctus. In lecticis legebant, scribebant, dormiebant, occultabant sese, ducebantur ad supplicium, vehebantur egroti, vel alias infirmi. Vtebantur eis etiam ad recuperandam valetudinem. Δελτινόν. Lectica militares pro egrotis vel sauciis. Ξωδάμ-
 Κάειν, περίεχειν. Interpres Plutarchi castigatus. Lectica lucubratoria. Sumpodia Gracienisia. Lectica funebris. Dio exponitur. Λάραξ. Arca. Funerale lecticis tectis nonnunquam elata. Cicero & Gellius exponuntur.

Post Sellas de Lecticis aliquid dicendum. Nempe operosiores illis sunt, & sumptuosiores. An & digniores? Negat Lipsius I. Elector. c. 19. Sella, inquit, postquam recepta in usum, dignior habita lectica. Ex Suetonij unico, & ideo notando loco in Domitiano cap. 2. Ob hac correptus, quo magis etatis & conditionis admoneretur, habitabat cum patre una, sellamque ejus ac fratris, quotiens prodirent, lectica sequebatur. Contra censet Casaubonus, cui jure merito ad stipulamur. Nimirum non hic agitur de sella qualibet, qua gestabantur, sed curuli, de qua, inquit Casaubonus, si intelligas, non de vulgaris sella, plane ruit ὁ συλλογισμὸς. Sanè admoneri debuit Domitianus, sicut auctor est Suetonius, & ætatis suæ, & conditionis, hoc est, nec maturum adhuc esse annis, & privatum forte. At hoc fieri qui potuisset, si sellæ præcedentium patris fratrisque fuissent vulgares? Nec enim in vulgaribus illi soli gestabantur, qui in dignitate constituti essent publica, sed & alij, quod supra demonstratum est, Quare superest, ut discrimen fuerit non inter sellam & lecticam,

quale dicit Lipsius, sed lecticam atq; sellam curulem. Fuit autem lectica, sicut sella, gestatorium vehiculum, excogitatum primo, uti censet Lipsius, à Bithynis. Colligit hoc autem ex Catulli verbis hisce, quæ leguntur Epigr. 10.

*At certè tamen, inquit, quod illic
Natum dicitur esse, comparasti
Ad lecticam homines* -- --

Apparet, inquit, eum dicere, lecticas natas in Bithynia & inventas. Addit, facere huic sententiæ, quod ait Cicero lib. V. in Verrem, morem fuisse Bithyniæ regibus lectica octophoro ferri. Equidem ex isto Ciceronis loco idem colligit & Scholiastes vetus Juvenalis ad Satyræ l. ver. 121. *Lecticarum usum, ait, primi dicuntur invenisse Bithyni.* Cicero: *Nam una haud mos est Bithyniæ regibus vehi lectica, id est octophoro.* Verba Ciceronis, sicut citat Scholiastes, nil huc faciunt, imò potius contrarium ostendunt. Neq; magis juvant, sicut vulgo leguntur, & laudantur Lipsio: *Nam ut mos fuit Bithyniæ regibus, vehi lectica.* Nec enim si Bithyniæ regibus ille mos fuit, ideo & invenisse necesse est, quod liquet ex Romanis, quibus ipsis postea hic mos fuit. Et tamen in Ciceronis illo loco invenisse Scholiastes videtur, in quo sententiam fundaret istam. Nempe scriptum olim fuit apud Ciceronem: *Nam unus ut mos est Bithyniæ Regibus.* Quia Cicero illis regibus dixit morem illum esse unum, is accepit de unico & solo, atq; ita illos solos initium huic mori ac consuetudini fecisse putavit. Pro illo *unus ut* ineptus scriba conjunctim fecit *unus ut*, inde natum *una hut*, & post *una hant*, vel *una haud* apud Scholiastem. Atq; sic legendum apud Ciceronem ipsum videtur, non ut hodie mutilate editur, vel propter Scholiastem dictum, qui ex verbis, sicut nunc se habent, nunquam in sententiam, quam proponit, potuisset adduci. Non inquam, *nam ut* omissa necessaria voce, sed *nam unus ut* substituendum. Quanquam & si legas isto modo, nihil valide hinc asseratur; potest enim unus ille mos intelligi non exclusive, quasi apud alios non fuerit, hoc enim falsum apparebit ex sequentibus, verum eminenter,

ter, quod ante alios eo sint gavisi. Neque magis clara sunt Catulli verba. Scaliger profecto exponenda putat sensu longe alio. Nec enim illud *natum* ad *lecticam* refert, sicut facit Lipsius, sed de pecunia intelligendum ait, per comitem Consulis negotiatione quaesita in provincia. Non pigebo locum totum, licet longiorem adscribere, quoniam declarat evidenter, Lipsium non satis intellexisse Catullum. *Di versum*, ait, est *as natum in provincia* ab eo, quod dixit, quantum provincia profuisset *are*. Comites proconsulum duplicia commoda in provincia, percipiebant: alterum ex negotiatione sua, quod hic more Gracorum argentum natum dicitur. Nam id illis est το γινόμενον ἀργύριον. Alterum ex provincia illis obveniebat opera magistratus ipsius, quod lucellum vocabatur, ut alibi docebimus ex Cicerone. Quod ergo dicitur, & quantum mihi profuisset *are*, hoc est, ecquid lucelli mihi obvenisset ex Bithynia. Hoc vero, quod natum dicitur, hoc est, quod quaesivisti negotiatione tua. Notum ex Sallustio in *Iugurtha*, quae sint negotiationes togatorum, ut ipse vocat. Hæc Scaligeriana longè doctissima ostendunt abunde, nil nos ex hoc loco pro Bithynis posse allegare, si de lecticarum auctore quaestio instituat. Ac profecto pridem alibi, quam Bithynia, credo, coepit innotescere, usus lecticarum invaluit. Legimus enim apud Persas etiam ætate Artaxerxis. Timagoram profecto is lectica donavit, sicut auctor est Plutarchus in ipsius vita, quod ostendit, usum ejus satis tum in Persis notum receptumque fuisse etiam inter viros. Idem repetitur à Plutarcho in vita Pelopidæ, ubi de Timagora: καλέβαινε ἐπὶ θάλασσαν, ἐν φορείῳ κομιζόμενος. Hic φορεῖον nihil aliud, quam lectica, quod apparet ex collatione loci supra dicti, ubi τὰς κομιζούσας φορεῖς commemorat, id est homines ad gestandum destinatos, quales hic de sella nequeunt intelligi, haud tum nota, verū de lectica. Philoxenus: *Lectica*, φορεῖον. Scribitur & φοεῖον in Glossario Cyrilli. Φοεῖον, *lectica*, *feretrum*. In Onomastico Argentoratensi *gestatorium* exponitur. *Gestatoriū*, φορεῖον. Sed gestatorium & de sellis usurpatur. Ideo generatim Glossæ veteres M^s. Savaroni laudatæ: *Gestatorium*, *instrumentum, quod quis portatur*. Pro gestatorio Tacitus dixit *gestamen* lib. II. Anal. c. 33. & de rheda similive vehiculo accepit, sicut alibi ostendimus.

mus. Φορεῖον tamen fere semper apud veteres *lectica*. Quam non Persæ solum, sed & Indi cognitam habuere. Illa namq; Rex Indorum gestabatur. Curtius lib VIII. c. 9. *Quum rex sese* (ita mallet, pro *sane*, quod habet editio Blancardi) *in publico conspici patitur, thuribula argentea ministri ferunt, totumq; iter, per quod ferri destinavit, odoribus complent. Aurea lectica margaritis circumpendentibus recubat.* Quin & hodie consuetudo illa manet apud ipsos, quod testantur, qui nobis regiones illas descripserunt. Ab extremis illis Orientis gentibus, luxu fere diffluentibus, res est translata ad viciniore. Nam & Macedones usurparunt postea, memoratq; Athenæus in pompa Antiochi lecticas plures, in quibus feminæ gestabantur. Verba ejus lib. V. c. 5. Ταύταις δ' ἐξῆς ἐπὶ μπευον ἐν χρυσοποσι μὲν φορεῖοις ὀρθοήκοντα γυναικες, ἀργυροποσι δὲ πεντακόσια μαθήμενα πολυτελῶς διασκευασμένα. *His proxima fuerunt octoginta feminae in lecticis pedes aureos habentibus, & alia quingenta in lecticis cum pedibus argenteis, magna impensâ cultæ ac exornata.* Non est dubium, quin fermo sit, non de vehiculis carpentisve, sed lecticis, quia pedes non sunt, nisi in lecticis, uti ex sequentibus constabit. Fuit porro hic Antiochus ex Seleuci posteris, qui post Antigonom Regnum Syriæ tenuit mortuo Alexandro Magno. Unde constat, Syris quoq; notas lecticas fuisse. Inde forsitan in Cappadociam Bithyniamq; inde Romam pervenerunt. Quando hoc sit factum, in incerto est. Lipsius temporibus Gracchanis putat, quoniam sic legitur apud Gellium: *His annis paucis ex Asia missus est, qui per id tempus magistratum non ceperat, homo adolescens pro legato. Is in lectica ferebatur. Ei obviam bubulcus de plebe Venusina advenit: & cum ignoraret, qui ferretur, per jocum interrogavit, num mortuum ferrent.* Verba hæc leguntur lib. X. c. 3. in quibus pro *ex Asia*, sine cunctatione *in Asiam* Lipsius existimat scribendum. Nos tamen subfistimus cunctamurq; cum quo pacto flagitet hoc sensus, quod existimabat Lipsius, haud videamus. Annon enim missus esse Romam potuit ex Asia à Præside Provinciæ vel Prætorē? Cum præsertim nominetur adolescens, qui necdum magistratum ullum caperet. Tales enim mitti à Romanis in provincias minimè solebant.

Et est verisimile, habuisse lecticam illam secum ex Asia, ubi usus earum fuit frequentissimus, atq; ita spectaculum ridiculum præbuisse bubulco imperito. Cæterum quæ forma lecticarum fuerit, abunde satis traditum à Lipsio putamus lib. I. Elect. c. 19. Facit autem, duplices, alias tectas, alias verò apertas. Apertarum speciem simplicem, *asserres nimirum aliquos compactos, qui capere pulvinum oblongum possent, in quo homo singularis porrectus jaceret.* Quos hic vocat asseres, probat mox auctoritate Juvenalis Martialisq;. Verum illi alij fuerunt, nec qui constituebant lecticam ipsam, sed adjuncti, ut per eos posset gestari, ut deinde indicabo. Quare mallem tabulas vocare, quæ compactæ speciem habebant lecti funebri. Lectus funebri monstratur nobis in monumento M. Antonij Antij Lupi, tali specie, quod Lipsius ipse fatetur.



Jam verò lecto funebri lecticam similem ipse facit Lipsius, & confirmat joco Martialis lib. II. epigr. in Zoilum, quando ait:

Laxior hexaphoris tua sit lectica licebit,

Dum tamèn hæc tua sit, Zoile, sandapila.

Neq; fuit causa, potior, cur bubulcus ille apud Gellium interrogaret, *num ferrent mortuum*, lectica primum visa. Scilicet lecticam vidit esse illi similem, quo mortui efferebantur. Igitur non facta esse potuit tam ex asseribus, quam tabulis quadratis longioribus, quemadmodum in lecto funebri videmas. Asserres, quorum meminerunt veteres, non pertinebant ad structuram ipsam lecticæ, sed gestationem. Svetonius clarissime in vita Caligulæ cap. 58.

Ad primum tumultum lecticarij cum asseribus in auxilium accurrunt. Lipsius rectissime: *Ex hoc loco non vane quis suspicetur, asseres eos exemptiles fuisse, & facile in lecticam reponi potuisse aut tolli.* Si reponi potuerunt aut tolli, non profecto ipsa ex eis constructa esse debuit lectica. Atq; ita intellexit & Torrentius. Sic enim habet isto loco. *Asseres fuerunt ligna illa, quibus innixam domini lecticam humeris subibant.* Iuvenal. Sat. III. *ferit asserē duro* Alter. & Sat. VII. *longo premit asserē Medos.* Martialis etiam: *Vt canusinatus nostro Syrus asserē sudet.* Ergo alia lectica, & alij asseres in lectica. Lectica lectus ipse; asseres, ligna quibus portabatur, unde Juvenalis appellavit *duros & longos*, item *premi* eis dixit Medos, quando nempe habent humeris impositos: quomodo & Martialis Syros eis *sudare*, subeunt scilicet. Scholiasti Juvenalis nuncupantur *amites*. Nam Poetæ illud *asserē duro*, sic exponit: *Amite lectica, lecticarios significat.* Sic distinguo illa verba, & asteriscum tollo. *Asserem* dicit esse *amitem lectica*, ibiq; Poetam agere de lecticarijs. Porro *amites* propriè baculi furcati, quibus retia sustententur. Scholiastes vetus Cruquij ad Horatij Epod. c. 2. *Ames propriè est furcula, ex qua rete suspenditur ad capiendas aves.* Porphyrio eodem loco: *Amites hodieq; appellantur furcula, quibus retia in venatione vel aucupio suspenduntur.* Num hujusmodi & asseres lecticarij? Vix opinor; ita enim subjectos lecticæ ac suffulcientes eam tenuisse manibus necesse sit. At contra in humeris colloq; gestasse inferius patebit. Idèò existimo fuisse rectos simplicesq;, per lecticæ latus utrumq; collocatos in annulis fortasse, sic, ut possent eximi, multum ante lecticam prominentes antrorsum retrorsumq;. Nisi forte in lecticis gravioribus præter illos asseres interdum adhibuerint & furculas, quo facilius portarent. Lipsius eos asseres in vinculis aliquibus reponit, hucq; trahit verba Gracchi apud Gellium superius indicato loco. Sic enim post allata habent: *Vbi audiuit, lecticam deponi jussit: stuppisq; quibus lectica deligata erat, usq; adeo verberari jussit, dum animam efflavit.* Verum asseres eos vinculis è stuppa, id est funibus cannabinis ad lecticam religari solitos vix credimus propter cæterum lecticarum istiusmodi ornatum, quo cum funes

parum utiq; conveniunt. Deinde ne quidem deligati eis vinculis hic dicuntur asseres fuisse, sed lectica ipsa. Quare magis censeo significare funes, lecticæ subjectos, in quibus reponi pulvinus solebat. Hoc enim conveniebat molliciti, nec ignotum erat vulgo in lectis dormitorijs. Quod vel Cato docet, quando etiam in villa requirit *lectos loris subtentos quatuor lib.* de R. R. c. 10. Nec fortassis alia est causa, cur pulvinum illum *pensilem* vocarit Juvenalis Sat. 1. quam quod esset non in tabula repositus, sed suspensus funibus. Verba ejus hæc sunt:

Vehatur

Pensilibus plumis, atq; illinc despiciat nos.

Scholias tes ibi: *Pensilibus plumis: lectica, plumis strata.* Pensile profectò *ὑπεμασθόν*, quod non convenit, nisi in id, quod in libero pendet aëre. Sic plumæ pensiles erunt liberæ, sine tabula subjecta folis funibus sustentatæ. Quanquam plumæ debeant intelligi non nudæ, sed inferetæ sacco, unde Cicero *pulvinum* dixit. Verba ejus sunt in Verrem V. *Lectica octophoro ferebatur, in qua erat pulvinus perlucidus, rosafarctus.* Ubi nota, homines delicatulos pro plumis, rosas etiam adhibuisse hisce in lecticis, sicut nempe alias in lectis dormitorijs, quod alij notarunt. Pulvinum memorat & Seneca in de Consolat. ad Martian. cap. 16. *Equestri insidens statuæ in sacra via celeberrimæ urbis loco Clælia, exprobrat juvenibus nostris pulvinum ascendentibus in ea illos urbe sic ingredi, in qua etiam feminas equo donavimus.* Pulvinum Lipsius hic accipit de lectica, vel pulvino in lectica, nec repugno. Puto tamen & de sella posse accipi. Cæterum lectica pedes etiam habebat, numero quatuor, ut ex lecto funebri, superius de picto colligas. His insistebat, si deponeretur. Pedes hi vulgariter ex ligno. Docet Lipsius ex Catullo.

Fractum qui veteris pedem grabati

In collo sibi collocare posset.

Ditiores inducebant argento, quod demonstrat exemplo Athenionis Philosophi, cui Athenæus lib. V. c. 10. tribuit *σοπέρον ἀργυρόπουν*, id est *lecticam cum pedibus argenteis.* Addo ego, habuisse etiam ex auro, ex eodem Athenæi loco, verbis, quæ superius adduximus,

in quibus occurrunt φορείς non solum ἀργυρόποδες, verum & χρυσοπόδες. Sed de ornamentis postea loquemur. Videamus lecticas opertas sive tectas. Mentio earum apud Ciceronem Philipp. II. *At iste operta lectica latus est per oppidum, ut mortuus.* In his omnia eadem, quæ in apertis, ait Lipsius, nisi quod majorum deliciarum fuerint, contraq; aspectum hominum, sive injurias aëris clausæ undiq; ac munitæ. Munitæ autem pelle & velo, opere arcuato. Martialis.

Lectica nec te tuta pelle velog,

asseret. Possumus intelligere hic pellem dictam proprie, vel corium, sicut & in sella, quanquam plus in corium inclinem. Scriptor vetus apud Suidam: πλέγμα ποιήσαντες, φορέων τύπων γυναικείων, δέμασι βοείοις ἐπιπλασάντες ἀνατεργάσας. *Fecerunt contextum simile lecticæ muliebri, coriisq; bovinis inelaboratis induxerunt.* Si hæc coria fuerunt ἀνατεργάσα, id est *inelaborata*, rudia, qualia detracta bovis, ergo pelles. Quanquam auctor ille pelles hic respexerit per festinationem captas, ut opinor, non quales alias in lecticis communiter fuerunt. Nec de his ex isto quidem loco valide colligeretur, nisi aliunde constaret de ipsis. Opus arcuatum probat Lipsius ex verbis Taciti, quæ leguntur lib. xv. An. c. 57. ubi memorat Epicharin libertam *fasciam in modum laquei ad arcum selle* restrinxisse. Sed est ibi sermo non de lectica, verum sella, ut & in superioribus est indicatum. Tamen & lecticam opere arcuato tectam superne fuisse, haud negaverim, cum operiri aliter vix potuisse videatur. Nec fortassis aliter intelligendum πλέγμα Suidæ memoratum, quam de tecto bacillis aut viminibus arcuato, & inducto pellibus. Nam à lateribus quidem habuere fenestras, per quas possent prospicere. Docet Lipsius ex his Juvenalis, Sat. III.

Namq; facit somnum clausa lectica fenestra.

Quanquam hic de una tantum sermo sit fenestra, non pluribus, contra quam intellexisse Lipsius videtur. Neq; puto plures habuisse. Hæ fenestræ vulgo sine vitris fuisse videntur, at in lecticis muliebribus oclusæ vitris lapideve speculari. Unde Poëta idem Sat. iv.

-- -- *Magnæ si misit amicæ*

Quæ vehitur clauso latiss specularibus antro.

Scholias tes ibi: *Lecticam mulieris, aut sellam clausam dicit.* Loquitur ambigüe, ostendit tamen, ita claudi confveuisse non fellas solum, verum etiam lecticas. Cæterum si clausæ specularibus aut vitris, aperta fuisse videtur, quæ his specularibus carebat. Ac fortassis, ut in fellis; ita quoq; in lecticis alia est tecta, alia vero clausa. Quod enim de velo ait Lipsius, eo tectas fuisse fenestras, neuter docet ex adductis ipsi locis. Aufidius Bassus in de morte Ciceronis: *Ciceropaulum remoto velo, postquam armatos vidit: ego vero consisto, ait: accede veterane, & si hoc potes saltem rectè facere, incide cervicem.* Hic vela cerno, fenestras video nullas. Dicit quidem Lipsius de Cicerone: In lectica & quidem tecta interfectum. At de tecta nominatim hætenus non observavi quenquam agere. Igitur & superne tectam facile largimur, clausam tamen specularibus aut fenestris difficulter possumus intelligere. Sanè si hoc modo clausa fuisset, non fuisset satis, removeri velum, sed & aperiri fenestram. De fenestra verò nemo loquitur. Quare clausa illa quidem vitreis fuisse non videtur, verum solis velis à lateribus instructa, quæ obtendi removerive possent, pro arbitrio. Vela *plagulas* appellavit Svetonius in Tito cap. 10. *Deinde ad primam statim mansionem febrim naetus, cum inde lectica transferretur, suspexisse dicitur dimotis plagulis cælum.* Nullam hic fenestram aperit, sed solis plagulis dimotis cernit cælum. Aliæ sunt *plagæ*, quarum Nonius facit mentionem, nec confundere cum his Lipsius debuit. Verba ejus: *Plagæ, grande linteum, tegmen, quod nunc torale, vel lecticariam Sindonem dicimus.* Sindon lecticaria non est hoc loco, quæ lecticæ occluduntur fenestræ, quod putavit Lipsius, sed quæ obvelantur lecti. Docet vox toralis, quæ planè hoc significat, quod dixi. Nonius: *Torale & toralium stragulum est.* Glossæ Philoxeni: *Torale, περιδεωρ.* Vidit & Torrentius ad indicatum Svetonij locum. *Plagule*, inquit, *non totum illud lecticæ tegmen, sed quibus fenestra lecticæ obtegitur.* Rectè plagulas à plagis secernit, quoniam res diversissimæ fuerunt;

Quamquam plagulas fenestris, quales quidem ipse hic intelligit ex vitro specularibusq; fuisse obtentas frustra credi jam ostenderim. Sed nec illud placet, quod hic tegmen quoddam facit lecticæ. Quis enim id legit hactenus, vel ubi fuit? Nempe non distinguit gestatoriam lecticam à lectica dormitoria seu cubiculari. Dormitoria tegmen habuit ejusmodi, non gestatoria. Dormitoria fuit ea in qua lectus reponi solebat; sponda vulgo nuncupata, licet sponda esset ex tabulis ligneis, hæc ex herbis. Varro: *Lectica, quod legebant, unde eam facerent, stramenta atq; herbas, ut etiam nunc fit in castris. Lectos, ne essent in terra, sublimes in his ponebant.* Hic lectica non est, qua gestantur, sed qua cubant somni causa. Ea quondam facta ex stramentis, tortis videlicet confutisque, mattæ instar, inq; ipsa lectus, qui torali sternebatur vel integebatur. Nihil tale fuit in lectica gestatoria. Non plagas habebat, verum plagulas, obductas lateribus. Sive autem plagulas has removerent, sive attollerent fenestras, *aperire lecticam*, ut opinor, dicebantur. Sic accipio Propertium, quando ait lib. IV. el. 9.

Colla cave inflectas ad summum obliqua theatrum,

Aut lectica tuæ sudet aperta mora.

Verba Cynthiæ sunt ad Catullum. Vult, cum lecticæ nulli moram injicere, donec aperiatur, ut cum ea, quæ recumbit intus, possit confabulari. Cave, ait, ne lectica sudet *mora tuæ*, hoc est, propter moram tuam, quam tu injicis. *Sudet* autem propter lecticarios, multo cum sudore sustinentes lecticam, propter moram per confabulationem tuam injectam. Ita locum hunc expono, & si confabulandum esset, prius aperiendam lecticam hinc observo. Lipsius pro *sudat*, exhibuit *fidat*, indeq; correxit:

Aut lectica tuæ sit adoperta mora.

Sed non video, quid ista sibi velint. Explicavit quidem Lipsius hoc modo: *Nolo*, inquit Cynthia, *collum flectas ad summam caveam, ubi femina: nolo etiam lectica per viam te moretur clausa, ne curiosè inspicias, quæ aut qualis vehatur.* At si clausa, quod vult Lipsius, & adoperta, qui morari potuit, quippe quæ ne quidem inspicì dabatur? Docet satis Ovidius lib. II. de Remedio amoris.

Forte aderam juveni. Dominam lectica tenebat:

Horrebant se vis omnia verba minis.

Iamq; vadaturus, lectica prodeat, inquit.

Prodierat. Visa conjuge mutus erat.

Hic non videt nec agnoscit conjugem in lectica clausa, donec prodijisset. Ergo quamdiu non aperitur, neminem morari lectica talis valet. Nec enim an omninò aliquis in ea vehatur, sciri potest. Non igitur de clausa vel adoperta sermo apud Propertium, sed aperta, eo, sicut dixi, modo. Ut verò ne aperiri quidem posset, consultam aliquando legimus. Sveronius Tiberij c. 64. *Nurum ac nepotes nunquam aliter post damnationem, quam catenatos, obsutaq; lectica, loco movit: prohibitis per militem obviis ac viatoribus respicere usquam vel consistere.* Libri veteres, ut Torrentius observat, habent *obsitq;*, non *obsutq;*, quod significaret *cinctam, circumdatam*. Verum quia *obsitum* sic absolute non usurpant, verum addunt vel *milite*, vel *custodia*, vel alia quacumq; re, illud *obsutq;* puto esse probum. Nempe quæ si *obsuta lectica* non intelligebant, qui pro ea *obsitam* scribere. *Obsuta* est *consuta*, futuraq; junctis plagulis coriisve ita clausa, ut nec intus nec exterius possit aperiri, nisi rupta futura. Et hoc voluit Tiberius, ne cuiquam nurus nepotumq; tristis facies moveret animum, ne quem ipsi ad commiserationem sui & auxilium possent implorare. Invenimus autem has lecticas etiam ornatas, sive apertæ forent, sive non apertæ. Pedes aureos, argenteosq; supra memoravimus in illis. Ipsas quoq; cultas bracteis est verosimile. Talis Antonini apud Herodianum lib. V. cap. 8. τὸν Ἀλέξανδρον, συγκαθεστὲς αὐτῷ ἐν τῇ βασιλικῇ φορέῳ, ὅσπερ διὰ χρυσῶ πολλῆ καλίστων τιμῶν πεποιητὶς. Politianus hæc sic reddidit: *Alexandro secum in vehiculo Imperatoris confidente, quod erat auro multo gemmisq; exornatum.* Ambigue. Nam & lectica inter vehicula. Scholiastes vetus Horatii lib. I. Sat. 2. *Lectica, vehiculum.* An intellexit currum? Atqui semper alij vel lecticam explicant, vel sellam. Appianus lib. IV. B. C. ubi agitur de Ciceronis proscripti fuga imminenteq; cæde. Οἱ διεράπονηες ἐς φορεῖον ἐδόμενοι τὸν Κικέρωνα, αὐτὸς ἐπὶ τῷ δαλασσαν ἦγον. Plutarchus de eadem re in vita Ciceronis. τὰ μὲν δού-

μενοι, τὰ δὲ βία λαβόντες ἐκόμισον ἐν τῷ πορείῳ πρὸς τὴν θάλασσαν. At hoc Brutidius Niger ita explicat Latine apud Senecam in Suasor. *Elapsus interim altera parte villa Cicerò, lectica per agros ferebatur. Quæ Græcis πορεῖον, ea huic lectica.* Onomasticon Argentoratense. *Lectica, πορεῖον.* Philoxenus similiter. *Lectica, πορεῖον.* Ad eundem modum legas & in Glossis Benedicti. Glossæ Græco-Latinæ; *πορεῖον, lectica, feretrum.* Itaq; vix dubito, quin lectica sit intelligenda in Herodiano. Cum præsertim Antonino huic, id est Helio-gabalo conveniat. Equidem & Lampridius de eo c. 29. *Habuit gemmata vehicula & aurata, contemptis argentatis, & eboratis, & æratis.* Sed & hic non carpenta solum ac id genus alia cum rotis, verum etiam lecticæ sellæve poterunt intelligi. Auream lecticam usurparunt Indiæ reges. Curtius lib. VIII. c. 9. *Aurea lectica margaritis circumpendentibus recubat.* Atq; sic ornatas habuisse intelligimus eos, qui in eminentiori dignitate fuerunt constituti. Reliqui vulgaribus minusq; cultis utebantur. Qui fortassis & angustiores habuere. Inde namq; nomen etiam *lecticularum*, quod angustæ forent. Tacitus Hist. III. c. 67. *Simul ferebatur lecticula parvulus filius, veluti in funebrem pompam.* Usurpavit & Tullius modestiæ gratia, quod ipsum ostendit, minus arrogantes superbosq; lecticas habuisse minores. Verba ejus lib. VII. ep. I. *Tu modo istam imbecillitatem valetudinis tuæ sustenta & tuere, ut facis, ut nostras villas obire, & mecum simul lecticula circumcursare possis.* At elatiores habuerunt laxas. Inde ludus Martialis lib. II. in Zoilum.

Laxior hexaphoris tua sit lectica licebit

Cæterum quilecticis hisce utebantur, cubare in illis resupini fere solebant, contra quam fiebat in cathedris sellisve, uti supra monui, Lipsiusq; docuit ex Ovidij lib. I. de Arte.

Interea, si ve illa thoro resupina feretur;

Lecticam domina dissimulanter adi.

Cui nunc addo Ciceronem, qui similiter in III. Verri de Verre: *Artagathum & argentum in lectica cubans ad mare infra oppidum expectabat.* Et quoniam cubabant, inde apud Senecam cubile pro lectica. Verba ejus lib. III. de Benef. c. 28. *Quo tandem ab istis*
geru-

gerulis raperis, cubile istud tuum circumferentibus. Cubabant autem in pulvino plumis farcto, quod superius ostensum est. Lēcticam portabant servi per asseres ante dictos, impositos humeris vel cervicibus. De asseribus testatur Martialis:

Vt Canusinatus nostro Syrus asserere sudet.

De humeris & cervicibus Plinius in Paneg. c. *Ante te principes fastidio nostri, & quodam æqualitatis metu usum pedum amiserant. Illos ergo humeri cervicesq; servorum super ora nostra vehebant.* Dicit, *super ora nostra*, quia lēctica eminebat supra homines ambulantes vulgo, & præsertim is, qui in ea ferebatur. *Supra capita* dixit Seneca, qui & *suspensum lēctica* vocavit, quod in alto super humeros balulantium esset collocatus. Verba ejus ep. 81. *Idem de istis licet omnibus dicas, quos supra capita hominum supraq; turbam delicatos lēctica suspendit.* De cervicibus cognoscimus, præterea ex Luciano, qui sic in Cynico: *κελεύετε τὰς ἀνθρώπους ὡς περ ἀμάξας τὰς κλῖνας τοῖς τραχήλοις ἄγειν.* *Iubetis homines, ut lēcticas tanquam currus ferant in cervicibus.* Et ex Juvenalis Sat. vi.

Quam quæ longorum vehitur cer vice Syrorum.

Scholiastes ibi: *Vehitur, id est, in lēctica.* Unde constat, sic lēcticam ferri solere. Quare falsus est Gonsalvus ad Arbitrum, qui putavit lora à collo pendentia ponderi minori cum labore sublevando interdum superaddita p. m. 103. Locus Martialis, quem hoc sine laudat, nihil tale dicit. Extat lib. II. epigr. in fictum divitem.

Quem grex togatus sequitur, & capillatus,

Recensq; sella, linteisq; lorisq;.

Sermo hic est primum non de lēctica, verum sella, de qua itidem haud constat, gestatoria ne sit intelligenda, num vero sedentaria. Deinde lora illa non dicuntur facere ad gestationem, sed spectare ad sellam; propter ipsa linteaq; sella nominatur recens. Deniq; hæc lora Lipsius de vinculis accepit, quibus inserantur asseres, non pendentia à collo gerulorum, sed colligata in lēctica. Quare lora nil huc faciunt. Ostendunt potius, ut arbitror, structuram sellæ plicatilis, quæ linteo, in quo sedebant, subtenta lora habuit, quibus sustinebatur, sicut hodieq; in ijs videmus. *Ὀνιάδας* Græci appella-

runt, uti pluribus à Chimentellio est monstratum. Neq; fuit aliud *faldistorium*, quod ipse vocat *genus selle humilioris, & plicatilis, sine reclinatorio aut suppedaneo* p. m. 89. Disputant de eo eruditi, atq; in diversas eunt sententias. Ego nullus dubito, quin pro *faldistorio*, legi *faldistolium* oporteat. Sic enim tota integre; erit Germanicum, à *falde, falte*, quod hodieq; *plicam* denotat, & *stol*, quod est etiam nunc *sella*. Tale *faldistolium*, seu *ἰκλαστόλιον* in summo habuit lora, & super ea corium seu linteum, quæ quia fuerunt recentia, sellam recentem apud Martialem demonstrarunt. Unde nil ex eo de loris à collo gerulorum dependentibus Gonsalvus colligere debebat. Servi porro ad negotium hoc capti longiores ac proceri. Sic colligimus ex verbis Juvenalis antea adductis, ubi nominatim *Syros longos* in lectica memorat. Simili ratione habet Sat. VI.

— *Ingenti curret super ora Liburno.*

Dubitatur Lubinus, an de lectica, num vero lecticarijs debeat accipere, imo *Liburnum* dictam lecticam putat. Verba ejus ad hunc locum. *Liburnum magnam lecticam dicit, quasi navem, & ejus bajulos liburnos. Est enim navis species à Liburnis populis. Vel intellige de lectica & grandibus è Liburnia servis lecticarijs.* Ego vero liburnum de lectica nusquam scio usurpatum. Puto autem Lubino imposuisse Scholiastem veterem, qui sic habet isto loco: *Liburno, à lectica magna Liburnatos & Getulos Liburnas. Ipse, tarde venisse Liburnos, in secundo libro.* Verba hujus à lectica magna ita intellexit, ac si τὸ *Liburno* explicarent. Ideo *liburnum* dixit esse *magnam lecticam*. At hæc mens non fuit Scholiastæ, quasi à liburno, id est lectica magna dicerentur liburnati, seu liburni, verum contra *Liburnatos & Liburnos* esse dixit à lectica. Ubi à lectica *Liburni* sunt, qui eam gestant, quomodo frequentissime habemus à custodia armorum, à Corinthiis, à fibulis, à pugione, à tabulis & id genus apud veteres, pro ministris servisq; qui hæc talia curant. Sed qui *Getuli Liburni*, quos hic ipse Scholiastes memorat? Equidem sunt noti satis *Getuli*, sunt & *Liburni*, & *Liburnos* *Getulos* non puto ququam observasse. Quare mihi non est dubium, quin legi *gerulos* debeat. *Geruli Liburni* sunt, qui lecticas gerunt. Ita Seneca su-

pra III. de Benef. c. 28. *Quo tandem ab istis gerulis raperis. Ipse* Scholiaſtes libro ſecundo, quem laudat, id eſt Sat. vi. ijs verbis: *Tarde veniſſe Liburnus. Liburnus, nuncius, aut certè leſticarius, aut gerulus leſtica, quæ liburnata eſt. Vocat liburnatam leſticam, non, quod eſſet à Liburnia, ſed quod ſervis Liburnis geſtaretur. Geſtabatur autem frequentiffime à Liburnis, quoniam fuere proceri. Eadem fuit ratio in Syris atq; Cappadocibus, quos in leſticis memorat Martialis, & Germanis, quos nominat Tertullianus. Omnes illi populi proceri fuere. De Syris vidimus. De Cappadocibus firmat Fragmentum Petronij Traguriani p. 34. editionis noſtræ. Habebamus tunc hominem Cappadocem, longum, valde audaculum. De Germanis præter alios & Tacitus Hiſt. v. c. 15. Germanos fluminibus ſuetos le vitas armorum, & proceritas corporum attollit. Voluerunt autem omnes iſtos eſſe longos, quo magis ſuper alios in leſtica ſublatis extarent, hoc enim decorum, & ſpectabile putabant. Porro non proceritatem modo, ſed & formam decentem in eis ſpectabant. Ideo Seneca ep. 110. Hoc ipſe mihi dico, quoties occurrit cohors culta ſervorum, leſtica formoſis impoſita caloniſus. Accedebat decor veſtimentorum, pænula præcipuè, quod ipſum quoque Lipſius obſervavit. Seneca de Benef. III. c. 28. Quo tandem ab iſtis gerulis raperis, cubile iſtud tuum circumferentibus? quo te pænulati iſti, in militum quidem non vulgarem cultum ſubornati? quo, inquam, te iſti efferunt? Dicit efferunt, è domo ſcilicet in publicum, nec cum Lipſio ſcribendum ferunt. Vocat autem pænulatos non vulgari cultu, unde id colligitur, quod dixi. Canuſinatos appellavit Martialis lib. IX.*

Vt Canuſinatus noſtro Syrus aſſere ſudet.

Scilicet Canuſinati à Canuſina, quomodo vocata pænula, quod apud Canuſium optime texeretur, ſicut ait Cl. Salmaſius ad Tertulliani Pallium p. 80. Plinius lib. VIII. c. 48. Lana laudatiſſima Appula. Appula breves villo, nec niſi pænulis celebres, circa Tacentum Canuſinæq; ſummam nobilitatem habent. Fuerunt autem illæ pænulæ leſticariorum ruſæ, quales militum. Inde ſupra in cultum militum ſubornatos. Seneca dixit, quod doctiſſimus Ferrarius in de Re Ve-

stiarum Par. II. lib. II. cap. 8. diligentissime monstravit. Numerus eorum minimus in qualibet lectica quaternarius fuisse videtur. Ita colligas ex lectica, qua Philologia subvecta est in cœlos apud Marcianum lib. II. In eam namque tantum quatuor, Labor, Amor, Epimelia, & Agrypnia, quod jam Pignorius notavit. Senarium tamen docent auctores, quia fuit frequentissimus. Inde habes illud, etiam Lipsio laudatum: *Quid te Cappadocum sex onus esse juvat.* Istiusmodi lectica hexaphoros appellabatur. Cicero in Verrém V. *Nam ut mos fuit Bithyniæ regibus lectica hexaphoros ferebatur.* Ita habet editio Lambini & Gothofredi. Gruteri verò cum nonnullis alijs octophoro. Et convenientius videtur, propter regium lecticæ splendorem. Sive autem hoc, sive illo modo legas, vocem lecticæ puto supervacuum, & ex Glossa irrepsisse. Solent quippe alij omittere. Martialis:

Laxior hexaphoris tua sit lectica licebit.

Idem lib. VI. ep.

Invidiosa tibi quam sit lectica requiris?

Non debes ferri mortuus hexaphoro.

Ad eundem modum solent in octophoro. Svetonius Caligula c. 43. *Iter fecit, interdum adeo segniter, & delicate, ut octophoro veheretur.* Apulejus Apolog. II. *Vehebatur octophoro. Vidistis profecto ipsi qui adfuisse, quam improba juvenum circumspectatrix.* Est autem octophoros lectica, quæ ab octo fertur: nam & octo in ea habere solebant. Martialis:

Octa Syris suffulta datur lectica puellæ.

Maximus hic numerus fuisse videtur, sicut fortè minimus quaternarius. Nam quod duos quoque putat gestasse Gonsalvus, mihi equidem haud persuadet. Colligit id tamen ex Petronio, qui sic habet: *Procurator insulæ Bargates à cœna excitatus à duobus lecticariis in mediam viam perfertur, nam erat etiam pedius æger.* Hic Gonsalvus: *Tenuiorum olim lectica parvæ erant, ut commode à duobus servis possent perferri.* Quia lecticariorum hic sit mentio, etiam de lectica cogitavit. Verum non continuò necesse est: Sunt lecticarii Petronio etiam ministri tricliniorum, qui supellectilem curant.

Ut

Ut in illo : *Insecutus est lecticarius, argentumq; inter reliqua purgamenta scopis cepit verrere.* Sunt alii illi, qui gestant sellas, uti loco alio monstravi. Et possumus accipere de iis, qui solis ipsum gestarunt humeris, fuit namq; & hoc usitatum, allusitq; Auctor Declarationis in Ciceronem istis verbis : *Quem Iupiter optimus maximus in consilio Deorum admisit, Italia exulem humeris suis reportavit.* Qui sic alios gestabant succollare, quiq; gestabantur, succollari dicebantur. Sueton. in Ottone. c. 6. *Laxato calceo restitit, donec omissa mora succollatus est.* Casaubonus ita explicat : *Liberi homines in armos & collum receptum eum bajularunt vicibus.* Hoc modo & procurator ille succollatus esse potuit à duobus lecticarijs non ad lecticas ferendas, sed lectos in triclinio curandos constitutis, cum præsertim excitatus à cœna dicatur. Neq; enim fieri omninò potuit, ut lectica etiam minima, & in ea cubans adultæ ætatis homo à duobus tantum rectè gestaretur. Porro sic lecticis bajulandis destinati vocabantur *lecticarij*, ut notum, item *geruli*, ut indicatum in superioribus. Græcis sunt φοειφόροι. Glossæ veteres : φοριοφόρ®, *lecticarius*. Onomasticon Argentoratense κλινοφόρος reddit. Sed φοριοφόρ® habet etiam Plutarchus in Galba. Ἀλλὰ ξίφεσι γυμνοῖς περὶ ὤντες αὐτὲ τ' φορεῖον, ἐκέλευον αἰρεῖσθαι, τῶν τε φορεῖον ἔχοντων πολλὰς ἀπολλύνειν, καὶ τὰς φοειφόρους ἐπιλαχύνοντες. Ita puto ibi legendum, nisi malis utrobique & apud ipsum, & in Glossis scribere φορειφόρ®. Nam φορεαφόρ®, quod nunc in Plutarcho legitur, sine dubio est corruptum. Habebant autem istos lecticarios cum cæteris servitijs sumptu paratos suo. Aliquando munere amicorum, præsertim mulieres. Inde Martialis illud IX. in Lupum.

Octo Syris suffulta datur lectica puellæ.

Minus opulenti conducebant. Habebantq; hoc sine Romæ corpora, item *castra lecticariorum*, sicut docent veteres inscriptiones. Ubi castra intelligimus certa loca per urbem, ubi stabant parati ad ministerium, si quis vellet conducere. Memoratq; P. Victor in Regione XIV. Trans Tiberim, *Castra lecticariorum*. Videntur autem corpora hæc constitisse non tam ex servis, quam conditionis inæquebejis, præcipuè libertis. Inscriptio vetus:

DE RE VEHICULARI,
 TI. CLAUDIO
 AUG. LIB.
 TIGRANO
 EX CORPORE
 LECTICARIORUM CÆSARIS.

Nominatim hunc appellat libertum. Quod autem dicit fuisse illum Claudium ex corpore lecticariorum Cæsaris, ignoro, an pertineat eo, ut constet Cæsarem ejusmodi habuisse corpus in usus suos privatos, num vero potius id corpus Cæsaris auctoritate fuisse constitutum in usus publicos & communes. Solebant enim Cæsares auctoritatem suam dare his corporibus. Unde Marcianus l. 3. ff. de Collegiis: *Nisi ex senatusconsulti auctoritate vel Cæsaris collegium vel quodcunque tale corpus coierit, contra senatusconsultum & mandata & constitutiones, collegium celebrant.* De libertis eo minus dubitari posse videtur, quoniam & alias subire lecticas honoratiorum grave non ducebant. Unde Martialis lib. v. epigrammata ad Candidum.

*Exigis à nobis operam sine fine togatam,
 Non eo, libertum sed tibi mitto meum.
 Non est, inquis, idem. Multo plus esse probabo,
 Vix ego lecticam subsequar, ille feret.*

Quando ait, *vix ego subsequar*, consuetudinem respicit officij, quod supra dixit *operam togatam*. Solebant enim honoris causa comitari lecticas amicorum honoratiorum per vias publicas. Atq; hoc intuitu Poeta idem lib. X. epigr. in Paulum.

Lecticam, sellamq; sequar, nec ferre recuso.

Ubi nota, fuisse consuetudinem eandem in sellis, quod & ex alijs illius locis novimus. Dicit autem ne se quidem recusare lecticam ferre, nempe ipse quoq; paulò ante dixerat, se *de plebe Numa, densaq; turba* esse. Unde verosimilius evadit, quod est dictum de libertis. Honorem verò eum sicut viris, ita fæminis præcipuè præstabant. Quo respexit illo monito Poeta Ovidius lib. i. de Arte.

Lecticam domina dissimulanter adi.

Achi quidem, quos Catullus nominavit *homines ad lecticam*. Nam jumenta usurpasse nusquam invenimus. Aliud id fuit genus, quod jumentis ferebatur, ut liquebit suo loco. Rectè Lipsius: *Nunquam, nisi homines ad lecticam, aliter, quam in effeda aut in rheda. Si fallo, jumentum ego*. Equidem observo apud Plinium in lectica elephantos. Ita enim habet lib. VIII. c. 2. *Postea & per funes incessere* (elephanti) *lecticis etiam ferentes, quaterni singulas*. Vel, ut habent alij, *lecticis etiam ferentes*. Ubi numerus quaternarius homines quatuor exprimere debebat, quia minimum quatuor in lectica fuere. Sed fuit ea lectica non ordinarij vel recepti generis, verum admirationis & spectaculi causa sic ornata, ut nil derogare queat Lipsianæ observationi. Cæterum lecticæ omnes in promiscuo pæne usu viris feminisq;. Cicero lib. X. ad Atticum ep. 12. *Servius Cytheridem secum lectica aperta portat, altera uxorem. Septem præterea conjuncta lectica, amicarum hæ sunt, an amicorum*. Habes hic lecticas, & in eis viros feminasq;, imo, quod notandum, feminam etiam in aperta. Verum fuit hæc amica ejus, mulier parum pudica, in qua nil fuit mirum. Nam & alias meretriculæ aut pudoris prosti- tuti feminae solebant. Cicero iterum Philip. II. *Vehebatur in effedo tribunus plebis, lectores laureati antecedeabant, inter quos aperta lectica mimæ portabatur*. At cæteræ magis utebantur tectis, sive clausis. Dio lib. LVII. *ὄντω γὰρ τοὶ καὶ ὡς δέικνεται, ὥς ἐν σκιμποδίῳ καλὰς ἐγὼ εἰς τὸ σινέδριον ἐσκομίζωμαι. Νομιζόμενον γὰρ πρὸς τοῖς ἀνδράσιν, ὡς ποτὲ τις αὐτῶν ἀδελφῶς ἔχων ἐκείσε ἐσέλαι, καλὰ κείμενον αὐτὸν ἐσφέρειναι*. Adeo male affecto corpore tum erat (Tiberius) ut in lectica aperta in curiam illatus fuerit, concessus enim erat viris etiam harum usus, ut qui per valetudinem aliter non possent, eo modo in Senatum adveherentur. Καὶ τοῖς ἀνδράσιν ait, h. e. viris quoque, quod videlicet vulgo magis pertine- rent ad feminas. Neq; aliud Φορβίων γυναικείων opinione mea apud Suidam, verbis, quæ à nobis etiam supra sunt laudata. *πλήμα ποιήσαντες ἐν λύγων, φορείων τύπω γυναικείων*. Dicit contextum illum habuisse speciem, quam lecticæ muliebres, & per lecticas muliebres tectas seu opertas intelligit, quod ex loco toto colligitur. Ita Dio rursum lib. LX. *Πρῶτον δὲ ἀρα ὅ, τε αὐτὰς & καὶ Τιβέριον, ἄλλοι τι τινὲς ἐν σκιμπο-*

ἵστοις, ὁποῖοις αἱ γυναῖκες ἔτι καὶ νῦν νομίζουσιν, ἔστιν ὅτε ἐφέποντο. *Prins vero Augustus & Tiberius, & nonnulli alij vehebantur in lecticis, qualibus mulieres etiam nunc utuntur.* Hic σκιμπόδια, ὅποιδις αἱ γυναῖκες νομίζουσιν sunt Suidæ φορεῖα γυναῖκων, id est lecticæ non quælibet, sed tectæ, seu opertæ. Nam σκιμπόδια proprie *lecticæ*, quod jam Lipsius notavit. Adhibebant tamen viri quoque, ut videmus, sed, quod ex superiore loco Dionis intelligimus, vix, nisi ægrotantes, ac infirmi, maxime in urbe. Unde venit explicandum, quod habet Martialis lib. VI. epigr. in Philippum.

Octophoro sanus portatur Avite Philippus

Hunc tu si sanum credis Avite, furis.

Hieronymus Mercurialis ex hoc loco colligi existimat, notatos, qui plures servos in lectica, quam sex numero, habere vellent. *Martialis*, ait lib. III. Gymnast. c. II. *Philippum quendam insanum vocat, quod ab octo servis lectica ejus ob quandam divitiarum inanem ostentationem per urbem gestaretur.* Sed est falsus Hieronymus Mercurialis. Octophori frequentes satis in urbe fuerunt. Id notavit potius in Philippo Martialis, quod cum esset sanus, id est valens, integrisq; corporis viribus, octophoro gestari voluerit. Scilicet octophorus opinione mea fuit muliebris fere lectica, quia tecta occlusaque, ac ex eo ponderosior. At tecta opertaq; tantum pro infirmis. Octophoron mulierum fuisse docent plurima scriptorum loco. Apulejus Apologia II. de puella sponsa: *Veetabatur octophoro.* Martialis:

Octo Syris suffulta datur lectica puella:

Quod si ergo vir, præsertim in urbe, utebatur octophoro, vel ægrotus, vel stulte ambitiosus ac delicatus habebatur. Atque huc respexit Martialis in superiori loco, luditq; æmbiguitate vocis *sanus*. Si hunc credis sanum valentemq;, furis, quia nemo valens tali utitur lectica, inter viros. Ergo necesse est, ut sit non sanus, si non corpore, saltem mente. Et quia octophorus lectica muliebris, ideo in viris notata, nisi ægrotarent. Cum præsertim tarde molli- terq; incederet. Sueton. Calig. c. 43. *Iter conficit modo festinan-*

ter &

rer & rapide, interdum adeo segniter & delicate, ut octophoro veheretur. Uti tamen observamus, majorem earum apud viros fuisse usum in vijs extra urbem, quam in urbe. Sic enim & Verrem legimus octophoro fecisse iter apud Ciceronem. Et quia octophori lecticæ opertæ, idè id ipsum nominatim de opertis quoq; videmus, usum earum crebriorem in itineribus fuisse. Cicero Philippica II. de Antonio. *Cum inde Romam proficiscens ad Aquinum accederet, obviam ei processit magna sane multitudo. At iste operta lectica latus est per oppidum, ut mortuus.* Non tam notat, quod situsus lectica operta, quam quod ea per oppidum iter facere voluerit, contempto omni civium officio, quo cum honorabant. Similis lectica Julij, qua ex prætura proficiscens in Hispaniam avexit Masinatham apud Sveton. c. 71. uti Lipsius judicavit. At in urbe fuit hoc rarissimum. Soli ægrotantes, & in dignitate certa constituti quidem utebantur, præterq; ipsos feminæ. De quibus probat amplius & Juvenalis illo versu:

Qua vehitur clauso latis specularibus antro.

Item, Ovidius lib. II. de Remed. Amoris, ubi describit conjugem lectica prodeuntem, quam maritus ante videre non poterat. Habet quoq; Martialis, quæ huc faciunt, & à nobis explicata sunt in superioribus. Præter viros autem & mulieres observo seorsum lecticis gestari solitos pueros ætatis necdum adultæ, etiam post introductum usum sellarum, quorum usus eis non permittebatur, antequam adolevissent. Huc respicitur eo Svetonij loco ex Domit. c. 2. quem & alias laudavimus. *Ob hæc correptus, quò magis ætatis & conditionis admoneretur, habitabat cum patre una sella, q. ejus ac fratris, quotiens prodirent, lectica sequebatur.* Dicit ætatis admonitum, per lecticam, in qua ferebatur, quod intelligi non potest, nisi eo modo, quia pueri impuberesq; non sellis, sed lecticis vehabantur. Idè & apud Tacitum Hist. III. c. 67. de Othonis filio sic legitur: *Simul ferebatur lecticula parvulus filius.* Ferebantur autem non unus solus semper, quod in sella videtur factum, sed & plures. Svetonius de Nerone vita ejus c. 9. *Ac deinceps ejusdem (matris) sæpe lectica per publicum simul vectus est.* Cicero lib. X. ad Atticum

ep. 12. *Servius Cytheridem secum lectica aperta portat. Et lib. II. ad Q. Fratrem ep. 9. Marium autem nostrum in lecticam me hercule coniecissem, non illam regis Ptolemæi Anicianam. Memini enim cum hominem portarem ad Bajas, Neapoli, octophoro Aniciano, macharophoris centum sequentibus, miros risus nos edere, cum ille ignarus sui comitatus, repente aperuit lecticam, & pene ille timore, egorisfu corrui. Locus elegans, & qui firmat partim octophorum lecticam esse, partim, quod superius observavi non apertam, verum tectam, & has tectas ab ijs, qui vehebantur potuisse aperiri. De cætero sic fuisse clausas, ut quid foris ageretur, minimè possent cernere. Quomodo hic Ptolemæus nihil scit de comitatu suo certumq; illis macharophoris, priusquam lecticam aperuisset. Liquet autem simul in eadem lectica vectum & Ptolemæum regem, & Ciceronem, nec enim timorem illum ejus alias hic potuisset deprehendere. Deniq; fuisse lecticam non Ciceronis, sed Anicij alicujus, ut opinor, quam propterea *Anicianam* appellavit. Ac fortasse scripsit Cicero non *Marium nostrum in lecticam*, verum *nostram in lecticam*, ut esset manifestior oppositio inter τὰ *nostram* & *Anicianam*, liqueretque, Ciceronem pro se non usum octophoro clausa, sed lectica aperta, ut solebant cordatiores, quippe in qua nil posset istiusmodi accidere Mario, quod acciderat regi Ptolemæo. Nam eodem fere modo scripsit quoq; lib. VII. ep. 1. *Tu modo istam imbecillitatem valetudinis tue sustenta, & tuere, ut facis, ut nostras villas obire, & mecum nostra simul lecticula concursare possis. Delent illud nostra cum tamen veteres codices fateantur agnoscere. Sanè si lectica vehi Marius (ad quem hæc epistola est scripta) non eodem debuit cum Cicerone, concursare etiam cum eo non potuit. Videtur enim concursare isto loco non solum significare socium itineris præbere, sed & confabulari, colloqui, quoniam præcedit; docebo profecto, quid sit, humaniter vivere. Quicquid sit, hoc manifestum est, plures etiam lectica una eademq; vehi consuevisse. Nec fortassis aliter exponi debet illud Juvenalis I. Satyra,**

-- -- Dentissima centum
Quadrantes lectica petit, sequiturq; maritum

Languida, vel pragnans, & circumducitur uxor.

Ut sit *densissima, plena hero, uxore, liberis*, quod Lubinus censebat. Lecticarum porro usus vetustissimus in viis erat extra urbem. Ita videmus vel illius juvenis exemplo, qui temporibus Gracchanis iter lectica fecit Romam. Sed & postea Verres & Cicero ipse usi sunt lecticis in peregrinatione, uti constat ex superioribus. Neq; viris modo ea convetudo, verum multo magis feminis, si faciendum esset iter. Sic enim & Servius uxorem suam gestari facit lectica apud Ciceronem X. ad Atticum ep. 12. Postea res est translata & in urbem, quod sub tempore Julij Cæsaris Lipsius existimat cœpisse. Ubi quidem brevi tempore invaluit adeò, ut is ipse Julius legem scribere cogeretur, promiscuumq; illarum usum tollere. Verba Svetonij cap. 43. *Lecticarum usum, item conchyliata, vestis & margaritarum, nisi certis personis & aetatibus, perq; certos dies, ademit.* Eusebius in Chronicis hæc sic exponit. *Prohibita lecticis uti margaritisq; quæ nec viros, nec liberos haberent, & minores essent annis quadraginta.* Quibus verbis intelligimus, legem eam respexisse feminas potissimum, fortassis, quod in viris necdum ita usus lecticarum factus esset frequens, neq; usurparent fere, nisi languidi ac ægrotantes, Cæsare, paucisq; potentioribus exceptis. Videnturq; huc spectare verba Dionis supra etiam laudata, & lib. LVII. *Tiberius adeo male affecto corpore tum erat, ut in lectica operta in curiam illatus fuerit, concessus enim erat viris etiam harum usus, ut qui per valetudinem aliter non possent, eo modo in Senatum adveherentur.* Docet autem Eusebius personas illas certas fuisse, quæ haberent maritos, iustoq; matrimonio sublato liberos. Unde constat, ante usurpasse etiam innuptas, nec has modo, sed & meretriculas. Deinde ne illis quidem omnibus concessum lecticarum usum, sed si excessissent annum quadragesimum ætatis. Qui verò dies illi certi fuerint, per quos concessus mansit usus ille, id Eusebius haud declarat. Ego suspicor, sacrorum & ludorum publicorum dies fuisse. Ac huc traho illud Propertij lib. III.

*Colla cave inslectas ad summum obliqua theatrum
Nec lectica tua sudet operta mora*

Docet sanè, his lecticis adire theatra consuevisse. Idem firmat Juvenalis Sat. VI.

Vt spectet ludos, conducit Ogulnia vestem,

Conducit comites, sellam, cervical, amicas.

Equidem hic sermo est de sella, sed illius fuit eadem cum lectica ratio, & lecticæ loco cæpit usurpari. Deniq; cum lecticarum usus promiscuus prohiberetur, sellas surrogasse videntur. Ita factum, ut Tiberij ævo lecticæ mulieribus desinerent in usu esse solis Senatorum uxoribus exceptis. De quo Dio lib. LVII. agens de Libone Druso. Νοσήταρτα δὲ ἐπὶ θάνατον ἐν τε συμποδίῳ καὶ αἵματι, ὁποῖον αἱ τῶν βασιλέων γυναῖκες χῶνται, ἐς τὴν γερουσίαν ἐσενόμισε. *Cum vero agrotaret ad mortem, in lectica operta, quali utuntur Senatorum uxores, in Senatum delatus est.* Quanquam postea per æmulationem harum cæperit revocari. Quo fortasse respexit Juvenalis, qui sub Nerone scripsit:

Est ratio ulterior, magnæ si misit amicæ

Quæ vehitur clauso latisspecularibus antro.

Nisi hanc quoq; velimus Senatoris conjugem fuisse, quia magnam nominat amicam. Nam & illa, quam cum viro dicit venisse ad petendū sportulum, fuit Senatoria, lib. I. id quod Scholiastes quoq; vetus ibi observavit. Quicquid sit, Domitianus saltem usum earum fœminis probrosis ademit. Svetonius in vita ejus cap. 8. *Probrosis fœminis lectica usum ademit.* Ubi puto non tam meretrices significari per *probrosas fœminas*, ita enim hac locutione minimè fuisset opus, & jam ante ipsis fuit hoc prohibitum per legem à Tiberio latam, quam ex nuptis eas, quæ cum alienis consuevisent viris, ac ob stupra vel adulteria palam essent infames. Porro non in fœminis solummodo circa usum lecticarū observatum, ne promiscuus foret, verum etiam in viris: Disco ex Svetonio, quando de Claudio c. 28. *Libertorum præcipuè suspexit & Harpocram, cui lectica per urbem vehendi, spectaculaz publicè edendi jus tribuit.* Ostendit clarissime hic locus, libertis, etiam Cæsaris, lectica vehi per urbem minimè concessum fuisse. Solos ergo pertinebat ad ingenuos, ac ne illos quidem omnes, ut jam ex superioribus conjicitur.

citur. Quod si præterea uti ea voluere alij, hoc seorsum impetrare à Principe debuerant, qui nimirum contra fatas ea de re leges jus habebat conferendi hujus beneficij. Non tamen ad Consules solos, quod quis suspicari possit eo, quia Mamertinus c. 30. vocat *lecticas consulares*. *Pane*, inquit, *intra ipsas Palatine domus valvas lecticas consulares jussit inferri*. Nam lecticas consulares puto hic accipiendas, quia ijs consules tum yehebantur, non, quod soli consules. Quin imò Chimentellius non lecticas ibi, sed curules sellas putat exponendas. Sed obstare videtur, quod præcedit, *pane intra ipsas Palatine domus valvas*. Nam curules non solù *pane*, sed omninò ac revera intravalvas eas ferebantur. Neq; sedes alia Consulibus in Senatu & Palatio, quod ille ipse testatur. Igitur ibi sermo de lecticis veris, quibus Consules futuri deferebantur ad curiam. Postea demum sequitur de curulibus. *Et cum honori ejus venerationiq; cedentes sedile illud dignitatis amplissima recusaremus, suis nos propè manibus impositos mixtus agmini togatorum præire cæpit pedes*. Hic non est *sedile*, quod paulò ante vocavit *lecticam*, nam de alia re agitur. Supra memorabat aditum Consulum ad Palatinam domum, hic verò abitum. Tum erant Consules futuri, nunc confirmati. Quare verba ista puncto etiam majore à superioribus dividi debuerunt. Quanquam ergo Mamertinus dixerit lecticas Consulares, tamen usus earum pertinuit & ad alios, ut Senatores, quod exemplo Senatoris sportulam petentis apud Juvenalem patet. Nec his modo, sed Equitibus etiam, ditioribusq; alijs concessus lecticarum usus, ut exempla docent. Fiebatq; hoc non pompæ semper gratia, sed quandoq; usus alicujus cāussa. Nam & legere in ea, imo scribere etiam solebant. Juvenalis Sat. III.

— *Ingenti curret super ora Liburno,*

Atq; obiter leget, aut scribet, vet dormiet intus.

De lecticaloqui certum est, docetq; præter Scholiastem versus sequens ipsius Juvenalis, quem adducam in sequentibus. Igitur hic quærat aliquis, qui scribere potuerit, cum in ea cubarent, quod superius est dictum, ut cubarent resupini? Verum non existimo, fuisse perpetuum ut jacerent resupini, contra viros præsertim in

sinistrum paulo inclinatōs cubuisse latus, quomodo & alias solebant cubantes legere ac scribere in lectis, ut testatur Svetonius in Augusto c. 78. & ibi Casaubonus, ut nil miri, vel insoliti hic cogitari debeat. Docet autem Juvenalis, non modo legere ac scribere, sed & dormire in lecticis siveisse, additq; causam,

Namq; facit somnum clausa lectica fenestra.

Dicit, somnum conciliari, si claudatur fenestra, obducto scilicet velo, credo, quod sic fierent obscura intus omnia, & tenebris nocturnis similia. Solebant & lecticis uti sui occultandi gratia. Quomodo de Antonio Tullius Philipp. II. *Obviam ei processit magna sanè multitudo. At isse operta lectica latus est per oppidum, ut mortuus.* Noluit à quoquam salutari, propterea se intra clausam abdit lecticam. Similiter clientem suum Cæsar abdit intra lecticam. Svetonius c. 71. *Masintham nobilem juvenem & abstrahentibus statim eripuit, occultavitq; apud se diu: & mox ex pratura proficiscens in Hispaniam, inter officia statim prosequentium fascesq; licetorum lectica sua avexit.* Videntur & in noxiis hoc observasse, quando trahebantur ad supplicium, præsertim si fortunæ conspectioris essent. Tacitus III. An. c. 14. de Pisone, parricidij insinulato. *Igitur inditus lectica & à tribuno pratorie cohortis deductus est, vario rumore custos salutis an mortis exactor sequeretur.* Hic aliqui credunt Pisonem lecticæ inditum abstrahi ad supplicium capitale, quod non potuissent, si non interdum sic fuisset receptum. Ægrotantes vectos lecticis, alias jam demonstravi. Tacitus de Libone II. Anal. cap. 29. *Die senatus metu & agritudine fessus, sive, ut tradidere quidam, simulato morbo, lectica delatus ad fores curiæ.* Nota, non in ipsam curiam, sed ad fores curiæ sic delatos. Debetq; hinc exponi Dio, quando remeandem explicans lib. LVII. sic ait: *Νοσήσαντα τὸ ἐπὶ δαίμονος ἔντε σκνιποδῶ καλὰς ἐργὰς ἐς τὴν περὶ τὴν ἐκκλῆσιον.* Cum vero agrotaret ad mortem, in lectica operta in Senatum delatus est. Illud ἐς τὴν περὶ τὴν ἐκκλῆσιον non sic debet accipi, quasi lectica ejus collocata fuerit in medio Senatu, sed ut Tacitus explicavit, qui propterea in sequentibus innixum fratri dixit. Neq; aliter intelligo eundem, quando de Tiberio similima locutione lib. LVII. *Ἐταράδρ τοι κακῶς δίνετο,*

ὅς ἐν σκιμποδίσκῳ καὶ ἀστράτῳ ἐπὶ τοῦ σωέδριον ἐσκαμίσθηται. Adeo male affecto corpore tum erat, ut in lectica operta in curiam illatus fuerit. Lectica latum arbitror non in ipsam curiam, sed ad ejus fores, nam in ipsam quidem ferri quenquam, receptum non fuisse puto. Sed hi quidem ægrotantes usi lecticis, quia pedibus incedere haud poterant. Alij id faciebant eo, ut hoc motu recuperarent valetudinem. Ut phthifici, quibus svadet Celsus lib. III. c. 22. Verba ejus post recensionem aliorum: *Si navigationem aliqua res prohibet, lectica, vel alio modo corpus dimovendum est.* Alexander Trallianus etiam hydropticis commendat lib. IX. κίνησης δὲ εἰς τὴν ἄλυσιν, τοῖς ὑδροπῖσι συμβάλλεται, καὶ μάλιστα ἡ διὰ θαλάσσης, καὶ ἵππων, καὶ λεκτικῆς. *Motus, si quid aliud, hydropticis conducit, precipue qui fit per mare, equum, & lecticam.* Quibus verbis simul discimus, recentiores Græcos appellasse λεκτικῆς, quod Latini lecticam. Alij prævenire hac exercitatione morbos quærebant. Quanquam in multis fuerit mollitiei ac luxuriæ prætextus iste. Unde Seneca de Brev. vitæ c. 12. *Nec illos quidem inter otiosos numeraveris, qui sella se & lectica huc & illuc ferunt, & ad gestationum suarum, quasi deferere illas non liceat, horas occurrunt.* Achæ quidem sunt lecticæ, quarum inter instrumenta gestationum sive in urbe, sive extra eam in vijs itineribusq; crebro veteres injiciunt mentionem. At præter has habuerunt foris quidem lecticas militares, domi vero lucubratorias & funebres. Lecticarum militarium vetus mentio, longeque ante, quam in urbe cœperunt innotescere. Pertinebantq; ad duces fere ægros ex vulneribus, vel causis alijs. Ita Cn. Scipio tragula confixus in aciem delatus est lectica. Livius lib. XXIV. c. 42. *Ibi iterum Scipio lecticula in aciem illatus conflavit.* Et jam ante bello Punico primo etiam in prælie navali usus est Lutalius. Attilius de eo apud Valerium Maximum lib. II. c. 3. *Consulem (Lutalium) ea pugna in lectica claudum jacuisse, se autem omnibus imperatoris partibus functum.* Non erant hæ lecticæ, quales postea in usu esse cœperunt, sed planè rudes & tumultuariæ, lecto in colligatos quoquo modo asseres conjecto. Quali genere jam olim usi etiam in urbe, si qui ægroti necessario in publicum venire deberent. Auctot virorum illustrium de Ap-
pio

pio Claudio Cæco. *Quum de pace Pyrrhi ageretur, & gratia potentum per legatum Cyneam pretio quæreretur, senex & cæcus lectica in Senatum latus turpissimas conditiones magnifica oratione discussit. Nulla cogitari hic lectica debet, qualem in superioribus descripsimus, sed subitaria, & in hunc unum diem parata. Plutarchus rem commemorans eandem in vita Pyrrhi ita habet:* Ἐνθα δὴ Κλαύδιος Ἀππίος ἀνὴρ ἐπιφανὴς, διὰ δ' ἐγὴρως ἅμα καὶ πηρώσεως ὀμμάτων, ἀπειρηκὸς πρὸς τὴν πολλοίαν ἑπεπαυμένῳ, ἐπαγέλλομένων τότε τῶν ὧν τὸ βασιλέως, καὶ λόγῳ καταχρόντῳ ὡς μέλει ψιφίζεσθαι τὰς διαλύσεις ἢ σύγκλητῳ, ἐκ ἐκάρπησης, ἀλλὰ τὰς διεάποντας ἀραδαὶ κελύσας αὐτὸν, ἐκομίζετο πρὸς τὸ βελυτῆσαι ἐν φορεῖῳ δι' ἀγορᾶς. Γινόμενον δ' ἐπρὸς ταῖς θύραις, οἱ μὲν παῖδες ἅμα τοῖς γάμοις ὑπολαβόντες καὶ δεῖχόντες εἰσῆγον. *Appius Claudius, clarus vir, qui senectutis & cecitatis causa fatiscens, republica abstinebat, acceptaq; regis legatione, & rumore dilato, decreturum Senatumpacem, non potuit sibi temperare quin servis juberet, ut tollerent se & lectica per forum deportarent in curiam. Ut ad valvas pervenit, exceperunt eum filij pariter ac generi, cingentesq; latera ejus introduxerunt. Quod auctor Latinus vocavit lecticam, id Plutarchus nominavit φορεῖον, hoc est quaecunque instrumentum, quo quis possit gestari. Unde quoque generali voce gestatorij exponitur in Onomastico Argentoratensi. Gestatorium, φορεῖον. Dicit autem isto gestatorio deportatum non in ipsam curiam, sed ad valvas ejus, sive januam, tum sustentatum à filijs generisq; qui eum tenebant ulnis complētentes latera & tergum, & humeris subeuntes armos brachiaq; ejus. Hic enim est ὑπολαμβάνειν & περιέχειν, non excipere, & latera alicujus cingere, quod interpretes putavit. Quod propterea notamus, ut & confirmemus, quæ de consuetudine hac diximus in præcedentibus, & simul Auctoris Latini verba non aliter accipienda esse ostendamus. Nam latus in Senatum, non significat in ipsam curiam, sed ad fores, πρὸς τὰς θύρας, ut Plutarchus loquitur. Deniq; à servis suis dicit gestatum, quo simul cognoscimus, etiam ad hoc genus homines adhiberi consuevisse. Meminit ejusmodi lecticæ etiam Livius in Atinij historia lib. II. c. 36. Consensu inde haud dubio omnium qui aderat, in forum ad Consules lectica defertur. Cicero sic habet*

lib. I. Divin. *illum etiam debilem factum rem ad amicos detulisse, quorum de sententia lecticula in curiam esse delatum.* Vocat lecticulam tanquam vilem, & subitariam. Tali utebantur etiam in bello, videturq; habuisse Augustus in acie Philippensi. Lactantius profecto lib. II. c. 7. *Cum bello civili Brutiano implicitus gravi morbo, abstinere praelio statuisset: medico ejus Artorio Minerva species obversata est, monens, ne propter corporis imbecillitatem castris se contineret Caesar.* Itaq; in aciem lectica illatus est. Similiter Valerius Maximus lib. I. c. 7. eandem rem exponens: *Quod cum Caesar audisset, lectica se deferri in aciem jussit: ubi dum supra vires corporis pro adipiscenda victoria excubat, castra ejus à Bruto capta sunt.* Uterq; lectica delatum scribit in aciem. Ea porro tumultuaria fuisse videtur, quia vera mansit in castris, & ab hostibus confossa discerptaq; est. Svetonius c. 91. *Philippensi acie quamvis statuisset non egredi tabernaculo, propter valetudinem, egressus est tamen, amici somnio monitus: cessitq; res prospere, quando captis castris, lectica ejus, quasi ibi cubans remansisset, concursu hostium confossa atq; lacerata est.* Curtius ad differentiam lecticarum cæterarum has nominatim vocat militares. Verba ejus extant lib. VII. c. 6. de Alexandro: *Castris inde motis lectica ferebatur militari, quam pro se quisq; eques pedesq; subire certabant.* Quibus verbis simul cognoscimus, quod & in superioribus est observatum, etiam hoc lecticarum genus non per jumenta, verum homines solitum gestari. Domi habuere lecticas lucubratorias. Sic enim Svetonius appellat in Augusto c. 78. *A cæna se in lecticulam lucubratoriam recipiebat. Ibi donec residua diurni actus conficeret, ad multam noctem permanebat.* Hæ lecticæ non fuerunt portatiles, sed eodem fixæ stabant loco, unico huic fini, ut in ijs recumbentes lectioni, meditationi, scriptioni dare operam commodius possent. Nec à lectis differebant alijs, unde lecti quoq; vocabantur. Plin. V. ep. 5. *C. quidem Fannius quod accidit, multo ante præsensit. Visus est sibi per nocturnam quietem jacere in lectulo suo, compositus in habitum studentis.* Lectus Plinij, in quo studebat Fannius, est lecticula lucubratoria Svetonij, in qua actus diurnos conficiebat Augustus. Itaq; lecticæ illæ fuerunt lecti, non tamen

triclinares, nec dormitorij, sed studijs dicati, constitutiq; in Museis. Gellius *scimpodia Gracienſia* vocavit lib. XIX. c. 10. *Memini me quondam ad Frontonem Cornelium pedes tunc graviter egrum ire, viſere, atq; ibi qui introducti ſumus, offendimus eum cubantem in ſcimpodio Gracienſi, circum undiq; ſedentibus multis, doctrina, aut genere, aut fortuna nobilibus viris.* Lipſius lib. I. Elect. c. 191. agens de hoc ſcimpodio. *Non aliud, quam lecticulam capio, in qua Romano ritu etiam domi jacebant.* Poſſeſt quidem videri propter pedum ægritudinem uſus eo, verum pertinebat ſimul & ad ſtudia, horum enim cauſſa vel præcipuè adire ipſum tam frequenter ſolebant, ut ex alijs Gellij locis intelligitur. Et *ἱερὸν σκίμπος* vocavit Ariſtophanis in Nebulis, ubi Socrates Strephiadem in eo facit exercentem litteras, & componentem ſeſe ad diſcendum. Scholiaſtes ibi: *Τὸν κρέβατον σκίμπος λέγουσιν Ἀττικοί. Οἱ δὲ φασι σκίμπος δῖον.* Vides *σκίμπος*, ſeu ſcimpodium Gellij eſſe *σκίμπος*, hoc eſt *κρέβατον*, ſive lectum. Superſunt funebres lecticæ, id eſt eæ, quibus funera ſolebant efferri. Nam lecticas ſeu lecticulas vocaſſe geſtatoria inſtrumenta, ſuper quæ collocata defunctorum, præcipue honorariorum, fuerunt cadavera, cognoviſcimus vel ex Nepote, qui ſic vitæ Attici c. 22. *Elatuſ eſt in lecticula, ut ipſe præſcripſerat, ſine ulla pompa funebri.* Fuerunt porrò hæ lecticæ non multum diverſæ ab iſtis, quas deinde uſurpare cœperunt in urbe, ac à nobis ſunt expoſitæ in ſuperioribus. Demonſtravi hoc jam ante, joco Martialis, exemploq; bubulci apud Gellium. Addo nunc & verba Ciceronis ex Philippica II. ubi de Antonio: *At iſte operta lectica latuſ eſt per oppidum, ut mortuuſ.* Poſſit quiſ hinc ſuſpicari, eas funebres lecticas ſi non omnes, ſaltem aliquas fuiſſe opertas. Videturq; magis hinc probari, quam ex loco Dionis Caſſij, quam pro hac ſententia adducunt viri docti. Nam iſ quidem nihil docet, quam Sextum Condianum lapſum equo ſimulaſſe mortem, mox arietem pro ſe efferri ac comburi curaſſe. Verba ipſa: *καὶ αὐτὸς μὲν ἀφανὴς ἐγένετο. κρείττε δὲ σώμα ἐς λάρνακα ἀντ' αὐτὸ ἐμβληθὲν ἐκαύθη.* Hic nil dicitur de lectica tecta, ſeu operta. *Λάρναξ* ſanè non ſignificat, ſed *capulum*, vel ut Horatius appellat lib. I. Sat. 8. *arcam*. Et potuit etiam in aperta le-

ctica efferri aries, sed velatus. Nec videntur unquam aliter fecisse. Lectica semper erat aperta, cadaver verò defuncti modo conspicuum, modo tectum velatumq;. Neq; Cicero diversum docet, quippe qui in verbis, *ut mortuus*, non tam respexit ad lecticam openam, quam lecticam in commune, illamq; Antonij in ea occultationem, silentium, ac immobilitatem, de qua in superioribus jam dixi. Ut proinde sine ratione credi arbitremur, funera etiam tectis lecticis interdum elata. Aliæ namq; tectæ lecticæ, alia tecta funera. Hæc nota veteribus, & memorata, illa nunquam, quod ego quidem observaverim. Nam & Gellij locus de adolescente misso ex Asia, & lectica iter faciente nihil amplius monstrare potest, quam præmissus Ciceronis, si vel maxime, quod tamen dubium est, concedamus, lecticam eam fuisse non apertam, verum tectam. Sed de lecticis funebribus ab aliis est actum, itaq; ad basternas num progredimur.

Cap. VI.

De Basternis.

Basterna non trahitur, sed gestatur. Vossius revellitur. Vnde dicta sit. Marcellus Donatus rejicitur. Recentioris est inventi. Palladij atas. Basterna gestatur à jumentis vel burdonibus. Burdones qui. Dion. Gothofredus bis notatur. Βορτόν, οἱ βορδόνιοι. Basilica emendantur. Manni ad basternas. Onomasticon Danielis corrigitur. Turnebus rejicitur. Fuit tecta basterna. Isidorus contra Salmasium emendatur. Lectica mannalis. Manni qui. Isidorus denuò emendatur. Burici. Βέρικοι. Scholiastes Cruquij notatur. Hinnulus. Ad basternam gestandam duo adhibita jumenta. Basternæ pendebant inter amites. Semper fuerunt clausæ. Caveæ basternarum. Erasmus notatur, & Hieronymus exponitur. Stramenta in basternis. Isidorus explicatur. Epigrammatis veteris lectio dubia. Basternæ pro solis matronis pudicis, in plateis. Eda, seda. Glossæ Isidori emendantur & explicantur. Basternæ pars adium.

Inter gestatoria vehicula sunt etiam basternæ. Isidorus: Basterna, vehiculum itineris, quasi *via sternæ*, mollibus stramentis est posita,

à duobus animalibus deportatur. Clare dicit non trahi ducive, sed deportari. Et mox demonstrabo pluribus. Ut non satis cautè Vossius sic scripserit in Etymol. *Basterna in eo à lectica veterum differerebat, quod illa ferretur à servis, hæc traheretur à burdonibus.* Neq; enim usquam tracta legitur, sed portata. Quando Isidorus ætlic vocatam, quasi *via sterna*, sine dubio nugatur. Ecquid enim illud *sterna*? Num à *sterno*, quia strata mollibus stramentis? Ita *strata* potius debuisset dici. Deinde *Ba* ex *via* quoq; difficulter nasci potuit. Ut longè verior sit sententia Salmasij, qui vocem ait esse Græcæ originis, ac φορῆον, seu *gestamen* significare, quoniam geratur. Verba ejus ad Lampridij Heliogabalum c. 21. *Quicquid ferendo est, βασὶς est dictum: unde verbum βασίζεν.* A *basis* igitur *basterna*, hoc est φορῆον. Convenit & Vossius, qui simul pro βασίζεν Græcos recentiores ait dixisse βασίζουεν & βασίζεν. A quo βασίζεν, seu βασίς sit *basterna*, sicut à *luceo*, *lucerna*, à *cavo*, *caverna*. Neq; audiendus Marcellus Donatus videtur, qui à *Bastarnis*, gente Sarmatica existimat accepisse nomen, quoniam fortasse ipsis ante fuerit in usu. Nam vehicula nunquam *bastarna*, sed *basterna* scripta leguntur. Quicquid vero sit de *basternarum* voce res inventionis est recentioris: apud vetustiores enim nemo eas nominavit. Primus, apud quem leguntur, Palladius videtur esse, qui sic habet libro VII. t. 2. *Atergo vero ejusdem vehiculi duo brevissimi temones figurantur, velut amites basternarum.* Palladium æqualem Plinio & Fabio Quintiliano facit Christophorus Mylæus lib. V. Historiæ scribendæ. Johannes Jacobus Frisius conjicit in tempora Hadriani: quo cum facere Volaterranus videtur, qui cum proxime post Pliniana tempora vixisse tradit. Quare ista ætate primum invaluerit notitia *basternarum*, necesse est. Nemo certe ante illa tempora, quod sciam, memoravit. Fuit autem alia *basterna*, & alia *lectica*, quia hanc portabant semper homines, ut dixi, non *basternam*. *Basterna* enim portabatur à jumentis. Carmen vetus de *basterna*:

Hanc geminus portat duplici sub robore burdo.

Docet manifestè, portari, non tamen à lecticariis hominibus, ut lecticas sellasve, sed burdonibus. Sunt verò *burdones*, qui Latinis vetustioribus *muli*, nisi quod essent ex equo & asina, cum muli propriè ex asino & equa. Isidorus lib. XII. cap. 2. *In animantibus bigenera dicuntur, quæ ex diversis nascuntur, ut mulus ex equa & asino, burdo ex equo & asina.* In Glossario veteri est *urdo* transmutatione litterarum, quod & in alijs consuevit fieri, ut alibi ostendemus. Ἡμίονος ἔστι πρὸς διπλῆς καὶ ὄνυ, *mulus, urdo.* Onomasticon Argentoratense: *Burdo, ἡμίονος.* Atq; hinc burdonum mentio in l. 49. ff. de Legat. III. ubi Ulpianus: *Item, legato continentur mancipia, puta lecticarii, vel lectica, vel sella, vel burdones.* Gothofredus putat, pertinuisse ad lecticas, quia proximè præcedit mentio de illis, hincque colligit, etiam burdonibus aliquando portatas, lib. II. Conjectur. Sed est falsa hæc sententia, si lecticam veterem intelligas, & non eam, de qua hic est sermo. Nam & ista per lecticam aliquando solet explicari. Neq; melius, quod habet de vehiculo in Aureis ex Seneca, pag. m. 107. *Lipsius colligit, jumenta nunquam ad lecticam pertinuisse: Quod tamen lib. II. Conject. in hujus* (Senecæ ep. III.) *loci explicatione videor quodammodo confirmasse ex l. Item, legato 49. ff. de Legat. III. nisi, si in illa lege burdones referendi sint non ad lecticam, non ad sellam, sed ad vehicula.* Non intelliguntur hic burdones ad vehicula, sed ad basternas, quarum usus tum inter mulieres increbuit. Græci recentiores βορδονίους appellarunt, sive βορδονίτες, nec intellexerunt, nisi mulos. Itaque, quod in l. 64. ff. de Leg. III. ex Juliano ita proponitur: *Mulorum appellatione etiam mula continentur:* Id Græci sic verterunt, teste Cujacio lib. XI. Observ. cap. 16. τῶ λεγόμενῳ τῶν βορδονίων ἢ αἰ μῦλοι περιέχονται. βορδόνιοι manifestè, qui Latinis *muli*. Quamquam malim βορδονίαν scribere apud Cujacium, quomodo est & in Synopsi Basilicōν XLIV. t. 3. cap. 58. nisi quod βορδονίων vitiosè habeat, pro βορδονίαν; nam βορδονίων est nihili. Burdones igitur seu muli sunt, qui basternas portabant. Memorantur tamen manni etiam in eis, Inde namq; legitur in Glossis Isidori: *Basterna, tectamannalis.* Ita ibi corrigit Clarissimus Salmasius, cum ante *manualis* haberetur. Fuit idem vitium in Onomastico veteri Petri Danielis, cujus me-

minit Turnebus xxviii. Advers. cap. 5. induxitque virum summum in errorem, ut gestatam manibus existimaret. Verba ejus: *Basterna, tecta manualis. Lēcticam puto dici tēctam, quæ manibus hominum portabatur, non dorso jumentorum gestabatur.* Fallitur Turnebus, quando manibus gestatam basternam putavit, quod abundè liquet ex superioribus. Ergo legere non *manualis*, sed *mannalis* debuit. Salmasius: *Isidorus in Glossis basternam exponit tēctam mannalem, & sic vocat basternam vel lēcticam tēctam, quæ à mannis portabatur.* Putavit porro *tēctam* absolute dictam in Glossis, pro *tēcta lēctica*. Quod mihi quidem durum valde videtur. Ecquis enim de *lēctica* statim cogitet, qui *tēctam* audit? Potius opinor *lēctam* fuisse in antiquo libro, quod cum ignoraret, sciolum fecisse *tēctam*. Porro, *lēcta* est compendium *lēctica*, quomodo scimus factum in ducentis locis aliis. Et rectè dicitur *lēctica mannalis* ad differentiam *lēctica* sic simpliciter vocatæ, in qua manni nulli. Neque puto valere, si pro altera scriptura laudes etiam Onomasticum Danielis, cum id videatur illud ipsum, quod Isidori Glossas postea nominavere. Cæterum, *mannalis* dicta est à *mannis*. Manni porro sunt equuli, seu equi minuti. Isidorus: *Mannus, equus brevior est, quem vulgo buricum vel buricum vocant.* Ita ibi lego, pro *brunitum* & *brunitium*, quod habent editi. *Buricos* exposuit & Hieronymus in Ecclesi. cap. 10. *Vias publicas mannibus terunt, quos vulgo buricos appellant:* Ubi *mannibus* posuit pro *mannis*. Sic in Glossis Isidori legitur: *Mannus, buricus. Mannulus, caballus buricus.* At *buricius* est insertione vocalis, sicut fit & in aliis. Græcis pariter sunt βέριχος. Glossæ veteres: *Mannis, βέριχος.* Ita rectè habet prima Stephani editio, non βέρριχος, uti Vossio citatum. Burici autem seu burichi sunt equuli, ut docent Isidori Glossæ, ipseque Isidorus. Igitur & manni erunt tales. Commentator vetus Cruqvii, ad Horat. Carm. III. od. 27. *Mannos, equos parvos, burdos, sive buridos.* Item Epod. 4. *Notat Menam nimis mollem & delicatum, qui non pedibus iter ad suos agros faceret, sed equis, non quibuslibet, sed mannis, quod est virorum principum.* Manni autem equi sunt, quos vulgo burdones vel burichos nominamus. Utroque mannos equos vocat. Et tamen, quod mireris, nunc burdos, nunc burdo-

ses dicit nominari. Nam *burdones* non sunt equi, verum muli, ut superius ostensum. Nec fortassis aliter intelligendi *burdi*, quia vox consuevit flecti nunc in tertia, nunc in secunda declinatione; Quomodo dixerunt *ludius* & *ludio*, *lanius* & *lanio*, *parvus* & *parvo*, *scorpius* & *scorpio*. Nisi putamus mannos dictos equos, non quod essent plene integrèque tales, sed quod proximè ad eos accederent. Nempe, qui ex equo asinaque nascebantur, magis referebant equos, aures enim habebant equinas, non asininas. Varro lib. II. R. R. cap. 8. *Hinnus qui appellatur, est ex equo & asina, minor, quam mulus, corpore, plerumque rubicundior, auribus ut equinis*. Nota, *hinnum* dictum veteribus, qui recentioribus est *burdo*. Porro, *hinni* nomen est à Græco ἵππος, quod parvum notat equum. Phavorinus: ἱπποὶ αἱ κολοῦσι τῶν ἱππῶν. *Hinni, qui ex equis pumili sunt*. Inde Columella lib. VI. cap. 37. *Qui ex equo & asina concepti generantur, à patre nomen traxerunt, quod hinni vocantur*. Sicut ergo nati ex equo & asina dicti *hinni*, sic, quod denotabat idem, equi sive *equuli*, cum præferim aures haberent equinas, postea *burdi* & *burdones*; Iidem tamen nuncupati *muli* quoque, quoniam non pleni erant equi. Tum & Gallicum in iis nomen cœpit usurpari, vocatique sunt *manni*. Nam à Gallis eam esse vocem docet P. Consentius, quando ait: *Omne peregrinum, siquidem id jam receptum est, ut Gallorum manni*. Manni porro postea *burici* vel *burichi*. Ut lectica mannalis non sit alia, quam quæ gestata fuerit à burdonibus, quia manni, burdones, burdi, burici, burichi sunt ejusdem generis, hinni nempe, seu parvi equuli, muli tamen, quia geniti ex asina equoque. Videnturque genus hoc adhibuisse eo libentius, quod, cum esset minus, pumilumque, mollius incederet, minoreque ambularet gradu. Et notavit gradum talem auctor Epigrammatis vetusti, in his burdis seu burdonibus, quando ait:

Provehit & modico pendula septa gradu.

Sed quot tandem animalia ejusmodi habuere ad balternam quamlibet? Non nisi duo, quorum unus antecedebat, alter sequebatur. Basterna erat in medio tignis suspensa duobus, quæ utrinque ad latera burdonum erant firmata, eo plane modo, sicut

sicut est receptum in lecticis nostris, quas Germani mei *Sens-ten* / Galli *litere* nuncupant. Isidorus: *Basterna vehiculum à duobus animalibus deportatur.* Dictus auctor Epigrammatis de basterna:

Hanc geminus portat duplici sub robore burdo.

Clarè dicit portatam à *burdone gemino*, & portatam *duplici robore*. Ubi per *robur duplex* nihil aliud intelligit, quam asseres duplices sive duos ex robore, à basterna ante retroque procedentes, & claudentes latera burdonum, unum latus dextrum, alterum latus sinistrum. *Amities basternarum* appellavit Palladius lib. VII. t. 2. *A tergo verò ejusdem vehiculi duo brevissimi temones figurantur, velut amities basternarum.* Comparat temones istos amicitibus basternarum, quia erant à tergo, non quod basternæ à tergo tantum haberent, sed quod etiam à tergo; Reliqua vehicula habebant temones tantum à fronte, basternæ etiam à tergo. Deinde, quia erant duo, unus nempe ab uno, alter ab altero latere, nec enim duo à tergo aliter intelliguntur. Unde liquet, quod superius aiebam, in basternis burdones inter hos temones, sive, ut appellat Palladius, amities, ambulasse, ambulasse autem unum à fronte, alterum à tergo basternæ, quia illæ amities à tergo quoque, nec tamen à solo tergo, quia breves, ut procedere ultra burdonem unum non potuerint. Inter has amities basterna ipsa erat suspensa, unde *pendulam* vocavit dictus sæpe auctor Epigrammatis:

Provehit & modicopendula septa gradu.

Cæterum, basterna ipsa nunquam aperta, semper clausa fuisse videtur, quæ secunda ejus à lecticis fuit differentia. Lecticæ multæ erant apertæ, basterna nulla. Certè, ubicunque basternarum mentio, ibi clausæ leguntur. Ideo in Epigrammate basterna, *septa*, quia tecta & occlusa. Et *claudere matronas* dicitur.

Aurea matronas claudit basterna pudicas.

Denique ita continere, ut nemo ipsas, ipsæ neminem in eis queant videre. *Provisum est cautè; ne per loca publica pergens*
Fucetur, visis casta maritalocis.

Ex eadem caussa Hieronymus vocavit *caveas*, in Epist. ad Eustochium. *Præcedit caveas basternarum ordo semivirorum*. Erasmus sic exponit: *Basternas appellavit caveas, quod cancellatæ speciem præbeant cavearum*. Putavit basternas fuisse cancellatas, id est ex lignis cancellatim seu decussatim collocatis junctas & compositas: quomodo avicularum caveæ interdum componuntur. At non ea B. Patris sententia. Caveas dixit, non quod essent cancellatæ, sed quod clauderent mulieres & matronas, sicut feræ caveis clauderentur de quibus Claudianus Pan. III. in land. Stilic. v. 322. Et sic ipse postea exponit. Respexit huc & Scholiastes vetus Juvenalis, quando verba ejus Sat. IV. *quæ vehitur clauso latis specularibus antro*, explicans, sic ait, uti legitur in MS. Vossiano. *Est basterna vehiculum, unde speculabantur matronæ*. Nam *antrum clausum* de basterna accepit. Basternæ igitur, quantum scimus, semper clausæ, nunquam apertæ, de cætero fortassis non multum dissimiles lecticis, unde & lecticæ, sed ad differentiam aliarum, mannales dictæ, sicut ego quidem colligo ex Glossis Isidori. Neq; dubiro per hanc ipsam causam, quin cubuerint in eis, non vero sederint, ut fit in hodiernis. Ac fortassis ideò & *stramenta mollia* in eis memoravit Isidorus. *Basterna mollibus stramentis est posita* inquit. Nam *stramenta* hic accipienda non sunt, de vulgaribus, quæ ex frumenti culmis, hoc enim non convenit elegantix ac dignitati basternarum, sed de stratis, hoc est toralibus & pulvinis, unde quoq; *mollia stramenta* nominavit. Stramenta ex culmis omnia ejusdem generis, nec alia alijs molliora, ut in eis hoc epitheto vix opus fuerit. Non sic pulvini & toralia, quæ hac parte inter se differunt plurimum. Dixit ergò *mollia stramenta*, quia pulvinos in eis habuerunt molles atq; delicatos. Habuerunt quoq; ornamenta sua, quod ex sæpè dicto Epigrammate colligimus, quo aurea commemoratur.

Aurea matronas claudit basterna pudicas,

Quæ radians latum gestat utrumq; latus.

Si hæc aurea fuit, aliæ minores vilioresq; ornatus sine dubio habere. Sed quid est, quod dicitur, *gestat latus utrumq; latus*? Itaque enim legitur id Epigramma editum à Vossio in Etimologico. Puto

emendandum ad modum eum, quo est proditum Pignorio in de Servis p. 209. nam Pithœi quidem codicem, unde depromptum est, videre non licuit. Sic autem ipse.

Quæ radians patulum gestat utrimq; latus.

Patulum latus appellare videtur non, quod non esset clausum, hoc enim superioribus adversum foret, sed quod esset laxum spaciofumque, nam est verisimile, ut in lecticis, ita in basternis laxitatem commendatam. Et hæc quidem sunt basternæ. Pertinebant autem ad mulieres, easq; solas, in quo fuit tertia earum à lecticis differentia. Nusquam certè viros legas vectos basternis. At de mulieribus, præcipuè matronis, Epigramma in superioribus:

Aurea matronas claudit basterna pudicas.

Ita Ammianus lib. XIV. *Matronæ complures opertis capitibus & basternis per latera civitatis cuncta discurrunt.* Scholiastes Juvenalis in superius laudatis verbis: *Basterna vehiculum, unde speculabantur matronæ.* Matronarum ergo vehiculum basterna fuit, eorumq; castarum, uti Epigramma docet, quæ iccirco utebantur basternis, quod essent clausæ, nec eas conspectui aliorum præberent, sicut idem Epigramma testatur. Utebantur verò his basternis sicuti lecticis, quando procedendum fuit in publicum. Idèò Ammianus ijs ait in superioribus, *per latera civitatis discurrissè.* Et in Epigrammate *per loca publica* basternis *pergere* dicuntur. An & extra urbem? Dubitare propè nequeo, cum habuerint lecticas, quæ majori cum difficultate gestabantur. Et firmare B. Hieronymus videtur. Satis de basternis. Addam tamen unicū, quod observolegi in Glossis Isidori, isto modo: *Eda, basterna.* Hic basterna, *eda* nominatur. Sed quid *eda* sit, non dixerim. Vulcanius in Notis ad hæc verba solum ita scribit: *alias exedra.* Nam ostendit satis, an in libris aliàs reperiatur *exedra* pro *eda*, num vero *eda* sit, quod alias vocari *exedra* consuevit. Exedrarum mentio apud Vitruvium lib. VI. c. 5. ubi Philander exponit *cellas ad colloquendum aut meridiandum*, & in testimonium adducit locum Ciceronis, ex de Oratore III. Athænil ad basternas nostras. Quid dicemus? Puto Glossatorem scripsisse non *eda*, verum *седа*. *Seda* locus est,

in.

in quo confident, qui & *sedes*. *Seddā* etiam dixere. *Sessionem* appellavit Cicero de Fin. lib. V. *Hic Speusippus, hic Xenocrates, hic ejus auditor Polemo: cujus ipsa illa sessio fuit, quam videmus*. Porro *sessio* est *exedra*, ut recte docet Chimentellius pag. III. ac sic *sedes* quoque, item *sedda*, vel *seda*. *Sessionem* ait, pro *exedra* accipio, aut *sede*, vel *loco sedendi*, quomodo Latinis *ambulatio*, *cœnatio*, *gestatio* pro *loco ipso*, non pro *actu ambulandi*, *cœnandi*, *gestandi*, quandoq; *sumitur*. Talem *exedram*, quæ & *seda*, existimo vocatam quoq; *basternam*. Nam *basternæ* non tantum sunt *vehicula*, sed & *partes quædam ædium*, quas *projecta* sive *mœniana* vocant. Observavit Cujacius lib. XIII. Observ. c. 30. *Græci*, ait, in l. i. de Serv. Urb. *protecta basternas, projecta, sive mœniana solaria interpretantur*. Hæc *protecta* seu *projecta exedræ* & *sedæ* si in eis more ante indicato considerent.

Cap. VII.

De Traheis.

Trahea, trahæ fuere sine rotis. *Trahere* quid proprie. *Traga, tragula, tracule*. Iornandis vetus lectio contra Savaronem defensa. Ἐλκνθρον, Χαμῆκη. Glossæ veteres emendantur. *Sclodia*. Iac. Gothofredus notatur. *Stludia*. *Chamulcus*. Κέσπον. *Traduco*. Σλῳκν. *Figura trahæ*. Iumenta ad ipsam. *Usus in agris, & ad exterenda frumenta*. *Tribula*. *Columella* emendatur. *Virgilij lectio vetus contra Eopthraei conjecturam defensa*. *Plostellum pœnicum*. *Assis pro axis*. *Affer*. *Gellij vetus lectio stabilita*. *Traharum usus in glacie*. *Sangi*. Σλῳκν. *Hesychius & Pollux explicantur, & hujus interpretes notatur*. Ὀλκνθ.

EXposuimus gestatoria vehicula, progredimur proinde ad *tractoria*, id est ea, quæ non gestantur, verum promoventur *tractu*. Horum aliqua sunt destituta rotis, ut de quibus nunc agemus *Traheas* vocarunt veteres. Servius ad Virgilij Georg. I. *Trahea vehicula sine rotis, quas vulgo tragas dicunt*. Vides, nullas habuisse rotas. Virgilij ipsius hæc sunt verba:

Tribulag, traheag, & iniquo pondere astri.

Ubi tamen notat Servius sic dici per epenthesein, aliàs simpliciter esse *trabas*. Verba ejus: *Causa metri in hoc nomine epenthesein fecit, ut navita & Mavors, pronauta & mars*. Atq; *trabas*, non *trabeas* vocavit Columella, cujus verba proponemus in sequentibus. Dictæ verò *trabæ* à *trahendo*. Servius ad dictum locum. *Traba genus vehiculi, dictum à trahendo, nam non habet rotas*. Glossæ Mss. veteres hoc loco: *Traba vehiculum est à trahendo dictum: nam rotas non habet*. Quid hæc sibi volunt; dicta est *traba* à *trahendo*, quia rotas non habet? An, quod illa trahantur sola, quæ non habent rotas? At putabam ego trahi, quæcunq; junctis promoventur animalibus, sive rotas habeant, sive non habeant. Virgilius lib. III. Georg. de tauris.

Contenta cervice trahunt stridentia plaustra.

Svetonius in Augusto c. 94. *Visus est super laureatum currum, bis senis equis candore eximio trahentibus*. Uterq; trahi dicit ea etiam vehicula, quæ habebant rotas. Ergo magis est, ut *trahere* cum Nonio intelligamus specialiori notione pro *ducere per terram*. Ita enim ipse explicat cap. 4. *Trahere, per terram ducere. Virgilius. Lora tenens, tamen. Huic cerviceq; comæque trahuntur per terram*. Locus Virgilij ostendit, illud *ducere per terram* sic intelligendum esse, sicut cum cadaver defuncti ducitur, absq; omni motu scilicet ac agitatione. Ita non ducuntur cætera vehicula; est enim in eis agitatio, motus, & volubilitas rotarum, ac proinde tali sensu ne trahuntur quidem. Contra res se habet cum trahis, quæ ducuntur sine ullo tali motu. *Trabæ* igitur à *trahendo*, tali sensu, quali dixi. Sed non *trabæ* modo dictæ, verum & *tragæ*, ubi Servius docebat, quanquam à vulgo magis quam à cultioribus. Inde *tragula* apud Varronem lib. IV. de L.L. *De his, quæ jumenta ducunt*. *Tragula* ab eo, quod *trahitur per terram*. Scalliger in notis ad hunc locum. *Trahula* puto scribendum, ut *trahæa*, vel *trahes*. Neutrum necesse est. Nam *tragula* à *traga*. Et sic rustici plebeiq; loquebantur, sicut Servius ostendit, qui hoc modo malebant, quia facilius *tragula* pronunciari potest, quam *trahula*. Jornandes scripsit *traculas*, pronunciatione duriori,

ut

ut opinor, inductus, si est vera lectio quam Savaro profert ad Sidorij lib. VI. ep. 1. Verba sic habent: *Ita rigescit, ut in silicis modum vehat exercitum pedestrem plaustrag, & traculas.* Savaro conijcit, legendum *trahulas*. Frustra, quia permutatione nota litterarum, quæ *tragula*, eadem & *tracula*. Quomodo pro *legere* habemus *lecere*, pro *rogato*, *rocato* apud veteres, ut pridem viri docti annotarunt. Dubitari tamen potest de Savari lectione, quoniam in editione Grotiana publicatum *tragulas* habemus, non vero *traculas*. Verba extant cap. 55. de Reb. Goth. quæ consulat, qui volet. Græce sunt, qui nominatam putant ἐλκυστρον. Sed hoc pars est aratri. Theophrastus V. Hist. Plant. εἰς ἐλκυστρα τοῖς ἀρότροις. Traha non est pars aratri, sed vehiculum, & integrum vehiculum, quod ex superioribus cognoscitur. Quare malo credere Glossario antiquo, in quo redditur Χαμῆλκ. Verba ejus: Χαμῆλκ., *trabea*. Sic legendum arbitror pro eo, quod in Stephani editione reperitur, *trahe*, nisi *traha* malis. Porro traham esse Χαμῆλκον etiam ex Philoxeno colligitur, quando vertit *sclo-diam*. Verba ejus: *Sclo-dia*, Χαμελκίς. Ita enim recte emendarunt, pro Χαμελκίς, quod est in Henr. Stephani editione. Χαμελκίς Philoxeno, quod alijs χαμῆλκ., dicit autem denotare *sclo-diam*, qua voce hodieq. Germani omnesq. Septentrionis populi utuntur, in vehiculi hujus appellatione. Ut non dubitem, quin *traha* sit Χαμῆλκ. Nec abludit ratio vocabuli, quia signat id, quod per terram trahitur. Vir summe doctus ad Codicem Theodosianum *carpentum humile* explicavit, cui adstipulari non possum, quia *carpentum* omne rotisolvebatur. In iisdem Glossis legitur & *stludio*. *Stludio*, Χαμῆλκιον. Sed vix credo, esse integram hanc scripturam, maloq. *stludia* emendare, neq. aliud, quam hoc ipsum genus intelligere. Nimirum vocem barbaram, præsertim in qua plures concurrebant consonantes, non eodem semper scribebant modo, quod frequenter observatur. Inde *sclo-dia* & *stludia*, quæ Græcis, ut hinc discimus, Χαμελκίς, χαμῆλκιον, χαμῆλκον. Græcam vocem retinuit & Ammianus lib. XVII. ubi ait, de obelisco loquens: *Defertur in vicum Alexandri, tertio lapide ab urbe sejun-*

*Etum: Vnde chamulcis impositus, tractusq; lenius per Ostiensem portam, piscinamq; publicam Circo illatus est Maximo. Legimus & κέσπον, genus, ut opinor, haud absimile. Philoxenus: Traduco, κέσπον, ὄχημα δίχα τροχῶν. Dicit ita nominari vehiculum, quod nullas habeat rotas: tale autem traha, sicut vidimus. Dein Latine vertit traduconem: quo significari tale censeo, cujus ope quid traducimus, seu de loco uno transportamus in alium, vel transvehimus. At huc pertinebat traha, ut liquebit ex sequentibus. Quod si κέσπον traha, quod suspicor, notabimus, traham sive traheam quandoq; dictam traduconem. Est & σκῆπτρον vehiculum rotis destitutum, sed num traha sit, haud dixerim, quia ejus mentionem facit unicus Hesychius, nec aliter exponit. Σκῆπτρον, ait, ἄροχον ἀμαζα. Cæterum id, quod Latinis traha dictum, rotas quidem habuit nullas, sicut sæpe demonstravimus. Quæ vero reliquæ illius forma fuerit, non perinde notum. Quia tamen trahi per terram consuevit, hinc colligitur, rotarum loco duo habuisse ligna longa, æquo inter se distantia intervallo, ab utroq; latere decurrentia, sicut hodieq; fit in sclo dijs schlædisve nostris. His dein transverse imposita ligna alia, duo plurave quibus & continerentur ista duo longa, & si quid impositum esset, cōhiberetur. Solebant autem trahas istas promoveri non humana vi, sed ope ductuq; jumentorum. Quod colligimus ex Varrone, quando ante traham, sirpeam, arceram, & id genus alia vehicula lib. IV. de LL. præmittit: *de his, quæ jumenta ducunt.* Vult enim monstrare, se deinceps acturum de instrumentis non quæ tractentur ab hominibus, ut ante fecerat, sed quæ trahantur à jumentis. Usus porro ejusmodi traharum primo rusticus, quod Virgilius ostendit, qui jungit tribulis & rastris. Solebant autem ijs fere frumentum è spicis exterere, ut ex Columella cognoscimus, qui sic habet lib. II. cap. 21. *At si competit, ut in area teratur frumentum, nihil dubium est, quin equis melius, quam bubus eares conficiatur, & si pauca juga sunt, adjicere tribulam & traham possis.* Columella jungit tribulis, quasi parum fuerint diversa. Scilicet & tribula vehicula, terendis frumentis destinata, unde nomen quodq;*

quoque suum habent, velut *teribula*, quoniam terant, & extendant. Servius ad ante dictum Virgilii locum. *Tribula, genus vehiculi omni parte dentatum, unde teruntur frumenta, quo maximè in Africa utuntur.* Sic legendum est, non ut habet editio Comeliniana, unde feruntur frumenta. Servius antiquior: *Tribula genus vehiculi, quo teruntur in area fruges maturæ.* Tribula pluraliter intelligenda sunt, ut credo, nam & cætera sunt pluralia apud Virgilium. At contra Nonius ibi facit fœminini generis, legitque *tribula*. Verba ejus sunt in cap. 3. *Tribula, fœmininum. Virgilius Georg. lib. I. Tribulaque, trahæque & iniquo pondererastri.* Liqvet apertissimè, Nonium in suis libris invenisse *tribulaque*, non, ut hodie habetur, *tribulaque*. Sed qui potest tum procedere *trahæque*? Nec enim mensuras suas versus habet. Puto Nonium scripsisse non *trahæque*, sed *trahæque*, ut versus ille talis olim fuerit apud Virgilium:

Tribulaque, trahæque, & iniquo pondererastri.

Id quod non indignum fortè, ut notetur. Tribulæ igitur, sive tribula & ipsa terendis frumentis facta, nec minus vehicula, quam trahæ. Differebant tamen, ut opinor, eo, quod hæc essent ex una tantum tabula. Varro lib. I. R. R. cap. 52. *Tribulum fit è tabula lapidibus aut ferro asperata.* Non sic traha fuit structa, sed ex asseribus, ut dixi. Sed quid est, quod ait, tribulum factum è tabula, *asperata lapidibus*? Quomodo lapides asperare illam potuerunt? An ictibus? At ea asperitas exigua tali quidem fine, ut opinor, neque requirebat plures lapides, sed unum. Ideò & Erythræus in Virgiliano Indice sic habet: *Tribulum, tabula saxo vel ferro asperata, quæ frumenta tererentur in frequenti etiamnum Italia usu.* Dicit saxo, non lapidibus. Sed ne sic quidem res aperta mihi videtur. Puto Varronem intellexisse tabulam vel lapideam inæqvalem, rudem, asperam; vel ligneam feramentis extantioribus undiqueque confixam, & sic pariter asperior. Atque hinc interpretor, quod agebat Servius, fuisse *omni parte dentatum*, non quod haberet dentes longissimè prominentes, sicut occæ cratesve nostræ, sed quod asperum ac inæqvale. Nisi putamus potius intellexisse id, quod Varro nominat *plostellum pænicum* prædicto loco, mihi certè magis hoc arridet. Nam conveniunt ipsius

ipsius verba, quæ sic habent: *Tribulum fit è tabula, &c. aut ex assibus dentatis cum orbiculis, quod vocant plostellum pœnicum.* Habes plane hic quoque opus dentatum. Juvat etiam vocabulum: Nam *plostellum pœnicum* idem est, ac usitatum Pœnis. Pœni autem sunt Puni, notissimi Africae populi, quorum caput olim Carthago. Unde bella Punica, & Pœni pro Carthaginensibus non semel apud Ciceronem, Virgilium atque alios. Quia itaque in usu fuit apud Pœnos, indiditum *Pœnicum plostellum.* Servius aiebat, *maximè in Africa usurpari*, quia Pœni sunt in ea regione. Sed quid *asses dentati cum orbiculis* apud Varronem? *Asses dentatos* alibi non legi, neque scio, qui dentati esse queant: Denique, quid hic asses faciant, non intelligo, si quidem vulgari sensu accipimus. An scribendum *axes*? Sed codices nil variant. Et observo alibi quoque libros veteres habere *asses*, ubi postea fecerunt *axes*. Sic apud Columellam lib. vi. cap. 19. hodie habetur, *roboreis axibus compingitur solum*, cum libri veteres habuerint *assibus*. Apud Palladium lib. I. t. 9. nunc videmus: *Deinde, ut axes quernæ cum æsculeis non misceantur.* At in libris manuscriptorum *asses quernæ* reperitur, ex quo quidam *asserres* fecere, sicut & in Columella rectius *asseribus* putarunt scribi. Verum *assibus* & *asses* rectum est. Nam sunt *asses* veteribus, qui deinde *axes*. Ideo & *coassare* dixerunt, quod deinde *coaxare*, quod utrumque; etiamnum reperitur. Itaque nec Varro aliter scripsisse videtur, & per asses intellexisse axes. Porro, axes nihil aliud, quam tabulæ, seu asseres. Tales igitur & asses. Docetque ipsum vocabulum, quia, sicuti dixerunt *capparis* & *capper*, *cucumis* & *cucumer*, *salubris* & *saluber*, *alacris* & *alacer*, ita plane *assis* & *asser*. Neque aliter res sese habet cum vocabulo *axis*, nam & pro ipso *axer* usurparunt. Inde habes *axeris* apud veteres, ab hoc *axer*. Gellius lib. II. cap. 12. *In legibus Solonis illis antiquissimis, quæ Athenis axeribus ligneis incisæ sunt.* Ita legitur in antiquis libris testimonio doctissimorum virorum, non verò *axibus*, quod scioli substituerunt. Quando ergo Varro *asses dentatos* scripsit, perinde est, ac si *asserres dentatos* scripsisset, qui in hoc differebant à tribulo vulgari, quod illius una esset tabula. Tribulum Africanum, quod *plostellum Punicum* vocarunt, fabrefactum fuit ex asseribus, illi asse-

res fuerunt dentati, hoc est, ut ego intelligo, non leves æqualesve, sed in modum serræ crebris incisuris asperati dentatiq;. Nisi putò *dentatis* referendum non ad præcedens *affibus* apud Varronem, verum sequens *orbiculis*, ut intelligantur illi asseres distincti asperis orbiculis. Tale igitur tribulum fuit Africanum, tale apud Italos vulgare. At diversa, ut opinor, traha, quanquam & ipsa ex asseribus, ut tribulum Africanum, nec enim à tribulis distinxisse alias Virgilius videtur. Quemadmodum & à Columella factum. Ac videtur tribulum in imò tigna habuisse plura, sive asseres, quibus incedebat, traha tantum duos. Cæterum ut trahis terere frumenta ita ijs iter quoq; facere ac deportare onera consueverunt. Sic enim testatur Jordanes loco etiam superius laudato, ubi de Danubio: *Ita rigescit, ut in silicis modum vehat exercitum, plaustraq; & traculas*. Quo ex loco simul observamus, usum earum frequentem præcipuumq; fuisse in glacie ac nivibus. Sermo enim ibi est de Danubio congelato & constricto glacie. Atq; sic Pomponius Sabinus ad sæpe indicatum Virgilij locum in Georg. I. *Trahea, agricolarum instrumentum, à trahendo. Scythæ appellaverunt sangi: sed est pulchrioris formæ, & supra glaciem utuntur. Rotas non habet, sed trahitur*. Ubi nota *sangi*, Scythicum vocabulum, quod ex Scythis ipsis hausisse videtur, quippe qui notos eos habuit, & Itinerarium Scythicum scripsit. Sed quid *sangi*? Nihil aliud, opinor, quam quod Hesychio *σύνωλον*. Quod proinde discimus ex collatione loci hujus esse Scythicum, & significare traham. Quanquam optime observet traham Scythicam elaboratiorem multo esse atque pulchriorem, ea, quæ in Italia est recepta. Scilicet in ea rusticum est vehiculum, at in Scythia omnium, etiam illorum, qui in dignitate magna constituti. Nam cum frequens nix in ea glaciesq;, ideo & vehiculum hoc receptum. Atq; ita hodieq; cernimus in ijs populis, quibus nix & glacies infesta. Sumptu ingenti trahas suas excolunt ac exornant. De oneribus super trahas solitis deferri colligimus & ex Ammiano, quando iis obeliscos Romam scribit deportatos. Verba etiam superius laudata: *Chamulcis impositus, tractusq; lenius per Ostiensem portam* obeliscus. Observa, obeliscum unum impositum

fitum chamulcis pluribus, id est trahis. Nempe longus fuit, ut traha una cum capere nequiverit. Atque ita factum & in aliis ejusmodi oneribus, ut navibus. Hoc enim voluit Pollux, quando scripsit lib. VII. c. 33. Αἰκαλέμενα χαμυλοὶ, μηχαναὶ, δι' ὧν εἰλκοντο. Hic χαμυλοὶ nil aliud, quam trahæ, sicut Ammiani locus manifeste docet. Trahis ejuscemodi imponebantur naves, si de loco uno transferri debebant in alium. Interpretes non intellexit: igitur sic ea verba reddidit. *Sed quæ humitrahæ dicuntur, machinæ sunt, quibus trahuntur.* Quasi *humitrahæ* sit vocabulum earum Latinum. Rectius fecisset, si ad imitationem vocis Græcæ reddidisset *chamulcos*, ita namque Ammianus etiam vocavit. Nescio, annon sint eadem & ὄλκοι, nam & his protrahæ naves, quod in libris de Militia Navali dixi. Hesychius. ὄλκοι, οἱ μηχαναί, δι' ὧν αἱ νῆες νεωλκῆνται. Certe si vim vocis cogites, ὄλκοι quid aliud, quam *trahæ*, ab ἔλκειν *trahere*? Nec abludit multum Svecicum vocabulum, nam *Kalkar* nominant. Mihi sane machinæ eadem ὄλκοι & χαμυλοὶ videntur, denique non aliæ, quam quæ apud Latinos dictæ trahæ, sive traheæ.

Cap. VIII.

De Unarota & Chiramaxio.

Unarota quem auctorem habeat. Hyginus emendatur. Morari cursum. Pabo. Κλάβη, Claba. Clabula. Μονότροχος. Carruca. Hyginus denuo emendatur. Chiramaxium. Pinellus notatur. Arcuma. Chiramaxium non fuit plastrum, neque tractum, sed propulsum manibus. Vehiculum manibus actum. Aurelianus medicus exponitur. Usus chiramaxij pro ægrotis. Petronius explicatur.

Post vehicula sine rotis venio ad ea, quæ subnixæ rotis volvebantur. Ex his primo loco memorabo, quæ habebant rotam tantum unicam. Ea Latinis *unarota*, inventa à Cerere, à Triptolemo primum usurpata, si Hygino fides. Ita namque habet lib. II. ubi agit de Ophiuchō. *Ceres cum sua beneficia largiretur hominibus, Triptolemo, cujus ipsa fuerat nutrix, (qui primus hominum unarota dicitur usus, ne cursum moraretur) jussit omnium nationum agros circum-euntem semine partiri.* Ita locus hic scribendus est, non, ut habet

bet mea editio, Lugduni à Joanne Degabiano An. 1608. publicata, *una rota*, item, *nec cursum moraretur*. Vult enim Hyginus demonstrare causam, cur vehiculum id una tantum rota fuerit instructum, festinationem scilicet, ne mora longiore, si & altera fabricanda esset rota, differretur Cereris beneficium, hominesq; diutius adhuc carere frumento cogerentur. *Morari cursum* ita dictum ab Hygino, ut à Tacito III. An. 33. *morari bellum*, à Vellejo II. c. 80. *morari victoriam*, & id genus alia. Ne ergo Triptolemus imperatum sibi à Cerere moraretur cursum, usus est non *una rota*, quod habent editi; nec enim rota una faciebat iter, sed vehiculo, seu curru, quod ostendunt verba, quæ præcedunt apud Hyginum, in quibus expresse *collocatus fuisse in curru* dicitur, sed *una rota*, hoc est curru sic vocato, quod tantum unicam haberet rotam. Habemus alias *pabonem* ita usurpatum, si est vera lectio, quæ hodie reperitur in glossis Isidori. Sic autem ibi legitur: *Pabo, vehiculum unius rota*. Pabo alias secundum permutationem litterarum *pavo* avis est. Itaq; in Philoxeno legas, *Pabo, vide pavo*. Sed pavo nihil facit ad vehiculum, ut de Glossis illis valde dubitem, vixq; scriptum integre vocabulum existimem. An legendum *Klabo* vel *clabo*, ut sit à Græco κλάβη, quod & ipsum genus est vehiculi? Notæ ad Cuius palatem Francofurti editum apud Johannem Mareschallum An. 1588. p. m. 275. κλάβη sive κλάπη, *squama formam habens vehiculum desinensq; in orbem pone: cujus diminutivum clabula sive clavula, celox vehiculum, cujus caplus ad squama formam in hemicyclum ductus ad egrotos commode exportandos est commodissimum*. Sed hæc omnia sunt falsa. *Clabula* seu *clavula* nunquam est vehiculum, sed bacillus, à *claba* sive *clava*. *Claba* est à κλάδα. κλάδα vero ῥάβδος, sive *baculus*. Hesychius: κλάδαν, κλάδον, ῥάβδον. Ab hoc κλάδα Æolice est κλάβα, indeq; Latine *claba*, pro quo & *clavam* usurparunt. Nam *clava* proprie fustis est ex arbore recisus, unde *clava* Herculeæ. A *claba* per diminutionem est *clabula*, quod proinde non *vehiculum* significabit, sed *bacillum*. At vehiculum est *clabulare*, quod sic dictum, quia est ex clabulis constructum contextumque, sicut alibi ostendi. Quare frustra hic de *Klabo*, sive *clabo* cogitabimus.

bimus. Nec succurrit aliud, quod cum *pabone* conveniat, de quo proinde videant, qui arte divinandi magis pollent. Nobis hoc videtur difficilior, quoniam vix dubitamus, quin sit barbarum vocabulum, qualecunque denique fuerit, ut alia non pauca illo in Glossario. Græci unarotam appellasse *μονότροχον* videntur. Sic enim habemus in Onomastico veteri Argentoratensi : *Μονότροχος*, *carruca*. Equidem carruca vulgo genus aliud, & cum rotis pluribus. Puto tamen usurpatum aliquando laxiori notione, ut signarit carum minutum. *Μονότροχος* profecto, si vocabulum respicias, significare potest nihil, nisi *unarotam*. Sed quæ unarota fuit species, aut structura? Hoc nos docet nemo veterum. Unam tantum habuisse rotam constat vel ex appellatione. At vero cætera illius ignoramus, nam qui excepto Hygino ejus mentionem fecerit, non opinor reperiri aliquem. Id tamen observo, tractam esse, non gestatam, & tractam non ab hominibus, sed jumentis, si modo eadem conditio reliquarum fuit, quæ Triptolemi. Nam ipsius unarota tracta fuit à draconibus. Hyginus : *Ceres Triptoleum, cujus ipse fuerat nutrix in curru draconum collocavit*. Dracones illi numero fuere duo. Ita enim habet idem in sequentibus : *Carnubute enim jussu, cum draco unus eorum esset interfectus, ne cum Triptolemus sensisset insidias sibi parari, currus presidium sibi constituere speraret, Ceres eo venisse, & erepto adolescenti currum dracone altera subjuncto reddidisse*. Sic hic lego, non dracone altero subiecto, & subjunctum explico adjunctum, sive junctum. Quomodo habemus etiam apud Virgilium in V. Eclog.

Daphnis & Armenias curru subjungere tigres instituit. Sicut ergo Triptolemi unarota, quæ prima fuit hujus generis, tracta à draconibus duobus, ita suspicor deinde reliquas ad hoc exemplum factas, esse tractas à duobus jumentis. Dico reliquas. Nam habuisse plures ejus generis constat vel ex appellatione Græca Latinaque, quæ in Glossis Onomasticoque veteri adfertur. Denique Hyginus unarota primum dicit usum Triptoleum. Non potest autem primus intelligi, nisi referatur ad plures subsequentes alios. Cæterum, si unarota tracta, sicut dixi, non potest genus illud fuisse.

fuisse, quod vocarunt chiramaxium. Meminit illius unicus Petronius his verbis: *Hinc involutus cocchina gausapa lecticæ impositus est, præcedentibus faleratis cursoribus quatuor, & chiramaxio, in quo deliciae ejus ferebantur, puer vetulus, lippus, Domino Trimalcione deformior.* Quærent eruditi, quid sit chiramaxium hoc loco. Pinellus in Additamentis ad Notationes Argoli, super Onuphrium, exponit *sellam curulem*, quod revellitur à solo nomine, quod ἀμαζαρ fuisse docet, id est, vehiculum cum rotis. Scaliger, quem ferè alii sequuntur, putat esse idem cum *arcuma* vehiculum. Verba ejus sunt ejusmodi in Festum voce Arcuma: *Arcuma videtur esse genus modici plaustris, quo homo tantum gestari poterat, & à servis, non à mannis traheretur, unde vocabatur chiramaxium.* Probant explicationem hanc cum Doufa in Præcidaneis ad Arbitrum lib. I. c. 13. tum Vossius in Etymolog. voce *Arcuma*. Nec recedit is, qui Glossarium Petronianum edidit. *Chiramaxium*, inquit, *genus modici plaustris, unius hominis tantum capax, solitum à servis trahi.* Verum, chiramaxium inter plaustra numerari, non existimo conveniens. Plaustra sanè non hominibus, sed oneribus vehendis destinata magis legimus. At in chiramaxio Petronii puer vehitur. Adde, quod is puer fuerit Trimalcioni in deliciis, qui pro luxu reliquo sine dubio & puerum illum splendide ac delicate habuit. Jam verò nemo est, qui plaustrum ullum inter splendida vehicula retulerit. Ideò non puto rectè explicari per minutum plaustrum. Deinde nec hoc puto verum, quod sit tractum à servis. Equidem id planum, incesse hominum opera, non jumentorum, docetque ipsum vocabulum, à χεῖρ & ἀμαζα compositum. Χεῖρ enim est *manus*, quæ de solis intelligitur hominibus. At verò tractum ideò ab hominibus continuò non sequitur. Imò potius contrarium hinc colligas. Nam qui trahunt, illi manibus id minimè faciunt, sed loro ad pectus religato, vel jugo indito cervici. Virgilius II. *Æn.* ubi loquitur de iis, qui equum Græcorum in urbem Trojam deducere debebant:

-- -- Et stuppea vincula collo

Intendunt. -- --

Hyginus cap. 254. *Gleops & Bitias pro bobus sub jugo se junxerunt.* Ar

verò chiramaxium nil tale innuit, sed manibus ostendit promotum. Neq; mihi dubium, quin chiramaxium sit illud ipsum vehiculum, quod Aurelianus Medicus appellat *actum manibus*. Verba ejus sunt lib. I. cap. 5. *Adhibenda gestatio primo gestatoria sella, tum vehiculo manibus acto*. Item lib. II. cap. I. *Tum gestatione corpus movemus pro virium modo fertoria sella, sive cathedra, tum longiore vehiculo manibus acto*. Ipsa nominis vocabuliq; ratio demonstrat *vehiculum manibus actum* esse ipsum illud, quod Petronius Græca consuetudine vocavit *chiramaxium*. Jam si chiramaxium vehiculum actum manibus, vix illud aliter concipere valemus, quam quale hodieq; notum est cum rota unica inter duas tabulas utrinq; desinentes velut in temones, ut iis ante se propellere homo possit. A Germanis meis **Schuffard** nominatur, quoniam non trahitur, sed propellitur, quod Germani **schieben** nuncupant. Svecis simili propemodum ratione *Skottkerra* dicitur. Quamquam cum Aurelianus vocet *longius vehiculum*, quam nimirum fuit cathedra sive sella, quorum comparatione ita loquitur, aliter non nihil potuit fuisse formatum. Ac fortassis non sedere solum, sed & recumbere in eo poterant. Liqvet enim, fuisse delicatum, ac propterea tributum ægrotantibus, quos juvare molli corporis jactatione debebat. Neque mihi alia videtur causa, cur Trimalcionis puer vectus fuerit in chiramaxio, quam ut motu eo valetudini consuleret. Nempe sicuti Trimalcio primum balneis, dein lectica se exercuit, gestationeque corpus commovit suum, ita plane puer ejus chiramaxio, quod hucusq; nemo observavit. Atque hic fortassis usus chiramaxii si non unicus aut præcipuus, saltem non postremus fuit. Ut propterea nec illi Germanorum generi, quod supra memoravimus, omnimodo convenire possit, cum præsertim id portandis transvehendisq; oneribus, chiramaxium verò hominibus sit destinatum. Quamquam hodieq; observaverim in Batavis receptum, iis pueros infantesq; vectitare, quibus **Kreuwagens** nuncupantur. Ut iccirco non per omnia diversum fuisse videatur. Saltem sic formatum, uti unam tantum haberet rotam, verisimile, quia hodieque, quantum scio, nullum vehiculi genus, quod quidem manibus agitur, aliter fabricatum habetur.

De Birola & similibus.

Birola. Codex Theodosianus explicatur. Birolum. Birolidum. Dirolidum.

Non Rheda, nec carrus, nec plaustrum fuit. Mulos adjunctos habuit tres, nec tamen fuit triga. Trirolidum. Quadrirolidum. Τρίπυκλον. Τετραπύκλον. Ἐξάπυκλον. Vehiculum sex rotarum. Corrasius revellitur.

Sequitur vehiculum rotarum duarum, quod exemplo vehiculi prioris *birolam* appellarunt. Imperator Constantius in l. 8. Cod. Theodof. de Cursu publico: *Statuimus rheda mille pondo tantummodo superponi, birola ducenta.* Et lege sequente: *Miranda sublimitas tua nullos evectioni dies addendos esse cognoscat, nec passim rhedarum tractorias vel evectiones birolum faciat.* Ubi *birolum* scribendum, ut appareat contractè dici, pro *birolarum*. Usurparunt & in neutro genere, si qua est auctoritas Onomastici veteris Argentoratensis. Ita namq; habet: *Birolum, Βύπυκλον.* Ubi simul observanda Græca ejus appellatio, alibi, quod sciam, minimè occurrens. In Glossario seu Notis potius, quæ dicuntur Tullii Tironis, & in calce operis Inscriptionum Gruteriani extant, legimus etiam *birolidum*, sine dubio pro *birola*, vel *birola*. Nam & *quadrirolidum* formatione simili illic reperitur. Imò voce hybrida in Notis dictis etiam *dirolidum* occurrit. Cæterum, *birola* fuit vehiculum diversum à *rheda*, quæ ipsam quadruplo & amplius magnitudine roboreq; superasse videtur. Apparet hoc ex lege supra prolata, in qua non modo nominatim ista duo genera distinguuntur, sed & *birola* ducenta tantum imponuntur pondo, cum *rheda* imponantur mille. Carrus quoq; fuit alius à *birola*, quod colligimus ex eo, quoniam onus carri erant libræ sexcentæ. Valentinianus, Theodosius & Arcadius in lege 47. Cod. Theodof. titulo eodem: *Rheda mille librarum onus imponi debet, carro sescentarum.* Non potuit carrus idem esse cum *birola*, quippe cujus onus justum pondo fuere tantum ducenta. Num id fuit genus, quod antiqui nominarunt *plaustrum*? Nam huic Isidorus rotas duas tribuit. *Plaustrum*, ait, *vehiculum duarum rotarum*, lib. XX. cap. 12. Ego vix opinor, monstraboq; amplius, cum ad *plaustrum* venero. Potius existimo sui generis fuisse, inven-

tum post institutum cursum publicum, & solenniter in eo usurpatum. Ideò vetustiores nullam ejus fecere mentionem, neq; alibi memoratur, quam ubi sermo est de illo cursu. Speciem illius reliquam exponere haud possumus, quia descriptam habemus à nemine. Binis incessisse rotis ex ipso vocabulo intelligitur. Trahebatur porro à mulabus. Constantius Imperator in lege 8. Codic. Theod. sæpe dicto titulo: *Octo mule jungantur ad rhedam æstivo videlicet tempore, hyemali decem, birotis trinas sufficere judicamus.* Nominatim mulas memorat in eis. Observandum verò est, quod in ipsis ponat tres. Hinc enim discimus, eas mulas jungi solitas non æqua fronte, sed vel duas sub jugo uno, quas antecedeat una solitaria, sicut frequentissimè in mea patria rustici jungunt eqvos, vel potius serie continua unam post alteram, sicut fere factum in reliquis hujus generis, ut rheda & similibus, quod suo loco apparebit. Nam æqua quidem fronte juncta animalia nunquam in hoc genere, sed militari, quodq; militare referebat, Circensi aut triumphali. Unde illud quoque colligimus, quod tametsi birota eqvos tres sive mulas habuerit, iccirco tamen triga non extiterit, multo minus verò biga. Adeò hæc inter se confundenda non sunt. Alia est birota, & alia biga: Alia quadrirota, & alia quadriga. Potuit birota tres habere junctos eqvos, imò quatuor, quod suspicamur, quia dicitur *sufficere*, ut tres habeat, quasi aliquando plures etiam habuerit, in verbis supra memoratis. At verò biga nunquam, nisi duos eqvos habuit. Nec tamen, si tres habuit, iccirco triga facta, quia longè aliter in bigis trigisq; juncti, quam in nostro isto genere. Adde, quod hominibus vehendis destinata forent bigæ, trigæ ac id genus, non birotæ. Nam birotis onera deferri solita, docet, quicquid de ipsis in antiquis legibus occurrit. Imò hac de causa oneris ipsius magnitudo per easdem definita est. Sicut autem legimus birotam seu birodium, ita & *trirodium* in eisdem Tulli Tironis Notis. Erit porro trirodium, si vocabuli significationem cogites, vehiculum cum rotis tribus, sicuti birodium cum duabus. Quale verò sit vehiculum, quod rotas tres habuerit, alibi observare non recordor. Sed nec hodie illius inter vehicula ullum superest vestigium. Omnia vel

unana

unam, vel duas, vel quatuor tantum habent rotas. Ut ignorem, an hæc vox accipienda sit de vehiculo. Imo suspicor ad machinas pertinuisse, sive alias quascunq; res, quæ rotis movebantur. Quomodo videmus aliquando fellas rotulis in extremo pedum defixis esse mobiles. Hujus generis vehiculum esse potuit trirodium, non quo iter fit, aut onera deportantur, & cujus fuit usus popularis, & jumenta subjuncta habuit. At *quatrirodium*, quod similiter habetur dicto loco, nihil obstat, quo minus de vehiculo cum rotis quatuor accipiamus. Nam & τετράκυκλον sic usurparunt Græci. Homerus ipse Iliad. Ω.

Πρόθε μὲν ἡμίονοι ἔλκον τετράκυκλον ἀπὴνιν

Ante quidem muli trahebant quatuor rotarum currum. Eustathius hoc libro, sed paulo ante: Ἐρεὶ καὶ ἀπὴνιν τετράκυκλον, ὃ ἐστὶ τετράτροχον. Pari modo Dydimus, vel quisquis alius Scholiastes vetus indicato loco: τετράκυκλον, τετράτροχον. Unde colligas etiam τετράτροχον vocasse. Pollux lib. X. c. 12. ubi de vehiculis: Καὶ τὰ μὲν τετράκυκλα, τὰ δὲ δίκυκλα. Duo tantum novit genera, unum cum rotis duabus, aliud, cum rotis quatuor, quod notandum. Firmat enim id, quod de trirodio asseriebamus in superioribus. Athenæo est simpliciter τετράκυκλ. lib. V. c. 7. Μετὰ τέτρες τετράκυκλ. πηχῶν τεσσαρεσκαίδεκα. Atq; ita sæpe illo loco. Observo autem & ἐξάκυκλον, quod ad imitationem quatrirodij *serodium* possemus nuncupare, ac intelligere vehiculū cum rotis sex. Hippocrates in de Aëre, aquis ac locis: Ἐν ταῦθα καὶ οἱ Σκυῖται διατευνῶται, Νομαδὲς δὲ καλεῦνται, ὅτι ἐν ἔσιν οἰκῆμαζα, ἀλλ' ἐν ἀμάξαις οἰκεῦσιν. Αἱ δὲ ἀμάξαι εἰσὶν αἱ μὲν ἐλάχιστον τετράκυκλοι, αἱ δὲ ἐξάκυκλοι. Ibi *Scythæ, Nomades dicti degunt, quod domos nullas habent, sed in curribus habitent, qui minimum quatuor, alij sex rotis sunt instructi.* Sed Hipocrates ipse monstrat, genus hos fuisse singulare, neq; notum alibi temere, quam apud Scytas, quia tanto studio describit. Quin & eo colligas, quod ἐξάκυκλος nomen alibi vix legas. Ac ne Romani quidem usquam, quantum hactenus cognovi, memorarunt rotas sex in aliquo vehiculo, cujus esset usus vel ad hominum gestationem, vel ad transportanda onera. Ut in censum talium venire minime oporteat. Corrasius lib. III. Miscellaneorum

rum c. 20. commemorat vehiculum cum rotis etiam octo. Denig., inquit, octophorum, cujus ad Q. Fratrem meminit Cicero, vehiculum octo rotarum fuit, quo maxime Caligulam usum Tranquillus refert. Verrum fallitur vir alioquin haud indoctus, quod vel ipsum satis ostendit vocabulum, non à κύκλοις aut τροχαῖς, hoc est rotis formatum, sed à φέγειν, quod significat gestare. Ac jam in superioribus monstravimus, sic esse nuncupatum non currum aliquem cum rotis, sed lecticam, quam gestabant octo lecticarii. Neq; usquam alibi reperiatur memoratas rotas octo ullo in vehiculo.

Cap. X.

De Monaco.

Monachus. Monacosmum. Κόσμος an jumentum. Meursius & Vossius revelluntur. Isidorus corrigitur. Monocosmon, & monacosmon differunt.

Sicut pro numero alio alioq; rotarum, ita & equorum alijs alijsq; vehicula nominibus sunt compellata. Hinc bigæ, trigæ, quadrigæ, ut liquebit amplius ex sequentibus. Habuerunt vero aliqua cum jumentis quoq; singulis, sicut hodie passim est receptum. De quibus ideo hic primum agemus. Memorantur ea in Glossario veteri Arabico Latino, quod Vulcanis est publicatum, iis verbis: *Monachus, genus vehiculi, quod ab uno jumento ducatur.* Ostendunt manifeste satis verba hæc, fuisse nota veteribus vehicula, quæ etiam ab uno tantum trahebantur jumento. Neq; usus eorum recentior, sed antiquus plane, ipsiq; notus Homero videtur. Is enim ita loquitur Iliad. M. ubi agit de via munita per Archivos palis fudibusque, & coacta in angustum, ut

Ἐν δ' ἔκεν πέλα ἵππων εὐτροχὸν ἄρμα τριαιών.

Illic non facile equus volubilem currum traheret. Unum solummodo hic equum memorat in curru, ut proinde genus id intelligendum fuerit, quod dixi. Videturq; ipsum probare Poetæ institutum. Vult enim monstrare viam proflus arctam & quæ excludat cuncta bellica vehicula, qualia tum fuerunt etiam bigæ. Quare ait, capere vix potuisse vehiculum, quod ab uno solo traheretur equo.

Dicit

Dicit autem auctor Glossarum ante laudatarum, id vehiculum vocari *monacum*. Quærun viri doctissimi, unde nomen hoc sit ortum, & quid ita dictum sit id vehiculum. Meursius suspectum quoque habet, immutariq; putat oportere in *monacosmum*, quod legitur in Glossis Isidori. Cum eo facit quoq; Vossius in de vitiiis Serm. Lat. lib. III. c. 27. ubi ita habet. *Monocosmum ab Isidoro in Glossis exponitur, quod ab uno jumento ducitur, vehiculi genus. Nec dubium, quin in Glossis Arabico-Latinis cū Meursio legere oporteat: Monocosmū, vehiculi genus, quod ab uno jumento ducatur, ubi vulgo monacus.* Scilicet existimarunt ambo vocem monacosmi esse à *μόνος*, quod solum sive unicum significat, & *κόσμος*, quod Meursius jumentum, Vossius ornatum reddidere. Atque Meursij quidem sententia, *κόσμος* pro jumento accipientis, palam falsa est, satisq; Vossio refutata. Vossij vero refellitur explicatione Isidori, quæ nil habet de ornatu. Ergo alia quærenda est origo. Arbitramur autem esse non à *μόνος* & *κόσμος*, verum *μόνος* & *ἀγρεύς*, recteq; dici non modo *monocosmon*, de quo tamen statim plura, sed & *monacum*. Nempe in *monacus* litteram existimo esse permutatam, & *monacus* scriptum pro *monagus*, sicut fieri & in aliis consuevit. Si enim & *cenæ* pro *genas*, *frucem* pro *frugem*, *vocato* pro *rogato* reperimus, cum non paucis alijs generis ejusdem. Porro *monagus*, quasi *μοναγός*, quomodo & *hippagus* simili originatione apud Plinium lib. VII. c. 56. quæ Græcis *ἵππωνος*. Qui *monagus* proinde significabit currum tractum ductumve ab uno, non sententia Glossatoris solum, verum ipsa vocabuli ratione. Et quia idem significare debet *monocosmon*, etiam de eo aliter vix judicandum. Quanquam mea sententia Isidorus scripserit, non *monocosmon*, sed *monacosmon*, similiterq; id posuerit pro *monagosmon*. Ut *monagosmon* sit dictum per insertionem litteræ *s*. pro *monagomon*, hic vero pro *monagogimon* significatione parili, cum monaco. Nisi putamus esse aliud *monocosmon* seu *monacosmon* in masculino, & aliud in neutro. Ita namq; habet vocabularium vetus nescio quod, Vossio laudatum: *Monocosmus, id est genus vehiculi, quod ab uno jumento trahitur. Et hoc monocosmum, id est, currus, unum tantum portans & dicitur à monos & cosmus.*

Facit manifestam differentiam inter *monocosmos* vel *monocosmus*, & *monocosmon*, seu *monocosmum*. Verum metuo, ne sit inanis hæc subtilitas magistri. Et quæ illius possit dari ratio? Cur masculinum ad vehiculum à jumento tractum significatione passiva, neutrum vero ad vehiculum portans hominem significatione activa referendum? cum ut in masculino vocabulum substantivum *currus*, sic in neutro *carpentum* vel quid simile possit intelligi. Deniq; si facienda differentia, rectius fortasse diceretur, aliud esse *monacosmon*, & aliud *monocosmon*. Hoc oriri à *monos* & *cosmos*, illud à *monos* & *agein*. Monacosmon esse vehiculum ab uno ductum animali; monocosmon adornatum uni homini, hoc est præparatum ac instructum in unius tantum alicujus usum. Nam quod masculinum attinet, exponit illud pari modo Vulcanius in Notis ad Isidori Glossas, sicut neutrum, neq; generis intuitu differentiam ullam reperit. Quamquam mihi expositio vehiculi in unius modo usum præparati tota videatur commentitia. Nec enim peculiare quoddam fuit genus, sed ex cæteris generibus quæcunque fuere minuta, unum tantum capiebant. Ut proinde non ex Isidoro Glossæ, sed ex Glossis Isidorus emendandus videatur, nec *monocosmon* legendum, sed *monacos*. Cum præsertim quidam Isidori habeant *monacosmum*, non *monacosmum*, ut Vossius citavit. Quicquid vero sit de lectione, illud planè liquet, non descendere à *cosmos*, ac iccirco nullum innuere vehiculi ornatum. Ut descriptum frustra sit à Vossio, quod fuerit *vehiculum hominum delicatiorum ornatè compositèq; procedentium, ac tale, ut unum tantum hominem, vel summum & alterum caperet*. Nam contra fuit vehiculum, quod ab uno trahebatur jumento, sicut verbis manifestis docent veteres, quorum major hac in parte fides esse debet, quam conjecturæ, quæ ex voce, forsitan corrupta oritur. Adde quod si illud *monos* referendum est ad hominem, ratio vocabuli pereat, si vehiculum præter illum unum admiserit & alterum. Sane à jumēti trahentis numero solitario, nō hominis utentis, nec ornatu vehiculi vel hominis, sed ductu esse nominatū voluit Glossarum auctor, quādo non *ducitur* scripsit, sed *ducatur*, *Monacus*, ait, *quod ab uno ducatur*, quasi diceret, monacus ita vocatus est, quod duca-

ducatur ab uno tantum, hæcque illius sit constructio formaque, ut jumenta plura non admittat. Reddit rationem appellationis per illud *quod*, non pronomen isto loco, sed conjunctionem causalem, ut Grammatici appellant. Habet quidem Isidorus *ducitur*, ubi monacismum describit. Sed cum reliqua conveniant, magno opere de hoc non laborandum, æque forsitan corrupto. Cum præsertim viri docti consentiant fateanturque omnes, non diversa genera, sed eadem utrique describi. Cæterum quæ reliqua monaci fuerit structura, dicere non habemus, cum illius apud alios, quod ego quidem sciam, mentio non occurrat. Ex Homero, si monachus est, quem memorat in verbis antea laudatis, quod opinor, colligas, jumentum, quod appellat Isidorus, accipiendum esse eqvum, quippe quem in ipso nominatim memoret. Quanquam hoc perpetuum fuisse vix opiner. Sed & quia vocat *ἄρμα* id vehiculum, quod describit, duas tantum suspicari possis habuisse rotas, talis enim currus, quem *ἄρμα* proprie significat, ut loco alio prolixius tradetur. Usus quoque monaci parum notus. Putes magis advehenda onera & id genus pertinuisse. Saltem bellicis & militaribus Homerus opponit, sicut supra vidimus. Quanquam cum monachus seu monagus dictus sit, ut bigæ, trigæ, ac id genus, quæ ad bella vel spectacula adhibita, dubitare possis. Videturque de illius usu ad solennes ludos posse colligi non nihil ex nummo veteri, quem exhibet Hubertus Goltzius inter Siculos tabula septima numero tertium. In eo namque ad vehiculum, quale bigarum quadrigarumve solet esse, juncta cernitur mula, eaque unica. Verum metuo, ne socia illius sit omissa vitio sculptoris, adeoque nullus ibi nobis monachus exhibeatur. Cum præsertim ipse Goltzius in eo nummo bigas memoret in Indice, ubi de mularum bigis loquitur. Sed nec alibi in ludis vel spectaculis monaci aut vehicula cum equis singulis vel memorantur vel repræsentantur picti. Ut adhuc res maneant ambigua, donec industria alterius suo tempore manifestabitur.

De Bigis.

Bigæ, biga. Vnde dicta biga. Isidorus explicatur. Desultorii. Hyginus emendatur. Comites, pares equi. Festus emendatur. Ἀμύπτοι. Συναρίδες. Δούρυα. Erasmus notatur. Ἄρμα τέλειον. Συναρίς παλιν. Κέλως. Amasæus notatur. Σελλάρη. Ἀσπὸς. Desultorii equi sine stratis fuere. Demsterus notatur. Δρόμος. Ἰππων. Desultorii quando instituti in ludis. Deslire quid. Μελαβάτης. Ζεύξιππος. Scaliger rejicitur. Glossæ veteres explicantur. Mitti. Missus. Διπῶλα. Διῖππος. Bijugis. Bijugus. Bijuge curriculum. Bigæ rotas habent duas, & totidem jumenta. Ἀπὸν. Golzius notatur. Non est rheda. Currus de vehiculis Circensibus. Biga nota ante trigas & id genus. Adhibita in praliis. Διούρης. In ludis quoque funebribus, Olympicis, Circensibus. In Circo num primum bigis solis certatum. Tertullianus explicatur, lectioque ejus vetus stabilitur. Demsterus notatur. Differentia inter militares currus & ludicros. Agitator. Habitus agitatorum. Χίτων ἡνιοχῆος. Στολὴ. Tunica. Cassis. Κράνη. Πέρας. Crista. Insula. Exuere nexus. Statius explicatur. Stabant in curribus. Quomodo steterint. Quæ ratione circa metam currum flectere potuerint. Bigæ flaminie. Bigæ cornute. Bigati nummi. Argentum bigatum. In eo bigæ Circenses, & ob quam causam. Bigarii.

Bigas ævi optimi Scriptores numero plurali solum, nunquam singulari extulisse, Varro auctor est, in de LL. lib. IX. Non, inquit, dicitur ut hæc una lata & alba, sic una biga, sed una bigæ. Notat tamen Sergius in Donati editionem secundam, ipsum illum Varro nem extulisse quadrigam singulari numero in Exdemetrico. Sed hoc Vossius in de Analogia lib. I. cap. 43. factum putat propter carmen, in quo ne alii quidem refugerint. Quin imò & extra carmen jam Tiberii ævo monstrat legi apud Valerium Maximum lib. I. c. 8. Ego etiam Hyginum usurpasse video & observo, qui floruit sub Augusto, ist est, optimo illo ævo. Verba ejus extant fab. 250. *Salmonæus, qui fulmina in quadriga sedens imitabatur, cum quadriga fulmine ictus.* Cæterum, has bigas putant dictas velut bijugas, quod sub jugum unum missa haberent duo jumenta, quorum opera trahebantur. Fronto apud Gellium lib. XIX. cap. 8. *Quatuor simul equi juncti*

juncti, quadrigæ, quasi quadrijugæ, vocantur. Loquitur hic quidem de quadrigis Fronto, sed quæ appellationis ratio est in quadrigis, eadem est & in bigis, & in cæteris hujusmodi. Unde Isidorus lib. XVIII. cap. 36. *Quadrigæ & bigæ, trigæ & sejugæ ab equorum numero & jugo dictæ.* A numero & jugo, ait, quo id ipsum innuit, quod Fronto, id est, ut quadrigas, ita & bigas esse dictas, velut bijugas. Dicit autem uterque, in vocabulo bigarum factum esse respectum ad numerum *equorum*, quod non satis videtur convenire, cum efferri debuerit non in feminino genere, quod nunc fit, verum masculino. Non igitur tam ad equos attenderunt, quam vel eqvas, quarum alias quoque, præsertim præcis temporibus, in hoc genere frequentiore fuisse usum alibi jam demonstravimus, vel mulas. Quid verò est, quod Isidorus scribit dictas à *jugo*. An putavit sic vocatas, quod sub uno jumenta essent jugo? At hoc falsum foret in cæteris generibus, exceptis bigis. Nam in trigis quadrigisq; tantum duo equi sunt sub jugo, reliqui adjuncti funibus. Quare malo illud *jugo* apud ipsum verbum credere, quam nomen, quod significet *consocio, conjungo*. Sed nec Fronto aliud videtur voluisse per quadrijugas, quam quatuor *jugas*, ab illo *jugo* dictas, hoc est, jugatas, junctas, aut consociatas. Atq; ita quidem veteres. Nam recentiores malunt non à *jugo*, verum *ago*, id est, *duco*, derivare, ut *bigæ* sint *bis* vel *bina agæ*, id est, equæ aut mulæ duæ agentes, seu ducentes vehiculum. Quam sententiam existimamus veriore, quia eam firmat etiam monagi seu monaci vox, quæ utiq; à *jugo* sive *jungo* derivari haud potest. Plane autem, sicuti monachus seu monagus dictus, ita dici potuit diagus, pro quo Latini fecere *biagas*, & contractè *bigas*. Ut proinde bigæ sint non tam sub jugum unum missæ, vel quo cunque alio modo jugæ vel jugatæ, quam ducentes vel trahentes equæ duæ. Quod necesse tandem est intelligi in hoc vocabulo, contra quam fit, si à verbo *jugo* derivamus. Nempe solebant quoq; alias conjungi inter se ac sociari equi etiam absque vehiculo, equitandi gratia, quales *desultorii* vocabantur, quoniam, qui utebantur eis, ex uno, saltu transmittere se in alium consueverant. Meminit Florus lib. III. cap. 3. ubi de Teutobocho: *Quaternos senosque equos transi-*
lire.

lire solitus, vix unum, quum fugeret, ascendit. Vides, transilire solitos; Fieri hoc autem in iis solis consueverat, qui *desultorii* dicebantur. Unde Hyginus fab. 80. *Etiam Romani seruant institutum, cum desultorem mittunt. Vnus duos equos habet, pileum in capite, de equo in equum transilit.* Ita lego ista, & asteriscum post capite tollo. Alii ex equo habent, ab ingenio, ut credo. Mihi de videtur rectius, quia veteri scripturæ convenientius, in qua præcedentis vocis syllaba postrema sine dubio absumsit. Desultorii hi erant inter sese copulati. Unde *comites* sunt dicti Flacco lib. vi. Argon. ubi de Mæso: -- -- *Comitumque celer mutator equorum.*

Festus appellavit *pares*, quia iuncti erant æqua fronte. Verba ejus voce *paribus*: *Paribus equis, id est, duobus, Romani utebantur in prælio, ut sudante altero, transirent in siccum.* Verba hæc corrupta mutilave sunt, non Festi culpa, sed qui eum mutilavit, Pauli. Quomodo namq; cohærent ista, *Romani utebantur*, cum superioribus? Puto tamen Paulum etiam scripsisse: *Paribus equis, id est, duobus. Duobus Romani utebantur, &c.* Neq; verò desultorii tantum iuncti inter se, sed & qui à Græcis dicti sunt ἀμικτοί, non multum dissimiles desultoriis, dissimiles tamen. Nec enim in iis unus tantum, & transmittens sese saltu, sed in suo quilibet, unus, qui urgebat flagello, alter, qui pugnabat. Scaliger ad Manilii lib. III. *Ἀμικτοί quidam desultores interpretantur. Nos rem similem, non eandem scimus fuisse: Similem quidem, quatenus ἀμικτοί erant equi iuncti, dissimilem, quod in altero auriga insidebat, ex altero autem miles armatus pugnabat.* Si ergo bigæ significarent equos tantum iunctos inter se, possent equi duo hujus quoq; generis, vel desultorii significare. Jam verò veteres distinguunt. Svetonius in Julio cap. 39. *Quadrigas bigasque, & equos desultorios agitarerunt nobilissimi juvenes.* Quare bigæ dictæ, non à jungendo, sed agendo, sicut dixi. Nisi plane aliam vocabulorum istiusmodi reddamus rationem, de qua dicam in sequentibus. Græci nuncuparunt σὺνωπιδας. Glossæ: *Συνωπιδες, bigæ, singulare non habet.* Nota, etiam auctorem hunc in bigis singulare non agnosce-re. Nam aliter Philoxenus: *Bigæ, ἑνωπιδες.* Item Lexicon aliud, titulo de Spectaculis: *Bigæ, σὺνωπιδες. Συνωπιδες & ἑνωπιδες est idem.* Liqvet autem

tem manifestè, Græcis συνωρίδα esse, quæ Latinis *bigæ*. Atq; sic Hesychius: συνωρίδα, ἄρμα δίπλων. Item paulò post: συνωρίς, ἄρμα ἐν δύο ἵππων, ἢ συζυγία. Ubi tamen observandum, συνωρίδα Græcos usurpasse non de curru solum, sed & eqvis solis, inter sese junctis, id enim hic συζυγία. Et sic Lucianus, ut opinor, in Timone: Νενικνυε καὶ τελείω ἄρματι, καὶ συνωρίδι πωλικῇ. Vertit Erasmus: *Vicit solenni quadriga, equestrique certamine*, quorum neutrum probum. Nam ἄρμα τέλειον non *solemnis quadriga*, verum *currus equorum integrae ætatis*, quo genere præcipuè certare solebant. Συνωρίς πωλική verò, eqvi duo juniores juncti, quales defultorii Latinis dicti. Unde κέλῃς opposuit Pausanias in Eliacis: Συνέθεσαν ὃ ὕστερον καὶ συνωρίδα πώλων, καὶ πώλον κέλῃα. Vertit Amasæus: *Receptæ deinde pullorum bigæ, & pullus item defultorius*. Falsa omnia. Κέλῃς enim non est eqvus defultorius, sed singularis, defultorio oppositus, qualem vulgo eqvites solebant habere, qui ex eo Græcè κέλῃς, Latine *celetes*, vel, ut habet Livius, *celereres* sunt dicti. Suidas idèò exposuit sellarium, & pariter, ut Pausanias, à συνωρίδι distinxit. Κέλῃς, αἶτ, ὁ μόνος ἵππος, καὶ ὁ ἐπὶ τέττε φερόμενος, ὁ σεμνὰς, ὁ θυμὸς. Συνωρίς ὃ δύο ἵπποι συνεζυγμένοι. *Celes, equus singularis, item is, qui eo vehitur, sellarius, nudus*. Synoris verò equi duo juncti. Vides, κέλῃα eqvum esse sellarium, eumq; unicum & solitarium. Qui sellarius est dictus, quia sellam habuit, cum illi juncti, qui Latinis defultorii sunt dicti, sella carerent. Vetus auctor vocabulorum militarium: Ἀμφίπποι μὲν, οἱ ἐπὶ δυοῖς ἀσπράτοις ἵπποις συνδεδεμένοι ὀχούμενοι, οἱ καὶ μετὰ πηδῶσιν ἀπ' ἀλλὰ ἐπ' ἄλλον, ὅταν ἡ χρεία καλεῖ. *Amphippi* (sic vocabant eos defultorios, & defultores) *sunt, qui equis vehuntur duobus non stratis, conjunctisque, & cum usus exigit, ab uno equo transiliunt in alterum*. Manifestè ait, defultorios hosce fuisse ἀσπράτας, id est, nulla sella, nullo strato tectos ornatosve, scilicet, ut in siliri desiliriq; facilius possent. Deinde etiam hoc ostendit, illos defultorios nunquam fuisse solos, sed conjunctos saltem duos, ut proinde κέλῃς dici non potuerit, qui est defultorius Latinis. Erravitq; etiam Demsterus, quando ita scripsit ad Rossini lib. V. cap. 24. *Vt quadrigæ quatuor equorum cursum significabant, ita defultores uno tantummodo equo utebantur*. T. Liv. 5. Decad. lib. 4. Semel quadrigis, semel defultorio misso. Artemid.

mid. lib. I. Oneiroc. c. 58. ἵππων κέλῃτα ἐλάυνειν, *eqvum desultorium agitare.* Miscet ac confundit omnia. Κέλῃτα vertit *desultorium*, cum potius sit *singularis*, sive *singularator*, nam & ita dictus est. Deinde desultori unum modo tribuit eqvum, qui minimum habuit duos. Ideò ἀμφίπῳ Græcis dictus est. Cujus equi quoniam fuere *συνεζευγμένοι*, sicut Suidas, vel *συνωδεμένοι* sicut vetus auctor ait, hoc est juncti inter se ac copulati, ideo *συνωείδα* quoq; nuncuparunt. Ut proinde ita reddi locus Pausaniæ debuerit: *Recepti deinde pulli desultorij, & pulli singulares.* Sanè *συνωείδα* duos significasse nunquam unum, docet ipse Pausanias dicto loco, quando ait: δρόμῳ δ'ὐο ἵππων τελέων, *συνωείδα κληθεῖτα, τέτῃ μὲν ὀλυμπιάδι ἐτέθη πρὸς ταῖς ἐννεήκοντα.* Vertitur & hoc male, ista ratione: *Bigarum integra atate equorum* (*συνωείδα vocant, quasi bigas dixeris*) *cursus receptus Olympiade tertia & nonagesima.* Nihil minus *συνωείδα*, quando δρόμον ἵππων denotat, quam *bigæ*. Bigæ semper junctæ ad vehiculum intelliguntur: at vero δρόμῳ ἵππων accipi non potest, nisi de nudis equis. Et debuit docere locus ipse. Quis enim credat in solennibus istis Græciæ ludis non certasse bigis ante Olympiadem nonagesimam & tertiam? Diversum profecto testantur nummi Syracusij sub Gelone cusi, qui floruit circa Olympiadem septuagesimam secundam, ut de aliis nunc taceam. Quare non de bibis egit Pausanias, sed desultoriis, prædicto loco. Cum præsertim *συνωείδα* de solis equis proprie dicitur. Suidas: *συνωείδα, συνεζυγία, δύας.* Κυρίως δὲ ἵπποι δ'ὐο συνεζευγμένοι. Κέλῃτα δὲ ὁ ἐπὶ ἐνὸς ἵππου ὀρχέμενον, καὶ αὐτὸς ὁ μόνον ἵππος. Dicit, vocem hanc significare quidem conjunctionem, & binarium numerum. Proprie vero usurpari de duobus equis, junctis inter sese. Quorum qualis debeat intelligi junctura, declarat eo, quoniam opponit celeri. Scilicet hoc vult, sicut celes eqvus singularis est, sic *συνωείδα* esse duplicem, & ut ille ad vehendum equitem paratus, ita quoq; *συνωείδα*. *Συνωείδα* ergo propria significatione notat eqvum, equo junctum alij, equitandi gratia. Qualis introductus est in ludos Olympicos circa nonagesimam & tertiam Olympiadem, servatusq; etiam Romanis in ludis Circensibus sub vocabulo equi desultorij. Unde Suetonius loco supra nominato: *Quadrigas bigasq; & equos desul-*

desultorios agitaverunt nobilissimi juvenes. Qui his infidebant, Latinis dicti desultores. Isidorus lib. XVIII. c. 39. Desultor cum ad finem cursus venisset, desiliebat, & ex equo in eqvum transiliebat. Bene transiliebat, ita namq; τὸ desiliebat est intelligendum, non quod defilierit in terram, & sic demum ascenderit alterum, sed quod defilierit ex uno equo, saltuq; ab illo se transmiserit in alterum, quod iccirco Manilius, ludere per terga volantum dixit lib. V. Astron. Græci desultorem appellarunt μεταβάτην, eqvum vero ζεύξιππον. Confudit Scaliger ad Manilium his verbis: Desultor à veteri magistro redditur ζεύξιππος, μεταβάτης, hoc est combinator. At magister ille vetus, qui Glossarum auctor est, distinte: Desultor, μεταβάτης. Desultor, ζεύξιππος. Nempe duo desultoris vox significat, hominem desultorem plurimum, aliquando & eqvum, qui alias est desultorius. Livius lib. XLIV. c. 9. Semel quadrigis, semel desultore misso. Ita habent libri optimi, non desultorio ut Dempsterus citat. Desultor hic est eqvus, sicut & quadrigæ equi sunt. Et mitti equi dicebantur, non homines, non agitatores. Unde missus, qui de equis sunt intelligendi. Atq; ita & desultor mittebatur. Hyginus fab. 80. Etiam Romani servant institutum, cum desultorem mittunt. Hic desultor ζεύξιππος, qui alias est desultorius, ita nominatus, quia nunquam fuit solus, verum junctus alij. Plane sicuti & συσσειδας idèò vocarunt. Qui συσσειδας tamen non de equo nudo, & ad equitandum parato solum, sed & currui adjuncto usurpari solebat, sicuti ex Glossis in superioribus monstravimus. Συσσειδας loco usurparunt aliquando δίπωλα. Philoxenus. Δίπωλα. he bigæ, singulare non habet. Ἄρμα δίπωλον dixit Hesychius in superioribus. Legitur & δίπιππον hoc sensu, apud dictum Philoxenum. Δίπιππον, biga. Pro biga vel bigis etiam Romani aliquando nominarunt bijugos. Virgil. lib. X. Æneid.

Defiluit Turnus bijugis —

Ubi Servius: Bijugis, erit nominativus hic bijugus, nam alias bijugibus faceret, si esset forma tertiæ declinationis. Quod addit Servius, quia & in ista declinatione appellantur bijuges. Poeta idem lib. III. Georg.

Martis equibijuges, & magnicurus Achilles.

Pro bijugis Svetonius usurpavit *bijuge curriculum* in vita Caij c. 19. *Postridie*, ait, *quadrigario habitu curriculoq; bijugi famosorum equorum per eum pontem commeavit.* Dio lib. LIX. ubi rem eandem narrat, ἄρμα reddidit. *Ἀνεκρίθη δὲ τῆς αὐτῆς γαφύρας ἐφ' ἄρματ'.* Verum ἄρμα generale est, ac de omni isto genere usurpatur, non eo solum, quod contentum equis est duobus. Ergo qui definiebant accuratius, bigas, sive bijuge curriculum *συνωείδα* nuncupabant. Habebat autem hoc curriculum, ut nunc veniam ad formam ejus, rotas tantum duas. Ita docent monumenta omnia antiqua; nummi Græci Latiniq; sculpturæ marmoraq; in quibus effigies ludorum circensium, & id genus. Inter rotas istas duas surgebat instar sellæ semirotundæ, cui certantes insisteabant. Græci *σιφρον* appellarunt, unde genus ipsum sæpe ita nominatum, quod jam alij notavere. Partes ejus alibi expositæ sunt nobis. Speciem exhibent nummi, quos hic placet apponere duos ex Hub. Goltzio, qui diligentius, quam alij, expressit.



Hæ bigæ sunt cum suis curriculis. Exhibent autem equos. Equos enim ad hoc genus usurpasse supra quoq; diximus, & testati sunt Fronto atq; Isidorus. Junxerunt tamen & mulas, præcipue in ludis apud Græcos. Inde habes mularum effigiem in bigis, quas exhibent apud Goltzium nummi Syracusij, Messanenſes, Gelonis, atq;

atq; alij. Sed & Pausanias propterea Eliac. I. ὡς δὲ δὴ ἀπὸ τῆς κατὰ τὴν συνωείδα, ἡμῶν αὐτὸ ἵππων ἔχουσα. Dicit, genus quoddam fuisse curriculi simile συνωείδα, id est bigarum, eo tantum diversum, quod equorum loco haberet mulas. Quod genus proinde, tanquam diversum ait appellasse ἀπὸ τῆς, quod notandum. Ostendit enim, ἀπὸ τῆς etiam fuisse bigas, sed cum mulis vel mulabus. Addit quoq;, introductum Olympiade septuagesima. Τῆς δὲ ἀπὸ τῆς τὸν δρόμον ἐλυμπίαδι νομιζέμεντα ἐβδομηκοστῇ λήγουσιν. Quo magis miror Goltzium, hoc tribuentem Hieroni ex Pausania. Verba ejus habent ita in Indice Græciæ veteris: *Bigamulorum, quos primum ad certamina junxisse Hieronem, tradit Pausanias.* In Pausania nil istiusmodi reperio. Et qui potuerit, sic oblitus fui, cum multis sæculis Hiero post supra dictam Olympiadem floruerit? Testeturq; idem cum prioribus & auctor vetus συναγωγῆς ἱσοειῶν in dicta Olympiade septuagesima, his verbis: Τῆς ἀπὸ τῆς δρόμου ἐτέθη. Θεοσίας ὁ Θεσσαλὸς ἀπὸ τῆς πρώτης. Quæ de victore primo tali genere curriculi habet, memorat & Pausanias, cujus Interpretes illud Θεοσία non per *Thersum*, aut *Thersius*, sed *Thersiam* exponere debuisse, per allatum veteris Scriptoris locum cognoscimus. Cæterum quo modo ἀπὸ τῆς reddiderint Latini, apud eruditos dubium esse video. Amasæus vertit *rhedam* apud Pausaniam. Placuit hoc & Bocharto lib. II. c. 19. Histor. Anim. Neq; vero dubium, quin locis multis ita possit intelligi. Sed sciendum, quod non omne vehiculum mulare sit ἀπὸ τῆς. Præter ἀπὸ τῆς etiam alia junctos habuere mulos. Quapropter si vel maxime in rheda muli fuerunt, non tamen ideo necesse fuerit, ut ἀπὸ τῆς ita explicem. Fuit ἀπὸ τῆς vehiculum, solis ludis Olympicis, vel certe potissimum usurpatū. Ludis illis Olympicis apud Latinos succedere Circenses. At in Circensibus certatum rhedis nemo unquam dixit ex veteribus. Quare maluerunt alij *vehiculum mulare* vertere, quod Sylburgius in Notis ad Pausaniæ interpretem testatur. Quanquam fors hoc nimis generale sit. *Curvus mularis* commodius videtur, cum vox *curvus* frequens sit in isto genere. Virgilius;

-- -- *Effusi carcere currus*

Stalius Theba VI. v. 285.

Parte alia victor curru, Neptunia tendit

Lora Pelops -- --

Plinius lib. IX. ep. 6. *Quo magis miror, tot millia virorum tam pueriliter identidem cupere currentes equos, insistentes curribus homines videre.* Sed de curru alibi. De ἀννῳ certum est, fuisse genus curriculi bijuge, cætera bigis simile per omnia, nisi quod à mulis traheretur, quod vel ex subjecto nummo Messanensium apparet, qui à Goltio est publicatus:



Loquor de ἀννῳ, cujus meminit Pausanias, & quæ in Ludis Olympicis adhiberi consuevit. Fuit enim quoque generis alterius, ut suo loco indicabitur. Sive autem equi jungerentur, sive muli, semper æqua locabantur fronte. Nec in bigis modò hoc fiebat, sed & reliquis hujus generis, trigis nempe, quadrigis, & similibus. A quibus bigæ tamen differebant, quod haberent jumenta tantum jugalia, funalia verò nulla, sicut reliqua genera, quemadmodum jam alibi ostendimus. Usus vetustissimus bigarum fuit, atque ante cætera hujus generis, si Lucretium audimus, qui sic habet lib. V.

Et bijugo prius est, quam bis conjungere binos,

Et quam falciferos inventum ascendere currus.

Adhibuisse verò primum ad prælia videntur. Homerus profectò Æneæ tribuit. Currus enim, quo aggreditur Diomedem, duos tantum habet equos, quod ostendit Diomedes ipse, quando sic de illis equis Iliad. E.

Τὼ δ' αὖ Αἰνεία δῶκεν, μήσῳρε φόβοιο
Εἰ τέ τῳ κε λάβοιμεν, ἀροῖμεθα καὶ κλέεσθ' ἐσθλόν.

Duos autem Aeneas dedit Anchises eqvos, peritos fuga. Si hos ceperimus, retulerimus sanè gloriam praelaram. Sed & Pandarus iccirco ad Aeneam dicto loco, cum eum Aeneas adhortaretur ad praelium

Ἴπποι δ' εἰ παρέασι, καὶ ἄρμαλα τῶν κ' ἐπιβαίνῃ.

Ἀλλὰ πῶς ἐν μεγάροισι Λυκάονος ἑνδεκά διζυροί

-- -- Παρὰ δ' εἰ σφιν ἐκάσῳ διζυροὺς ἵπποι.

Equi autem non adsunt, & currus, quos conscendam. Sed alicubi in adibus Lycaonis undecim currus sunt. Apud ipsos autem unicuique bijuges equi. Tribuit unicuique curruī διζυρας, id est, junctos inter sese binos eqvos. Scholiastes vetus: διζυρας, διττοί, ἀνὰ δύο ἐζευγμένοι. Eustathius: διζυροὺς ἵπποι, ἀλλ' ὅτι ἀνὰ δύο εἰς ἑκάστον ζυγόν. At ita juncti bigas monstrant, quas proinde undecim habuisse aptas praeliis apparet. Unde satis colligas frequentem bigarum in militia usum. Ideò & Virgilius Pallanti tribuit lib. X. & de Turno lib. XII.

-- -- *Bigis it Turnus in albis,*

Bina manu lato crispans hastilia ferro.

Jam ex illo usu veteri translatae bigae sunt ad ludos, quia instar militaris exercitii debebant esse. Atque primum quidem ludi funebres bigis celebrati. Homerus ipse II. ̑. de Menelao:

-- -- Ὡς δ' ὅτ' ἑζυγὸν ἦραγεν ὠκέας ἵππους

Αἰθρῇ πῶς Ἀγαμέμνονέν, τὸν εὖν τε Πόδαρχον.

Sub jugum verò duxit veloces equos, Aethen Agamemnoniam, suamque Podargum. Duos tantum nominat, unde bigas adornasse liquet. Porro, si à Menelao usurpatae bigae, ceteri quoque bigas ex certaminis lege adhibuisse colligitur, quæ utique non permittebat inter se dissimiles certare. Postea translatae sunt in ludos Olympicos. Videturque hoc factum initio statim, cum bigarum usus fuerit semper antiquissimus, ac iccirco saepe bigas esse intelligendas, quando certatores vicisse dicuntur ἄρμασι, hoc est, curru. Atque memoratur nominatim à Pausania Cleosthenes Epidamius, victor bigis Olympiade sexagesima, illiusque victoriae monumentum, currum cum eqvis duobus, quorum alteri Phœnicis, alteri Coracis nomen fuerit,

rit, collocatum dicitur Eliacorum II. Ἀνέθηκε δὲ ὁμῶς τοῖς ἵπποις αὐτῆς, καὶ εἰκόνα, καὶ τὸν ἡνιοχόν. Ἐπιγέγραπται δὲ καὶ τῶν ἵππων τὰ ὀνόματα, Φοῖνιξ καὶ Κόραξ. *Pōsuerunt autem una cum equis & ipsius effigiem, & agitatoris, subscripseruntque nomina equis, Phœnix, atque Corax.* Volui adducere hunc locum, ut liqueret etiam ex ipso, quod est dictum in superioribus, longè ante nonagesimam & tertiam Olympiadem certamina bigarum fuisse recepta. Ex ludis Olympicis venerunt ad Circenses Romanorum. Nam in ipsis quoque bigis contendisse antiquissimis temporibus vix potest dubitari. Quin imò, si Tertullianum audimus, illæ primæ fuerunt, quibus certabatur in Circo. Verba ejus lib. de Spectaculis, cap. 5. *Initio equi duo soli fuerunt, albus & roseus.* Ita habet editio Parisiensis Anno MDLXXX. à Michaële Juliano publicata, unde colligat nonnemo id, quod dixi. Verum alia est mens Tertulliani. Eqvos enim hic intelligit non duos junctos, sed singulos per se in suis curribus, sic, ut equi currus ipsos denotent. Agit nempe de coloribus aurigantium, eosque ait ab initio fuisse tantum duos, album & roseum. Hos colores, coloratosve currus cum aurigantium habitu reliquo duos vocat eqvos, roseum & album. Ut sic malè fecerint, qui illud *soli* mutaverunt in *Solis*. Solis enim equi semper quatuor putati, nunquam duo, sicut alibi monstratum est. At illi duo equi, quos Tertullianus memorat. Qui præterea non Solis tantum fuere, sed & Lunæ. Unde præcedit paulò ante apud eundem: *De jugo quadrigas Soli, bigas Lunæ sanxerunt.* Ostendit, in ludis Circensibus adhibuisse eqvos & in Lunæ honorem, non tantum Solis, eosque plane fuisse bijugos. Unde simul id firmatur, quod aiebam, bigas inter prima genera fuisse, quibus in Circo utebantur. Erratque sine dubio Demsterus, quando solis certasse quadrigis existimat. *Inre merito in Circo, qui Soli erat sacer, quadrigis inibant certamen,* ait ad lib. V. Rossin. cap. 5. Nam contra bigas quoque nobis exhibent monumenta omnia Onuphrii, & nummi veteres. Et Svetonius clarissimè in Tiberio, cap. 26. *Natalem suum plebejis incurrentem Circensibus, vix unius bigæ adjectione honorari passus est.* Licet verò bigæ transumptæ fuerint ex bello ad spectacula, tamen alia non nihil fuit ratio bigarum pertinentium ad bella,

& alia pertinentium ad spectacula. Nam in bigis bellicis semper erant duo minimum, unus auriga, alter, qui pugnabat, quorum ille quidem Græcis ἡνίοχος, hic verò παραιβάτης sive ἀναβάτης dicebatur. Pollux lib. I. cap. 10. ἐπιβελήκασιν τὴν ἀρμάλιν διόφρων, ἡνίοχος, καὶ παραιβάτης, ὃν ὁ Πλάτων ἀναβάτην μικράσπιδα ἐκάλεσι. *Currus verò sellam conscendebant auriga, & adscensor, quem conscensorem Plato vocat parvo utentem scuto.* Παραιβάτης hic, qui ex curru pugnabat, ideo ei clypeum tribuebat Plato. Hesychius vocavit παραβάτην, si est vera lectio: παρὰβάται, οἱ ἐπὶ τῶν δίφρων ἐξ ὧτες μαχόμενοι, οἱ κύριοι τῶν ἀρμάτων. *Parabate sunt pugnatōres, qui stant in sellis, Domini currum.* At verò in Circensibus stabat unus tantum, qui ad cursum impellebat eqvos, *agitor* ideo à Latinis dictus, sicut loco alio monstravi. Sanè ubicunq; describuntur illi ludi, unius tantum fit mentio in unoquoque curru. Quod vel ex Statii lib. vi. Theb. cognoscitur. Neq; aliud testantur monumenta vetera & nummi. Unus, isq; solus, nec nisi unico armatus flagello currui insistit. Quare hac in parte currus isti bigæve differebant. Erat autem agitatorum illorum habitus peculiaris. Unde Sveronius de Cajo cap. 19. *Postridie quadrigario habitu curriculoque bijugi per eum pontem commeavit.* Lampridius de Commod cap. 2. *Aurige habitu currus rexit.* Pertinebat huc χιτὼν ἡνιοχικὸς, ut eum vocat Callixenus apud Athenæum in descriptione pompæ Ptolomeianæ. Στολὴν reddit Dio lib. LXII. ubi de Nerone: Ἡρμαῖη λήλατ' αὖτε, τὴν τε φόβην πλεῖν πράσινον ἐνδεδύμενον. Ubi repetitio articuli ostendit, loqui eum de peculiari stola, ea scilicet, quali solenniter agitadores erant ornati. Plinius Latinè appellavit *tunicam*. Verba ejus lib. IX. epist. 6. ubi agit de Circensibus: *Tanta gratia, tanta auctoritas in una vilissima tunica.* Loquitur de tunica aurigantium, ut locus totus docet. Tunicæ addebatur cassis in capite. Hinc Papi-nius lib. vi.

Ipse habitum iuvenis. Ni ve i dant colla jugales.

Concolor est albis & cassis, & insula cristis.

Atq; sic Chrysostomus. At apud Dionem κράν est in Nerone, ubi ait ὁ Νέρων ἀρμαῖη λήλατ' αὖτε τὴν τε φόβην πλεῖν πράσινον ἐνδεδύμενον, καὶ τὸ κράν τὸ ἡνιοχικὸν περικείμενον. Videtur de peculiari agere, ac & circo appellare

ἀνιόχμον. Sic in vita Heliogabali lib. LXXIX. ἐν γὰρ ἰπποδρόμῳ τινὲς ἐκ-
 πεσὼν τὸ ἄρμα τῷ, τὸ κρᾶν ἐν τῇ πτώσει ἀπέρριψε. Callixenas apud Athe-
 næum πέτασον appellat, loco supra indicato. Cassidi Papinius addit
 cristas. Atq; habet aliquas cassis, in nummio Neronis expressus,
 qui est secundus tabulæ ad paginam vigesimam & sextam perti-
 nentis. Aliorum non habent, quod ex monumentis ac picturis
 ejus cæteris abunde constat. Nominat & infulam, quæ qualis de-
 beat intelligi eorum, qui in circo agunt equos, ego equidem haud
 dixerim. Nam in capite eorum nihil exhibent monumenta vete-
 ra, quod infula dici mereatur. Circa lumbos mediumq; corpus
 circulum ostendunt, qui an infula sit dictus, alij deliberent. Species
 conspicitur in hoc Severi nummo, quem & ipsum exhibet Onu-
 phrius, cum alijs similibus.



Id, quod medium ambit corpus stantis in vehiculo fortassis infula
 est dictum, quoniam contortum esset ex filis, ambiretq; corpus,
 sicut sacerdotum infula cingebat caput. Erat autem usus hujus
 circuli solennis atq; singularis in aurigatione Circensi. Eo namq;
 habenas corpori circumdatas tenere solebant. Nec enim, quod
 alias consuetum fuit, eas libera tenebant manu, sed habebant con-
 fertas post tergum, credo partim, ut ita coercere facilius equos
 possent, partim ut stantes in curru servarentur nonnihil juvaren-
 turq; contra lapsum. Itaq; ne possent defluere habenæ, extrema
 circuli

circuli ora erat eminentior, ut velut sinu inter illas eminentias comprehensæ manerent firmæ ac durabiles. Quo videtur respexisse Statius lib. VI. ubi ait:

— — *Ruit illicet exul*

Aonius, vexusq; diu per terga volutus

Exiit, abripitur longe moderamine liber

Currus —

Quid enim hic *exiit nexus*? nisi quod habenas, quas habuit in dicto circulo post tergum connexas, exueret, seque liberaret ijs, quibus fuit hætenus retentus, atq; ita volutatus diu. Lutatius, vel quisquis alius scholiastes Statij eo loco: *Se habenarum nexu, quæ in volutus per terga fuerat, liberavit, ne cum loris implicitus traheretur.* De repositis post tergum habenis monuit & Argolus ad Onuphrium pag. 31. firmatq; non ex Latinis solum, verum etiam Euripide, qui locis trinis meminit. Unde simul observamus, non modo Romanorum, sed Græcorum quoq; istam fuisse consuetudinem. Et hæc quidem aurigantium σκυῆ, sic enim appellat Dio, quod Latini *habitum* appellavere, lib. LXXII, ubi de Commodò, οἱμοὶ δὲ συνεχῶς τὰτ' ἐπαρτε, τῇ πρασίῳ σκυῇ χρώμενος. Solebant autem agitatores illi non sedere in curribus, sed stare, quod testantur monumenta omnia, eratq; pars non postrema hujus artis, ut quis firmo stare vestigio in curru posset. Statius lib. VI. Theb.

Senserat adductis alium presagus Arion

Stare duces loris —

Causa fuit, quoniam & in bellicis vehiculis, unde Circensia desumpta diximus, steterè. Sic enim semper memorantur ipsi etiam Homero. Ut Iliad. A. ubi Nestor

— Εὖω δ' ἐς δίφρον ὀρέσας

Στήθε' ἢ μελὰ προμάχοισιν —

Ego autem in currum insiliens steti inter propugnatores. Atq; ita alibi reperias. Ut erraverit Onuphrius, quando sic de agitatoribus Circensibus lib. I. c. 14. *Mos vetustus fuit, agitatores ipsos quatuor factionum curribus insidentes, metas septies circuire.* Nec enim insidebant, verum insitebant illis curribus, ut dixi. Virgilius lib. III. Georg.

*Primus Erichthonius currus, & quattuor usus
Iungere equos, rapidisq; rotis insistere victor.*

Plinius lib. IX. epist. 6. *Miror, tot millia virorum tam pueriliter
identidem cupere currentes equos, insistentes curribus homines videre.*
Solebant autem pedem unum antepondere alteri, ut status esset fir-
mior. Ita docent monumenta marmoræq; vetera. Neq; aliud vi-
detur voluisse Sidonius car. 23. ubi de certamine hujusmodi.

Pars contraria nil timens tuam vim.

Securas prior orbitas terrebat.

Tensis cum subito lupatis

Tensis pectoribus, pede ante fixo.

Stabant quoq; non erecti, verum cernui, capite in anteriora pro-
no. Idem poeta indicato loco.

Nec cernas cito cernuos magistros

Temones mage sufferant, an axes. Et Virgilius lib. V. *Æn.*

Nec sic immissis aurigæ undantia lora

Concussere jugis, proniq; in verbera pendent.

Atq; ita nobis habitum statumq; illorum exhibent antedicta mar-
mora & monumenta. E quibus ut sint omnia conspectiora testati-
oraq; ecce tibi agitatorē quadrigarium, propositum ab Onuphrio
pag. 41. ex monumento in ædibus Columnensium extante.



De certamine agitationeq; ipsa ut hic differamus multis, argumentum nostrum haud permittere videtur. Feceruntq; jam ante nos alij peculiaribus operibus, Onuphrius præcipue in erudito de ludis Circensibus commentario. Illud lubet quærere, cum non parvam admirationem habeat, nostris maxime temporibus, quibus illud ludicrum desit in usu esse, qui sit factum, quod cum cursu concitatissimo flecterent currum circa metam, cum tamen haud everterent, aut frangerent, cum præsertim rotis strinxisse metam legantur. Hic primum dixerim, non fuisse novum plane, sed evenisse plurimum, ut & excuterentur aurigæ, & dissolverentur vehicula, axesve cum rotis frangerentur, quod vel ex Statio cognitum habemus. Itaq; nec, quod est proximum, cujusvis hoc fuisse negotium, sed illius, qui multiplici industria usq; didicisset artem. Ipse firmat Homerus, apud quem Il. 4. Nestor ad filium curru certaturum:

Μῆτι δὲ λωίοχῳ πτερύγῃ τε λωίοχοιο.

Arte auriga superat aurigam. Deinde multum valuisse hic virtutem equorum atq; doctrinam. Unde eodem loco Nestor.

Ἰδοὺ γὰρ εὖ περὶ τέχνην ἔχουσιν ἄλλὰ τοῖσι ποσσὶ

βαρύντοισι θεῖον --

Nosti recte circa metas flectere, sed tibi equi tardissimi in currendo. Quasi diceret, non sufficere solam agitatoris artem, etiam equos bonos, & præsertim agiles oportere esse. Silius requirit, ut & frenis facile libenterq; pareant. Unde lib. XVI.

At docilis fræni & melior parere Pelorus.

Accessit ad postremum ipsa vehiculi structura, quippe quod esset humile, haberet axem longum, rotasq; in eo minutas, ut everti facile non posset. Juvabat pondus stantis superne agitatoris, qui huc illucq; inclinando, sese, currumq; servabat rectum, etiamsi quandoq; vacillaret. Quæ cum omnia hodie ignorentur, mirum esse nequit, si nostris vehiculis id, quod veteres fecerunt, imitari parum valeamus. Satis, nisi fallor, de bigarum eo genere, quod sic proprie appellabatur, & ad prælia, item ludicra certamina spectabat. Erat autem præter illud, genus aliud, quo Flamen Fidei utebatur. Livius

fic habet lib. I. cap. 21. *Soli Fidei solenne instituit. Ad id sacram flamines bigis, curru arcuato vehi iussit.* Ostendunt ipsa ista verba, non de tali genere, de quo hactenus est actum, loqui, verum alio. Nec enim, si de communi sermo fuisset, illud de curru arcuato addi necesse erat. Et intelligunt pleriq; currum arcuatum, qvi supernè tectus fuerit. At diversa facies bigarum reliquarum, uti constat. Bigæ igitur Flaminicæ tantum ideo à Livio sic dictæ, qvò adjuncta duo haberent jumenta. Qvòmodo & de aratro usurpavit M. Varro in Serrano. *Dum, inquit, in agro studiosius ruro, adspicio Triptoleum sculponeatum bigas sequi cornutas.* Hic cornute bigæ, bini boves sunt ad aratrum juncti, qvos seqvebatur Triptolemus, ut qvi primus homines arare docuit, & frumenta serere. Pomina: *Bigæ cornute boves duo aratores, quos aratro junxit primus Triptolemus.* A bigis dicti nummi sunt *bigati*, denarii argentei. Plinius lib. XXXIII. cap. 3. *Nota argenti fuere bigæ atque quadrigæ: Et inde bigati, quadrigatique dicti.* Agit ibi Plinius de vetustissima nummi argentei signatura. Unde liquet, qvid voluerit Tacitus, quando scripsit in libello de Mor. Germ. *Pecuniam probant Germani veterem & diu notam, ferratos bigatosque.* Bigatorum nempe illorum usus fuit antiquissimus, atq; ita primum Germanis etiam innotuit. Hos ergo maximè probabant. Pro bigatis dixerunt & *argentum bigatum.* Livius lib. XXXIII. cap. 8. de Cornelio: *Tulit in triumpho argenti bigati septuaginta novem millia.* Item lib. XXXIV. cap. 44. de M. Por. Catone: *Tulit in eo triumpho argenti infecti XX. millia pondo, bigati centum viginti tria millia.* Et sic locis aliis. Fuerunt autem bigæ illæ, qvibus signatum est argentum vulgo, non bellicæ, sed Circenses. Ita docent omnes veteres denarii, qvi hodieq; extant. Cur autem isto genere monetam publicam voluerint signare, nemo fortè dixerit. Scilicet de Jano, rate, nave docuerunt veteres, at de bigis, quantū scio, tradidere nihil. Possunt tamen placuisse bigæ, ut in memoriam revocarent Circenses primos Romuli, qvorum occasione comparavit suis matrimonia, & sic civitatem veluti de novo condidit. A bigis quoq; legimus *bigarios*. Epigramma vetus in Cælio monte repertum, qvò describit Argolus ad Onuphrium p. 38.

*Flores ego hic jaceo--- bigarius infans,
Qui citò dum cupio currus, citò decidi ad umbras.*

Extat in eo monumento puer bigis insitens cum palma. Unde suspiceris, *bigarios* vocatos nominatim, qui bigarum agitadores fuerent. Cum præsertim & trigarii & quadrigarii hac ratione nuncupentur.

Cap. XII.

De Trigis.

Triga. Triga. Triga de hominibus. Τριᾶδες. Sic quadriga. Τετραῖδες. Τριῖνες σύναιμοι. Τριπῶλα. Τετρίπῶλοι. In eis equus tertius, funalis, & à dextro latere collocatus. Triga in bello ludisque Olympicis. Venerunt in desuetudinem jam olim, & quam ob causam, in Circensibus. Trigarium. Martianus explicatur. Cursus extans. Occupare. Cursus instans. Succedere. Cursus raptus. Eripere. Tabula Cechinorum emendata & exposita.

NON æquè frequens est trigarum mentio apud veteres Latinos, sicut reliquorum generum. Invenimus tamen apud Varonem in de LL. lib. VI. ubi ait: *Non ut quadriga, triga, sic potius dui-ga, quam biga.* Meminit & Isidorus lib. XVIII. cap. 36. *Quadriga, biga, triga, ab equorum numero & jugo dicta.* Item paulò post: *Trigas Diis inferis consecrarunt.* Ulpianus dixit *trigam* numero singulari l. 38. ff. de ædil. ed. §. 14. *Simili modo si triga venierit, redhibenda erit tota.* Sic Poëta vetus, Gothofredo laudatus eo loco:

Triga mihi paucos inter dilecta sodales;

Triga sodalitti pars bene magna mihi.

Quantum ibi videatur agere de homine, quum inter sodales referri diligit; currus & equi difficulter queant. Atque possis suspicari, trigam illam usurpasse de amicis tribus peculiariter ei gratis acceptisque. Quomodo & Arnobius sic *trigas Cupidinum* vocavit lib. IV. *Ajunt iidem Theologi, quatuor esse Veneres, tria genera Castorum, totidemque Musarum, pinnatorum Cupidinum trigas.* Hic *triga* sunt *τριᾶδες*, seu, ut loquebatur ante, *tria genera*. Sic Vopiscus & *quadrigam* usurpavit vita Probi cap. ult. *Nunc in alio libro, & quidem brevi de Firmo & Saturnino & Bonoso & Proculo dicemus. Non enim*
dignum

dignum fuit, ut quadrigæ tyrannorum bono Principi miscerentur. Casaubonus hoc loco: Τετράδα appellat quadrigam, ut alii τὴν δαδα dixerunt bigam. Græci ratione simili. Nam & Nonno τετράζυξ δισμός, vincula sunt quatuor, & τριζυγες σύναιμοι, tres fratres in Epigrammatis. Ita namque habet Archias in piscatorem, venatorem & aucupem fratres: Σοὶ τὰ δὲ Πάν σκοπιῆτα πεναίολα δῶρα σύναιμοι

Τριζυγες ἐκ τριασῆς θέντο λίν' αἰσίνης.

Atq; ita de iisdem alio epigrammate:

Τριζυγες ἄρεσίσκε κασίγνηοι τὰ δὲ τέχνας.

Sunt autem τριζυγες proprie *trijuges*, seu *triga*, id est, equi tres curru adjuncti. τριπῶλα maluerunt alii vocare. Philoxenus: Τρίπῶλα, *triga*. Atq; ita Dionysius Halicarnasseus fine libri VII. Ἐν ᾗ ταῖς ἵπποις αἰμίλλαις ἐπὶ τῆς δέσμης δύο, τὸ τε αὖτε τὰ τριπῶλα τῶν ἀρμάτων, &c. *In certaminibus equestribus duo sunt studia, unum circa trigas currum*. Invenias & τριῖπες. Saltem ita vertunt Magistri, quas Latini vocant trigas. Philoxenus iterum: Τριῖππον, *triga*. Species trigarum fuit, qualis bigarum, nisi quod duobus equis adjunctum haberent tertium, non sub iugo, verum fune religatum ad latus. Dionysius Halicarnassensis dicto loco: Δυσὶ ἵπποις ἑζευγμένοις, ὃν τρόπον ζευγνύται συνωρίς, τρίτῃ παρείπελο σερραὶ ἵππῳ ῥύτῃσι συνεχόμενῳ, ὃν δὲ τὴν παρηγορήσῃ καὶ συνεζεύχῃ, παρήγορον ἐκάλει οἱ παλαιοί. *Duobus equis junctis, sicut jungi bigæ solent, adjunctebatur tertius funalis equus loris adnexus, quem, quod ad sociatus adjunctusque esset, παρήγορον, hoc est, adjunctum, appellabant veteres*. Fuit porro is funalis junctus reliquis à dextro latere, ut arbitror. Ibi enim magis ejus opera erat utilis, quam in sinistro. Unde quoque equum optimum ac præstantissimum eo loco collocabant. Quæ de re non repeto, quæ loco alio prolixè demonstravi. Usus trigarum antiquissimis temporibus ad bella fuit. Nam Heroës apud Homerum vix pugnasse aliter, quam trigis, putantur. Et confirmat Dionysius supra nominato loco, ubi vocat ἀρχαῖον ἐπὶ τῆς δέσμης ἡγοικόν, ὃ ποιεῖ τὰς Ἑλλήνας Ὀμηρῷ ἐν ταῖς μάχαις χρωμένους. Hoc est: *Institutum antiquum & heroicis temporibus receptum, quo Græcos Homerus facit usos in præliis*. Ex militia transumptæ sunt in ludos Olympicos, & similes apud Græcos, sicut bigæ. Sed venerunt postea in desuetudinem,

nem, credo, quod æqvabilior videretur virtus vel duorum modo eqvorum, vel qvatuor, qvam trium, è qvibus funarius plus juvaret unum latus, qvam ut alteri non noceret. Docet hoc quoq; Dionysius prædicto loco: Εν ᾧ ταῖς ἰσπικαῖς εἰμίλλαις ἐπὶ τῆς εὐμαλῆς δύο τῶν παλαιῶν πάνυ, ὡς ἐξ ἀρχῆς ἐνομοθετήθη, φυλαττόμενα ὑπὸ ῥωμαίων μέχρι τῶν καὶ ἐμὲ διακείσθαι χρόνων, τό, τε πρὸ τὰ τρίπολα τῶν ἀρμάτων, ὃ παρ' Ἑλλήσιν μὲν ἐκτέλειονεν. Sic scribendus est hic locus, non τρίπολα, ut est in Roberti Stephani editione Anno MDXLVI. Parisiis vulgata. *In equestribus certaminibus duo antiquissimorum studia, ut initio fuerunt instituta, ita hucusque à Romanis observantur, alterum cum trigis currum, quod quidem apud Græcos omissum est.* Testatur abundè, genus hoc receptum olim in certaminibus publicis fuisse, desisse tamen postea usurpari, nec durasse ad ætatem Dionysij. Floruit autem Dionysius hic tempore Augusti: quo proinde trigæ Græcis non fuerunt amplius in ludis notæ. At verò ante usurpatas docent quoque nummi veteres præsertim Hieronis atque Calenensium, quos hic ex Goltzio appono.



A Græcorum ludis transtulerunt ad Circenses suos Romani, sicut ante docebat Dionysius, & servarunt longo tempore. Igitur & in nummis Romanis effigies eorum cernitur, ut apud Fulv. Ursinum in familia Claudia, Manliaque: apud Gortæum in familia Nævæ, & alibi. Quanquam longe minori occurrant frequentia, quam
x
bigæ

bigæ vel quadrigæ. Ut tametsi usus earum manserit ad tempora Dionysij, tamen fuerit is rarus. Quod ex eo quoq; colligas, quoniam tam pauci trigas nominarunt. Invenimus tamen etiam in tabula Cecchinorum memoratas, quam Onuphrius lib I. exhibet. Sic enim extat, de C. Appulejo Dioche, agitatore factionis Rusticæ: *Vicit CCC XXXXVII. Trigas ad Frs XVIII.* Quod Onuphrius sic explicat: *In his binorum curruum certaminibus trigas agitando vicit quater premium valoris XV. millium nummorum hoc est CDL.* Cœpit porro hic Diocles Anno VC. D CCC LXXV. M. Acilio, M. Aviola, C. Cornelio Panfa Consulibus primum agitare, i. e. uti dictus supputat Onuphrius Annó Christi CXXIII. quo Hadrianus Imperator rebus Romanis præfuit. Unde colligitur, etiam post Dionysium Halicarnassensem trigarum usum aliquem fuisse longo tempore. An præter duplicem eum usum, qui expositus à nobis est, habuerint & alium trigæ, communem receptumque, equidem haud dixerim. Observo quidem equos tres in curru Heraclij, quem exhibet nummus à Lipsio propositus lib. III. de Cruce. Sed is currus aliter adjunctos habet equos, quam solebant trigæ veteres. Forma quoq; ejus alia, quam trigarum, ut iccirco huc referri nequeat. Etiam à trigis dictos esse *trigarios*, ut *bigarios* à *bigis*, affirmare haud valeo. Afferunt equidem trigarios, qui nobis concinnarunt Lexica ex Plinio lib. XXXVII. c. 13. pro agitatoribus. Sed illos esse non *trigarios*, sed *strigarios*, eosq; non homines, sed locos, alibi jam demonstravimus. Habet trigarios & Marlianus lib. IX. sive potius *trigarium*, ubi ait: *Ipsaq; tripas trini cursus præfagia pollicetur, hoc est, Extantis, Instantis, & Rapti. Demum trigarium supplicantis semper germanitatis adveniat, quod vestra vulgo suffragia pollicendo incertos mortaliū sensus primum in spem opis superæ proritavit.* Totus locus sumptus est ex re Circensi; nam in circo triplex ille fuit cursus, quem hic nominat. Unus, cum ab ipsis statim carceribus alios quis anteverteret, quod hic circensi propriaque formula nominat *cursum extantem*. Res ipsa & negotium occupare dicebatur. Tabula Cecchinorum: *Occupavit, & vicit. D CCC XV.* Onuphrius sic explicat; *ubi ex carceribus exivit, primus*

continuofuit. Alius, cum quis antecedens fequeretur, & ex carceribus veniret post alios, qui *cursus* dicebatur *inftans*. Negotium in dicta tabula eft *fuccedere*. Ita namq; habet: *Succellit, & vicit, LXVII.* Quod fic explicat Onuphrius: *Alius ante eum aliquandiu fuit, quem prævenit, & vicit.* Alius, cum quis alteri victoriam, quam videtur jam in manibus habere, calliditate fingulari eripit, equis fcilicet injiciendo pavorem, aut affligendo rotas, aut fimile quid agendo, qui *cursus raptus*, dicebatur, ficuti negotium, *eripere*. Unde in prædicta tabula; *Eripuit, & vicit DII*, quod Onuphrius idem ait efle, ac *aftu vel industria concurrentes prævertit & vicit*. Sic legendum ibi cenfeo, non *actu*, quod eft nihili. Quanquam per hunc curfum triplicem fimilitudine quadam exprimat curfum vitæ humanæ, in qua alij, velut in circo, aut occupant, aut fuccedunt, aut eripiunt, id eft, vel femper primo loco funt, vel ex poftremis in primum veniunt industria, vel alios dolo fraudibusq; fubvertunt, ut emergant. Et quia cœpit verba fumere ex circo, pergit, ac *trigarium germanitatis* vocat tres germanas, de quibus paulo ante loquebatur, Genethliacen, Symbolicen, & Thneticen. Ut proinde in trigarij vocabulo hic fit intelligendum *jugum*, id eft vinculum trium inter fe conjunctarum confociatarumq;, quale alias per trigarum vocem fupra diximus explicari. Scilicet ut à *bigis*, *bigarium*, fic à *trigis*, *trigarium* eft dictum, in quo fi intelligas vel jugum vel vehiculum, perinde fuerit, ac fi trigas diceres. Nam trigarium proprie ad rem circenfem pertinet, ut oftendit Martianus, & tres equos junctos ad currum, licet ipfe de germanis tribus ufurparit. Quas mox *trigeminam feminam*, five tres in unius nominis vocabulum *conspirantes* appellat.

Cap. XIII.

De Quadrigis.

Quadrigæ. Quadriga. quadrigula. Quadrijuges equi. Qudriijugi currus. Rheda. Flagella. Codex Theodofianus exponitur. Τέτραρον. Τέτρωρον. τετραπώλια. Quadrigæ pro quovis genere ludicro. Quadrigæ num cum equis octo. Codex Theodofianus explicatur denovo &

Iac. Gothofredi sententia expenditur. Currus ordinarij in circunquam dati cum septem vel decem equis. Certamina in circo duplicia. Sejuges ex ordinariis currus maximus. Quadrigæ proprie dictæ in ludis. Equa Græcis pro quadrigis. Facilius bigis & trigis, quam quadrigio vincere. Quadrigæ Olympionicarum, triumphalium. Currus triumphalis quas fuerit specie. Onuphrij pictura rejecta. Triumphantes stabant in curru. Currus auratus, aureus, eburneus erat. Quadrigæ albæ non videntur ante Cæsarium atatem in curribus triumphalibus adhibitæ. Plutarchus & alij explicantur. Triumphantes habuere liberos in curribus, etiam sequioris sexus, & amicos. Valerius Maximus exponitur. Onuphrius notatur. Quid singulare habuerit triumphus Vespasianorum. Quadrigarum honos apud Indos. Quadrigarij. Festus emendatur.

Quadrigarum nomen apud veteres cum Græcos, tum Latinos est notissimum & frequentissimum, ut de eo afferre testimonia Latinis quidem ex Scriptoribus supervacuum videatur. Et jam in superioribus, cum de bigis ageremus, demonstravimus, plerosque viros doctos arbitrari, efferendas esse numero plurali. Atque ita Cæsar quoque censuit in libris de Analogia, sicut Fronto testis est apud Gellium lib. XIX. c. 8. Quanquam & in singulari dictam esse quadrigam non ex Varrone modo, quod fecit Gellius, sed Hygino quoque ostenderimus. Sunt & quadrigulæ apud Ciceronem de Facto. Philippus hæc in capulo quadrigulas vitare monebatur. Plinius in singulari dixit quadrigulam lib. XXXIV. cap. 8. Dextra limam tenet, læva tribus digitis quadrigulam tenuit, translatam Præneste. Pro quadrigis Poetæ quadrijuges equos, item quadrijugos currus dixere. Virgilius lib. III. Georg.

Centum quadrijugos agitabo ad flumina currus.

Item lib. X. Æn.

Quin ecce Nyphei

Quadrijuges in equos ad versas, pectora tendit.

Ovidius lib. II. Metam.


Ruunt, tritumque relinquunt

Quadrijugi spacium, nec, quo prius, ordine currunt.

Ubi *quadrijugos* posuit pro *quadrijugibus*, quoniam utrumque fuit in usu. Servius: *Et quadrijugus & quadrijugis dicimus, sicut inermus & inermis, exanimus & exanimis.* Sunt & *rheda*, item *flagella*. L. 5. lib. vi. Cod. Theod. t. 29. *Singulos solidos per singulas rhedas, id est, quas quadrigas vel flagella appellant, percipiat.* Hic quadrigæ iis quoque veniunt nominibus, quæ dixi. Sed sunt aliæ hæ quadrigæ, quam de quibus agimus hoc loco, sicut ostendemus, quando de rhedis sermo erit. Græcis genus hoc est τέτριππον. Glossæ veteres: τέτριππον, *quadriga*. Inde habes in titulis victorum apud Pindarum. Ut in Olymp. Ode 5. τῷ ἀπαρ' Ἀλυσίδι, τεθρίπῳ. Pyth. Ode 7. Μεγάλη Ἀθναίῳ, τεθρίπῳ. Hefychio est τετραίππον. Verba ejus: τέτρωρον, τετραίππον ἄρμα. Ex quibus verbis simul observamus, etiam τέτρωρον appellavisse. Glossæ veteres: *Quadrijugum*, τέτρωρον, ubi semper ἄρμα est intelligendum. Usurpabant alias τετραόρες, in quo intelligebant ἵππους. Homerus Odyss. N.

-- -- Ὡς ἐν πεδίῳ τετραόροι ἄρσενες ἵπποι.

Hefychius: τετραόροι, τέσσαρες ἐπὶ τῷ τεθρίπῳ ὑπεζευγμένοι. Eustathius observat, nuncupasse quoque τετρασείδες. Verba ejus habentur Odyss. N. τετραόροι δὲ ἢ καὶ τινες τετραόρες ἵπποι, οἱ τέσσαρες ὁμῶς συνεζευγμένοι. Ἡ καὶ ἄλλως τετραόροι, ἀντὶ τῷ τέσσαρες ὀρέοντες. Οἱ δὲ τοιαῦτοι καὶ τετρασεῖροι λέγονται. ὡς καὶ πλὴν σείραν. Est & τετραπῶλια pro quadrigis apud Philoxenum: τετραπῶλια, *quadrigæ, singulare non habet.* Forma quadrigarum fuit ea ipsa, quæ bigarum trigarumque, nisi quod adjunctos haberent equos quatuor, ex quibus duo fuere jugales, duo funales, illi in medio, hi utrinque à lateribus, ut alibi ostendi. Et ideo Eustathius in verbis præcedentibus illos equos dixit esse τεσσαράς ὁμῶς συνεζευγμένους, *quatuor una conjunctos.* Exhibetur optimè à Rubeno lib. I. Elect. cap. 3. ex lapide antiquo apud portam Nomentanam expressa in hunc modum:



Neq; ratio, qva in eis vehabantur, alia, qvam qva in cæteris. Nam & in his stare solebant, qvòd de quadrigis nominatim supra ex Virgilio monstravimus. Plinius lib. viii. cap. 42. *Claudii Caesaris Secularium ludorum Circensibus excusso in carceribus auriga, albat i equi palam occupare, opposita effundentes, omnia, quæ contra amulos debuissent peritissimo auriga insistente, facientes.* Dicit apertè, aurigas instituisse. Fuit autem hoc genus, de qvo loquitur, quadrigæ. Solinus cap. 46. *agens de eodem: Ingenia equorum Claudii Caesaris Circenses probarunt, quum effuso rectore quadrigæ cursu amulos non minus astu, quam velocitate, præverterent.* Usus quadrigarum an temporibus antiquis fuerit ad bella, non satis affirmare possum. Colligo tamen ex Homeri Iliad. θ. quando ibi Hectòr eqvòs suos adhortatur ad prælium, nominatq; qvatuor:

Ξάνθε τε, καὶ σὺ Πόδαργε, καὶ Αἴθων, Ἀάμπε τε Νέε.

Xanthe, & tu Podarge, & Aethon Lampeque nobilis. Sanè qvoniam in ludis usurpatæ etiam ante Homerum, ludi verò simulachra bellorum, sicut sæpe dictum est, idèò vix potest dubitari. Usurpatas autem ante novimus ex Philargyrio, qvifit ad Virgilium: *Varro in libro, qui admirabilium inscribitur, Erichtonium ait primum equos quatuor junxisse ludis, qui Panathenæa appellantur.* Erichtonius hic Moësis circiter temporibus vixit, qvòd est demonstratum alibi. At Homerus

merus Affæ Regis apud Judæos fuit æqualis, qvi post extitit annis circiter sexcentis. Ergo inde jam ab ætate Moſis quadrigæ notæ etiam in ludis fuere, unde vix eſt dubium, qvin & in bellis adhibuerint. Ac in ludis quidem uſus quadrigarum fuit tam frequens, ut quadrigas appellarint genus quaecunqve. Inde, quod à Græcis ἀρμα dictum, Latini *quadrigas* reddidere. Ita namq; habet Ælianus noſter lib. II. cap. 45. ubi agit de Philippi cæde: οἱ μὲν γὰρ φασὶ τὸ τῷ Πανσανίῃ ξίφει, ὃ τὸν Φίλιππον διεχρήσατο, ἄρμα ἔχεν ὅπῃ τῆς λαῆς διαγεφυλιμένον ἐλεφάντινον. At Cicero de Fato: *Philippus hæc in capulo quadrigulas vitare monebatur*. Quibus verbis liquet manifestè, ἄρμα Æliani eſſe Ciceronis *quadrigulas*. Atq; ita & Valerius Maximus lib. I. cap. 8. *Pausanias in capulo gladii, quo eum (Philippum) occidit, quadrigam habuit calatam*. Patet idem adhuc magis, quia urbem Bæotix, Ἄρμα, id eſt, *Harma*, dictam, appellarunt *Quadrigam*. Valerius Maximus dicto loco de Philippo: *Eumque locum, qui in Bæotia Quadriga vocatur, semper vitavit*. Locus ille non eſt dictus *Quadriga*, ſi vocabulum respiciamus Græcum, verum *Currus*, id enim eſt ἀρμα, quod illius loci nomen fuit. Ælianus: ὁ δ' ἕτερος λόγος, πλὴν Θηβαίων πλὴν καλεμένην Ἄρμα περιελθόντα λίμεναι, ἀποσφαζήναι. *Quadrigas* igitur pro curru poſuere etiam in loci nuncupatione. Multo verò magis in re Circenſi, ubi quadrigæ nuncupatæ, quæcunqve eſſent, bigæ, trigæve. Tali ſenſu Horatius loco alibi laudato: *Apta quadrigis equa*: Nam & bigis trigisqve, ac cæteris generibus, apta fuit. Simili modo Suetonius in Claudio cap. 21. *Super quadrigarum certamina, Troje luſum exhibuit*. Nec enim neceſſe eſt, ut quadrigis ſolis credamus pugnatum. Et ἵππων ἀμίλλας generali notione vocat Dio lib. LX. Tacitus de Nerone lib. XIV. cap. 14. *Vetus illi copia erat curriculo quadrigarum inſiſtendi*. *Quadrigarum* curriculum non in ſpecie, ſed generatim etiam de aliis intelligendum. Qvin imò quadrigæ ſunt cum eqvis octo, ſi audimus Interpretem doctiſſimum in Codic. Theodoſiani lib. VI. t. 4. l. 19. Lex ſe ita habet: *Satos de Frygiæ gregibus equos XX. quatuor, ſubjugandos quadrigis, hoc eſt, ſimul octo, duobus maximarum editionum Prætoribus dari ſancimus*. Hic vir doctiſſimus, mihiq; amiciffimus, cum viveret: *Quid octoni equi ad quadrigam ſeu τετάρια*

πον, quæ quatuor tantum equis constabat? Nempe, et si prima origine propriaque quadriga sit τῆς τετραπύρου quadrijugis, quæ à quatuor equis trahitur: Attamen quadrigæ nomen mansit, etiamsi plures subjungerentur equi, quod sæpe eveniebat. Quod docet de quadrigis non eqvorum semper qvatuor, id sine dubio se habet optimè. At qvòd ad quadrigas hic commemoratas censet junctas octo, potest habere dubitationem. Neq; enim video, qvi possint hanc interpretationem admittere verba *hoc est*. Nam qvi dat eqvos viginti qvatuor, jungendos quadrigis, non statim per hoc significat simul octo esse jungendos. Jam verò illud *hoc est* ostendit, esse in verbis præcedentibus, unde sequens *simul octo* colligatur. Itaqve illud *simul octo* puto ad præcedens *quatuor* referendum, verbaq; explicanda non de eqvis, sed quadrigis. Ut sit ille sensus: Concessisse Imperatorem eqvos ad quadrigas non simpliciter, sed qvatuor. Non enim est verisimile, Imperatorem nominasse quadrigas, nec illarum determinasse numerum. Res ipsa enim postulabat, ut ostenderet, qvot quadrigas suis instrui vellet eqvis. Qvatuor ergo quadrigæ illæ fuere, sed destinatæ singulis Prætoribus. Qvi cum essent duo, ut lex ait, liquet, illas qvatuor quadrigas cuilibet concessas facere *simul octo*. Ad has octo quadrigas qvot in universum eqvos Imperator dederit, non satis constat. In editione Cujacii, quæ excusa est Aurelianæ Allobrogum apud Johannem Arnoldum Anno MDLXXXVI. ante numerum, eqvos definiturum, videlicet XX. stellula est posita, quæ indicat, locum esse hiulcum. Cl. Gothofredus plane nullos legi posse numeros testatur istis verbis: *MS. hac parte exesus exhibet tantum, Equos ... quatuor, sic ut internoscere non possim, quid ibi replendum sit*. Si illud XX. recte se haberet dicerem, à prima manu fuisse XXIV. ac id IV. à sciolo deletum esse propter sequens *quatuor*, velut bis foret scriptum, deniq; legem totam sic scribendam atq; distinguendam esse: *Satos de Frygia gregibus equos XXIV. quatuor subjugandos quadrigis, hoc est simul octo, duobus maximarum editionum Prætoribus dari sancimus*. Quæ lectio si esset vera, demonstraret, quadrigas illas adeo non habuisse equos octo, quod vult vir eruditissimus, ut potius habuerint solos tres. Ter enim octo faci-

unt viginti quatuor, quot equos Imperator ad quadrigas indulsit. Verum cum de numero incertum sit ex M^s. nolo veram præstare certamq; conjecturam nostram. Sane currus in solenni ludicio Prætorum datos cum adjunctis equis octo, vix persvadeor. Nam quos laudat Gothofredus cum sex, & septem, & decem equis, ex Svetonij Nerone c. 24. & Cecchinorum tabula, illi vero minime fuerunt ordinarij, quod locus uterque manifeste docet. Sane cursus in ludis ordinarijs suos habebant deos, quibus fuerunt consecrati. Bigæ spectabant ad Lunam, quadrigæ ad Solem, sicut docent nos, qui de re Circensi egerunt. At octo jugas Deo alicui fuisse dicatas, nemo legit hætenus, ut puto. Non fuit ergo cursus ille ordinarius, ac ideo dari à Prætoribus in adornatione ludi ordinarij non potuit. Agnovit jam Onuphrius. Itaq; in explicatione tabulæ illius ita ait: *Hætenus auctor tabulæ exposuit certamina, præmia, & quæ Diocles ex provocatione bigis, trigis, quadrigis, sejugibus & septemjugibus cum singulis, binis, & ternis concurrentibus vicit. Modo eas victorias enumerat, quæ ludis Circensibus ordinariis & sacris vicit.* Fuerunt ergo alia certamina ordinaria, & alia extraordinaria. Hæc ex provocatione, illa ex lege sacrorum. Illa fiebant quolibet genere, quocunq; inter provocantes convenisset. At ordinaria non item tantum bigis, trigis, quadrigis, & sejugibus celebrabantur. Inde est, quod sejuges Isidorus quoq; vocet currum maximum. *Sejuga, inquit, maximus currus, currit Iovi, propter quod maximum deorum suorum eum esse credunt.* Si sejuga currus maximus in ludis Circensibus sacrorum causa celebratis, ergo in his ludis septemjuges, octojuges, decemjuges non cucurrerunt. Si non cucurrerunt, non potuerunt dari à Prætoribus ludos istos exhibentibus, quippe quibus incumbibat, leges ritusq; sacrorum observare. Unde nunc colligitur, quadrigas, quas commemorat lex Codicis Theodosiani, octojugas intelligi non posse, cum mentionem faciat Prætorum, qui non edebant, nisi Circenses solennes, id est sacros. Et hæc quidem de quadrigis Codicis prædicti, ac in universum illis, quæ & generis alterius fuere. De iis vero, quæ revera fuerunt quadrigæ, hoc est equos adjunctos habuerunt quatuor,

manet certum, fuisse usum illarum in ludis, sive Græcos spectemus, sive Latinos, frequentissimum. Dionysius Halicarnassensis sine lib. VII. ubi nominatim describit ludos Circenses : Πρῶτος ἀγὼν ὁ τῶν τεθρίπτων τὸ ἐ σωωείδων ἐ τῶν ἀζεύκτων ἵππων ἐγίνετο δρόμος, ὡς περ Ἕλληες τὸ ἀρχαῖον Ολυμπιάσι τε καὶ μέχρι τῆ παρόντος. *Primum certamen (in Circo) erat quadrigarum & bigarum, & equorum non jugatorum cursus, sicut apud Græcos olim in Olympiadibus usq. ad hæc præsentia tempora.* Vides, apud Græcos usum quadrigarum in ludis solennibus, eumque frequentissimum. Ideo & primo loco eas posuit. Et recenset nominatim Pindarus Theronem victorem in ludis Olympicis hoc genere, quando ait Ode 2. Olym.

Θήρωνα δὲ τέτρας εἰς

Ἐνεκα νικαφόρου

Τετρωπτερόν ὄπι.

Sed Theronem ob cursum in quadrigis victorem, sonare oportet carmine. Inscriptio illius odæ est : Θήρωνι Ἀκραγαλίνῳ, ἄρματι. Ex qua inscriptione liquet, Grecis ἄρμα sæpe specialius de quadrigis usurpari. Neq. dubito, quin hic sensus sit τὸ ἄρμα & alibi. Ut in Pythiis, ubi est inscriptio, Ἰέρωνι Ἀιτναίῳ, Συρακοσίῳ, ἄρματι, nam Poeta ipse.

Μῆσα καὶ παρ' Δεινομένην κελαιδῆσαι

Πείθεό μοι ποινὰν τεθρίπτων.

Musa etiam apud Dinomenem ad canendum mihi obsequere, præmium quadrigarum. Vocat quadrigarum præmium, quod debetur Hieroni; hoc ait cantaturum sese apud Dinomenem, qui fuit filius Hieronis. Unde liquet, Hieronis victoriam fuisse cum quadrigis. Meminit & Goltzius vita Gelonis, ubi de Hierone : *Ter in Olympicis victoriam adeptus est, semel quadrigis, bis cetele, quod in Gelenfium numismatibus expressum cernitur.* Numi Gelenfium, quos laudat Goltzius, non quadrigas exhibent, sed trigas, ut victoriam quidem doceât, genus victoriæ non doceant, si à Goltzio recte sunt expressi. Nam quadrigis convenit, ut Pindaro credamus. Qui similiter in Ode sequenti, quam hujus ipsius victoriæ causa putant scriptam,

Φέγων μέλ' ἐρχομαι

Ἀγίλιαν τέτρας εἰς ἐλελίχθον.

Afferens carmen venio, nuntium quadrigarum quatientium tellurem. Ubipariter intitulo est scriptum, τὸ ἀπὸς Ἱερώνη, ἄρμαλι. Deniq; τὸ ἄρμα pro quadrigis poni credidit & Schmidius, quando ita scribit Pyth. 6. τετρίπτερον seu quadrigis, sive, quod idem est, & à (sic edendum fuit, non ad) τελείπτερον subauditur, ἄρματι, curru, ad quem quatuor equi jungebantur. Igitur & de superiori Hieronis victoria, de qua Goltzius: *Vicit Hiero Pythiade XXIX. juxta inscriptionem, ἄρμαλι i.e. curru, videlicet τελείπτερον.* Neq; aliter vox ἄρματι accipienda apud Diodorum lib. XIII. ubi de Exæneto Agrigentino ludorum Olympicorum victore: Κατήγαγον αὐτὸν εἰς τὴν πόλιν ἐφ' ἄρμαλι. Fuit enim currus junctus equis quatuor, quo victores illi vehebantur, ut post planum faciam. De quadrigarum usu in ludis Circensibus apud Romanos, testimonia sunt innumera. Ovidius III. Amor el. 2.

*Maxima jam vasuo praeo spectacula circo
Quadrijuges aequo carcere misit equos.*

Atq; sic Virgilius, sic Dionysius in verbis antea prolatis. Etiam Onuphrius ad tabulam Cecchinorum docet, quotiens non exprimatur genus, capiendum esse de quadrigis. *Annotatione dignum, quod quum dicitur, singulas, binas, ternas, & similia, sine aliqua adjunctione, quadrigas intelligendas esse, quarum cursus usitatus erat, nam in reliquis currus genus additur, ut bige, trige, sejugis, & septemjugis.* Quanquam & expresse legatur in eadem tabula his verbis: *Quo anno primum quadrigis victor extitit bis.* Quod fortassis ideo notatum, quia vicit ante, verum trigis bigisve, quod opinor levius fuisset. Vetus Epigramma:

*Hoc Rudis aurigae requiescunt membra sepulchro
Nec tamen ignari flectere lora manu.
Iam qui quadrijugos auderem scandere currus
Et tamen à bijugis non removerer equis.*

Dicit, se retinuisse bijugos, licet ausus fuerit & quadrijugos currus agitare. Unde constat, majoris ausus rem fuisse, si quis agitare posset velletq; quadrijugos, quam si bijugos. Atque ita res se habuit haud dubie cum cæteris generibus. Quo plures ad currum juncti

erant equi, hoc difficilior fuit aurigatio. Inde tanta laus Dioclis in dicta tabula, quod septem iuges primus junxerit, & vicerit. Et hæc satis de quadrigarum usu ad bella & spectacula. Præter hunc quadrigæ habuerunt proprium, aquod Græcos quidem, quod ingrederentur eis victores ludorum Olympicorum, apud Romanos vero triumphantes. De victoribus Olympicis docet nos Vitruvius lib. IX. in procem. *Nobilibus athletis, qui Olympia, Pithia, Isthmia, Nemea vicissent, Græcorum majores ita magnos honores constituerunt, uti cum revertantur in suas civitates cum victoria, triumphantes quadrigis in mœnia & in patrias invehantur.* Verbis apertissimis monstratur, quadrigas fuisse, quibus vehi mos esset. Atq; ita pridem observarunt alij, quos inter est Hospinianus in de Festorum origine, qui auctorem laudat Xenophanem Colophonium. *Xenophanes Colophonius, ait, scribit, Olympionicas cum reverterentur in suas civitates cum victoria triumphantes, disjecta parte muri per ruinas quadrigis in vectos.* De triumphantibus Romanis cognovimus ex Dionysio Halicarnassensi, qui Romulo ipsi tribuit lib. II. ubi victoriam illius de Cæninensibus & triumphum describit. *Τελυταί & δὲ τῆς πομπῆς αὐτὸς ἐπορεύετο, ἵνα τὸ βασιλεῖον ἀξίωμα σώζη, τὸ δὲ ἱππικὸν περιμβεβηκώς.* Ipse pompam extremus clauderat, ut regiam dignitatem tueretur, quadrigis in vectus. At Plutarchus vita Romuli: *Romulum fallitur Dionysius, quando usum dicit curru. Siquidem Tarquinium Demarati filium proditum memoriæ est, regum primum eam in speciem & fastum evexisse triumphum. Poplicolam scribunt alij primum curru triumphantem in vectum.* Cum Plutarcho faciunt Scriptores Romani tantum non omnes. Quicquid vero sit, hoc constat, currum triumphantium solennem fuisse quadrijugum, jam inde ab initio ejus consuetudinis. Ideo & Florus, qui Tarquinium & ipse laudat triumphi auctorem, lib. I. c. 5. *Inde (à Tuscis) quod aureo curru, quatuor equis triumphatur.* Peto Albinovanus in Consol. ad Liviam, ubi auguratur Drusi in campis Elisiis triumphos

-- -- *Quadrijugis aureus ibit eqis.* --

Quamquam vero currus ille fuerit quadrijugus, speciem tamen habuit nonnihil diversam à quadrigis militariibus Circensibusve.

Zona-

Zonaras tom. III. An. τὸ δὲ ἄρμα ἔτε ἀγωνιστικὸν ἢ πολέμικον οὐκ ἔστιν, ἀλλ' εἰς πύργου περιφεροῦς τροχῶν ἐξέρχεται. *Currus non erat similis ei, cujus usus est in certaminib. ludicris, nec cujus usus in bello, sed rotunda figura instar turriculae constructus.* Non de curru toto hoc intelligendum, verum capsa, sive illa parte, quam conscendunt occupantq;, qui vehuntur. Ea fuit rotunda, & clausa in ambitum. Cætera conveniebant cum quadrigis alijs: ut rotarum numerus, equorum jungendorum ratio, & similia. Quo vero melius structura ejus intelligatur, apponam hic, ut eam exhibent nummus Lepidi & Vespasiani.



Atque ita speciem hujus currus proposuit & in libro, quem de Triumpho scripsit, Onuphrius. Quo magis miror in Triumpho majore, edito Antverpiæ per Gerhardum de Jode, triumphanti Imperatori dare vehiculum quadratum, cum rotis quatuor, & in supremo sella, cui insideat. Nihil habet veri tota ea pictura. Vehiculum erat rotundum, rotas habebat duas, triumphans denique non sedebat in eo, verum stabat. Ita manifestè nummi ante prolati docent. Et Ovidius III. de Pont. el. 4.

Illa Ducis facies in curru stantis eburno.

Juvenalis etiam Sat. VIII.

-- *Et stantes in curribus AEmilianos.*

Hinc Severus Parthicum sibi deferentibus patribus triumphum recusavit, quod consistere in curru affectus articulari morbo non posset, uti

ait Spartianus. Erat verò id vehiculum ex auro, si est fides Flori, qui loco antea laudato testabatur à Tarquinio imitatione Tuscorum institutos triumphantium *currus aureos*. At Demsterus in Paralip. cap. 29. lib. V. Roslini, ubi verba eadem adducit, non scribit *aureos*, sed *auratos*. Quomodo non legendum, intelligendum saltem apud Florum videtur. Cum præsertim idem asserat tanto post Publ. Decius in oratione contra Appium apud Livium lib. X. c. 7. ubi post alia: *Iovis Optimi Maximi ornatu decoratus, curru aurato per urbem vectus in Capitolium ascendit*. Et Propert. lib. I. el. 16. de Janua loquens:

Cujus inaurati celebrarunt limina currus.

Et Porcius Latro apud Senecam contr. 30. *In Cn. Pompejum terra marique victorem fuit, qui carmen componeret. Fuit aliquis, qui licentia carminis tres auratos currus contemneret. Vocat tres auratos currus*, quibus usus est in triplici triumpho Pompejus de tribus Orbis partibus. Faciunt tamen mentionem etiam de aureis. Eutropius lib. iv. de Paulo Æmilio agens: *Triumphavit magnificentissimè in curru aureo*. Quamquam fortè aureus hic currus ita debeat intelligi, ut apud Florum, cum Pompejus usus sit aurato. Sanè currus aurei sub Imperatoribus demum videntur orti. Horatius Epod. od. 9.

*Io triumphhe, tu moraris aureos
Currus & intactos boves.*

Turnebus lib. II. Adv. cap. 16. explicans hunc locum ita ait: *Aurei in Horatio currus leviter audiuntur, auresque pane nostras prætervehuntur aliud agentibus. Nec attendimus, tales triumphantium Augustorum fuisse currus. Mihi nolo credi, sed Philostrato in Dionis vita, quod dixi, tradenti hunc in modum: Τραϊανὸς γὰρ Αὐτοκράτωρ ἀναδέμενος αὐτὸν ὅτι τῆς ῥυμῆς ἐς πῶ χρυσὴν ἀμαζαν, ἐφ' ἧς οἱ Βασιλεῖς τὰς ἐν τῶν πολέμων πομπὰς πομπέουσιν, ἔλεγε θάυμα ἴσως γεφόμενον πρὸς τὸν Δίωνα. Censet vir doctissimus, currus aureos in triumphis proprios Imperatorum sive Augustorum fuisse, unde sequitur, ante Cæsarum ætatem habuisse auratos. Differebant autem currus aurei ab auratis, quod hi bracteis aureis solummodo, illi laminis ex auro essent inducti. Et conveniebat hoc splendori Cæsarum, ut alterum prioris ævi moderatio-*

ni. Non verò aureos solummodo habuere currus Imperatores sive Cæsares, verum etiam eburneos, id est, eburneis sigillis cultos ornatosque, in illo ipso auro, uti suspicor. Ovidius lib. iv. Trist. eleg. 3. de mente sua, spectatura Cæsaris triumphum:

Invenietque viam, qua currus spectet eburnos.

Et lib. III. ex Ponto, ep. 4.

Illæ Ducis facies in curru stantis eburno.

Item Peto de triumpho Drusi in campis Elysiis:

Regalique habitu, curruque superbus eburno,

Fronde triumphali tempora vinctus erit.

Eburneo & aureo huic curru adjuncti erant equi coloris albi, fuitque hoc de colore observatum statim ab initio triumphorum, ipsoque Romulo, si sequimur Propertium, qui lib. iv. el. i.

Quattuor hinc albos Romulus egit equos.

Verum hæc de Romuli triumpho fidei ancipitis est narratio, ut supra indicavi. Magis Livio crediderim, qui Camillum scribit primum ita triumphasse lib. V. cap. 23. *Maximè conspectus ipse est, curru equis albis juncto urbem in vectus: Parumque id non civile modò, sed humanum etiam visum. Iovis Solisque equis equiparari Dictatorem, in religionem etiam trahebant, triumphusque ob eam unam maximè clarior, quam gravior, fuit.* Sanè odium tam memorabile in virum de Republica optimè meritum sine causa ortum esse non potuit. Non fuit autem hæc, quam prodit Livius, causa, si & ante ipsum illa triumphantium fuit consuetudo. Adde, quod hoc ipsum crediderit tradideritque Plutarchus, Scriptor pari diligentia judicioque præditus. Quamquam assequi non possim, quod ne postea quidem scribat quenvquam istoc usurpasse. Τέτταρον ὑπεζευζάμεν & λευκοπαῶλον ἐπέειν, καὶ διεξήλασε τῆς Ῥώμης, ἐδένος τὰ τοιοῦτα νῆγε μὲν & πρότερον ἐδ' ὕστερον. *Quattuor equos albos adjunxit ad currum, eoque Romam est ingressus, quod nemo Imperatorum, neque ante, neque post ipsum, fecit.* Servius profectò tradit velut rem solennem ad lib. iv. Æn. v. 543. *Qui triumphat, inquit, albis equis utitur quattuor, & Senatu præeunte in Capitolio de tauris sacrificat.* Verum potest Servius ad sua respexisse tempora, quomodo fortasse fecerunt & cæteri, qui de quadrigis albis loquuntur.

quuntur. Omnes enim Cæsarum ætate vixerunt. Ut Ovidius lib. I. de Arte:

Quattuor in niveis aureis ibis equis.

Plinius in Panegyrico cap. 22. *Priores (Principes) in vehi & importari solebant, non dico quadrijugo curru, & albenibus equis, sed humeris hominum, quod arrogantius erat.* Apulejus in Apologia: *Peram & baculum Philosophis exprobrares? Igitur & triumphantibus quadrigas albas.* Similia habes apud Claudianum & alios, sed quos puto respexisse cunctos Cæsarum ætatem, quæ videtur primum invaluisse usus equorum alborum in curribus triumphalibus. Ante ista sanè tempora, ignoro, an quadrigæ albæ triumphantium legantur. Nemo sanè ex his, qui pro quadrigis albis, etiam ante receptis, pugnant, vetustiore aliquem auctorem pro se nominat. Sed nec, qui vetustiores descripserunt triumphos, albos equos memorant. Dionysius Halicarnassensis de triumpho Siccii, lib. VIII. καὶ εἰσῆλθον ἄρμασι παρεμβεβηκώς χρυσοχαλίνων ἵππων. *In vectus est in urbem curru cum equis aureis franis insignibus.* Nudos vocat equos, non albos, quos, ut χρυσοχαλίνους, sic λευκούς dicturus erat, si fuisset ista consuetudo. Sic Plutarchus de Æmilio Paulo: εἰτ' αὐτὸς εἰσέβαλεν, ἄρμασι νεοκοσμημένῳ διαπρεπῶς ἐπιβεβηκώς. *Post ipse in vectus est curru egregiè ornato.* Equos nullos albos memorat. Et sic alii, ut plane vera esse censeam, quæ de Ἡγεμάσι, hoc est, Ducibus ante Cæsares, Plutarchus observavit. Habebant alias triumphales currus etiam hoc singulare præ Circensibus & reliquis, quod licet plerumque unus tantum triumphans eis insisteret, aliquando tamen accederent & plures. Triumphantibus enim liberos assumere suos solebant, ac in eundem secum recipere currum. Valerius Maximus lib. V. cap. 10. de Æmiliæ Pauli filio: *Alter triumphali curru conspectus post diem tertium expiravit.* Tacitus de Germanico lib. II. Annal. cap. 41. *Augebat intuentium visus eximia ipsius species, currusque quinque liberis onustus.* Et intelligendi liberi utriusque sexus. Capitolinus in Marco, cap. 12. *In triumpho autem liberos Marci utriusque sexus secum vexerunt, ita tamen, ut & puellas virgines veherent.* Nec ad liberos hoc tantum pertinebat, sed & alios, quos amabant. Sic de Commodò Lampridius cap.

cap. 3. *Bellum, quod pater pane confecerat, Regibus hostium addictus remisit, ac Romam reversus est. Romam ut rediit, subactore suo Antero post se in curru locato triumphavit.* Hoc prætextu Claudia videtur usa, cum sequeretur sive patrem, sive fratrem triumphantem. Svetonius in Tiber. cap. 2. *Etiam virgo Vestalis fratrem in iussu populi triumphantem, adscenso simul curru, usque in Capitolium profecta est, ne vetare aut intercedere fas cuiquam Tribunorum esset.* Aliud est, quod habet Paulus Diaconus libro nono supplementi Eutropiani, nec huc trahi debet, ut est factum à quibusdam. Verba Diaconi: *Pulchrum & ignotum antea cunctis mortalibus id spectaculum fuit, patrem & filium, uno triumphali curru vectos, gloriosissimam ab his, qui patrem & filium offenderant, victoriam reportasse.* Vix est dubium mihi, quin loquatur de Vespasiano & Titò filio, nam Diaconus ipse quidem nunc ad manus non est. At verò Titus à Vespasiano patre non assumptus est amoris gratia, ut solebant alias, vel propinquitatis, verum debiti, ut particeps laborum, & confecti belli Dux supremus. Notat tamen ex hoc loco, nisi fallor, Onuphrius libro de Triumphis, Vespasianum & Titum primos extitisse, qui uno curru triumpharent. *Duos Imperatores, ait, uno curru triumphali vehi, quamquam unà bellum aliquod confecissent, nunquam inveni: Singulis triumphos decerni mos erat. Primi omnium Rom. ducum Vespasianus Augustus & Titus Caesar Iudaicum triumphum uno curru vecti una egerunt, post quos à sequentibus Imperatoribus id aliquando usurpatum,* Sed est error hic Onuphrij, qui errantem secutus est Diaconum. Nempe cum Diaconus apud Eutropium legisset; *hic cum Titò filio de Hierosolymis triumphavit;* adjiciendum putavit, quod deerat scilicet, de curru uno, spectaculoq; cunctis antea ignoto. At hoc merum Diaconi commentum est. Josephus, quo certiore verioremq; testem adducere alium non possumus, lib. VII. Bel. Jud. c. 24. ubi totam seriem triumphi memorat: *Post hæc Vespasianus prior ibat, & Titus deinde sequebatur.* Vel, ut Græci habent; μετὰ δὲ ὁ Ὀυερρασιανὸς ἦλθεν, καὶ Τίτος ἐπέσπετο. Quibus verbis clare indicatur, habuisse utrumq; currum suum per se, Vespasianum priore loco, Titum vero posteriore. Arguuntq; idem nummi veteres, qui Vespasianum

semper exhibent unicum in curru, non omiffuri Titum, si præsertim actum sic fuisset, quod nunquam antea confvetum fuit. Deniq; si quid accidit tum singulare, illud fuit, quod eodem die Pater atq; filius triumpharent. Sed nos de triumphis agere non proposuimus. Nec de usu quadrigarum nobis superesse quid dicendum arbitramur. Nisi forte, quod illarum honos magnus fuit apud Indos quoque, proximusq; ab elephantis. Arrianus in Indicis. Δεύτερον δὲ τιμῇ ἐπὶ τῷ τῷ, τὰ τέταρτα. Loquitur de elephantis, & addit: *Proximus his honor, vehi quadrigis.* A quadrigis appellarunt quadrigarios. Svetonius in Nerone c. 16. *Vetiti quadrigariorum lusus, quibus inveterata licentia passim vagantibus, fallere ac furari per jocosum jus erat.* Ulti tamen quadrigarij non sunt illi tantum, qui agebant quadrigas in Circensiludicro, sed in universum omnes, currus quosunque in Circo agentes. Ita Festus: *Factio & factiosus initio honesta vocabula erant, unde adhuc factiones histrionum & quadrigariorum dicuntur.* Quadrigarij sunt agitadores Circenses cujuscunq; generis. Glossæ veteres. *Quadrigarius, ἄρματῆλᾶτης, ἱπποτῆλᾶτης, ἑνίοχ.* Atq; ita fere semper invenias, propter dignitatem & frequentiam quadrigarum. A quadrigis nummos etiam vocarunt *quadrigatos*, quia quadrigarum nota erant insigniti. Festus voce *Grave as*: *Bello Punico Populus Romanus pressus ære alieno, ex singulis assibus librariis senos fecit, qui tantundem valerent. Item nummi quadrigati & bigati à figura calature dicti.* Habes ecce nummos quadrigatos. Sed quæ causa Festo hic agendi de bigatis atq; quadrigatis. Quomodo hæc verba; *Item nummi*, & quæ sequuntur, cum superioribus cohærent? Ego dubitare nequeo, quin Festus scripserit, *Idem nummi*, scilicet de quibus antea locutus fuit, & intellexerit asses liberales, quatenus denarij effecti erant. Denariorum enim propriam hanc fuisse notam & diximus superius, & pleriq; docti confirmant. Quadrigatorum mentio & apud Plinium, cujus tamen verba quia nobis sunt allata in superioribus, hic non censemus esse repetenda.

Cap. XIV.

De Sejugibus, & reliquis hujusmodi
vehiculis.

Sejuges. An habuerint & quinquejuges. Sejuga. Εξάπτοι. Εξήπτοι. Εξάζουαι. Vfus earum in circo. Argolus notatur. Plinius exponitur. Sejugas statuas primus posuit Augustus. Sejuges duplices in circo. Sejuges in pompa. Πομπικόν ἀγμα. Interpres Dionis refutatur. Septemjuges. Onuphrius notatur. Quis eas primus in venerit. Equi in se juncti. Vincere sejuge, & vincere sejuges differunt. Onuphrius denuo notatur, & tabula Cechinorum exponitur. Δανάπολ. &

EXplicavimus huc usq; illud genus, quod Græcis Latinisq; pariter cum ad alia, tum præcipue ad ludos & spectacula etiam antiquissimis temporibus in usu fuit. Addemus nunc & alterum, quod & recentioris est inventi, nec nisi raro usurpatum. Ex hoc primi sunt *sejuges*. Nam quinquejuges nec apud Græcos, nec apud Latinos invenio. Unde ne in usu quidem existimo fuisse. Videturq; hoc ideo factum, quia in excogitatione novorum vehiculorum id præcipue respiciebant, ut numerum simplicem equorum in vehiculis verustis facerent duplicem. Sic ex biga facta est quadriga, ex triga sejuges. Quanquam cum habuerint decemjuges, ut mox dicam, magis forte respexerint ad numerorum occultiorum rationem. Sejuges ita dicti, quod sint juges equi sex. *Juges* porro pares, id est æqua fronte consistentes. Festus: *Juges, ejusdem jugi, pares, unde & conjuges, & sejuges*. Alia igitur est ratio vocabuli hujus, alia bigarum quadrigarumq;. Quare Isidorus jungere non debuit lib. XVIII. cap. 36. veluti communi ratione formarentur. *Quadriga, ait, & biga, triga & sejuges ab equorum numero & jugo*. Nisi velimus à jugo dictum esse sicut *jugis, jage*, ita, *jugus, juga, jugum*. A *jugis* esse *juges*, indeq; *sejuges, septemjuges, decemjuges*, & sic deinceps. A *juga* esse *jugas*, indeq; *bijugas, trijugas, quadrijugas*, quas contracte postea dixerunt *bigas, trigas*, & deinceps. Quæ opinione mea est verissima sententia. Neq; enim dari potest ratio, cur veteres credi debeant voluisse aliter appellare bigas & trigas, aliterq;

aliterq; sejuges & septemjuges, cum sit similis ratio vehiculorum omnium. Sed nec monaci vox ob stare potest, nam & illa per compendium ac contractionem à monajugo potest esse formata, ut primum fuerit *monajugus*, inde *monagus* & *monacus*. Erunt ergo hæc vehicula sic dicta non à *jugo* verbo, nec *jugo* nomine, sed nec ab *ago*, verum *jugis* vel *jugibus* adjectivo, quod significat æqua fronte consistentes, vel ut Festus reddit, pares, quia hoc præcipe à cæteris vehicula ista differebant, quod haberent equos pari vel æquali fronte collocatos. Neq; alia est causa, cur non modo *sejuges* vocarint, sed & *sejugas*. Ad quem modum quoniam dixerunt quoque *bijuges*, & *trijuges*, & *quadrijuges*, non erit necesse, ut *bigas*, *trigas*, *quadrigas* existimemus formatas ab *agendo* velut *agas* magis, quam à *bijugas*, *trijugas*, *quadrijugas*. Græci nominarunt ἑξαπίπτες, si Philoxenum audimus. Ἑξάπιπτον, ait, *Sejuga*. At apud veterem magistrum titulus de spectaculis ἑξέζυγος hac notione. Ita namq; habet, *Biga*, συνweis. *Sexjunge*, ἑξέζυγος. Ubi tamen mallet legere vel *sexjuga* vel *sexjuge*, ut intelligatur in posteriori *vehiculum*, in priori fervetur ratio, quæ in biga & quadriga est. Ἑξάπλων ἄρμα vocavit Herodianus libr. V. Athenæo pro ἑξάπλων, est ἑξίππων. Sejugum vel sejugorum mentionem ipse, quantum scio, primus facit apud Græcos, tribuitq; Antiocho, quem exhibuisse scribit in solenni pompa. Verba ejus lib. V. inter reliqua ejus pompæ visu digna: Ἑξίππων μὲν ὠκιστὸν, τέτρεππων δὲ τεσσαράκοντα. *Sejuges centum processerunt, quadrijuges vero quadraginta*. Johannes Antiochenus appellavit ἑξαζύγους ἵππους, in Excerpt. Peirescianis p. 829. ἐπὶ ἄρματι χρυσοῦ καὶ λευκοῖς ἑξαζύγοις ἵπποις ἀναβήσας. Num in ludis quoq; adhibuerint, ignoro, neminem profecto ex Græcis scio, qui hoc prodiderit. At vero apud Romanos in Circensibus non omnino fuerunt ignoti. Nam sic ait Isidorus: *Sejuga, maximus currus currit Iovi, propter quod maximum deorum suorum credunt*. Vocat currum maximum, non quod non major fuerit, aut plures equi unquam sint adjuncti, sed ad Circenses inter sacra vehicula, & in honorem deorum mitti solita majorem non usurparint. Unde tamen hoc colligitur, quod usurparint, & solenniter usurparint. Quare nescio,

cur Argolus ab Augusto demum prodat inventas. Verba ejus in Notis ad Onuphrium, ubi Onuphrius id ipsum, quod Isidorus, docuerat: *Sejuges ab Augusto primum inductos constat.* Unde vero hoc constet, ego sane ignoro, nec legere me recordor. Verum suspicor, deceptum Argolum à Plinio non satis diligenter inspecto. Plinius sic habet lib. XXXIV. cap. 5. *Serum hoc, & in his nonnisi à Divo Augusto sejuges, sicut & elephanti.* Hic quia sejuges dicuntur ab Augusto, ipse de sejugibus in ludis Circensibus accepit. Atqui totum illud caput agit de statuís, & inter cætera de curulibus etiam, quas ponebant apud Græcos Romanosque. Unde verba proxime præcedentia sic habent. *Sed illi (Græci) celetas tantum dicabant in sacris victores. Postea vero & qui bigis vel quadrigis vicissent. Unde & nostris currus in his, qui triumphavissent. Serum hoc, & in his nonnisi à Divo Augusto sejuges.* Sententia est, fuisse receptum apud Græcos primum ut statuas equestres dedicarent illi, qui victores extitissent in ludis sacris celete. Postea factum, ut dicarent quoq; bigas vel quadrigas sculptas marmore vel fusas ære, qui vicissent isto genere. Inde consuetudinem venisse Rómam, ut & qui triumphassent, dedicarent statuas triumphales, quadrigas puta: sed hoc factum sero, & adhuc serius, ut triumphales sejugas. Hoc enim primum auctorem habere D. Augustum. Nulla mentio ludicri Circensis, aut quod sejuges in eis miserit Augustus. Et si solenne fuit ut current Jovi, etiam ante Augustum longo tempore fuisse notas necesse est. Quanquam forte raro missi, cum rarissimam illorum fieri mentionem videamus. Sejuges profecto, quorum mentio in tabula Cecchinorum, Onuphrius inter extraordinarios putat referendos. Tabula sic habet: *Premia majora vicit LXXXII. XXX. XXXII. ex his Sejuges III. XXXX. XXVIII.* Item: *Diocles eminet, quod una die sejuges L TS. XL. missus bis utraq; victor eminuít.* Hic sejugum certamen existimat ex provocatione factum. Alij ergo sejuges ordinarij, Jovis honori dicati, quorum cæteri, excepto Isidoro, vix fecere mentionem. Leguntur sejuges adhibiti à Romanis etiam in pompa cujus rei Cæsar primus fuit auctor. Dio lib. LIX. καὶ οἱ τε εὐγενεῖς παῖδες τῆς Τροίαν ἰσχυροῦσαν, ἐπὶ τὸ ἄρμα τὸ πομπικόν, ἐξ ἡνυχθῆ, ἐξ ἰσχυροῦ εἰληκυῖαν, ὁ μὲν

πῶπολεῖς ἐγὼν. Vertunt: *Patricii pueri Trojam luserunt. Sex equis tractus est currus triumphalis, quo Cajus vehebatur, nunquam ante usitatum.* At verò toto illo loco nil de bello, multo minus de triumpho. Et *πομπικὸν ἄρμα* non est *currus triumphalis*. Loquitur de eo curru, quo est usus Cajus in pompa Circensi, antecedit enim, dedisse populo varia spectacula, etiam equestria curuliaque. Hoc est *πομπικὸν ἄρμα*, quo ipse, velut Dux illius pompæ, nisi fallor, utebatur. Hoc nunquam ante visum erat, quando currus tantum Jovis fuit sejugus. Venio ad SEPTEMJUGES. Hos Onuphrius ait in Circo fuisse usitatos Neronis temporibus. Verba ejus sunt, lib. I. cap. 9. *Septem decemque jugis aliquando aurigatum fuisse, refert Svetonius in Nerone, cap. 24.* Sed verò Svetonius nil ibi habet de septemjugis, decemjuges tantum memorat. Interim non repugnem, potuisse jam eo tempore cœptos esse usurpari, nec tamen, ut currus ordinarios, sed extraordinarios, & ex provocatione ac arbitrio certantium inter sese junctos. Nam ordinariorum quidem currus maximus fuit sejugus, ut jam supra indicavimus. Quamquam, si sequamur tabulam Cecchinorum, auctor septemjugum in Circo fuerit Diocles, qui vixit tempore Hadriani atq; Antonini Pii. Verba sunt clarissima: *Suisque septem equis in se junctis, nunquam ante hoc numero equorum spectato certamine, ad LTS. L in abigeis victor eminusit.* Non possum hic eqvos *septem in se junctos* intelligere, nisi septemjuges, qui *in se*, pro *inter se*, dicuntur juncti, sicut sæpe illud *in pro inter* solet usurpari. Atq; hinc est sine dubio, quod præcedit in eadem tabula: *Inde Septejuge L. LXIII. vicit CCCXXXVII.* Ubi *vincere septejuge* est, vincere eqvo septejuge, pro vincere septejugibus, quoniam victoria Circensis uni tantum eqvo in curru tribui consuevit, sicut alibi notavi. Onuphrius exponit *septejuge agitando*, quasi quarti casus esset, à primo casu *septemjuge*, cum sit casus ultimi, à primo *septemjugis*. Tabula sic habet: *Inde præmia majora vicit LXXXXII. XXXII. ex his Sejuges III. XXXX. XXVIII.* Quæ verba sic exponit Onuphrius: *Ex his Sejuges III. Sejuge dicendum opinor, ut infra septejuge. Id est, horum majorum præmiorum, quæ duo & triginta fuere, tres vicit septejuge agitando.* Primum sejuge debebat

bat scribere, nam de eo sermo hic est, non septejuge. Deinde illud *agitando* erat omittendum, nec enim *sejuge* agitari dicitur, sed *sejuges* vel *sejugi*; Et in tabula præcedit *vicit*, ut non opus sit *agitando* intelligere. Vicit *sejuge*, hoc est, vicit eqvo sejuge. Quamquam dubitem, an *sejuge* scribendum sit. Potest enim voluisse demonstrare, quisquis auctor fuit hujus tabulæ, vicisse Dioclem quadrigis suis etiam sejuges adversarii. Nempe aliud est *vincere sejuge*, & aliud *vincere sejuges*. Vincit *sejuge*, qui hoc genere currus certans sit superior. Vincit *sejuges*, qui sejuges habet adversarios, quibuscum cursu contendit. Sicut autem sejuge quis dicitur vincere, sic plane & septemjuge: Eqvo videlicet inter septem præcipuos, cujus ope ac virtute victoria maximè obtinetur. Liqvet autem ex prædicta tabula, septemjuges non fuisse notos, saltem in Circo, & inter agitatores, ante Dioclis ætatem, ut de ætate Neronis frustra suspicemur, frustra Onuphrio affirmanti credamus. Quod eo magis apparet, quia tabulæ dictæ auctor ipsum ait *primum visum esse his novitatibus*, itemque hanc ob causam *duplici ornatum esse gloria* Dioclem, quod sic palam conspectui omnium in monumento publico proponere non potuisset, si ante septemjuges in Circo fuissent usurpati. Sed & hoc ex ista tabula cognoscimus, septemjugum certamen non fuisse solenne atque ordinarium, sed ex provocatione natum, ut nec mirum sit, si postea non semper fuit observatum, ac iccirco nec commemoratum sæpe à Scriptoribus. Cum præsertim extra Circum nec in bello, nec in pompis aut triumphis, usurpatum videatur. Unde nec à Græcis usquam reperitur nominatum. OCTOJUGES ac NOVEMJUGES nunc memorare debemus. Verum hætenus non reperi neque apud Græcos, neque apud Latinos. Habet quidem Livius octojuges, sed homines, non eqvos. Verba ejus extant lib. V. cap. 2. *Antea trina loca cum contentione summa patricios explere solitos: Nunc jam octojuges ad imperia obtinenda ire*. Hic octojuges appellat octo Tribunos militum ex patriciis creatos, quos dominari juncta opera in plebem, constitutam in castris conquerebantur. Ergo ad DECEMJUGES est veniendum. Hos enim commemorat Suetonius in Nerone, c. 24.

Aurigavit

Aurigavit quoque plurisariam, Olympiis verò etiam decemjugem. Ubi per decemjugem intelligere currum debemus. Auctor vetus Olympiadum Collectionis nominat δεκάπωλον. Sic enim habet rem eandem enarrans ΟΛ.ΣΙΓ. Νέρων κηρύκων ἀγῶνα ἐξεφανέντο τραγῳδὸς, κιθαρωδὸς, ἄρμα πωλικόν, καὶ τὸ τέλειον, καὶ δεκάπωλον. Docet autem locus uterque, decemjugem vel decemjuges istos exhibitos in ludis Olympicis. Quamquam novum fuerit, nec visum antea, ut id etiam apud Svetonium ostendit. Currus certè ibi certasse, quadrigis majores, hæctenus non observatum nobis. Sed nec Romani Circenses viderunt decemjugem, ne per Neronem quidem exhibitum, ut arbitrator, quia nominatim Svetonius hoc factum ait Olympiis. Supra decemjuges num veteres habuerint, haud dixerim. Meminit equidem is ipse Svetonius currus alicujus cum eqvis duodecim, sed non verus fuit, verum visus in somnio, ac per quietem. Sic enim habet in vita Augusti, cap. 94. de Octavio, Augusti patre: *Atque etiam sequenti nocte statim videre visus est filium mortali specie ampliorem, cum fulmine & sceptro, exuviisque Iovis Opt. Max. ac radiata corona super laureatum currum, bis senis equis candore eximio trahentibus.* Sanè currum verum cum tot eqvis non legisse memini, multo minus cum pluribus. Et videtur fieri vix potuisse, ut tot simul equi regerentur ab uno, sicut in hoc genere necesse erat.

Cap. XV.

De Curru, maximè falcato.

Curru unde. Isidorus refutatur. Ἄρμα. *Curru falcati, falciferi.* Ἀγμάλα δρεπανοφόρα. *Curro drepani.* Ἀρμάλα ὠπλισμένα. *Horum auctor num fuerit Cyrus. Xenophon exponitur.* Διογεία Τρωικὴ. *Philelphus revellitur. Pugnandi ratio varia cum curribus. Argolus notatur.* Φιλά ἄρμαλα. *Xenophon iterum exponitur & emendatur. Hermannus Hugo notatur. Hesychius exponitur & emendatur. Philelphi versio Xenophontis denuò rejicitur. In sellis vehiculorum janua. Curtii locus de quadrigis falcatis expenditur. Summi orbis rotarum. Καταλίσους τῶν ἀξόνων.* *Curtius notatur. Livius corrigitur. Curro drepanum. Ad curru falcatos equi quatuor, duo, unus. Arrianus exponitur. Stevechius notatur. Usus falcatorum curruum.*

Curru à Latinis à currendo dictum, omnes veteres recentes-
 que consentiunt. Verum, quæ denominationis ejus causa sit,
 non æquè convenit. Isidorus ita habet lib. xviii. cap. 35. *Curru à*
curfu dictus, vel quia rotas videtur habere multas. Quibus verbis sine
 dubio hoc voluit, curru esse dictum, quod currat, tanquam qui
 rotas habeat multas. Quasi quo vehiculum rotas habet plures, hoc
 sit aptius ad cursum. Atque contra factum apud veteres videmus.
 Cuncta enim ea vehicula, quibus certare cursu solebant sive Græ-
 ci, sive Latini, rotis instructa erant solummodo duabus. Adde,
 quod revera curru rotas non habuerit multas, verum duas tan-
 tum, ut deinceps demonstrabo. Ut necesse sit, hac parte Isidorum
 esse lapsum. Melius Perottus, qui sic ait: *Acurro deducitur & cur-*
rus, hoc est, carrus, quod eo veteres ad cursum in ludis uterentur. Bene
 dicit curru appellatum, quod illius usus esset ad cursum. Veteres
 nimirum, cum celerius quid esset expediendum, nec adhuc invalui-
 sset usus eqvorum singularium, eqvos adjungebant curru, atque ita
 currebant vehiculo ad negotium, quod vehiculum inde *curru*
 appellarunt. In eo tamen erravit Perottus, quod curru confudit
 cum carro. Carrus enim magis pertinebat ad onera, ut suo loco ap-
 parebit, curru magis ad homines vehendos. Deinde, quod puta-
 vit, curru tantum adhibitos ad ludos. Contra enim & ad alias res
 longè plures usurpatos, mox firmabimus. Curru ergo à Latinis à
 currendo dictus, quia eo ferè currebant. Græcis ἀγμα est. Ideò,
 quod Cæsar habet lib. III. B. G. c. *Vt inde se in curru citissime reci-*
pere consueverint, id Metaphrastes ejus reddit: ὅτε ἐκ ἐνθεῦθεν παρήλθον
 εἰς τὸ ἀγμα ἐπ' ἀναχωρήσιν. Sed & Plutarchus, Dio, cæteri, quotiens de
 Circensibus loquuntur, semper ἀγμᾶτα commemorant. At Circen-
 sium ludorum vehicula Romanis nunquam alter, quam *curru*, ap-
 pellata. Quod & de curribus triumphalibus potest observari. Dio
 ita habet lib. XLIII. ubi agit de triumpho Cæsaris: Ἐν δὲ ἐν τῇ πρώτῃ
 τῶν νικητῶν τέρας ἐν ἀγαθὸν ἐγένετο. Ὅ γ' ἄξιον τὸ ἀγμᾶτα τῶ πομπῆς συνελπίει.
 Quod Svetonius exponit istis verbis cap. 37. *Gallici triumphi die Ve-*
labrum præter vehens pene curru excussus est, axe diffracto. Curru igitur
 Svetonii, Dionis ἀγμα περιπιπὼν est. Quod propterea notandum,
 aa quia

quia vulgo vertunt ἀμαξαν. At hoc generis est alterius, ejus videlicet, quod *plaustrum* appellatur. Aliqui vocant ὄχημα. Sed hi non observant, currum aliquando generalius pro quovis usurpari vehiculo, aliquando verò certum ac peculiare denotare. Illo modo significare ὄχημα, hoc verò esse ἄρμα. Igitur & in Glossis habes: *Currus*, ἄρμα. Currus porro, cum peculiare notat genus, vehiculum significat cum rotis duabus, hominibus gestandis destinatum. In quo differt à birota, quæ oneribus ac sarcinis inservit. Duas habere rotas apparebit, quando cunctas ejus referemus species. Nec enim est unius tantum modi, sed multiplicis & varii. Habuerunt nempe veteres currus bellicos, currus Circenses, currus triumphales, currus bijugos, trijugos, quadrijugos, quemadmodum jam in superioribus monstratum est. Omnes verò illi currus rotas non habebant nisi duas, quod & ipsum est ostensum. Præter istos currus habuerunt & alios, de quibus nunc agemus. Ut primum *currus falcatos*, quorum mentio apud veteres creberrima. Curtius IV. cap. 12. *Hos quinquaginta falcati currus sequebantur.* Et cap. 15. *Ipse ante se falcatos currus habebat.* Valerius Flaccus lib. vi.

Undique falcatos desertaper aquora currus.

Vegetius lib. III. cap. 24. *Nam difficile currus falcatus planum semper invenit campum.* Lucretio sunt currus falciferi lib. V.

-- -- *Falciferos inventum ascendere currus.*

Græci pari modo ἀρματα δρεπανφόρα. Xenophon lib. I. Anab. Ἀρματα διαλείποντα συχρὸν ἀπ' ἀλλήλων τὰ δρεπανφόρα λεγόμενα. Diodorus Siculus lib. XVII. κατεσκέυασε ἡ καὶ ἀρματα δρεπανφόρα. Philoxenus: Ἄρμα δρεπανφόρον, *currus falcifer*. Recentiores Scriptores voce hybrida *Curro-drepanos* appellavere, sicut liquet ex Anonymo de Rebus bellicis, qui triplici ratione describit. Sunt & ἀρματα ὠπλισμένα Xenophonti fine lib. vi. Cyrop. hoc est, *vehicula armata*, propter falces. Auctor horum curruum Cyrus putatur. Demsterus ad Rossin. *Horum curruum (falcatorum) auctor fuit Cyrus.* Brissonius lib. III. de Regno Pers. *Cyrus primus currus cum falcibus in pralia induxit, cujusmodi currus Græci, & in his Plutarchus in Lucullo & Arrianus lib. II. δρεπανφόρα, Latini falcatos currus vocant.* Habent hoc ex Xenophonte, quod

quod ipsi fatentur. Et testatur Xenophon lib. vi. Pædix, Cyrum excogitasse currus falcatos, quos & describit. Imò reddit causam, cur excogitaverit. Adscribam locum, quia dignus est, qui expendatur. Sic autem sese habet ex versione Philelphi: *Trojanas quadrigas, quas antea habuissent, & qua Cyrenaica utuntur etiam nunc, curulem agitationem solvit. Superiore enim tempore & Medi & Syri & Arabes, & Asiatici omnes curribus ita utebantur, & nunc Cyrenaici. Visum est ei, quod in exercitu præstantissimum esset, haud consentaneum fore, quum optimi quique essent in curribus, id velitum vicem præbere, & ad vincendum non multum habere momenti. Currus enim trecenti, præbent pugnantes quidem trecentos, equis autem hi utuntur mille ac ducentis. Aurigæ verò his sunt, ut verisimile est, quibus optimates maxime fidem habent, ii verò sunt alii ad trecentos, qui nihil prorsus hosti nocent. Hos igitur sessiles currus sustulit. Pro his verò aptos ad bellandum paravit currus, &c.* Ubi porro falcatos describit. Hic Philelphus vocat *Trojanas quadrigas*, quæ Xenophonti *διφρέα Τρωικῇ*. Est autem *διφρέα Τρωικῇ* non *quadriga Trojana*, verum *modus sive ratio pugnandi ex curribus*. Habebant veteres pugnandi rationem duplicem, quotiens curribus prælia committebant, unam vetustissimam, quam appellat *Τρωικὴν*, quod temporibus Trojanis fuerit usitata, & aliam recentiore, quam appellat *Κυρναϊκὴν*, quod Cyrenais recepta esset. Cyrenaicam opinor esse, quæ habebat pugnatores perpetuo insistentes curribus, Trojanam vero, quæ defilientes, cum pugnandum esset. Trojanos sane heroes fere semper sic describit Homerus. Inde illi versus Iliad. λ.

-- Ἐκ δ' Ἀγαμέμνων

Πρῶτ' ὄρεσ' --

Ἡτοιόγ' ἐξ ἰσπῶν κατεπάλμεν ἄντι' ἔσῃ.

Agamemnon primus defiliit. Ille quidem defiliens ex equis contra stetit. Item Iliad. π.

Ἡρὰ, καὶ ἐξ ὀχέων σὺν τεύχεσιν ἄλτο χαμᾶζε

Πάτροκλ' ὃ δ' ἐτέρωθεν ἐπεὶ ἴδεν, ἐκδορε δίφρου.

Dixit (Sarpedon) & ex curru cum armis saltavit humi; Patroculus autem

autem altera ex parte ut vidit, defiliit ex curru. Ex eadem causa & Virgilius defilientem fingit Æneam lib. ult.

Dixit, & è curru saltum dedit ocyus armis.

Ubi frustra Argolus in Notis ad Onuphrium p. 16. scribendum putat *auris*, pro *armis*, cum hic manifesta imitatio sit Homeri. At vero cæteros populos defiliisse non legimus, quando prælium inibant. Itaq; & Xenophon hic ait, illud genus ἐν ἀπροβολίστῳ μέγῃ εἶναι quod Philéphus vertit: *vetitum vicem præbere*. Intelligit autem Xenophone ejusmodi genus, quod solum tela emittit, nec ad ulterius & gravius venit certamen. Unde liquet, non defiliisse, sed è curribus tantum emisisse tela. Quo proinde genere & Cyrenaios esse usos intelligimus, indeq; factum esse, ut Cyrenaicum totum diceretur. Genus hoc utrumq; sustulit Cyrus, & hoc ideo, quia vidit primum viros optimos eo genere pugnare, nullo tamen vel exiguo cum fructu, quoniam talis solummodo & eminus utantur, cominus cum hoste ne congregiantur quidem. Deinde, quia vidit equos postulare multos, quorum usus esse posset magis aptus & necessarius ad alia. Dicit enim ad trecentos currus requisiti equos mille ac ducentos, quoniam ex iis fere quilibet ab equis quatuor trahebatur. Postremo quia vidit tot in prælium sequi otiosos plane, quot pugnantes, cum currus quilibet exigat aurigam suum, cujus nullus tamen usus sit in pugna. Nempe, quod jam, alibi ostendi, currus singuli habebant viros duos, unum propugnatorem, alterum aurigam. Virgilius X. Æn.

Interea bijugis infert se Lucagus albis

In medios, fraterq; Liger: sed frater habenis

Flectit equos, strictum rotat acer Lucagus ense.


Hunc aurigam otiosum sustulit Cyrus, aliumq; substituit armatum, milite omisso, ut mox audiemus, totamq; illam curruum mutavit rationem. Nam ut ipsi currus etiam ad damnum hosti afferendum essent utiles, falces eis apposuit. Erant enim nudi hætenus Persarum currus, & inermes, quales Arrianus noster. Φιλάρματα vocavit c. 3. Tacticorum. Verba: Ἡ δὲ δὴ τῶν ἀρμάτων μάχη πολυειδεστέρα ταύτης. Ἡ γὰρ φιλά ἦν τὰ ἄρματα, καὶ θάπερ τὰ Τρωϊκὰ ἦν, ἡ δὲ περὶ πανφόρα, ὡς ὕστερον

τὰ Περσικὰ. Quæ sic reddidimus in editione nostra: *At vero pugna, quæ vehiculis instituitur, plures habet species. Alianamq; nudis sit vehiculis, sicut illa ad Trojam, alia vehiculis falcatis, sicut sequentibus temporibus apud Persas factum.* Quando nominatim meminit Persarum, sine dubio respexit ad hoc institutum Cyri, ejusq; ἄρματα δρεπανηφόρα opposuit ψιλοῖς, & hæc Τρωϊκὰ illa Περσικὰ vocavit. Nec fortassis alia est Περσικὴ διαφρεῖα, cujus Pollux meminit, quam ista Cyri, quæ non modo differebat eo à vetustiori illa, quod haberet currus falcatos, sed & eo, quod homines tantum singulos à quibus singuli regebantur. Sic enim ait Xenophon: Τὸν ὃ δῖφρον τοῖς λωϊόχοις ἐποιοῦσεν, ὥσπερ πύργον ἰσχυρῶν ξύλων. Ὑψος δὲ τέτων ἐστὶ μέχρι τῶν ἀγκώνων, ὥς δὲ νικῶνται λωϊόχοι, ὅτι οἱ πῶσι ὑπὲρ τῶν δῖφρων. Τὰς δὲ λωϊόχους ἐθωράκισε πλὴν τῶν ἐφ' ὀφθαλμῶν. Vertit Philelphus: *Sellam vero fecit aurigis sicuti turrem ex validis lignis. Harum vero curulium sellarum altitudo est usq; ad cubitos, quo possint equi ab aurigis gubernari super sellas. At, aurigas loriceis totos armavit, exceptis oculis.* Habes hic aurigam solum unicuq; , qui est in curru. Nempe quicquid effici hoc genere debebat, id efficiendum erat non per homines, sed currus ipsos falcibus armatos. Hoc requirebatur solum, ut qui regebat, equos, lædi facile ne posset. Eo fine sellæ factæ altæ rotundæq; ac undiquaq; clausæ, ipsi quoque qui regebant, muniti thoracibus & galeis clausis, ut nec infernè, nec supernè quidquam ex eis pateret vulneribus, ac sic obfistentia quævis impune possent perrumpere. Ista loci hujus est sententia, quam non assecutus est Hermannus Hugo in de Militia Equestri libro i. c. ultimo. Igitur in hæc erumpit verba: *Fateor, difficile capio qui ex hoc curru pugnaverit hoples, seu miles armatus. Qui enim posset, aut quo loco? Ante, an post aurigam? Ante aurigam inter habenas & verbera stabit: post aurigam quomodo pugnabit? nam aurigæ sella alta est quinq; cubitos. Forte à latere? Aqua mihi haret: nam quanta, quam longa aurigæ scutica, quam longæ habenæ ex sella quinq; cubitorum.* Ita Hermannus, qui tamen frustra disputat de sella quinq; cubitorum, qualis nulla Xenophonti cogitata est. Etsi enim in quibusdam libris sit ἀγκώνων πέντε, tamen illud πέντε stulti esse glossam vel id ostendent, quod super illas sellas (ὅσες

τῶν ἰσθρῶν) regi equi debuerint. Sed & Codex Camerarij aperte μέχρι τῶν ἀγκῶνων τέλει ὤχεσθαι habuit, quod significat, ut ipse vertit: *altitudo harum pertinebat ad aurigæ cubitos usq.* Si ad aurigæ cubitos, profecto quinque cubitos non potuit esse alta. Neque magis spectat huc, quod de loco ambigit armati, seu hoplitæ. Fuit is armatus in Trojano genere ac Cyrenaico. Cyrus vero eum sustulit, tanquam parum conferentem ad victoriam, ejusque loco ipsum armavit aurigam. Ita docet locus totus, in quo nulla mentio militis armati. Quanquam autem apud Persas Cyrus primus immutavit veterem vehiculorum bellicorum formam, institueritque currus falcatos, tamen non is primus auctor est currum falcatorum omnium. Nam diu ante ipsum Ninus quoque habuit, ut est auctor Diodorus. Ait enim lib. II. Bibl. fuisse in exercitu ipsius ἄρματα δρεπανοφόρα μικρὸν ἀπολείποντα τῶν μυείων ἑξακοσίων. *Curruum falcatorum paulo minus quam mille cum sexcentis.* Idem facit Ctesias, unde sua, ut opinor, Diodorus hausit. Quid? quod ante Ninum quoque apud Cananæos memorent Monumenta Sacra. Dicitur namque Judas cum Simeone non potuisse delere habitatores vallis circa Ascalonem atque Accaron, quia *falcatis curribus abundabant.* lib. Judicum cap. i. Sed & Rex Cananæorum Jabin, qui regnabat in Aser, ducemque belli habuit Sisaram, habuisse memoratur *nongentos falcatos currus*, ejusdem lib. c. 4. Fuerunt autem non ejusdem generis omnes illi currus falcati: Alios habuere Cananæi, alios Assyrij, & rursus alios alij populi. Sic fortassis est intelligendum, quod adfertur ab Hesychio de Macedonibus. δρεπανοφόρα ἄρματα τὰς Μακεδόνας φασὶ πρώτους χρῆσασθαι. *Curruum falcatos ajunt Macedones primum usurpasse.* Quamquam mihi quidem hoc de Macedonibus alibi non sit lectum. Imò contra ne habuisse quidem videntur. Nemo certè nominat in exercitu Philippi, vel Alexandri, vel qui eos proximè sunt secuti. Et Alexander suos docuit vim illorum curruum eludere, ut videmus apud Curtium lib. iv. cap. 15. Itaque ignoro, utrum non exciderit negatio in verbis Hesychii, scribiq; debeat πρώτους ἔχρῆσασθαι. Ut sit sensus, primos Macedones noluisse curribus ejusmodi uti, quippe quos intelligebant parum ad bellum conducere. Cum autem fuerint generis tam varii,

videa-

videamus ac consideremus quædam. Cyri currus ita describuntur à Xenophonte: προσέθηκε ὃ καὶ δρέπανα σιδήρεα ὡς διαπήχαι πρὸς τὰς ἄξοντας ἐνθεν καὶ ἐνθεν τῶν τροχῶν, καὶ ἄλλα κάτω ὑπὸ τῶν ἄξωνι εἰς γῆν βλέποντα, ὡς ἐμμεγάλυνον εἰς τὰς ἐναντίας τοῖς ἀρμασιν. Vertunt: *Apposuit etiam falces ferreas duarum ulnarum longitudine ad axes ex altera atque altera rotarum parte, & alias infra sub axe respicientes in terram, tanquam impetum in adversarios curribus facturi essent.* Ubi illud ἐμμεγάλυνον Philelphus retulisse ad homines videtur, quod mea opinione respicit antecedens τροχῶν, quia rotæ cum suis axibus & falcibus adjectis pugnatūræ erant magis, quam homines. Liqvet autem ex descriptione ista, currus Cyri habuisse falces non in rotis, sed in axibus, quarum aliæ prominebant à lateribus, aliæ spectabant terram, ista, ut opinor, specie.




Præter armaturam illam etiam hoc habebant singulare, quod instructi essent sellis illi currus, iisque non retrò apertis semicirculari forma, ut solebat cæteris in vehiculis, Trojanis ac Cyrenaicis, sed rotundis, & quaquaversum clausis, & ex lignis crassioribus constructis; ea ratione propemodum, quia currus triumphales construi apud Romanos solebant; Unde & per januas conscendebant, quas post conscensum poterant claudere, ut indicat Xenophon, ubi ait: καὶ αὐτὰς θύρας τῶν ἀρμάτων διόφρα ἀνέβαινεν ἐπὶ τὸ ἄρμα. Ἐπὶ ᾧ ἀνάβαινεν αὐτὸς κατέκλεισε τὸν διόφρον οὐρηνίοχον. *Per fores currus in sellam conscendit, cumque conscendisset, sellam clausit auriga.* Itemque, quod in sellis illis sta-

rent

rent aurigæ, regerentq; eqvos, nec haberent alios propugnatores. Atq; istiusmodi quidem currus Persæ deinde servabant, etiam post Cyrum, quod disertim docet Xenophon prædicto loco, ubi ait: *Ut autem hosce Cyrus tum fabricatus est, ita etiam hoc tempore utuntur curribus, qui in Regis sunt regione.* Attamen describit eos multo aliter Curtius in exercitu Darii, ut vel non satis Græcos affecutus sit, quos habuit auctores, vel Darius rationem Cyri immutaverit. Verba Curtii sunt lib. iv. cap. 9. *Ex summo temone hasta præfixa eminebant: Vtrinque à jugo ternos direxerant gladios, & inter radios rotarum plura spicula eminebant in ad-versum: Aliæ deinde falces summis rotarum orbibus hærebant, & aliæ in terram demissæ, quicquid obvium concitatis equis fuisset, amputatura.* Hic, ut omittam alia, falces hærent non in axibus, sed summis orbibus rotarum: Ubi orbes rotarum omnes intelligunt curvaturas, apsidēsque, nec videntur posse aliter intelligi. Hinc rota Stevechii ad Vegetium, ubi totum depingit currum, & alia Raderi ad Curtium, neutra satis commoda. Quamquam multo ineptior Raderi, quia tamen se putabat alteram emendare. Nec enim ab ipsa ullum adversariis adferri potest malum, quod intelligent omnes, qui picturam satis intelligent. Respiciunt in ea falces sese mutuò: Pars scindendo apta intrò versa est una cum mucronibus, ut ne attingere quidem aliquem inter prætereundum possit. Spicula non sunt inter radios, sed inter falces. Adeò est nil in ea, quod descriptioni Curtianæ conveniat. Rota Stevechiana ægrè circumagitur, nec ibi falces demissæ in terram, neq; spicula ulla. Itaq; nec ipsa quidem, qualis Curtio descripta. Quomodo tamen illæ falces summis orbibus adhæserint rotarum, si, quemadmodum huc usq; factum, orbes illos intelligamus, ægrè dixerim. Atq; miror, nostrum solum collocare in his orbibus, ita intellectis, neminem alium. Nam & Livius lib. xxxvii. cap. 41. *Item, ab axibus rotarum utrinque binæ eodem modo diversæ deligabantur falces.* Et in Auctore veteri Rei Bellicæ tres habes currus falcatos, quorum neuter falces habet in apsidibus, omnes in axibus. Deniq; Diodorus, qui describit illos ipsos currus, quos Curtius, longè aliter. Verba ejus extant lib. xvii. Τέτων (ἀπιδάτων σπερταν-φόρων)


ὁρόων) ἐκάστω παρ' ἐκότερον τῶν σειραφόρων ἵππων ἐξέκειτο προσηλωμένα πρὸς τὴν ἑξῆς
 στραπαρμήν τριπίδαμα, πλὴν ἐπιστροφὴν τῆς ἀκμῆς ἔχοντα πρὸς πλὴν καὶ πρῶτον
 ἐπιφάνειαν. Πρὸς δὲ ταῖς κατανκλίσει τῶν ἄξόνων ἐπ' εὐθείας, ἀλλὰ δύο, πλὴν μὲν τιμὴν
 ὁμοίαν ἔχοντα πρὸ πλὴν καὶ πρῶτον ἐπιφάνειαν τοῖς πρότερον, τὸ δὲ μὴν ὅσον μείζω καὶ
 πλαύτερα συστήματος δὲ ταῖς τέτων ἀρχαῖς δρέπανα. *Ex singulis (falcatorum
 curruum) juxta equum utrumq; funalem spicula jugo affixa trium spi-
 thamarum longitudine prominebant, acie in adversas hostium facies
 directa. Vbi in axibus recumbunt, alia duo spicula habebant in rectum,
 que eodem modo aciem habebant faciei hostium obversam, ut priora,
 longiora tamen erant atque latiora. Ipsi autem falces adjunctæ erant in
 summo. Nullæ falces hic in apsidibus, sed ἐν ταῖς ἀρχαῖς τῶν ἄξόνων, hoc
 est, initiis, seu capitibus summis axium: Jam verò necesse est, ut sua
 Curtius desumeret ex Græcis, usque, ἐξ ὧν hausit & Diodorus.*
*Qui cum ipse quoque Græcus sit, rectius sine dubio sententiam ex-
 pressit eorum, quam Curtius. Nisi credimus, Curtium scripsisse
 axibus, sed factum orbibus, quia primum factum sit axisibus, inde ar-
 sibus, tum orbibus, indeque ad postremum, veluti per emendationem,
 orbibus. Vel putamus locum non satis integrum, cum præsertim li-
 bri veteres non summis habeant, sed summissæ, ut summissæ orbibus
 intelligi possint missæ sub orbes, & extantes ab axibus. Quicquid
 fuerit, in ipsis orbibus vel apsidibus rotarum falces nunquam ha-
 buere, (licet Suidas quoque, voce Δρεπανιφόρα, de Darii curribus:
 τῶν τροχῶν ἦσαν εἰς τὸν κύκλον περιεχόμενα δρέπανα. Quippe cujus nobis
 contra veteres, ipsamque rei naturam, auctoritas neque debet, neque
 potest esse magna) sed in axibus, & quidem duas: Unam promi-
 nentem in rectum, aliam demissam in terram. Hanc reponit Dio-
 dorus πρὸς ταῖς κατανκλίσει τῶν ἄξόνων, quod significat eum locum, ubi
 recumbere vel quiescere solet capsula vehiculi, ut opinor. Alteram
 reponit ἐν ταῖς ἀρχαῖς ἄξόνων, in extremis axis capitibus. Hanc pro-
 pria voce δρέπανον appellat, illam ξύσπον. Ξύσπον alias, quod Curtio est
 gladius, cujus descriptio etiam in eo non convenit, quod fingat spi-
 cula inter radios rotarum, qualia nemo alias commemorat. Deni-
 que, si omnia examines, Diodori figura pæne eadem cum ista Cyri,
 unde fidem meretur majorem, Curtii recedit longius, sive illa hodie*

die imperfecte ad nos venerit, five ipse Græcorum descriptiones non satis fuerit affecutus. Certe sicut nunc se habet, imperfecta est; quid enim volunt ista, *aliæ in terram demissæ*? ubi demissæ? quo collocatæ loco? an in summis orbibus rotarum? quomodo autem ibi demissæ in terram, ut tamen rota potuerit circumagi? Sed nec cætera tam evidentia, ut possint satis intelligi: Ecquid enim? *spicula eminebant inter radios*? Ubi fuere defixa, quæ sic eminebant? an in orbibus, num in modiolis? nam in radiis non potuere, quia eminebant *inter radios*. Ac ut appareat evidentius, inutilem esse rotam Curtij, delineabo eam, sicut ex descriptione hodierna potest intelligi, eiq; opponam Diodori, ut liqueat, quam illa sit præstantior, & negotio, cui debet inservire, accommodatior.



Hic Curtij est, cui A littera, Diodori, cui lit. B. adscripta est. In Curtij spicula omnia inter radios sunt otiosa, sed nec falces à modio demissæ quidquam profunt. Quanquam, ut jam ante dixi, liquido non constat ubi vel spicula infixæ, vel unde falces demissæ fuerint. At in rota Diodori omnia infesta, quod per se intelligere quis potest. Et hæc quidem de falcatis curribus Darij. In quibus tamen & hoc porro annotandum, quod *propugnatores* Curtius nominet. *Circuire deinde currus, & propugnatores precipitare ceperunt*, ait. Propugnatores autem *πρόμαχοι*, quod Xenophon jam à Cyro demonstrat fuisse abolitos. An à Dario revocati? Non opi-

nor; neque locus totus docet, pugnam ullam ab ipsis commissam cum aliis. Postremo confundit cum aurigis. Ita enim sequitur, post superiora: *Ingens ruina equorum aurigarumq; aciem compleverat.* Hic *auriga*, qui paulo ante dicti *propugnatores*, apud Curtium, ut vix esse possit dubium, quin obscure multa & ambigue posuerit. Persas sane post ætatem Cyrialios propugnatores, præter aurigas, in falcatis suis habuisse curribus, verisimile haud est. Verum veniamus ad Antiochi currus: eos sic describit Livius lib. XXXVII. cap. 41. *Armata in hunc maxime modum erant: cuspides circa temonem ab jugo decem cubita extantes velut cornua habebant, quibus quicquid obviam daretur, transfigerent: & in extremis jugis binæ circa eminebant falces, altera æquata jugo, altera inferior in terram de vexa: illa, ut quicquid ab latere objiceretur, abscinderet, hæc, ut prolapsos subeuntesq; contingeret. Item ab axibus rotarum utring; binæ eodem modo diversæ deligabantur falces.* An hi currus sunt, quos Hesychi-
us usurpasse primum ait Macedonas? Multum sane differunt à Persicis. Habent enim cuspides non à temone, ut vult Curtius, sed jugo extantes, quomodo tamen Diodorus etiam Persicos describit. Sunt deinde illi cuspides decem cubita extantes. Ubi est ambiguum, an *decem* ad *cubita*, num ad *cuspides* referri debent. Mihi posterius videtur, cum prius sit enorme, nec negotio conveniat. Quid autem est *extantes cubita*? Ego dubitare nequeo, quin *cubito* legi oporteat. Nam plutalis numerus rem facit incertam, & in singulari clara omnia. Sequuntur falces etiam in extremitatibus seu capitibus jugi, earq; tuæ, una recte prominens, altera demissa ad terram, cum in alijs sint nuda spicula vel gladij. Postrema falces aliæ in axibus eodem modo se habentes. Ita species eorum fuerit hujusmodi in rota & jugo.



Rursum alia est species illius currus falcati, quem vocarunt *curra-drebanum*. Nam primum nulla in eo sella, ubi auriga consistat, verum equo insidet. Deinde totum illud spacium, ubi sella esse debebat, cultris est munitum. Vetus auctor: *Posterior supra currum pars cultris in ordinem extantibus communitur*. Falces quoq; nullæ demissæ in terram, neq; à jugo, neque ab axe. Deniq; quæ à capitibus axis prominent, eæ mobiles, ut adducto fune erigi, ac sic currus agi possit absq; damno, remisso vero explicari. *Falces acutissimæ*, inquit auctor, *axibus ejusdem currus aptantur, in lateribus suis ansulas habentes, quibus innexi funes pro arbitrio duorum equitum laxati quidem explicant, repressi autem erigunt falces*. Hujus generis inventio est nova, & excogitata contra Parthos. Idem Auctor de Rebus Bellicis. *Hujusmodi pugnacis vehiculi genus reperit Parthica pugnae necessitas*. Sunt in eodem scriptore alia quoq; genera nonnihil à prædicto diversa, nec convenientia tamen cum superioribus, inventis à Cyro, aut Antiocho usurpatis, adeo non potest mirum videri, si plures diversiq; horum curruum dicantur auctores. Habuerunt autem illi veteres adjunctos equos fere quatuor: inde passim dictæ *quadrigæ falcate*. Curtius lib. IV. *Ingens hostium terror, ducentæ falcate quadrigæ*. Livius lib. XXXVII. *Ante hunc equitatum falcate quadrigæ*. Plutarchus in Lucullo, ἀντὶ τῶν δεσπραν φόρων τετραπύρων. Atq; sic & apud alios reperias. Memorantur tamen aliquando equi

equi tantum duo, imo & unicus. Auctor sæpe laudatus, de Reb. Bel-
 licis: *Hoc vehiculum singulis bene munitis in vecti equis duo viri, ve-*
stitu & armis diligenter muniti, citato cursu in pugnam rapiunt. Et
 non ita multo post in alio genere: *Hic non ut ibidem duos equos duo-*
rum etiam hominum, sed unius tantum sagacitas regit. In utroq; ge-
 nere sunt equi duo. At in eo unus tantum, quod iccirco *currodre-*
panus singularis nominatum est. In hoc curriculo, ait Auctor, quod
singularis equi tractu discurret, quodq; unius hominis arte regitur &c.
 Fuit autem illa equorum adjunctio diversa quoq;, nam vel ad u-
 num jungebantur temonem, vel ad plures. Auctor Arrianus no-
 ster in Tacticis c. 3. τὰ ἄρματα δρεπανόφρα ἢ τὰ πεπραγμένων τῶν ἵππων, ἢ
 ἀφράκτων, ἢ ἡ ἀπὸ τῶν ῥυμῶν, ἢ διὰ τῶν ῥοῶν & πολύρμα. *Currus falcati erant vel*
equis cataphractariis, vel nudis, qui iterum vel ad temonem unum jun-
cti, vel ad duos, vel etiam ad plures. Quanquam quæ de pluribus te-
 monibus commemorat, pertinere videantur ad vetustiora tempo-
 ra, quibus nondum æqua fronte omnes collocare equos fuit notū
 aut receptum. Et fortassis hausit ex Pædia Cyri à Xenophonte
 scripta, ubi fere similia. *Exhinc, ait, videns Abradatas Cyrum stu-*
diosum esse falcatorum currum & cataphractorum cum equorum, tum
equitum, enitebatur ei perficere ad centum currus ex equitatu suo illius
similes curribus, & ipse ut eorum ductor futurus se parabat in curru.
Conjugavit autem currum suum quatuor temonibus, & equis octo.
 Græca postrema habent: συνεζεύξατο δὲ τὸ ἑαυτοῦ ἄρμα τετραγυμόν τε καὶ
 ἑξ ἵππων ὁκτώ, unde sine dubio illud suum πολύρμα Arrianus accepit.
 At sequentibus temporibus mihi non est dubium, quin ut in Troi-
 cis & Cyrenensibus, ita & in vehiculis falcatis juncti fuerint æqua
 fronte. Unde neq; plures equos habuisse, quam quatuor, videntur,
 cum vetustiores illi cū temonibus pluribus habuerint aliquādo et-
 iam octo ut apparet ex superioribus. Licet observare illā quoq; dif-
 ferentiā, quod posterioribus tēporibus his ipsis equis consueverint
 insidere, cum olim starēt in curribus, & sellis ad hoc fabrefactis, qui
 equos regebant. Et hæc quidem curruum falcatorum est varietas.
 nam in aliis videntur convenisse, rotis præcipue, quas nō habuere,
 nisi duas, cujuscunq; forent generis. Cyrus certe generi Trojano

Cyrenaicove, sicut falces, ita rotas plures addidisse non commemoratur. Sed nec apud veterem Auctorem Rerum Bellicarum videas depictas aliter, quam cum rotis duabus, ut ignorem, cur Stevechius formare ausus sit cum quatuor. Id peculiare fuit, quod haberent axes longiores, rotas quoque firmiores, quam bigæ aut quadrigæ communes, auctore Cyro. Xenophon: Πολεμις ἡριανὰ καὶ στενὰ σεν ἀρμαία τροχοῖς τε ἰσχυροῖς, ὡς μὴ ῥᾶδίως συνίπσιμαι, ἄξιοι τε μακροῖς. Ἡ τὸν γὰρ ἀναγέπειν πάντα τὰ πλάτεια. *Ad bellandum aptos paravit currus rotis validis, quo non facile contererentur, & longis axibus, minus enim evertuntur lata omnia.* Quibus verbis simul discas, cur longos axes esse voluerit, videlicet, ne currus possent facile everti. Ac sic videas in picturis veteris Auctoris sæpius nominati. Rotæ breves sunt, & crassæ, axis longissimus, sicut quidem exprimit editio Basileensis Frobenii Anno MDLII. excusa. Nam in cæteris se ista cuncta minus rectè habent. Usus curruum falcatorum vel ex dictis liquet. Scilicet ad prælia usurparunt, & præsertim perturbandos rumpendosque ordines hostiles. Plutarchus in Artaxerxe: Ἐταξε τῶν δρεπανιφόρων τὰ ῥωμαλεώτατα, πρὸ τῆς ἐαυτοῦ φάλαγγος, ὡς πρὶν ἐν χερσὶν γενέσθαι, διακόψονται τὰς τάξεις, βίᾳ τῆς εἰσέλδου. *Collocavit ex curribus falcatis firmissimos ante suam phalangem, ut, priusquam veniretur ad manus, ipso impetu dissolverent ordines.* Curtius lib. iv. Darius ante se falcatos currus agebat, quos, signo dato, universos in hostem effudit. Ruebant laxatis habenis aurigæ, quo plures nondum satis proviso impetu obtererent. Nec sensim Macedones cedebant, sed effusa fuga turba verant ordines. Neque mirum, ordines turbasse, cum quos offendebant, miserabili ratione mutilarent. Diodorus lib. xvii. Tantus aciei vigor, tanta vis erat in spiculis, ad exitium fabricatis, ut multis brachia una cum clypeis amputarentur: Nec paucis ceruice præcisa integro adhuc visu & retento vultus habitu capita ad terram volverentur. Quibusdam lethali ictu latera dissecarentur, unde mors repente subsecuta. Suidas voce δρεπανοβίᾳ τε δρεπανα: Falces aliis pedes, aliis manus amputabant, aliquos cum armis comprehensos trahebant longo spacio, atrociterque necabant. Ut autem vim exercere suam possent, duabus rebus opus habebant, campo æqvabili, & solo firmo. De posteriori testis Curtius lib. viii. cap.

Vix ullus usus hujus auxilii eo die fuit, namque imber violentius, quam alias fusus, campos lubricos & inequitabiles fecerat, gravesque & prope modum immobiles currus illuvie ac veraginibus hærebant. De prioribus Vegetius lib. III. cap. 24. quando ait: Difficile currus falcatus planum semper invenit campum. Nempe talem exigit, ubi asper est, & inæqualis, non potest progredi. Tacitus in Agr. de simili genere loquens, cap. 36. Densis hostium agminibus & inæqualibus locis hærebant. Sed de curribus falcatis satis.

Cap. XVI.

De Curru Magistratum & Sella curuli.

Curules Magistratus qui, & unde dicti. Plinius expenditur. Zamoscii sententia refutatur. Gellius liberatur à glossa. Currus Magistratum veteres, quales. An sella curulis à Curibus Sabinis. Lipsius rejicitur. Olim nulla littera geminata. Vossius commendatur. An Vetulonii auctores dicta sella. Chimentellius rejicitur. Διογ & ἀπὸ τοῦ. Gelenii & Sylburgii versiones Dionysii Halicarnassei notantur. Scholiastes Cruquii refutatur. Virga Imperatoris. Curis. Casauboni lapsus. Martialis exponitur. Chimentellius denuò notatur. Cassiodorus exponitur. Gradus ad tribunal. Papias & Vossius rejecti. Sella curuli & curru utendi jus quibus concessum. Sella propria Regum. Livius explicatur. Brissonii versio Plutarchi rejicitur. Εἰς ἐλδοῦν. Brissonius iterum notatur, & Curtius exponitur.

Venio ad currus Magistratum. Curru enim vectos apud veteres Romanos esse, indeq; nomen Magistratum curulium accepisse Festo credimus, qui sic habet, voce *Curules*: *Curules Magistratus appellati sunt, quia curru vehebantur.* Firmat nempe idem Gabius Bassus apud Gellium lib. III. cap. 18. qui Gellius sic ex eo: *Senatores dicit (Bassus) in veterum ætate, qui curulem Magistratum gessissent, curru solitos honoris gratia in curiam vehi.* Sed videtur infirmare hanc sententiam, quod habet Plinius lib. VII. c. 43. de Metello: *Tribuit ei Populus Romanus, quod nunquam ulli alii à condito ævo, ut, quoties in Senatum iret, curru veheretur ad curiam.* Si hoc Populus Romanus uni tribuit Metello, qui Bassus potest dicere fuisse solitum in veterum ætate? Nec de fide Plinii est dubium, quando

do vetus extat monumentum, à Grutero p. 377. inter alias inscriptiones positum, quo id ipsum confirmatur. Verba inter cætera sunt ista :

TRIBUTUM EI P. R. UT, QUOTIES IN SENATUM IRET,
CURRU VEHERETUR AD CURIAM. QUOD A
CONDITO ÆVO NULLI ALII CONTIGIT.

Atq; hoc est, quod Zamoscium quoq; fecit Basso dissidentem lib. I. de Senatu Romano. *Mihi, ait, non satisfacit Bassus. An enim credemus Q. Metellum, inter cætera summa, cum patrem suum in funere laudaret, relaturum fuisse, quod mediocres homines, mediocribus honoribus usi, omnes sunt consecuti?* Attamen vix est verisimile, fuisse Bassum tam oblitum consuetudinis senatoriæ morumque veterum, ut Zamoscium arbitratur. Quid, si culpa sit Librarii vel Glossatoris, quæ putatur Bassi. Scilicet videtur mihi Bassus scripsisse: *Curru solitos honoris gratia vehi.* Quod cum sciolus non satis intelligeret, adposuit, *in curiam*, quia nempe sermonem esse de Senatoribus observavit. Certè, si abiciamus duo ista verba, convenit primum Festo, qui & ipse nil de curia, tantum curru vectos ait. Deinde Plinio non adversatur. Aliud enim est, habere jus utendi currus, & rursum aliud, habere jus eundi curru in Senatum. Concesso igitur, quod hoc posterius soli sit tributum Metello, non obstabit tamen, quo minus vehi curru alias potuerint Magistratus, indeque dici curules. Adde, quod vetustioribus temporibus frequenter versati fuerint in agris, ut nil mirum sit, si concessos currus Magistratus habuerint. Isidorus lib. XX. cap. II. *Apud veteres Prætores & Consules propter itineris longinquitatem curru provehebantur.* Testatur manifestè, propter itinera longiora, quæ sæpe Magistratibus facienda, curru vehi solitos. Sed & sequentibus temporibus hoc non concessum eis modò, verum quoq; imperatum. Ita patet vel ex lege unica Codicis *de Honoratorum vehiculis*, & ex insignibus Præfecti Urbis in Notitia Imperii expressis. Nominatim deniq; de Senatoribus testatur Æl. Lampridius in Alexandro Severo cap. 43. *Carrucas Romæ & rhedas Senatoribus omnibus ut argentatas haberent, permisit.* Verum de carrucis rhedisq; suo loco. Illud saltem demon-

strate

strare hic volumus, non absurdum posse videri, si credamus Festo Bassoque, habuisse olim antiquissimis etiam temporibus Magistratus Romanos currus suos, quibus vehebantur. Sed qui currus illi, qualesve fuere? Hoc vero facile non dixerim, cum non viderim vel observaverim descriptos. Loquor de vetustis illis, unde nomen accepere Magistratus curules, non carpentis, rhedis, carrucis, quibus postea sunt usi; nam de his alio agendum loco. Illud tamen primo facile crediderim, cum vocentur *currus*, rotas habuisse tantum duas. Ita enim observavimus in curribus etiam cæteris. Deinde suspicor id, ubi alias est confidendi locus, non fuisse, instar capse quadratum, vel hemicicli, aut turris rotundum, sicut cæteris in curribus, sed planum, atq; instar tribunalis in altum nonnihil erectum. Causa, quia non in ipso sedebant, sed in sella peculiari, currui superne imposita. Sic expresse G. Bassus. *Senatores qui curulem magistratum gessissent, dicit curru solitos honoris gratia vehi, in quo curru sella esset, supra quam considerent, quæ ob eam causam curulis appellaretur.* Vides plane, sedisse non in curru, verum sella, currui imposita, esseq; hinc illam ipsam, quæ alias curulis dicebatur. Unde etiam cognoscimus, non fuisse fixam in curru, verum potuisse demitti. Solebant enim sella ista magistratus uti, cum dicendum jus esset, vel quid aliud honoratoris negocij conficiendum, uti postea monstrabimus. Isidorus quidem paulo aliter de ista sella, loco supra indicato: *Selle curules erant, in quibus magistratus sedentes jura reddebant. Dictæ autem curules, quia apud veteres Prætores & Consules propter itineris longinquitatem curru provehebantur. Selle autem, quæ post eos vehebantur, quibus sedentes jura dicere solebant, à curru currules selle sunt nominatæ.* Hic non infedisse ait eis sellis, verum habuisse post se vectos. At quo pacto vectæ post eos? Et si vectæ post, cur dictæ curules? Ergo Isidorum suspicor nugari, certe contra Bassum, longe vetustiore doctioremq; fidem ipsi nullam tribuo. At postremum currus illos censeo fuisse, qualis Augustæus, qui hoc nummo est expressus. apud Goltzium pag. 77.



Solent *thenfam* explicare. Verum aliud est *thenfa*, sicut dicam alibi, & *currus* nominatim appellatur Svetonio in Claud. c. ii. *In Circensi pompa currum elephantorum, Augusto eo similem, decernendum curavit.* Liqueat autem, si ejusmodi fuerunt currus, de quibus sermo nobis, pertinere ad id genus, quod duabus tantum incedebat rotis, ac sic vere currus dici debeat. Sed & de sella superne posita hinc constare potest. Id majorem habet dubitationem, an à curru hoc curules magistratus dicti fuerint, num à curuli sella; item an curulis sella nomen suum acceperit ab hoc curru, & non aliunde potius. Sunt enim, qui sellam ita putant dictam non à curru, sed à Curibus, quod fuit oppidum Sabinorum. Adferuntq; hujus sententiæ rationem duplicem, quia derivationi priori repugnat & scriptura, & quantitas syllabæ initialis. Lipsius in libello de Magistratibus cap. de Ædilibus. *Curulis sella à curru dicta, ut vulgi opinio est. Cui tamen derivationi scriptura & dimensio repugnat; veriusq; à Curibus (oppidum olim Sabinorum erat) dicta.* Verum quod scripturam attinet, *curule* una simpliciq; littera & in aliis occurrit, quæ aperte veniunt à *curru*. Ut in *curulibus quadrigalibus Festi*, quod & Vossio notatum. Amplius, in *equis curulibus* Codicis Theodosiani lib. XV. t. 10. Ita enim edidit Cujacius, ita Jacobus Gothofredus. Neq; aliter in ipsis legibus habetur. ut l. 3. ejusdem Codicis tit. de Spectaculis: *Nemo judicium ex quacung; civitate in aliud oppidum, vel ex provincia solo equos curules, aurigas cives temptet traducere. In curulibus stabulis,*
quo-

quorum meminit Symmachus lib. II. ep. 77. Lectius sic publicavit: *Curulibus stabulis urbis æternæ etiam quina mancipia largiamur.* Neque potest esse mirum, quando usitatum fuit priscis nullas geminare litteras. Festus in *Solitaurlia*. *Quod sit à sollo, & tauris, earum hostiarum ductum nomen, antiquæ consuetudinis per unum L. enuntiari non est mirum, quia nulla tunc geminabatur littera in scribendo. Quam consuetudinem Ennius mutasse fertur, utpote Græcus Græco more usus,* Marius Victorinus lib. I. *Consonantes litteras non geminabant, ut in his, Annius, Lucullus, Memmius.* Si non geminarunt ante Ennij ætatem, ut nos Festus docet, quis non videt, à *curu* fieri *currule* potuisse? Quod vero spectat quantitatem primæ syllabæ, mutari ea solet etiam alias per litteræ abjectionem, ut exemplo *ligula* à *lingua*, *diserti* à *dissero*, *mamilla* à *mamma* pridem Vossius monstravit. Sed tamen verius à *Curibus* derivatur, ait Lipsius. Ad quod recte Vossius: *Obstat, quod Florus & alij dicant, Tarquinium Priscum, ut alia imperij decorâ insigniaq, ita & sellas curules ab Hetruscis sumfisse, non à Curibus, Sabinorum oppido.* Ut hoc eludat Chimentellius in erudito commentario de honore bisellij, auctores sellæ curulis facit Vetulonios, id est Viterbieneses, qui Hetrusci, & auctorem sententiæ hujus laudat Silium, apud quem sic legitur lib. VIII.

Moconiæq, decus quondam Vetulonia gentis.

Bissenos hæc prima dedit præcedere fasces,

Et junxit totidem tacito terrore secures.

Hæc altas eboris decoravit honore curules.

Sed hoc nihil obstat nostræ veterumve sententiæ, nec Lipsium quidquam juvat. Sive numq; in universum dicas ab Hetruscis sumptas, sive nominatim à Viterbienfibus seu Vetuloniis, populo Hetruriæ, à *Curibus* Sabinis derivari negabis. Danda vero est ratio, quomobrem *curules* dicantur. Quæ si non à *Curibus* desumi potest, supererit, ut cum Festo atq; Isidoro venire à *curru* asseramus. Cum præterea & Servij hæc sit sententia, licet aliam afferat rationem, quæ est manifeste falsa. Verba ejus sunt XI. *Æn. Sciendum, sellam curulem à curru dictam, quod ea tantum utebantur, qui triumphali curru inveci fuissent.* Curulis igitur sella, quoniam in curru, quo


Romani magistratus vehabantur, dignitatis & honoris gratia. Inde Græci quoq; *διφρον ἀρμάτιον* nōminavere, si est vera Gelenij & Sylburgij interpretatio Dionysij Halicarnassensis, qui sic habet lib. V. de triumpho Menenij. *Μένινος μὲν τὰς μέζονι (θριάμβος) καὶ τιμιωτέρῳ, παρεμβεβηκὼς ἐφ' ἀρμάτιος διφρον βασιλικῇ.* Hoc enim ita vertunt: *Menio major (decretus triumphus) & honoratior, ut regia sella curuli in urbem invehetur.* Atq; idem & in Indice repetierunt, deq; sella curuli hic sermonem esse, demonstrarunt. At vero sellæ curuli locum esse in triumpho, nemo alius ostendit. Et de curru triumphali aliud demonstravimus in superioribus, videlicet non sedisse in eo, verum stetisse. Deniq; opponitur hic *διφρος ἀρμάτιος* nudis simplicibusq; pedibus, quibus incedebant, qui minori urbem triumpho repetebant. Ergo *διφρος* hic non sellam denotat, sed currum, sicut sæpe fieri apud Homerum videmus, diciturq; ob hoc ipsum *ἀρμάτιος* ne quis putet de communi sedentariaq; sella esse sermonem. Unde quoq; mox appellat *ἄρμα*, quod ante *διφρον ἀρμάτιον* vocaverat. Loquitur de differētia triumphi utriusq; : *διαφέρει δὲ θάλας, ὅτι περὶς εἰσέρχεται, ἂν ἐκ ἐφ' ἄρμας, ὡς περ ἐκ ἐν.* Et si autem falsa sit τῇ *διφρος ἀρμάτιος* explicatio manet tamen, quod de sella curuli dictum est in præcedentibus. Nam quod Scholiastes Cruquij existimat à curia vocatā, rationem habet nullam. Verba ejus sunt ad lib. I. ep. 6. *Curule ebur sellam curulem vocat, in qua magistratus residens jura dabat, dicta vel à curia, vel à curru, unde etiam virga, quam imperator in curiam ferebat, curulis vocabatur.* Quando putat posse à curia accepisse nomen sine dubio est falsum, qvum analogia repugnet, per quam necesse foret, ut *curialis*, non *curulis* diceretur. Nam à *curia* non *curule* oritur, sed *curiale*. Sed tamen hinc ait dicta quoq; virga, *quam imperator ferebat in curiam*. Primum scire volo, quæ hæc virga fuerit. Nam curulis virgæ, quantum scio, alius nemo facit mentionem. Deinde virgam peculiarem gestitasse impetarem, & quidem cum in curiam ingrederetur, istud quoq; alibi non lectum est. Forsitan intelligit scipionem eburneum, quem tenebant manu, quando jus dicebant in curia Consules, ut ait vetus Scholiastes Juvenalis Sat. X. Is enim & Imperatoribus tribuitur in nummis, ut Domitiano, Anto-

nino, atq; aliis, tanquam consulatus perpetui infigne. Verum magis credi potest agere de *curi*, hoc est hasta, qua ornati erant reges veteres, ad denotandam potestatem. Servius ad Virg. I. *Æn. Romulus Quirinus dictus, quod hasta utebatur, quæ Sabinorum lingua curis dicitur. Hasta enim, id est curis, telum est, cum longiore ferro, unde & securis, quasi semicuris.* Jam vero ne à *curi* quidem derivari *curule* potest, sed vel *curinum*, quomodo Romulus ipse *Curinus*, vel *Quirinus* dictus est, vel *curite*, quomodo Juno vocata est *Curitis* ex hac voce, Festo auctore. Neutrum autem horum facit ad *curule*, ut persistamus merito in sententia posteriore, qua & Scholiastes ipse putabat descendere à curru. Fuit porro sella illa, quod jam alij prolixè docuerunt, alta, tecta ebore, cælata sculptraque, denique incurvis pedibus. Postremum testantur Glossæ, quando ita habent: *Curulis sella, ἀγκυλόπους, θρόνος βασιλικός.* Item Plutarchus in Mario, ubi de ædilitate curuli ait: ἡ μὲν δὲ τῶν δίφρων, τῶν ἀγκυλόποδων, ἐφ' ὧν καθεζόμενοι χρηματίζουσιν, ἔχουσα τέτομα τῆς ἀρχῆς. Quod non male ita reddunt: *Alterà à sellis curulibus, quæ incurvis erant pedibus, ex quibus munia magistratus explicabant, nomen traxit.* Quamquam τὸ *curulibus* in Græco non fit, sed ex cæteris debeat intelligi. Casaubonus alias ad Svetonij Augustum c. 43. describit in hunc modum. *Sella curulis quatuor lignis pluribusve constabat incurvis in modum fere literæ S productæ, & minus curvatæ ab utraq; parte. Hæc funibus ita compacta erat, ut aperiri claudiq; posset. In aperta sedebatur super loris & linteis.* *Martialis*

Recensq; sella linteisq; lorisq;.

Ita Casaubonus. Verum locus Martialis ad curulem sellam nihil facit, de vulgari namq; loquitur, & gestatoria. Itaq; de loris linteisque necdum penitus assentior. Super corio aut pelle potius sederunt. Ita videntur ostendere nummi veteres apud Urfinum aliosq; in quibus sella ista est proposita. E quibus simul liquet, quæ lignorum quatuor Casaubono memoratorum fuerit ratio. Conjungebantur duo in medio, ut referrent speciem litteræ X, & iterum alia duo. Ita sella quatuor sustinebatur pedibus, in mo-

dum pedis leonini, vel alterius animalis deformatis. In quo sella curulis differebat à sella communi. Nam in hac pedes erant recti, in illa decussatim juncti, ut prædixi. Testanturq; nummi veteres, Ædiliū præsertim curulium & plebejorum. Ecce unum ex utroque genere.



Prior nummus est P. Fourij, quem fuisse Ædilem Curulem docet manifeste facies averſa, in qua ſcriptum ÆD. CUR. juxta caput cum corona murali, exhibeturq; ab Urſino in familia Fouria. Poſterior eſt M. Fannij, quem fuiſſe Ædilem plebejum itidem monſtrat inſcriptio partis averſæ, in qua exhibetur AED. PL. habet & hunc Urſinus in Fannia familia, ſive gente. Erat quoque plana curulis ſella, nec habebat ſurgens à tergo tabulatum, in quod reclinari poſſet, Græcis ἀνδραλιθρον vocatum, uti nummi docent, in quo differebat à ſoliis, hemicyclis, & id genus. Quod autem dicunt, nuncupatam eſſe altam, non quod ſella ipſa altiſſima, ſed quod adjun-
cti plures gradus, id vix credo recte dici. Habet equidem Caſſiodorus ita lib. VI. in formula Conſulatus: *Sellam curulem pro ſua magnitudine multis gradibus eniſus aſcende.* Verum non neceſſe eſt, ut gradus illos hic intelligamus veros. Nuſquam enim tales in ſellis curulibus leguntur, nuſquam cernuntur in earum imaginibus, quotquot exhibent vel nummi veteres, vel monumenta. Potius videntur gradus hic intelligendi munerum honorumque inferiorum, per quos aſcenditur ad conſulatum. Unde quoque jam eniſum gra-

gradus illos Cassiodorus ait, consulatus candidatum. Aut si veri gradus hic signantur, mallet accipere de gradibus tribunalis, in quo curulis sella collocari solebat. Fuit namq; satis altum tribunal. Inde *celsum* Juvenio

Interea celsum dominus stans ante tribunal.

Claudio est *sublime* hac de causa lib. I. in Eutrop.

Increpat Augustum, scandat sublime tribunal.

Porro si sublime celsumque, per gradus conscendisse illud videntur: quomodo in descriptione urbis Constantinopolitanæ Regione secunda legimus *tribunal purpureis gradibus extructum*. Sic per gradus venisse quoq; ad curulem sellam poterat, quæ in tribunali stabat. Nec enim tribunal, quod nonnulli somniant, ipsa fuit sedes, verum ex tabulis erectum quadrata forma suggestum, longum latumque, in summo planum, in quo sella curulis magistratuum una cum aliis non paucis ad ministerium paratis stare poterant. Ita nobis exhibent nummi veteres, ut Augusti apud Goltzium pag. 57. Vitellij apud Arschotanium p. 23. atq; alij, ut de scriptoribus nunc sileam. Adeo non debuit habere fidem Papiæ vir magnus, & sic scribere in Etymologico: *Tribunal proprie est sedes tribuni, ut Papias exponit, hoc est solium, sive locus sublimior, ubi jus dicit*. Multa dicit vero minime convenientia, id ante alia, quod tribunal facit solium aut sedem, cum in eo nunquam sederint, sed in sella posita in tribunali. Verum hac de re agemus alibi. Hoc amittere non debui, ut constaret, quare gradus credi possint sellæ curuli tributi. Quanquam mihi verior videatur prior explicatio, nec de gradibus sic proprie vocatis Cassiodorum existimem locutum. Quod ex eo etiam colligitur, quia sellæ huic assignat magnitudinem eximiam, quæ si speciem respicias, non fuit major, quam sellarum aliarum. Ut proinde magnitudo non structuræ operisve, sed dignationis debeat intelligi. Cæterum cum curulis sella fuerit, quæ in curru sterit magistratuum, necesse arbitror, ut jus usurpandi eum currum habuerint, quicumq; sella curuli fuerunt honorati. Erant porro hi, ut recenset Lipsius, Dictator, Consul, Censor, Prætor, Ædilis curulis, & præter istos Magister equitum; Flamines,

Mune-

Munerum editores, alijque, ut confirmat Chimentellius. Quos proinde vero simile, habuisse jus vehiculi prædicti. Ante cunctos vero sella curuli usus Rex Romanus. Unde Macrobius lib. I. Satur. c. 6. *Tullius Hostilius Hosti filius rex Romanorum tertium debellatis Hetruscis sellam curulem lictoresq., & togam pictam atq. prætextam, qua insignia magistratuum Hetruscorum erant, primus ut Roma haberetur, instituit.* Neq. alia, opinor, causa, quare sella regia est dicta. Livius lib. I. c. 20. de Flamine agens: *Curuli sella regia adornavit.* Nempe sella hæc insigne regis. Virgilius lib. XI. Æneid.

Et sellam regni trabeamq. insignia nostri.

Servius hoc loco: *Bene, nostri: Romanorum enim Imperatorum insigne fuit sella curulis & trabea.* Quasi pertinuerit ad solos Imperatores. Poëta ipse de regibus testatur, nominatimq. de Latinis. Neq. aliter res sese habuit cum regibus populorum reliquorum. Imo proprium hoc decus Regum apud veteres fuisse asserit Donatus isto loco. *Idcirco, ait, addidit, Regni insignia nostri, ut appareat, sellam & trabeam solis esse regibus attributam.* Recte igitur curulis sella Livio est regia, non quod Reges Romani tum habuerint, postea enim demum à Tarquinio cœpit usurpari, sed quod Reges passim vicini ea fuerint ornati. Atq. ita habes & in Glossis: *Curulis sella, Ἰσὸν & βασιλικός.* Ita reperies & in aliis Scriptoribus. Neque mihi dubium, cum Rex Romanus sellam curulem habuerit, quin frequenter usus sit & curru ipso. Cum præsertim curru vehi fuerit inter ea, quibus Reges dignitatem suam maxime ostentabant. Et jam ante Mosi tempora Ægyptiorum Reges usurparunt. Inde illud de Pharaone Genes. c. 41. *Fecitq. eum (Josephum) ascendere super currum suum secundum.* Cur secundum? quia primo ipse vehabatur. Sed nec Hebræorum regibus videtur fuisse ignotus. Inde legimus illud Eliæ Prophetæ ad puerum suum III. reg. cap. 18. *Ascende, & dic Achab; junge currum tuum, & descende, ne occupet te pluvia.* Apud reges Persarum nihil fuit usitatus. B. Augustinus Quæst. ex Utroq. Test. cap. 115. *Persarum reges vehiculis feruntur.* Nam veteres reges Persarum nec videbantur à populis. Quod vehiculum appellat, Xenophonti ἄρμα est, lib. VIII. Cyropæd. ubi describit

scribit Cyrum ad sacrificium euntem: Ἐπὶ δὲ τέτοις, ἥδη αὐτὸς ἐν τῶν
 πυλῶν προφαίνεται ὁ Κύρ (Θ' ἐφ' ἄρματ Θ', ὁρθὴν ἔχων τὴν τιάραν. *Post hæc vero*
jam ipse Cyrus prodibat in conspectum ex portis super currum, rectam
tiaram habens. Vehitur hic Cyrus super ἄρμα more regum apud
 Persas. Ideo cum Demaratum Lacedæmonium jussisset petere,
 quod vellet Xerxes, petiit, ut liceret sibi curru ingredi Sardes.
 Plutarchus in Themistocle: ἡτήσατο τὴν κίθαριν, ὥσπερ οἱ βασιλεῖς, ἐπαρά-
 μεν Θ' εἰσελάσαι διὰ Σάρδεων. Male intelligens Brissonius scribit postu-
 lasse, *ut sibi equo insidenti Sardes cum recta tiara ingredi liceret.*
 εἰσελεύσιν enim hic, non equo insidere, verum curru incedere. Seneca
 lib. I. de Benef. c. 31. eandem rem commemorans: *Petiit ille, ut*
Sardis, maximam Asia civitatem, curru vectus intraret, rectam capite
tiaram gestans: id solis datum regibus. Quem locum cum adducat
 ipse Brissonius, miror, hoc non observasse. Nec enim Suidas ali-
 ter ex Philarcho; quem primum laudat Brissonius. Verba ejus
 voce Τιάρα. ἡτήσατο ἐν ὁρθῇ τῇ τιάρᾳ εἰς Σάρδες εἰσελάσαι. Εἰσελάσαι hihil ali-
 ud hoc loco, quam *vehi curru, sive ἄρματι incedere.* Ἄρμα enim illud
 Regum Persarum semper *currus* est Latinis. Curtius lib. V. c. 10.
Darius signo ad eundem dato, currum pristino more conscendit. Sene-
 ca III. de Ira. c. 221. de vehiculo Cyri agens: *Vnus ex his equis, qui*
trahere regium currum albi solebant, &c. Porro quia curru vehi re-
 gibus Persarum fuit usitatum, ideo & Alexander victo Dario ca-
 ptaq; Perfide Babylonem curru intrat. Curtius lib. V. c. 1. *Ipse Ale-*
xander cum curru urbem ac deinde regiam intravit. More trium-
 phantis factum notant hoc loco; sed revera factum more regum
 apud Persas. Voluit enim se victorem Darij, ac regem Persidinis
 Babylonisque Alexander demonstrare. Consuetudo ista regum,
 curribus vehendi, observata quoq; Phrygibus & Trojanis fuit.
 Priamus profecto apud Homerum, cum deberet interesse fœderi
 pangendo;

-- -- Ἐκέλευσε δ' ἑταίρους

Ἴππους ζευγνύμεναι -- --

Αν δ' ἄρ' ἔβη πτελάμεθ' κατὰ δ' ὁδὸν τεῖνεν ὀπίσσω.

Iussit socios equos jungere, & ascendit Priamus, habenasq; attraxit re-

dd

tror-

trorsum, Iliad. τ. Neq; aliter fecere Latini. Hinc Virgilius de rege Latino, inter futuro pactis, quibus definiri certamen singulare inter Æneam Turnumq; debebat, lib. XII. Æn.

-- -- *Ingenti mole Latinus*
Quadrijugo vehitur curru -- --

Ut proinde mirum esse nequeat, si hoc ipsum asseramus factitatum à regibus Etruscis, & sic ab iisdem derivatum ad Romanos, primum Reges, postea & magistratus reliquos. Sed de hisce regum magistratuumq; curribus jam alibi in priore libro egimus.

Cap. XVII.

De Carpento.

Carpentum unde. Vossius rejicitur, bis. Isidorus exponitur. *καρπεντον. ἀπὸ τῆς* *Carpentum non est pilentum. Carpentum pro vehe. Vehes quid. Nonnunquam carpentum significat plaustrum, sarracam, rhedam. Carpenta rhedarum. Codex Theodosianus exponitur. Significat & bennam, vel essedum. Casaubonus contra Iac. Gothofredum defenditur.* *ἐγκύκλιος αἰῶνα.* *Lipsius rejicitur. Dio explicatur. ἄρμα ὅλον.* *Harmamaxa. ἀρμάμαξα.* *Valla, Xylander, & alij notati. Harmamaxa est ἀπλὴν. σιλήνη.* *Vehiculum contextum pellibus. Clausum vehiculum. Καμάσαι. Κάναθρα. Καμαρωτά.* *Athenæi versio rejecta. κάναθρον quale. Casaubonus revellitur. Hesychius emendatur. Περικεφαλαιόμενον. ῥέδιον. Περίκεφαλαια δίφρος.* *Ad carpenta juncti equi, vel boves, iig, vel bini, vel quaterni. Usus Romæ spectabat ad matronas. Num & Vestales. Lipsij sententia examinatur. Tacitus exponitur. Lipsius notatur. Carpentorum usus nullus ad sacra. Dio explicatur. Casaubonus rejicitur. Festus exponitur. Carpenta in viis. Harmamaxa etiam virorum. Unde dicantur. Onuphrius refutatur. Dio exponitur. Valla versio rejicitur. ἄρμα & ἀρμάμαξα differunt. Carpenta magistratum. Carpentum nunquam est tribunal. Petrus Faber & Savaro refutati. Tribunal quale fuerit. Faber denuo notatur, & Vopiscus exponitur. Carpentum judiciale quare dictum. Thronus. Carpenta sacerdotum, item Augustarum.*

AD carpentum nunc accedo, de cuius appellatione ita Vossius: *Acarpendo, carpentum, sive qua notione dicimus carpere iter, sive potius, qua carpere est scindere, quia ex scissis fieret lignis. Aqua significatione Gallis hodie charpentier dicitur faber tignarius, quia ligna carpit, id est, cedit. Ego vero dubitare nequeo, quin Gallorum charpentier, sit à Latinorum carpentario. Porro carpentarius à carpento, ut ex Gallico hic nil doceri debeat vel queat. Adde, quod denominationis ratio sit nulla. Nam & reliqua vehicula non ex integris, sed scissis fiunt lignis: nec tamen ideo carpenta nominantur. Quare necdum video, cur deserere Ovidium debeamus, qui sic dicta putat à Carmenta. Verba ejus sunt Festorum lib. I.*

Nam prius Ausonias matres carpenta vehebant:

Hec quoque ab Evandri dicta parente reor.

Parens Evandri, Carmenta est. Hinc dicta censet carpenta. Videturque ejus hanc sententiam probare historia, Plutarcho etiam in Quæstionibus Romanis, aliisque tradita de matronis Romanorum, quando templum posuerunt Carmentæ, cum prohibitum ante à Senatu, recepissent carpentorum & vehiculorum usum. Plutarchus sic enarrat: *Memoria proditum est, matres, cum usu vehiculorum, quibus trahendis jumenta junguntur, Senatus ipsis interdixisset, inter se conspirasse, neque uterum gerere se, neque parere velle, ac viros hac ratione ulcisci. Idque fecerunt, donec mutata sententia usus vehiculorum concessus fuit. Exinde cum parerent, sæcundæ & claræ liberorum copia, templum Carmentæ posuere. Ea Carmenta Evandri mater fuit, nomine suo Themis, aut ut alij volunt, Nicostrata. Sane cur Carmentæ potius, quam deæ alij, posuerint templum, post impetrata denuo vehicula, ratio idonea non potest reddi, si repudiamus istam, quod auxilio matronis fuerit, ut exemplo suo vehiculis ac carpentis possent uti. Carpentum ergo, veluti carmentum, quod esset vehiculum, quali Carmenta olim utebatur. Dissentire tamen Isidorus videtur, quando ita habet lib. XX. c. 12. *Carpentum pompaticum vehiculi genus est, quasi carrum pompaticum. Vossius sic de hoc loco: Censet, carpentum conflatum esse ex carris & pompa. Nempe quia vehiculum esset honoratorum.* Mihi aliter videtur, nec describi carpentum*

tum simpliciter & Isidoro, verum carpentum pompaticum. Atq; ita mea editio, apud Guilhelmu[m] Læmariu[m] An. MDXCV. publicata; τὸ *pompaticum* refert ad præcedens *carpentum*, non subsequens *vehiculi genus*. Est autem carpentum pompaticum, cujus usus est in pompis, Circensibus puta, & similibus, de quo postea dicitur. Istiusmodi carpentum ait vocari, quasi carrum pompaticum, non quod τὸ *pompaticum* compositionem vocis *carpentis* constituat, quomodo enim à *pompatico*, fieri possit *pentum* in voce *carpentum*? Sed quod carpentum sit velut carrus, sive carrum. Nempe illud *pentum* appendicem τῷ *carrum* putavit, quasi *carripentum* esset dictum; sive potius à *carro* primum *carrimen* & *carrimentum*, contracte *carmentum*, postea *carpentum* censuit esse factum. Quamquam vero ista non sint tam absurda, tamen caussas nullas video idoneas, cur abire à sententia priori debeamus. Carpentum Græci quoq; imitatione vocis Latinæ κάρπεντον dixere. Dio lib. LX. καὶ τῆς Μεσαλίνης τὸ κάρπεντον χρῆσθαι ἔδοσαν. Item alio loco, ubi de Agrippina loquitur: καὶ τιμὰς ἄλλας τε, καὶ τὸ κάρπεντον ἐν ταῖς πανηγύρεσι χρῆσθαι, ὥστε τῆς Βουλῆς ἔλαβεν. Quamquam hic sit κάρπέντιον, quod ibi κάρπεντον, si non vitiosa est scriptura. Alias ἀπλώνων reddunt. Nam quod habet Livius lib. I. c. 48. de Tullia, Tarquinii uxore: *Carpento certe in forum inducta, evocavit virum*, id Dionysius Halicarnassensis ita redditi: ἐπὶ τῆς ἀπίνης καθεζομένη παρὼς εἰς τὴν ἀγορὰν. Est autem, quod notandum ante omnia, carpentum genus aliud, quam *pilentum*. Manifeste namq; distinguit Livius lib. V. c. 25. *Honorem ob eam munificentiam ferunt matronis habitum, ut pilento ad sacra ludosq; carpentis festo profestog; uterentur*. Neq; tamen idem semper, sed varium. Primum enim est agreste: quomodo leguntur *carpenta stercoris* apud Palladium lib. X. c. 1. *Vni jugero asserit Columella XXIV. stercoris carpenta sufficere*. Hæc carpenta vehes sunt. Sic enim exponit Columella ipse lib. II. c. 16. quem locum Palladius respexit: *Plani loci, ait, jugerum duodeviginti, clivosi quatuor & viginti vehes stercoris teneant*. Item c. 5. ejusdem libri. *Jugerum autem desiderat, quod spissius stercoratur, vehes quatuor & viginti, quod rarius, duodeviginti*. Porro vehes nullum genus signant vehiculi, sed mensuræ. Columella

ipse

ipse lib. XI. *Vehes stercoris habet modios octoginta*. Licet tamen aliunde discere, Palladium per carpenta intellexisse plaustra, quia plaustris stercus evehebant. Valer. Maximus lib. I. c. 7. *Corpus suum à caupone trucidatum tum maxime plastro ferri adportam, stercore coopertum*. Cicero eandem rem commemorans de divin. I. *Se interfectum in plastrum à caupone esse conjectum, at supra stercus injectum*. Chrysippus, unde hæc desumpta est historia, vocavit ἀμαξαν. Suidas, voce Τιμαρχῆντος. Ἔστα ἔμελλεν ἐπικολίξεν ἐφ' ἀμάξης ἀγέσης νότρου. Postea evehere ipsum voluit super plastrum, quod vehebat stercus. Sed de plastro alibi. Carpentum aliquando genus illud quo portantur conjuges & liberi Alanorum. Ammianus Marcellinus lib. XXXI. *Omnes sine sedibus fixis absq; lare vel lege aut ritu stabili dispalantur, semper fugientium similes, cum carpentis, in quibus habitant: ubi conjuges tetra villis vestimenta contexunt, & coeunt cum maritis, & pariunt, & ad usq; pubertatem nutriunt pueros*. Hoc genus ipse paulo post sarracas explicat. *Cumq; ad gramina venerint, in orbiculatam figuram locatis sarracis ferino ritu vescuntur: absumptisque pabulis, velut carpentis civitates impositas vehunt*. Sed & de sarracis alibi dicemus. Sunt vehicula interdum, quæ ad cursum publicum destinata, veteribus carpenta. Ut in libr. VIII. C. Theod. l. 18. *Illud etiam sublimitas tua obseruari omni cautione precipiat, ne amplius in singulis quibusque carpentis, quam bini, aut ut summum terni homines invehantur*. In lege 30. ejusdem tituli cum addito carpenta redarum appellantur, h. e. istiusmodi carpenta, qualia sunt redæ. *Perspicue sanxeramus, ut in carpentis redarum mensuram subditam nullus excederet*. Loquitur auctor hujus legis nominatim de redis, unde constat, redas esse, quæ interdum carpenta vocantur. Invenimus & carpenta posita pro vehiculis, quibus homines vehebantur publicis in viis. Ita usurpavit Apulejus lib. XII. *Metam. Romam versus profectionem dirigo, tutusq; prosperitate ventorum, hausi partum celerrime, ac dehinc carpento pervolavi*. Juvenalis Sat. VIII.

Præter majorum cineres, atq; ossa volucris

Carpento rapitur pinguis Lateranus --

Mancinellus generatim hic vehiculum exposuit, Valla currum. Ve-

teri Scholiaſti *rheda* eſt, credo, quali faciebant iter. Nam ubi agit de ſufflamine, de quo ſequitur apud Poëtam; *inter radios mittitur, dum cli-vum descendere ceperit rheda*. Atq; tali ſenſu poni & à Floro crediderim, quando ait lib. I. c. 18. *Ante hunc diem nihil niſi pecora Volſcorum, greges Sabinorum, carpenta Gallorum vidiffes*. Nam de *rhedis* alias teſtantur, quod ſint propriæ Gallorum. Idem poſuit pro vehiculo ſeu curru militari Gallorum, qui alias eſt *benna*, uti ſuo loco demonſtrabo. Verba extant libro III. c. 2. *Nil tam conſpicuum in triumpho, quam rex ipſe Bituitus, diſcoloribus in armis, argenteoque carpento, qualis pugnaverit*. Uſurpavit & pro Britannorum curribus lib. III. c. 10. *Plena erant tumultu hoſtico littora, & trepidantia ad conſpectum rei nova carpenta volitabant*. At hoc currus Cæſar ipſe, unde ſua Florus hauſit, eſſe *da* vocavit lib. IV. Bel. Gal. cap. 33. Inde ipſum hoc deſcribens, quod à Floro dicitur, ſic habet c. 24. *At barbari conſilio Romanorum cognito, præmiſſo equitatu & eſſedariis, quo plerumq; genere in præliis uti conſueverunt, reliquis copiis ſubſecuti, noſtros navibus egredi prohibebant*. Ex quibus omnibus jam liquet, non unius eſſe generis, ſed varij, vehiculum, quod *carpentum* nominatur. Ut ignorem, quare *virum doctiſſimum*, hoc eſt Caſaubonum, vir itidem doctiſſimus reprehenderit in Commentariis ad Codicem Theodoſianum, lib. XIV. t. 12. quod *quodcunque vehiculum apud Hiſtoriæ Auguſtæ Scriptores carpentum vocari ſcripſerit*. Interim negari non debet, eſſe tamen genus aliquod, peculiariter ſic dictū, quod commune habet nil cum cæteris. De hoc conſtat quod ex parte fuerit cōtectum, vel ex Apulejo, qui ſic habet lib. X. *Metam. Spretis luculentis illis ſuis vehiculis, ac poſthabitis decoris præadarum carpentis, quæ partim contecta, partim revelata, fruſtra noviffimis trahebantur conſequiis*. Dicit manifeſte, *carpenta* partim contecta, partim revelata fuiſſe. Erat autem tecti ratio ſemicircularis, inſtar arcus. Unde quoq; *currus arcuati* dicta ſunt *carpenta*, ſi qua Lipſio eſt fides. Currus arcuatos Livius commemorat lib. I. c. 21. *Ad id ſacrarium Flamines bigis, curru arcuato vehi juſſit*. Jam Lipſius exponēs iſta in opuſculo de Veſta c. II. *Quis ille currus arcuatus? carpentum, id eſt tectum ſuperne, & camera in modum*. Bene, camera in modum,

hoc

hoc enim proprie *arcuatum*. Onomasticon Argentoratense: *Arcuatus*, καμαρωτός. Ergo currus arcuati, carpenta camerata. Sane arcuato tecto carpenta fuisse operta docet nos & carpentum Agrippinæ, cujus hodieq; species servata est in nummis. Ecce tibi eam, cum effigie carpenti, quod est Juliæ tributum, ex nummo Illustris. Comitum Magni de la Gardie, Regni Cancellarij.



Nummum Agrippinæ carpenti exhibere figuram docet nos vel Svetonius, quando ita de Caligula, filio Agrippinæ c. 15. *Instituit matri Circenses, carpentūq; quo in pompa traduceretur*. Porro liquet, hoc carpentum tecto arcuato superne fuisse clausum. neq; aliter se habet in carpento Juliæ. Nisi quis existimet hoc valuisse solum in carpentis pompaticis. Vere namq; nummi illi nobis exhibēt pompatica carpenta, uti postea ostendam. Sed tamen & Dionysius hac causâ videtur ἐγκύλιον vocasse. Verba ejus sunt lib. III, ubi agit de ostento, quod accidit Tarquinio proficiscenti Romam. Ἀετὸς τὸν πῖλον αὐτὸς τὸν ἐπὶ τῆς κεφαλῆς κείμενον ἀρπάσας ἀνω πάλιν ἀνέστη, κατὰ τὴν ἐγκύλιον αἰώραν φερόμενον. Hic non agitur de carpento pompatico, sed itineribus parato. Livius eandem rem sic memorat lib. I. c. 34. *Ibi ei carpento sedenti cum uxore, aquila suspensis demissa leniter alis pileum auferit, superq; carpentū cum magno clamore volitavit*. Quod Livio carpentum, quo Tarquinius facit iter cum uxore, id Dionysio ἐγκύλιος αἰώρα. Potest autem ἐγκύλιον esse dictum, sicut à Latinis *arcuatum*. Nisi τὸ ἐγκύλιον revera exponamus *contectum*. Nam habemus apud Hesychium, ἐγκυκλήσω, ἐγκαλύψω. Sed fortassis neutrum voluit Dionysius.

nysius, verum per ἐγκύλιον simpliciter vehiculū intellexit, quod incedit rotis, ἀκυκλώ, quod ἀκύκλοις h. e. rotis. Simili namq; ratione fecerunt & δίκυκλον, & τετρακύκλον, de quibus vehiculis jam alibi est dictum. Ut sic ex hoc loco nihil liceat producere ad cōfirmanda tecta in carpentis non pompaticis. Nam Dionis locus, quo de tectis illis agi Lipsius putavit, ne huc quidem pertinet. Verba Lipsij extāt in opusculo de Vesta c. II. *Quia igitur carpentum ita tectum & velut solidum perfectumq; vehiculum; Dio Cassius dixisse videtur & circumscriptis, ἄρμα ὅλον. Ut in honoribus Iulio Cæsari, tanquam Deo decretis: Ὑστερον δὲ τὸ ἄρμα ὅλον ἐν ταῖς ἱπποδρομίαις, μετὰ τῶν θείων ἀγασμάτων πέμπειν ἐγνωσαν.* Hic quia nominatur ἄρμα ὅλον, putavit Lipsius, significare carpentum penitus tectum, solidum, & perfectum. Quasi vehicula quæ nō fuerunt tecta, dicta sint μὴ ὅλα, & non perfecta, & perfectiora habita, quæ tecta. Atqui multa genera vehiculorum, interq; illa etiam non tecta, quæ tamen perfecta sunt in suo genere. Imo verò ἄρμα ὅλον hic est dictum in comparatione ferculi, quod Cæsari ante fuit decretum, sicuti ostendimus, cum de Ferculo ageremus, nec tam in respectu ad partes usurpatur, quam rei magnitudinem ac dignationem cum pondere nō minimo atq; emphasi declarat. Adde quod τὸ ἄρμα eo loco non carpentum sit, sed thensa, quod ne Lipsius quidem ipse nō vidit, quando dicta verba sic exponit: *Deniq; & currum integrum, sive thensam una cum Deorum statuis in Circum inferri decreverunt.* Sed nimirum is putavit, carpentū & thensam nō nimis diversa fuisse. At nos aliud ostendemus, quando thensas declarabimus. Quare manet adhuc dubium de tecto in carpentis vulgaribus, nisi quatenus ex Apulejo hoc colligitur. Sane Præfecti urbis carpentum nō fuit tectum, ut deinceps indicabo, sed nec de carpēto Tarquinij certi sumus, cum ipsi aquila sustulerit pileum sedenti in eo. At hoc fieri difficulter potuisse videtur, si carpentum fuit tectum. Nec tamen aperta omnia existimo fuisse, verum illa sola, quibus viri utebantur. Nisi forte ipsi illi viri essent delicati. Mulierum carpenta credo habuisse tecta sua, sic enim svadere videntur etiam pompatica carpenta, quæ vix est credibile tam longe structura sua recessisse à vulgariter receptis. Sed & ex Persarum haramaxis hoc colligitur, quas carpenta reddidere. Glossæ græcolat.

ἄρμαμαξα, *carpentum*. Erant quidem harmamaxæ peculiæ Per-
 farum. Unde Maximus Tyrius Serm. 34. θαυμάζεις τιάραν Μινδικήν,
 καὶ τράπεζαν βαρβαρικὴν, ἔαρμαμαξαν Περσικὴν. *Miraris tiaram Medicam,*
& mensam Barbaricam, & harmamaxam Persicam. Ethæc causa,
 quare Curtius suo, non Latino reddere vocabulo voluerit lib. III.
 E. 3. *Quindecim inde, quas armamaxas appellant, sequebantur.* Valla
 vertit *essedas* apud Herodotum in Polymnia. Xylander, vel quis-
 quis alius interpretes Dionis, *bigas* lib. LIX. Verum neutrum expli-
 cat τὸ ἄρμαμαξα. Proxime accedit *carpentum*, vel propter hoc ipsum,
 quoniam ἄρμαμαξα habuit lectum. Ita docet Plutarchus in The-
 mistocle, ubi de Persarum cura circa uxores pellicesq; custodien-
 das: τὰς παλλακευομένας ἰχυρῶς παραφυλάττειν ὡς ὑπὸ μινδενὸς ἐρᾶσθαι τῶν ἐκ-
 τὸς, ἀλλ' ἐν ταῖς ὁδοποιεῖαις ὑπὸ σκηνᾶς κύκλῳ περιπεφραγμένας ἐπὶ τῶν ἄρμαμα-
 ξῶν ὀχεῖσθαι. *Pellices anxia sepiunt custodia, ne à quoquam non dome-
 stico conspiciantur, sed in itinere sub tectis undiquaq; clausæ harmama-
 xis vehuntur.* Diodorus Siculus rem eandem memorans sic ait
 lib. XI. ἔθ' ὧν ὡς τὰ τοῖς πέρσαις τὸν ἀγῶνα πολλακῶς τῷ βασιλεῖ, κομίζεν
 αὐτὴν ἐπὶ ἀπῆνης κεκρυμμένην. Ubi nominat ἀπῆνην, quæ Plutarcho
 ἄρμαμαξα, quod observandum. Neq; tamen tectum scribit fuisse
 vehiculum, sed pellicem. Ut de harmamaxa videatur posse dubi-
 tari, cum Plutarchus quoq; memoret solummodo σκηνᾶς ἐπὶ τῶν ἄρμα-
 μαξῶν, hoc est, quasi tuguriola seu tentoriala super harmamaxis.
 Sed opinor sicuti carpenta, sic & harmamaxas generis non ejus-
 dem fuisse, alias tectas, alias apertas, vel potius apertis, quotiens ita
 visum esset, superne tecta potuisse imponi, hocq; factum esse, cum
 mulieres ipsis veherentur. Σκηνᾷ profecto, quas commemorat
 Plutarchus, explicari nequeunt, ut ad harmamaxas nihil referan-
 tur. Idem docet Xenophon lib. VI. Cyropæd. ubi de Panthea:
 καὶ αἱ θεράπαινα λαβῶσα αὐτὴν ἀπῆγον εἰς τὴν ἄρμαμαξαν, καὶ κατακλινάσας κατε-
 κάλυψαν τῇ σκηνῇ. *Ancilla capientes ipsam deduxerunt ad harmamaxam,*
ing, ea composuerunt, & operuerunt tabernaculo. Τῇ σκηνῇ ait, ut appa-
 reat de eo loqui, quo solenniter harmamaxa tegi consueverat. Pari
 modo quod de Dario refert Arrianus lib. III. Εἶς δὲ καὶ οἱ ξυῶ αὐτῶς
 τῶς μὲν ἐφ' ἄρμαμαξῆς διαβέον μετὰ σφῶν ἐκόμιζον: id sic reddit Curtius lib.

V. c. 12. *Rex captivus servorum suorum in sordidum vehiculum pellibus undiq; contextum imponitur.* Ἀρμάμαξα est vehiculum pellibus undiq; contextum. Justinus clausum vehiculum nuncupavit lib. XI. c. 15. *Cognovit Darium clauso vehiculo per noctem exportatum.* Habuerunt igitur auctore Plutarcho σιλωὰς, id est tecta, tuguriola, tentoriola, qualia & in carpentis ideo fuisse credimus, quoniam ἀρμάμαξαι sunt carpenta, sicut vidimus. Nisi quod in harmamaxis possent tolli, in carpentis forte non possent, quæ prima vehiculi utriusq; differentia fuisse videtur. Sed & hæc fortassis causa est, quare Herodotus appellaverit καμάρας lib. I. Nec enim de alio agere vehiculo vel inde colligo, quod de Babyloniis loquatur, tum adjectis Persico imperio, & à quibus, ut id genus alia, Persæ forsandicere. πολλὰ καὶ ἐκ ἀξιομέναι ἀναμίσγεσθαι τῇσι ἄλλῃσι, οἷα πλεῖστον ὑπερφρονέουσαι ἐπὶ ζευγέων ἐν καμάρῃσι ἐλάσασαι, πρὸς τὸ ἱερὸν ἰστᾶσι. Valla ita verit: *Ceterum quum pleræq; sint divitiis tumentes, quæ sui copiam facere recusent, hæc vehiculis cameratis vectæ, pro templo consistunt.* Ubi camerata vehicula, sunt tecta cameris, id est velut curvis fornicibus, sive arcubus, unde arcuata Livij exemplo possent nuncupari. Meminit hujus loci Pollux, & exponit σεγαστὰ ὀχήματα lib. X. c. 12. τὰ δὲ κατὰ σεγά & σεγαστὰ ὀχήματα καὶ καμάρας. οὗτω γὰρ ὀνόμασεν Ἡρόδοτος. *Tecta & operta vehicula & camara; sic enim Herodotus appellat.* Athenæus ab his καμάραις quædam Spartanarum virginū vehicula vocat κἀνάθρα καμαρωτά. Verba extant lib. IV. c. 7. τῶν δὲ παρθένων αἱ μὲν ἐπὶ κἀνάθρων καμαρωτῶν ξυλίνων ἀγμάτων φέρονται, πολυτελῶς κατεσκευασμένων. Ubi perperam interpretes: *Virginum autem aliæ canathris tectæ, aut sub fornice ligneorum currum vehuntur, magno sumptu ornatorum.* Quasi sermo sit de pluribus generibus, & canathra tantum tecta fuerint. Canathrum non tectum fuit, sed vehiculum Laconicum ex ligneis bacillis contextum: inde est, quod ἄγμα ξύλινον appellat. Nempe κἀνάθρον alias fiebat ex cannis, hoc est arundinibus, unde quoq; habebat nomen. Hesychius: Κάνναι, ψιᾶδοι, καὶ τὰ αἰ. ὑποτία πλέγματα, ἀφ' ὧν καὶ τὰ κἀνάθρα. *Canna, storea, & contexta Egyptiaca, è quibus sunt & canathra.* Atilla Laconica erant ex bacillis ligneis. Hoc amplius habebant quoq; tecta. Inde vocat non κἀνάθρα simpliciter, sed

κάναθρα καμαρωτά. Ubi καμαρωτά sunt camerata vel concamerata, quomodo & Germani mei hodie genus non ab simile *Kammerwa-* gen nuncupat. Nam quod Casaubonus κάναθρον in universum à Didymo exponi putat καμαρωτὸν ξύλινον ἄρμα ad dictum Athenæi locum c. 6. sine dubio erroneum est. Nam ne πείριθα vel ὑπερπερίθιν, vel ploxeium aut sirpiculum, quibus appellationibus alias venisse ait, tectum genus vehiculi ac ne vehiculum quidem significant. Itaq; hoc pertinet privatim ad Laconum κάναθρα. Hæc erant καμαρωτά, five tecta, non contextualiquo ex cannis, calamisve, verum lignis. Atq; hætenus revera carpentis similia. Rectissimeq; Casaubonus: *Cantharis Spartanarum virginum respondent Romanorum carpenta & pileta, quibus ad deorum ades femina vehebantur, item plebeja arcera & capsæ.* Quod de capsis & arceris adnectit, melius omisisse poterat. Nam *capsa* non vehiculum, sed ejus pars est, sicut alibi ostendi. *Arcera* vero nil commune habet cum carpento, ut proin utrique generi Spartanorum canathra non potuerint respondere. Verum de carpenti tecto satis. Rotas quod concernit eas vero habuere duas, si sic omnia fuere structa, sicuti pompatica. Plures certe non cernuntur in eorum imaginibus exhibitis superius. Neque tamen ausim hoc de cunctis affirmare. Nam Præfecti urbis video habuisse quatuor, ut post indicabo. Nescio quoque an ex eo fuerit genere, quod pependit inter rotas. Nam videtur velle, quod ἐγκύκλιον αἰώραν appellavit Dionysius. Αἰώρα certe Græcis, quicquid in sublimi suspensum est, ut fiscella, in qua caseus exsiccat, lectus pensilis, & id genus. Inde & Hesychius: αἰωρήσας, ἐκκρεμάσας; & Phavorinus: αἰωρῆμαι, ἐν αἰεὶ φέρομαι. Juvat, quod vehiculum fuit delicatum, maximeq; usurpatum mulieribus. Trahebatur vero carpentum à mulabus plurimum. Ideo habemus *carpentum mulare* apud Lampridium in Heliogabalo c. 4. *Facta sunt senatus consulta, quæ a sino veheretur, quæ carpento mulari.* Atq; *mulionem* ad carpentum apud Auctorem Viror. Illustr. c. 7. *Mulionem evitantem super ipsum corpus carpentum agere præcepit.* Loquitur de carpento Tulliae, Tarquinij uxoris, de quo agens Dionysius non modo & ipse nominat ὀρεωκόμον, i. e. mulionem, sed & mulas, deniq; quod La-

tinis omnibus carpentum est, hac de causa vocat ἀπὴν. Verba ejus extant lib. IV. στενὸν δὲ ὄντες πάνυ τῷ στενωπῷ δι' ἑταῖρον ἀπὴν ἐξελθεῖν, αἱ ἡμίονοι τὸ πτόμα ἰδεῖσθαι διαβάρηθσαν, ὃ ἐπρονέμεν. αὐτῶν ὀρεωκόμοι παθών τι ἐπὶ τὸ τῆς ὀφείας ἐλκεῖν ἐπὶ σῆ. Cumq; admodum angustus esset vicus, qua carpentum agendum erat, mulabusq; ad conspectum cadaveris pavifectis, ipse quoq; mulio, qui ducebat eas commotus esset tam miserabili spectaculo, &c. Nempe vehiculum mulare Græcis proprie ἀπλῶν. Scholiastes Pindari Olymp. V. ἀπὴν δὲ ἐστὶν ἄρμα ἐξ ἡμιόνων ζευχθέν. Apene currus est mulis junctus. Ad eundem modum habet Phavorinus, & Hesychius: ἀπὴν, ἁμάξα, οἱ δὲ ζευγ. ἡμιόνων. Apene, vehiculum; alij vocant bigam mularem. Aliquando dicitur λαπλῶν, vel λαμπλῶν. Quod posterius occurrit apud Pollucem lib. X. c. 13. ubi perperam lecticam explicarunt. Theodoretus Quæst. 60. in 3. Reg. λαμπήνν ἐίδος ἐστὶν ἄρμα μᾶζης, ὡς περ ἀνὰ ἀπὴν. Lampene, genus harmaxa, ut & apene. Atq; quia eadem fuere hæc vehicula cum carpentis, ideo & leguntur testata. Hesychius: λαμπήνν, εἶδος ἁμάξης, ἐφ' ἧς ὁχεῖνται. ἔνιοι, ἀπλῶν. ἡ ἁρμαμάζης περιφανὲς βασιλικῆς. ἡ ῥεδιον περικεφαλαιόμενον ὁ ἐστὶν ἄρμα σκεπασθόν. Sic puto locum valde depravatum emendandum. Veteres habuere ἀπὴν, ἡ ἁρμαμάζης, item, ἡ ῥεδιον περικεφαλὴν, ex quo fecere, ἡ ῥεδιον περικεφαλὴν ex Suida. Verum in priori mala est distinctio, in posteriori nimis longe omnia recedunt. ῥεδιον περικεφαλαιόμενον interpretor rhedā, quæ superne tecto rotundo velut galea est operata. Quomodo περικεφαλαιάν διφορεῖ ἁρμαλῆς Auctor Etymologici Magni exponit ἀνύστα, ut totius loci ea sit sententia. Lampene, species vehiculi, in quo vehuntur, (alij vocant apene) aut harmaxa nobilis & regia; aut rheda galeata, id est currus contectus. Nisi malis in postremis ἡ ῥεδιον περικεφαλὴν, cum sit apud Suidam ῥεδιον, & accipere de corona radiata, ut λαμπήνν sit ἀλάμπω, fulgeo, ac tandem legere ἡ ἐστὶν ἄρμα σκεπασθόν. Quicquid sit de lectione, hoc apparet, λαμπήνν vel ἀπὴνν esse vehiculum σκεπασθόν, id est, contectum. Id quod & de harmaxa discimus ex hoc loco, in quo λαμπήνν per ἁρμαμάξαν exponitur; Quemadmodum superius & à Theodoro factum. Neq; aliter Plutarchus in Themistocle, ubi de pellicibus Persarum: παραφυλάττειν, ὡς ἐπὶ σκηνὰς κύκλω περιπεφραγμένας ὅτι τῶν ἁρμαμαζῶν ὀχεῖδς. Τοιαύτης τῆς θεμις οὐκ εἰ καὶ ἀσκευασθείσης ἀπὴνν

ἀπίνης καὶ αὐτὸς ἐκομίζετο. Quod ante ἀρμάμαξαν, id post ἀπίνην nominat. Quamquam, cum adjiciat ταύτης ἀπίνης, id est, *hujusmodi apenes*, simul ostendit, non fuisse unum semper genus, sed ἀπίνην unam hoc, aliam alio modo fuisse paratam, id quod supra quoque, cum de apene Circensi vel Olympica loqueremur, testati sumus. Sanè, quoniam apene tecta fuit, ideò quod Seniores, ὅτι καὶ τὰ δῶρα αὐτῶν ἐν αὐτῇ Κυρίῃ ἐξ ἀμάξης λαμπηνικᾶς, id Interpres vetus vertit: *Obtulerunt munera coram Domino sex plaustrata tecta*. Omnes tamen trahebantur mulis vel mulabus, sicut ante diximus. Ideò Homerus ipse II. Ω. v. 324.

Πρόσθε μὲν ἡμίονοι ἔλκον τετρακύκλον ἀπίνην.

Ante quidem muli trahebant quatuor rotarum apenen. Atq; Apollonius Argonaut. lib. III. v. 840.

Εὐσυνμένως ὕψους ὑποζεύξαδ' ἀπίνην.

Festinatè mulos adjungere apene. Neq; aliter de harmamaxa Ctesias in excerptis apud Photium: Αἱ γὰρ ἄρξαι πλὴν ἀρμάμαξαν ἡμίονοι, ὥσπερ ἀναμένουσαι καὶ τὸν τῆ παιδὸς νεκρὸν, ἐκ ἧδεον πορεύεσθαι. *Nam mula, quæ harmamaxam trahebant, tanquam filii, cadauer expectarent, iter facere volebant.* In carpentis tamen credo usurpatos aliquando eqvos. Ita sanè videas in carpento Præfecti urbis in Notitia Imperii. Quamquam illud ipsum docere videatur, factum esse in carpentis viro- rum, non & mulierum. Quin imò & boves in carpentis legimus. Lampridius in Heliogab. cap. 4. *Facta sunt Senatusconsulta ridicula de legibus matronalibus, quæ asino veheretur, quæ carpento mulari, quæ boum.* Heliodorus tribuit & harmamaxis. Ita namq; habet lib. III. *Æthiop. ubi agit de Chariclea: Ἡ γὰρ μὲν γὰρ ἀρμάμαξιν ἀπὸ συνωρίδ' ὁ λευκῆς βοῶν ὀχεμένην.* *Vehebatur harmamaxa, quam jugum album boum trahebat.* Numerus animalium binarius plurimum fuit. Sic videmus in nummis, antea propositis, quibus carpenta exhibentur. Similiter ἀπίνην hac de causa ζεύγ' ὁ ἡμιόνων dicta Hesychio; Et Polybius in Excerptis XXXI. Καὶ τῶν ὀρεοκόμων, καὶ τῶν ζεύγ' ἐς, καὶ τῆς ἀπίνης αὐτῆς ὑπαρχούσης. *Mulionibus, & bijugis, & apene sua existente.* Sed & in harmamaxa paulò ante Heliodorus συνωρίδα λευκὴν memoravit, quo id ipsum indicatur. Συνωρίς enim duos tantum notat junctos sive eqvos, sive alios jugales, uti alias tradidimus. At carpentum Præfe-

cti Urbis in Notitia Imperii quatuor juncta habet animalia. Quod,
 opinor, accidit & in aliis. Usus carpentorum maximè spectabat ad
 mulieres, nominatimq; matronas honestiores. Apud Romanos sa-
 nè Tullia, Tarquinii uxor, qui deinde Rex est factus, usa carpento.
 Inde Livius de ea, *carpento in vecta in forum*, item, *carpentum flexit*
in Urbium vicum, item, *per patris corpus carpentum egit*. Quamquam
 ignorem, an tum pertinuerit ad alias, quam Reginas vel ex regia
 stirpe oriundas. Saltem libera Republica videmus impetrasse hoc
 peculiaris beneficii causa, quod conferendo in publicum omnem
 mundum suum civitati præstiterant, ut ex eo votum Apollini à Ca-
 millo nuncupatum solveretur. Meminit Livius lib. V. cap. 25. *Grata*
ea res, ut quæ maximè, Senatui fuit, honoremque ob eam munificentiam
ferunt matronis habitum, ut pileto ad sacra ludosque, carpentis festo
profestoque uterentur. Ergo, si is honor tum his habitus, carpentis
 antea non fuerunt usæ. Nec enim fuisset honor, si concessum esset
 id, quo ante utebantur. At temporibus belli Punici secundi con-
 suetudo ista est sublata. Nam Q. Fabio & T. Sempronio CSS. in-
 terdictum matronis, ne porro uterentur, quoniam ad ipsas portas
 urbis grassante Annibale inconueniens videbatur superbire mu-
 lieres, reliquis omnibus in timore luctuq; constitutis. Factaq; lex
 auctore Oppio, Tribuno plebis, *ne qua mulier juncto vehiculo in ur-*
be oppidove, aut propius inde mille passus, nisi sacrorum publicorum
caussa, veheretur, sicut idem Livius lib. xxxiv. cap. i. testatur. Quæ
 tamen lex vigesimo post anno iterum est abrogata, vel ob continu-
 as matronarum preces, ut vult Livius ejusdem libri cap. 8. vel ob
 earum conspirationem tacitam, quæ convenerant inter se, ne quæ
 uterum gereret aut pareret, nisi honor pristinus sibi redderetur,
 uti tradit Plutarchus in Quæstionibus Rom. Sic deinde mansit car-
 pentorum usus apud matronas. Quæ Romanorum, eadem vicina-
 rum gentium fuisse consuetudo videtur, maximè Latinorum, ut
 apud ipsos matronæ veherentur carpentis. Ideò L. Valerius cau-
 sam matronarum agens contra legem Oppiam apud Livium dicto
 libro, cap. 7. *At herclè, uni versis dolor & indignatio est, quum socio-*
rum Latini nominis uxoribus vident ea concessa ornamenta, quæ sibi
adempta

*adempta sint: Quum insignes eas esse auro & purpura, quum illas vehi per urbem, se pedibus sequi. Jam ut carpenta spectarunt ad matronas, ita nescio, an ad virgines etiam, apud Romanos. Nisi fortè ad Vestales, sicut quidem Lipsius existimat. Quamquam loca veterum, quæ pro hac sententia adducit, nihil evidentè probent. Nam Prudentius quidem de pilentis loquitur, quæ frustra Lipsius existimat à carpentis nil fuisse diversa. Plutarchus de Φορέῳ, id est, sella, vel lectica. Tacitus verò nullam Vestalium facit mentionem. Verba ejus XII. Ann. Suum quoque fastigium Agrippina altius tollere, carpento Capitolium ingredi, qui mos, Sacerdotibus & Sacris antiquitus concessus, venerationem augebat fœminæ. Hic Sacerdotes Lipsius existimat intelligendas de Vestalibus, quod equidem necesse non est. Magis inde quis colligeret, quod indultum ipsis fuerit jus omne matronarum. Quamquam hoc ab Augusto demum factum teste Dione lib. LV. ταῖς αἰσπαρήνοις πανθ', ὅσα περ καὶ τεκῶσαι ἔχον, ἐχαρίσατο. Vestalibus virginibus omnia, quæ matres habebant, indulsit. Ita ergo & indulsit iisdem, vehi carpentis. Nisi quis existimet, exolevisse tum carpentorum usum, receptis scilicet lecticis, quæ est Lipsii sententia. Sic enim ait ad superiorem locum Taciti: Olim commune fuisse videtur, ut matronæ vulgo carpentis uterentur ad sacra. Sed exolevit scilicet ille mos, utique post repertas lecticas, & mansit saltem in veneratione Sacerdotum Deorumquæ. Prima Messalina honorem hunc à Senatu cepit: Καὶ τῇ Μεσάλῳ, αἶτ Dio, πῶς προεδρίαν, ἢν καὶ διέβη ἐσχῆν, καὶ πῶς καρπένῳ χρῆσθ' ἔδοσαν. Et juxta eam Agrippina nunc, de qua idem Scriptor: Καὶ ἡ μὲν ταχὺ καὶ αὐτὴ Μεσάλῳ ἐγένετο, καὶ μάλιστα ὅτι καὶ τιμὰς ἄλλας τε καὶ πῶς καρπένῳ ἐν ταῖς πανηγύρεσι χρῆσθ' ὡς τῆς βελῆς ἔλαβεν. At hic multa sunt non satis proba. Primum enim totum falsum, quod carpentis scribit usas ad sacra matronas. Nunquam vehébantur ad ea carpentis, sed pilentis, ut deinde demonstrabo. Postea Messalinæ dicit primum datum honorem, ut carpento veheretur ad sacra, putatque se probare ex Dione. At verò Dio nil de sacris, sed simpliciter: Καὶ πῶς καρπένῳ χρῆσθ' ἔδοσαν. Sed fictamen postea. At verò ἐν ταῖς πανηγύρεσι non significat in sacris, verum in conventibus publicis, per quos fallor admodum, si non intellexit Circenses. Ludos genera-
tim*

tim reddidit interpres: *Vtque carpento ludis veheretur.* Casaubonus de hoc loco toto Dionis ita differit ad Svet. cap. 17. vitæ Claudii: *Narrat Dio, Senatū, accepto nuntio de subacta per Claudium Britannia, inter alios honores Claudio uxoriq̃ ejus Messalinæ tributos, permisisse Messalinæ carpenti usum. Supplendum autem diebus festis & ludorum Circensium, sicut supra scriptum de matre Claudii: Decernendum curavit matri carpentum, quo per Circum duceretur.* Putavit vir eruditissimus, fuisse similia ista Senatus consulta. Mihi secus videtur. Nam matri quidem Claudii carpentum decretum est jam defunctæ, at Messalinæ vivæ. Matri Claudii carpentum, quo deducere ejus post Deorum aliorum imago. At sic Messalinæ vivæ decretum non existimo. Certè *carpento per Circum duci* nihil aliud, quam in solenni pompa Circensi duci in carpento, quod in defuncta quidem aliter, quam de imagine ipsius, intelligi non potest, cum præsertim istoc de imagine confirmant nummi, qui imagines sedentes in carpentis illis habent, quod colligitur ex eo, quia cusi post earum obitum, quarum præferunt imaginem, & cum jam numerati essent inter divas. Hinc inscriptiones nummorum, quales de defunctis: *Memoriæ Agrippinæ, Memoriæ Domitillæ, Divæ Faustinae aternitas*, & ejusmodi. Neq̃ unquam, nisi de defuncta legas. Nam & de Caligula, cap. 15. *Matri Circenses, carpentumque, quo in pompa traduceretur*, quod ad honorem pertinebat jam defunctæ. Igitur hoc quidem genus nil ad Messalinam adhuc vivam. Quid ergo est, quod ei tributum est carpentum? An simpliciter, ut eo uteretur *diebus festis & ludorum Circensium*, uti Casaubonus ait, Lipsium fortasse secutus? At de his nil Dio. Non diebus illis inquit, sed verò ἐν ταῖς πανηγύρεσι, quod haud dubie ad certum referendum est negotium. Existimo autem, datum conjugibus Imperatorum, ut, sicut Imperatores ipsi pompam Circensem aliquando ducebant, sicut Magistratus eam comitabantur, ita ipsæ quoq̃ jus haberent in ea procedendi utendiq̃ carpento. Et hoc esse, quod sit datum Messalinæ primum, & mox non Paulinæ Lollia, quod memoria lapsus scripsit Casaubonus, verum Agrippinæ. Cæterum est aliud *carpento uti*, & *carpento uti in solenni pompa*, ut ex eo, quod tributum

tributum Messalina fuerit in illa pompa jus utendi carpento, Lipsius colligere non debuerit, carpentorum usum ista ætate penitus desuisse, neq; remansisse, nisi apud sacerdotes. Contra enim de illa ipsa Messalina, cum Claudius ex Britannica expeditione venisset domum, & haberet triumphum, Svetonius c. 17. *Currum ejus Messalina uxor carpento secuta est.* Sed nec Tacitus hoc docet. Non ait simpliciter, morem sacerdotum fuisse tum, utendi carpentis, sed carpentis ingredi Capitolium. Vulgo nempe cum venissent ad Capitolium, curru aut carpento exhibant, incedebantq; pedibus, reverentia loci. Soli sacerdotes proprium hoc habuere, ut una cum sacris ingredi carpento capitolium fas haberent. Itaq; usus carpentorum non mansit apud solos sacerdotes, neq; Messalina denuo primum habitus is honor, quod vult Lipsius. Et qui honores esse tantus potuit? Fatetur ipse Lipsius, obsolevisse usum carpentorum propter repertas lecticas. Si propter lecticas, ergo lecticæ in majori fuerunt honore, quippe quibus loco cedere coactæ sunt. Quomodo ergo retineri potuerunt *in veneratione sacerdotum deorumq;*, sicut ait Lipsius? quomodo per ejus usum augeri veneratio Agrippinæ? Non conveniunt hæc inter se, rem usu vulgata alia nova magisq; æstimata commutare, & tamen vulgata ista uti deinde ad dignationis suæ firmamentum sive incrementum. Quare Tacitus non aliter accipiendus est, quam ut dixi. Retinuerunt ex matronis carpenta, quotquot vellent, etiam post lecticarum usum. Id peculiare fuit institutum, quod carpento in Circensi pompa veheretur imago Liviae, quod carpento in eadem incederet Messalina, non enim aliis nisi diis deabusq; ac heroibus, itemq; viris qui in magistratu essent, hoc tributum. Item quod carpento ingredi Agrippina Capitolium permetteretur, quod alias concessum fuit nemini exceptis sacerdotibus ac sacris. Et quoniam retinuerunt, ideo legimus sub Heliogabalo factum esse Senatusconsultum *de legibus matronalibus, quæ asino veheretur, quæ carpento mulari, quæ boum*, ut Lampridius testatur. Nempe honoratius carpentum mulare, quam boum fuit. Ideo per ambitionem eo utebantur cunctæ, etiam fortunæ tenuioris. Quod emendare voluit Heliogabalus.

balus. Vehabantur autem mulieres carpentis communiter, & quotidie, nisi quando eundum esset ad sacra, tum enim pilentis utebantur. Unde Livius in verbis supra laudatis: *honorem cum matronis habitum, ut pilento ad sacra ludosq., carpentis festo profestog., uterentur.* Voluit hoc idem Festus, quando ait: *Pilentis & carpentis per urbem vehi matronis concessum est.* Non enim de promiscuo agit usu, verum tali qualem dixi. Jam quod de carpentis observavimus, idem pertinet ad ἀπλώας etiam Græcorum. Nam in ipsis quoq; vehabantur mulieres. Quomodo Nausicaa apud Homerum suo docet exemplo. Sed & Diodorus Siculus lib. XI. pellices Persarum vehi ἀπλώας facit. Ἐθεος γὰρ ὦν ὁ ἀπὸ τοῖς Πέρσαις τὸν ἀγῶνα παλαιῶν τοῖς βασιλεῖς κομιζεν ταύτων ἐπὶ ἀπλώας κεκρυμμένω. Quanquam hic ἀπλών proprie, quæ alias est harmamaxa, de quo genere notissimum, pertinuisse ad mulieres. Et jam pridem observavit vir eruditissimus, mihiq; amicissimus, cum viveret, Jo. Freinshemius ad Curtij lib. III. c. 3. ubi ait: *Currum hoc genus ad mulieres aliosq., molles proprie pertinuisse, exinde apparet, quod in omnibus Xenophontis locis, ubi harmamaxarum, ibidē & mulierum est mentio.* Quanquam cubuisse videantur in his harmamaxis, non sedisse, sicut in ἀπλώαις aut carpentis. Ita sane Xenophon lib. V. Cyropæd. ubi loquitur de Panthæa: αἱ θειράται ἀναλαβῶσαι αὐτὴν ἀπὸ τῆς οἰκίας εἰς τὴν ἀγμάμαξαν; καὶ καθελόντες κατεδάψαν τῇ οἰκίᾳ. *Ancilla abduxerunt ipsam ad harmamaxam, inq., ea compositam ad decumbendum operuerunt tabernaculo.* Nisi fors putamus, factum id rum ideo, quia Panthæa erat mœsta propter viri discessum. Nam Chariclia quidem in ea sedet, apud Heliodorum, ut ostendit facile totus locus. Tamen & Charicliæ harmamaxa videri potest non vulgaris, sed pompatica fuisse, cum ne tecta quidem fuerit, sicut alias solebant. Quanquam vero hæc vehicula spectarint ad mulieres, usurparunt tamen & viri. Ita observamus de carpentis, maxime cum iis faciendam esset iter. Ita Tarquinius vectus est carpento cum uxore Tullia, cum veniret primum Romam, ut ex Livio apparet. De Laterano Juvenalis Sat. VIII.

*Præter majorum cineres, atq; ossa volucris
Carpento rapitur pignus Lateranus --*

Sed & de ἀπλῶν hoc discimus ex Plutarcho, quando de Timoleonte: ὁ δὲ κομιζόμενος δι' ἀγορᾶς ἐπὶ ζεύγους, πρὸς τὸ θέατρον ἐπορεύετο. καὶ τῆς ἀπλῆς, ὡς περ ἐτύγχανε καθεύμενος, εἰσαγομένης διακούςας τὸ ζητούμενον ἀπεφάνετο γνώμῳ. *Ille jumentis vectus per forum ibat in theatrum. Introductaque apene, in qua sedebat, audiebat rem, de qua consulebatur, sententiamque dicebat.* Quanquam fecerit hoc Timoleon jam senex, & luminibus captus, quod fortasse sine observatione non prætereundum. Idem colligimus ex Luciano, quando in de Mercede Cond. facit, ea veli Philosophum cum cinædo. τὰ δ' ἐν ἄλλῃ, παρ' ὅλῳ τῷ ὁδῶν μυείας τὰς ἀνδίας ἀνάγειται, ὑπάρχοντες, & τερετίζοντες, εἰ δὲ μὴ ἐπέχεν αὐτοῖς ἴσως ἀν καὶ ὀρεχόμενος ἐπὶ τῆς ἀπλῆς. *Præterea hoc itinere molestias innumerabiles pertulisse sese (Philosophum) illo (Cinædo) cantante garrienteque, denique, nisi hominem coercuisset, etiam saltatum in apene.* Observamus & de harmamaxis. Xenophon lib. III. Cyrop. ἀναβάντες ἐπὶ τὰς ἀρμαμάδας σὺν ταῖς γυναῖξιν. *Adscendebant harmamaxas una cum uxoribus suis.* Quin imo videntur aliquando propria virorū significasse vehicula. Ita sane legimus apud Auctorem Etymologici Magni, qui propterea existimat harmamaxas esse nominatas. Ἀρμαμάξα ἡ πρὸς ἀνδρῶν καθεύδων κατεσκευασμένη ἄμαξα, ὅσον ἄρμα & ἄμαξα, ἢ ἀνδράμαξά τις ἔσται, ἢ ἀνδρας ἄρμα. *Harmamaxa currus paratus ut in eo viri sedeat, velut harma, id est currus, & hamaxa, id est plaustrum, aut andramaxa, id est currus virorum, qui vehit viros.* Varias dat rationes appellationis, inter eas illam quoque, quod fuerit ἀνδράμαξα, id est vehiculum, quo ducatur viri. Quanquā sine dubio hæc nulla sit, cum manifeste satis appareat, compositam esse vocem, non ab *arma* & *maxus*, uti habet Onuphrius, sed *harma* & *hamaxa*. Onuphrij hæc verba sunt lib. II. de Lud. Circens. c. 2. *Armamaxi erant curruum Scythicorum genera ex duobus veluti curribus compositi, & diversis rebus exornati, ut coronis aureis, thoracibus, clypeis exuviis, & similibus. Arma enim currus & maxus plaustrum significat.* Sic Onuphrius, in quibus tamen vix est aliquid, quod probari potest. Primum enim nūquam legitur ἀρμαμάξ & seu *armamaxus* in masculino, verum semper ἀρμαμάξα, *harmamaxa*. Deinde non est genus Scythicum vehiculi, sed Persicum ut superius ostendi. Nam quod legitur de Scytharum Nomadum

quibusdam regibus, quod sint vecti harmamaxis, huc nō pertinet, ut post ostendam. Sed & quod sic exornatas scribit fuisse, nescio an verum sit. Equidem intelligo hic agi nō de harmamaxis omnibus, sed iis, quæ solebant duci in pompa circensi. Verum de his ipsis ambigo, neque ductas ullas sic ornatas credo, vel omnino aliquas harmamaxas, nisi eas, quas Latini appellarūt carpenta, sive currus. Deniq; haussisse illas harmamaxas suas Onuphrium ex Dione puto, qui sic lib. LXI. καὶ οἱ ἐλέφαντες, οἱ τὴν τῷ Αὐγύστῳ ἀρμάμαζαν ἄγοντες ἐς μὲν τὸν ἱππόδρομον ἐσέλθον. Loquitur de elephantis, qui currum Augusti ducebāt. Ita enim Latini nominarunt, ut liquet ex Suetonio, qui sic clarissime c. II. Claudij: *Avia Livia Circensi pompa currum elephantorum Augustino similem decernendum curavit.* Fuit ergo currus id vehiculum, quod decretum Augusto in circensi pompa. Dio tamē harmamaxan vocavit, non quod harmamaxæ aliquæ ducerētur in circensi pompa, quod Onuphrius hinc collegisse videtur, sed quod harmamaxa sæpe vehiculū apud Græcos, cujus esset usus in pompa vel itinere splendidiore. Sic enim & harmamaxa dicta qua cadaver vehebatur Alexandri. Athenæus lib. V. c. 9. *Ἰερώνυμος δὲ δαυμάζεται ἐν τῇ καλασκευῇ τῆς ἀρμαμάξης, ἥ σὺν ἔβαινε καλακομιθεῖναι τὸ Ἀλεξάνδρου σῶμα.* Hieronymus admirationem sibi peperit ob fabricam harmamaxæ, qua corpus Alexandri deferri contigit. Quod autem Onuphrius harmamaxam vocatam scribit ab *arma* & *maxus* prorsus est erroneum, nam *maxus* vox est nihili, scribiq; *hamaxa* debebat. Nam *hamaxa* est *plaustrum*, & *harma* currus. Porro ex his intelligitur, quomodo harmamaxā compositā ex duobus velut curribus putaverit, videlicet ex curru, & ex plaustro. Atq; ita quoq; Dalechampius ad Athenæi lib. V. c. 9. Dicit enim fuisse vehiculum, *cujus forma partim currus fuit, partim plaustri.* Neq; tamen qualis illa forma compositiove fuerit declarant. Ego similem fuisse curru existimo cum propter fellam, in qua sedebant, tum propter jumenta, ut in curribus juncta equa fronte, plaustra vero propter longitudinem, & rotas quatuor, quas videntur harmamaxæ habuisse. Quicquid vero sit de hac re, harmamaxa virorum quoq; fuit vehiculum, & quidem usurpatum ad splendorem. Testem habemus etiam Herodotū, qui sic lib. VII.

ἔξῃλασε μὲν δὴ ἔτω ἐκ Σαρδίων Ἑέρξης, μετεκβαίνεσκε δὲ, ὅπως μιν ὁ λόγος αἰρέοι, ἐκ τῆ ἀρματος εἰς ἀρμάμαξαν. Quod sic vertit Valla: *Hunc quidem in modum Sardibus processit Xerxes, sed è curru, quoties ratio exigebat, in effedum transcendebat.* Ubi male effedum vocavit, quod est harmamaxa. Volunt autem hinc colligere, viliorem fuisse currum sive ἄρμα, quam harmamaxam. Quod ego non intelligo. Non enim credibile, viliori genere uti Xerxem voluisse, cum iter faceret per urbem. At expresse ait, Sardibus incessisse curru, sive ἄρματι. Quare non hæc fuit differentia, sed alia. Ἄρμα, hoc est currus pertinebat magis ad bellū, harmamaxa vero ad nēgocia urbana. Curru inibant prælia, non vero harmamaxa, in qua potius vehebantur molliter, vel si sic necesse foret, capiebant quoq; somnum. Xerxes igitur cum expediendum aliquid videbatur in exercitu, conscendebat currum sive ἄρμα, cum dabatur otium, conferebat se in harmamaxam. Ἄρμα ergo nō deterius aut vilius vehiculum, quāquam harmamaxa quoq; usurpata ad splendorem. Ideo & regibus adhibita, ut vidimus exemplo Xerxis. Et Aristides de Scytharum regibus quibusdam: ἐκ ἐφ' ἀμάξων περιήσαν, ἀλλ' ἀρμαμαξῶν νομάδες τινὲς βασιλεῖς. *Non in plaustris, verum harmamaxis Nomadum quidam reges circumvehebantur.* Uti nota, quod quemadmodum superius ab ἄρμασι seu curribus, ita hic ab ἀμαξαῖς seu plaustris distinguantur. Quod de harmamaxis diximus, interdum pertinet & ad ἀπλώας. Nam & illæ usurpata regibus. Saltem apud Homerum Priamus ea vehitur, Iliad. Ω. Ubi nota δίφρον in ea ut in curribus, & tamen fuisse τέτρακυνκλόν, ut plaustra. Quo efficitur ut & de harmamaxis aliquibus hoc suspicer. De carpentis eadem invenimus. Imperatores sæpe iis vecti regesque. De Constantio Ammianus lib. XVI. *Insidebat aureo solius ipse carpento, fulgenti claritudine lapidum variorum.* Simile Heraclij carpentum, quod expressum nummo, & à Lipsio propositum inde de Cruce III. hic exhibemus.



Multa hoc carpentum habet notabilia, & quæ docēt, harmamaxis non dissimile fuisse. Primum enim cernitur in eo σκηνή seu tuguriolum in fronte fastigiatum, sicuti σκηνάϊ consueverunt. Deinde factū id tuguriolum apparet ex pannis pretiosis, ut sit vero simile, tolli ac reponi potuisse. Sed & à fronte vela habet utrinq; remota suspensaq;, unde colligitur, eis obductis potuisse claudi. Etiam aulea habet picta, quibus in ambitum est ornatum. Plane sicuti de iis testatur Diodorus lib. XI. aitq; fuisse πολυτελέσι περιεβάσμασι κεκοσμημένας, *pretiosis auleis exornatas*. Ad postremum rotis quoque incedebat quatuor, plane sicut de ἀπλῶν supra demonstravimus, & de harmamaxis vel ex nomine suspicionem fecimus. Etiam Galloꝝ reges iter facere carpentis consueverunt. Eginhartus vita Caroli de Rege Francorum: *Quocunq; eundum erat, carpento ibat*. Sed præcipue hic honos fuit apud Romanos magistratuum, videturq; curru antiquo,

tiquo, unde dicti sunt curules, successisse sub Imperatoribus carpentum. Primum autem ita vectus est Præfectus Prætorij, auctore Cassiodoro lib. vi. Var. in formula Præfecti Prætor. ubi de Josepho, quem Prætorij Præfecto comparat: *Ipse primum hujus dignationis infulus consecravit, ipse carpentum reverendus ascendit ad hoc glorie culmen erectus.* Et observavit jam lib. i. Semestr. c. 3. Petrus Faber. Quem tamen valde miror, voluisse hoc carpentum explicare per tribunal. *Duo potissimum prætoriana præfectura insignia in veterum auctorum libris agnovimus, carpentum sive tribunal, sella curuli magistratum & ordinariam judicum altius, & item gladium.* Et statim post: *De carpento sive tribunali Cassiodorus:* adducit dein verba nobis laudata. Atq; sic Savaro quoq; ad Sidonij lib. i. ep. ii. Sic enim habet ad ista Sidonij: *Tribunal industrium potestatum) id est carpentum Præfectorum prætorio.* Atq; addit rationes: *In eo enim, inquit, sedentes jus dicebant majores magistratus, antea pro tribunali.* Quod ut probet, dicit carpentum hoc Vopisco in Aureliano vocatum *judiciale carpentum*, additq; post: *Idcirco carpentum præfecti prætorio tribunal vocatur Cassiodoro, quod in eo, sicut prius in tribunali, ante carpenti sum jus dicerent majores magistratus.* Quæ omnia haud dubie ex Fabro hausit, quippe qui & ipse, quæ de carpentis altitudine prodit, colligit ex iis Cassiodori verbis, quæ superioribus immediate subdit; *Tribunal tuum ideo tam excelsum factum esse noveris, ut locatus ibi nihil humile abjectumq; cogitares.* Quasi quæ de tribunali dicit Cassiodorus, ea intellecta velit de carpento, remq; eandem prius carpentum, mox tribunal appellaverit. Quod tamen falsum esse vel ex eo liquet, quia intercedunt plurima inter ea, quæ de carpento, & ea, quæ de tribunali habet. Et quis unquam de carpento jus dixisse quenquam magistratum apud Romanos scripsit legitve? Deniq; carpentum adeo à tribunali differt, ut non possim non mirari, quenquã voluisse ista inter se miscere. Tribunal fuit ingens tabulatum forma quadrata, uti alias exposui. Id hic excelsum vocat, non quod carpentum esset, rectisve altis impositum incederet, sed quod revera extructum foret altius à terra. Sicut *celsum* hac de causa nominavit Juvenecus, uti supra demonstravi. Ecce tibi spe-

speciem in hoc Trajani nummo, quia plurimum ad rem intelligendam facit.



Id tabulatum, super quod Trajanus Imperator sedet in sella curuli, extructum altiuscule, atq; ut videtur, aulæis cinctum ornatumq;, tribunal est, quod non video, quo pacto possit quis formare in carpentum. Itaq; hic quidem lapsi sunt viri longe doctissimi. Carpentum nunquam fuit tribunal, nunquam ex eo jus dixerunt magistratus, verum vecti eo sunt honoris gratia, & inter ipsos primus Prætorio Præfectus. Nam & illud falsum, quod putavit Faber, fuisse hunc illius unius honorem, ac iccirco errasse Vopiscum, vel pro sella curuli posuisse, quando tribuit Præfecto urbis. Extant enim, quod jam observavit vir doctissimus Jacobus Gothofredus ad t. 12. lib. xiv. Cod. Theod. testimonia clarissima de Præfecto urbis quoque, quod carpenti jus habuerit. Omnium instar est, quod habet dictus supra Cassiodorus in formula Præfecti urbis lib. VI. Var. 4. *Carpento veheris per nobilem plebem.* Meminit & Symmachus, ipse Præfectus urbis lib. x. ep. 33. Quod si non esset, constaret tamē manifeste ex Notitia imperij utriusq;, in qua inter Insignia cum Præfecti Prætorij, tum Præfecti urbis carpentum refertur. Ut proinde vere proprieq; Vopiscus ita scripserit in Aureliano c. 1. *Vehiculo suo & judiciali carpento præfectus urbis vir illustris, ac præfata reverentia nominandus, Iunius Tiberianus accepit.* Ubi vehiculum & judiciaire carpentum ponit, non ut duo diversa, sed ut uno alterum explicetur. Nam cum vehiculi significatio sit generalis, quale vehiculum intelligat, putavit adponendum, ac iccirco id *vehiculum* se dixit in-

nuere, quod est *judiciale carpentum*. Appellavit autē *judiciale carpentum*, non quod ex eo jus diceret, quod sine causa finxerunt Faber & Savaro, sed quod spectaret ad Judicem. Ubi per judicem intelligimus ipsum Urbis Præfectum, cujus pars non exigua, judicem esse atq; judicare. Unde Cassiodorus in Formula Præfecturæ Urbanæ: *Sic ergo locum tuum tracta, ut omnes te judicem honoratæ congregationis agnoscant*. Et paulo post: *Ditioni tuæ non solum Roma commissæ est, verum etiam intra centesimum milliariū potestatem te protendere antiqua jura voluerunt: ne tantæ civitatis judicem muralis agger includeret, cum Roma omnia possideret*. Hinc igitur *judiciale carpentum*, quod nimirum pertinet ad judicem honoratæ congregationis, ad judicem civitatis. Quo sensu etiam Rectori Provinciæ Ammianus tribuit, cujus verba postea adferemus Justinianus in Novella 70. de carpento isto loquens Græce nominat ἀπὸν, quod conveniens est iis, quæ in præcedentibus notavimus. Loquitur de Præfecto utroq; Prætorij & Urbis; id honoris ait delatum ipsis, ὡς ἐμὴν ἀλλὰ αὐτὸς ἡξιομένους τιμῆς ἀπὸν τε ἐποχομένους. Vertunt totum locum ita: *Renovamus igitur hujusmodi legem, sancientes ita libertate frui (eo honore à nobis ornatos) quatenus magno promeriti honore & in carpentis vecti, & clamores præconum audientes, insuper judiciales conscendentes sedes, hujusmodi fortuna liberi constituentur*. Quibus verbis observandum est distingui *vekī carpento*, & *judiciales sedes conscendere*, ac iccirco verum esse, quod superius attulimus de tribunali. Carpentum nempe non fuisse tribunal. Tribunal conscendisse, ac in eo occupasse judiciales sedes; carpento vero esse vectos. Quomodo & de carpento Aureliani Vopiscus: *Ibi cum animus à causis atq; à negociis publicis solutus ac liber vacaret, sermonem multum à Palatio usq; ad hortos Valerianos instituit*. Dicit, *ibi*, nempe in carpento, in quod à Tiberiano præfecto urbis Vopiscus fuit assumptus. In eo ait animum vacasse à causis, unde liquet manifeste, causas ibi cognovisse nullas, nullum jus dixisse, sed, quod sequitur, sermones inter sese miscuisse, atq; vectos esse. Fuit autem hoc carpentum paulo aliter, quam cætera, formatum, quod colligimus ex pictura ejus, quæ servata est in Notitia Imperij hoc modo.



Primum observamus hic in carpento Præfecti Prætorio & Urbis rotas quatuor, quales non fuere in carpentis cæteris, nisi forte Imperatorum. Deinde cernimus superne non *sellam curulem*, ut exponit Panciollus, quando ei nulla ratione similis, quod superiora docent, verum *arcuatam*, instar throni. Sic enim vocabant sellam istiusmodi. Glossæ veteres titulo de Supellectile; *Sella arcuata*, ὀφύς. Ubi ὀφύς notat sellam semirondam ex uno ligno, soliditatis gratia, quali utebantur Reges corporis custodiendi causa, ne quis à tergo vel lateribus facile ipsos posset adoriri. Isidorus: *Sedes proprie regni est, quod Græce ὀφύς dicitur. Item thronum Græci dicunt, nos solium, in quo Rex sedet propter tutelam corporis sui, secundum quosdam à soliditate dictum, quasi solidum, secundum alios per antistichon, quasi sodium à sedendo.* Illi alij, quos hic nominat, intelligendi sunt de solo Aspero, qui hoc censuit. Discimus ex Servio, qui sic lib. VII. *Æn.*

Solium est veluti armarium de uno ligno ad regum tutelam factum, secundum alios à soliditate dictum, secundum Asperum per antistichon quod solum unum capit, quasi sòdium à sedendo. Tale igitur sive solium, sive thronus, sive sella arcuata est in carpento antea proposito. Unde ἄντυξ est in Epigrammatis lib. II. c. 5. titulo εἰς Θερμίσιον τῖνα, Φιλόσοφον, γενόμενον ὑπαρχον πόλεως ἐπὶ Βαλεντινιανῆς καὶ Βαλεντίνου, i. e. In Themistium quendam, factum Urbis Præfectum sub Valentiniano & valente. Verba hæc sunt:

Ἄντυξ ὁ ἑρμῆνης ὑπερήμενος εἰς πόθον ἥλθεος.

Ἄντυξ ὁ ἀργυρέης αἰχῆς ἀπειρέσιον.

Docet titulus, sermonem esse de Præfecto urbis, cui cum tribuatur ἄντυξ, dubium non potest esse, quin sit sermo de carpento. Jam vero ἄντυξ proprie est sellæ curvatura in curru seu carpento. Hesychius: Ἄντυξ, ἄρματός περιφέρειαν. Auctor Etymolog. Magni. Ἄντυξ ἢ ἀνωτάτη περικεφαλαία τῶ ἀρματὸς δίφρου. Talem ergo intellexit auctor Epigrammatis & in carpento, ac ex ea integrum appellavit. Equidem non nescio, ἄντυξ esse proprie in sella currus militaris, ac antrorsum flecti; quia tamen ei fuit similis curvatura carpenti, nec flexa retrorsum, mihi non est dubium, quin eam auctor Epigrammatis intellexerit. Docet autem dictum Epigramma, carpentum illud cultum fuisse argento. Namq; ἄντυξ ἀργυρῆς est *argenteum carpentum*. Atque meminit argenti hujus in carpento illo Symmachus lib. X. ep. 33. ad Theodosium: *Cum clementia vestra meminisset, faciendæ carrucæ impendium de sacro arario esse decretum: censuit ut ejus argentum publicis conditis redderetur, D. Imperator. Sed ex aminis reperit fides, ex aliis titulis assumptam speciem, quam vehiculi ornatus accepit. Habes aperte argentum ad vehiculi ornatum. Vocat equidem vehiculum carrucam: verum intelligere carpentum, cum superiora docent, tum quod apud ipsum sequitur: ex Argentariorum parsimonia argentum jussu operi ministratum est. Cujus solutio, si carrucæ usus maneret, de thesauris Imperialibus jure peteretur. Sed nunc carpenti novitate sumpta suum quisq; deposcit. Hic enim quod carrucam ante nominavit, postea carpentum explicat. Cultum alium majoremq; instituerat Gratianus, &, quod suspicor, ipsam carpenti formam veterem*

immūtaverat; sed impetravit Symmachus à Theodosio & Arcadio, ut usus ejus aboleretur. Docet integra ad imperatores dictos epistola, quæ est libri X, 13. ubi vocat *peregrinum ac superbum vehiculum, cujus cultus insignior est, & quo moderator urbis tanquam Salomoneus alius invehitur*. Præter utrumq; hunc præfectum carpento usum testatur Cassiodorus etiam Vicarium urbis. Ita namq; habet in formula Vicarij Urbis Romæ, quæ legitur lib. VI. ver. 15. *Ad similitudinem summorum carpento veheris*. Uti per *summos* intelligere illos ipsos Prætorij Urbisq; Præfectos arbitramur. Præter summos hosce magistratus carpentis quoq; utebantur sacerdotes, quod ex Tacito jam supra vidimus. Qui Annali XII, de Agrippina: *Summ quoq; fastigium Agrippina altius tollere, carpento Capitolium ingredi, qui mos sacerdotibus & sacris antiquitus concessus*. Ubi per sacerdotes non tam Virgines Vestales, quod facit Lipsius, quam revera sacerdotes viros, præsertim Flamines existimo intelligendos. Quos cum alias carpentis vectos arbitror, tum præsertim cum in Capitolium deducerent sacra, nemini conspicienda. Hoc enim fieri optime in Carpentis ædificiis scilicet superne, poterat. Erat autem ille carpentorum usus, si respicimus matronas, ad itinera quotidie in urbe facienda. Ita videmus ex Tullia Tarquinij, quæ in publicum proditura utitur carpento. Sed & decreto Senatus hoc innuitur, quo conceditur eis carpentorū usus festis profestisq; diebus. Postea translata sunt & in pompam Circensem, primum ut imagines defunctarum Augustarum eis veherentur, qualia carpenta ideo Isidorus appellavit *pompatica*. Hoc enim peculiare habebant Augustæ, quod ipsarum imagines veherentur carpentis, cum Augustorum veherentur curribus. Svetonius in Caligula, c. 15. *Instituit matri Circenses, carpentumq;, quo in pompa traduceretur*. Deinde ut ipsæ vivæ una cum magistratibus in pompa cum carpentis incederent, quod ambitioni Messalinæ primum datum in superioribus ostendimus. Viri utebantur carpentis partim ad itinera commodiora, partim ad testationem muneris ac dignitatis, qua ornati essent in republica, ut supra vidimus. Et hæc etiam de harmamaxis apud Persas, & apenis apud Græcos possunt observari. De quibus plerisque jam in præcedentibus monuimus.

Cap. XVIII.

De Cifio.

Cifia, unde. Vossius rejicitur. Διτροχον. Cum rotis duabus incedunt. Pincianus notatur. Gestatorium vehiculum speciali notione, quod non est onerarium, veteribus incognitum. Ad ciseum mula tres. Vehiculum est virorum. Ad itinera celerrime conficienda idoneum. Seneca lectio vetus restituta. Cisiarij pravertere se mutuo studebant. Vlpianus exponitur. Cifia conductitia. In cisis tabellarij. Tabellarij domestici. Cifia peregrinantium disposita inter urbes. Cur Gallis cifia tributa.

AD vehicula, quæ binisolvebantur rotis pertinent & cifia, ut mox indicabo. Mentio eorum apud Tullium Philippica II. *Inde cifio celeriter ad urbem advectus, domum venit capite involuto.* Item Senecam ep. 72. *Quædam sunt, quæ possis & in cifio scribere.* Unde nomen suum hæc vehicula habuerint, incertum est, nec de eo veteris alicujus sententiam invenimus. Vossius de eo sic in Etymologico suo: *Dicitur à cado, quasi cæsum, quia duæ rotæ quasi recisæ.* Putat, quantum conjicio, inde suum habuisse nomē, quod non haberet, sicut alia non pauca vehicula, rotas quatuor, verum duas tantum, duabus recisis, id est sublati. Sed jejenum nimis hoc videtur, nam & alia sunt vehicula cum rotis duabus, & cur tandem in cifio solo recisa debeant intelligi, ratio non potest dari aliqua idonea. Ego arbitror à cito esse dictum, id est prompto celeri, quia vehiculum fuit, quo celeriter confici potuit iter. Quod jam liquet ex superiori loco Ciceronis, & mox amplius monstrabitur. Nempe sicuti à novus, a, um factum est novitius, a, um; ad eundem modum & à citus, a, um existimo formatum citius, a, um, postea pro citio svavitatis causa dictum esse ciseum. Ut proinde ciseum adjectivæ sit significationis, in quo intelligi debeat vehiculum, & significet vehiculum citum, quo celeriter fiat iter. Quæ illius apud Græcos appellatio extiterit, hucusq; necdum exploratum est. Διτροχον, pro eo invenimus in Antiquis Lexicis, ut mox dicam. Sed commune hoc vocabulum cum multis aliis vehiculis. Structuram quod concernit, primum duas habuisse rotas observamus ex Nomio, qui sic ha-

bet cap. 2. *Cisium*, *vehiculi biroti genus*. Vehiculum *birotum* est, quod binas habet rotas. Itanamq; generatim hic accipere debemus, non privatim de *birota* de qua egimus in præcedentibus. Porro Nonium sequitur & Perottus. Confirmatq; utriusq; sententiam Onomasticon vetus Argenteratenſe, in quo ita legitur: *Cisium*, *διτροχον*. Errat ergo Pincianus, quando explicat *vehiculum gestatorium*. Verba ejus sunt, ad indicatum supra locum Senecæ: *Est cisium genus vehiculi gestatorij, autore Nonio Marcello*. Nihil tale Nonius Marcellus, uti vidimus, *biroti* genus ait esse. Sed nec locus Ciceronis ex Philippica II. nobis quoq; in superioribus allatus, tale quidquam docet. Sed fortasse *gestatorium* vehiculum accepit pro eo quo vehuntur homines, & opposuit *oneraris*. Quomodo jam factum à Corraſio lib. III. Misc. c. 20. *Sciendum*, ait, *ex vehiculis aliqua oneraria esse, vehendis marmoribus, & grandi materia accommodata, ut plaustrum, sarracum & carpentum: alia gestatoria ad vectandos homines, veluti carruca, rheda, effedum, cisium, petoriturum, pileantum, & cætera id genus*. Ubi & Corraſius inter gestatoria vehicula *cisium* numerat. Verum aliter fecere veteres. *Gestatoria* vocarunt, quæ portantur, & opposuerunt illis, quæ trahuntur. Ita habemus *sellam gestatoriam* apud Svetonium in Nerone c. 26. & Vitellio c. 16. item Coelium Aurelianum lib. I. c. 5. & alios. Quandoq; pro lecticis ponuntur, ut apud Sidonium lib. VIII. ep. 8. ubi *gestatorie bræteatæ*, lecticæ videntur. Quicquid sit, hoc plane constat, *cisium* incessisse rotis, non fuisse gestatum. Ad hæc rotas habuisse non plures, quam duas. Fuit porro in *cisio* capsûm, quale veteres vocarunt *ploxemum*. Ita docet Festus, in voce *ploxemi*: Verba hæc sunt: *Ploxinum appellari ait Catullus capsûm in cisio capsamve, cum ait: gingivas veroploxini habet veteris*. Testatur manifeste, *ploxinum* in *cisio* fuisse. Dicebatur autem *ploxinum*, sive *ploxenum*, aut *ploxemum* (his enim modis omnibus reperitur scriptum) quod esset non ex tabulis conjunctum, sed contextum ex virgultis aut viminibus, quod jam loco alio monstravi. Lique igitur, vehentes sedisse in ejusmodi *ploxeno* contexto è virgultis, sicut hodieq; fieri per Daniam consuevit. Videntur autem tali genere in eo uti voluisse,

quia

quia servire celeritati debuit, ut mox dicam. Reliqua enim magis ponderosa. Trahebatur vero à mulabus, quod colligo ex carmine veteri, quod est inter Catalecta Virgiliana, scripto in Sabinum:

*Sabinus ille, quem videtis hospites,
Ait fuisse mulio celerrimus
Neq; ullius volantis impetum cisi
Nequisse præterire* -- --

Dicit hunc Sabinum præterire cisia omnia potuisse, quod intelligendum est de cisis ipsius. Sic enim solebant, contendentes inter se, ut mox demonstrabo. Porro eum Sabinum appellat mulionem; unde constat, mulas in cisis suo habuisse. Id quod amplius ostendunt sequentia, ubi nominatim appellat,

-- -- *Læva, sive dextra
Stringere mulas, sive utrumq; cæperat.*

Numerus mularum videtur fuisse ternarius, quoniam Aufonius *trijuge cisum* appellat epistola 8. Ita vero habet:

Vel cisis trijugi, si placet, insilias.

Vix potuisset hoc modo vocare, nisi valde fuisset receptum, mulas tres in cisis adjungere. Utrum autem æqua fronte fuerint adjuncta, num vero duas conjugatas una antecesserit, an pro se quælibet una post alteram cucurrerit, haud dixerim. Quoniam de eo nihil apud veteres occurrit. Vehebantur iis viri. Sic colligimus ex Cicero-
ne, Aufonio, Carminis incerto auctore de Sabino, & aliis, qui ubiq; quando cisiorum mentionem faciunt, viros tantum memorant in ipsis, nunquam feminas. Pertinebat autem ad itinera extra urbem, non quovis modo, verum cum celeritate facienda. Ita supra Cicero de Antonio: *Perpotavit ad vespertum: inde cisis celeriter ad urbem advectus domum venit, capite involuto.* Et adhuc clarius in pro Sex. Roscio: *Decem horis nocturnis sex & quinquaginta millia passuum cisis pervolavit.* Ubi nota; quod ad denotandam maximam celeritatem *pervolasse* dicat. Et solebant sic de cisis, hanc ob causam. Auctor sæpe laudatus de Sabino in Catalectis.

Neque

Neg, ullius volantis impetum Cisi

Nequisse præterire -- --

Atq; quoniam cum ciso celerrime non tam currebant, quam volabant, ideo non sine causa dubitatur de correctione Pinciani apud Senecam eoloco, quem superius produxi. Scribit ipse: *Quedam sunt, quæ possis & in ciso scribere.* At libri veteres non parum variant: alij *incise*, alij *incedendo*, alij *in circo* habent, ut notarunt viri docti. Et *in circo* mallet Lipsius, nec Grutero displicet. Sane quomodo in ciso celeritate tanta volante scribere quis potuerit, non video. Et opponuntur huic, quicquid sit, *lectus, otium, secretum* apud Senecam, quæ non pugnant adeo cum *ciso*, in quo & otium potest esse & secretum. At non sic in circo. Quanquam cur omnino circum nominare hic debuerit, non videam. Quare mihi potius videtur, *incedendo scribere*, quod & meis in membranis legitur. Accipio autem illud *incedere*, non tam de incessu pedestri, quam qui fit cum sella, vel lectica, quomodo & qui vehuntur equo, *incedere* dicuntur Virgil. V.

Incedunt pueri, pariterq; ante ora parentum

Frenatis lucent in equis -- --

et in sellis ac lecticis scribere consuevisse, dum gestantur per plateas, alibi monstravimus. Quoniam vero festinatione tanta properabant suis cisibus, propterea quotiens simul plura ibant, unius auriga prævenire alterum studebant. Quo respexit Auctor carminis in Sabinum, quando *nullius cisi, licet volantis impetum non præterire potuisse* dicit Sabinum istum. Fuit autem necessarium hoc casu, ut interdum cisium everterent. Hinc quæstio apud Jurisconsultos, quæ teneatur actione istiusmodi auriga, qui occasione hujuscemodi evertit cisium, & servum, quem vehebat pro mercede, attrivit. Respondetq; Ulpianus, actione locati posse conveniri. Verba sunt in l. 13. ff. Locat. *Item queritur, si cisiarius, id est carrucharus, dum cæteros transire contendit, cisium evertit, & servum quassavit vel occidit: puto ex locato in eum esse actionem.* Patet ex hac ipsa quæstione inter Jurisconsultos agitata, fuisse non insolitum, sed frequentem casum, unde sequitur, solenne illud studium alterius præveniendi

ac prætereundi alterum fuisse. Discimus vero ex hac lege illud amplius, fuisse ista cisia non modo singulis propria, sed publice quoq; conductitia, quæ sub mercede certa solebant elocare. Indonãq; actio ex locato nascebatur. Ac videtur cisia hujusmodi disposita habuisse passim publicis in viis, & extemplo potuisse conduci ab iis, qui faciebant iter. Ideo namque supra Cicero agebat nescio quem decem horis nocturnis tot millia passuum pervolasse *cisis*. Non dicit *cisio*, in singulari, verum *cisis* in plurali, ut una eademq; nocte, ac spacio paucarum horarum plura cisia conduxisse ac conscendisse necesse sit. Fieri hoc vero aliter vix potuit, nisi ea, quam prædixi, ratione. Consueverunt autem cisis uti frequentissime litterarum perferendarum gratia. Observamus ex prædicto Ciceronis loco. Nam post verba, quibus Antonium Romam advolasse scribit cisio, & venisse domum, specie tabellarij, subdit: *Ianitor* (qui scilicet ædes, ad quas venerat, custodiebat) *quis tu?* Respondet Antonius: à *Marco tabellarius*. Neq; aliud colligitur ex Orat. pro Roscio Amerino: Adscribam verba: *Occiso Sex. Roscio primus Ameriam nunciat Mallius Glaucia quidam, homo tenuis, libertinus, cliens, & familiaris istius T. Roscij: & nunciat domum, non filij, sed T. Capitonis inimici*. Subdit postea, quomodo paucis horis nocturnis tot millia confecerit, ut supra vidimus. Pertinebant igitur ad nuncios & tabellarios, & fortassis hæc est causa, cur in lege antea allata mentio sit facta servi. Scilicet servorum fere munus fuit apud veteres, ut epistolas huc illucq; perferrent: Cicero lib. XI. epist. II. *Eodem exemplo littera à te mihi redditæ sunt, quo pueri mei attulerunt*. Idem lib. XIV. ep. 5. memorat Acastum servum suum cum litteris uxoris amicorumq; ad se Roma missis Athenas, quod iter confecit spacio uno & vicesimo die. Atque idem alij testantur. Atq; hi fortassis *tabellarij domestici*, quos idem memorat lib. II. ep. 7. Porro consuevisse hos vehiculis ire novimus & ex Petronio, qui sic habet: *For san pernoctassemus in limine, ni Tabellarius Trimalcionis intervenisset decem vehiculis dives*. Quæ vehicula jam scimus ex superioribus plerumq; cisia fuisse. Habebant tamen alias quoq; cisia, quæ solenni itinere inter urbes certas commeabant, & ultro citroq; de-

ferebant peregrinantes. Talia memorat, quæ petebant Mantuam, item Brixium auctor sæpe nominatus carminis de Sabino.

*Neg, ullius volantis impetum cisi
Nequisse præterire, siue Mantuam
Opus foret volare, siue Brixium.*

Quinimo per Galliam illam universam isto genere fecisse iter videntur, quæ vocatur Cisalpina. Unde item:

*Cremona frigida, & lutosâ Gallia
Tibi hæc fuisse, & esse cognitissima
Ait Sabinus, ultima ex origine.*

Atq; hæc opinor causa est, cur Scaliger in Notis ad hunc locum: *Cisium proprium fuit Gallie Cisalpinæ vehiculum.* Item cur Quintilianus lib. I. c. 5. Catullum dixerit ploxeni vocabulum invenisse circa Padum. *Catullus, inquit, ploxenium circa Padum invenit.* Ubi invenit nō significat excogitavit, sed cum in usu ibi esset, primum audivit, primum ibi didicit. Et hæc quidem de cisio.

Cap. XIX.

De Plaustro.

Plaustrum unde. Varro, Vossius, & Scaliger refutantur. Plantum quid. ἀμαξα. Varro corrigitur. Hamaxa. In plaustro rota duæ. ἀμαξα τετρακυκλ. & ἑξακυκλ. Plaustra majora. Rota. Plaustrorum tympana. Quomodo pellucida plaustra. Plaustra tecta. Iustini lectio defensa. Versio Hippocratis rejecta, ipse expositus. Quædam plaustra tecta ex parte. Μέρος ἑξήγασμένον. Pollux emendatur. Carpentæ pro plaustris. Convolvere carpentæ. Ammianus exponitur. In plaustris lecti. ἀμαξα τετρακυκλ. Erasmus notatur. Boves ad ea juncti, vel muli. ἀπὸ πλινθεῖο plaustro, & quare juncti etiam asini. Semper fere bini. ὀντάποδες. ὄντρος. Usus plaustrorum ad onera in agris. Vehiculum vulgatum usu. Curtij lectio vetus defensa. Vulcanij versio Ammiani rejecta. Currus pro plaustro. Vina in plaustris, & oleum, & lapides. Spartianus explicatur. Plaustra onusta urbem ingredi prohibita. In plaustris columna lapidea, arboresq;. Gementia, stridentia plaustra. Gravida, onusta, inania, vacua. In plaustris sarcinæ militares. Vehicula cohortis. Ar-


ma in sarcinis. Curtius explicatur. Balistæ in plaustris. Rigaltius notatur. Plaustra peditibus præcipue serviebant. Naves in plaustris. Quandoq; & homines. Vehere, ire plastro, junctis bobus. Boves, muli juncti. Columella explicatur. Vulcanij versio Arriani rejicitur.

AD id genus, quod instructum rotis est duabus, plaustrum quoque referendum. Id Varro putat dictum, quod in eo cuncta sint palam, atq; cerni possint, quæ vehuntur. Ita namq; ait lib. IV. de LL. *Plaustrum ab eo, quod non, ut in his, quæ supra dixi (arceris) sed ex omni parte palam est, quæ in eo vehuntur, quod perlucet lapides, asseres, tignum.* Existimavit igitur, quantum intelligo, *plaustrum* esse dictum veluti *palastrum*. Sed repugnat, quod non *plaustrum* modo dixerint veteres, verum quoq; *plostrum*. Cato sic frequenter in de R. R. ut c. 3. *Vendat lanam, pelles, plostrum vetus. c. 5. Tarram cariosam caveto ne ares, ne ve plostrum, ne ve pecus impellas.* Et sic locis aliis. Neq; aliter solebat Fl. Vespasianus, improbante licet Floro, forsan ipsa ista motus ratione, quod deductum vocabulum à *palam* existimaret. Sveton. c. 22. *Mensorium Florum consulare, admonitus ab eo plaustra potius, quam plostra dicenda, die postera Flaurum salutavit.* Apparet, Vespasianum improbasse hanc sententiam, & excepisse risu. Ac profecto invenimus ipsum Tullium scripsisse *plostrum*. Ut in III. Ver. *Omnia ex fanis, ex locis publicis, palam spectantibus omnibus, plostris eventa asportataq; esse.* Prætulit & Probus ad Horatij lib. II. Sat. 3. Confirmat quoq; factum ex *plostro*, *plostellum*, quod *plaustellum* nusquam legitur. Jam vero *plostrum* à *palam* non potest derivari, unde liquet, haud probari posse sententiam Varronis. Audiamus Isidorum: is de plastro ita sentit: *Dictum plaustrum quia volvitur, quasi dicas (ita scribo, non dicat) pilaustrum.* Sed non video, quomodo illud *pilaustrum* indicet, quod volvatur. Vossius existimat respexisse *pilam*, id est, *spheram*. Verum *pila* etiam, rotunditatem quidem monstrat, motum vero ac revolutionem non monstrat. Forte magis respexit Græcum *πολεΐδαι*, sed sic rectius *polaustrum* scripsisset. Deniq; volvuntur etiam reliqua vehicula, ut vix dari possit ratio, cur in solo plastro voluerint attendere. Adfert quoq; Scaliger sententiam, nam vel à *palando* id est

extendendo ait dictum, vel à plaudenda terra, quam posteriorem derivationem etiam Vossius amplectitur. Nobis plaustrum dici à planto videtur, quia vehiculum fuit latum, id est, non in ambitum structum tabulis, aut cum sella superne, verum planum. Plantum enim apud veteres seu plotum, quod latum est & planum, à πλατός, quomodo & Germani, Belgæ, alijq; platt usurpant. Ita Plauti dicti canes. Festus: Plauti appellantur canes, quorum aures languide sunt & flaccide, ut latius videantur patere. Ita plauti homines cum planis latisq; pedibus. Festus idem: Ploti appellati sunt Umbri, pedibus planis quod essent. Ab hoc plauto ergo sive ploto, plaustrum est & plostrum. Græci appellantur ἀμαξάν. Philoxenus: Plaustrum, ἀμαξα. & paulo post: Plostrum, ἀμαξα. Varro de. L. L. Septem stellas Græci, ut Homerus, vocant ἀμαξάν, nostri boves & triones. Et plaustrum appellatum, à parte totum, ut multa. Ita lego, & distinguo, non, ut habent vulgo: ut Homerus vocat. Hyginus: Majorem arcum complures plaustro similem dixerunt, & ἀμαξάν Græce appellantur. Idem colligas ex scriptorum locis aliis. Ut cum Livius de L. Albini pietate ita scribit lib. V. c. 4. In eo cli vo eas cum L. Albinus de plebe Romana homo conspexisset, plaustro conjugem ac liberos vehens, &c. Plutarchus hoc sic reddidit in Camillo. Ἐν ταῦθα Λέωνι ὁ Ἀλβίνος, ἀνὴρ δημοτικός, ἐν τοῖς φεύγουσιν ἔτυχε τέκνα νήπια καὶ γυναῖκα μετὰ χημάτων ἀναγκάων ἐφ' ἀμάξης ὑπεκαρρίζεν. Vocat ἀμαξάν, quod Livius plaustrum. Et fuisse plaustrum firmat Florus lib. I. c. 13. Lucius Albinus, ait, depositus uxore & liberis, virgines in plaustrum recepit. Idem facit Valerius Maximus lib. I. c. 1. cum L. Albinus plaustro conjugem & liberos vehens eas adspexisset. Ita quando idem Valerius lib. II. de tibicinibus, qui concesserant Tibur, nec reverti volebant: mero somnoq; sopitos, plaustris in urbem devehendos curarunt: hoc sic explicat in Quæstionibus Romanis Plutarchus: Περιπαγῶν τὰς ἀμάξας ἔσωρῶντας αὐτὰς διὰ τὸν οἶνον καὶ τὸ σκότος, ἔλαθεν εἰς ῥώμην καταπαγῶν ἅπαντας ἑωθεν. Etiam Latine hamaxas Capitolinus usurpavit in Maximinis. c. 6. Iam illa prope in vulgi ore sunt posita, quod hamaxas manibus attraheret. Habuit autem plaustrum, ut de specie nunc ejus dicam, rotas duas. Ita clare Isidorus: Plaustrum vehiculum duarum rotarum, quibus onera deferunt. Idem docent

docent monumenta vetera, quæ mox adferemus. Omnia nobis exhibent plaustra cum duabus rotis, nec cum pluribus. Sed videtur obstare, quod dicatur plaustrū esse simile syderi, septentriones alias vocato. Gellius lib. II. c. 21. *Hoc sidus, quod à figura posituræ, ipsa quia simile plaustri videtur, antiqui Græcorum ἀμάξαν dixerunt.* Si est inter plaustrum sidusq; similitudo, non video, quomodo non plaustrum rotas quatuor habuerit. Constat namq; ex stellis septē, quarum duæ tresve antecedunt recta serie, ut boves, quatuor per quadratam dispositæ figuram, plaustrum exhibent cum rotis quatuor. Adde, quod apud Strabonem lib. XV. memorētur ἀμάξαν τετρακύκλοι expresse: Atq; ita & Herodotus lib. I. Τέτρα δὲ τῆ Χοάσπew τῆ ὕδατος ἀπὸ πημάτων πολλὰ κάρτα ἀμάξαν τετρακύκλοι, ἡμιόνων κομίζεσθαι ἐν ἀργυρείοις ἀργυρείοις. Vertit Valla: *Cujus Choaspis aquam decoctā & in argentea vasa diffusam, ferentes permulta carruca quatuor rotarum mulis trahentibus assidue comitantur, quocumq; ille proficiscitur.* Cum fuisset rectius, *multa plaustra quatuor rotarum.* Sed hoc ipsum, quod uterq; nominatim vocat τετρακύκλους, docet, nisi fallor, vulgo plaustra rotas quatuor non habuisse. Nam si vulgo hæc eorum fuisset structura, potuisset ea intelligi vel ex simplici ἀμάξας compellatione. Sic ἀμάξας ἐξακύκλους, hoc est plaustra cum rotis sex leguntur, nec tamen hæc communis eorum fuit structura. Hippocrates de aëre, ubi agit de Scytharum ratione vivēdi: αἱ δὲ ἀμάξαι εἰσὶν αἱ μὲν ἐλάχιστον τετρακύκλοι, αἱ δὲ ἐξακύκλοι. *Plaustra vero eorum minimum rotis quatuor, quedam quoq; sex sunt instructa.* Habes ecce plaustra cum rotis sex, habes cum rotis quatuor, quod genus ait minimum fuisse apud Scythas. Cur hoc addit? cur dicit, minimum rotas habuisse quatuor, si semper quatuor, nec pauciores habuere? Quare opus est, ut vel ex hoc loco discamus, illud genus cum rotis quatuor apud Scythas solos minimum fuisse, idq; cōtra consuetudinem vulgarem, secundum quam plaustra habuere rotas duas. Quæ habuere quatuor, ea non jam *plaustra* communiter appellabantur, sed cum addito, *majora*. Sic enim ad differentiam communium appellat Cato de R. R. c. II. ubi ad villam instructam requirit *plostra majora III.* Erant autem rotæ illæ non quales vulgo cæteris in vehiculis cum radiis modioloque, verum ex conjunctis inter se tabulis ligneis contextæ, quales *tympana*

nominabantur, & à nobis alibi exposita sunt satis clare. Probus ad Virgilij Georg. I. *Plaustra sunt vehicula, quorum rotae non sunt radiatae, sed tympana coherentia axi, & juncta cantho ferreo. Axis autem cum rota volvitur, nam rotae circa ejusdem cardinem adhibentur.* Id quod incumbabat rotis, vel erat tabulae instar latum, vel craticulae, Graecq; vel *πλινθίων* dicebatur, vel *ἐχέρα*, sicut alibi ostendi, unde quoq; plaustrum nominatum. Quod si quid imponebatur, de quo metus esset, ne decideret, à lateribus addebantur ex bacillis paucis unctae machinae, instar scalarum, ut & Germani *Leiter* appellare olent. En tibi effigiem, quae rem omnem declaret.



Habes hic plaustrum cum tympanis, & super plaustrum, cupam, in qua culleus, qui ne excideret, munitur utrinq; scalaris istis seu machinula, quam dixi. Nam ligna tria à cupa surgentia, quae superne continentur ligno transverse per ea decurrente, machinulam dictam repraesentant. Atq; hoc est, quod respiciebat Varro, ubi agit de plaustri appellatione, quando *palam esse in eo dixit omnia quae vehuntur, & perlucere lapides, asseres, tignum.* Perlucet scilicet per scalas istas, utrinq; positas à lateribus ad continendum onus, sicuti in culleo videmus. Aliquando tamen plaustra tegebantur cum à lateribus, tum superne. Plutarchus in *Quaestionibus Romanis*, ubi explicat historiam tibicinum Romam ab exilio revocatorum:

Πωλύπεισε τὰς αὐλῆας ἀναθάντας ἐφ' ἀμάξας δέρισι κύκλῳ περιμαλυστομένας.
Persuasit tibicinibus, ut plaustra circumquaq; pellibus obiecta conscen-
dant. Ubi nota, pellibus five coriis contegi consuevisse. Atq; sic de
 plaustris Scytharum Justinus lib. II. c. 2. *Vxores liberosq; secū in plau-*
stris vehunt, quibus coriis, imbrium hyemisq; caussa tectis pro domibus
utuntur. Mallet summus vir, Matthias Berneggerus legere *corticibus*
 pro coriis, quoniā sic tecta leguntur apud Ammianum, ut mox
 indicabo. Verum ego nihil censeo mutandū, cum de coriis confir-
 ment alij quoq;. Quos inter est Cinnamus, qui historiarum lib. I. de
 iisdem Scythis: *Plaustris se circumdederunt, quæ bovillis intecta pelli-*
bussive coriis superne (Βοείοις ἀνωθεν σύρσαις περιλαβόντες) & apte inter se
connexa conjuges liberosq; eorum impositas habebant. Scilicet non fuit
 eadem apud omnes ratio. Ideo Hippocrates commemorat, qui nō
 coriis, ac ne corticibus quidem, verum coactilibus habebāt tecta.
 Verba ejus extant in libro de Aëre, ubi loquitur de Scythis & eorū
 moribus: αὐταὶ δὲ (ἀμάξαι) πλοῖσι περιπεφραγμένα εἰσι. εἰσὶ δὲ τελεχασμένα
 ὥστε ῥοπήματα τὰ μὲν ἀπλά, τὰ δὲ διπλά. Ταῦτα δὲ ξυνὰ πρὸς ὥδιον & πρὸς χιόν,
 & πρὸς τὰ πνεύματα. Vertunt: *Hi (curtus) in super coactilibus ex lana cras-*
sa compactis sunt obducti, & ad instar domorum fabrefacti, alij quidem
simplici, alij etiam triplici tabulato, ipsiq; in angustum coarctati ad ver-
sus omnes aquarum, nivis ac ventorum injurias. In qua interpretatio-
 ne nihil sani est, nec quod exponat mentē auctoris. Loquitur is de
 coactilibus, hæc coactilia dicit ea forma fuisse plaustris imposita, ut
 præferrent ædium speciem. Et fuisse quædam simplicia, quædam
 duplicia, tamq; densa & cōstipata, ut nec aqua nec ventus, nec quid-
 quam aliud posset penetrare. At interpretes accepit de curribus, &
 in iis finxit nobis nescio quæ tabulata, etiam triplicia, de quibus au-
 ctor nullum verbum. Hoc tantum vult, si quæ ex coactilibus minus
 visa essent densa, duplicasse, ac loco unius imposuisse duo, quo re-
 ctius excluderetur aqua pluvia, vētus, & id genus. Facit quoq; cur-
 rus arctates in angustū interpretes, contra omnes cœli injurias, quod
 qua ratione dictum sit, nemo non intelligit. Habebant ergo Scythæ
 alij ex coriis, alij ex coactilibus tecta sua plaustra. Habebant quoq;
 aliqui ex corticibus arborum: erantq; hi præsertim Alani & Costo-

bocæ, de quibus hoc testatur Ammianus lib. XXI, ubi ait: *Vilesq; supellectiles plaustris impositæ sunt corticibus tectis.* Item lib. xxxi. de iisdem Alanis: *Nec enim ulla sunt eis tuguria, aut versandi vomeris cura, sed carne & copia victitant lactis, plaustris supersidentes, quæ operimentis curvatis corticum per solitudines conficiunt.* Atq; hæc de tectis plaustrorum Scythicorum. Legimus & plaustra tecta ciliciis. Ita namq; habet Mauritius noster cap. 8. Strateg. per. 18, *Εκείνην δὲ αὐτῶν (ἀμαζῶν δέ) κιλικίῃ τὸ ὅπιδεν μέγῃ σκέπειται.* Quodlibet autem eorum (plaustrorum) cilicio à posteriore parte debet esse tectum. Quo ex loco annotabimus, plaustra non semper integra, sed ex parte tantum fuisse operta, ea nempe, quæ posterior est. Atq; hæc videtur pars, quæ Polluci μέγῃ ἐξερασμένον, quando ait lib. X. c. 12. *Καὶ Ξενοφῶν δὲ ἐν τῇ παιδείᾳ, τὸ ἐξερασμένον μέγῃ τῆς ἀμάξης ὑποσημαίνων, ἔφη· Κατέκλιναν, κατέκλυψαν τὴν σκηνὴν.* Sic editi, sed legendum est, *κατέκλιναν & κατέκλυψαν*, vel, ut habet ipse Xenophon *κατεκλίναντες κατεκάλυψαν*: nec τὴν σκηνὴν, verum τῇ σκηνῇ. Non enim operuerunt τὴν σκηνὴν, sed τῇ σκηνῇ τὴν Πάνθειαν. Versio deniq; sic formanda: *Et Xenophon in Pædia cooperit amplaustri partem intelligens, inquit, reclinarent eam, & operuerunt tabernaculo.* Gualtherius: *Decubuerunt, & cooperuerunt scenā,* quod videbis esse nihili, si contuleris Xenophontem ipsum. Quamquam eo loco Xenophon nō de plaustro seu ἀμάξᾳ, sed ἀπλῶν loquatur. Quæ Polluci ἀμάξα, quod hæc inter se nonnunquam miscerentur. Plane sicut & carpenta nuncupata, quæ sunt plaustra, maxime si essent tecta. Quomodo Ammianus de plaustris Scythicis loco supralaudato: *vilesq; supellectiles plaustris impositæ sunt corticibus tectis, & cum placuerit, sine obstaculo migrant, eadem carpenta, quo libuerit, convolventes.* Vocat carpenta, quæ ante nominavit plaustra, eaque dicit convolvere, non, quod volvantur in unum, sicut pannus aut charta convolvitur, aut sic convolvantur coria, quibus tecta sunt, sed quod volvantur rotis, quando incedunt, iterque faciunt. Est enim hic *plaustra convolvere vel carpenta*, quod verba simplici effertur *volvere*, quomodo Virgilius quoq; usurpavit alicubi *volventia plaustra*, qualia Servio, quæ *volvuntur*, dicunturque Scythæ *convolvere carpenta*, quādo promovent ope jumentorum.

Aliquando & aperta plaustra voce *carpentorum* veniunt. Quomodo *carpenta stercoris* usurpata Palladio, pro plaustris, sicut alibi monstravi. Atq; talia Vegetij carpenta lib. II. c. 25. *Item decem onagri, hoc est singuli per singulas cohortes in carpentis bobus portantur armati.* Hic carpenta, plaustra esse, nemo dubitabit. Constat quippe, cuncta ista plaustris in exercitu consuevisse vehi. Neq; alia, opinor, caussa est, cur carpenta generali ὀχημάτων voce reddita in Glossis videamus, nisi quia sæpe signant plaustra. Observamus quoq; lectos in plaustris, verum solis Scythicis, quia in his habitant. Lucianus in Toxari. χρυσᾶς γε φιάλας ἐλέγετο ἔχειν δέκα, καὶ ἀμάξας τετρακλίνους ὀγδοήκοντα. Vertit Erasmus: *Aureas phialas se dicebat habere decem, præterea currus quaternis sedilibus octoginta.* Verum κλίνην sedile significare alibi non observatum est, & occurrit ἐξάκλινον, τετρακλινον, ac id genus, semper in intuitu ad lectos. Quare ἀμάξα τετρακλινον tale plaustrum potius, in quo lecti quatuor. Quale apud Scythas hominum ditiorum fuisse videtur, credo quod esset latius & spaciosius, & plures simul caperet. Quanquam fatear, ambigere nonnihil me de lectione ista, optareque, ut de ea codices vetusti consulantur. Porro plaustra communissime adjunctos habuere boves, fuitq; ista vetustissima consuetudo, Mosi quoq; memorata Numer. VII. Epigramma vetus in descriptione amnis congelati:

Plaustra boves ducunt, qua remis acta carina est.

Virgilius lib. II. Geor.

-- *Nec ullo ex aequore cernes*

Plura domum tardis decedere plaustra juvencis.

Aliquando tamen mulos etiam in plaustris habuere. Inde namq; Catō de R. R. c. 62. *Quot juga boum, mulorum, asinorum habebis, totidem plostra esse oportet.* Et Homerus sic loquentem facit Nestorem Iliad. H.

Ἄυτοὶ δ' ἀγρόμενοι κυκλήσομεν ἐνθάδε νεκρὸς

Βεσὶ ἑμίωνοισιν --

Ipsi vero congregati advehamus huc cadavera bobus & mulis. Ubi optime interpres vetus: κυκλήσομεν, ἐφ' ἀμαξῶν ὀίσομεν. κύκλα γὰρ οἱ τροχαί.

Docet, hoc *advehi* de plaustris intelligendum esse, quod confirmat versus, qui post sequitur:

Δάκρυα θερμά χέοντες ἄμαξάντων ἐπείεραν.

Lachrymas calidas fundentes plaustris imposuerunt. Habuerunt igitur in plaustris genus utrumq; , mulos inquam &que, ac boves, etiam Homero teste. Hinc fortassis Plutarchus in de Consolatione ad Apollonium, ubi narrat historiam de Cleobi & Bitone: τῶν ἐλκόντων τὴν ἀπλώην ἡμῶν ὤσπερ τάντων, & τῆς ὥρας ἐπειργάσης, τέτρες ὑποδυνάεις ὑπὸ τὴν ἀπῆνιν, ἀγαγεῖν εἰς τὸ ἱερὸν τὴν μητέρα. Currui, quo vecta est ipsorum mater, malas tribuit, cum omnium consensu fuerit plaustrum. Hyginus fab. 254. *Gleops & Bitias probobus sub jugo se junxerunt, & ad fanum sacra, & matrem Cidippen in plastro duxerunt.* Et sic alij. Ipse Herodotus, unde ceteri hauserunt lib. I. οἱ δὲ σφι βόες ἐκ τῆς ἀγρῆς ἐπαρῆντο ἐν ὄρῃ. ἐκκληνίζομενοι δὲ τῇ ὄρῃ οἱ νεκῆαι, ὑποδυνάτες αὐτοὶ ὑπὸ τὴν ζεύγλιν εἰλκον τὴν ἄμαξαν. *Boves vero non presto erant ex agro ad horum, tunc juvenes exclusi tempore jugum ipsi subeuntes plaustrum pertraxerunt.* Plaustrum omnes faciunt & ἄμαξαν, Plutarchus nominat ἀπλώην, quia mulas ei tribuit. Sic Lucianus in Charonte, agens de eadem re; ἐπεὶ τὴν μητέρα ὑποδυνάτες, εἰλκυσαν ἐπὶ τῆς ἀπλώης. Apenen nominat, seu vehiculum mulare, quod revera fuit plaustrum. Ideo & bobus tractum Herodotus & Hyginus tradidere. Pausanias in Corinthiacis: πησίον δὲ εἶσιν ἐπειργασμένοι λίθῳ Κλέοις καὶ Βίτων, αὐτοὶ τε ἔλκοντες τὴν ἄμαξαν. *Prope sunt in lapide sculpti Cleobis & Biton, qui trahunt ipsi plaustrum.* Plaustrum nominat, ut reliqui. Plutarchus atq; Lucianus appellarunt ἀπῆνιν, vel quod in plastro interdum essent muli, vel quod pro plastro interdum usurparetur ἀπῆνιν, apud Græcos, sicut apud Latinos *carpentum*. Ita colligas ex Smyrnæo, qui propterea & boves jungit ad ἀπῆνιν. Verba extant lib. VI.

Ὡς δ' ὅθ' ὑπὸ ζεύγλῃσι βόες μέγα κενυμένους

Δερασίην ἐρύσσει πρόσω μεμαῶτες ἀπλώην.

Et cum boves jugo subditi valdeq; laborantes ligneum porro nitendo plaustrum trahunt. Sic exponunt viri doctissimi, quoniam aperte ibi sermo est de plastro. Præter mulas vero ac boves leguntur & asini in plaustris. Lique ex superiore loco Catonis, in quo, quot
juga.

juga asinorum quis habuerit, *tot plostra* dicit etiam requiri. Sed & cap. II. ejusdem operis hac de causa nominat *plostrarios*. Nam post cætera requiri ait ad vineam *asinus plostrarios duos*. Numerus jumentorum istiusmodi solennis binarius fuit. Ita legitur jam olim 1. Sam. 6. 7. *Facite plaustrum novum unum, & duas vaccas fœtas, quibus non est impositum jugum, jungite in plastro*. Possuntq; addi, quæ habentur Numer. VII, 3. & seq. Ex eadem causa Scythis sunt *ὀκτὰ πόδες*, id est octo pedum homines qui plaustrum possident, ac iccirco in honore habentur, ut est apud Lucianum in Dial. Scythæ. Τὸ το δὲ ἐστὶ, ait explicans eam vocem, οἱ ἐν δύο βοῶν δεσποῦντες ἑναὶ καὶ ἀμάξις μίας. Significat hoc esse aliquem dominum duorum boum atq; plaustri. Sed & monumenta vetera conveniunt, plaustraq; in superioribus adducta nobis. Habuerunt tamen quatuor, imo sex interdum Scythæ. Quod jure credimus Hippocrati, qui sic habet loco alibi laudato: τὰς δὲ ἀμάξας ἑλκυσσι ζεύγεια τὰς μὲν δύο, τὰς δὲ τετὰς βοῶν. *Plaustra trahunt alia quidem duo, alia vero tria boum paria*. Ubi annotandum, quod duo & tria nominet ζεύγεια, hoc est juga. Ostendit hoc enim, singula paria fuisse jugata, id est sua habuisse juga. Unde sequitur, adjuncta fuisse non æquali fronte, sed alia post alia, primo unum jugum boum, ante hoc aliud, & ante hoc rursum aliud, sicut hodie cum equis nostris est receptum. Sed hoc proprium & peculiare fuit Scytharum. Vulgo plaustra duo tantum boves trahebant. Nec in mulis asinisve credo aliter rem habuisse. Cato sane supra: *Quot juga boum, mulorum, asinorum habebis, totidem plostra esse oportet*. Erant ergo singula ut boum, ita mulorum asinorumque juga, ad plostra singula. Jugum autem per est, & de duobus usurpatus, quod est notum, & colligitur à ζυγός, unde Latini formarunt. Etymologus: Ζυγός ὁ ἐστὶ τὸ δύο ἄγειν, δυαγός, καὶ ἐν συνοπῇ, δυγός καὶ ζυγός. Ait, Zygon sic esse dictum, quia duo sunt in eo. Jugum ergo notat duos. Quod proinde mulos quoq; ad plaustra habuere. Ac sic docent veteres picturæ seu imagines columnæ Trajani. Plaustra exhibent cum mulis duobus. Usus communissimus plaustrorum fuit, ut perferrentur iis onera. Isidorus: *Plaustrum vehiculum duarum rotarum, quibus onera deferuntur*. Pollux

lib. X. c. 12. hoc genus nominavit ὀχήματα σκευαφόρα. Fiebat hoc autem vel in pace, vel in bello. Atq; pacis quidem tempore vel in agris hoc fiebat, vel in urbe. In agris usus plaustrorum fuit frequentissimus. Iccirco inter instrumenta rustica ubique memorantur. Pollux lib. X. c. 29. Τῶν ἐν ἀγροῦ σκευῶν τὰ ἀναγκαῖα, ἀροτρες, ἀρότρες μέρη καὶ ἄλλα. *Agresium instrumentorum necessaria sunt, aratra, & aratri partes & plaustra.* Ita Cato in oleto instructo requirit plostra majora tria c. 10. de R. R. In vinea instructa plostra duo c. 11. ejusdem libri. Et quoniam inter instrumenta rustica, iccirco Varro lib. I. R. R. c. 13. *Faciendum etiam plaustris, ac cetero instrumento omni, quibus cælum pluvium inimicum, in cohorte ut satis magna sint testæ.* Manifeste numerat inter instrumentum agrorum. Curtius propterea *vehiculum* vocavit *vulgatum* usu. Sic enim ait lib. III. c. 1. *Vehiculum, quo Gordium Mida patrem vectum esse constabat, adspexit, cultu haud sane à vilioribus vulgatisq; usu abhorrens.* Corrigunt, *vulgatisq; usus*, quod non placet, quoniam illud *que* conjungit elegantius *vilioribus & vulgatis*, quam *vilioribus & vulgati*. Præterea id quod habent libri magis ostendit usus frequentiam, indeq; notitiam vehiculi vulgarem, quam si altero modo legamus. Cæterum fuisse plaustrum id vehiculum cum alia ostendunt, tum disertim testatur Justinus lib. XI. c. 7. *Querentibus de persona regis, jubentur eum regem observare quem reversi primum in templum Iovis euntem plaustro reperissent.* Obviam illis Gordius fuit, statimq; eum regem consalutant. Ille plaustrum, quo vehenti regnum delatum erat, in templo Iovis positum, majestati regie consecravit. Et paucis interjectis: *Alexander capta urbe cum in templum Iovis venisset jugum plaustri requisivit.* Semper plaustrum vocat. Quomodo & Arrianus ἄμαξαν. Verba ejus lib. II. de eadem re: καὶ ἡρώδης αὐτοῖς ἔφησεν, ὅτι ἄμαξα ἂν αὐτοῖς βασιλεία. Perperam Vulcanius: *Eos oraculo monitas fuisse, currum iis regem allaturum esse.* Ἄμαξα non currus est, sed plaustrum. Currum ἄρμα nominarunt. Atq; ita Arrianus in sequentibus: Semper vocat ἄμαξαν, quod Vulcanius semper currum reddidit. Parū commodè, nisi currum de vehiculo quocunq; ac sic plaustro etiam accipiamus. Quomodo & Cicero

Tusculana I. ubi Cleobis historiam commemorat, vocavit currum quod est plaustrum aliis. *Cum*, inquit, *illam ad solenne & statum sacrificium curru vehi jus esset, juvenes ij ad jugum accesserunt. Ita sacerdos advecta infanum, cum currus esset ductus à filiis.* Nam ἀμαξα est etiam Plutarcho vita Alexandri: τὴν θρῶν καμμένην ἀμαξαν εἶδεν (Ἀλέξανδρος) φλοιῶν κρανείας ἐνδεδεμένην. Porro plaustrī usus magnus, forsitan & primus est in agris ad vehenda frumenta. Unde illud Virgilij II. Georg. --- Non ullo ex equore cernas

Plura domum tardis decedere plaustra juvencis.

Ubi *equor* ager est frumentis aut segete abundans. Pari causa sunt; qui Græcè dictam putant ἀμαξαν. Eustathius Iliad. M. ubi ait, qvosdam ἀμαξαν vocare, διότι καὶ δὲ τὸ αὐτὸν ἄγειν ἐτυμολογεῖται κατὰ τινάς, quoniam à quibusdam derivatur ab eo, quod *messum* vehat, quæ Græcis αὐτὸν. Deinde stercus eis vehere solebant. Dixi supra, ubi de Arcadibus duobus egi, & carpentum dici à Palladio ostendi. Et hæc causa, quare *sordidum* vocarit plaustrum lib. I. Valerius Maximus, c. i. ubi de L. Furio, Vestales in arcem vehente: *Quare agreste illud & sordidum plaustrum tempestivè capax cujuslibet fulgentissimi triumphalis currus vel equavit gloriam, vel antecessit.* Serviebat quoque aliis negotiis ruri, quod est notum. Iisdem plaustris deportabant ex agris in urbem res venales venditasque. Hujus generis memorantur vina. Hyginus de Icario & Erigone, fab. 130. *Liber Pater ad Icarium & Erigonem in hospitium liberale devenit, iis utrem plenum vini muneri dedit, jussitque, ut in reliquis terras propagarent. Icarius plaustro onerato cum Erigone filia & cane Mera in terram Atticam ad pastores devenit. Habes hic plaustrum utre vini oneratum. Adhibebant & culeos. Unde cullei vini Falerni apud Jabolenum l. 17. ff. de Annuis Legatis. Ulpianus jungit utrumq; l. 3. ff. de tritico leg. Vino legato, utres non debebuntur, nec culleos deberi dico. His ergo culleis quoque onusta habebant plaustra, sicut liqvet ex imagine superius ex monumento veteri, quod Romæ cernitur, proposita. Ibi namque plaustrum est cum tali culleo. Et docet Plinius lib. VII. c. 20. ubi ait: A. Iulius Valens meruit in Prætorio divi Augusti, Centurio, vehicula culleis onusta, donec exinanirentur, sustinere solitus.* Loqui-

tur de plaustris, quæ hic generali voce nominat vehicula, vel quia vehicula ex genere plaustrorum fuere. Hæc sustinuisse ait Valentem, onusta culleis, id est, sublata manibus in altum, donec exinanirentur illi culei vino pleni, vel oleo, (nam & oleum iis vehabant) quod esset venditum Romæ. Romæ namq; versabatur in Prætorio. Ibi ergo culei exinaniri debebant. Fiebat hoc autem vino vel oleo ex agris Romam de vecto plaustris, & vendito. De oleo culeis includi solito cognoscimus ex Festo, quando voce *culiola* sic ait: *Culiola cortices nucum viridium, dicta à similitudine culeorum, quibus vinum sive oleum continetur.* Plaustris etiam vehabant lapides. Docet Varro, quando plaustrum ait dictum, *quod perlucet lapides, asseres, tigna.* Sicut vidimus jam in superioribus. Itaq; de plastro est intelligendum illud Juvenalis Sat. III.

*Nam si procubuit, qui saxa Ligustica portat
Axis, & eversum fudit super agmina montem,
Quid superest de corporibus?*

Et bene hic Lubinus: *Axis, id est plaustrum ipsum, pars pro toto.* Ostendit autem Juvenalis, vectos hos lapides sæpe cum periculo prætereuntium, quoniam, everso vehiculo delapsi, obvios proterebant. Et hæc causa legis ab Adriano latæ, ne deinceps per urbem plaustra ejuscemodi ducerentur. Spartianus in Adriano, cap. 22. *Vehicula cum ingentibus sarcinis urbem ingredi prohibuit.* Nempe ingens Romæ fuit multitudo hominum; Ergo pressi turba periculum hoc evitare nequibant. Vocat autem *ingentes sarcinas*, onera ista magni ponderis, ut saxa, quæ ob molem magnitudinemq; Juvenalis appellavit *montes*. Pari modo ferebantur lapideæ columnæ. Docet apud Fabium Triarium lib. V. Inst. cap. 13. ubi *Scauri columnas per urbem plaustris vectas esse dixit.* Pertinent huc *asserres tigna*que, supra nominata Varroni, integræq; arbores. Nam & has per urbem vehere consueverant, quod testatur Juvenalis idem dicto loco, ubi ait: -- -- -- -- *Atque altera pinum*

Plaustra vehunt, nutant altæ, populoque minantur.

Et fuit solennis plaustrorum usus ad portandas arbores cæsas, quod ex Virgilio cognoscimus, quando ait lib. XI.

— -- *Ferro sonat alta bipenni*
Fraxinus: Evertunt actas ad sydera pinus.
Robora nec cuneis, & olentem scindere cedrum,
Nec plaustris cessant vectare gementibus ornos.

Ubi Servius *gementia* intelligit *sub pondere*. Nempe, si gravata sunt, sonum edunt, qui est instar gemitus. *Stridentia* ob hanc causam dixit IIL. Georg. Plaustra ipsa verò *gravia*, eodem libro:

Non illas gravibus quisquam iuga ducere plaustris.

Philargir. *Gravibus* aut *epitheton* est *plaustrorum*, aut *gravibus*, *onustis* dixit. Dubitat, sed revera loquitur de *onustis*. Ad hæc enim ducenda nisi maiore opus, qui *foetis* *eqvabus* potest esse *damnosus*. Sunt autem *onusta plaustra*, oneribus *sarcinis*q; completa. Ita Plinius loco supra laudato dixit *vehicula culeis onusta*. Capitolinus in Maximino cap. 6. *rhedam onustam*. Contraria his sunt *inania*. Sic enim appellat Varro, quibus nihil oneris incumbit. Verba extant lib. I. R. R. cap. 20. *Instituendum, ut inania primum ducant plaustra, & si possis, per vicum aut oppidum*. Columella nominavit *vacua* lib. VI. cap. 2. ubi de eadem re: *Post ejusmodi experimenta vacuo plastro subjungendi*. Porro & in bellis usus plaustrorum fuit: Iis namq; *sarcinas* *vehebant*. Inde habes apud Pollucem lib. I. cap. 10. *ἡ εἰς τὰς πολέμους ἐπισκευαζομένων βοῶν ὑφ' ἀμάξης*. *Ad bellum opus est bobus ad currus*. Et declarat pluribus Mauritijs noster lib. XII. Tac. cap. 18. *Vehebant autem iis Græci quidem cum alia, tum ipsa graviora sua arma, saltem posterioribus temporibus*. Mauritijs dicto loco: *Ἐὰν οἱ ἐχθροὶ πλησίον ᾖσι, τὰ ὅπλα αὐτῶν βαρύνοντες τὰς ὀπλίτας περιπαλεῖν, καὶ μὴ εἰς τὰς ἀμάξας τάς τε καὶ αὐτὰς ἀναλαμβάνειν, ἵνα ᾖσιν ἑτοιμοὶ πρὸς τὴν μάχην*. *Si appropinquent hostes, graviter armati debent incedere, gestantes arma sua, nec ea relinquere in vehiculis, quo sint parati ad prælium*. Dicit manifestè, tum non relinquere in vehiculis debere, quia nempe alias relinquebant. Neq; scio satis, annon aliquando Romanorum quoq; illa consuetudo fuerit. Lego sanè apud Tacitum *vehicula onerata armis* lib. I. Hist. cap. 80. *Septimam decimam cohortem è colonia Hostiensi in urbem acciri Otho jusserat, armandæ ejus cura Vario Crispino, Tribuno è prætorianis, data. Is quo magis vacuus, quietis castris jussa*.

jussa exsequeretur, vehicula cohortis incipiente nocte onerari aperto armamentario jubet. Armis onerata hæc vehicula ex eo patet, quoniam ad oneranda ea est apertum armamentarium. Porro, armamentarium in castris fuit. Ibi arma clausa, si ab hoste nullum periculum: Inde prompta, cum necessitas requireret. Idem Tacitus dictilibri cap. 38. *Aperiri deinde armamentarium jussit; Rapta statim arma, sine more & ordine militiæ.* Armis igitur onerata vehicula, & quod discas ex hoc loco, ad hos similesque usus habita in cohortibus, unde *cohortis vehicula* nuncupantur. Hæc vehicula partem maximam constituebant sarcinarum militarium & impedimentorum. Unde apud Curtium *arma ferri* dicuntur *in sarcinis*. Verba lib. V. cap. II. *Patron autem, Græcorum Dux, præcepit suis, ut arma, quæ in sarcinis antea ferebantur, induerent.* Ex quo loco simul discimus, Græcorum quoque veterum hanc consuetudinem fuisse. Præter arma verò communia reperio præsertim balistas in eis. Mauritius noster iterum: *Τὰς ὃ βαλιστροφόρος* (sic edi debuit) *ἀμάξας δὲ ὅλε μὲν καταμερίζειν τὴ διασήματι*. *Debent plaustra balistas portantia per intervallum totum dividi.* Meminit & Orbicius: *Ἦ παρὰ ἢ τῆς τάξεως τὸ ῥαδίως φονεύειν τὰς πολεμίας, εἰ ὅτι ἀμάξων βαλιστρας ἔχουσιν ἐκ τῶν τοισάρων πλευρῶν.* Nos sic reddidimus: *Conducet autem huic dispositioni, ad facilius occidendum hostes, si super vehicula ballistas habeant ex quatuor lateribus constitutas.* Rigaltius reddidit *balistas ex quatuor lateribus ferientes*, quod parum convenire dixi jam in meis Notis. Equidem invenio & balistam, *omni latere in hostem sagittas impellentem*, apud Auctorem veterem de Rebus Bellicis, titulo *Balistæ quadrirotis* insignitam. Verum ea huc non facit, neque propriè loquendo est *βαλιστρα ἐπὶ ἀμάξης*, cum ibi non sit plaustrum, vehens ipsam, sed *subjecta* solum *rotarum quatuor facilitate* promoveatur, uti loquitur is ipse, qui describit. Alias & sarcinas reliquas in vehiculis habebant. Quamquam, qui severiores apud Romanos essent Duces, id prohiberent. Quod & apud Græcos factum, memoratque de Philippo Macedonum Frontinus lib. IV. cap. I. *cum primum exercitum constitueret, vehiculorum usum omnibus interdixisse.* Unde tamen colligas, ante Philippum habuisse. Quemadmodum & apud Romanos

non ignotum omnino usum eorum, ex columnæ Trajani imaginibus cognoscimus fuisse. Quanquam hæc vehicula magis ad pedites, quam equites pertinuisse videantur. Leo certe ipsis tribuit c. 10. ubi ait: Ταῦτα μὲν ἔν περὶ τῶ τέλδ' εἶτε ἐν ἀμάξαις μετὰ πεζῶν στρατῶ, εἶτε ἐν σαγμαείοις μετὰ καβαλαβίων. *Hæc quidem de impedimentis, siue sint in plaustris cum exercitu pedestri, siue in sagmariis cum equitibus.* Plaustra seorsum peditibus attribuit. Fuit alius etiam plaustrorum usus in bello ad vehendas naves, quibus superari debent flumina, de quo Vegetius lib. III. c. 7. *Commodius repertum est, ut monoxylus, hoc est, paulo latiores scaphulas ex singulis trabibus excavatas pro genere ligni & subtilitate levissima carpentis secum portet exercitus, tabulatis pariter & clavis ferreis preparatis.* Meminit & Ammianus lib. XIV. *Subjectis ignibus exuri jusserat naves, præter minores duodecim, quas profuturas pangendis pontibus, disposuit vehi carpentis.* Uterq; vehiculis ostendit vectas, quæ carpenta vocant, sed intelligunt plaustra. Ita namq; consueverunt, uti alias ostendi. Curtius lib. VIII. c. 10. *Illi, quia plura flumina superanda erant, sic junxere naves, ut solute plaustris vehi possent.* Ac hic quidem primus propriusq; plaustrorum fuit usus. Solēbant tamen interdum non onera modo imponere ipsis, sed & ad transvectionem hominum usurpare, rustici præsertim & agrestes. Testatur de I. Furio Albino Valerius Maximus, uti jam supra vidimus. Sic enim ait lib. I. c. 1. *Vestales descendere incipientes L. Albinus plastro conjugem & liberos vehens aspexit.* Pari modo Gordius plastro vectus, teste Justino lib. XI. c. 7. *Iubentur eum regem observare, quem reversi primum in templum Iovis euntem plastro reperissent.* Obvius illis Gordius fuit, statimq; eum regem consalutant. Ille plastrum, quo vehenti regnum delatum fuerat, in templo Iovis positum majestati regie consecravit. quibus verbis observamus, idem esse vehere plastro, & ire plastro, porro vehere plastro passivam significationem habere, notareq; illum, qui plastro insidens, huc illucq; portatur, quomodo adolescentiam quadrigis vehementem Cicero de Cl. Orat. & de Nat. Deor. Tritonem natantibus invehentem belluis usurpavit, quod jam Berneggerus indicavit. Idem igitur & ire plastro, pro quo ire bobus

junctis legimus apud Servium ad Virgilij Georg. III. v. 533. *Quum mos esset sacerdotem Argivam junctis bobus ire ad templa &c.* Nam per *boves junctos* plaustrum intelligit, sicut Virgilius per *equos junctos* currum lib. XII. Æn.

-- Prima in prælia junctos
Conscendebat equos --

Pro plastro etiam *mulos junctos* usurpavit Columella lib. II. c. 22. *Arbores ferendi causa, collo, vel muloclitellario afferre, sed juncto advehere non permittitur.* Male *junctum mulum* explicant de eo, qui *jugo adfuerit*, nec enim de *sveto*, vel non *sveto* agitur, sed de eo qui cum alio *junctus* est ad plaustrum. Ideo dicitur *advehere*, opponiturq; *clitellario*, qui non tam *advehit* quam *affert*. Juncti ergo muli sive boves plaustra denotant, & ire bobus junctis, sive plastro, eo vehi. Quomodo ivisse Gordius adhuc rusticus memoratur. Quanquam non Gordium modo, sed & uxorem ejus, Midamque filium eo vectum scribat Arrianus, neq; Gordium factum regem, verum Midam. Verba ejus lib. II. *ἔτι δὲ πρὶ αὐτῶν τέτων βουλευομένοις, ἐλθεῖν τὸν Μίδα ὅμῃ τῇ πατρὶ καὶ τῇ μητρὶ, καὶ ἐπιστῶαι τῇ ἐκκλησίᾳ αὐτῇ ἀμάξῃ.* His adhuc de rebus inter se consultantibus supervenisse Midam una cum patre ac matre, cumq; plastro substituisse apud congregatos. Sic expono ista. Vulcanius: *ipsumq; currui insidentem concilium Talmissensium adiisse.* Quasi non & cæteri insederint. Sed nec id concilium adivit, verum ibi substitit, forsitan ut se cum suis, jumentisq; reficeret. Hoc enim vult τὸ ἐπιστῆναι. Quicquid vero sit de Mida, istoc constat, Gordium cum pluribus plastro esse vectum. Neq; tamen agrestes soli genere hoc utebantur, sed & alij. Apud Argivos sacerdos. Junonis non alio incedere vehiculo, cum sacra essent procuranda, fas habebat. Herodotus lib. I. *Ἐόσης ἑορτῆς τῇ Ἡγητοῖσι Ἀργείοισι, ἔδει πάντως τὴν μητέρα αὐτῶν ζεύγῃ κομειδῆναι εἰς τὸ ἱόν.* Cum dies festus Junonis apud Argivos esset, oportebat omnino matrem horum (Cleobis & Bitonis) ad templum ferri bobus junctis. Ita explicat hunc locum Valla, nec inepte, licet nil de bobus in his verbis, & id solum dicatur, vehiculo eam debuisse uti. Nam sequitur, unde hoc constat: *ἐπὶ τῆς ἀμάξης δὲ σφι ὀχέει ἡ μήτηρ.* Mater namq; plastro ve-

heba-

hebatur. Similis consuetudo mulierum Atticarum ad Eleusina facra proficiscentium. Scholiastes Aristophanis: Αἱ τῶν Ἀθηναίων γυναῖκες ἐπὶ ἀμαξῶν ὀχρῆμεναι εἰς τὰ μεγάλα Ελευσίνια ἀπήρχοντο. *Atheniensium mulieres plaustris vectæ ad magna Eleusinia proficiscebantur.* Solebant & in Bacchi sacris Poetæ vehi plaustris, multaue ex ijs ad risum compolita carmina & dicteria jactare. Suidas in ἐξ ἀμάξης. Ἡ λεγομένη ἐορτὴ παρ' Ἀθηναίοις Λήναια, ἐν ἣ ἡγωνίζοντο οἱ ποιηταὶ συγγραφεύς τινα ἄσµατα τῶν γελασθῆναι χάριν. Ὅπερ Δημοθένης ἐξ ἀμάξης εἶπεν. Ἐφ' ἀμαξῶν ἡδὲ οἱ ἄδοντες καθήμενοι ἔλεγον τε καὶ ἦδον τὸ ποιήµατα. *Festum erat Athenis, Lenæa nomine, in quo Poetæ certabant inter se conscriptis carminibus quibusdam risus commovendi gratia. Qualia Demosthenes ex plaustro vocat; plaustris namq; insidentes ea pronunciare ac canere poemata solebant.* Puto autem, plaustris ubi voluisse, imitatione quadam agrestium, ut quæ dicerent, sicut crasse rusticeq; ita libere ac simpliciter dici viderentur. Hoc enim ingenium agrestium, præcipue cum sunt onerati poculis. Atq; huc videtur pertinere, quod & alias in viis publicis dicteria & convicia ex plaustris jactitarent. Quade re videri potest Scholiastes vetus Aristophanis in Nubibus ad vocem τραγοδαίμονες, qui simul hinc n. itum censet proverbium, ἐξ ἀμάξης λαλεῖ, ἐπ' *plaustro loqueris*, quod de iis usurpatur, qui sine pudore conviciis incessant alios. Sed de his non est hic agendi locus: & fecerunt jam, qui proverbia compilarunt. Nos quoq; alibi de his jam egimus.

Cap. XX.

De vehiculo & arcera.

Vehiculum quid, specialinotione. Varro explicatur. Veha & vehes differunt. Vehes de certa mensura. Vehes vini, roboris. Columella explicatur. Vehela. Siccum plaustrum, vox nihili. Capitolinus emendatur & exponitur. Iac. Gothofredus notatur. Velatura, quid? vehatio. Sirpea ex junco. In Varrone conjectura. Strata sirpea. Sternere vehiculum. Ovidius corrigitur & explicatur. Sirpiculum. Scaliger notatur. Varro emendatur. Arcera. Scaliger denuo revellitur. Arcirma. Festi lectio vetus defenditur. Vehiculum ad fabas, sirpea ad stercus, arcera ad homines.

CUM hucusq; generatim actum sit de plauistro; quasdam ejus species commemorabimus. Ex his primo est *Vehiculum*. Equidem vehiculum plerumq; usurpari de quocunq; genere consuevit. Inde habes *vehicula thesaurum* apud Ciceronem in Verrina VII. & in Orat. pro Milone positum pro rheda legas. *Vehiculum & judiciale carpentum est* apud Vopiscum in Aureliano. Pari modo usurparunt *vehiculum rhedam*, unde *rhedarius vehicularius fabricator* apud Capitolinum in Maximo & Balbino. Tacitus XI. Annal. c. 32. habet *vehiculum*, quo purgamenta hortorum eripiuntur. Atq; sic invenias de alijs. Tamen observamus vehiculum etiam speciali notione usurpatum, docetq; manifestè Varro lib. IV. de L. L. ubi primo ait, locuturum se *de his, quæ jumenta ducunt*, deinde subdit tragulam, post sirpeam, tum venit ad vehiculum, & ait, *vehiculum, in quo faba aliudve quid vehitur, quod ex viminibus videretur*. Ostendit ergo, vehiculum nec tragulam esse, nec sirpeam, ac ne arceram quidem, sive plaustrum, à quibus omnibus ibi distinguit, sed esse sui ac peculiaris generis. Est autem hoc vehiculum à *veha*. Varro supra indicato loco: *Brevis veba, vehiculum est*. Porro *veham* Osci appellabant *vejā*, erat autem *veja*, plaustrum. Festus: *Veja apud Oscos dicebatur plaustrum*. Jam si veja sive veba, plaustrum, vehiculum iderit, quod *plostellum* veteres dixere, hoc est plaustrum parvum. Ita namq; habes *plostellum Pœnicum* apud dictum Varronem lib. I. de R. R. cap. 52. Quam ob causam dixi quoque, vehiculum de genere plaustrorum esse. At vero diversum facit à plauistro ipse ille Varro. Nempe Varro propriissima significatione plaustrum accipit de illo solo genere, quod ex omni parte palam est, & conspicienda facit, quæ in eo vehuntur. Atq; hujus generis vehiculum non fuit, sed contextum ex viminibus. Unde quoque Varro dixit ita nuncupatum. *Vehiculum*, ait, *quod ex viminibus videretur*. Ita namque ibi lego, non ut habent editi, *quo ex viminibus uterentur*. Quanquam & ex ista lectione constet, ex viminibus texti consuevisse. Plaustrum fuit nudum, huic si ex viminibus imponebatur vas contextum, tum non *plaustrum*, sed *vehiculum* appellabatur. Quod si vas illud esset majus,

& vehiculum longius, dicebatur *veha*, ut jam vidimus. A *veha*, nominata *vehes*, id est mensura, quantam capit *veha*, quod non observarunt magistri, qui simpliciter à *vehendo* deduxerunt. Atqui *vehes* non id tantum denotat, quod vehitur, sed quod vehitur certo genere, tantum ponderis aut mensuræ capaci. Quomodo *vehes* stercoreis est octoginta modiorum. Columella R. R. lib. XI. c. 2. *Vehes stercoreis habet modios octoginta*. Idem observarunt & in lignis vel materia. Sic robur dedolata pedum viginti, pinus viginti quinque, ulmus & fraxinus triginta *vehem* dicebantur constituere. Idem auctor paulo ante: *Materias si roborea est, ab uno fabro dolari ad unguem per quadrata debet pedum XX. hæc erit vehis una. Pinus autem V. & XX. pedum æque ab uno expeditur, quæ & ipsa vehis dicitur. Nec minus ulmus & fraxinus pedum XXX. cupressus autem pedum XL. tum etiam sexagenum pedum abies atq; populus singulis operis ad unguem quadratur, atq; omnes hæc mensuræ similiter vehes appellantur*. Ubi nota, aliter definiri *vehem* pini, aliter roboris ac generis alterius, quod existimo propterea factum, quia non est pondus omnibus æquale, ac sic longior cupressus, quam vel fraxinus, vel ulmus, vel pinus *veha* gestari deferriq; potuit. Et hæc quidē *vehes* multū differens à *veha*, cum hæc instrumentū sit, illa instrumenti mensura. Ex *vehe* nihil; at ex *veha*, *vehiculū*, pro quo credo & *vehelam* usurpasse. Julius Capitolinus in Maximinis, cap. 13. *Sine delicto Consulares viros & Duces multos cum interimeret, alios siccis vehelis exhiberet, alios in custodia detineret, nihil denique pratermitteret, quod ad crudelitatem videretur operari, contra eum defectionem pararunt*. Ita legit locum hunc Salmasius, cum vulgati habeant *Scythicis vehiculis*, atq; addit: *Optimus liber vehelis hoc loco legit, pro vehiculis*. Sic autem à *veho*, *vehela*, ut *custodela* à *custodio*, *loquela* à *loquor*, *sequela* à *sequor*. *Vehelas* igitur hic *plaustra* interpretor, quibus temerè impositos reos exhiberi sibi jubebat Maximinus. Siccas autem *vehelas* pro nudis dixit, & nullo vestimento instratis vel solis sine ullo comitatu servitorum. Hæc Salmasius. Ubi tamen æqvè bene, uti arbitror, à *veha* derivare possumus *vehelam*, ac à *veho*, cum eodem modo à *custodia* sit *custodela*, à *svada*, *svadela*, à *canna*, *cannela*. Sed & quod de *plaustris*

seu *vehelis siccis* differit, ignoro, an assensum mereatur. *Siccum* sanè positum pro *nudo* an occurrat alibi, haud scio. Et videtur ipsa rei ratio repugnare. *Siccum* namq; τὸ ξηρὸν, ut reddunt Glossæ. Nonius cap. 4. exponit *aridum* & *sine humore*, item *sobrium* aut *firmum*, quorum neutrum quadrat ad præsentia. Nec enim, quod humore destitutum, destitutum etiam consortio: Neque inter consortium & humorem aliqua similitudo est. Quare mihi quidem pro *siccis*, quod occurrit in antiquis, etiam Palatinis, legendum *citis* videtur. Scilicet τῇ *citis* primum ex præcedenti voce *alios*, adhæsit S, ita de in factum *Scitis*; Quod cum ineptus librarius scriptum per compendium putaret, explendo, quod nempe deerat, confecit *Sciticis* & *Scythicis*. Alius ex *scitis* fecit per ineptam transpositionem *sictis*, cumq; c & t in Manuscr. litteræ sint affines, alius putavit esse *siccis*. Est autem *cita vehela* optimè dicta pro celeri, festina, optimèq; apponitur sequenti, *in custodia detinuit*. Hoc enim vult, alios longo tempore continuisse in vinculis, ac ne cognoscere quidem causam eorum, vel audire ipsos voluisse. Alios contra ad se deferri vehiculis, quanta posset festinatione, præcepisse. Hoc modo *currus citos* usurpavit Seneca in Hippoliti Act. iv. v. 1074.

-- -- -- -- *Haud aliter citos*

Currus gubernat. -- -- --

Et apud Catullum Epigr. 52. inveniuntur *cita bigæ*.

Non Rhæsi nivea citeque bigæ.

Quicquid autem sit de lectione, illud pæne constat *vehelam* esse apud Capitolinum, quod apud alios *vehiculum*. Ut proin confundere vir celeberrimus cum vehatione, vehatura, velatura non debuerit. Sic autem ait in Notis ad l. 3. lib. xiv. Cod. Theodos. t. 6. *Vehatio est vectura, quæ fit vehibus, seu vehatura, ut etiam vocatur apud Festum, vel, ut nonnulli malunt, velatura. Denique vehela, quam vocem restituit Salmasius Capitolino in Maximinis. Malè censet idem esse vehelam, & velaturam. Vehela namq; vehiculum est, vel, ut doctè ait Salmasius, plaustrum. At verò velatura vehendi negotium, quod vehelis perficitur. Alio nomine vecturam explicat, & rectè. Quod verò vecturam scribit vehibus fieri, id quoq; parum conve-*

convenit: Debuisset enim *vehis* scribere. Sed nimirum non distinxit inter *veham* & *vehem*, sicut multi alii, quod tamen necesse esse supra planum fecimus. Quæ vectura est seu velatura, eadem est & *vehatio*, quod ipse vir doctissimus agnoscit. Igitur non debuit *vehelam* in Notis, & deterius in Indice, *plaustrigenus* explicare. Vehatio non plaustrigenus est, sed vectura, quod ostendit ipsa lex, in qua fit mentio vehationis. Verba sunt hujusmodi: *Hujus autem vehationis ita sit ratio partita, ut mille quinquaginta onera formis, alia fartis testis annua deputentur.* In his verbis *onera* sunt, quæ in verbis præcedentibus sunt *vehes*, quod agnoscit ipse doctissimus Gothofredus. Porro, talium seu onerum seu vehum mille quinquaginta uni lex tribuit vehationi. Ergo fieri non potest, ut vehatio sit vehela, cum vehela unam tantum veham sive unum onus capiat, proprièque *onus* sive *vehes* appelletur, quantum vеха seu vehela contineri potest. Verum nobis ad vehiculum est redeundum, de quo jam ex Varrone observavimus, quod ex viminibus fuerit confectum. Sed quæ illa vimina? Num virgæ hic intelligendæ, quales salicis, coryli, ac similium? At verò virgæ pertinent ad sirpeas. Varro: *Sirpea, quæ virgis sirpatur, id est, colligando implicatur. Vehiculum, quo ex viminibus uterentur.* Sirpeas vult factas ex virgis, vehicula ex viminibus. Atqui virgæ quoque vimina. Sunt enim *vimina* sic à *viendo* dicta. *Viere*, porro, *inflectere*, *vincire*, *ligare*, Græcis *πλέκω*, ut quæcunque sic ligari ac inflecti consueverunt, & à Græcis *πλέγµατα* vocantur, ea sint & vimina. Porro, talia vel præcipuè sunt virgæ, quales salicis, betuli, coryli ac ejusmodi. Ut, si diversa esse à vehiculo sirpea debuit, ea ex virgis colligata esse non potuerit. Et profectò *sirpea* est à *sirpo*, quod nemo non intelligit. Porro, *sirpus* Græcè *σχοῖν*, id est, *juncus*. Glossæ veteres: *luncus*, *σχοῖν*. Ita sirpea non sic generatim erit ex viminibus, sed junco sirpata. Unde quoque in suspicionem venio, quasi Varro scripserit, *sirpea, quæ sirpis sirpatur*, & non, *quæ virgis*. Possis quoque *scirpis* legere. Nam in eo Vossio assentiendum, quod sit idem *sirpus*, atque *scirpus*. Et de *scirpo* Festus: *Scirpus est id, quod in palustribus locis nascitur, leve & procerum, unde tegetes sunt.* Ubi nota, tegetes ex *scirpo* fieri consuevisse, quod

quod & Plinius confirmat lib. xvi. cap. 37. *Scirpi fragiles palustresque ad tegulum tegetesque.* Hinc enim & sirpea, quæ tegebatur plaustrum. Ovidius lib. vi. Pastor.

At Dominus, discedite, ait, plaustroque morantes

Sustulit, in plaustro sirpea strata fuit.

Sic legendum locum hunc, non, ut vulgo editur, *sirpea lata*, monuit me Nobilissimus amicissimusque Heinſius. Dicit sirpeam fuisse *stratam* in plaustro, quod accipio de sirpea ibi reposita loco vestium. Solebant enim vestes imponere vehiculis, ut melius & mollius in eis sederent, idque *sternere vehiculum* vocabant. Gellius lib. XX. cap. i. *Arcera vocabatur plostrum, quasi arca quedam magna vestimentis instrata, quam nimis agri aut senes portari cubantes solebant.* Vides, instratum vestimentis plostrum, quod cum fiebat, *sterni* dicebatur. Lex duodecim tabularum eo ipso loco: *Si nolet, arceram ne sternito.* Hinc ergo *stratum vehiculum*, vestibis instratum. Verum loco vestium agrestes adhibebant sirpeam, id est, πλέγμα seu contextum ex juncis, quod Festus Pliniusque *tegetem* appellant, recentiores vocant *mattam*. Talis sirpea in Ovidiano plaustro fuit strata. Nisi reſenta lectione veteri existimamus sirpeam *latam* esse dictam in oppositione rotundæ, ac significare planam, qualis matta esse consuevit: Cum rotunda sit in orbem flexa contextaque; corbis instar. *Sirpiculum* profectò apud Columellam corbis est, in quem colliguntur flores, lib. X. -- -- *Cano jam vimine textum*

Sirpiculum ferrugineis cumulate hyacinthis.


Quare sirpea corbem aliquando denotabit majorem, cujus cum rotunda sit figura, potest alteram sirpeam Ovidius differentiæ causa nominasse *latam*. Nempe duplices fuere sirpeæ, aliæ latæ instar vestis, ad insternendum integendumque, aliæ rotundæ vel quadratæ, ad continendum. Ita habes *sirpeas stercorarias* apud Catonem de R. R. cap. 10. quibus stercus continebatur. Hæ latæ nequiverunt esse. Ergo instar corbium rotundæ vel quadratæ. Imponebantur autem ambæ plaustris; Latæ, quando in eis sedere deberent homines; Alterius generis, quando evehendum stercus, vel id genus. Quæquæ ratio posterior longè fuerit frequentior, cū ferè semper sirpeæ

firpea de ea exponantur. Dixi, firpeas impositas, & impositas esse
 plaustris. Docet manifeste locus Ovidii, superius allatus, in quo
 clarè dicitur fuisse firpea *IN plastro*. Quare firpea non fuit plau-
 strum, sed nec distinctum à plastro genus vehiculi, quando pro-
 priè loquendum, sic enim *in plastro* esse nequivisset, verum ali-
 quid, quod vehiculo imponebatur. Contra quidem Scaliger in
 Conjectaneis ad Varronem: *Sirpea: Lucilius: Tintinnabulum abest
 hinc sirpiculaque olerorum. Est autem vehes ex crate. Sunt enim hic duo
 genera vehiculorum, sirpea, aut sirpicula & tintinnabulum.* Malè ta-
 men sirpeam facit vehiculum, si vehiculum intelligas pro eo, quod
 incedit rotis. Non enim vehiculum fuit, verum pars illius. Quod
 ostendit ipse, quando vocat *vehem ex crate*. Vehem enim hic intel-
 ligit, quæ est, diciq; debet veh. Porro, veha plastrum, ut est supra
 indicatum, quod profectò nunquam est ex crate. Id, quod ex crate
 fuit, plastro imponebatur. Sirpea igitur non fuit vehiculum, nec
 veha, multoq; minus vehes ex crate, verum ipsa crates. Neq; alia
 est causa, cur sit dicta sirpea. *sirpeus* nimirum adjectivum est à *sir-
 po*, proprièq; id significat, quod est ex sirpis, id est, scirpis, quomodo
 & à *scrupo* est *scrupèus*. Ergo sirpea per se nihil notat, verum in re-
 spectu substantivi, quod in ea intelligitur. Id verò aliud non potest
 dari, quam crates. Crates nempe notat in commune *πλέγμα* cujus-
 cunq; generis. Erat porro alia ealiis contexta rebus, una ex sirpo,
 quæ proinde *crates sirpea*, & omni substantivo, sicut fit in plurimis,
sirpea est dicta. Talis sirpea imponi plastro consuevit. Unde
 postea fiebat, ut non plastrum nplius, (id enim nihil tale habuit
 impositum) sed sirpea nominaretur. Quod si crates esset aliis ex
 viminibus, tum non sirpea dicebatur plastrum, cui imponebatur,
 sed *vehiculum* aut *veha*. Et hanc ideo veram esse utriusq; generis
 differentiam. Nam alias non minus sirpea ex viminibus, quam ve-
 hiculum. Docet Columella, qualem in superioribus *vimine tex-
 tum sirpiculum* memoravit. Item *pro*, quando ita ait lib. I. R. R.
 cap. 23. *Alia alio loco serunda, ut heas vimina, unde viendo*, (ita
 malo, proutendo) *quid facias, ut sirpe*. Ut sic inter vehiculum &
 sirpeam non ea fuerit differentia, sed vehiculum fieret ex vimi-
 nibus,

nibus, sirpea ex virgis, sed quod sirpea ex sirpis, vehiculum non ex sirpis, verum aliis viminibus. Atq; sic intelligendum & legendum Varronem existimo. Sed interdum loco cratis ex sirpo aut viminibus aliis, plaustrum imponebatur ipsa ex tabulis ligneis conjuncta: atq; tum appellabatur *arcera*. Nam *arcera*, sicut ait Varro, *quod ex tabuleis vehiculum erat factum ut arca*. Vocat hic vehiculum, *arceram*, non quod per se vehiculum fuerit, sed quod impostum vehiculo dederit nomen, tanquam pars, per quam ab aliis, sirpea & similibus distingueretur. Quomodo & plaustrum appellavit Cæcilius apud Gellium lib. XX. c. i. *Arcera vocabatur plostrum tectum undig, & munitum quasi arca quadam magna*. Plostrum proprium non erat tectum sed apertum ut quod omnia palam haberet, quæ in eo vehiebantur, sicut sæpe diximus. *Arcera* igitur per se ac proprie non fuit plostrum. Dicitur tamen plostrum, quia plostro fuit imposita. Ideo & *plostrum tectum* dixit Cæcilius itemque *munitum*, tabulis existimo ut Varro docet. Atque hoc est triplex plaustrum, de quo dicere constitimus; *Vehiculum* videlicet *sirpea*, & *arcera*: Vehiculum, quod contextum erat ex viminibus, sirpea quod ex sirpo scirpove, arcei, quod ex tabulis. Quanquam de *arceramens* sit alia Scaligeri. Si enim habet in verborum Etymologia, subdita Conjectaneis in Vrronem. *Arcerra*, ab ad & carrus. Id erit ad verbum, *epiredium*, *spua* & *hibrida* voce. *Arcerra*, pro *ad-cerra*, ut *arvenire*, *arcedere*. Itacaliger, in quibus sunt non pauca dubia & incerta. Nam primo inquam in vetustis libris est *arcerra* geminata littera, sed semper una simpliciq; *arcera*, quod ad arcam, quam ad currum propius accedit. Dicis, veteres non geminasse litteras, cur ergo, si à *currus* est, non dixerunt *arcerrus*, vel *arcerus*, sed *arcera*? Jam quid *ead currus*? Respondetur, quod est *epiredium*. Quasi currus ide sit & rheda. Si à rheda, *epiredium*, ad *arcerram* nihil pertinebit quia multum inter sese differunt *currus* atq; *rheda*. Verum alia ē *epiredio*. De *arcera* dubitate vix valemus, quin ab *arca* sit, propterea, quia fuit ex tabulis, quia fuit clausa tecta que, quale nil a *hedam epiredium*ve pertinet. Addit ad postremum Scaliger: *si sit eadem origo cum arcirma*. Quod haud

haud paulo melius videtur, quando & *arcirma* est de genere plaustrorum. *Festus*: *Arcirma genus plaustri est modici, quod homo gestare possit.* Ita habent Manuscripti veteres, non *arcuma*, nec, *quo homo gestari possit.* Et *arcirma* quidem vocem rectam esse inde etiam colligitur, quod eandem retinet Onomasticon vetus Argentoratense, in quo pariter *ἀρμα*, id est *plaustrum* explicatur. Quod vero dicitur ab uno posse gestari, id quam bene sese habeat, ignoro. Plaustra saltem non gestantur, sed trahuntur, cum instructa rotis fuerint, qualia gestari prorsus inconueniens apparet. Nisi arbitramur, ista esse addita, non ut ostendant, quomodo id plaustri genus promoveri possit soleatve, sed quam exigua fuerit ejus magnitudo. Sane quomodo ex eo vehiculum quodcunque modicum ostendi, quia illo homo possit gestari, necesse sit, ego quidem haud intelligo. Nam & maximo vehiculo gestari homo potest. Debuiſſet saltem Festus scribere, *quo unicus tantum homo gestari possit*, sic ad rem dixisset aliquid. Jam cum nihil hujus generis apud Festum occurrat, nondum consentire possum nec in lectionem vulgatam, nec in ejus explicationem. Mihi manet potius *arcirma* plaustrum tam minutum, ut & homo possit tollere in humeros, ac si necesse sit, gestare. Potuitque Festus respexisse ista explicatione sua ad locum aliquem scriptoris veteris, ubi tale quidpiam de *arcirma* legebatur. Quomodo in non paucis aliis ab eo factum norunt, qui diligentius inspexerunt. Denique, *arcirma* mihi plane ab *arca* videtur derivata, nec innuere nisi tale genus, quod *arcera* appellarunt, nisi quod minutum esset. Sed quis usus fuit prædictorum generum? Etiam hoc novimus ex Varrone, quando vehiculum quidē scribit adhibitum ad fabas devehendas. *Vehiculum, in quo faba, aliudve quid vehitur.* Primum fabam nominat, post & aliud quid quo putō intelligere legumina similia. At vero *sirpea* ait adhibitam ad evehendum stercus. *Sirpea, in qua stercus, aliudve quid evehitur.* Fuit igitur opinione Varronis vehiculum honestius paulo, *sirpea* inhonestius. Vehiculum pertinuit ad vehendum *sirpea* ad evehendum. In illo portabantur fabæ aliaque usibus humanis necessaria, in

hac sterco, aliaq; reijcula & non utilia. Sed hæc differentia non est perpetua. Nam apud Tacitum habemus *vehiculum*, quo *purgamenta hortorum eripiuntur*: & contra apud Lucilium *sirpículas oleorum*. Quare Varro respexerit ad usum horum non perpetuum, sed frequentiore. Sirpeas profecto adhiberi solitas ad sterco, quisquillas, & purgamenta evehenda docet Cato quoque, quando in oleo requirit *sirpeas stercorarias tres c. i. o. r. r.* & in vinea *sirpeam stercorariam unam* capite sequenti. Sirpeæ quæ fuerit species, in antiquis monumentis nondum vidi: at vehiculi sine dubio est ista, quam ex monumento veteri exhibet Lucas Petus de Menfuris.



At vero arceræ usus qualis fuerit, colligitur ex verbis Cæcilij apud Gellium loco in superioribus laudato. *Arcera*, inquit, *vocabatur plostrum tectum undiq; ac munitum, quasi arca quædam magna, vestimentis instrata, qua nimis ægri aut senes portari cubantes solebant*. Monstrat hiscè verbis primum, arceras pertinuisse ad vehendos homines, nec tamen quoslibet, verum ægros, qui non possent ambulare, aut senes. Deinde non sedisse in arceris, verum cubasse, atque ita ad cubandum fuisse paratas. Atq; hunc arceræ usum docet quoq; lex duodecim tabularum, in qua sic habetur apud dictum Gel-

Gellium: *Si in jus vocat, si morbus æ vitas ve vitium extitit, qui in jus vocabit, jumentum dato: si nolet arceram ne sternito.* Quæ verba sic Cæcilius exponit: *In jus vocato pauperrimo homini vel inopi, qui aut pedibus forte agris esset, aut quo alio casu ingredi non quiret, plostrum esse dandum censuerunt: neque in sterni tamen delicate arceram jusserunt, quoniam satis esset invalido hujusmodi vetaculum.* Discimus & ex his, arceram pertinuisse ad invalidos: sed quæ peculiaris observatio est, non omnes, verum pauperes, ac inopes. Nempe plaustrum arcere fuit, in quo vehi opulentiores minime solebant. Quod de senibus habetur in superioribus, id confirmari potest loco Varronis ex Gerunti didascalo, ubi ait: *Vehebatur enim cum uxore vehiculo, semel aut bis in anno, arcera.* De senehic sermonem esse docet inscriptio libri, ex qua constat, totum ad ducendos senes fuisse paratum. Et sic Popma: *Senex ille unus hominum antiquorum scilicet, ita vegeto & firmo corpore erat, ut quamvis ætas licentiam daret utendi arcera, tamen ea raro vehiculo assidue veheretur.* Sed num solus hic arcerae fuit usus? Ego vix persvadeor. Quid enim? An si cui negotium evenit cum invalido inope, quo eum trahere in judicium posset, opus fuit, ut prius strueret arceram? Non opinor. Quin potius inter alia vehicula & arceras habuisse censeo. Scilicet quæ vehi debent, non ejusdem omnia sunt generis. Quædam simplici imponi possunt plaustro, ut asseres, tigna, saxa: quædam quia sunt minuta, contineri vase debent, ut sunt rapa, poma, olera, legumina. Et huc pertinent vel ex viminibus contexta vehicula, vel ex scirpo colligatae firpæ. Quædam sunt adhuc fluidiora, ut ne tali quidem genere contineantur, sicuti e.g. arenæ. Ad hæc opus vase confecto è tabulis ligneis, undiq; tecto, & undiq; clauso, capsæ seu arcæ modo. Non igitur est dubium mihi, quin arcerae alius quoque apud veteres fuerit usus. Ac videtur posse demonstrari ex antiquo monumento, quod in descriptione ædium Barbarinarum prodit Telius p. 179. ista ratione.



Vehiculum quod hic exhibitur, plaustrum est, quod vel rotæ testantur. Porro ei non incumbit aliquid contextum ex virgultis, ut specialiori notione dici possit vehiculum, nec ex iuncis, ut vocari queat sirpea, sed ex tabulis ligneis, quod arcerae proprium fuisse diximus. Itaq; vix dubitare possum, quin hæc species sit arcerae apud veteres, cum præsertim circumquaq; clausum sit, quod plaustro incumbit, speciemque arcæ pulchre præ se ferat. Jam si, quod existimo, hæc arcera fuit, patet utiq;, adhibitas arceras etiam ad venationes, impositasq; illis captas feras. Nam venationem exhibet id monumentum integrum, uti omnia testantur. Atq; hoc fortassis est, quod voluit Seneca in Hippolito Actum I. v. 75.

— Fertur plaustro
Præda gementi. Tum rostra
canes
Sanguine multo rubicunda
gerunt.

Adde

Adde cætera, nam convenientissima monumento habent, ac id totum veluti describunt. *Prædam* vocat capta per venationem animalia, uti solent, quod ad Phædrum pridem demonstravi. Hanc prædam ait ferri plaustro. Quod si monumentum vetus attendimus, non de plaustro simplici accipiendum, sed de eo, quod impositam habuit arceram, & ex eo arceram nominatum fuit. Verum supra diximus, arceras usurpatas ad minuta maximè quæ fluida, quæle quid censerî præda hic proposita non potest. Nempe alius est proprius arceræ usus, atque id, cuius gratia fieri arceram primitus necesse fuit; Et alius illius usus adventitius, & id, quod qualibet obvia de causa ipsi potest imponi. Alias enim ne quidem ægrotos imponere ipsis debuissent. Qui tamen impositi huic generi vel ideò, quia debiles certius ibi ac sine metu prolapsionis cubabant.

Cap. XXI.

De Benna.

Benna. Cato explicatur & emendatur. Benna corbis. Bocharti sententia ponderatur. Vossius rejicitur, & Scaliger. Benna Gallorum. Festus defenditur. Benna testæ. Bennarius. Benna ad bella. Συβάρις. Combennones. Convennit. Glossæ explicantur contra Scaligerum. In benna pugnatores plures.

Superest adhuc genus unum cum duabus rotis, quod à Gallis *benna* nuncupatum. Gallicam enim vocem esse discimus ex Festo, qui sic habet: *Benna lingua Gallica genus vehiculi appellatur.* Invenimus tamen ea usum etiam Catonem libro de R. R. cap. 23. ubi inter alia: *Cum pluet, quala parentur, sarciantur, far molatur, benna emantur.* Frustra sunt, qui aliud vocabulum substituunt, ac facile consensu codicum & optimorum & antiquissimorum refelluntur. Dicas, quid hic agit vehiculum, & quomodo huc potest pertinere, ac referri inter ea, quæ opus sunt ad vindemiam, & ideò paranda? Nam de talibus toto eo capite est sermo. Scilicet non semper *benna* est vehiculum, sed interdum corbis longior è viminibus contexta colligataque, qualis utique in vindemia est utilis & necessaria. Neque *bennam* aliam Cato intellexit isto loco, ut proinde nulla hic sit difficultas. Illud magis cogitandum, quare Cato dicat, *bennas* illas.

illas emendas, cum pluet. An tum rectius, noscuntur, aut inveniuntur facilius, aut vilius emuntur? Nihil horum, neque ad emendas bennas quidquam tempus pluvium conducit, non magis, quam ad alias res emendas. Vitium est in scriptura, legendumque, *benna vieantur*. Dicit toto eo capite, quid tempore vindemiæ parandū. Sed quia sæpe pluvix tum cadunt, ideo seorsum docet, quid tum possit fieri, ne tempus ullum perdatur. Inter alia & bennas ait posse vieri, hoc est, ex viminibus contexti. Nam ex viminibus factas paulo post monstrabo: Propriè autem *vieri* dicuntur, quæ plectuntur ex viminibus. Festus: *Viere, alligare, unde vimina, & vasa viminea*. Illud *vieantur* transmutatum est in *emantur*, quia scriptum fuit *vieantur*, tribus ab initio lineolis, sine signo, quo in apice notari u & i siveverunt, sicut fit in Manuscr. Id enim non nemo legit *meantur*, ac, ut vitiosum, & laborans litterarum transpositione, per *emantur* corrigendum putavit. Cæterum, si benna, de qua nobis est agendum, Gallicum vocabulum, quæ sit ratio illius, cogitandum. Primum autem observari poterit, quod *benna* nomen hodieque sit in usu Belgis, qui apud veteres Gallis annumerari solebant, uti vel ex Cæsare est notum. Vossius in Glossario: *Benne hodieque Belgis corbis, cista, vehiculum vimineum quadratum*. Quæ Belgarum, eadem & meorum per Allatiam popularium est consuetudo, nam & ipsi *bennas* vocant vehicula, quibus textæ corbes ex viminibus impositæ, nihilque notius inter eos, sive usitatus. Jam si explorabimus, quæ vocis hujus apud Allatos Belgasque sit origo, apparebit utique, sic esse dictas *bennas* à *Binnen* sive *Binden*/ quod *ligare, colligare* denotat. Sic enim & *Bändel* nominant, itemque *Gebänd*/ quod Latinis *ligamentum*. Nempe, ut jam supra dixi, benna fuit combinata contextaque ex viminibus. Hanc igitur ob causam, quia combinata fuit, *benna* dicebatur. Atque istoc quidem mihi vero propius videtur, quam quod traditum à viro summo lib. I. Geogr. Sacr. P. II. cap. 42. quasi veniat ab Hebræo *ophanim*. Nec enim est ratio, cur hoc genus magis ita nominari debuerit, quam aliud quodcunque: Cum non magis cætera rotis destituta fuerint, quas *ophanim* Hebræis dicit denotare. Eadem est causa, cur non possim adprobare, quod

quod à viro alio doctissimo est proditum, quasi sit à βέννα, sive **Bann**. *Fortasse*, inquit in Etymologico, *benna* à βέννα. *Nisi potius à Belgico Bann*/ id est, *via, callis, & imprimis via aperta plana*. Quasi *benna* non sit Gallicum vocabulum, sed Græcum aut Latinum, aut hoc solum viis planis apertisq; incesse- rit. Species, quæ bennæ fuerit, jam liquet ex superioribus, habuisse scilicet supernè corbem ex viminibus contextam. Quo respectu quidem nihil à vehiculo vel sirpea diversa fuerit. Quando tamen Gallica vox *benna* dicitur, vehiculum quoq; Gallico modo, id est, diverso à Latino, atq; sic à sirpea, vehiculoq; speciatim ita dicto, constructum fuisse necessarium videtur. Scaliger Belgarum putat proprium in suis ad Catalecta Virgiliana Commentariis, ubi, cum de aliis egisset vehiculis, & Gallorum rhedas, Britannorum covinos ostendisset fuisse, subdit: *Belgarum verò benna, qua etiamnum hodie utuntur: Quin & apud eos hodie genus carri, itemque apud Helvetios, eine Benne vocatur*. Verum nulla causa est, ut à Gallis Belgas separemus, hisq; solis arbitremur proprium fuisse, cum non magis *benne* apud Belgas, quam apud Gallos *banneau* eodem sensu usuq; sit receptum. Samuel Bochar- dus part. II. lib. I. cap. 42. *Benna Germanis hodie benne, & nostratibus banneau*. Manet ergo ex auctoritate Festi Gallicum vehiculum, ac ob id Gallica ratione structum. Cujus rationis, nescio, annon pars quædam fuerit, quod corbis ista esset clausa non in ambitum solummodo & à lateribus, verum etiam supernè. Ita colligo, quoniam σκηνή à Græcis dicebatur. Glossæ veteres: *Bennarius*, σκηνάρχης. Si σκηνάρχης est *bennarius*, *benna* sit σκηνή, necesse fuerit. Est autem σκηνή, uti ex Hesychio apparet, ἢ δὲ πρὸ ἑύλων, ἢ περιβαλαίων εἰσία, hoc est, ædicula seu pergula ex tabulis ligneis, aut pannis, similibusve rebus. Inde Glossæ: σκηνή, *tentorium, tabernaculum*. Hoc verò semper tectum supernè intelligitur. Quare hujus generis & corbis bennæ fuerit, sive potius *benna* ipsa, quæ est corbis. Nec videri mirum potest, cum bennarum usus maximè in bellis fuerit. Sic colligimus ex illis ipsis Glossis, quæ à nobis supra sunt laudatæ, ac vocabulo σκηνάρχης. Nempe dictus est σκηνάρχης, sicut apud Græcos ζυγάρχης. Est autem ζυγάρχης, ἀρχὼν τῆς ζυγάρας, hoc est, is, qui præest zy-
m m garchiæ.

garchiæ. Zygarchia verò sunt duo currus militares. Ælianus cap. 22. Τα δύο ἀρμάδια, ζυγαρχίαν ἐκάλεισαν. *Duos currus appellarunt zygarchian.* Sicut ergo in militia Græcorum duo currus erant zygarchia, ita in militia Gallorum duæ vel saltem paucæ quædam bennæ Scenarchia sive σκηναρχία, cui qui præerat, is σκηνάρχης Græcè, alias *bennarius* appellabatur. Unde plane constat, bennas in militia fuisse usurpatas. Nec enim σκηνάρχαι, extra illam possunt intelligi, non magis, quam ζυγάρχαι. Sed & ex vocabulo *combennonum* colligi hoc posse videtur. Festus sic de eo: *Benna lingua Gallica genus vehiculi appellatur. Unde vocantur combennones in eadem benna sedentes.* Non putandum, quasi sermo sit de confesso vulgari & obvio, quomodo & alias in vehiculis plures iuncti solebant sedere. Nec enim ad exprimendam eam rem peculiari opus fuisset vocabulo. Verum *combennones* dicti, sicuti *commilitones*, *contubernales*, & id genus in militia. Habuit nimirum suam quisque bennam, ex qua pugnabat, ita destinatam sibi, ut nec in aliam ipse conferre sese, nec in locum ejus alius transire posset, ne, si pro arbitrio quisque occuparet quemlibet, turba & certamen inde oriretur. Quotquot ergo unam istiusmodi assignatam sibi habebant bennam, illi *combennones* dicebantur. Atque sic intelligendum etiam, quod in Glossis legitur *convennit*, συμβασις ἀΐψ. Sic enim id verbum scriptum reperit in ipso Codice manu exarato Scaliger, quod ex Commentario ipsius in Virgiliana Catalecta patet; Non verò *convenit*, sicut postea est publicatum ab Henrico Stephano, cura, credo, nimia emendatoris. Scilicet *convennit*, qui alterius combenno est, & in eadem benna vehitur cum alio. Nec necesse arbitror, ut cum Scaligero perperam putemus scriptum hoc vocabulum, & ideò mutemus in *combennit*. Nam est notum, crebrò istas inter sese permutari litteras. Ita supra *pabo* habuimus pro *pavo* & *vivices* pro *vibices* in eisdem Glossis, non per errorem, sed ex industria est scriptum, unde auctor earum & ad vocem *vibices* lectorem in *vivices* remittit. Sed de hac re dicam amplius in opusculo de permutatione litterarum, si Deo visum fuerit. Bennam interim fuisse currum militarem, & in pugnis usurpatum, propter ea, quæ attulimus, vix dubitamus.

mus. Et quoniam currus fuit militaris, Gallis Belgicis cum primis notus, ideo adducor in suspensionem, quod sit voce alia nominatus *cophinus*. Covinus profecto currus militaris fuit apud Belgas, ut Lucanus docet. Sed de covino peculiari capite agemus. Illud hic notabimus, quod in benna fuerit non unus tantum aliquis, qui pugnaret, sicuti in curribus apud Græcos, verum plures. Inde namque combennonum appellatio est orta. Quot autem singulis in bennis fuerint, indicare haud proclive, cum de eo, ut & cæteris vehiculi hujus nihil proditum apud veteres inveniatur.

Cap. XXII.

De Covino.

Covinus, covinnus, covina. Vossij & aliorum sententia refutata, Bocharti vero expensa. Tectus fuit pane idem cum benna. Falces habuit. Silij scriptura vetus. In cophino cathedra. Κάππιον καθεδρῶν. Philoxenus exponitur. Covini à Belgis venere ad Britannos. Mela exponitur. Covinarii. Hermannus Hugo revellitur. Ad covinos juncti equi. Covini ad iter. Non carruca, nec effeda fuere. Ducebantur & à mannulis. Vectores ipsi regebant jumenta sine auriga. Tres in eis. Argolus notatur. Vehicula dono data. Circense vehiculum covinus quo sensu. Argolus denuo notatur. Juveniles Augustales quales ludi.

COVINI vox occurrit apud Melam lib. III. c. 6. *Dimicant & bigis, & curribus Gallicè armati. Covinos vocant.* Atq; sic Lucanus, Sidonius, atq; alij. Apud Martialem scribitur *covinnus* geminata littera, verba postea adducam. Glossæ Mf. Savaronis mutant genus, & in feminino efferunt. Ita namq; scribit Savaro ad Sidonij Carm. XXIII. *Anonymus Glossograp. ms. Covina, genus vehiculi.* cæterum covini vocem sunt, qui derivandam judicant ἀπὸ τῆς κοτῆς, alij à cavea. Qua de re sic Vossius in Glossario. *Non censeo, nomen esse ἀπὸ τῆς κοτῆς, h. e. sectione, quæ fieret falcibus* (quibus nempe interdum fuerunt armati) *Ac nihilo rectius à cavea derivant alij, in his Franciscus à Quercu, quia in eo velut cavea consideretur, ut quæ & ad confessum cathedras haberet.* Nempe neg, hoc de loco camerato & καθεδρῶν

δεοτῶ, neq; alterum de *falcium* sectione, vel *Gracum* *juvant* ἔρπουρ, vel *Latinum*: cum vocis *Celtica* origo peti debeat à *Celtarum* lingua, qualis *Germanica*. Quæ omnia sine dubio sunt optima, summaq; ratione prolata. Verum quod is ipse postea vel ab *hauven* Germanorum quod significat *ferire*, vel potius ab *haven*, quod iisdem ait denotare, *ather*, *cælum*, putat derivandum, non æque bene judico proferri. Ac quod prius quidem attinet, ostendit ipse, parum id hic convenire. De posteriori recte fecisset, si adduxisset testem aliquem idoneum. Hodie profecto *haven* nihil tale denotat. Vulgo portus maris ita nominatur. Sveci & Septentrionis populi *haf* appellant mare, non hodierni solum, sed & vetustissimi. Quare propius accedere videtur Gallicum, *conurir*, quod *tegere* significat, & Belgarum *coffert*, quod pro cista cum operimento usurpant. Sed & apud Svecos veteres *Kopan* vestem appellarunt, qua vice pallij se operiunt; & apud Alsatos meos *Kapp* est pileus mulierum, quo se tegunt matres familiarum. Liqueat certe ex his omnibus, fuisse quondam in usu vocabulum, unde ista omnia sunt nata, quod tegmen seu operimentum significabat. Adde quod nunc quoque per Germaniam aliquibus in locis *Kobelwagen* vocitent vehicula superne tecta, item per contractionem *Kolwagen*, quod à *corvino* est proximum. Nam quod dictum putat à *כופין*, i. e. *gossphan* Chaldæorum Samuel Bochartus, quod occurrit *Esaia* X, 32. ubi *Sennacheribus* habuisse in exercitu suo legitur quater mille *gossphanim*, h. e. sicut ipse explicat, *cophinos*, id sicut ratione primæ originis erudite dicitur, sic ad explicationem vocis Gallicæ vel Belgicæ trahi difficulter potest. Mallem potius deducere à *corvo*, quod significabat priscis *cavum*, *convexum*. Inde namq; cælum quoque appellarunt *covum* sive *cohum*, ut ex *Festo* & *Scaligero* apparet, & apud *Varronem* inter instrumenta rustica est *covum* sic à cavo dictum, sicut ipse judicat. Formam covini quod spectat, facit eum *Vossius* perpetuo contectum. Ita namq; ait in de *Vitiis* *Serm. c. 3. Covini semper erant camerati tectiq.* Verum unde ipsi hoc constiterit, id haud declarat. Tamen discimus ex *Lucano*, quando sic de hoc vehiculo: *Et docilis rector constراتi Belga covini.*

Extat versus hic in libro I. ubi quondam legebatur *monstrati*. Quod cum videretur ineptum, sicut erat, *rostrati* pro eo substituere. Atque sic servarunt haec. At vero in vehiculis fuisse rostra, nemo legit: naves habuere. In codicibus antiquis est *constrati*, sicut docuit Cl. Isaacus Vossius, & ex eo primum testatus est Bouchardus. Sunt autem *vehicula constrata*, quæ superne tecta, sicuti *constrata naves*, quæ alibi *tecta*, ut prolixè docui in libris de Militia navali. Quare tecti covini fuere. Idem constat etiam ex eorum appellatione, si id innuit, quod diximus. Quod si covinus conveniret cum *cophino* vase, tectum illud ex viminibus videri posset structum. Est enim *cophinus* *vas ex virgultis, aptum mundare stercora & terram portare*, sicut ait Isidorus. Neque ratio denominationis repugnaret, cum & *cophinus* sit à *covus* h. e. *cavus*, ut vult Isidorus. Denique covinus vehiculum non per u solummodo, sed & per *ph*, *cophinus* scriptum reperitur. Sed magis est ut *vas cophinum* à Græco *κόφινος* & censeamus ortum. *Covinum* vero vehiculum à Gallico, seu Belgico, quod diximus. Quanquam cum hæc ratio sit observata in bannis, quas existimo fuisse covinos, eadem & covinorum fuerit. Præter id, quod contecti constratiq; essent covini, etiam falcēs habuere. Pomponius Melalib. III. c. 6. *Dimicant & bigis, & curribus, Gallice armati. Covinos vocant, quorum falcatis axibus utuntur*. Quibus verbis annotandum, quod hos falcēs non in orbibus habuerint, ut tradit Curtius de falcatis quadrigis, verum axibus, ut de curribus falcatis, alij pleriq; sunt testati. Firmat enim aliquo modo, quod de loco Curtij, & structura falcatorum currum jam in superioribus differui. Falces in covinis memorat & Silius lib. XVII.

Agmina falcifero circumvenit arcta covino.

Argolus in Notis ad Onuphrium, ubi laudat versum hunc, scribit *acta*, unde colligo, in antiquis libris *arta*, non vero *arcta* fuisse. Quanquam vero covini sic instructi fuerint nonnulli, omnes tamen non fuere, ne in bello quidem. Quod colligimus ex Tacito, qui tametsi pugnam covinariorum memoret in vita Agr. c. 35. tamen falciū in covinis, aut per eas factæ stragis nullū apud ipsum

est indicium, quod non omissurus Tacitus pro cætera sua diligentia videtur si quas habuissent falces. Quin imo aperte Hieronymus ad Esaiam cap. ult. *Sine falcibus itaq; currus noster covinus est.* Sed nimirū ibi sermo est de covino alio, quam bellico. De quali utiq; non possumus ambigere, quin falcibus caruerit. Habebat aliqui covinus & cathedram ad confidendum, quod colligimus ex Glossis Philoxeni, in quibus ita legitur: *Covinus, κάρριον καθεδρωτόν.* Vocat carrum cum cathedra: porro cathedra ad confidendum. Quanquam mihi *cathedra* hic videatur, quod in curribus militaribus antiquis *δίφρος*, id videlicet, ubi consistere, ac unde pugnare in hostem solebant, *σέμα* vulgo appellatum, hoc est *sella*. Nempe carrus vulgo fuit sine sella, ideo *καθεδρωτόν* vocavit, quasi diceret, non fuisse de communi genere carrorum, sed peculiari, quod impositas habuit sellas, id est cæpsos ex vimine factos & superne tectos, unde stantes pugnabant. Rotas quot habuerit, certo non constat. Quia tamen *κάρριον*, id est *carrus* nominatur, quem exponunt *δυναξάν*, duas colligo in eo fuisse. Usus covini frequentissimus apud Belgas, quod ex verbis Lucani antea adductis constat. A Belgis transiisse ad Britannos videtur. Colligo ex verbis Mela, quando ait, dimicasse isto genere, sed *Gallice armatos*. Cur enim *Gallicè*, nisi quia rationem totam mutuati sunt à Gallis, Belgis inquam, qui sunt pars Gallorum. Adde, quod à Cæsare, qui primus transiit in Britanniam, nulla fiat covinorum mentio, sed effedarum. Quare covinorum vox non est Britannica origine, sed cum vehiculo à Belgis ad eos translata. Alias non magis effedas, quam covinos Cæsar nominasset. Quando igitur in Britannis memorantur covini, vel intelliguntur effedæ, quos covinos subinde nominasse scriptores notiore vocabulo, ut in Belgis usitato, verisimile; vel covini à Belgis in Britanniam translati. Atque sic intelligendum, quod à Mela dicitur de Britannis: *Dimicant bigis, & curribus Gallice armati. Covinos vocant.* Nempe ita vocant lingua Belgica, unde acceperunt. Inde hodieq; nullum covini vestigium in Britannico sermone, quod Cambdenus fatetur, sed nec ratio illius dari potest idonea ex lingua Britannica, cū ex Belgica Germanicaq; possit, uti vidi-

vidimus. Pertinebant vero covini vel ad bellum, vel ad pacem. In bello ex eis dimicabant. Ita clare Mela: *Dimicant bigis & curribus. Covinos vocant.* Quæ dimicationis ejus fuerit ratio, non satis constat. Quia tamen falces habuerunt, vix est dubium, quin sola incursione damnum afferre hosti quæfiverint. Sed non omnes habuere falces. Ergo in cæteris stetisse, indeque tela coniecisse in adversarios existimo. Ideo se peditum prælio immiscent apud Tacitum Vita Agr. cap. 36. Qvi regebant covinos, *covinari* appellabantur, non, ut tradidit Hermannus Hugo, *covinari equites*. Verba Hermanni sunt lib. I. de Mil. Equestri, cap. 6. *Belgas Lucanus ornat laude inventi covini lib. III. Pharsalia:*

— — *Rector monstrati Belga covini.*

Vnde Tacito, in Vita Agricola, *covinari equites*, qui scilicet de covino pugnabant. Neutrum horum verum est, nam Lucanus scripsit non *monstrati*, sed *constrati covini*, sicut supra indicavimus. Et apud Tacitum non leguntur *covinari equites*, sed *covinari & equites*. Locus, quem respexit Hermannus, verum malè intuitus est, habetur cap. 35. dicti opusculi his verbis: *Media campi covinarius & eques strepitu ac discursu complebat.* Alii Tacito sunt equites, alii covinari. Et qvi possint iidem esse, cum, ut ipse ait Hermannus, covinari pugnaverint de covino, id est, vehiculo, non eqvo? Equites verò, qvi pugnant ex eqvo. Quare iterum Tacitus in sequentibus, ut de diversis: *Equitum turma fugere, covinari peditum prælio se miscere.* Interim hos covinarios in covinis traxerunt equi. Eqvos enim ad hos militares covinos adjunctos habuisse discimus ex eodem Tacito, qvi dicto loco: *Sape vagi currus, exterriti sine rectoribus equi, ut quemque formido tulerat, transversos aut obvios incurfabant.* Non potest esse dubium, quin hic equi debeant intelligi, qvi vagos illos currus, id est, covinos, trahebant. In pace verò covinos adhibuisse legimus ad iter. Extat hac de re Epigramma integrum Marialis lib. XII. ad Juvenecum, quod, quia habet pluscula huc spectantia, totum adscribendum.

O jucunda:

*O jucunda covinne solitudo,
 Carruca magis, effedoque gratum
 Facundi mihi munus Heliani:
 Hic mecum licet, hic, Invence, quicquid
 In buccam tibi venerit, loquaris.
 Non vector Libyci niger caballi
 Succinctus, neque cursor antecedit.
 Nusquam est mulio. Mannuli tacebunt.
 O si conscius esset hic Avitus,
 Aurem non ego tertiam timerem,
 Totus quam bene sic dies abiret.*

Ex hoc epigrammate apparet utique, adhibuisse covinos ad iter, si-
 ve serium, siue, quod videtur magis velle, voluptatis causa institu-
 tum. Videmus autem ante omnia, covinum nec carrucam neque es-
 sedam fuisse, cum ab eis distingvatur. Deinde in comparatione ad
 essedas carrucasque viliorum putatum. Nam si vilior non fuisset, pa-
 rum aptè sibi carius vehiculum Martialis dixisset esse, carruca esse-
 daque. Nec enim est mirum, atque sic nec significandum, tanquam
 magnum quidpiam & singulare, si quæ meliora sunt & præstantio-
 ra, simul sint & chariora. Observamus quoque covinum hunc desti-
 natum itineribus adjunctos habuisse *mannulos*, non eqvos. Sunt au-
 tem mannuli de genere mulorum minutorum, quorum species ac-
 cedit propius ad eqvos, quam ad asinos, sicut, ubi egi de basterna,
 demonstravi. Regebatur porro etiam ab unico soloque, qui & ve-
 hebatur simul, & auriga erat. Hinc enim *solitudinem* covini Mar-
 tialis prædicat, & *mulionem* ait esse *nusquam*, id est, se solum & vehi
 eo, & mannulos ipsius regere. Erat tamen capax plurium, saltem
 trium, quando Martialis secum invitat in confessum & Juvenum,
 & Avitum. Erratque sine dubio Johannes Argolus ad Onuphrium,
 quando scribit, *saltem duos ad summum cepisse. Vulgo sessorem & au-
 rigam eundem fuisse. Qui nec ex hoc genere ad illud militare vide-
 tur rectè transire, ac statuere, ne in illo quidem fuisse, nisi unum.*
 Saltem covini sine falcibus requirebant plures, si per eos damnum
 afferendum erat hostibus. Quid enim unus faceret, qui simul
 eqvos

eqvos regere debebat? Discimus & hoc ex isto epigrammate, cum muneris loco datus Martiali covinus fuerit, inter munera, quæ donari solebant, etiam vehicula, nominatimq; covinos, fuisse. Qui ex eo erant grati acceptiq; quod nullis opus haberent mulionibus, qui iis vehebantur, soliq; ac liberè in itinere cum amicis garrere ac confabulari possent. Et hic covinorum usus maximus præcipuusq; in pace. Aliquando tamen nominant inter vehicula Circensia. Sidonius Apollinaris Carm. XXIII. ubi describit pluribus certamen quadrigarum:

*Instant verberibus simul regentes,
Iamque & pectora prona de covinno
Extensi rapiuntur.* -- --

Argolus ex hoc loco colligit, fuisse vehiculorum Circensium solenne hoc vocabulum. Sic enim ait ad lib. I. Onuphrii de Lud. Circ. pag. 16. *Nunc sufficiat ostendere, covinum dici apud veteres currum hunc (Circensem) & vehiculum, quo aurigæ insident. Hic verò commodissimus ad Circensia, si ve ponderis, si ve parvitatæ gratiam spectes.* Subdit deinde allata Sidonij verba. Verum alibi vocatas bigas quadrigasq; Circenses, covinos non legas. Imo ipse Sidonius quadrigas paulo ante dicit. Verba ejus ista sunt:

*Tunc cætus juvenum sed aulicorum
Elæi simulacra torva carapi
Exercent, spaciantibus quadrigis.*

Item post nonnulla interjecta

*Tandem murmura buccina strepentis
Suspensas tubicen vocans quadrigas
Effundit celeres in arva currus.*

Vocat currus & quadrigas, quomodo in universum omnes alij. Ergo covini sua & solenni voce minime appellabantur. Sed nec adhibiti ad circenses ludos, qui sic proprie sunt dicti, ut putabat Argolus. Alij fuere covini, alij currus Circenses. Nam quod sic appellat Sidonius, id fit abusive, per positionem generis unius, vice alterius, sicut locus universus docet, qui agit de juvenibus Augustalibus, quorum ludus agitatioq; fuit non covinis, sed quadrigis.

Asconius in Or. cont. ant. Cum Sylla post victoriam Circenses faceret, ita ut honesti homines quadrigas agitent. Item postea: Diximus jam supra Sylle ludis, quos hic propter victoriam fecerit, quadrigas C. Antonium & alios nobiles homines agitasse. Loquitur de Ludis sacris, in quibus ingenuos & nobiles, quos *aulicos* vocavit Sidonius ait certasse. Certasse vero non covinis, sed quadrigis. Unde plane constat, ludos illos similes per omnia circensibus vulgaribus extitisse, ac ideo nullo habuisse covinos. Cum præsertim covinorum mentio nomenq; sero, ac non nisi post Cæsareana tempora Romæ orta fuerit, circenses vero omni tempore duraverint.

Cap. XXIII.

De Effedo.

Effedum non est covinus. Bocharti sententia expenditur. Adseda. Belgicum est vehiculum. Phitargyrius & alij explicantur. Non est Britannicum. Iornandes exponitur. Habuit falces, sed non semper. Num idem cum basterna. Rotas habet duas strepentes. In eo equi fere, ijg. bini. Iornandes denuo exponitur. Aliquando tractum à mulabus aut bisontibus. Singula in eo iumenta pro se ambulabant. Pellibus erant ornata. Claudianus exponitur. Effeda ad prælia. Perequitare, de iis, qui vehuntur in curru. Rhodomanni versio Diodori rejecta. Eōsda. Alij auriga in ipsis, alij pugnantes. Effedarij. Stabant etiam in jugis equorum, & tergis. Effeda ad itinera, in eis etiam honoratiores. Cicero expenditur. Mulieres quoq;. Currus sunt celeres, & pulchre ornati. An & oneraria, an & in triumphis. Scholiastes Cruquij refutatur. Effeda in circo. Gladiatores effedarij. Philargyrius explicatur. Mulier effedaria. Seneca contra Lipsium explicatur. Fragmentum Petronij Tragurianum bis exponitur. Reinesius notatur. Certare de gradu, quid. Fragmentum Petronij denuo exponitur. Scissores cum gesticatione cibos diffecabant. Auriga effedariorum ad victoriam conferebant plurimum.

Venio ad effedum, quod vel idem cum superiori, vel non multum fuit diversum. Ut diversum tamen statuamus, facit Cicero Virgiliusq;, qui mentionem effedi faciunt, covini vero nullā.

Sed

Sed & effedum à covino distinxit Martialis eo loco, quem superiori capite attulimus. Quare fuerit diversum effedum, sed parum. Nomen ejus unde traxerit originem, nemo explicare neque veterum, nec recentiorum, quantum scio, tentavit. Solus eruditissimus Bochardus Par. II. Lib. I. Geogr. Sac. c. 42. sic ait: *Effedum Hebrais est הסדן hassedan. & Græce σατις sunt plaustra.* Verum cum & hoc sit Gallicum vehiculum, nescio an nomen ejus recte natum ex Hebraico dicatur, nisi forte, quatenus originem ipsius primam ultimamq; volumus respicere. Mallem ego credere sic nominatum à sedendo, & *seda*, quoniam in eo sedebant, & sedebant supra axem, qui Germanis, Celtis, ut ejusmodi est *ax* vel *es*, sicut locus ubi confidetur *Sig/Sâte*/ut sit *effedum*, sedes aut sella super axem h. e. currum, seu vehiculum. Videturq; confirmari hoc ex Glossis Isidori, ubi ita loquitur: *Adseda, sella quadrijugis.* Nam τὸ *adseda* idiplum puto esse quod vulgo *asseda*, vel *esseda* vocatur. Non enim in neutro solum genere, sed & feminino extulisse cum ex Seneca, tum ex aliis compertum habemus. Erant autem *esseda* vehicula Belgarum. Docet Virgilius, quando ita habet lib. III. Georg.

Belgica vel molli melius fert esseda collo.

Servius ad hunc locum: *Belgica esseda, Gallicana vehicula. Nam Belgæ civitas est Gallia, in qua hujusmodi vehiculi repertus est usus.* Docet locus hic, non in usu modo belgis fuisse, sed ab ipsis quoq; primum excogitata esse, primum cœpta adhiberi. Item quando Gallica vocantur, Belgica intelligi debere. Ut apud Philargyrium ad prædictum Poëtæ locum: *Esseda vehiculi, vel currus genus, quo soliti sunt pugnare Galli.* Galli hic de Belgis sunt intelligendi. Pariter & apud veterem Commentatorem Cruquij ad II. Horat. ep. I. *Esseda vehicula sunt Gallica.* Dixit tamen quoq; *Esseda Britannia* Propertius lib. II. el. I.

Esseda calatis siste Britannia jugis.

Nempe & hoc genus mutuati sunt à Belgis. Ita malo credere cum Cl. Ger. Vossio, quam contra Servij auctoritatem Britannos ejus facere auctores. Sane mentionem *Essedorum* Tullius quoq; facit lib. VI. ep. I. ad Atticum, nec ut rei novæ, sed ut notæ pridemq; re-

ceptæ. Sine ulla enim admonitione, ac simpliciter sic scribit: *Hic Vedius venit mihi obviam cum duobus effedis.* Porro scriptam eam esse epistolam, si diligenter omnia ponderaverimus, ante Cæsaris in Britanniam expeditionem depræhendemus, unde sequitur, effedas Romanis non modo notas, sed & usurpatas fuisse, priusquam eis nota esset Britannia. Unde vero notitiam & usum illum acceperunt, nisi ex Belgis, quos proinde verisimile, primos effeda, vel effedas excogitasse. Jam si Belgæ primi effedæ auctores, nomen etiam ab ipsis erit, quodq; sic vocata & Britannis, id Belgis, à quo vehiculum acceperunt, debebitur. Quare quando sic Jornandes ait Rer. Goth. c. 2. de Britannis: *Bellum gerunt bigis curribusque falcatis, quos more vulgari effedas vocant;* non existimandum, effedæ vocabulum à vulgo Britannorum excogitatum, sed acceptum usurpatumque una cum ipso vehiculo ab his, quos dixi. Forma effedarum qualis fuerit, colligimus nonnihil ex superioribus Jornandis verbis, quando *currus* nominat *falcatos*. Nam apparet, falcibus armatas fuisse. Neque tamen omnes tales fuere. Primum enim eas, quarum usus fuit extra militiam, caruisse falcibus, res ipsa loquitur. Ad quid enim falces in eis conducerent? Deinde ne in ijs quidem, quibus pugnare, semper fuerunt. Cæsar sane, qui cum cura describit effedas, lib. IV. B. G. cap. 33. nullam falcium facit mentionem. Sed nec apud alios legas, unde quid de falcibus suspiceris. Adeo frequentiores sine falcibus, quam cum eis fuisse videntur. Postea quia *currus* nominat, curribus cæteris militaribus extitisse similes colligimus: cum præsertim alij quoque *currus* explicare soleant. Habuerunt ergo sellas suas easq; nescio annon clausas, quoniam *basterna* quoque nominantur. Ita docet nos Cujacius lib. XIII. Observ. cap. 30. *Alio, ait, sensu basternæ vehicula sunt, sive lectica, vel ut est in Glossis veterum, effeda quæ quod plerumq; speculâri lapide clauderentur, eadem glossæ, ut opinor, illa loco Juvenalis: Quæ vehitur clauso talis specularibus antra: recte interpretantur basternas.* Glossæ, quæ basternas effeda exponunt, Juvenalis esse videntur. At in ijs Glossis, sicut quidem à Schrevelio sunt editæ

Lugduni Batavorum An. MD CXLVIII. nihil istiusmodi reperio. Sed nec apud Juvenalem illo loco agitur de effeda vel baster-na, sed lectica. Ut de Glossis quidem istis nihil habeam, quod dicam. Laudat tamen Glossas alias Mf. ad lib. II. Sidon. ep. 10. quæ hoc ipsum statuunt. Sic enim habet: *Innom. Glossog. mss. Effeda, Baster-na*. Equidem si baster-næ vocem propriè accipias, nunquam eæ dici possunt effeda. Nam effeda habuere rotas, ut mox dicam, baster-næ vero nullas, sicut alibi monstravi. Videntur ergo effeda sic explicari, quod ut baster-næ, clausas haberent sellas. Verum ne hoc quidem convenire aliis videtur. Cæsar enim loco supra indicato, pugnatores ait *ex effedis desilire, per temonem incurrere in jugo insistere & inde se in currus citissime recipere*, quod vix potuisse videtur clausa sella. Sed fortassis alia non nihil fuit structura effedarum militarium, alia non militarium. Cum præsertim effedis & mulieres veherentur, quas notum est libenter usas sellis clausis. Rotas habuisse, illasq; admodum strepentes novimus ex Cæsare, quando illo ipso loco ait: *ipso terrore equorum, & strepitu rotarum ordines plerumq; perturbant*. Hinc Sidonio supra dicto loco *effeda stridentia*.

Stridentum & moderator effedorum.

Resipexit etiam Seneca epist. 56. ubi ait: *In iis, quæ me sine avolatione circumstrepunt, effedas transcurrentes pono*. Tribuit & ipse strepitum huic generi, quod præcipue propter rotas factum ex Cæsare cognovimus. Ita Claudianus Epigr. 1.

Effeda concordēs multisonora trahunt.

Ubi rectè Barthius: *Multisonora, à vario stridore rotarum & clangore ferramentorum*. Rotæ porro illæ numero fuerunt duæ, si quæ fides est Corraſio. Sic namq; is lib. III. Miscell. cap. 20. *Fuit effedum vehiculum breve, birotum, minus rheda*. Sanè, quia currus nominatur, ut jam ante dixi, duas tantum habuisse rotas consentaneum est, cum hoc proprium curruum extiterit. Ducebantur porro effedæ ab eqvis. Cæsar manifestè loco sæpe dicto: *Ipso terrore equorum, & strepitu rotarum ordines plerumque perturbant*. Item paulò post: *Tantum usu quotidiano & exercitatione efficiunt, ut in declivi ac*

præcipiti loco incitatos equos sustinere consueverint. Numerus equorum etiam binarius fuisse videtur. *Bigas* sanè nominavit Jornandes, hanc ob causam, ut opinor: *Bellum gerunt bigis curribusque falcatis, quos more vulgari effedas vocant.* Vocat *bigas* & *currus falcatos*, non quod duobus generibus iisq; diversis pugnauerint, sed quod falcati illi currus bigæ fuerint, hoc est, tracti à duobus equis. Figura simili, quæ in superioribus Vopiscum *vehiculum* & *judiciale carpentum* dixisse demonstravimus. Equos tamen habuisse junctos militaria esseda potissimum videntur. Cætera plus trahebantur à mulabus, id quod manifestè docet Epigramma totum Claudiani *de Mulabus Gallicis*, quas in essedo commemorat. Nominat & bisontes in esseda Martialis, non vulgari tamen, sed exhibita in Circo. Verba extant lib. I. Epigr. de Spectaculo:

Turpes esseda, quod trahunt bisontes.

Tanquam singulare ac inopinatum laudat à Domitiano præbitum spectaculum. Itaq; huc quidem nihil facit. Contra illud liquet, vel mulabus junctis ducta esse, vel equis. In junctura hoc peculiare habuerunt, quod jumenta ambulant non æqua fronte omnia, ut in quadrigis, (nisi forsitan essedæ militares) neque bina & bina, verum pro se singula. Docet Claudianus toto Epigrammate de Mulabus Gallicis, præsertim illo versu, quando ait:

Quamvis quæque sibi longis discurrat habenis.

Nam *discurrere sibi quæque* dicitur, quæ currit pro se, nulli alii à latere adsociata. Sic igitur incedebant. Erantq; mulæ vel jumenta ornata pellibus villosis ovium, quas habebant jugis impositas, consuetudine solenni, quæ hodieq; durat per Gallias. Idem Claudianus: *Consensuque pares, sed fulvis pellibus hirtæ*

Esseda concordēs multisonora trahunt.

Ubi fulvas pelles intelligo obsoletas ovium. Quamquam cum *fulvum* hic per commendationem dicatur, rectius fortasse statuamus intelligi pelles taxorum sive melium, quæ & ipsæ hodie in frequenti usu tali. Nam sunt pelles illæ verè fulvæ, sicut nemini ignotum est, qui vidit. Usus essedorum primus ad militiam & prælia videtur fuisse. Pugnauerunt sanè iis Galli, hoc est, Belgæ, uti Philargyrius testatur.

testatur. *Effeda*, inquit, *vehiculi vel currus genus, quo soliti sunt pugnare Galli*. Eadem de Britannis legimus. Inde Cæsar. lib. iv. Bell. Gall. cap. 24. *Ac Barbari, (Britanni) consilio Romanorum cognito, premisso equitatu & effedariis, quo plerumque genere in præliis uti consueverunt, reliquis copiis subsecuti sunt*. Traditur & ratio pugnandi cum effedis ab eodem Cæsare in ejusdem libri cap. 33. Adscribam locum etsi longiorem, quoniam est elegans: *Genus hoc est ex effedis pugna. Primo per omnes partes perequitant, & tela conjiciunt, atque ipso terrore equorum & strepitu rotarum ordines plerumque perturbant, & quum se inter equitum turmas insinuavere, ex effedis desiliunt, & pedibus præliantur. Aurigæ interim paululum è prælio excedunt, atque ita se collocant, ut, si illi à multitudine hostium premantur, expeditum ad suos receptum habeant*. Observa, quod de iis, qui pugnant ex effedis, usurpetur *perequitant*. Nam hoc alias ad nudos spectat equites, non vehiculis utentes. Quamquam hodieq; ista ratio locutionis apud Belgas fervetur, & dicantur *ruiden*/qui vehiculo curruve incedunt. Ostendit autem, duplex velut certamen horum fuisse, unum ex effedis cum telis jaculisqve, alterum in terra, pedestri consuetudine. Nam desiliisse ait, cum prælium esse ortum acrius. Quæ quidem parte pugna illa fuit similis heroum apud Trojam. Ac respexit fortè Diodorus lib. V. quando ita de Britannis: Ἀρμασὶ μὲν γὰρ καὶ τὲς πολέμους χρῶνται, καθάπερ οἱ παλαιοὶ τῶν Ἑλλήνων ἦρωες ἐν τῇ Τροίῃ πολέμῳ κεχρησθῆς παραδείδονται. *Ad bella effedis utuntur, quemadmodum antiquos Græcorum heroës in bello Trojano belligerasse traditur*. Ita vertit Rhodomannus. Sed in Græco non est *effedis*, verum ἄρμασι, hoc est, *curribus*. Videlicet & reliqua vehiculorum istiusmodi & effedas ignoravere. Igitur, cum de ipsis nominatim agendum, Gallicam retinuerunt vocem. Quomodo Metaphrastes Cæsaris in loco antea allato: ὁ δὲ τῆς ἀπὸ τέτων τῶν ἐσέδων μάχης τροπὴ τοιαύτη ἐστίν. Quæ Metaphrasti sunt ἐσέδα, ea Diodoro ἄρματα. Vix enim dubium, quin tametsi non nominaverit *effeda*, tamen ea intellexerit. Porro, docet quoque, plures in his effedis fuisse, alios propugnatores, alios aurigas. Nominatim namq; dicit, ex prælio aurigas excessisse. Quare alii aurigæ, alii propugnatores fuere: Quorum hi præci-

præcipuè, ut censeo, *essedarii* vocati. Unde pugnam eis Cæsar tribuit in locis supra allatis. Et lib. V. ait: *Essedarii acriter pralio cum equitatu nostro in itinere conflixerunt.* Sed & Cicero propterea lib. VII. ep. ad Trebatium 6. *Tu, qui ceteris cavere didicisti, in Britannia ne ab essedariis decipiaris, caveto.* Fuit autem utrorumq; artificium singulare, aurigarum in flectendo curru, propugnatorum in discurrendo per temonem, stando in jugis, & recipiendo se in currum. Cæsar sic describit: *Tantum usu quotidiano & exercitatione efficiunt, ut in declivi ac præcipiti loco incitatos equos sustinere, & brevi moderari ac flectere,* (hoc ad aurigas pertinet; sequitur de propugnatoribus) *& per temonem percurrere, & in iugo insistere, & inde se in currus citissimè recipere consueverint.* Annotandum, quod in ipso stare iugo potuerint, concitatis licet equis ac currentibus. Nempe sic & tergis eorum insistere discebant olim, quia de re nos certiores reddit Manilius lib. V. v. 31. quando ait:

-- -- *Et stabiles poterit desigere plantas,*
Per quos vadit equos. -- -- --

Item Silius lib. X. qui laudatur à Scaligero hoc loco:

Milite non illo quisquam felicius acri
Insultarat equo. -- -- --
Si nudo staret tergo, quum rapta volucris
Transigeret cursu sonipes certamina campi.

In pace pertinebant esseda ad itinera. Cicero lib. VI. Attic. ep. I. *Hic Vedius venit mihi obviam cum duobus essedis, & rheda equis iuncta.* Cum primis usus eorum fuit frequens per Gallias. Spectat huc, quod tradit Sidonius lib. II. ep. 10.

Hinc agger sonat, hinc Arar resultat,
Hinc sese pedes atque eques reflectit,
Stridentum & moderator essedorum.

Liqvet, essedarios cum essedis per aggerem publicum, qui vicinus fuit Arari flumini, facere iter consuevisse. Utebantur porro essedis viri, etiam in dignitate constituti. Hinc Propertius tribuit Meccæ-nati lib. II. el. I. ubi sic ad eum:

Si te fortè meo ducet via proxima busto,
Esseda calatis siste Britanna jugis.

Sveto-

Svetonius Cajo c. 51. ubi ait de eo loquens: *cum trans Rhenum inter angustias densumq; agmen iter essedo faceret.* Item Galbæ Imperatoris c. 18. *Cum per omne iter victima caderentur, taurus securis ictu consternatus essedum ejus in vasit.* Quare nescio, cur illius usum Cicerò objiciat Antonio Philippo II. ubi ait: *Etenim quod unquam in terris tantum flagitium extitisse auditum est? tantam turpitudinem? tantum dedecus? Vehabatur in essedo tribunus plebis, lictores laureati antecedeabant.* Num, quod esset peregrinum vehiculum, neq; magistratum publicum deceret? An quod vilius haberetur? At conjungit cum carruca Martialis. Servisse causæ suæ videtur. Nam alias svadet ipse Trebatio lib. VII. ep. 7. *In Britannia nihil esse audio neq; auri, neq; argenti.* Id si ita est, *essedum svadeo aliquod rapias, & ad nos quamprimum recurras.* Quanquam cum Trebatius magistratu nullo, publicove officio fuerit ornatus, magis credi possit, illi convenisse. Alias non viri solum eis utebantur verum & mulieres. Hinc Propertius ad Cynthiam lib. II. eleg. 32.

Quidve petis Æt mœnia Thelegoni?

Curve te in Herculeum deportant esseda Tybur?

Poterat vero hinc essedis celeriter confici iter, quod colligitur ex verbis Ciceronis, quando svadet Trebatio, ut ad eum esseda recurrat. Ita Seneca ep. 56. *essedas transcurrentes* memorat. Qui simul verbis suis ostendit, usum essedarum fuisse etiam in urbe. Illas enim ait ipsum circumstrepere, sed sine avocatione. Nam quod circumstrepit alios, in frequenti usu sit, necesse est. Esseda hæc urbana puto splendide fuisse culta ornataque, pertinere q; inter ea illud argenteum, quod in Censura sua concidi fecit Claudius, ut ait Sveton. c. 16. *Essedum argenteum sumptuose fabricatum ac venale ad sigillaria, redimi concidiq; coram imperavit.* Cæterum an usus essedarum solus unicusq; fuerit ad itinera, ignoro. Certe Claudiani Epigramma, quod attulimus in præcedentibus, innuere videtur quasi onera interdum aliqua iisdem deportarint. Estque hæc sententia & Barthij, qui sic de illo Epigrammate: *Mirifice me venustas hujus epigrammatis afficit, atq; adeo quidem, ut quoties istud contempler audire mihi videar, aut cominus videre agasænem quempiam*
sive

sive mulionem Sequanicum, qui Lemanni lacus piscem per Rhodani ripas Lugdunum vehat. Idem manifeste docet Sellius Sidonius lib. IV. ep. 18. ubi ait: Nulla effeda subvehendis oneribus attrahabantur. Pertinebant alias & ad spectacula, ut primum triumphalia, cum captivæ deducerentur in pompa triumphi. Meminit Horatius lib. II. ep. 1.

Mox trahitur manibus regum fortuna retortis

Effeda festinant, pilenta, petorrita, naves.

Interpres vetus Cruquij: *Effeda*) *hec vehicula sunt captivorum.* Si captivorum, ergo ducta in triumpho necesse est, verum metuo, ut Poëtæ mentem recte Magister acceperit. Nec enim ibi aliter festinant effeda, quam cætera vehicula. Jam vero illa adducebantur ad spectaculum, ut fatetur ipse, nec captiva erant, sed matronarum Romanarum. Quare idem statuendum erit etiam de effedis. Et cur festinarent tandem, si captiva fuissent? nemo sane sponte sua & cum festinatione venit eo, unde habet dedecus & infamiam. Itaq; hic sermo est de effedis urbanis, quibus simul cum pilentis petorritisq; festinabant viri juxta & mulieres ad spectaculum triumphi. Quare isto quidem Horatij loco nihil agitur de effedis captivis. Quanquam ea ipsa interpretis expositio docere nos possit, non insolitum omnino fuisse, quippe qui ne cogitare quidem de ea potuisset, si omnino nunquam istiusmodi vehicula in triumpho essent ducta. Exhibebantur aliquando & in theatro sive circo. De Domitiano saltem supra vidimus, quod testatur Martialis, dedisse effedas cum bisontibus adjunctis. Ad postremum effedæ ac effedarij inter gladiatores solennes. Docet nos Philargyrius ad lib. III. Georg. Virgilij, ubi post alia, quæ de effeda & effedariis commemorat, & alibi à nobis sunt allata, subdit: *Hinc & gladiatores effedarij dicuntur, qui curru certant.* Vult, fuisse duplex genus gladiatorum, unum quod certabat sine curru, aliud, quod cum curru. Quando curru certabat, dicebatur non gladiatores simpliciter, sed cum addito, *gladiatores effedarij.* Meminit hujusmodi gladiatorum effedariorum etiam Suetonius in Calig. c. 35. *Cum quodam die muneris effedario Poro ob prosperam pugnam servum suum*

suum manumittenti studiosus plausum esset, proripuit se è spectaculis indignabundus & clamitans, dominum gentium populum ex re levissima plus gladiatori tribuentem, quam consecratis Principibus, aut presenti sibi. Quem ante effedarium vocavit, mox appellat gladiatorem. Idem facit vita Claudij c. 21. Intelligimus autem vel effedarios simpliciter, vel cū addito effedarios gladiatores esse nūcupatos. Simpliciter sic appellatos discimus & ex Petronio, quādo ita habet: *Processit statim scissor & ad symphoniam gesticulatus ita laceravit obsonium, ut putares effedarium hydraule cantante pugnare.* Sic enim legendum illum locum ex Fragmento Traguriano docuit incomparabilis Gronovius, sublato asterisco, quem hic apponebant editiones vulgatae, uti pridem in Notis ad Fragmentum illud declaravimus. Fuerunt autem gladiatores effedarij non viri solum, quod est notum, sed & feminae, quod ex solo Fragmento dicto nobis cognitum, in quo *mulier effedaria* commemoratur p. 17. editionis nostrae. Verba habent ita: *Iam nanos aliquot habet, & mulierem effedariam.* Neq; mirum, quoniam apud Britannos etiam feminae militabant, ut ex Tacito XIV. Annal. c. 35. colligitur, quas sine dubio in hoc genere spectaculi imitabantur. Pugna ipsa fiebat è curru, quod ostendit Philargyrius. Num vero semper, dubitat Lipsius lib. II. Satur. c. 12. sed pugnasse putat *mixtim, modo è curru, modo pedites.* Atq; hoc velle censet Senecam, quando ait ep. 29. *De eodem cum consuleretur Iulius Gracinus, vir egregius, quid sentiret: Non possum, inquit, tibi dicere, nescio enim, quid de gradu faciat. Tanquam de effedario interrogaretur.* Ad hæc verba Lipsius: *Sententiam hic puto, effedarios solitos etiam pedites pugnare, de curru subito delapsos. Nescio igitur, aiebat, cujusmodi hic effedarius (ad gestationem ejus allusum) quem nunquam de gradu & incessu pugnantem vidi.* Potest conjecturam hanc juvare, quod & Britannorum effedarij hoc modo pugnarent, quemadmodum in præcedentibus ostensum est. Utrum tamen vere verba Senecæ hoc doceant, licebit dubitare. Causa, quoniam non pugnasse inter se, quod existimavit Lipsius, & in pictura expressit adjecta, sed cum alijs, peditibus videlicet, videntur. Hinc enim Petronius in Fragmento Traguriano tantum unicam

nominat mulierem effedariam, cui oppositos fuisse nanos joci causa puto. Verba clara sunt: *Iam nanos aliquot habet, & mulierem effedariam*, qui scilicet praelium inter se committant, nani pedites, & mulier ex effedo, sicut enim conveniens fuerat, ut una plures posset æquare. Testaturq; Xiphilinus in Domitiano, nanos ac mulieres committi consuevisse. Πολύταις δὲ τὰς ἀγῶνας ὑπόλοιγος ἐπολεῖ, καὶ ἔτι ὅτε καὶ γυναικὲς ἐγυμναζομένης συνεβάζαντο. *Sape noctu quoq; certamina instituit, aliquando nanos quoq; ac mulieres commisit.* Ad eundem modum alibi scissor apud eum repræsentat effedarium pugnantem. *Ita laceravit obsonium, ut putares effedarium pugnare.* Cur, effedarium? quia solus pugnare cum pluribus consuevit. Ista namq; ratio similitudinis. Videbatur scissor versari inter obsonia, & aliud post aliud adgredi ac lacerare, sicut effedarius solebat certantes secum in arena pedites; & sicut ita mulier effedaria nanos adoriri debebat. Quos proinde nanos frustra optimus doctissimusq; Reinesius in *mannos* immutavit, sicut in Appendice ad Nostras in Petronij Fragmentum Notas demonstravimus. Cæterum si pugnaverunt soli, utique descendere de curru non poterant. Qui enim singuli pares esse potuissent pluribus? Quare locum Senecæ puto aliter accipiendum. Nempe cum Græcinus quæreretur, quid sentiret de virtute Philosophi, de quo ibi sermo, respondisse ipsum ait Seneca, tanquam quæreretur de virtute effedarij, de qua non possit constare, cum de gradu pugnare non soleat. Virtus vera militis apparet ex certamine, quod sit collato gradu. Qui sic pugnat, *certare de gradu* dicitur, quomodo qui vincitur certamine hujusmodi, *de gradu dejici.* Contra non certat de gradu, qui non eodem gradu consistit, sed discurrit, & modo pugnat ab hac, modo ab illa parte. Tales fuerunt effedarij. Unde Cæsar dicit, etiam in ferijs, *per omnes partes perequitate.* Et Cicero ad Trebatium, *caveto, ne ab effedariis decipiaris*, quia horum fuit proprium, non tam virtute contendere, quam arte ac consilio, simulare impetum in hoc loco, aggredi in alio celeriter circumductis equis, mox fugam præ se ferre, tum effedam convertere, ac nec opinantes adoriri. Hoc respiciebat Græcinus & ideo de virtute Philosophi,

de qua quærebatur, nil se respondere posse dixit. Cæterum cum essedarij soli adversus plures, adjecti scilicet celeritate equorum ac vehiculi contenderint, ac iccirco adhibuerint artes, videtur hinc intelligi & illud Petronij, quod ait de scissore, essedarium repræsentante, laceravisse obsonium gesticulando. *Ad symphoniam gesticulatus laceravit obsonium.* Scio equidem gesticulatoria manu conscindere cibos consuevisse: testisq; est Seneca, quando epist. 47. de tali aliquo. *Prætiolas aves scindit certis ductibus circumferens eruditam manum.* Quo cum convenit & Juvenalis Satyr. V. ubi ei tribuit hac de causa *cultellum notantem.* Sed in Petronij simul respici opinor ad gesticulatoriam agilitatem aliquam, qua utebantur essedarij, qua vel eludebant adversarios, vel impetebant. Sicut qui alites scindunt, nunc capiti, nunc clunibus, nunc à dextra, nunc à sinistra imminet, ac sæpe illam invadunt partem, quæ imperito artis diu adhuc videbatur tuta futura. Et hoc quidem nobis de pugna essedariorum videtur. Ad quam feliciter expediendam credo cum Lipsio, habuisse suas aurigas. Servos quoq; eos fuisse vero consentaneum, cum ipsi essedarij gladiatores aliquando essent liberi. Liber sane fuit, qui describitur Svetonio in Calig. c. 35. quando ipse, sicut ait auctor, *obprosperram pugnam servum suum manumisit.* At non liberis, cui Claudius, *cum pro eo quatuor deprecarentur filij, magno omnium favore indulserudem,* sicut enim loquitur in Claudio cap. 21. Fuisse porro in his ipsis aurigis magnum ad victoriam obtinendam momentum ex dicto Svetonij in Caligulæ vita loco animadverto, quia essedarius aurigam illum suum post & propter pugnam prosperam manumisit: cujus rei nullam eo quidem tempore idoneam satis habuisse causam videtur aliam, quam quod victoriæ illius causa non postrema servus fuerit per doctam aurigationem. Unde rursus id eyincitur, quod ante dictum est, gladiatores hosce essedarios plus arte valuisse, quam virtute.

De Thenſa.

Thenſa. Tenſa. Aſconius exponitur. Scaliger defenditur contra Voſſium. Lintea in thenſis nulla. Onuphrius & Argolus refutantur. Svetonii locus ab emendatione prava liberatur & exponitur. Thenſa, curruſ. Vehicula thenſarum. Eburnea & argentea fuere. Schottus bis refutatur, & Vriſinus. Onuphrii pictura rejiciuntur. Vehiculum cum rotis quatuor, & ſuperne planum fuit. Adjunctos habuit equos. Lora in eis. Ciceronis lectio vetus aſſerta contra Lipſium. Schottus denuo rejicitur. Equus langvens in thenſa, irritum facit ſacrum. In thenſis Deorum imagines. Exuvia. Tertullianus aliter, quam factum à Salmaſio, exponitur. Dionis verſio caſtigatur. Πομπῶν. Schottus denuo refutatur. Varro exponitur. Ομφαδοί. Tenſaria. Philoxenus explicatur. Thenſe Deorum & Caſarum. Pacatus exponitur. Aurigammanula vatangere habenas neſas habitum. Thenſarum deductio, qualis. Aliud eſt ducere, aliud deducere thenſas. Deducentes pulchre veſtiti & coronati. Singula thenſa habebant ſingulos deducentes. Thenſe ex quo & in quem locum deductæ. Pulvinar Deorum. Nomenclatores thenſarum. Inſcriptio vetus explicata. Thenſarii. Iugares. Accommodare fræna. Tentores. Onuphrius notatur & Scaliger. Grotius emendatur & exponitur. Horti templi. Ἀδλῶν. Titinnius emendatur. Graſſari. An & thenſa non ſacræ. Turnebus revellitur. Nonius emendatur.

EGimus hucusque de eo genere vehiculorum, quod vel ſemper vel certè plurimum duabus incedere rotis conſuevit. Veniamus nunc ad alterum, quod habebat rotas quatuor. Ex eo primum *thenſam* memorabimus, quam & *tenſam* ſcribunt. Ita ſanè factum Voſſio in Etymologico. Neque aliter, quam *tenſa*, reperitur in antiquis Feſti ſchedis, ſi qua fides eſt editioni, à Scaligero publicatæ. Sed & apud Ciceronem ſemel iterumque ita ſcriptum videas in editione Vignoni Anno MDXCVI. emiſſa. Nam in editionibus aliis vetuſtioribus præſertim adſpiratio adjicitur, qua cum cæteri ferè omnes formant. Cauſa, cur diverſo ſcribant modo, non videtur alia, quam quod de origine ipſius non convenient, cum alii dedu-

cant

cant à *θεῶν*, alii à *tenendo*. Asconius in Verrin. III. *Thensas alii à divinitate dici putabant, alii, quod ante ipsas lora tendantur, quæ gaudent manu tenere & tangere, qui eas deducunt.* Quando ait à *divinitate*, non vocabulum intelligendum est, nec enim *thensa* inde potest derivari, verum ipsa res, quatenus tamen Græcis explicatur. Vult nempe ita dictas, quod sint divina vehicula, qualia Græcis *θεῖα*. Servius deducit à *θεῶν*, quod est, *rem divinam facere*, quia pertinebant ad negotia divina, & ceremonias, ut mox indicabimus. Verba ejus extant lib. I. *Æneid. Thensa autem cum aspiratione scribitur, δὲ τὸ θεῶν, id est, à re divina.* Ubi nota, Servium docere de scriptura, quod recepta fuerit cum aspiratione. Unde colligit, δὲ τὸ θεῶν deduci rectius hoc vocabulum, quam à *tenendo*. Atq; hæc etiam Scaligeri sententia, quam puto ipse quoq; amplectendam. Convenit profectò non scripturæ solum, sed & rei ipsi, cum illa altera à *tenendo* neutrum satis sequatur. Nam quod Vossius existimat sic dictas, quia *statua Deorum, quæ thensis ferebantur, velarentur circumquaque linteis, ad cubiculi seu delubri speciem tensis*, vel ideò probari nequit, quia linteæ ejusmodi in thenis non fuere, quod mox apparebit. Equidem & Onuphrius sic describit lib. II. de Ludis: *Erant thense sacri currus, super quos Deorum statuæ collocatæ erant, quæ linteis circumcirca ad cubiculi siue delubri speciem tensis cooperiebantur.* Subdit postea Festi locum, & Asconii, qui tamen de linteis nullam faciunt mentionem. Adeò non video, qui probari possit Argoli sententia, dicto Onuphrii proposita loco, quando *tensas* nil existimat fuisse aliud, quam parva quædam vela. Verba ejus hæc sunt: *Non apud ludos tantum in curribus, sed etiam domi thense, erantque explicata parva vela tribunali, qualibus nunc etiam Romæ Cardinales utuntur, sub quibus sella Principum ponitur.* Putat, ut apparet, *tensas* fuisse vela explicata, instar tentoriolorum; Ea existimat nunc imposita curribus, nunc collocata locis aliis, ut pro tribunali, Solis æstusq; arcendi gratia. Quod ut probet, adfert verba Svetonii ex *Julio*, quæ sic scribit: *Sed ampliora etiam humano fastigio decerni sibi passus sedem auream in curru, & pro tribunali thensam, & ferculum in Circensipompa.* Verum liquet esse prava codicis sui distinctione deceptum,

ceptum, atqve depravatione alia. Nam sic habent libri meliores omnes: *Sedem auream in curia & pro tribunali, thenfam & ferculum in Circensi pompa.* Nulla ipsi thenfa decreta fuit pro tribunali, verum sedes aurea. Thenfa pertinebat ad Circensem pompam. Quare frustra ex hoc loco tentoriolum exponitur, nec magis ex Plutarcho, mores Persarum memorante, vel Corippo, quando neuter de his thenfis agit. Thenfa plane, ut nunc speciem ipsius explicemus, fuit non tentoriolum aut velum, sed vehiculum. Diomedes clarè lib. I. *Thenfa Deorum vehiculum.* Item Asconius: *Thenfa sacra sunt vehicula pompa ordinum & hostiarum.* Ita Philoxenus: *Thenfa, ἀγῶνα θεῶν.* Hinc *vehicula thenfarum* apud Ciceronem in Verrinis: *Omnes Dii, qui vehiculis thenfarum solennes cœtus ludorum initis.* Plaustra nominavit Tertullianus de Spectaculis, cap. 3. per contemptum, ut opinor: *Si unam thenfam trahat, Io vis tamen plaustrum est.* Materia ejusmodi thenfarum fuit nonnunquam ex ebore, nonnunquam ex argento. Festus clarè, vocabulo *thenfa*: *Fuit & ex ebore, ut apud Titinium, in Barbato, & ex argento.* Itaq; non probo, quod à Schotto traditur lib. iv. Nod. Cic. cap. 6. Verba ejus hæc sunt: *Ex qualibet, porro, materia factas (thenfas) ait Festus, nihil tamen vetat, quin credamus ligneas factas ex ea arbore, quæ cuilibet Deo sacra esset.* Certè adeò non ex qualibet materia factas Festus ait, ut nominatim ebur memoret ac argentum, alia exclusa. Quamquam ebur illud ac argentum sine dubio spectarint magis ad ornatum, inductumq; ac incrustatum sibi habuerint vehicula thenfarum. Formam hætenus persvaserunt sibi eam, qualis cernitur in quibusdam nummis. Schottus: *Thenfarum forma expressa est in Numismate apud Fulvium Ursinum in gente Rubria.* Haussit Schottus hanc sententiam haud dubie ab Ursino ipso. At Ursini sola conjectura est, neq; habet, unde confirmetur. Contra multa sunt, quæ ipsam revellant. Nam primo nulla hic imago divina, quam tamen thenfa portari consuevisse certum, atq; in sequentibus monstrabitur. Deinde in ipsius parte suprema sive tecto est Victoria devolans, coronamq; lauream imponens eqvis. At hoc nil ad thenfas. Quin imò in nummo Illustrissimi Excellentissimiq; Viri, Comitis Magni de la Gardie,

Gardie, Regni Sveciæ Cancellarii magni, non Victoria solum cernitur, sed & bigæ, quibus insistit; Qui cum hactenus vel plane non, vel non ita, sicut debet, sit expressus, à me hic apponetur.



Vides expresse clareq; bigas in vehiculo præsentì. Jam verò bigæ plane non ad thensas pertinent. Sed nec lora hic cernuntur, quæ Asconius in thensis memorat. Ut quodvis aliud sit vehiculum, quam thensa, quod in nummo antea allato est propositum. Maxime, cum & Onuphrius alia exhibeat figura, quæ videri apud ipsum potest pag. 87. & sequentibus. Ex qua si nihil aliud, hoc saltem colligas, esse dubia incertaque, quæ de forma thensarum afferuntur. Quamquam, si rem bene ponderes, Onuphrius exhibeat non thensas, verum currus aut carpenta, quod ex iis, quæ à nobis alibi sunt dicta, facile colligitur. Thense præfectò apud ipsum sunt formatae ad imaginem illius, quod in nummo Faustinae cernitur, vehiculi. Jam verò thensam id fuisse, aut Faustinae sibi habuisse decretam nemo ex veteribus commemorat. Denique, si veteres consulimus, alia illius observari potest species. Nam si fuit similis illis vehiculis, quibus Ptolomæus Philadelphus in pompa apud Athenæum lib. V. simulachra Deorum traduxit, quod quidem censet Casaubonus ad Julium Svetonii, apparet fuisse latam longamque, & humilem, superne planam, rotisq; incessisse quatuor. Sic enim describit unum dicto loco: *Post hos quatuor rotis currus agebatur à centum & octoginta viris, longus cubitos quatuordecim, latus octo, in quo stabat effigies*

Bacchi, cubitorum decem, ex aureo carchesio libantis, cum tunica purpurea ad talos demissa. Nec fortassis caussa est, cur dubitemus multum, quando cætera conveniunt non pauca, ut liquebit postea. Sed & equum Dianæ, sicuti describitur Virgilio, in urbem Trojam tractum, speciem quandam thensarum putant præ se tulisse. Hinc enim Asconius de thensis agens: Ante ipsas lora tenduntur, quæ gaudent manu tenere ac tangere, qui eas deducunt. Quæ manifestè sumpta sunt ex illo Virgilio:

-- -- *Funemque manu contingere gaudent.*

Quo deductionem equi nominati describit. Jam verò equus ille stetit in ejusmodi videtur tabulato, quæ Athenæus memorat, cum rotis quatuor. Tangitq; ac intelligit Diæti, quando de illius fabro lib. V. ait: *Ima, quæ sub pedibus erant, rotis interpositis suspenderat, scilicet, quo attractu motus facilis foret.* Nam per ima, quæ sub pedibus erant, sine dubio id planum intelligit, quod dixi. Ad postremum ne imago quidem recedit, quæ cernitur in tabula marmorea ludorum Circensium Fulginii extante, ac exhibita Onuphrio p. 11. si, quod arbitror, thensam exprimit, nisi quod dimidia sui parte tantum cerni possit. Sanè, si & illi alteram dimidiam addideris, habebis vehiculum cum rotis quatuor, supernè planum, quæ thensam credimus fuisse. Trahebatur porro hoc vehiculum ab equis. Sic colligimus ex Plutarcho, quando ita habet in Coriolano: Ἰππεὺς ὁ εἰς τῶν ἀγόνων τὰς καλεῖ μέντας θήσας ἀτονήσων, καὶ πάλιν τὴν ἰνίχην τῇ ἀριστερᾷ χειρὶ τὰς ἡνίας συλλαβόν, αὐτοὺς ἐφ' ἡνίασιν τοῦ πομπῆν ἐπιλεῖν. *Si equus unus eorum, qui thensas trahunt, elangvisset, aut si laxa manu prehendisset auriga habenas, pompam de novo decernebant instituendam.* Vides plane, tractum ab equis, eisq; pluribus. At videtur aliud docere Asconius in verbis antea prolatis, ubi ait, *thensas à quibusdam putatas dici, quod ante ipsas lora tendantur, quæ gaudent manu tenere & tangere, qui eas deducunt.* Colligas hinc, thensas loro tractas ab hominibus. Atq; facit lori ejus mentionem Cicero quoq; in de Arusp. Resp. ubi ait, fieri contra religionem, *si ludius constitit, aut tibicen repente conticuit, aut puer ille patrimus & matrimus si terram non tenuit, aut tensam, aut lorum omisit.* Pro eo, quod habetur, *si terram*

non tenuit, emendat Lipsius *siferram*, vel *sifarram non tenuit*. Verum esse frustraneam emendationem illam, docet Arnobius, in cuius libro IV. eadem occurrunt verba, sine dubio ex Cicerone desumpta. *Commissum omnes statim in religiones clamatis sacras, si ludius constitit, aut tibicen repente conticuit; aut si patrimus ille qui vocitatur puer omisit per ignorantiam lorum, aut terram tenere non potuit.* Nemo persuadebit sibi, vitium utroque commissum. Fit autem & hoc loco Arnobij mentio lori, quem de thenſæ loro accipiunt. Ita enim Heraldus ad prædicta verba: *Omisit per ignorantiam lorum.* Quod tenebant ij, qui thenſam deducebant, ut docet Asconius. Dicit & ipse, tenuisse: quomodo vero, nisi cum tracto eo thenſam ducerent? Nam quod nescio ex quo foramine in thenſæ medio pependisse lora scribit Schottus, quæ gestiebant tangere, id nec certo aliquo dicitur auctore, cum foraminis illius Cicero mentionem nullam faciat, nec sensum habet aliquem idoneum. Contra de thenſis loro tractis videtur posse colligi ex Athenæo, qui ad thenſas pompæ Ptolomæianæ nunc centum & octoginta, nunc plures etiam commemorat viros trahentes. Sed & in equo Trojano hoc observat Virgilius, quando ait lib. II.

-- -- *Circum pueri innuptæ puellæ
Sacra canunt, funemq; manu contingere gaudent.*

Cum ergo lora fuerint in thenſis, nec à latere ipsarum, sive medio pendula, sed ante ipsas tenſa, ut testis est Asconius, neque hoc intelligi idonee, nisi cum trahendo tenſas ab ijs, qui tenere manu gaudent, tenduntur, utiq; vix constat, quomodo ut equi traxerint. Nisi dicamus, processisse thenſas ope duplici, vel saltem lora funesque, quibus ad thenſas juncti fuerunt equi, manu tenere ac tangere illos consuevisse, qui ducebant. Cum præsertim metus esset, ne langvescente aliquo ex equis sacrum totum redderetur irritum. De equis sane dubitari nequit, quia locus Plutarchi nimis manifeste docet. Cæterum quot equi, quoque modo juncti fuerint, difficile est divinare. Si Schotti & Ursini sententia valeret, habuisse quatuor, quadrigarum instar appareretur. Idem

diceremus, si sequendus esset Goltzius, quippe qui appellat then-
sam vehiculum Augusti cum adjunctis elephantis quatuor, in Au-
gusti vita pag. 77. At id vehiculum veteres non *thenfam* vocant,
verum *currum*, quod jam in superioribus ostendimus. Sed nec the-
sam *quadrigas* nuncupari legas. Deniq; cum ductæ sint non ab e-
quis solum, verum etiam hominibus, lorā tenentibus, ut dixi, eo
propendo, ut equos singulos unum post alterum, sive duos, sive
tres existimem adjunctos. Usus thenfarum fuit, ut in ijs ducerentur
imagines deorum in pompa Circensi. De imaginibus disertim
testis est Servius ad Virgilij lib. I. *Thensa* significat, qua deorum *simulachra*
portabantur. Sinnius ubi agit de eadem re apud Festum, non
simulachra, sed *exuvias deorum* thensis sectas scribit. Verba Festi,
quibus hoc testatur, illa sunt: *Thensam* ait vocari Sinnius Capite ve-
hiculum, quo *exuvia deorum ludicris circensibus incircum ad pulvinaria*
vehuntur. Sunt autem exuviae ab exuendo dictæ, quia exuun-
tur, ut vestes, pro quibus leguntur apud Virgilium Eclog. VIII.
ver. 91. Ita usurpavit & Tertullianus in lib. de Pallio cap. 4.
Enim vero cum hanc primum sapientiam vestit, quæ vanissimis super-
stitionibus renuit, tunc certissime pallium super omnes exuvias &
peplos augusta vestis deducit oculos. Salmasius hoc loco: *Exuvia*
& pepli deorum ornamenta, & pepli quidem dearum, ut peplus Mi-
nerve, peplus Iunonis, peplus deæ cælestis apud Trebellium, exuvia
deorum dearumq; communes. Subdit inde locum Festi, Svetoni-
umque ac Apulejum earum ait meminisse. Svetonij verba extant
in Augusto cap. 94. *Videre visus est filium mortali specie ampliorem,*
cum fulmine & sceptro, exuviisq; Iovis Opt. Max. ac radiata corona.
In quibus verbis exuviae non sunt ornamenta quævis, sed vestes.
Quod apparet, quia separantur à sceptro & radiata corona, quæ
alias & ipsa inter ornamenta Jovis. Apulejus posuisse pro insigni-
bus videtur. Agit enim de pompa Isis, & post illa verba, Sal-
masio laudata: *Antistites sacrorum procures illi, qui candido lin-*
teamine cinctum pectoralem ad usq; vestigia strictim injecti, potentissi-
morum deum præferebant insignes exuvias: Subdit, primum ge-
stasse lucernam, secundum altaria, tertium palmam, & cadu-
ceum.

ceum &c. quæ omnia non tam vestes ornamentaque, quàm insignia, quibus hic ille deorum denotatur. Quare dubium, quid Sinius censuerit super thenfas positum fuisse; num vestes an insignia, an potius ista omnia una cum simulachris ipsis. Id quod mihi quidem vero maxime videtur consentaneum, qui existimo, voluisse nominatim memorare exuvias, quo constaret, ista simulachra fuisse ornata vestibus, & insignia habuisse sua, Jovem fulmen, Saturnum falcem, Neptunum tridentem, atq; sic deinceps. Nam de simulachris quidem nimis clare ex Servio cognoscimus. Firmatq; Dio lib. LXXXVIII. ubi in Circensi pompa verbis expressis simulachrum Martis nominat. *Ἐν δὲ δὴ τῇ πρώτῃ ἰσποδρομίας ἡγομένης, κατέπεσε τὸ τῷ Ἄρει ἀγάλμα πομπεύον.* Vertunt: *Præterea Romæ factis ludis Circensibus simulachrum Martis, quod erat habitu triumphali decedit.* Sed *πομπεύον*, non significat, *quod erat habitu triumphali.* Quare alij sic maluerunt: *signum Martis in solenni pompa decedit.* At ne sic quidem Græci mentem satis explicarunt. Nam *πομπεύειν* hic, *quod in pompa incedit*, vehiculo nimirum suo insitens, quod hic intelligere aliud non possumus, quam thensam. In thensa igitur fuit τὸ τῷ Ἄρει ἀγάλμα, quod non de insignibus ipsius nudis vestibusve, verum simulachro Martis oportere accipi manifestum est. Porro simulachra ista censet Schottus constituta in quibusdam foraminibus, quæ in medio thensarum fuerint excavata. Verba ejus hæc sunt, loco antea laudato: *Vnaquæq; thensa foramen in medio habebat, ad vincendum impositas imagines, quod ex Varrone lib. VI. de Lingua Lat. colligo.* Quod te dicit colligere ex Varrone, hoc intelligi non potest de eo, sicut vulgo sese habet. Verba hæc sunt: *Terræ medium non hoc, sed quod vocant. Delphis in æde foramen, adlatum est quiddam, ut thesauri speciem, quod Græce ὀμφαλὸν, umbilicum dixerunt.* In his verbis nulla thensæ mentio; aut foraminis in ejus medio. Quare quod de ea tradit, illud hausit ex Varrone, ubi eum emendandum Scaliger putavit. Verba ita habent: *Est, inquit Varro, foramen simile tensario foramini, quod Græci vocant ὀμφαλὸν.* Homerus: ——— Ζυγὸν ὀμφαλόεντα. Enarrant Gram-

matici : ὀμφαλόεντα, ὀμφαλὸς ἔχοντα. ὀμφαλὸς δὲ λέγεται τὰς ἐν τῷ ζυγῷ τρώγλας, ἐφ' ὧν αἰκῶναι δένονται. Est ergo illud foramen *tenuis utrinque vinctum*, quemadmodum & *tenfarum umbilici*, in quas inferuntur funes illi, quibus *utring* ad *latus* vinciuntur equi *funales*. Liquet ex his verbis, cur foramen Schottus fecerit in *thenfa*, illiusque medio, nempe quia in *Varronæ* nominatur *terra medium*, quia ὀμφαλὸς vocatur, item, ut vult Scaliger, *tenfarium*. At vero Scaliger nil de simulachris deorum ibi, verum equos funales dicit ad *tenfaria* religatos. Quanquam de hoc ipso possit dubitari, cum sint ὀμφαλοὶ, quos Latine ipse dicit nominari *tenfaria*, non in *thenfa*, nec vehiculo, sed jugo, denotentque foramina, per quæ habenæ trajiciuntur, si est fides aliqua Græcorum magistrorum, quorum verba laudat. Quicquid sit, hoc saltem liquet, nullo niti argumento, quæ de illo foramine, revinctisque ad id simulachris Schottus tradit. Cum præsertim constet ex laudatis supra verbis Dionis, simulachra illa potuisse à *thenfis* delabi. Κατέπεσε τὸ τῷ Ἀρεῖ ἄγαλμα inquit Dio sive Xiphilinus lib. LXXVIII. *Decidit simulachrum Martis*. Si decidit, qui stare potuit in eo foramine, qui ad id potuit esse revinctum? Potius hinc colligas, steterisse nude. Nisi malumus reposita fuisse in quibusdam quasi thronis. Sane in Philoxeni Glossario reperias, *Thenfa*, ἑρῶν. Cur autem *thenfa*, quæ fuit vehiculum, ut superius ostendi, ἑρῶν, sive thronus, si non fuit in ea instar throni? Quanquam vix existimem, perpetuum hoc fuisse, cum præsertim apud Athenæum videam in *thenfis* Ptolomæi steterisse nudis ac simplicibus. Vehabantur autem ad hunc modum simulachra deorum, qui majorum gentium sunt dicti, Jovis, Junonis, Neptuni, Minervæ, ac reliquorum. Id quod post alios ostendit & Svetonius, quando in Vespasiano c. 5. nominatim *thenfam Iovis* memorat. *Thenfam Martis* habemus apud Dionem in verbis superius allatis. Οὗτος τῆς Ἀθηνῶν hoc est, *thenfa Minervæ* legitur apud eundem lib. XLVII. è quibus licet etiam de reliquis colligere. At sequentibus temporibus, quod peculiare quondam diis fuit, communicatum est cum Cæsaribus : nam & ipsis post obitum decretæ *thenfæ*, quibus veheretur

imago ipsorum in pompa Circensi. Primus, cui hic honor est tributus, Julius fuit, qui obtinuit etiam vivus per adulationem. Svet. Julio cap. 76. *Sed & ampliora etiam humano fastigio decerni sibi passus est: Sedem auream in curia & pro tribunali, thenksam & ferculum Circensi pompa.* Quin imò non in Circensi pompa solum, sed & alias videri possunt usi thensis Imperatores, quando sic de iis Pacatus noster cap. 21. *Quin si quando in lucem venire, & diem ferre potuissent, lecticis thensisque subvecti, sensim atque ad numerum movebantur.* Sed quum nemo alius de thensis sic adhibitis testetur, magis est, ut invidia faciendæ causâ credamus Pacatum appellasse thensam quodlibet aliud magnificum vehiculum. Interim hinc illud colligas, processisse thensas illas lentè ac sensim in pompa. Nec fortassis aliter debebant, propter imposita illa simulachra. Sed & qui regebant eqvos, suas habuerunt leges, uti ex Plutarcho scimus, quas observare tenebantur, imprimis, ne manu læva caperent fræna. Dicit enim in Coriolani vita, fuisse nefas, & restaurari pompam debuisse, τῷ ἡνιόχῃ τῇ ἀριστερᾷ χερὶ τὰς ἡλίας σὺλλαζόντι, si auriga frænos manu sinistra arripisset. Sic, qui tangebant lora puer, si ea omisisset, in religionem peccabat. Nam inter ea, quibus religio violetur, Cicero memorat, si puer ille patrimus & matrimus terram non tenuit, aut tensam aut lorum omisit, in de Arusp. Responsis. Quod & Arnobius asserit, piaculumque committi, si patrimus ille, qui vocatur puer, omisit per ignorantiam lorum, lib. iv. ait. Ad postremum erant, qui has thensas deducerent, viri in dignitate magna constituti, Senatores ac id genus, quod ex Livio apparet, quando ait lib. V. cap. 41. de Senatoribus aliisque capta à Gallis urbe: *Quæ augustissima vestis est thensas ducentibus triumphantibusque, ea vestiti sedere.* Ubi thensas ducere significat deducere, ita enim alii solenniter de hoc negotio loquebantur, & à ducere thensas distinguebant. Ducere dicebant eos, qui tracto fune promovebant, at deducere, qui honoris ac officii causâ prosequiebantur, id quod Senatoribus & triumphalibus viris erat usitatum. Erantq; hi pulcherrimè vestiti, sicut Livius ostendit, hoc est, togas habebant palmatas, & in capite coronas, ut declarat libro de Corona Militis Tertullianus. *Præferuntur, ait, illis hetrusca. Hoc vocabu-*

*vocabulum est coronarum, quas gemmis & foliis ex auro quercinis ob lo-
rem insignes ad deducendas thesas cum palmatis togis sumunt. Vides,
hic ornatos togis palmatis, & coronis querceis ex auro, neq; ducere
thesas, sed deducere. Ipsi hoc interdum faciebant Principes:
Quomodo de Augusto testatur Svetonius cap. 43. Accidit votivis
Circensibus, ut correptus valetudine, lectica cubans, thesas deduceret.
Dicit cubans, quo id plane manifestum fit, quod dixi, non videlicet
traxisse hos, aut vehiculis ipsis admovisse manus, sed ea comitatos
esse, cultus honorisq; gratia. Certè alias non potuisset cubans de-
ducere, quod fecisse tamen Svetonius testatur. Quin imò videntur
singuli fuisse destinati singulis. Idem etenim Svetonius in Flavio
cap. 5. Nero diebus ultimis monitus per quietem, ut thesam Iovis Opt.
Max. è sacrario in domum Vespasiani & in Circum deduceret. Jubetur
Nero hic deducere thesam Jovis unius, id est, Capitis ac Principis
Deorum reliquorum, ipse Princeps atq; Imperator. Quod non
erat conveniens, si non singuli singulas deduxere. Deducebantur
autem thesæ quælibet è sacrario, ut Svetonius ostendit, id est, lo-
co peculiari, ad cuiusq; Dei templum, ubi, cum cætera supellectile
sacra, thesa quoq; cujuslibet solebat servari. Et deducebantur in
Circum ad pulvinar. Sinnius apud Festum: *Thensa vehiculum, quo
exuvie Deorum ludis Circensibus in Circum ad pulvinar vehuntur.*
Fuit autem pulvinar locus peculiaris in Circo, ubi sic deductæ Deo-
rum imagines solebant in paratis ad id lectis reponi. Sic exponit
Cassiodorus ad Svetonii Augustum cap. 45. ubi de Augusto: *Epul-
vinari spectavit, hoc est, ex Circi loco, ubi simulachra Deorum magna
pompa inferri & circum metas gestari solita collocabantur.* Putatq; lo-
cum eum fuisse ad Euripum, primamqve frontem spectaculorum
nominasse Augustum ipsum in epistola ad Liviam. Epulvinari lu-
dis finitis reducebantur iterum ad sacrarium quælibet suum, unde
intelligimus, alias stetisse ibi, ac servatas esse. Dio lib. XLVII.
*Ὁ τῆς Ἀθῆνας ὁχλὸς πρὸς τὸ Καπιτώλιον ἐξ ἵπποδρομίας τινὸς ἑπανίων, συνελθὼν. Thensa
Minervæ ex Circo in Capitolium cum esset reducenda, contracta est. Di-
cit rediisse in Capitolium, unde constat, thesam Minervæ in sacra-
rio Capitolii stetisse, indeq; ad pulvinaria ludis Circensibus deduci
conve-**

conſueviſſe. Achæ quidem thenſæ, à quibus ſunt, qui dictos putant *Nomenclatores thenſarum*, quos exponunt eos, qui pompam diſponebant. Ita Schottus pluribus, qui pro ſe adducit veterem inſcriptionem, in qua fiat mentio Nomenclatoris hujus. *Ea talis eſt:*

SOLI INVICTO

SACRUM.

T. POMPONIUS

REPENTINUS,

NOMENCLATOR

TENSAR. JUGARIS,

S. D. D. D.

DEDIC. XV. K. JUL.

MARULLO ET ÆLIANO COSS.

OB DEDIC. SPORTULAS,

DEDIT. SINGUL. II.

At verò Argolus ad Onuphrium ex inſcriptione eadem miniſtros quosdam ſacros ait appellatos *thenſarios*. *Ab officio*, inquit, *miniſtri ſacri thenſarii dicti ſunt*. Verum ego valde dubito, an ad thenſas ſpectet hæ inſcriptio. Primum enim abeſt ſpiritus, quem appoſuiſſe tamen veteres, & apponi oportere ex ſuperioribus cognovimus. Deinde, ſi cum Schotto legimus *Nomenclator tenſarum*, quo pertineat *jugaris*, quod ſubjicitur, haud liquet. Sed & ſi cum Argolo malimus *tenſarius*, quid velit illud *jugaris*, minimè cognoscitur. Quare mihi alius videtur, de quo agitur inſcriptione iſta: Is nimirum, qui in Circo jungere ad currus eqvos ſolebat, eiſque imponere fræna. Hos enim *tenſarios* vocaſſe diſcimus ex Accio, cujus verba ex Paride ſervavit nobis Nonius cap. 3. voce *frænos*, & ſunt iſta: *Frenatenſarii equorum accommodant*. Talis tenſarius rectè vocatur *jugaris* à *jugo*, quia fræna jugis immittit. Habebant enim, uti ſupra docui, jуга quædam foramina, Græcis *ὀμφαλὸς* vocata, Latinis *tenſaria*, per quæ fræna transmittebantur, ne turbari poſſent, aut deſluere, ſicut hodieque fit in jugis ruſticorum hic per Sveciam, quorum loco alii annulos à lateribus adjungere maluerunt. Qui ſic transmittebant, & alias imponebant fræna, dicebantur ea *accommodare*, erantque hi

inter solennia Circi ministeria, & *tenfarii* nuncupabantur à *tenfario* foramine, & tendendo fræna, unde & *tentores* sunt, ut ex monumentis priscis docet Onuphrius lib. I. de Lud. Circ. cap. 15. Quamquam ipse perperam exponat eos, qui *vestes certantium aurigarum tenebant*, quod rectè Argolus notavit. Atq; talis fuit Repentinus iste, cujus mentio est in Inscriptione proposita, non minister sacer thensarum, quippe cujus ministerium non dici potest ullum, sed nec Nomenclator thensarum, cum si fuit Nomenclator talis, qualem Schottus memorat, is non thensarum, sed totius pompæ Nomenclator dici debuerit. Quod autem *tenfarium* in Accio Scaliger ad Varronem putat dictum, ut aurigarium & effedarium, & sic eum, qui adjunctos thensis eqvos regit, intelligendum arbitratur, ideò placere nequit, quoniam à thensa esset non *tenfarius* sine adspiratione, sed *thenfarius*. Nam ubi aliter *to thensa* scribitur, id fit errore quodam vitioq; Scribarum recentiorum, non Auctorum culpa. Id quod judico & de loco Grotii, qui est v. 533.

Et tibi devota magnum pecuaria Cyrrhæ,

Phæbe, decus, nostras agere in sacraria tensas.

Loquitur de sacrario Dianæ, in quod ducebatur thensa ejus ex pōpa, ut superius ostendi. *Hortos templi* vocat Interpret vetus Juvenalis, Græci αὐλῆν, ut ostendit Vlitzius in libell. var. Lection. ad Calpurnii v. 15. Liqvet ergo cū adspiratione scribi oportere. Id quod & de loco Titinni censendū, qui laudatur Turnebo lib. xxiv. Adv. c. 29. atq; ita scribitur: *Vende tensam atque mullos, sine eam pedibus grassari.* Sed opinione mea sic legendus est: *Vende thensam atque mulas, sine eam pedibus grassari.* Legunt *mulos* alii, sed *mulas* malo, quia crebrior earum usus in vehiculis, cum muli dorso potius gestarent, essentque clitellarii, sicut alibi monstravi. Et loquitur Titinnius de vehiculo muliebri, quod adjunctas mulas habuit. Dat, ut suspicor, consiliū marito adversus conjugē elati atq; impotentis animi. Subtrahe, inquit, illi, quæcunq; alunt superbiam ipsius, vende thensam & mulas, quibus gloriatur, & sine ipsam incedere pedibus: Hoc enim est *grassari*, gradum facere, ambulare. Observat alias Turnebus ex his verbis, thensas dicta interdum vehicula non sacra. *Tensas*, ait, *sacra vehicula*

vehicula interpretantur, sed eo verbo etiam profana veniunt & censentur. Subdit postea Titinnij locum. Quanquam thenfas dicta vehicula profana mihi quidem non ex hoc magis loco, quam Pacati, qui à nobis est allatus in superioribus videatur liquere. Nec enim Titinnius sic vocat sua voce, verum figurate, atq; ad invidiam, quæ *carpenta* dici debuerunt. Id quod ex contextu toto, quem monstravi paulo ante, satis manifestum est. Verba integra leguntur apud Nonium in vocabulo *grassari*. *Vende thensam atq; mulas, sine eam pedibus grassari, configere ejus superbiam.* Ita puto legenda. Non est, ait, opus verbis multis, ac inanibus querelis, quibus nil efficies. Re ipsa confige superbiam illius, vendito vehiculo, quo velut dea incedit in thensa. Vulgati habent *cum fingere*, nullo prorsus sensu. At *configere superbiam* re eleganter, ut *configere hostem talis*. Sic *confixum sententiis* habet Cicero in Philipp. *Diffidebant enim Servio. Meminerant ejus sententiis confixum Antonium &c.* Atq; ita alij, ut vix putem dubitandum.

Cap. XXV.

De Pilentum.

Pilentum. Vossius rejicitur. Tuscum vehiculum, non est carpentum, nec effeda, nec petorritum, aut carrus, aut arcera. Rotas habuit quatuor. Isidorus emendatur. Petorritum contectum, quid. Servius corrigitur. Cisiatecta. Pilentum fuit tectum. Macrobius exponitur. Fuit apertum à latere, molle, pensile, pictum veneto vel russo colore. Isidorus emendatur. Corrasius notatur. Servius exponitur. Fuit vehiculum matronarum, nec concessum meretricibus aut impudicis. Usurpatum ad sacra ludosq;. Trebellius explicatur & Virgilius. Sacra ducere, ferre. Matrona deducebant sacra. Turnebus notatur & Pomponius Sabinus. Pilentum etiam in non sacris negotiis. Claudianus aliter, ac à Barthio factum, explicatus.

AD pilentum venio, quod sic dictum censet Vossius, quasi fuerit bene pileum & compactum. Sed non video, cur reliqua minus esse compacta debuerint vehicula. Requirit quodlibet structuram suam, eamq; firmam, compactam, & durabilem, si mo-

do iis usibus servire debet, quibus vulgo vehicula consueverunt. Mallem credere pilentum ita dictum, quod haberet tectum superne semiro tundum pilei instar, vel quod opertum esset *πίλοις*, hoc est coactilibus è lana. Græci quomodo vocarint, nusquam reperi. Onomasticon vetus Argentoratense reddit *ἄλμια μετέωρον*, sed est ea potius descriptio, quam vera vocis versio, cum non omne *ἄλμια μετέωρον* latinis sit pilentum, at apparet vel ex iis, quæ superius de carpento scripsi. Nec fortassis mirum, ejus nullum apud Græcos inveniri nomen, cum Tuscum fuerit vehiculum. Ita observavit Scaliger ad Catalecta ex versu Varronis, in quo mentio pilentorum. Verba ista sunt: *Pilentum Tuscorum vehiculum.* Apud Nonium dictione *Carrum*, ita legito: Varro αἰὶ λιβόν.

Gallicapetorita, carros, arcerras, Tuscapilenta.

Differebat porro hæc pilenta à carpentis, quod jam alibi ostendi, item ab essedis petoritisq; quod testatur Horatius II. ep. i. carris quoq; ac arceris, ut ex appposito Varronis versu noscitur. Formam ita tradit Isidorus lib. XX. c. 12. *Pilentum vel petorritum, contextum quatuor rotarum vehiculum, quibus matronæ olim utebantur.* Ostendit, rotas pilentum habuisse quatuor, id quod primum debet observari. Sed quid est, quod pilentum facit petorritum? Varro enim & Horatius distinguunt. Aut quomodo cohærent, *vehiculum contextum quatuor rotarum*? Mihi prave scripta hæc videntur, atq; sic legenda: *Pilentum, vel petorritum contectum, quatuor rotarum vehiculum.* Pilentum vult ab aliquibus *petorritum contectum* appellari solitum. Nempe duplicia faciebant petorrita, quædam aperta, quæ vulgaria erant, ubi suo dicam loco, quædam contecta, quæ voce propria nuncupabant *pilenta*. Liquet autem, quoniam petorrita *contecta* vocavere, fuisse vehicula non aperta, verum tecta, quod est alterum ex verbis Isidori observandum. Videturq; idem confirmare Servius, si verba ejus recte legantur, quæ nunc ita habent ad Virgilij VIII. Æn. ver. 666.

*Quidam pilenta lata occisa * sed vulgo dicta tradunt.*

Mire hæc corrupta sunt, & ideo notata asterisco, quasi essent mutila. Ego ita puto emendanda:

Quidam pilenta, tecta cisia sed vulgo dicta tradunt.

Nem-

Nempe sicuti pilenta, *petorrita tecta*, pariter eadem & *cisiatecta* vocarunt, quia cisiorum quorundam & petoritorum non magna fuit differentia. Sed observa, fuisse illam vulgi tantum consuetudinem. Qui loquebantur proprie accurateq; , suum proprium pilento dabant nomen. Quod tamen vulgo tectum cisium, quia superne, fuit constratum, de cætero non multum à cisio vel petorrito diversum. Pilentum igitur inter contecta constrataq; est vehicula, si Servio & Isidoro credimus. Contrarium ostendere Macrobius videtur quando habet ita I. Sat. c. 6. ex Verrio Flacco: *Evenisse, ut Circensium die puer de cænaculo pompam superne despiceret, & patri referret, quo ordine secreta sacrorum in arca pilenti composita vidisset.* Nam si conspiciere puer de superiori loco potuit sacra disposita in pilenti arca, qui pilentum esse potuit contectum? Sed existimo pilentum ibi dici admodum improprie vehiculum, quo feruntur sacra. Certe alias sunt *plaustra* hæc vehicula. Sic enim appellat Servius, ubi agit de sacris Cereris ad Virgilij Georg. I. *Roma quoque*, ait, *sacra hujus (Cereris) de plastro vehi consueverunt.* Et pilentum proprie ad mulieres spectabat, non gestationem rerum sacrarum, ut insequentibus monstrabitur. Quanquam autem fuerit vehiculum contectum, tamen à lateribus patebat. Inde vecta eo cernitur Vestalis, & conspiciendam sese præbet apud Prudentium lib. II. contra Symmachum ver. 1085.

Interea, dum torta vagos ligat infula crines;

Fatalesq; adolet prunas innupta sacerdos,

Fertur per medias, ut publica pompa, plateas

Pilento residens molli, seg; ore relecto

Imputat attonita virgo spectabilis urbi.

quæ se spectabilem ore relecto imputat urbi, utiq; conspiciendam præbet aliis, & ab iisdem potest cerni. At hoc nequit fieri in pilento undiquaq; clauso. Igitur apparet, saltem à lateribus fuisse apertum. Docet autem amplius Prudentius, vehiculum extitisse delicatum ac molle. Idem firmat etiam Virgil. *Æneid.* VIII. ubi ait:

Pilentis matres in mollibus

Servius hoc existimat ex eo dictum, quod essent pilenta pensilia.

Ita namq; habet: *Mollibus, pensilibus, ut molle feretrum, & oscilla mollia.* Ac profecto pensilia fuisse colligimus etiam ex Onomastico Argentoratensi, in quo *pilentum* exponitur μετέωρον ὄχημα, quod jam supra notavi. Est autem μετέωρον, *pensile*, hoc est quod suspensum pendet. Glossæ veteres: Μετέωρον, ὁ κρεμώμενον. *Suspensus.* Solebat insuper pilentum ornari colore ac pingi, primis quidem temporibus veneto colore, postea ruffato. Servius ad lib. VIII. *Æn.* loco antea laudato: *Pilenta sunt vehicula sicut nunc basternas videmus. Erant autem tunc veneticoloris, non ut nunc sunt, ruffati.* Isidorus lib. XX. c. 12. *Erant antea pilenta veneti coloris, non ut nunc sunt, ruffati.* Sic legendum & re ipsa teste, & auctore Servio, unde sua sine dubio Isidorus hausit, non ut habet meus liber *ut tunc sunt.* Quando Servius pilentum ait esse, *sicut nunc basternas videmus*, non hoc vult, pilenta istiusmodi fuisse vehicula, qualia basternæ, quod censuisse, ac fortassis ex hoc Servij loco collegisse Corrasium observamus. Ita namq; ait lib. III. Miscell. cap. 20. *Pilentum matronarum vehiculum fuit, quo matronæ castæ ferebantur: quas postea basternas dixere.* Verum ea Servij est mens, fuisse quondam illum usum pilentorum apud matronas, qualis extitit deinde basternarum. Basternas in locum pilentorum successisse. Nam alias basternæ gerebantur à jumentis, neq; rotas habuere ulla, ubi demonstravimus, cum de iis ageremus. At pilenta incesse rotis, sicut ex prædictis liquet, atq; ideo nec gestabantur, verum trahabantur. Trahebantur autem à mulabus, ut opinor, quando aliis plerisq; istiusmodi vehiculis adjunctæ sunt. Usus pilentorum fuit ad vehendas matronas. Festus: *Pilentum vehiculi genus, quo matronæ ferebantur.* Matronarum porro voce pudicas castasque intelligimus. Servius clarissime: *Pilenta sunt vehicula, quibus nisi castæ matronæ uti non poterant.* Itaque pilenta non concessa erant illis, quæ quocunq; modo prostituissent pudorem, eoq; nomine fuissent notatæ. Unde & Virgilius supra indicato loco:

-- -- *Castæ ducebant sacra per urbem*
Pilentis matres in mollibus -- --

Et si verò propriè pertinerent ad matronas, tamen usus earum etiam virginibus Vestalibus concessus fuit, ut Prudentius nos docet in allatis supra verbis: Nempe jura eis omnia tributa, quæ matronis, quod ostendi loco alio. Ideò & ipsæ pilentis vehebantur. Solebant autem his pilentis uti ad sacra ludosque, quæ de re testatur Livius lib. V. cap. 25. ubi loquitur de auro à matronis in ærarium delato, atque subdit: *Grata ea res, ut quæ maximè, Senatui fuit, honoremque ob eam munificentiam ferunt matronis habitum, ut pilento ad sacra ludosque uterentur.* Hinc auctoritas dignatioque pilentorum magna, sic, ut præferrentur carpentis, quippe quorum usus fuit ad negotia non sacra, atque sic vulgatio ac quotidianus pæne. Trebellius de Zenobia: *Isa vehiculo carpentario, rarò pilento, equo sapius.* Cur rarò pilento? Quia fuit vehiculum pæne sacrum, sacris certè negotiis propriè destinatum. Nisi credere velimus, etiam ideò hoc factum à Zenobia, quod vehiculum esset molle delicatumque, ipsa verò patientiam laborum pæne ultra modum muliebrem vellet ostentare, quod quidem mihi propius abesse à sententia Trebellii, cæterisque loci ejus magis convenire videtur. Quicquid sit, pilentum æstimatissimum ex illo genere fuisse, quo mulieres sunt usæ, observarunt alii quoque, & Lampridius, ubi recenset decreta mulierum, in vita Heliogabali primo loco ponit. Ait enim constitutum, *quæ pilento, quæ equo sagmario, quæ asino veheretur, quæ carpento mulari, quæ boum,* tanquam antecederent pilenta cætera cuncta genera. Hinc & Casaubonus: *Separat pilentum à carpento: Nam illud fuit honoratius.* Sed cum usæ pilentis sint matronæ ad sacra, quæri potest, qualis usus ille fuerit. Videtur hoc ostendere Virgilius, quando ait: -- -- *Ducebant sacra per urbem.*

At hic rursus quæras, quid sit *sacra ducere*. Servius, ubi hæc exponere debebat, nihil habet aliud, quam illud: *Ducebant, deducebant; Hæc enim fuerat consuetudo.* Verum valde sunt obscura ista. Clarius aliquanto Turnebus lib. II. Advers. cap. 14. *Matronæ honestæ apud Romanos in publicis sacris vehiculis vehebantur, in quibus sacra ferebant, quo respexit Maro.* Putat dictas sacra ducere, quæ ferebant ea. Igitur sic ait paulò ante: *Ducere sacra & ferre sacra dicuntur, qui res sacras,*

sacras, & quæ ad sacra utilia sunt, remque divinam, ferunt. Sed non sine causa dubites, an *ferre sacra* idem sit & *ducere*, saltem, an per *sacra ducere* Virgilius intellexerit *ferre*. Cur enim per *deducere* Servius maluit explicare, quam per *ferre*? Certè plurimum inter se diversa sunt *ferre sacra*, & *deducere*. Ferunt sacra, qui portant; Deducunt, qui portantes comitantur. De priori exemplum habemus apud Apulejum lib. XI. Met. ubi ait: *Ferebatur ab alio cista secretorum capax, penitus celans operata magnifica religionis.* De posteriori constat ex iis, quæ in capite præcedenti docui. Quare, si audimus Servium, sacra non tulerunt. Et qui potuerint? Ferre sacra non concessum fuit omnibus matronis, verum iis tantum, quæ initiatæ fuerunt. Ipse Turnebus lib. XI. Advers. cap. 6. locum Virgilii superiorem altera exponens vice: *Matres familias intelligit, quæ sacerdotiis præerant.* At verò pilentis utebantur promiscuè omnes matronæ ad sacra, sicuti ex Livio cognoscimus. Quare usus ille pertinere non potuit eo, ut sacra illis ferrent. Potius deducebant ea, sicut ait Servius, hoc est, pilentis suis impositæ pietatis & officii causa prosequiebantur. Quomodo & viri deduxisse thesas leguntur, & propositum à nobis est in superioribus. Atq; hæc, opinor, consuetudo est, quam tangit Servius. Solebant matronæ honestiores, etiam, quæ nullis præerant sacerdotiis, cum in pompa incederent thesæ, currus, carpenta Deorum Heroumve, ea prosequi officii ac pietatis gratia. Hoc Servius *deducere sacra*, Virgilius simpliciter *ducere* vocavit, plane sicut Livius *thesas ducere* pro *deducere* usurpavit, quod est supra annotatum. Neque aliter dicebatur *ducere triumphum*, aut *ducere funus*. Pedit Albinovanus:

Funera pro sacris tibi sunt ducenda triumphis.

Sic igitur pilentis suis sacra ducebant matronæ, eæq; castæ omnes, non privatim illæ, quæ sacris præerant, quod Turnebus putavit. Hæc sacra publica, quorum causa concessum matronis vehiculo incedere, ut testatur Livius lib. xxxiv. cap. i. ubi cautum scribit lege Oppia fuisse, *ne qua mulier juncto vehiculo in urbe oppidove, nisi sacrorum publicorum causa, veheretur.* Pomponius Sabinus accepit de sacrificiis promiscuè. Ex antiqua consuetudine, inquit,

quit, in Latio, quotiens matronæ sacrificabant vel Carmenti, vel Cere-
ri, vehebantur pilentis. Verum haud perſuadet. Non ſacrificia
nominant ſcriptores, ſed ſacra, eaque publica ludosque, quales lu-
di & ipſi ſacri appellati, ut circenſes, & id genus. Quanquam vero
non adhibita initio pilenta, niſi ad ſacra ludosque, circi præſertim
ac theatri, tamen poſtea videtur ampliatus is eorum uſus ita, ut
& aliis in celebrioribus negotiis matronæ adhiberent. Horatius
profecto memorat inter ea vehicula, quibus properaverint ad
cernendam pompam triumphalem. Verſus extant lib. II.
epiſt. I.

Mox trahitur manibus regum fortuna retortis.

Eſſeda feſtinant, pilenta, petorrita, naves.

Captivum portatur ebur, captiva Corinthus.

Agit de ſtudio ſpectandi res inanes etiam & ineptas. Inde dicit
feſtinare pilenta, & matronas intelligit, qui ad ejuſmodi ſpectacu-
la pilentis properabant. Apud Claudianum pilentis matronæ
utuntur in nuptiis. Sic enim habet in de Nuptiis Honorij & Ma-
riæ ver. 285.

Ante fores jam pompa ſonat, pilentaq; ſacram

Præſeſſant ductura nurum

Barthius hunc locum ſic exponit: *Currus ſacros dicit, deſtinatos
transvehenda ſponſa, quolibet Antiſtite tantum utebantur olim. An-
tiquitus vero nova nupte pedibus procedebant ductæ à patrimis matri-
misq; pueris. Qui adeo obliteratus poſtmodum eſt mos, ut ſpeciati-
m nuptialia carpenta commemorentur.* Mihi aliter intelligendus vide-
tur. Nam pilentis primum non ſunt uſæ antiſtites tantum. Sed in
uniuſum omnes matronæ, quæ vellent, uti ſupra docui. Hinc
non antiſtitium, ſed matronarum vehicula exponuntur. Scholia-
ſtes vetus Horatij à Cruquio editus: *Pilenta, vehicula matrona-
rum, ſicut petorrita famularum.* Quare nec reſpectu iſto dici poſ-
ſunt ſacra. Imo ne quidem ſacra dicta ſunt Horatio, ſed ſimplici-
ter pilenta. Sacram vocavit nurum, id eſt ſponſam, Imperatoriam,
non pilenta. Quæ quoniam in plurali nominat, liquet non intel-
ligenda de pilento eo ſolo, quod deſtinabatur transvehendæ

sponsæ, verum pluribus aliis. Nempe aderant ad sponsæ januam plures matronæ cum pilentis suis, interq; illas ipsa mater Honorii, ut domum ducerent ac officii causâ prosequerentur sponsam Imperatoriam. Hæc est *pompa*, quam hic Claudianus vocat. Hæc *pilenta ductura*, id est deductura, & honoris gratia profecutura *nurum* id est sponsam. Quam hic *nurum* appellat in respectu ad Honorij matrem, quæ ipsa præsens excipiebat eam, secumque pompa ista nuptiali ac in comitatu honestissimarum matronarum cum pilentis suis euntium, ad filium deducere parabat. Est enim nurus, uxor filij, quomodo vocari sponsa Honorij, nisi ab Honorij matre, vel in respectu ad matrem ipsius utiq; non potuit. Liquet autem ex his omnibus, quod aiebam ab initio, fuisse receptum postea matronis, ut pilentis veherentur non in sacris modo publicis, sed & pompa nuptiali. Quinimo non matronæ solum, sed & sponsa ipsa vecta pilento videtur ex hoc Claudiani loco. Nec fortasse aliter intelligendum *nuptiale carpentum*, quod à Barthio vocatur. De quo certius constaret nobis, si adferre locum, unde hausit, voluisset.

Cap. XXVI.

De Petorrito.

Petorritum, cujus gentis vocabulum. Vossij sententia examinatur. Scalliger rejicitur. Rotas habuit quatuor. Onomasticon Argentoratense exponitur. Fuit apertum. Iunctas habuit mulas. Aufonius emendatur & explicatur. Vectores in eo simul sunt aurige. Vehiculum virorum fuit, præsertim humilioris sortis ac famulitiorum. Ornatum plumbo. Usus ad itinera. Celeriter incedebant. Etiam in urbe habebantur.

Petorriti vocabulum nonnulli simplici scribunt littera, quidam geminata. Simplici littera scriptum legas apud Fabium in optimis editionibus, etiam nuperrima Gronovij, viri summi. Similiter in omnibus Horatij libris II. ep. 1. Sic est scriptum. At vero geminata exhibet Aufonius epist. 8. & 14. Gellij quoq; libri quidam, ex Varrone. Causa diversitatis non est alia, opinione mea, quam quod

quod veteres de vocabuli origine non convenirent. Quidam enim Græcum dicebant esse, alij Gallicum. Gellius lib. XV. cap. 30. Cum quereretur, petorritum quali forma vehiculum, cuiusq; lingue vocabulum esset, & faciem vehiculi ementitus est longe aliam falsamque, & vocabulum Græcum esse dixit: atq; id significare volucres rotas interpretatus est; commutataq; una litera, petorritum esse dictum volebat, quasi petorrotum. Scriptum etiam hoc esse à Valerio Probo contendit. Habes ecce aliquem, qui putabat vocem esse Græcam, à verbo πέταμαι vel πέτομαι, quod volare significat, & Latino rota derivatam. Alii non à πέτομαι putabant deducendam, verum πέτορες, quod Æoliis est τέσσαρες, hoc est quatuor, quoniam hoc numero haberet rotas. Festus: Petorritum dictum existimant à numero quatuor rotarum, alij Osce, quod ij quoq; petora quatuor vocent, alij Græce, sed διολικῶς. Quando ait διολικῶς, id ipsum innuit, quod dixi. At vero Gallicæ originis putavit Varro, cui adstipulatus est & Gellius. Ita namq; pergit post superiora. Ego cum Probi multos admodum commentationum libros inquisi verim, neq; scriptum in his inveni, nec usquam aliquin Probum scripsisse credo. Petorritum enim est non ex Græco dimidiatum, sed totum trans Alpibus factum. Nam est vox Gallica. Id scriptum est in libro M. Varronis decimo quarto Rerum divinarum. Quo in loco Varro cum de petorrito dixisset, esse id verbum Gallicum, lanceam quoq; dixit non Latinum, sed Hispanicum verbum esse. Cum Varrone Gellioq; facit Fabius, qui sic habet lib. I. Inst. cap. 5. Plurima Gallica valuerunt, ut rheda ac petorritum. Meminit & Festus licet ambigat, & sententias recenscat tantum aliorum. Petorritum, ait, & Gallicum vehiculum esse, & nomen ejus dictum existimant à numero quatuor rotarum. Tametsi vero alij Græcam, alij Gallicam putarint vocem, censet tamen Vossius, eos posse inter se conciliari. Ita namq; ait in Etymologico: Puto has sententias non difficulter conciliari, si dicamus, origine esse Græcum, Gallos vero accepisse à Massiliensibus, qui Græce loquebantur. Sic sagum, bulga, & alia tribuunt Gallis, quæ tamen illi acceperant à Græcis. Puto tamen ego, aliam esse rationem sagi & bulgæ, aliam petoriti. Eas namq;

voçes habent Græci, at petorriti non habent. Non enim ut est apud eos, *Æolas præcipue*, βολγός & σάγϙ, ita quoq; est πετόρριτϙ. Itaq; petorritum non est Græcæ originis, licet Galli ac Massilienses forte πέτορες pro τέτορες usurparint. Nam ab illo πέτορες Galli jam translato suam in linguam, & sic Gallica civitate donato fecerunt ipsi petorritum, de quo Græci nil sciverunt. Certe cum confirmant omnes, Gallicum vehiculum esse, non tam Græcæ, quam Gallicæ originis vocabulum habendum. Festus: *Petorritum, Gallicum vehiculum existimant*. Scholiastes vetus Cruquij ad Horat. I. Sat. 6. *Petorritum genus est Gallici vehiculi*. Facit quidem Oscum Scaliger, sed sine causa. Verba ejus sunt ad Catalecta: *Cisium proprium fuit* (vehiculum) *Galliae Cisalpinae, ut Petorritum Oscorum*. Respexisse credo Festum, cum hæc scriberet, quippe qui petorritum sic dictum ait aliquos putare *Oscæ, quod ij quoq; petora quatuor vocent*. At Festus non appellat vehiculum Oscorum, nec si Osci petora usurparunt pro quatuor, ex eo necesse est, ut petorritum vocabulum sit Oscum. Habent linguæ omnes suam in non paucis vocibus convenientiam, nec ideo si ex Germanica voce, quæ cum Arabica convenit, deducta est alia, Arabicæ eam potius originis, quam Germanicæ dicemus. Jam si non vocabulum Oscorum, multo minus vehiculum erit. Atque subdit ipse paulo post verbum etiam Varronis, ubi Gallicum vocatur, non Oscorum. Versus ita habet, ut emendat ipse Scaliger.

Gallica petorrita, carros, arceras, Thusca pilenta. —

Quare non est dubium, quin petorritum non Græcum, neq; Osecum, verum Gallicum vehiculum vocari debeat. Species illius nonnihil ex superioribus est cognita. Rotas enim constat habuisse quatuor. Festus aperte: *Nomen ejus dictum existimant à numero quatuor rotarum*. Discimus ex his verbis, errare Auctorem veteris Onomastici Argentoratensis, quando petorritum φορῆϊον Græce vertit. Nam φορῆϊον sella est, vel lectica, quæ rotis omnibus destituitur. Nisi putamus τὸ φορῆϊον accepisse pro vehiculo quocunq; deniq; vocemq; Latinam specialem, reddidisse generali Græca. Videntur & petorrita fuisse sine tecto. Ideo enim *tecta petorrita*. Isi-

dorus:

dorus nominavit pilenta. Pilenta sanè non fuere petorrita: Ideò nec tecta petorrita, quæ sunt eadem cum pilentis, petorrita communiter sic dicta. Ex quo sequitur, quod dixi, petorrita communiter vocata fuisse absq; tecto aperta. Isidori verba: *Pilentum vel petorritum contextum, quatuor rotarum vehiculum*. Sic enim legenda esse verba ista dixi præcedenti capite. Quia petorritum vehiculum rotarum quatuor, sicuti pilentum, & tamen apertum, ideò pilentum, tectum petorritum vocarunt. Trahebantur petorrita à mulabus. Discimus ex Aufonio, quando ita habet ep. 8.

Cornipedes rapiant imposta petorrita mula.

Hinc idem epistola 14.

Non tibi sit rheda, non amor acris equi

Canter I, moneo, malè nota petorrita vites:

Nec celeres mulas ipse Metiscus agas.

Sic existimò legenda ista esse. In editione Scaligeri, Lugduni apud Gryphium Anno MDLXXV. publicata, post verba primi versus, *acris equi*, punctum est, & *canteri* ad *petorrita* refertur. At *petorrita canteri* vel *canterii*, quæ dicantur ratione, non intelligo. Nam, ut explicemus ea, quibus juncti sint canterii, nullà satis efficax est ratio. Cum præsertim, quo pertineant celeres mulæ in versu sequenti, haud appareat. Quare manet mihi persuasum, verba esse ita distinguenda, sicut dixi, ut equus canterius cohæreant, & mulæ ad petorrita referantur. Quod si verum, discimus hoc amplius, ipsos sæpe, qui ejusmodi petorritis utebantur, sibi aurigas fuisse. Hoc enim vult versus ultimus, & ideò petorritum vitare Paulum jubet Ausonius. Nam Metiscus, qui auriga Turni fuit, de auriga quolibet hic usurpatur, infelici præcipuè, cum Metiscus ille fuerit excussus curru. Virgilius lib. XII. *Æn.*

Aurigam Turni media inter lora Metiscum

Excussit, & longè lapsum temone relinquit.

Neq; alia est caussa, cur petorrita vocet *malè nota*, quam quod Paulus aurigationis esset imperitus, quod tamen in petorrito requirebatur, si non semper, sæpe saltem atq; plurimum. Pertinebant alias petorrita primum ad viros, quod ostendit hic Ausonii locus. Con-

venit & Horatius lib. I. Sat. 6. quando sibi, si esset opulentior, *ducenda petorrita* dicit. Versus hi sunt:

-- -- *Vti ne solus rusve peregrè-
ve exirem; Plures calones atque caballi
Pascendi, ducenda petorrita.* -- --

E quibus versibus simul observamus, fuisse petorrita ista opulentiorum. Quamquam fortè non tam pertinuerint ad vehendos ipsos, quam ministros eorum comitesve. Certè unus pluribus petorritis per se non potest uti. At hic Horatius sibi uni, si esset opulentior, *ducenda petorrita* in plurali numero fatetur. Non igitur ad gestandum ipsum ita pertinere potuerunt, ut res alias, ministros credo supellectilemque. Atque sic opinor capiendum esse, quando Scholiastes vetus Horatii à Cruquio editus tribuit petorrita famulis. Verba ejus ad lib. I. ep. 2. *Pilenta vehicula matronarum, sicut petorrita famularum.* Non, inquam, solæ famulæ iis vehebantur, nam hoc satis revellas ex superioribus, sed & famulæ, sicut famuli. Quemadmodum viri honoratiores post se famulos trahebant in petoritis, eodem modo fœminæ ac matronæ honoratiores famulas. Neque tamen famulorum famularumve tantummodo vehiculum fuit, sed & virorum privatorum aliorum, ut Ausonius testatur. Idcirco erant quoque non omnino rudia, sed & ornata, albo præsertim plumbo, sicut Plinius testatur lib. xxxiv. cap. 17. Adhibebantur autem hæc petorrita potissimum, cum faciendum esset iter. Ideò Ausonius Axio Rhethori sùadet ep. 8.

Cornipedes rapiant imposta petorrita mula:

Vel cisso trijugi, si placet, insilias.

Rapiant, dicit, te nimirum Axium, sed pro eo ait *imposta petorrita*. Ubi per *imposta* intelligo *adjuncta*, sive *juncta*. Nec enim petorrita sic propriè imponebantur jumentis vel mulabus, quod ex eo constat, quia rotis fuerunt instructa. Nam vehicula, quæ habebant rotas, trahebantur, non gestabantur; Et quoniam non gestabantur, ideò nec imponebantur, ut est manifestum. Porro, quando dicit, *rapiant*, petorrita ostendit vehicula fuisse cita & celeria. Propterea is ipse Ausonius dissuadet Paulo ep. 14. ut nec satis firmo, & per ætatem

tem senilem concitationis ejus impatienti. Præmittit enim:

Sed tantum appropera, quantum pote, corpore & ævo

Ut saluum videam, sat citò te video.

Quibus verbis docet, petorrita non fuisse accommodata senioribus, & vel per ætatem vel per ægritudinem infirmis, sed robustioribus solummodo valentibusque. Interim is ipse tamen locus ostendit, petorrita adhiberi solita, si quando faciendum esset iter, præsertim celeriter & cum festinatione. De itinere præter Aufonium testatur & Horatius lib. I. Sat. 6. Verba supra laudavimus, in quibus dicit apertè *ducenda petorita*, si *rus peregre*ve diviti ac in dignitate publica constituto exeundum. Quamquam verò hic una cum Aufonio de itinere loquatur extra urbem, tamen & in urbe ipsa fuisse usurpata docet loco alio, qui est lib. II. ep. i. Ait enim, ad spectaculum triumphii una cum effedis & pilentis festinasse:

Effeda festinant, pilenta, petorita, naves.

Jam verò notum, triumphos habitos non extra urbem, sed in ipsa. Ergo & in urbe adhiberi solita petorrita. Et hæc quidem, quæ de isto genere apud veteres observavimus.

Cap. XXVII.

De Carruca.

Carruca. Καρέχα. Carrocha. Carrochium. Καρέχιον. Rotas habet quatuor.

Onomasticon Argentoratense explicatur. Est de genere rhedarum.

Lampridius exponitur. Capsus. Est alta. Carracutium. Est ornata ære argenteo. Meursius refutatur. Iunctas habet mulas binas vel quaterñas, quod posterius tamen carpentum potius appellabatur. Carruca

proprie non sunt carpenta. Plinius explicatur. Est vehiculum Senatorum & honoratiorum, est & aliorum, sed sine ornamentis ex ære.

Carruca fæminarum. Carruca dormitoria. Carruca commodato accepta. Carruca meritoria in publico.

CARRUCÆ mentionem, nescio, an quisquam ante Plinium fecerit. Sic autem ipse lib. XXXIII. cap. II. Nos carrucas ex argento calare invenimus. Leguntur postea apud Svetonium & alios. Quidam non carrucam, sed cum adspiratione carrucham scribunt. Inde habes & apud Hesychium, καρέχα ἄγρνα. Vallesius in Notis ad Ammia-

Ammianum lib. xiv. ubi ipse edidit *carrucis*: Editio Romana habet *carruchis*. Quam scripturam tuetur Hesychius & vetus Glossarium. In Pandectis Florentinis *carrucha* semper scribitur, quomodo etiam in hoc loco codicem suum habuisse, testis est Lindenbrogius. Suspicio, interdum & *carrocham* seu *carrocam* appellasse, quoniam habemus *carrochium* apud Scriptores semibarbaros, sine dubio à *carrocha*. Et sunt ferè litteræ permutabiles istæ. Sic enim dixere *totela* & *tutela*, *soper* & *super*, *servos* & *servus*, quod jam pridem Docti annotarunt. Nec fortassis alia est causa, cur in Glossis sit *καρέχιον*, quod Latine est *carrochium*. Nomen suum unde habeat carruca, non omnino certum est, plerique tamen derivatam volunt à *carro*. Carrus sive carrum barbara est vox, opinione mea. Ita & carruca erit seu carrucha. Nec fortassis magna inter illa duo differentia, si vocem spectes. Nam & hodieq; per Germaniam & vicinas regiones, quod in uno loco *Rarre*/id in alio est *Rarch*. De figura sive specie carrucæ hoc invenio, primum rotas habuisse quatuor. Corrasius lib. III. Misc. cap. 20. *Carrus quadrirotum est, hoc est, quatuor rotarum, à quo fit carruca, quæ parvum currum significat, totidem rotas habentem*. Similiter Vallesius ad Ammianum: *Est carrucha τετρακύκλον ὄχημα*. Ex Vallesio hausit Jac. Gothofredus in Commentario ad lib. xiv. Cod. Theod. t. 12. leg. 1. ubi ait: *Carruca seu carrucha in genere erat τετρακύκλον ὄχημα*, id est, vehiculum cum rotis quatuor. At verò longè aliter reperias in Onomastico Argentoratensi, quippe ubi legas ita: *Carruca, μονότροχον*. Est *μονότροχον* vehiculum unius rotæ, non quatuor. Itaq; secundum hunc auctorem unam tantum rotam habuerit, necesse est. Verum, si carrucas veteres rectè cogitamus, falsum hoc apparet. Qui enim vehiculum unius rotæ inservire potuit iis usibus, ad quos adhibitæ carrucæ? Sed fortassis ipse per carrucam genus aliud intellexit, nempe quale aliquando & Germanis *Rarch* & per diminutionem *Rarchle* dicitur, unde *Schubfarch*/ quod *μονότροχον* & cum rota una, sicut alibi ostendi. Nam carruca, qualis usitata fuit apud veteres, haud dubie rotis pluribus incessit. Quare autem quatuor in ea memorent, ignoro, cum non viderim ex veteribus, qui disertim hoc testetur. Et existimo, venisse hancce in sententiam,

quia

quia viderunt rhedam quoque nuncupari. Vallesius profectò ita habet: *Est autem carrucha τέτραυκλον ὄχημα, seu rheda.* Quoniam rheda, ideò τέτραυκλον, quia tale vehiculum est rheda. Sed de rheda postea. Carrucham rhedam dici colligit Vallesius ex Hesychio, in quo legitur ῥήδιον, καρέχων. Item Glossis Græco-Latinis, quæ sic habent: καρέχων, *rheda.* Addo ego Martialem, qui, cum lib. V. epigr. de Bassio præmisisset:

-- -- *Plena Bassus ibat in rheda:*

subdit de eodem:

Nec feriatius ibat ante carrucam.

Atque ita, quod prius *rhedam* dixit, postea nominat *carrucam*. Videtur idem voluisse Lampridius in Alexandri Severi vita, cap. 43. ubi ait: *Carrucas Romæ & rhedas Senatoribus omnibus ut argentatas haberent, permisit.* Non existimo de diversis agere Lampridium, quoniam honorati ac in dignitate eadem constituti non diversis uti vehiculis solebant, sed iisdem. Igitur το & non significabit aliud, sed idem, eritque loco *vel* adhibitum, & priorem dictionem explicabit. Quomodo Vopiscus in Aureliano: *Vehiculo suo, & judiciali carpento.* Quanquam verò carrucæ per rhedas explicentur, tamen non omnino easdem esse puto rhedas & carrucas, sed has arctiori sensu poni, istas latiori; Carrucas omnes esse rhedas, non vice versa rhedas omnes carrucas. Carrucarum sanè vox frequentius accipitur de vehiculo honoratiore, non ita rhedarum, ut sequentia firmabunt. Cæterum, carruca videtur fuisse tecta. Isidorus sanè memorat carrucam undique contextam, quam ait dictam *capsum*. Verba ejus: *Capsus, carruca undique contexta, quasi capsula.* Sic scribendum arbitror, non *contexta*, quod in mea legitur editione. Quanquam autem dubitem de capso, quippe quod hoc sensu alibi non reperiatur, tamen expositio demonstrat, nisi fallor, fuisse carrucas aliquas undique contextas. Dico aliquas, quoniam, si fuissent omnes, peculiari voce capsos dici, minimè necesse fuerat. Censebantur autem vel præcipue ab altitudine, quod colligimus ex Ammiano, qui Romanos ait hoc in laude gloriationeque posuisse. Ita namque habet lib. xiv. *Alii summum decus in carrucis solito altioribus & ambitioso vestium*

cultu ponunt. Qvalis aut unde altitudo ista fuerit, haud constat, nisi putamus, pertinere huc, qvod legitur apud Isidorum, & in Glossis Arabico-Latinis Vulcanii : *Carracutium, vehiculum altissimarum rotarum, quasi carrum acutum.* Qvod ait *quasi carrum acutum* Isidorus, sine dubio ineptum est. Quid enim acutum ad rotarum altitudinem? Malim credere, carrucas quasdam habuisse rotas altas prorsus, ut per hoc & ipsæ redderentur altiores. Eas deinde ad vulgarium differentiam *carracutia* vocatas. Præter altitudinem accedebant ornamenta varia. Primum qvidem ex ære atq; ebore, mox & argento. Vopiscus in Aureliano cap. 46. *Dedit prætereapote statem, ut argentatas privati carrucas haberent, quum antea ærata & eborata vehicula fuissent.* Quæ carrucas prius, eamox *vehicula* appellat, voce specialius accepta. Neq; aliter intelligenda apud Lamprium vita Heliogabali, ubi ait : *Habuit gemmata vehicula & aurata, contemptis argentatis, & eboratis, & æratis.* Vehicula hic sunt carrucæ, quas non argento tantum, sed & auro gemmisq; cultas postea, hinc discimus. Ac æratæ qvidem eboratæq; carrucæ longo tempore fuerunt in usu apud Romanos : Argentatæ verò cœpere Plinii temporibus. Ipse lib. XXXIII. cap. *Nos carrucas ex argento calare invenimus.* Notandum est, qvod *calare* dicat, hoc enim ostendit, non pictas bracteas argenteas fuisse, verum sigillis ex argento solido distinctas, qva de re jam alibi est actum. Mansit genus hoc deinde lōgo tempore. Nā qvod Meursius ab Aureliano factas putat argenteas, erraneum est. *Postea*, inquit in de Luxu Romano, c. ii. *argentea quoque fuerunt (vehicula) primusq; ea dedit Aurelianus, teste Vopisco.* Nihil tale Vopiscus testatur, verum dedisse ait potestatem habendi carrucas *argentatas.* Pari modo interpretor & Symmachum, qvando ait lib. X. ep. 33. ad Theodosium Imp. *Cum clementia vestra meminisset, faciendæ carrucæ impendium de sacro arario esse decretum, censuit, ut ejus argentum publicis conditis redderetur.* Jungebantur autem carrucis muli, qvod ostendit Scævola l. 13. ff. de Auro, arg. *Quæsitum est, an carrucha dormitoria cum mulis, qua semper uxor usa sit, ei debeatur.* Non minus frequenter, imò frequentius fortassis mulæ. Paulus lib. III.

Sent. t. 6. *Carruca cum junctura* (sic recte Cujacius emendat, pro *jaectura*, quod habet vulgo) *legata, mula quoq; legata videntur*. Inde habes *mulam carrucariam* apud Ulpianum l. 38. ff. de Edil. Edicto. *Quæsitum est, si mula talis sit, ut transjungi non possit, an sana sit: & ait Pomponius, sanam esse, plerasq; denique carrucarias tales esse, ut non possint transjungi*. Quando ait, *plerasq;* ostendit aperte, frequentem mularum in carrucis fuisse usum. Numerus earum fuisse binarius videtur. Lex Cod. Theod. de Honoratorum vehiculis lib. XIV. t. 12. *Omnes honorati seu civilium, seu militarium dignitatum, vehiculis dignitatis suæ, id est carrucis bijugis, intra urbem sacratissimi nominis semper utantur*. Habes nominatim *bijugas* carrucas, id est cum duobus jumentis. Hoc enim est *bijugum*, ut *curriculum bijuge* apud Svetonium in Caligula c. 19. Quanquam cum carrucas *bijugas* appellat nominatim, ostendere videatur, quasi fuerint & quadrijuges. Si enim omnes tales fuere, quid necesse erat, ut adjiceretur? Quare credo, carrucas etiam quadrijugas habuisse. Sed fortassis illæ non tam crebro *carruca*, quam *carpenta* dictæ. Ita suspicor ex Symmacho, quoniam, quam prius appellavit carrucam, postea nuncupat carpentum. *Solutio*, inquit, *si carruca usus maneret, de thesauris Imperialibus jure peteretur. Sed num carpenti novitate sum-mota, suum quisq; deposcit*. Carruca de qua loquitur, est vehiculum Præfecti Urbis, proprièq; carpentum dicebatur. Quod cum solenniter adjuncta haberet jumenta quatuor, liquet plane carrucam cum jumentis quatuor, significare carpentum. Nec fortassis alia major inter carpentum & carrucam fuit differentia, cum ut videmus, carpentum carruca nominatur. Quanquam cum & carpenta videamus cum adjunctis jumentis duobus, non inepte fortassis statuamus, etiam in reliqua forma quid diversum habuisse, quæ carrucæ dicebantur. Maxime cum distinguat inter sese Scholiastes vetus Horatianus à Cruquio editus ad lib. I. Sat. 6. ubi de pilentis agens disertim ait: *alia sunt carpenta, alia carrucæ*. Quia tamen ea differentia non fuit magna, & præterea carrucæ loco carpentorum coeperunt usurpari, hinc carrucæ interdum, quæ olim carpenta. Sic intelligendus Plinius videtur, quando ait: *Nos carrucas ex ar-*

gento calare invenimus. Loquitur de carrucis, tanquam diu notis, & usurpatis quondam sine argenti calamine. At vero carrucas nominavit nemo ante Plinium, quod sciam. Quare sequitur, per carrucas intellexisse, quæ olim carpenta dicebantur. Ac fortassis orto ea ætate carrucarum usu loco carpentorum veterum, etiam vox invaluit, dictæq; carrucæ etiam carpenta. Usus carrucarum fuit, qualis carpentorum veterum. Vecti primum eis viri, nominatimq; Senatores. Ita docet Spartianus in Alexandro Severo: *Carrucas Romæ & rhedas Senatoribus omnibus ut argentatas haberent permisit.* Deinde & honorati alij, quod apparet ex lege Codicis Theodosiani allata in superioribus, ubi nominatim habemus: *Omnes honorati seu civilium, seu militarium dignitatum carrucis utantur.* De his intelligendum est, quod Vopiscus habet in Aureliano: *Dedit prætereapote statem, ut argentatas privati carrucas haberent, quum antea ærata & eborata vehicula fuissent.* Nam privati hoc in loco sunt accipiendi Principis respectu, quod jam viri docti observarunt, id est honorati omnes, maxime Senatores. Quorum carrucas tamen cum & Vopiscus, & ante ipsum Spartianus ostendant fuisse argentatas, consequens videtur, ut aliorum credamus mansisse æratas atq; eboratas, & sic carrucarum usum sic in universum non fuisse proprium tantummodo honoratorum, sed & aliorum. Illud habuisse honoratos præ aliis, ut carrucis argentatis fas haberent uti. Post viros usus carrucarum pertinebat etiam ad feminas. Inde quæstio apud Scævola l. 13. ff. de Auro, Argento. *Quæsitum est, an carrucha dormitoria cum mulis, qua semper uxor usabit, ei debeatur.* Loquitur velut de re non infrequenti, unde id colligitur, quod dixi. Pertinebant autem carrucæ honoratorum quidem, ad monstrandum munus, quod in republica sustinerent. Inde Lampridius de Alexandro Severo, & concessio ab ipso jure Senatoribus, quo possent uti carrucis argentatis: *Interesse Romanorum dignitatis putabat, ut his tantæ urbis, Senatores veherentur.* Eodem spectat lex de honoratorum vehiculis in Codice Theodosiano, qua libenter credimus eruditissimo Jacobo Gothofredo, non permissum modo, sed præceptum etiam fuisse honoratis urbis, ut hoc

gene-

genere vehiculi uterentur. *Mihi*, ait ad legem illam, cujus ante verba retuli, *sententia sedet, neq; fastum hac legere primum, neq; Honoratis tantum carrucarum usum permitti; verum si recte capio, omnibus honoratis necessitatem imponi vehiculis dignitatis suae, quae utiq; erant carruca bijuges, semper utendi intra urbem. Vehiculis, inquit, dignitatis suae SEMPER UTANTVR: quae verba, ni fallor, necessitatem important omni loco & tempore.* Quanquam usus ille olim fuerit promiscuus, & carrucis vecti sint non argentatis modo, sed & aureis, etiam privati. Privatus enim, & in nulla constitutus dignitate videtur fuisse Quintus, quem perstringit. Martialis lib. V. quod haberit carrucam auream.

Aurea quod fundi pretio carruca paratur.

Nec fortassis hæc postrema fuit causa, cur deinde usum vehiculorum Marcus Imperator sustulerit in urbe. Capitolinus cap. 23. *Marcus sederi in civitatibus vetuit in equis sive vehiculis.* Mulierum carruca ad delicias præcipue referebantur, ut in eis molliter vectæ conciliarent sibi somnum. Quo spectasse puto *carrucam dormitoriam*, cujus Scævola facit mentionem. Nec enim peculiarrem existimo intelligendam, quasi fuerit aliqua dormitoria, alia aliis usibus destinata, sed communem, qua tamen matrona illa usa sit peculiariter hoc fine. Nam aliæ ad alia usurpabant, ambulationes per plateas, confabulationes ac id genus, quod facillimum est intellectu. Atq; quoniam is frequens carrucarum usus, inde credo fuisse, qui utendas elocarent, saltem commodarent, commodatoque acciperent. Inde namque Paulus l. 17. ff. Commodati, ex Pomponio: *Eum qui carrucham vel lecticam commodavit, non recte acturum de singulis partibus.* Habebat autem has carrucas domi suæ in peculiaribus, & ad id paratis stabulis. Quod colligimus ex Ulpiano, quando ait, l. 13. §. ult. ff. de Usufruct. & quemad. inique eum facere, qui cum habet legatum domus usumfructum, meritoria illic instituit, aut *si stabulum, quod erat domi jumentis*.

& carrucis vacans, pistrino locat. Atq;

hæc de carrucis.

De Carro.

*Carrus, carrum. Isidorus refutatur. Vossius deseritur. Carri Gallorum. Carrus non fuit birota. Usus ejus ad onera, & vehendas species. Prosecutores carrorum. Carrada. Carragium. Vossius notatur. Matthæus Parisiensis exponitur. Carricare. Sarcinas portabant in militia. Walsinghamus explicatur & emendatur. Vossius rejicitur. Gartina. Munimenta per carros, qualia. Carrago. *ναγὰρ*. Interpres Leonis castigatur. Carrago ad munierendum iter. *Τὰς ἀμύλλας μετ' ὧν δὲν ἔϊσαν*. Clabularia. Iac. Gothofredus bis revellitur, & Codex Theodosianus explicatur. Clabulare num carrum & angaria. Salmasius rejicitur.*

A Carruca venio ad carrum. Quod vehiculigenus veteres duplici extulere modo, nam & masculine, & neutraliter reperitur. Masculine usurpavit Cæsar. ut lib. I. B. G. *Ad impedimenta & carros suos sese contulerunt.* At in neutro habes apud Hirtium lib. Hisp. *Ea die per viarum angustias carra complura multosque lanistas retraxit.* Simili modo usurpavit Isidorus. Et in Glossis antiquis *carrum* est neutraligenere. Unde dictus carrus sit, Isidorus sic declarat: *Carrum à cardine rotarum dictum, unde & currus dicti, quod rotas habere videntur.* Sed quid cardo rotarum? an id, circa quod vertuntur, sicut janua vertitur circa suos cardines? At hoc non est cardo in vehiculis, sed axis. Sed nec *quod rotas habere videntur*, carros declarat; habent enim alia fere omnia vehicula rotas, nec ideo sunt carri. Vossius existimat, per literarum transpositionem sive transmutationem *carrum* factum à *curru*. Verba ejus sunt in Etymologico. *Carrus κατ' ἀντιστοιχίαν est à currus.* Mihi aliter videtur, nam existimo, vocabulum esse, non Latinum, sed desumptum à barbaris, forte Gallis. Causa, quia veteres Latini non usurpant. Nusquam legitur apud Varronem, nusquam apud Virgilium, Tullium, & similes. Adducitur ex Sisennæ lib. IV. Histor. *Impedimenta collocant omnia, construunt carros, & sarraca crebra disponunt.* Sed ostendit locus ipse, sermonem esse non de Romanis, verum populis aliis, qualibus in usu fuerunt & sar-

& sarracæ. Et profecto agitur de munimento per carros & vehicula. Jam autem istiusmodi munitionis genus Romanis non innotuit, receptumve fuit, nisi sero. Igitur illi carri, quorum meminit Sisenna, non pertinuerunt ad Romanos, & sic nec Romana Latinave voce appellati sunt, sed ejus populi, de quo ibi agebatur. Atque tali modo carros usurpavit etiam Cæsar Julius. Quando de Helvetiorum Gallorumve agit vehiculis, *carros* vocat. Ut lib. I. de Bel. Gal. cap. 3. *Constituerunt ea, quæ ad proficiscendum pertinent, comparare, jumentorum & carrorum quam maximum numerum cõemere.* Et cap. 24. ejusdem libri: *Helvetii cum omnibus suis carris secuti, impedimenta in unum locum contulerunt.* Atque ita multis locis aliis. Unde colligo, carri vocem esse non Romanam, verum peregrinam, Helveticam Gallicamve. Cum præsertim *Carre* hodieq; pro vehiculo Helvetiis similibusq; usurpetur. Carum Græci reddunt *ἄμαξαν*. Glossarium vetus titulo de Agricultura: *Carrum, ἄμαξα*. Metaphrasti Cæsaris est *ἄρμα*. Ita namq; reddit locum supra nobis adductum: τὰ πρὸς ὁδοπορίαν πάντα ἐκζητήσαντες παρασκευάζοντες, οἷον ὑποζύγια τε καὶ ἄρματα. Et loco alio: οἱ μὲν ἑλκῆτιοι αὐτὸν ἐρύματι τὰ ἄρματα προβαλόντες: Quod Cæsar ita proposuerat: *Pro vallo carros objecerant.* Ex quo colligas, non habuisse Græcos vocem certam, quæ exprimerent. Fuit porro carrus vehiculum rotarum quatuor, si Corrasium audimus. *Carrus*, ait lib. III. Miscell. cap. 20. *quadrirotum est, hoc est, quatuor rotarum.* Et profecto non birota fuit, quod colligimus ex eo, quoniam birotæ onus fuit librarum ducentarum, carri verò sexcentarum, ut testatur l. 8. Cod. Theodos. collata cum lege 47. ejusdem Codicis, titulo de Cursu publico. Et quia carri onus triplo fuit majus oneri birotæ, hinc auguramur, carri quoq; magnitudinem triplo superasse magnitudinem birotæ, atque ita non sine ratione credi quadrirotam. De forma cætera nil proditum invenio: Plaustris non dissimiles multo suspicor fuisse. De jumentis quoq; qualia habuerint adjuncta, vix audemus quidpiam definire. Si rhedis birotisq; similes fuisse credimus, quod svadere videtur titulus Codicis Theodosiani de cursu publico, boves aut mulos fuisse, quorum tractu procedebant, credi potest. *Ufus*

communissimus eorum fuit ad vehenda onera. Spectabat autem vel ad pacem, vel ad bellum. In pace potissimum adhibiti ad cursum publicum, & transvehendas in eis species, aut subvectandas farcinas eorum, qui licentiam habebant usurpandi cursus publici. Discimus ex l. 47. dicti Codicis Titulique, quæ sic habet: *Rhedæ mille librarum onus imponi debet, carro sescentarum, nec amplius: Ad-dito eo, ut aurum cateraque species largitionales non ad libidinem pro-se-cutorum vel susceptorum, sed aptis oneri ac ponderi vehiculis deferan-tur.* Manifestè docet lex hæc, carris onera imponi consuevisse, ac præsertim onera earum rerum, quas appellat species largitionales. Dein oneribus istis sæpe nimium fuisse gravatos, idque, uti docet, libidine *prosecutorum*, id est, inhumanitate quadam eorum, qui custodia causa species istas prosequi debebant. Sic vehiculis pariter & jumentis allata damna, quæ ut in posterum evitarentur, consti-tutum, ut ne amplius carro, quam librarum sexcentarum onus, im-poneretur. Hoc fuit justum carri onus, quod ex eo quoque *carradam* vel *carratam* appellarunt. Testis Vossius in Glossario, pro hac sen-tentia laudatis verbis Aimoini ex lib. V. Histor. Franc. cap. 10. *De melle, carrada una ex modis octo.* Idem putat & *carragium* vocasse: *Carriagium vel cariagium, onus carri, sive quod vehitur carro.* Ita Matthæus Parisius utitur, cujus verba in caretâ adduximus. Verba Matthæi Parisii in voce caretâ sic se habent apud Vossium: *Nullus baillivus noster, vel vicecomes, vel alius, capiat equos vel caretas alicu-jus, pro cariario faciendo.* Hic non est *cariagium*, sed *cariarium*. Sed haud dubie scribendum *cariagium*, ut mox dicam, & est istud typo-graphi mendum, non Vossii vel Matthæi. Cæterum, ex verbis istis nescio, qui possit colligi, *cariagium* significare onus carri. Sanè dicit Matthæus *cariagium facere*. Si cariagium esset onus, necesse foret, ut similiter dici posset *onus facere*. At quis ita loqueretur, *cape equum pro onere faciendo*? Vel quid omnino esset, *onus facere*? Quare mal-lem cariagium exponere de itinere, quod sit carro. Nempe cari-a-gium sic à carro agendo dictum, sitque, quando carrus agitur. Sic *capere caretam pro cariagio faciendo*, significabit capere currum ad faciendum iter. Neque alia mens fuit Matthæi Parisii, si quid possum
conjunctum

conjicere. Ipsum enim nunc inspicere haud licuit. Aliud igitur est *carriagium*, aliud *carrada*, illud, vehiculo uti, hoc vero, quod vehiculo imponi solet, onus. Quod qui imponebant, ab eadem *carri* voce dicebantur *carricare*. Glossæ veteres Arabico Latine Vulcanij: *Carrico*, *onero*. Adde, quæ de voce hac Ger. Vossio in Glossario notantur. Sicut vero carri usurpati ad vehenda onera in cursu publico, ita nescio quid obstet, quo minus credamus & adhibitos ad onera in cursu privato. Licet observaverim hucusque neminem, qui ejus cursus fecerit mentionem. In militia pertinebant primum ad portandas sarcinas. Ideo inter ea, quæ exercitui sunt necessaria ad faciendum iter, Julius commemorat statim ab initio lib. I. de Bel. Gall. ubi de Helvetiis: *Constituerunt ea, quæ ad proficiscendum pertinent, comparare, jumentorum & carrorum quam maximum numerum cœmere*. Idem ejusdem libri c. 24. numerat inter impedimenta. *Helvetij*, ait, *cum omnibus suis carris secuti, impedimenta in unum locum contulerunt*. Interpretes Græcus hanc ob causam clare appellavit σκευοφόρες. Ita namque ista reddidit. ὁ Ἑλβετίοι πᾶσι σιναίδοις σκευοφόροις τὰς Ῥωμαίους καταδιώξαντες, τότε μὲν αὐτὰ εἰς ἓνα τόπον σιναιδοῖσαν. Intelligit autem integre ἀμάξας σκευοφόρας, quod significat plaustra vel vehicula sarcinis gestandis destinata. Hi carri sic cum suis sarcinis juncti omnes una voce quam habuimus & in superioribus *carriagium* dicebantur. Sic enim intelligo, quod habet Walsinghamus in Richardo II. *Cumq; certam nostri elegissent stationem, ordinate & pulchre dispositi per turmas suas: caria-gium quoque, quod Sarcinas* (emendant, *sarcinas*) *appellamus, à tergo locassent*, &c. Vossius *impedimenta* explicavit in Glossario; sed est paulo latior impedimentum vox, quam ut *carriagium* possit exponere. Imo cum *carriagium locare* dicat Walsinghamus, existimo, non significare tantum carrorum conjunctionem fortuitam, qualis sæpe fit in itineribus, sed peculiarem, quali munimentorum vice Galli, Helvetij, alijq; populi consueverunt uti. Neq; enim alias τὸ *locare* idoneus esse potest sensus. Ad postremum in Walsinghamo non *sarcinas*, sed *gartinas* lego. *Sarcinas* enim non Latina est. At Walsinghamus ait *appellamus*, quod non dubito, quia ad gentem

Wallingami, h. e. Anglos debeat referri. Si Angli sic vocarunt, & vocarunt contra consuetudinem Romanam, qua tum *carriagium* appellabatur, utique non *Sarcinas* dixere. At *Gartinas* potuerunt appellasse à *Gar*, *Kar*, carro, & *tina*, *tyna*, sarpimento, quasi sarpem è carris. Cum præsertim nihil olim fuerit vulgatus cunctis istis populis, quam munitiones omnes *tyu* vocare, quod jam olim in Upsalia veteri observavimus. Consuetudinis extat mentio apud Cæsarem lib. I. c. 26. *Ad multam noctam etiam ad impedimenta pugnatum est: propterea, quod pro vallo carros objecerant.* Vegetius in universum cunctis tribuit barbaris, & hoc modo castra præsertim scribit communisse. *Omnes Barbari carris suis in orbem connexis ad similitudinem castrorum securas à supervenientibus exigunt noctes.* Quo ex loco simul discimus, duo solita observari hoc in opere, primum, ut connecterentur carri inter se, alterum, ut connexio ista referret speciem orbis. Prioris mentionem facit etiam Sisenna, & *construere carros* vocat: *Impedimenta collocant omnia, construunt carros.* Ubi construi vel connecti dicuntur, opinione mea, quando ita unus alteri insertus jungitur cum per se, tum fortassis aliquando interventu quoq; vinculorum, ut divelli ac dissociari facile haud queant. Posterius commemoratur Ammiano lib. XXXI. *Vnde haud longo spacio separatum vulgus inestimabile Barbarorum ad orbis rotundi figuram multitudine digesta plaustrorum tanquam intramuranis cohibita spaciis, otio fruebatur & ubertate prædandum.* Et paulo post: *Octavo tandem die hostium carpenta cernuntur ad speciem rotunditatis detornata digestaq;.* Quibus locis qui proprie barbaris sunt *carr*i, Latina consuetudine *plaustra* & *carpenta* nominavit. Atq; hoc munitionis genus veteres vocarunt *carraginem*, secuti eos, qui hoc genere munitionis utebantur. Nec enim Latinum magis est vocabulum, quam barbarum. Quod aperte docet Ammianus, quando paulo post superiora; *Statimq; incensi malleoli ad carraginem (quam ita ipsi appellant) alibi velocitata regressi incentivum audendi majora popularibus addiderunt.* Dicit clare, *carraginem* appellatam ab ipsis, id est Gothis, quorum ibi de castris agitur. Atque ita pridem usurpavit Valerianus in epistola ad

Aurelianum, quæ legitur apud Vopiscum c. II. *Tuum est querere, ubi carrago sit hostium, & vere scire, quanti qualesq. sint.* Postea hæc consuetudo transijt & in Romana castra, præsertim sub Imperatoribus orientis, qui & ipsi *καρὰν*, appellavere. Leo clare Taët. c. II. *Καρὰν δὲ λέγομεν τὰς ἀμάξας καὶ τὸν δι' αὐτῶν περὶ χειρισμόν. Carraginem vocamus, & munitionem per ea factam.* Loco alio sic describit: *Καρὰς λέγεται ὁ διὰ τῶν ἀμαξίων, καὶ τροβόλων, καὶ τῶν ἄλλων μηχανῶν γενόμενος περιεισμός εἰς ἀσφάλειαν τῆς στρατῆς.* Extat locus hic cap. 4. p. 53. ubi mutilate prorsus Interpres vertit: *Caragus dicitur ex carris & aliis bellicis rebus munitio ad exercitum muniendum:* cum sic debuisset: *Carrago dicitur ex carris, tribulis, & machinis aliis facta circumvallatio exercitus muniendi causa.* Adhibebant enim non carros solum, sed & tribulos, id est ferramenta cuspidata, ut ne appropinquare hostes possent. Quæ de re docet ipse cap. II. ubi ait: *Ἐξωθεν δὲ ταύτης τρεβόλης καὶ λάκκους μικρὰς ἔχοντας πάλιν ἐντὸς πηγμένους δὲ ποιεῖν. Oportet extra fossam tribolos & foveas parvas palis infixis facere.* Ubi fovearum observandæ sunt, pertinent enim ad id genus machinarum, quod præter tribulos supra dixit ad carraginem conficiendam adhiberi. Præter hanc carraginem invenio & aliam non ad castra, verum iter muniendum usurpatam, ne exercitus ab hoste posset in itinere facile invadi. Meminit illius Pollio in Gallienis c. 13. ubi ait: *Quo comperto Scythæ facta carragine per montem Gesfacem fugere sunt conati.* Casaubonus doctè ad hunc locum: *Procopius carraginem facere libro quarto dixit, τὰς ἀμαξας μεταπηδῶν ὅσας, frontes carrorum hosti objicere: & qua sine carrago fieret, his verbis explicat, ὥπως τὰ νῦν αἰὲν τῷ ἀσφαλεῖ ἔχοντες θρασυήσωσι μάλλον. Quod plane convenit isti loco. Nam Scythæ fugam meditantes carraginem prius faciunt, ut Romani persequi fugientes non queant.* Ubi annotandum, fuisse hanc carraginem non fixam uno loco, verum mobilem, & adhibitam in ipsa fuga, sicut Pollio testatur. Deinde habuisse carros exterius spectantes. Sic enim accipio illud *τὰς ἀμαξας μεταπηδῶν ὅσας.* Inter eundem, inquam, ita dispositi erant carri, ut unius equi vel jumenta adjuncta interius à latere præcedentis carris ambularent, atq. sic ab eo tegerentur. Hoc enim modo carri omnes

versi erant in hostem, quod proprie per μετωπιδὺ intelligendum.
 Denique carraginis hujus speciem non fuisse clausam in orbem,
 qualis in castrorum communitione usurpabatur, verum longam,
 pro modo ambulantis exercitus, quem habebat intra sese. Carri
 incedebant ab utroq; latere longa ferie, versis intra equis, sicut di-
 xi. In medio eorum ambulabat exercitus, munitus utrinq; contra
 insultus hostiles ab istis carris. Atq; ita hodieq; receptum est au-
 rigis per Germaniam Belgiumque, qui sarcinas mercatorum, res-
 que venales vehunt, quando periculum imminet à prædonibus.
 Hactenus de carris egimus, quantum potuimus ex veteribus. Ve-
 rum antequam digrediamur, animadvertendum, quod est tradi-
 tum Cl. Salmasio, hos currus dictos quoq; *clabularia*. Adscribam
 verba ejus, licet sint longiora, ex Commentario ad Capitolini
 Antoninum Pium c. 12. *Clavulare carrum dicebatur, quod undique
 clavulis erat confixum & contextum, & capsum ex clavulis factum ha-
 bebat, ad res, quæ imponderentur, retinendas, ne defluerent. Quod &
 in nostris carris onerariis fieri videmus, quæ undiq; vallantur & sudi-
 bus vel clabulis muniuntur, ne onera imposita decendant. Latini capsum
 vocabant. Carrum igitur clavulare adjectivè dictum: postea adjecti-
 vum in substantivum transijt, & clabulare absolute appellatum hoc car-
 ri genus, quod clabulas haberet. Facit pluragenera carrorum, ut vi-
 demus, unum cum clabulis, aliud sine iis, ex tabulis fortasse con-
 structum. Quod habebat clabulas, *clabulare* ait appellatum, & hoc
 ideo, quia integre fit *carrum clabulare*. Quia *carrum* dicitur in neu-
 tro genere, ideo & *clabulare* putat neutraliter elatum. Ac profecto
clabulare habemus expresse in l. 2. C. Theod. de Curiosis: *Habens
 unius copiam rhedæ flagitet mulas duas; aut rhedam usurpet, cui birotum,
 vel veredum postulare, vel clabulare permissum est*. Sicut rheda
 & birotum dicitur, ita & clabulare isto loco. Quare miror, cur
 hoc genus viri docti *clabulas* maluerint vocare. Jac. Gothofredus
 in Paratitlo dicti Codicis de Cursu publico, ubi recenset vehicula
 spectantia ad cursum publicum: *Vehicula*, inquit, *varia erant, &c.*
Quarto Clabulas, unde clabulare. Vehiculum appellat *clabulam*, &
 sic facit locis aliis non semel. Nam & ad legem ante nominatam*

de Curiosis ita loquitur: *Rheda usu, & birotum, & veredus & clabula levior est.* Contra *clabulare* ipsi cursum denotat. Verba ejus in Commentario ad l. 23. C. Theod. de Cursu publico: *Cursus hic modo clabularis vocatur, modo clabularius, modo clabulare.* Quod postremum ut confirmet, adducit l. 2. de Curiosis. At in ea lege numeratur inter genera vehiculorum, ut apparet ex superioribus. Itaq; non idem *clabulare*, & *clabularis cursus*, nam *clabularis cursus* is, qui fit per *clabulare*. Clabulare vehiculum est, quo in cursu clabulari utebantur. Clabula vero non vehiculum, sed id, unde vehiculum contexebatur, minuta inquam *claba* sive *clava*, hoc est baculus, seu paxillus, sicut alibi ostendi. Cæterum an clabulare dictum intuitu ad carrum, nunc videndum. Affirmat Salmasius, ut liquet ex superioribus: Negat Gothofredus. Nam primo loco in recensione vehiculorum ad cursum publicum recenset *rhedam*, secundo *carrum* (sic enim scribendum, non *currus*, ut est in editis, quod ostendit facile adducta ibi l. 47. C. Theod. de cursu publico) tertio *birotam*, quarto *clabulam*. Clabula igitur, quam pro clabulari pariat, ei non est carrum. At vero Salmasius non carrum modo facit, verum etiam angariam. Verba ejus loco antea adducto, post allata verba legis I. C. Theod. de Curiosis: *Quibus verbis omnia, que in publico cursu movebantur vehicula continentur, rheda, birota, veredi, & clabularia vel carra, quæ alias angaria dicuntur.* Jam autem angaria differre videtur à carro. Nam angariæ imponuntur pondo mille quingenta. l. 28. C. Theod. de Cursu publ. *Non amplius rheda, quam mille pondo subvehet, & angaria mille quingenta sufficiat.* Contra carro non supra libras sexcentas, uti supra indicatum est. Quare angaria esse carrus non potuit, ut quem magnitudine superasse triplo pæne videatur. Jam si angaria clabulare, quod vult Salmasius, clabulare sic à carro dictum minime censeripotest, cum sit carrum aliud, & aliud clabulare. Sane clabulare angariam esse etiam Gothofredus judicavit, à carro vero distinxit. Quem putamus hic sequendum, nec in voce *clabulare, currum*, sed vehiculum intelligendum. Sed de his sequenti capite.

De Angaria & Clabulari.

Angaria. Engaria. Fulberti lectio vetus defensa contra Vossium. Notat etiam vehiculum. Major fuit rheda. Angaria & clabulare idem. Iunctos habuit boves, vel mulos, asinos, equos. Iac. Gothofredus notatur, & Codex Theodosianus explicatur. Iumenta iuncta, pro pari. Vsu in cursu clabulari, ad vestes lineas portandas, interdum & homines militares. Valesius defenditur. Iter earum lentum. Iac. Gothofredi sententia probatur. Iter in via publica. Ἀγὰρεια. Ἀγὰρῆνευ. Interpres vetus Bibliorum notatur. Matthæus exponitur contra Grotium & Becam. Ἀγὰροι.

ANgariam, quæ alicubi & engaria, exponunt Vossius & alii coactionem, quando quis alteri necessitatem imponit rei exequendæ. Sic Fulbertus Vossio laudatus, ep. 150. *Nulli volens imponere citra liberam voluntatem alienæ servitutis angariam.* At ep. 14. idem habet *engariam*, non vitio librarii, quod putabat Vossius, sed quia prima syllaba mixto efferri sono solebat, nec vel a vele referre integrum ac perfectum, sicut hodieq; fit apud Germanos meos, ut post dicam. Verba Fulberti: *Nostri hominibus novam angariam induxit.* Quibus verbis evidenter satis constat, engariam vel angariam significare onus rei alicujus conficiendæ. Glossæ Philoxeni: *Angaria, περιγρασία, ἀγκυρία.* Magis tamen propriè videtur usurpari pro vectura seu deductione vehiculi onerati. Sic in leg. Bojar. tit. 13. §. 9. *Angarias cum carra faciet usque L. leugas.* Nempe faciebant has vecturas cum vehiculis, quæ propterea *angarias* appellare. Nam angarias significare genus peculiare vehiculorum colligitur abunde primum ex eo, quia certum pondus definitum est, quod eis debeat imponi, sicut capite superiori vidimus: Deinde, quia certæ nominantur species, quæ imponi eis solebant. L. 48. Cod. ejusdem Tituliqve: *Lineæ vel amictoria, quibus hætenus onerari rheda solebant, nec ulterius rhedis, sed angariis vel navibus dirigantur.* Non potest dubitari, quin, ut rhedæ, sic angariæ hic sint vehicula. Ac fortassis in angariæ vocabulo rheda est intelligenda, ut angaria sit dicta differentię gratia à rheda communi, significetque talem

talem rhedam, quæ præstari angaria debet. Speciem profectò ad-
 jectivi habet, ut & *rem angariam*, hoc est, oneris vectationem, &
rhedam angariam, hoc est, vehiculum, quo vectatio ea debet fieri,
 significare possit. Angariæ hujus species quæ fuerit, non nihil con-
 stat ex superioribus. Primum enim rhedis fuit major dimidia sui
 parte, cum enim illæ ferrent pondo tantum mille, angariæ mille &
 quingenta imponi solebant, ut ex l. 28. Cod. Theodos. de Cursu pu-
 blico apparet: *Non amplius rheda, quam mille pondo, subvectet, &
 angariæ mille quingenta sufficiat.* Hinc colligitur, cum rheda fuerit
 vehiculum quadrirotum, etiam angariam rotas habuisse non pau-
 ciores quatuor. Amplius ostensum supra est, angariam eandem es-
 se, quæ sit dicta clabulare, hinc apparet, clabulis, hoc est, bacillis,
 contextam habuisse capsam. De angaria, eandem esse cum clabu-
 lari, sententiam Salmasii jam ante vidimus. Gothofredus ita habet
 in Paratitlo de Cursu publico Codicis Theodosiani: *Clabula*, (sic
 appellat, quod *clabulare* dici debuit) *quod idem cum angaria facio.* Ita
 est legendum, non, ut vitiose ediderunt, *angarita*, qualis nulla est. Et
 in Commentar. ad l. 4. ejusdem tituli: *Angariam eandem facio cum
 cursu clabulari.* Item ad l. 2. Cod. ejusdem, t. de Curiosis: *Clabula-
 re idem facio cum Angaria.* Si angaria est clabulare, clabulis contex-
 tam fuisse necesse est, cum hoc sit clabulare, ut jam aliquoties est
 dictum. Solebat autem hoc vehiculum adjunctos habere boves
 ferè. Hinc in l. 11. Cod. Theod. de Cursu publico: *Pro singulis an-
 gariis bina tantum boum paria consequantur.* Memorantur tamen &
 ἀγριαὶ ῥήματα, *angariales muli* asinique Libamo in oratione peculiari
 ἀγριαὶ ῥήματα, ut testatur Gothofredus, item equi, de quo Aretas in
 cap. 18. Apocal. ἵππες ἐπὶ τοῖς διὰ τῶν ὀχημάτων ἀγρίαις. Numerus boum
 Gothofredo quaternarius videtur. Ita namq; habet ad l. 4. Cod.
 Theod. de Cursu publico: *Angariæ boum protelo ducebantur, sic, ut
 bina boum paria his, neque ultra aptarentur; ut docet exertè l. 11. infr.
 h. t.* Equidem in dicta lege bina boum paria memorantur. Verum,
 an perpetuum hoc fuerit, quod Gothofredus putat, dubito. Lex
 tota ita habet: *Ne quis post hanc legem amplius, quam duas angarias,
 & hoc eorum, si qui agri sunt, caussa usurpare conetur, cum ad destinata
 profici-*

proficiscitur, ita tamen, ut pro singulis angariis bina tantum boum paria consequatur. Videtur potius diversum ostendere hæc lex, quam quod volebat Gothofredus. Nam, velut singulare quid, & alias non usitatum, TANTUM bina paria permittit. Si nunquam plures boves aptati, cur sub hac exceptione tam emphatica conceduntur? Quare mihi potius hoc dici videtur, licet permittantur binæ angariæ, tamen non tot quoque boves permitti, quot alias angariis adjunguntur, sed sufficere, si singulæ paria habeant duo. Et est manifesta ratio. Agitur enim ea lege de angariis ad deportandos ægrotos. Ægroti, cum sunt deferendi, spacium requirunt majus in vehiculis, quam valentes, quo videlicet commodius sedeant, nec compressione quadam ab aliis affligantur. Ergo tali casu duæ permittuntur angariæ. At quoniam iidem non æquè sunt graves, ac si res aliæ vehiculis imponderentur, idè ipsi transvehendis non permittuntur, nisi boves quatuor ad singulas angarias. Quapropter, quod de paribus duobus monet Gothofredus in singulis angariis, perpetuum fuisse haud opinor. Ac ne quidem aptè trahere mille quingenta pondo potuisse credo, quot imponi vulgo angariis confuevit. Quod ex eo colligo, quoniam rhedæ, cui imponebantur pondo tantum mille, adjunctæ mulæ octo vel decem. Nulla enim est inter hæc proportio. Porro, boves illi quomodo adjuncti fuerint, ex eo licet conijcere, quod nominantur *duo paria*, in lege ante nominata. Patet enim hinc per paria confuevisse adjungi, hoc est, duos & duos ad juga singula, quæ junctura postulat, ut duo ierint post duo longa serie, & jugum unum fuerit non à latere, sed à fronte adjunctum alteri. Usus angariarum fuit in cursu publico, quem vocarunt clabularem. L. 5. Cod. Theod. t. de Curiosis: *Ecursu vero Clabulari singulas angarias percipiatis.* Patet manifestè, angarias ad cursum clabularem spectasse. Cursus clabularis dictus à vehiculis clabularibus, quoniam fiebat isto genere. Illi cursui cum interfuerint angariæ, colligitur, clabularia & angarias non fuisse generis diversi, atq; ita rectè dici, cursum clabularem confectum per angarias. Pertinebat autem cursus iste ad provehenda onera, nominatimq; species fiscales, cum primis vestes lineas. L. 48. Cod. Theod.

de cursu publico: *Linea vel amictoria, quibus hæcenus onerari rheda solebant, nec ulterius rhedis, sed angariis vel navibus dirigantur.* Pertinet huc qvovqve l. 16. ejusdem tituli, ex qua cognoscimus, consuevisse istas species per angarias deferri ad portus, unde constat, in superiori lege præcipi, ut per angarias deferantur ad mare, tum excipiantur navibus, ac dirigantur Romam. Verba legis: *Angariarum cursum submo veri non oportet, propter publicas species, quæ ad diversos portus deferuntur. Proinde, considerata rerum necessitate, pro locorum situ atq; itineris qualitate tantum numerum angariarum collocari oportere decernas, quantum necessarium esse adhibita plenissima deliberationes fuaserint.* Dicit, tantum numerum angariarum, quod manifestè ad vehicula pertinet. Ita singulas angarias in l. 5. duas angarias in l. 4. h. t. habemus. Cum vehiculis hisce cursus fit, auctor legis ait fieri *cursum angariarum.* Qui angariarum cursus alibi est *cursus clabularis, vel clabularius.* Oneris magnitudo, quod angariis singulis vel clabularibus imponebatur, fuit pondo mille sexcentorum. Sic disertim legitur in l. 28. Cod. Theod. de cursu publico, cujus verba in superioribus adduximus. Hinc opinor manere hodieq; in Alsatia, patria mea, vicinisq; locis nomen *angariorum* de plaustris rebus gravioribus multum oneratis. Ita namq; plaustrum fœni nominant *ein Aenger Heu* / plaustrum vini, *ein Aenger Wein.* Nam alias *to Aenger* non Germanica est vox, ac ne Latina quidem Græcave, verum Persica, ut jam pridem alii monstrarunt. Præter species fiscales autem angariis ferebantur etiam homines, erantq; illi vel milites, quotiens eissent de loco in locum transferendi, aut ægrotarent, vel familiæ cujusq; ac charitates, vel deniq; legati, de quibus omnibus cum cura agit eruditissimus Jacob. Gothofredus ad l. 4. Codic. Theod. de cursu publico. *Patet, inquit, clabularium cursum ut aliis, ita & militibus concessum, quoties transferri eos de loco in locum oporteret, quod testatur exerte l. 22. Cod. Iust. eod. tit. Sed neque ægrotantium tantum militum causa hic cursus clabularis permissus, quod vir doctus scripsit; Verum vel familiis & charitatibus transferendis, ut in prædicto Marcellini loco & d. l. 22. vel denique legatis, eadem l. 22.* Doctus vir, quem respicit, Vallesius est, qui sic habet in suis ad Ammianum

Notis : *Angariae erant capacissima vehicula ac solidissima, utpote quibus mille & quingenta pondo imponerentur, cum rheda mille duntaxat imponi deberent, ut est in l. 30. Cod. Theod. de cursu publico. Aegrorum autem militum duntaxat causa hic clabularis cursus permittebatur, ut opinor, & id innuit lex ij Cod. eod. Verum nuda hæc opinio, vel potius suspicio est Vallesij, non assertio plenaria. Alias omnino liquet vel ex ipso Ammiano, spectasse etiam ad sanos. Verba clara sunt : *Julianus contemplans rationabiles querelas, cum familiis eis ad Orientem proficisci præcepit, clabularis cursus facultate permissa.* Extant verba hæc lib. XX. Ammiani, ubi agit de militibus, qui conquerebantur, *se ad orbis terrarum extrema pelli, caritates suas Alemannis denuo servare, quas captivitate prima post internecivam liberaverint pugnas.* Erant autem hi non ægroti, sed valentes. Quando angariam Vallesius appellat *solidissimum vehiculum*, non aliter id est accipiendum, quam de robore seu firmitate. Nec de tabulis in capsa cogitandum, quas non potuit habere, quia fuit clabulare. Procedebant autem hæ angariæ seu clabularia itinere prorsus tar- do lentoq; propter pondus, quod impositum habebant majus, quam genus ullum vehiculorum reliquorum, non quod pauca, & tantum quatuor adjuncta haberent animalia, sicut alij putarunt. Atq; quia tarde procedebant, ideo cursus clabularis opponitur veloci. l. 62. C. Theod. de Cursu publico. *Usurpationem cursus publici penitus jussimus amputari, scilicet ut excepta Magnitudine tua præsumendi velocis & clabularij cursus nullus habeat potestatem.* Est, qui colligit ex lege hac, clabularem cursum esse velocem. Nempe illud & conjungere ista duo putavit, & ideo alterum alterius esse velut explicationem. Verum hic disjungit, & duas diversas cursus publici ostendit species, velocem unum, alterum clabularem, sicut recte Gothofredus observavit. Quod ex eo quoq; liquet, quia cursus clabularis fiebat cum angariis. Jam vero angaria opponitur cursui. l. ult. C. Theod. de cursu publ. *Nemo Ducum ingressus semel provinciam suam, postmodum itineribus faciendis cursu adque* (h. e. atq;) *angariis ipse, sive suum Officium utatur.* Illud adq; seu atq; disjunctive hic intelligendum, sicut & in superiori lege. Unde sequi-*

quitur, clabularia & angarias non cursim incessisse, verum tarde. Solebat autem cursus hic institui per viam publicam, quod ipsum Cl. Gothofredus observat. Et adfertur Scholion ex Basilorum lib. LVI. ubi cursus ipse hac de causa ἀγαραία, id est angaria vocatur. Καὶ ἐστὶν ἀγαραία μὲν ἡ παράδος, ἡ δὲ διὰ τῆς δημοσίας ὁ δὲ τῆς καὶ δεσποῦν ἐχέουσι. Est angaria iter per viam publicam, in qua cursus est constitutus. Hinc qui cursum illum conficiendum imponunt, dicuntur ἀγαρεύειν. Ita namq; debet intelligi, quod legitur Matthæi V. Καὶ ὅστις σε ἀγαρεύσῃ μίλιον ἓν ὑπαγε μετ' αὐτοῦ δύο. Interpres vetus retenta voce angariandi vertit ita: *Et quicumq; te angariaverit mille passus, vade cum illo & alia duo.* Quod tamen non in Græcos dicitur, tantum illud habent: *Vade cum eo duo.* Differunt autem ista plurimum, nam qui angariatus miliare unum, vadit & alia duo, is tria conficit miliaria; qui vero angariatus, vadit duo, is tantum duo conficit, quod vult textus Græcus, sicut & Erasmus observavit. Respicitur autem eo ἀγαρεύειν, ad onus præstandarum angariarum, quod iis temporibus pertinebat ad privatos. Nec enim fiscalis factus cursus angariarum ante Adrianum, sed institutus ab Augusto per privatos expediebatur. Eratque onus illud in Judæa non exiguum, cum præter alia, tum quia noviter inventum ab Augusto, ut Suetonius nos docet, ipsa novitate sua molestiam creabat. Ergo istoc voluit Servator noster, locutus de eo quod frequenter tum fiebat. Si tibi onus angariæ ad miliare unum imponitur, ne cum impatientia & querelis id sustineas, eiq; qui te ad præstationem hanc compellit, contraq; libertatem tuam facere videtur, obloquare, ac refractarium te præsta; potius adde miliare unum, & cum per unum miliare solummodo deberes deducere, duc eum etiam per alterum. Aliter non nihil Grotius & Beza, qui ad angarias Persarum referunt. Beza ita habet: *Persarum cursoribus (sicut etiam hodie Turcarum) fas erat cujusvis equos vel naves, aut ipsos etiam homines rapere ad cursum. Vnde factum, ut angariare accipiat pro adigere ad currendum, vel ad ferendum aliquid, sicut infra c. 27, 32. refertur de Cyrenæo illo, quem adegerunt Judæi ad bajulandam crucem. Proponitur ergo à Christo servitutis genus pene intolerabile, quod peculiari etiam vocabulo declaran-*

dum fuit. Hæc Beza, unde colligas, putasse, vocem eam apud Judæos natam occasione Persicæ consuetudinis. Quæ quomodo Judæis nota fuerit, declarat amplius Grotius ad ista verba: *Hebrai, ait, ex quo Persarum potentia Orientem invaserat, coacti fuerant inter cetera ejus servitij incommoda etiam onus angariæ ferre, cujus immunitas ipsis à Demetrio concessa est, ut apud Iosephum videre est Orig. XIII. Inde factum, ut rei vehementer exosa nomen etiam ad privatas vexationes producerent, ut apparet infra 27, 32. & ex multis Hebræorum Scripturæ interpretum locis. Atq; in eum sensum vocem hanc Christus usurpat.* Equidem pugnare nolo adversus ea, quæ doctè proferuntur. Quia tamen nominatim mentio fit itineris unius milliaris, magis puto respexisse ad onus novum ab Augusto impositum, de quo supra dixi: cum præsertim diu ante omiserint Persis tale ministerium præstare. Nec repugnat locus c. 27. 32. imo firmat potius, cum in eo de gestanda sarcina agatur. Nam Persarum consuetudo non ad sarcinas spectabat, sed litteras & nuntios, contra quam receptum fuit à Romanis. Qua de re qui volet, consulat Briffonium de Regno Persico, abunde ista explicantem. Jam ut *angariari* dicebantur, quum ad onus hoc compellebantur, ita *angari*, qui præstabant, Græcis ἄγγαροι. Hoc est, quod voluit Hesychius, cum ait: ἄγγαρος, ἐργάτης, ὑπηρετής, ἀχθοφόρος. ἢ λέγεις δὲ Περσική. Σημαίνει δὲ καὶ τὸς ἐν διαδοχῇ βασιλικῇ γραμματιφόρους. *Angarus, operarius, minister, bajulus. Vox est Persica. Significat vero, & tabellarios regios.* Pro ἄγγαρος, sunt, qui ἄγγαρ substitutuendum censent. Me invito, quando ἄγγαρ vox Persica non est. Hesychius ostendit vocem angari duplici usurpari ratione, nam vel bajulum significare, atque eum, quem cursus publici mancipem appellant, consuetudine à Romanis introducta. Vel significare tabellarium regium, Persica consuetudine, unde vox hæc apud gentes alias invaluit. Atq; ista quidem de angaria publica. Num privatim etiam angarias habuerint, vel usurparint, discere hucusq; ex scriptoribus antiquis nequij. Quia tamen vox jam inde ab initio, ipsisq; Persis ejus auctoribus publicum quid denotavit, suspicor, tametsi usurpata fuerint vehicula, rhedarum tamen potius aut plaustrorum, quam angariarum vocabulo venisse.

Cap. XXX.

De Rheda.

Rheda Gallorum. Isidorus notatur. Rijden proprie de equitantibus. Rheda saepe generalius vehiculum, saepe specialius, quod differt à cisio, petorito, & aliis. Casaubonus rejicitur. Carpenta rhedarum. Rheda & vehiculum sic specialiter dictum, idem. Rheda. Hesychius corrigitur. Xiphilinus aliter, ac à Casaubono factum, explicatur. Habuit rotas quatuor. Corrasius notatur. Ἡρδιον. Suidas exponitur & emendatur. Mula ad rhedam. Scaligeri emendatio Varronis probata ad rhedas equi. Numerus eorum alius & alius pro diversitate temporis. Quadrigæ. Flagella. Codex Theodosianus explicatur contra Gothofredum & corrigitur. Rheda cum equis triginta. Rheda num sint dictæ flagella. Iumenta habebant juncta longa serie. Sulp. Severus emendatur & exponitur. Evadere. Duo & Duo. Usus in itinere. Pertinet ad viros feminasq;. Dignitate cedit esseda. Rheda meritoria. Svetonius exponitur. Rheda ad onera. Rheda in supellectili numeratur. Paulus Ictus exponitur. Rheda tecta linteis. Rheda cursualis, & tabellariorum. Περιομπαι. διπλώματα σισμασιμένα. Cursus fiscalis. Rheda fiscalis. In hac etiam alij, quam tabellarij. Aurum in rheda transvectum, sed pondere minore, quam res alia, & quare. Gothofredi sententia examinata.

RHeda, vel, ut alij malunt sine spiritu, *reda* vocabulum est apud Gallos ortum. Fabius lib. I. c. 5. *Plurima Gallica valuerunt, ut rheda ac petoritum: quorum altero Cicero tamen, altero Horatius utitur.* Cum ergo Gallicum sit vocabulum, perperam à Latino *rota* derivatus, quod est factum Isidoro lib. XX. c. 12. *Has, ait, i. e. redas, antiqui retas dicebant, propter quod haberent rotas.* Putat rhedas ab antiquis dictas *retas*. Retas vero sic vocatas permutatione litteræ à rotis. Verum *retas* pro vehiculis non puto apud veteres occurrere. Ac si occurreret, videndum esset, an non ipsum quoq; Gallicum deberet haberi. Nam derivatio à *rota* est inanis, cum *rota* sit commune quid in prope omnibus vehiculis. Bochardus vocem *rheda* suo more putat ortam in Oriente, atq; à Chaldaeo *rheda* deducit, cujus plurale *rhiduath* occurrat in Jonathanis & Hie-

rosolymitana paraphrasi. Nec fortassis malè, si primã ejus attendamus scaturiginem: Nam alias quis dubitet à Gallis ortam vocem, esse Gallicæ originis? Ideò & Vossius in Etymolog. *Germanis ac Belgis* (qvorum lingua olim eadem ac Gallorum fuit) *hodieque Rheden aut Ryden est equo aut curru vehi. Igitur, inder rheda quin sit, dubium non est.* Convenit & Grotius in Annotationibus ad cap. 18. Apocalypf. àq; isto *Ryden* derivat. Verum *Ryden* sive *Reiten* propriè fit eqvis, non vehiculis, tametsi Belgæ etiam de vehiculis usurpent. Et est *Reiten* idem atq; *Reisen* / quia veteres pronunciabant *Reitsen* / sicuti à *Dats* factum *Dat* Belgarum, & *Das* Germanorum: à *Wasser* / *Water* Belgarum, & *Wasser* Germanorum. Inde *Reisige* sæpissimè apud veteres pro eqvitis. Porro, *Reisen* est à *Ros* / id est, eqvo, atq; ideò & *Reiten* inde erit, *equitare* qve signabit. Et quoniam *Reiten* eqvos respicit, ignoro, an ad currus aut vehicula rectè possit trahi. Nec tamen invenio, qvo referre possim ejus ortum, cum vehiculorum omnium vocabula, quibus hodie utuntur Galli viciniq; populi, nimium abludent. Apud Britannos *Rhediad* in usu est, pro cursu, & *Rheden* pro currere, uti docet Cambdenus lib. I. Britann. & originis communis facit cum *rheda* vehiculo. Sed & apud Gallos *Rhodanus* est fluvius, haud dubie à currendo dictus, unde & Germani suum *Rhein* derivavere. Nam est *Rhein* à *Rennen* sive *Rinnen* / id est, *currere*, quia præcipiti fluit cursu. *Rennen* verò convenit cum Græco *ῥέω*, similis significationis, à quo contracto *ῥῶ* non abludit *Rhone*, sicuti pronunciare vocem *Rhodani* consueverunt. Quod si quis & rhedam simili dictam ratione crederet, me adversum sibi neutiquam haberet, cum sit rheda vehiculum cursui destinatum, uti ex sequentibus liquerebit. Est autem rheda interdum quælecunq; vehiculum, unde Glossæ: *Rhedis*, ῥήμασι. Interdum certum & peculiare, differens ab aliis, ut cisio, sicut constat ex Philippica II. Ciceronis; Petorito, de quo docet Ausonius ep. 8. atq; aliis. Itaq; non probo, quod habet Casaubonus ad Svetonii Julium, cap. 58. de rheda verba faciens: *Quemadmodum hoc genus vehiculi à rotarum numero ῥεζαύοντες nomen invenit, sic apud vetustissimos AEoles ab eodem numero ῥεζόπιστον dictum.* *ῥεζόπιστον* est petori-

rum, à quo Aufonius non semel rhedam distingvit. Sed nec *πελόριον* vel *petoriturum* Æolicum est vocabulum. Nunquam sanè petoriturum vel *πελόριον* dicuntur Æoles vocasse aliquod vehiculum, sed Galli. Qui tametsi putentur aliquibus hanc vocem derivasse ab Æolico *πέτορες*, non tamen sequitur & vehiculum fuisse apud Æolas, quod petoriturum vel *πελόριον* vocarunt. Quare manet, teste locupletissimo Aufonio, quippe qui & ipse Gallus fuit, ac ideo gallica vehicula nosse debuit, aliud *petorritum*, & aliud *rheda*, de qua loquimur. Hæc rheda sic ab aliis diversa quandoque etiam *carpentum* vocabatur. Ideò, quod Juvenali Sat. viii. est *carpentum*, veteri ejus Scholiasti est rheda. Et in Codice Theodosiano hac de causa sunt *carpenta rhedarum*, sicut alibi jam dixi. Appellatur aliquando & *vehicula* specialiori notione. Quod colligitur ex l. 17. Cod. Theod. de Cur. su publico, ubi dicitur: *Vehiculis nihil ultra mille librarum mensuram patiemur imponi*. Nec enim hæc verba trahi possunt ad vehicula cujusvis generis, sed nominatim ea, quæ dicuntur rhedæ, ut ex lege alia, videlicet trigesima ejusdem tituli, ubi rhedis onus hoc tribuitur, constare potest, & nos in sequentibus docebimus. Eadem est causa, cur, quæ in l. 18. e. t. vocantur prius *vehicula*, mox dicantur *carpenta*, & intelligantur *rheda*, quod & Gothofredus observavit. Græci rhedas appellarunt *ῥηδία* imitatione vocis barbaræ, ut puto. Hesychius: *ῥηδίων, καρέχων, ῥαδίων*. Ita editi, etiam nuperrimè. Sed in postrema voce scribendum *ῥαδίων*. Suidas: *ῥαδίων, ἀρμάτων*; Item ante: *ῥαδίων, τὸ φορεῖον, ἢ τὸ ἄρμα*. Nempe duplici ratione pingebant, per *η*, & per *α*, uti fit in barbaris ejusmodi. Imò reperitur & per *ε* apud eundem Hesychium. Ita namq; habet: *ῥεδίων, ἀρμάτων*. Quod si sua lingua uterentur, vel *ὀχήματα*, & *ἄρματα* generali voce, vel *τετρακύκλος* appellasse Casaubonus censet ad Svetonii Jul. cap. 58. *Rheda quatuor rotas habebat, ut cistum duas, auctore Isidoro. Propterea Græci in rebus Romanis τετρακύκλον appellant. Xiphilinus in Adriano: Οὐδ' ἔστιν ὅποτε ἔτε ὀχήματα, τότε γὰρ, ἔτε τετρακύκλα ἐπὶ ἐν. Nunquam, inquit, in illo itinere nec currum nec rhedam conscendit. Sed ignoro, an hoc verum sit. Nam non rheda sola rotas habuit quatuor; Et de τετρακύκλῳ alibi est observatum, quod usurparint de ἀπὴν etiam, &*

aliis vehiculis. Quare malletem τετρακύκλιν vocem explicare de majori vehiculo, quocumq; denique, præsertim tali, quali & sarcinæ portari, & homines recumbere solebant, ut sunt harmamaxæ vel carpenta, atq; locum ita reddere: *Nunquam in illo itinere nec curru neque laxiore vehiculo est usus.* Metaphrastēs Cæsaris φορεία reddidit. Nam ubi lib. I. B. G. cap. 51. Cæsar ita scribit, *omnemque aciem suam rhedis & carris circumdederunt*, id is vertit isto modo: πᾶσαν τε τὴν σφῶν τάξιν φορείοις τε καὶ ἄρμασι περιέσπασαν. Scilicet & hoc est generale, ac de quolibet vehiculo usurpari potest. Rheda species cognoscitur nonnihil ex iis, quæ jam dicta sunt: Nam apparet, vehiculum fuisse cum rotis, numero quatuor. Isidorus clare: *Rheda genus vehiculi quatuor rotarum.* Atq; ob hanc causam in l. 8. Cod. Theod. de Cursu publico opponitur birotæ: *Statuimus rheda mille pondo tantum superponi, birotæ ducenta.* Si rheda non fuit birota, quadrirota fuerit, necesse est, cum vehiculum unius rotæ plures libras, quam duarum, portare nequiverit. Errat ergo Corraſius, quando ei duas tantum rotas assignat lib. III. Miscell. cap. 20. ubi ait: *Rheda le vehiculus currus est duarum rotarum, quo utebantur passim omnes, etiam abjectissimi.* Cuncta hæc sunt commentitia, quod abunde ex sequentibus liquerebit. Tectum an habuerit, ignoro, vix opinor tamen, quia ferè inter oneraria vehicula. Et apud Martialem lib. V. epigr. de Basso conspici possunt, quæ in rheda feruntur. Nam quod habet Suidas, de aliis, non propriè sic dictis, vehiculis accipiendum est. Verba ejus: Ἡρδιον, περιφανὲς ἄρμα, σκεπασθόν. *Erdium, illustre vehiculum, tectum.* Hic Ἡρδιον nil aliud, quam ῥῆδιον, per transmutationem factum, id est, rheda. Sed aliud genus intelligitur, ut carpentum, vel carucha, sicut supra quoq; rheda vertebatur. Nisi plane volumus apud Suidam emendare ἄρμα ἀσκεπασθόν, ut sit sententia, *Erdium, perspicuum vehiculum, non tectum.* Quod puto esse verissimum. Animalia ei adjuncta mulæ fuerunt. Docet Dialog. I. Sulpitii Severi, ubi cum virtute B. Martini factum ostendisset, quod jumenta in rheda fiscali nequirent progredi, subdit: *Consurgunt deinde omnes pariter in verbera. Consumit Gallicas mularum pœna mastigas.* Atq; ital. 8. Cod. Theod. de Cursu publico: *Octo mulæ jungantur ad rhedam.*

dam. Nec fortassis aliter legendum apud Varronem lib. III. de R. R. ubi sic habetur: *Celerius voluntate Hortensii ex equili educeres rhedarias, ut tibi haberes, mulas.* Scaliger profectò ita edidit, cum veteres haberent *rhedarios mulos*, sicut annotavit ipse, ac ex libris, quos secutus Calepinus est, & Auctor Fori, quod vocatur Romani, colligitur. Nam & in emendatissima editione Comeliniana Var-ronis locus ita editur, ut dixi. Pro mulabus tamen adhibebant quo-que eqvos. Cicero lib. VI. ep. I. ad Atticum: *Hic Veditus mihi ob- viam cum duobus essedis, & rheda equis juncta.* Quibus verbis inte- rim colligitur, cum nominatim eqvos memoret in rheda, id fuisse non ita frequens, sicut alterum. Quamquam eqvos memoret in rheda etiam Ausonius, cujus verba in sequentibus ponemus. Nu- merus ejusmodi animalium in rhedis privatorum sine dubio fuit arbitrarius. At in cursu publico modò habuerunt octo, modò de- cem, pro diversitate anni: Pauciores tempore æstivo, plures hy- bernali. Constantinus ad Taurinum l. 8. Cod. Theod. de Cursu pu- blico: *Octo mulae jungantur ad redam æstivo videlicet tempore, hye- mali decem.* Nempe hybernali tempore difficilior trahuntur vehi- cula propter frigus, quo conspissatur axungia, & congelatum lu- tum nivesve, quibus rotæ impediuntur. Itaque tali tempore anima- lia requiruntur plura. Neque de mulabus magis arbitror hoc verum, quam de equis. Legimus sanè pro vehiculo rhedarum lib. VI. Cod. Theod. de Curiosis *quadrigas & flagella* istis verbis: *Singulos solidos per singulas radas (id est, quas quadrigas vel flagella appellant) perci- piatis.* Verum ista mihi valde suspecta est interpretatio. Gothofre- dus equidem existimat hinc rectè colligi, rhedas si adjunctos ha- buerunt eqvos, non habuisse, nisi quatuor. Verba ejus sunt cum ali- bi, tum in Paratitlo ad lib. VIII. de Cursu publico Cod. Theod. *Re- da verò à quatuor equis trahebatur: unde & Reda explicantur Qua- drigæ vel Flagella l. 3. sup. de Curiosis: vel ab octo aut decem mulibus,* (scribendum est, mulabus) l. 8. Sed non video, si minimum adjun- ctas habuere mulas octo, quomodo sufficere ipsis potuerint equi quatuor. Non sunt equi duplo robustiores mulabus, imò robur mu- larum superat interdum etiam eqvorum, quod nos ipsi vidimus.

Deinde qui quadrigæ dici rhedæ potuerint, quarum ratio à quadrigis prorsus differebat? Quadrigæ collocatos equos habuere fronte æquali, non sic rhedæ, uti mox constabit. Ad postremum nominantur equi in rhedis non quatuor solummodo, sed triginta. Locus est notabilis apud Aufonium ep. VII. in qua, cum à Theone missa sibi dicere deberet ostrea triginta, accepisse ait sese,

-- *Quot habet junctos Vasatica redæ caballos.*

Vocat redam Vasaticam, à Vasatibus, Aquitaniæ seu Galliæ Comatæ populis, apud quos in usu maxime fuisse hoc vehiculum hinc discimus, ac iccirco recte Gallicum putari intelligimus. Hanc redam Vasaticam testatur vulgo adjunctam habuisse caballos sive equos triginta. Vulgo, inquam, namque alias ex verfu illo nequivisset colligi, quot accepisse ostrea sese diceret. Jam si vulgo triginta, qui dici potuerunt *quadrigæ*? Neq; de flagellis magis consentire possum. Gothofredus equidem sic explicat: *Flagella cur singula rhedæ seu quadrigæ dictæ fuerint, proprio tum & in mansionibus procul dubio cursus publici usurpato vocabulo, proclive dictu, quod uno flagello vel auriga regeretur, quæ deniq; uno flagello & auriga contenta est.* At contrarium nos docent monumenta vetera, & aurigas plures flagellaq; monstrant usurpata etiam ad rhedas singulas. Sulpitius Severus loco ante laudato: *Interea illi regressi ad rhedam suam, furore satiati, agi, quo ire cœperunt, jumenta præcipiunt. Quæ cum omnia solo fixa, ac si aenea signa, riguissent, tollentibus altius vocem magistris, flagris hinc atq; inde resonantibus nihil penitus movebantur.* Habes ecce hic rhedam non nisi unicam, & tamen ad eam magistros, id est aurigas, atq; flagra in plurali. Quare non est dubium, quin sit falsum, quod pro flagelli explicatione affertur. Et qui omnino potuerint tot animalia flagello uno, unove auriga gubernari? Nam ut demus equos tantum habuisse quatuor, quod tamen falsum est, mulas tamen habuere octo vel decem. Nec est verisimile, propter equos accepisse nomen flagellorum, cum id genus minus frequens fuerit in rhedis. Quare sicut dixi mihi valde suspecta illa est interpretatio, nec à legumlatore, verum Glossatore nata videtur. Cum præsertim alibi occurrat nihil, quod firmare ipsam

ipsam queat. Animalia quo pacto juncta fuerint, jam dixi, non nimirum eo, quo quadrigæ vel id genus, verum bina atq; bina longa serie. Docetq; manifeste locus Sulpitij, ubi sic habetur paulo ante ea, quæ superius sunt allata: *Vbi Martinum in veste hispida, nigro & pendulo pallio circumtectum, contigua de latere jumenta viderunt, paululum in partem alteram evaserunt. Deinde funibus implicatis, protentos illos, quibus, ut sæpe vidistis, misera illa animalia conglobantur, ordines miscuerunt.* Italego ista, Vulgo habent, *paululum in partem alteram hæserunt*, quod non intelligitur. Ecquid enim est, *hære in partem aliquam*? Qui hæret, eodem manet loco; at hic agitur de jumentis terrore fugientibus à conspectu Martini, quod vere est *evadere*, hoc est aliorum, & in latus à via cepta declinare. Dicit autem animalium eorum ordines fuisse *protentos*, quo id manifeste ostenditur, quod dixi. Videlicet non æqua fronte, verum longa serie ambulasse. Fuit Porro illa series non singulorum, sed duorum, quod colligitur ex eo, quia nominat *contigua de latere* Martini aliqua, quæ intelligi non possunt, nisi comparatione quadam cum non contiguis, qualia erunt juncta singulis à parte altera. Habuerunt ergo juncta animalia, ut dixi. Ufus fuit vel privatus, vel publicus: uterq; pertinebat vel ad onera, vel ad itinera. De itineribus privatorum in rhedis discimus ex Or. Tullij pro Milone, ubi ait: *Obviam fit ei Clodius expeditus in equo, nulla rheda, nullis impedimentis, nullis Græcis comitibus, ut solebat: sine uxore, quod nunquam fere: cum hic insidiator, qui iter illud ad eadem faciendam apparasset, cum uxore veheretur in rheda.* Quibus verbis simul intelligimus, fuisse hoc vehiculum non viris modo usitatum, sed & mulieribus. De viris firmat idem Philippica II, ubi ait: *Vehebatur in essedo tribunus plebis, sequebatur rheda cum lenonibus.* Ubi rheda velut minus dignum affertur vehiculum, in comparatione cum esseda, quando hoc tribuno, illud lenonibus assignatur. Habuerunt autem id eo, quia crebro genere hoc utebantur, non privatim modo suas, sed & publice locandas aliis, qui vellent conducere, quas propterea vocarunt *meritorias*. Syeton. Jul. c. 57. *Longissimas vias incredibili celeritate confecit, expeditus meritoria rheda, centena pas-*

suum millia in singulos dies. Rheda meritoria hic dicitur eodem modo, sicut *meritorium* cœnaculum in Vitellio c. 7. quod sub pretio certo elocatur aliis. Verba Svetonij: *Satis constat exituro vitaticum defuisse, tanta egestate rei familiaris, ut uxore & liberis, quos Roma relinquebat, meritorio cœnaculo abditis, domum in reliquam partem ablocaret.* Sententia hæc est; elocasse domum suam sub precio bene magno, quod ut consequeretur, alibi conduxisse levi precio cœnaculum, in quod uxorem liberosq; conjiceret. Viri docti videntur accepisse de cœnaculis in ea ipsa domo, quod est falsum. Clare namq; dicit, *ablocasse domum*, sine partis alicujus exceptione. Quare id cœnaculum fuit non in domo Vitellij, qui hætenus suæ domus partem nullam solitus est elocare, verum alibi, ubi quis hoc facere consueverat, unde quoq; *meritorium* id cœnaculum hic appellatur. Sicut ergo meritorium cœnaculum, pariter & rheda meritoria est dicta. Nec sunt alia *meritoria vehicula* apud dictum Svetonium in Calig. c. 39. nam *vehicula* speciali notione aliquando nominari genus hoc, jam in superioribus ostendi. *Quicquid*, ait, *instrumenti veteris aulae erat, ab urbe repetijt, comprehensis ad departandum meritoriis vehiculis.* Deportari hæc in Gallias curavit. Unde colligas, frequentes per regiones viasq; publicas extitisse, qui hoc genere quæstum facerent, aliisq; rhedas tales elocarent. Arguitq; idem Cæsar, qui celeritate ista iter facere haud potuisset, nisi habuisset ubiq; paratos rhedarum ejuscemodi elocatores. Discimus autem porro ex his verbis Svetonij, nō vehendis hominibus solummodo, verum etiam oneribus adhibitas, huncq; alterum esse usum rhedarum. Quem confirmat quoq; Juvenalis III. Sat. ubi ait de Umbricio.

Sed dum tota domus rheda componitur una

Substitit ad veteres arcus, madidamq; Capenam.

Monstrat enim, omnes facultates suas, omnemq; supellectilem uni rhedæ impositam habuisse. Docet eadem & Martialis quando Bassum scribit ea vexisse omnis generis holera ad urbem. Versus extat lib. V. epigr. de Basso. -- *Plena Bassus ibat in rheda*

Omnes beati copias trahens rutis.

*Illic videres frutice mobili caules,
 Et utrumq; porrum, sessilesq; lactucas,
 Pigroq; ventri non inutiles betas.
 Illic coronam pinguibus gravem turdis,
 Leporemq; laesum Gallici canis dente,
 Nondumq; victa lacteum faba porcum.*

Jam quoniam tam varius multiplexq; usus fuit rhedarum, iccirco & in supellectili numerabantur. Paulus l. 4. ff. de Supell. leg. *Rheda & sedularia supellectili annumerari solent.* Sed quid est, quod idem lege subsequenti negat esse in supellectili, sed instrumento potius viatorio tapetes, quibus vehicula insternuntur? Verba legis: *De tapetis autem vel linteis, quibus insternuntur vehicula, dubitari potest, an sint in supellectili. Sed dicendum est, potius instrumenti viatorij ea esse, sicut pelles, quibus involvuntur vestimenta.* Scilicet cum imminerent pluviae tapetibus ejusmodi, aut linteis crassioribus insternere vehicula, id est rhedas solebant. Ita hodieq; fieri videmus per Germaniam in rhedis, quibus vel peregrinantes utuntur, vel mercatorum sarcinas deportant. Linteum crassioris filii superne injiciunt, probeq; intensum firmant ad latera, ut vis pluviae coercetur. Rhedis itinera fiebant publice quoque, praesertim celeriora. Hinc in cursu publico crebra mentio rhedarum, sicuti ex Codice utroq; liquet, ipsaq; rheda *curfualis* dicta l. 9. C. Theod. de legatis. Utebantur vero tali genere ab initio ij, qui perferre litteras ad Imperatorem ex provinciis deberent, eratque primum hoc institutum ab Augusto. Svetonius in vita ejus c. 49. *Quo celerius ac sub manum annunciari cognoscig; posset, quid in provincia quaque gereretur, juvenes primo modicis intervallis per militares vias, dehinc vehicula disposuit.* Subdit postea rationem, cur vehicula: *Commodius id visum est, ut qui a loco eidem perferrent litteras, interrogari quoque, si quid res exigeret, possent.* Antea cum dispositi essent cursores, alteri alter solas debet litteras porro ferendas, sic per cursores multos tandem perveniebant ad Augustum. At dispositis vehiculis ille ipse, qui primus litteras acceperat, pervenire

ad Augustum poterat, & coram sermone quoq; proferre, quæ scire Augustus volebat. Instituerat vero Augustus hæc vehicula præberi à privatis, quos ad id compellerent Magistratus municipales. Plutarchus in Galba: *Nymphidius non mediocriter indoluit, cum ferui publici à Consulibus destinati essent, qui Senatusconsulta ad Imperatorem ferrent, quibus ipsis diplomata, quæ dicuntur, dari solent, ut iis statim agnitis Civitatum Magistratus tabelliariorum cursum accelerent in commutatione vehiculorum datis deductoribus.* Vides apertè, Magistratibus hoc fuisse injunctum, ut darent deductores. Προπομπὰς τῶν γραμματέων, ipse vocat, & intelligit municipes, qui vehicula præbere cogebantur. Hos ait datos à Magistratibus interventu diplomatis. Pancirollus id exponit codicillos charta duplicata, in Comm. ad Not. Imp. Verum rectius Budæus thessaram fuisse ait, aut chartam signo Principis firmatam. Idcirco enim hic, cum Princeps esset nullus, signum imprimitur Senatus, unde vocantur διπλώματα σεσημασμένα: Et Nymphidius fert ægrè, quod non suo signo obsignassent, ut qui Præfectus Prætorio vicem velut Principis gerebat. Οὐ μὲν γάρ, ait, ἡ ἀνάγκη σεν, ὅτι μὴ παρ' αὐτῆς καὶ σφραγίδα καὶ ἑρασιώτας λαβόντες ἀνέπεμψαν. Nempe res se ita habebat: Non obtinebat quvilibet vehicula ejusmodi, qui vellet; Verum exhibere signum aliquod debebat, ex quo constaret, esse ipsum de hoc genere, cui vehicula præstanda. Id signum erat, quod *diploma* vocatur à Plutarcho, munitum sigillo Imperatoris, vel, absente illo, ejus, qui proximam ab eo tenebat potestatem. De hujusmodi diplomate agit Plinius lib. X. ep. 14. *Rex Sauromates scripsit mihi, esse quadam, quæ deberes quam maturissimè scire: Quæ ex causa festinationem tabellarii, quem ad te cum epistolis misit, diplomate adjuvi.* Pertinet hic diploma ad impetrandas rhedas cursuales festinanti ad Trajanum tabellario ab iis, qui præstare tenebantur. Quando viso hoc diplomate Magistratus exhibere vehicula & rhedas cursuales cogebatur. A hoc quidem factum usq; ad Hadrianum, de quo Spartianus: *Statim cursum fiscalem instituit, ne Magistratus hoc onere gravaretur.* Hic cursus, cum ante per Magistratus juvandus esset à privatis, fit fiscalis, præbito ex fisco sumptu, qui ad eum fuit necessari-

us. Nam *fiscalis cursus*, sicut *res fiscalis*, quæ non pertinet ad alios, sed fiscum, hoc est, Principem, l. 9. ff. ne quid in l. p. Pertinebat enim ad fiscum, cum quia species fiscales & id genus ad Principem spectantia deferebat, tum quia ex fisco debebat impendi, quod in usum ejus erat erogandum. Atque post id tempus vehicula ipsa, nominatimque *rheda* dictæ sunt *fiscales*. Sulpitius Severus Dial. II. cap. 4. *Per aggerem publicum plena militantis viris fiscalis redæ veniebat*. Pertinebant autem postea non ad tabellarios solum *rheda*, sed & alios. Quomodo videmus ex hoc ipso Sulpitii loco, vectos ea quædam milites. Alibi, & qui mittuntur à provincialibus ad negotia quædam apud Principem expediunda, iis utendi potestatem habent. Sic in l. 9. Cod. Theod. de Legatis: *Si integra diæcesis unum vel duos elegerit, quibus desideria cuncta committat, redæ cursualis unius hisdem tribuatur e vectio*. Neque dubium, quin ad Magistratus quoque, cæterosque omnes, qui habebant jus utendi cursus publici, spectarint. Quo in cursu tamen non homines solummodo, verum onera quoque; sarcinæque; rhedis portabantur, quæ ad fiscum pertinebant. L. 48. Cod. Theod. de Cursu publico: *Lineæ vel amictoria, quibus hætenus onerari redæ solebant, nec ulterius redis, sed angariis vel navibus dirigantur. Reliquæ verò delicatæ vestes, sed & linteamen amictorium, nostrorum usibus necessarium, redis, sed mille librarum ponderatione, mittantur*. Vides onera in rhedis, præsertim lineas, amictoria, & vestes delicatas. Nec hæc solum iis portabantur, verum aurum quoque; & argentum largitionum. Eadem lex à principio: *Si aurum sacrarum largitionum vel argentum ad comitatum nostrum destinatur, una redæ quingentis auri libris, mille verò argenti, si verò privatarum, auri trecentis, quingentis verò argenti libris oneratur*. Ubi nota, non eodem pondere aurum, quo argentum, neque hoc, quo vestes imponi consuevisse: Vestium onus solenne fuisse mille librarum. De hoc onere librarum mille sæpe docent leges veteres. L. 8. Cod. Theod. de Cursu publico: *Statuimus, redæ mille pondo tantummodo superponi*. L. 28. d. t. *Quod jam Gallis prodest, ad Illyricum etiam Italiaque regiones convenit redundare, ut non amplius redæ, quam mille pondo, subnectet*. L. 30. e. t. Perspicue sanxeramus,

mus, ut in carpentis redarum mensuram subditam nullus excederet, & nemo amplius reda, quam mille pondo, auderet imponere. Hæ leges omnes sunt intelligendæ non de onere rerum quarumlibet, sed earum modò, quæ nec aurum sunt, nec argentum. Nam hæ duæ species minore pondere imponebantur, præsertim, si essent largitionum privatarum. Caussam Gothofredus sese ait ignorare, nisi fuerit in magnitudine rhedarum. Cur, ait, species fiscales in auro & argento distinguuntur à vestibus, cur aurum ipsum ab argento, cur sacra largitiones à privatis, mihi non liquet: Nisi quod necesse est redas alias aliis majores fuisse, nempe redas vestiarias longè majores, ut & argentarias, quam aurarias: Item, sacrarum largitionum redas, majores, quam privatianas. Et sic in triplici discrimine, si pondus spectes, fuere reda, 1. mille librarum, puta communes, itemque argentaria sacra & vestiaria. 2. Quingentarum, auraria sacra & argentaria privata. 3. Trecentarum, auraria privata. Sed hic nondum dubium sublatum: Quæras enim, cur majores hæ, illæ minores fuerint? Adde, quod ne constet quidem fatis de hac magnitudinis diversitate, & producta l. 30. statuere diversum videatur. Quare nescio, annon causa fuerit in arcis, quibus istæ species transferebantur. Arcis enim, aurum præsertim & argentum, transferri consuevisse, potest colligi ex iis, quæ de Susceptoribus in sæpe dicto Codice leguntur. At illæ arcæ absq; dubio diligenter erant clausæ ferramentis serisque, quantoq; res unaquæq; pretiosior, tanto diligentius solita custodiri. Quantum ergo accedebat ponderis in arca, tantum detrahi necesse fuit in materia. Linthea & vestes vel omnino nullis, vel certè non ex gravi ferro confectis, opus habebant arcis. Itaq; in iis relictum pondus mille librarum. Aliter comparatum fuit cum auro & argento, speciebus pretiosissimis. Huc fortassis accedebant rhedæ ipsæ, ferro firmatæ, an & clausæ tabulis, ne aurum argentumque ita submoveri posset facilè. Quæ omnia efficiebant, ut ne tanto pondere imponi posset aurum argentumque, quam res aliæ.

Cap. XXXI.

De Sarraco.

Sarracum. Serracum. Sarraca. Gallicum vehiculum. Soracum & sarracum differunt. Ornamenta ejus. Σαῖον. De genere plaustrorum fuit. Cum rotis quatuor. Gestabat onera, tigna, oleum, vinum, homines. Fabius exponitur contra Turnebum. In sarraco & plastro homines tantum viliores & rustici. Mortui elati sarracis. Pertinebant etiam ad sarcinas militares.

SArraci nomen non eodem modo scriptum reperitur apud veteres. Apud Ciceronem ita extat, uti dixi. Fabius lib. VIII. c. 3. *Ancum dicit in Pisonem Cicero: Cum tibi tota cognatio in sarraco advehatur.* Meminit & Curius Fortunatianus III. Rhetor. *Sunt quedam verba, quæ quamvis obsoleta sint, illis melius expeditur oratio, ut M. Tullius & sarracum & ficem & scalas dicere non turpe duxit.* Atq; ita legas alibi. At apud Sidonium lib. IV. ep. 18. *serracum* est. Ita namq; habent editi, consensu quodam: *Nullæ graves sarcinæ ad prædium ex oppido ductæ, nulla serraca, nulla esseda subvehendis oneribus attrahebantur.* Quin & genus quidam mutant, quodq; vulgo neutraliter, id feminine efferunt. Inde habes in Glossario Philoxeni. *Sarraca, ἀμαξα.* & Glossis Mf. Savaronis. *ἀμαξα. sarraca, sarracum.* Unde nomen suum traxerit sarracum, liquido haud dixerim. Meursius à Græco *σαρπὰς* derivat. Idem probat Vossius in Etymologico his verbis: *Σαρπὰς, unde saracum factum literule mutatione, venit à σαρπὰς.* Sic edendum fuerat, nec distinctio ponenda post *factum*. Istoc enim vult, *saracum* factum à *σαρπὰς* mutatione litteræ ω, in à Latinorum. Verum obstat huic sententiæ, quod quoties vehiculum significat, r litteram habeat geminatam. Deinde inter peregrina numeratur à Sisenna, & conjungitur cum carris. Verba ejus lib. IV. *Construunt carros, & sarraca crebra disponunt.* Ad postremum Hieronymo expressis verbis Gallicum est vehiculum in Comment. ad c. ult. Esaiæ, ubi agit de opinione Judæorū circa statum sæculi, quo venturus atq; regnaturus sit Messias: *Reducentur filij Israel, nequaquam assumptis aliis, sarraco Gallico, corvinisq; Belgicis, & equis*

& equis Cappadocia atq; Hispania. Atq; hæc fortassis caussa est, cur Alanis à Marcellino tribuantur. Jam si Gallicum barbaricumve fuit vehiculum, qui potest nomen ejus derivari à Græco? Græcum equidem est σαρὰν, sed ab eo non *sarracum* sed *foracum*. Multum autem ista differunt. Salmasius rectissime ad vitam Antonini; *Corrigendus error est eruditorum hominum, quibus hodie persvasum est, foracum idem esse cum sarraco. Tantum sane interest, quantum inter cophinum & plaustrum. Soracum enim vox est mere Græca, nam σάραν & illis dicitur. Dicit, soracum esse mere Græcum, per quod innuit, contrarium se de sarraci voce opinari. Soracum comparat cophino, sarracum plaustro. Cophinus est vas ex virgultis aptum mundare stercora & terram portare inquit Isidorus. Similia habemus de foraco. Hesychius: Σάραν, ἀγγεῖον, εἰς ὃ σῶνα ἐμβάλλεται, corbem vel fiscellam explicat, in quam conjiciantur ficus. Pollux exponit τὸ ἀγγεῖον, ἐν ᾧ τὰ σάβυν τῶν ἰσχυρῶν, vas, in quo sint instrumenta histrionum. Atq; ita plane Festus: Soracum est, quo ornamenta portantur scenicorum. Quæ ornamenta Festo, ea σάβυν sunt Polluci: Intelligit autem non vestimenta sola, sicut vocem hanc exponit Vossius, sed omnem supellectilem apparatusque, quo in scena utebantur ludiones. Eum omnem ait immitti consuevisse vasis, foraca nominatis. Festi igitur soracum nihil pertinet ad hunc locum. Nam sarraca vehicula fuere, ac vehicula non multum plaustris dissimilia, quod Salmasius innuit, & nos in sequentibus monstrabimus. Græci sane, quando vertunt, quæ Latinis sunt *sarraca*, generali voce ἀμάξας reddunt, unde intelligitur clarissime, nec ab ipsis natam eorum appellationem, nec extare vocabulum in eorum lingua, quo peculiariter sint appellata. Glossæ Philoxeni superius laudatæ nobis: *Sarraca*, ἀμάξα. Glossæ Savaronis: ἀμάξα, *sarraca*, *sarracum*. Speciem vehiculi quod attinet, ea plaustris fuisse non absimilis videtur. Quod colligitur ex eo, quia Græcis ἀμάξα, quod plaustrum denotat. Deinde quia etiam Latini quæ loco uno vocant sarraca, alio reddunt plaustra. Ammianus lib. XXXI. *Carne & copia victitant lactis, plaustris supersidentes. Cumq; ad gramina venerint in orbiculatam figuram locatis sarracis ferino ritu vescuntur.**

Hic

Hic quæ priore loco plaustra sunt, alio dicuntur farraca. Neq; tamen plaustra omnino fuere. Nam distinguit Vitruvius lib. X. c. i. *Portationesq; eorum non essent, nisi plaustrorum aut farracorum per terram.* Ad eundem modum tanquam diversa leguntur apud Juvenalem Sat. III.

-- -- *Modo longa coruscat*

Sarraco veniente abies, atq; alter apinum.

Plaustra vehunt -- --

Idem voluit Sisenna lib. IV. Histor. *Construunt carros, & farraca crebra disponunt.* Rotis incessisse quatuor conjicio ex eo, quia sydus cœleste, quod plaustrum vulgò dicitur, à Juvenale nuncupatur farracum: ejus namq; stellas quatuor, quadrata figura dispositas referre rotas quatuor alibi ostendi. Juvenalis versus extat lib. V.

Frigida circumagunt pigri farraca Beotæ.

Ad quem locum Commentator vetus: *Sarraca, plaustra Septemtrionis.* Certe nisi rotis incessisset quatuor, tantæ molis longitudinisq; sustinere onera non potuisset, quanta gestasse Juvenalis docet in superius allatis verbis. Usus farracorum fuit idem pæne, qui plaustrorum, pertinuitq; vel ad pacem, vel ad bellum. In pace onera eis vehebant. Sidonius lib. IV. ep. 18. *Nullæ graves sarcinæ ad prædium ex oppido ductæ, nulla farraca, nulla effeda subvehendis oneribus attrahebantur.* Oppidum, quod Sidonis hic vocat, est Arverna Galliæ, ubi proinde receptum farracorum usum colligimus fuisse, ac simul stabilimus, quod superius de farracis Gallicis testati sumus. Neq; tamen Gallis solum fuerunt usitata, verum in ipsam urbem Romam translata sunt, ubi tigna ingentia integrasq; arbores in eis deportata ex agris. Ita Juvenalis testatur, loco, quem superius ostendi.

-- -- *Modo longa coruscat*

Sarraco veniente abies -- --

Dicit *longa*, unde liquet, integram propemodum fuisse, atq; propter ipsam eam longitudinem, vehiculum exegisse quatuor rotarum. Vitruvius oleum vinumq; imponi eis consueville, ait ac ex loco uno deferri in alium. Verba leguntur lib. X. c. i. *Si non fuisset*

*torcularis preparatio, neq, olei nitorem, neq, vitium fructum habere potuissimus ad iucunditatem. Portationesq, eorum non essent, nisi plaustrorum aut sarracorum per terram inventæ essent machinationes. Si absque plaustris sarracive non haberi potuerunt portationes olei & vitium fructus, sequitur hæc talia sarracis fuisse portata. Serviebant quoque rebus aliis vehendis, interdum & hominibus, quod colligo ex verbis Ciceronis, quæ laudantur Fabio lib. VIII. cap. 3. *Vim rebus aliquando & ipsa verborum humilitas affert. An, cum dicit in Pisonem Cicero: cum tibi tota cognatio in sarraco advehatur: incidisse videtur in sordidum nomen, non eo contemptum hominis, quem destructum volebat auxisse?* Dicebat Cicero, totam Pisonis cognitionem advectam ei in sarraco, quod non potuisset, nisi aliquando ita factum esset. Sed quid est, quod Fabius hoc verbum *sordidum* appellat? Turnebus ait, quia *est mechanicum*, quod non intelligo. Mihi duo respexisse videtur, primum, quod sarraci usus esset hominum non elegantiorum, sed agrestium; dein quod vocabulum esset peregrinum atque barbarum. Poterat Cicero pro sarraco, plaustrum ponere, sed maluit alterum, ut ostenderet hominem non communiter, sed barbare plane sordidum. Poterat ponere currum aut vehiculum, sed sarracum maluit, quoniam in sarracis & plaustris sedebant rustici & agrestes. Tibullus lib. I. & ult.*

Rusticus è lucog, vehit male sobrius ipso

Vxorem plaustro, progeniemque domum.

Quod igitur proprium fuit hominum agrestium sordidorumq, id Cicero Pisoni familiæq; ipsius tribuit. Apud Julium Capitolinum etiam defuncti efferuntur isto genere. Ita namq; habet in vita Antonini: *Tanta autem pestilentia fuit, ut vehiculis cadavera sint exportata sarracisq.* Verum fuit hoc inusitatum alias, cum de more honestiores in lectis efferentur, pauperes populari saltem sandapila, sicut Cassaubonus ibi ait. Illud quoq; singulare, quod propter multitudinem funerum vehicula honestiora quoq; non sufficerent, sed ad sarracas plane veniendum esset, instarq; stipitum lignorumq; cadavera efferri deberent. Nam alias honestius sepelire suos solebant, sepulturamque numerare inter pia sacraq; officia, sicut notum.

Et

Et hic quidem sarracarum usus in pace. In bello pertinebant ad gestandas sarcinas militares, præsertim apud gentes barbaras, ut Alanos, de quibus hoc ex Ammiano Marcellino discimus. Construebant eis quoq; instar munimenti, quo munirent castra, positis in orbem sarracis. Ammianus dictus lib. XXXI. *Cumque ad gramina venerunt, in orbiculatam figuram locatis sarracis ferino ritu vescuntur: absumptisq; pabulis velut carpentis civitates impositas vehunt.* Agit de Alanis, gente Scythica, neq; uno subsistente loco, sed cum uxoribus liberisq; ac pecore suo errante, semper ad arma parata, & velut bellum perpetuum agitante cum omnibus. Hanc ait instar civitatis ambulatoriæ facere cum sarracis suis, quibus quocunq; venerint, multitudinem suam, velut mænibus circumdat in orbem. Idem alij fecere barbari, præsertim quando metus esset ab hoste. Quod colligitur ex Sisenna, quem opinor agere de Gallis, quando ait lib. IV. *Construunt carros & sarraca crebra disponunt.* Verum de hoc genere salis multa in superioribus attulimus ubi de carris egimus.

Cap. XXXII. De Epirhedio.

Epiredium. Vehiculum Romanum. Cum rotis quatuor. Scaligeri sententia rejecta, item Vossii. Epiredia aperta. Epirotum. Curriculus. Equis ducitur ignavis. Onera eo portantur.

Venio ad epiredium, cujus est exigua in antiquis libris mentio. Nominatur Fabio lib. I. cap. 5. ut post monstrabo: Juvenali quoq; Sat. VIII. ubi ita loquitur:

-- -- -- *Trito ducunt epirhedia collo
Segnipedes, dignique molam versare Nepotis.*

Inde venit & in Glossas, quas Tyronis Tullii & Senecæ appellant. Vocabulum ipsius ex Græco Gallicoq; esse compositum intelligimus ex Fabio, loco antea laudato, ubi hæc leguntur: *Iunguntur autem, aut ex duobus Latinis integris, &c. aut ex duobus peregrinis, ut epirhedium. Nam cum sit præpositio Græca, Rheda Gallicum, nec Græcus tamen, nec Gallus utitur composito; Romani suum ex alieno*

utroque fecerunt. Ubi nota, vocem esse apud Romanos solos notam usitatamque. Quod existimo ex eo esse, quia hoc vehiculum Romanis solis fuit usitatum. Unde frustra forsitan quaerimus, quod ejus apud Graecos fuerit vocabulum, quod prorsus ignorarunt. Interim hoc discimus, cum à rheda nominatum sit, figuram speciemve ejus non fuisse multum ab ea diversam. Ita judicavit & Turnebus. Sic enim ad locum Fabii praemissum: *Epirhedium genus est vehiculi, quod non est absimile rheda.* Corrasius existimat, fuisse currum. *Epirhedium quoque currum significat,* inquit lib. III. Miscell. cap. 20. Sed si currus fuit, quid ita nomen suum habuit à rheda? Differunt plurimum inter sese ista duo, cum currus rotas duas habeat, rheda quatuor. Scaliger existimat, fuisse id vehiculum, quod Latini alias arceram appellarunt. Verba sunt in Verborum Etymologiis, quas subjungit Conjectaneis: *Arcerra, ab ad & carrus. Iderit ad verbum, epiredium, spuria & hybrida voce.* Sed jam alibi monstravimus, non posse hoc procedere, cum sit currus aliud, & rursum aliud rheda. Si arcera à curru, quod interim concedamus, nil commune habet cum epirhedio, quod auctore Fabio est à rheda. Quare aliud epirhedium, aliud arcera. Arcerae sanè clausae fuerunt tabulis, ut est dictum alibi: Non sic epirhedia, quod colligo, quia Scholiastes Juvenalis explicat per plaustra. *Epirhedia,* inquit, *ornamenta rhedarum, aut plaustra.* Si epirhedia de plaustrorum genere, non potuerunt esse clausa. Itaque nec amplector, quod habet Vossius in Glossis carrum significare quadratum. *A rheda,* inquit, *& Graco proverbio factum est epirhedium, genus carri quadrati.* Plaustrum sanè non est quadratum, sed bene longum. Et quid est, *quadratus carrus?* Sine dubio his verbis Vossius respexit ad arcam, quae arceram constituebat. Hæc quia fuisse quadrata visa est, cum sit ista species arcarum vulgo, ideo quadratum carrum dixit. Subdit namque post superiora: *Quod (genus carri) Ios. Scaliger rectè scripsit transferri posse arcerram, cum hoc nomen sit ab ad, & carrus.* Epirhedium verò non arcera fuit, ut jam dixi, sed de genere plaustrorum, rheda non absimile. Ac fortasse rheda minuta erat, quomodo apud Nonium est *epirotum*, vehiculum minutum, alias *curriculus* vocatum. *Curriculus,*

lus, ait, *ut consuetudo fert, à curru diminutio est: Dicitur brevissimum vehiculi epiroti genus.* Nisi *genus epirotum* hic accipiamus, quod sit rotis instructum, oppositumque illi, quod rotarum vice sustinetur tignis, sicut trahæ solent. Quicquid verò sit de epiroto, epirhedium existimo fuisse rhedæ simile, sed aliquanto minus, ita dictum, sicut ab *epistola* est *epistolium*. Habuit de cætero adjunctos eqvos, verum inertes ignavosque, sicut Juvenalis docet, in superius producto loco, ubi *segnipedes* appellat, & comparat cum asinis. Usus epirhediorum qualis fuerit, non licet divinare, quia nil de eo prodidere veteres, quod sciam. Illud liqvet, genus tardum fuisse, nec adhibitum ad cursum, verum onera. Ideo *segnipedum* in eis locus, qui alias debuissent esse celeres. Sed & colla trita ideò in jumentis illis Juvenalis notat, quod sine dubio à difficultate laboris in commovenda gravi mole:

-- *Dominos pretiis mutare jubentur*
Exiguus, trito ducunt epirota collo
Segnipedes, dignique molam versare Nepotis.

Denique contemptum vileque genus liqvet ex his verbis habitum, quippe cui adjuncti viles equi. Atque hoc de epirhediiis.

Cap. XXXIII.

De vehiculis aliquibus putatis falso,
maleve intellectis.

Tintinnabulum non est de genere vehiculorum. Scaliger revellitur & Lambinus. Gronovius laudatur. Lucilius explicatur. Pampillum. Lampridii locus examinatur.

EXecuti sumus, quantum scimus, omnia vehicula, quorum mentio est apud veteres. Sed quia sunt, quæ vulgo pro vehiculis habentur, necdum nominata nobis, ideò & de ipsis aliqua dicemus. Primum, quod hic memorari debet, est *tintinnabulum*. Id ex Plauto & Lucilio Scaliger vehiculum est commentus. Verba Scaligeri leguntur:

leguntur ad Varronis lib. de LL. iv. ubi sic ad vocem *sirpea*: *Sirpea*: *Lucillius*: *Tintinnabulum* abest hinc, *sirpicula*que *olerorum*. Est autem *vehes* ex crate. Sunt enim hic duo genera *vehiculorum*, *sirpea* aut *sirpicula*, & *tintinnabulum*. De *sirpeis* habes hic apud Varronem. De *tintinnabulo* non ita cognitum omnibus. *Plautus Pseudolo*:

-- -- *Lanios inde arcessam duo cum tintinnabulis.*

Eadem duo greges virgarum indidem ulmearum adegero.

Quod tamen vocabulum Scholasticorum & Grammaticorum nationi antea ignotum fuit. Servat expositionem hanc Lambinus in suis ad *Plautum Commentariis*: Cum *tintinnabulis*, ait, cum *vehiculis*. Nam *tintinnabulum*, præter vulgatam significationem, genus vehiculi est, quod indicat *Scaliger Iosephus*, *Comment. in Varr.* Eandem amplectitur & *Douza* in *Comment. ad Lucilium*. Verum mihi rectiora longè, quæ ad *Plauti* locum super hac re scribit incomparabilis *Gronovius*. Apponam cuncta ejus verba, quia mirè faciunt ad rei illustrationem: *Quid fuit in mentem Scaligero, quum ad quartum Varronis notaret, duo esse genera vehiculorum, sirpeas & tintinnabula, & insultaret Scholasticorum ac Grammaticorum nationi, quibus hæc essent ignota vocabula? Quid illis, qui toties hoc ex illo scribunt? Imò nec sirpea vehiculum est, sed imponitur vehiculo, nec tintinnabulum, sed si quando appenditur. De sirpea alibi. Sed dixerit Lucilius: Tintinnabulum abest hinc, sirpiculaque olerorum. Quid hic, quamobrem credam ea esse vehicula? Quid in loco Plauti? Palam est, carnifices & tortores describi, qui solebant cadere καὶ δουροποιεῖν, ut ab aliis jam notatum. Et tamen etiam nolas ad usum sacrificiorum comminiscuntur. Lusus est servuli, qui de supplicio, quo vult mactari *Lenonem*, loquitur, quasi de sacrificio, quo is, quem *Iovem* sibi fecerat *herus*, mactetur. Itaque pro carnificibus dicit *lanios*, quasi victimarios, sed cum *tintinnabulis*, quibus carnifices ornabant noxios, pro hostiis, greges virgarum ulmearum, vel virgas in fascem colligatas. Isthæc optimus *Gronovius* eruditissimè: Neq; dubitari debet, quin *tintinnabulum* loco nullo vehiculum significet. Quid tamen est, quod *Lucilius*, ubi de *sirpiculis* agit, *tintinnabuli* facit mentionem? Quo ista pacto cohærent? Puto usum figura, quam appellant εἰς διὰ δουρί, & *tintinnabulum sirpiculasque*.*

lasq; posuisse pro sirpiculis cum tintinnabulo. Erat ea consuetudo veterum, ut res venales indicarent pulso commotove tintinnabulo. Ita solebant Græci, cum vendendi pisces essent, quod ex Strabone aliisque annotarunt viri docti. Hoc modo Romæ etiam existimo vendidisse holera. Habebat vehiculum seu plaustrum appensam campanulam, cujus sono admonerentur, si qui vellent emere, adesse venalia. Et hoc credo intelligere Lucilium. Manet ea ratio hodieq; alicubi per Belgium aliasq; regiones, cum venale quid proponitur, & Argentorati, mea in patria, molitorum plaustris appenduntur tintinnabula, quo prætervehentes possint audiri, & frumentum ipsis offerri ad pistrinum molamve farinariam deportandum. Idem observatur eo in genere vehiculorum, quo purgamenta platarum exportant, quod propterea *die Klingelkäth*, id est, *currus tintinnantes*, vocant. Venio ad *Pampillum*, de quo Calepinus censet, quod ex genere fuerit vehiculorum. *Pampillum*, ait, *genus delicati currus*, laudatq; in hunc sensum verba Lampridii, ex vita Heliogabali desumpta. Calepinum exscripserunt Auctores Fori Romani, aliiqve, qui Lexica compilarunt. Sed *pampillum* nusquam legas alibi, nec est ulla ratio vocabuli illius, aut probabilis origo, siue Græca, siue Latina, unde corruptum esse intelligitur. Verba Lampridii leguntur cap. 29. *luxit & quaternas mulieres pulcherrimas, & binas ad pampillum, vel ternas & amplius, & sic vectatus est*. Ita habent veteres editiones, agnoscitq; Grutero teste etiam Palatinus. Sed, ut dixi, nusquam alibi *pampilli* vox occurrit. Quare sunt, qui *pompillum* maluerunt, ut à *pompa* videatur ortum, signetq; genus tale, quale Isidoro alicubi *pompaticum* vocatur. Ac à *pompa* rectè quidem oriri *pompaticum* apparet, sicut à *gramma*, *grammaticum*, à *sylva*, *sylvaticum*, & huiusmodi. At, quo pacto à *pompa* sit *pompillum*, non æquè possis dicere. Dein non magis legas alibi *pompillum*, quam *pampillum*. Deniq; totus locus docet, agere Lampridium de re nota, faciliq; intellectu. Ideò vocem affert nudam, nihil addit explanationis gratia. Quare verisimile non est, scripsisse *pompillum*: cum, ut maximè accipiamus pro vehiculo pompatico, de hoc ipso,

quale sit, interrogari queat. Fuerunt enim multa diversaq; in pompis vehicula, bigæ, quadrigæ, currus, carpenta, thesæ, ac id genus. Ne ipsæ pompæ quidem unius ejusdemq; generis fuisse, sed aliæ circenses, aliæ theatrales, aliæ triumphales ac deinceps. Ad postremum libri alij Lampridij, ad quos editiones optimæ sunt formati, non *pampillum* habent, sed *papillam*. Quanquam ne hoc ipsum quidem probum videatur. Ecquid enim hic *papilla*? Nam si mamina, quo pacto junctæ plures fuerunt ad mammam? Genus locutionis arguit, sermonem esse de diversis, & aliud, quod junctum est, aliud cui junctum est, intelligi oportere. Svetonius in Julio c. 31. *Mulus è proximo pistrino ad vehiculum junctis iter ingressus est.* Plinius lib. VIII. c. 16. de Leonibus: *Primus Romæ ad currum junxit M. Antonius.* Ipse Lampridius aliter non loquitur. ut c. 23. *Dicitur junxisse etiam camelos quaternos ad currus in circo.* Item c. 28. *Canes quaternos ingentes junxit ad currum.* Quando ergo ait, *junxit ad papillam*, non potest papilla mulierum junctarum intelligi, sed quid aliud, ad quod junctæ ipsæ fuerunt. At hoc vox papillæ non declarat; Unde sequitur, esse depravatam. Suspiciabar aliquando, ad *plaustillum* legi oportere. Nam ex *plaustilllo*, scribarum incuria potuit fieri primo *paustillum*, dein *panstillum*, & cum sit in Mss. parum differat ap, *panpillum* ac *pampillum*. Verum nolo conjecturam hanc tueri adversus eum, qui quid melius excogitabit. Cum præsertim locus totus valde corruptus imo mutilus videatur. Ecquid enim est, quod primo ait, *junxit & quaternas & binas*, & statim post, *vel ternas & amplius*? Quo spectat illud *& amplius*? nam si ad quaternas, eæ vero jam antea enumeratæ sunt. Plane liquet esse hæc inepta, neq; sic à Lampridio formata. Id quod olim deprehendent, qui libros emendatiores consulent.

Cap. XXXIV.

De vehiculis admiratione dignis.

Currus ignei Eliæ & Simonis Magi. Arnobius emendatur. Currus alati, cum velis, ac sine equis incedentes. Indicantes via longitudinem, & numerum horarum. Umbram semper facientes. Capitolini locus expenditur. Salmasius rejicitur. Vertigo. Exquisita sedilia. Capitolinus corrigitur. Currus minimi ex ebore, ære, marmore. Plinij lectio vetus defensa. Marmorea quadrigæ Claudiani contra Barthium explicata. Currus ex vitro. Ex argilla miraculosus. Festus emendatur. Currus ex ferro libere pendens in ære. Currus ad excitandas pluvias.

Is quæ hucusq; tradidi, addam aliquid de vehiculis miraculosis. Nam & talia inveniuntur in antiquis monumentis. Nullum autem est, quod dignitate superet vehiculum, quo vectum olim legimus Eliam Prophetam in ipsos quoq; cœlos. Totum enim, quantum quantum fuit, flagrabat ignibus, & coruscabat flammis. Auctor lib. IV. Reg. c. 2. *Quumq; pergerent, & incedentes sermocinarentur, ecce, currus igneus, & equi ignei dividerunt utrumq;, & ascendit Elias per turbinem in cælum.* Currum huncce tam stupendum, solaq; virtute divina fabrefactum, imitari ausus est per æmulationem improbam Simon magus, sed successu infelici, quando Petrus Apostolus omnem ejus perdidit structuram, ipsumq; Simonem ex aëre deiecit. Hinc Arnobius lib. II. *Viderant enim currum Simonis magi, & quadrigas igneas, Petri ore difflatas, & nominato Christo evanuisse,* Ubi forte legi debet, *Petri ore difflatas, sed nominato Christo, evanuisse.* Ita namq; illud sed eleganter usurpari, jam ad Phædrum nostrum lib. 4. c. 17. demonstravimus. Currus igneos alioqui circa se custodiæ causa habuit & Propheta Eliseus, de quo in prædicto libro Regum capite 6. ita legimus: *Et aperuit Dominus oculos pueri, & vidit: & ecce, mons plenus equorum & currum igneorum in circuitu Elisei.* Currum alatum vidit Ezechiel Propheta tractum ab animalibus quatuor alatis modo euntem, modo subvolantem in al-

tum, cui Deus ipse insidebat. Describitur latissime in libro ejus cap. r. Cæterum respectu ejus à Platone Jovi quoque currum alatum tributum, censuit Justinus Martyr in Cohort. ad Græcos. Num, inquit, aliunde institutus Plato, quam ex Propheticarum lectione historiarum volucris Iovem in cælo curru vehi affirmat? Vidit ille in Propheta responsis de Cherubim dictum illud: & exiit à domo gloria Domini, & ascendit super Cherubim, & elevarunt Cherubim alas suas, & rote cum eis, & gloria Dei Israelis erat super eos. Aliter res sese habuit cum curru Triptolemi, quem alatum (ἄρμα πτερωτὸν) vocat Aristides in Or. Pan. & Pelopis, qui alatos equos dicitur habuisse jūctos. Nam de altero Philochorus, de altero Palæphatus testantur, quod sint vecti navibus, quemadmodum jam pridem docui in libris de Militia & Re Navali. Quare potiori jure currus alatos diceremus, quos ætate nostra invenit in Batavis Stevinus, nullis tractos equis, sed velorum ope incedentes, quorum unus spacio dua um horarum milliaria quatuordecim Hollandica valuit conficere. Descripsit eos Baudius eleganti carmine, & Hugo Grotius epigrammate non uno. Ecce tibi aliquid:

*Qui Scyllam veterem, & Lycia portenta Chimera,
 Quig, Ixionidas, Semi virumq, bovem
 Vera negas; posthac ne sis incredulus, istud
 Materia Divum cerne biformis opus.
 Cerne finus, axem, capsum, carchesia, clavum,
 Absida, paxillum, stamina, rostra, foros,
 Flamineq, antennam stringi, sufflamine currum,
 Seq, ratem cælo ferre, rotamq, solo.*

Memini me videre olim apud eosdem Batavos currum, cujus rotæ circumagebantur machina peculiari per virum in eo sedentem, qui similiter ejus dirigebat quoquo vellet, absq; equis ullove alio præsidio. Sed hi quidem lusus sunt ingenij humani, neque usum habent aliquem in communi vita. Memorat Vitruvius vehiculum singulari structum arte, ut cognosci possit, quantum itineris per id
 fit

fit confectum quovis tempore. Verba, quia longiora sunt, non exscribimus & legi possunt apud ipsum lib. X. cap. 14. Quancquam pridem antequam Vitruvium delineaverit Heron in Dioptriciis prop. 28. ubi ὄργανα ὁδομέτρων nuncupavit. Usurpavit autem Commodus Imperator, uti, testis est Capitolinus in vita Pertinacis c. 8. Locus est notabilis, nam & alia vehicula rariora docet: Ita vero habet: *Nec non vehicula arte fabrica nova, perplexis diversisq; rotarum orbibus, & exquisitis sedilibus, nunc ad solem declinandum, nunc ad spiritus opportunitatem per vertiginem: & alia iter metientia horasq; monstrantia.* Quibus verbis manifeste docet habuisse, quibus iter poterat metiri. Erant ei quoque, quibus monstrabantur horæ, siue illa ipsa, siue alia. Deniq; quibus Solis evitari radij, auraq; undecunq; veniret, captari poterat. Quod quidem fiebat *per vertiginem*, id est, ut Salmasius exponit, *per versatilitatem, quia ita apta vertebis & verticulis erant, ut nunc in partem, qua Sol esset, versari, nunc in aliam unde aura veniret, facile possent.* Quancquam mea sententia illud *per vertiginem* non ad ista præcedentia, sed subsequenta potius pertineat, cohæreantq; inter se, *vehicula perplexis diversisq; rotarum orbibus monstrantia horas, & metientia iter per vertiginem; ut per vertiginem sit, dum illi orbes rotarum vertuntur.* Sic enim fiebat in ejusmodi vehiculis, ut ex Vitruvio cognoscimus. Habebāt rotas plusculas, quarū conversione ac circumactione longitudo viæ indicabatur, plane ut in nostris sit automatis. Neque aliter est sentiendum de significatione horarū. At vero umbre & auræ habebantur non per vertiginem, sed exquisitis sedilibus, hoc est, ita factis, ut pro ratione Solis auræve possent mutari. Atq; sic Capitolini verba ita debebunt distingvi, --- *nunc ad spiritus opportunitatem; Per vertiginem & alia iter metientia horasque monstrantia: Ut illud per vertiginem & alia sint connexa, eaqve alia de indicibus, ut lapillis decidentibus, quos Vitruvius commemorat, vel similia accipiantur.* Præter istos currus digni admiratione illi Myrmecidis, de quibus Ælianus noster: τέττιψα ἐποίησαν ἐπὶ μύας καλοῦσθαι. Plinius lib. vii. cap. 21. de iisdem ita loquitur: *Myrmecides in eodem*

genere inclaruit , è quo quadrigam ex eadem materia , quam musca integeret alis , fabricatam M. Varro retulit. Per materiam eandem intelligit ebur , unde & Callicratitas , de quo præcessit , opera sua faciebat. Similes , sed tamen aliæ, fuerunt quadrigæ Theodori , de quibus idem Plinius lib. XXXIII. cap. 8. *Dextra limam tenet , læva tribus digitis quadrigulam tenuit , translatam Præneste , tanta parvitas , ut totam eam currumque & aurigam integeret alis simul facta musca.* Hæ quadrigæ fuerunt æreæ , quod constat ex capite toto , cum Myrmecidis essent eburnæ. Myrmecidis tegi alis muscæ ejusque veræ poterant , Theodori tegebantur , verum ejus , quæ & ipsa fuit ærea. Fecit rursus alias quadrigas ante dictus Myrmecides ex marmore. Plinius lib. xxxvi. cap. 5. *Sunt & in parvis marmoreis famam consecuti Myrmecides , cujus quadrigam cum agitatore cooperuit alis musca.* Hermolaus Barbarus pro marmoreis substituit eboreis , quia Plinius de talibus in præcedentibus. Sed obstat primum constans codicum omnium lectio. Deinde argumentum capitis totius , in quo nihil de eburneis , tantum de marmoreis operibus. Ex quo sequitur , duplices fecisse quadrigulas , alias ex ebore , alias ex marmore. Marmoreas quadrigas memorat & Claudianus , admodum mirabiles profectò , si fuerunt tales , quales Barthius existimat. Putat enim sic fuisse sculptas , ut decidere & redire in currum agitator posset. Verba ejus extant lib. xiv. Advers. cap. 20. *Epi-gramma hoc scriptum est in quadrigam convertilem , cujus membra versa reddiderunt effigiem aurigæ insidentis currui , versa denudò , currum aurigæ incumbentem , equos , axes , virum currumque , omnia ex una materia vertibilia.* Adde cætera. Epi-gramma habet ita :

*Quis dedit innumeros uno de marmore vultus?
Surgit in aurigam currus, paribusque lupatis
Vnanimes frænantur equi. Quos forma diremit,*

Materies

Materies cognata tenet, discrimine nullo.

Vir redit in currum: Ducuntur ab axe jugales:

Ex alio se quisque facit. Quæ tantæ potestas?

Vna silex tot membra ligat, ductusque per artem

Mons patiens ferri varios mutatur in artus.

In hoc epigrammate nos quidem invenimus nihil, quod interpretationi Barthianæ respondeat. Versionis ejus, quam commemorat, nullum hic indicium, nulla plane mentio. Quia omnia ex uno lapide confecta erant, Poëtæ ansam scribendi epigrammatis præbuere. Hoc est, quod ait, *surgit in aurigam currus*. Nam id ipsum marmor, quod in currus speciem fuit formatum, continuum, nec interruptum, præbuit materiam formando aurigæ, qui currui insistebat. Bene ergo, *surgit*, quia supra currum auriga stetit. Mox tamen, *redit in currum*, quia, ex quo marmore fuit auriga, ex eodem currus, ut, sicut currus in aurigam surgeret, sic auriga in currum rediret. Sed & ab axe ducti sunt jugales, quia illa parte coherabant currui, cætera liberi & soluti. Erat autem necesse, ut una parte cohererent, quoniam ex uno marmoris frusto fuerunt facti. Hinc est, quod subdit, *una silex tot membra ligat*. Barthius illud, *surgit in aurigam currus*, ita explicat: *Qui ante incedebat velut, ex curru fit currui imminens auriga. Tortilis & mutabilis in varios vultus machina ex curru pariebat aurigam, ex auriga denuò currum*. Quæ ut sint ingeniosa, ita nihil faciunt ad intellectum hujus epigrammatis, quemadmodum opinor. Currus admiratione dignos ex vitro memorat Cardanus, lib. X. de Var. Rer. cap. ult. Hic, ait, *artifex adeò subtiliter è vitro cuncta elaborabat, ut quandoque currum cum bobus fabricaverit, qui sub muscæ ala continerentur*. Ad do his quadrigas fictiles, quas apud Thuscōs memorant crevisse in fornace, cum coqvendæ essent, adeò, ut fornacis partem superiorem perrumperent, ut ostendit pluribus in vita Publicolæ.

Publicolæ Plutarchus. Festus in *Ratumena* voce : *Quadrigas fictiles faciendas locaverant Romani Veienti cuidam , artis figulina prudenti. Quæ bello sunt recuperata , quia in fornace adeo creverant , ut eximi nequirent. Idque prodigium portendere videbatur , in qua civitate ea fuissent , omnium eam futuram potentissimam. Sic distingvo ista. Postrema docent , quare has quadrigas inter ea septem numeraverint Romani , quibus salus civitatis atq; incolumitas inniteretur. Servius ad Æn. VII. ubi de ancilibus agitur : Septem fuerunt paria , quæ imperium Romanum tenent : *Acus Matris Deum , quadriga fictilis Vejorum , cineres Orestis , sceptrum Priami , velum Ilione , Palladium , Ancilia.* Legimus & quadrigas ferreas liberè pendulas in templo Serapidis , virtute magnetis cameræ affixi. Prosper Aquitanicus lib. III. de Promiss. Dei , cap. 38. *Apud Alexandriam in templo Serapis hoc argumentum demonis fuit : Quadriga ferrea, nulla basi subfulta , nullis uncis infixis parietibus colligata, in aëre pendens , cunctis stuporem ac velut divinum subsidium oculis mortalium exhibebat. Quam tamen lapis magnes , qui ferum sibi met attributum suspendit , eo loco camera affixus, totam illam machinam sustentabat. Fuerunt hæ quadrigæ Solis , quod collatione loci hujus cum Rufino constat , & jam Barthio significatum est. Currum memorat Antigonus in mirabilibus Narrationibus, quo pulsato pluvia exoriebatur Cranone, Thesaliæ urbe. Inter sacra donaria , inquit , currum servant æreum , quem, ubi siccitas incidit , pulsant , & aquam à DEO poscunt , atque impetrant.**

V. C.
PYRRHI LIGORII NEAPOLITANI

De
VEHICULIS ANTIQVORUM
Diatriba, Excerpta

Ex libris ejus de Familiis Romanis.

Nunquam ante publicata.

Primus edidit, Notisq, necessariis instruxit,
JOANNES SCHEFFERUS Argentoratenfis.

LECTORI BENIVOLO S.

Quem hic primus edo, libellum industriae debes viri eruditissimi amicissimique nobis, Domini Andreae Nicolai Norcopensis, Eloquentiae in hac Academia Professoris destinati, qui eum Romae descriptum ex Codice variorum Pyrrhi Ligorii operum, quos instructissima CHRISTINÆ Regina bibliotheca servat, ad nos amice transmissit. Ut eum ederem, precipue me impulit, quod scirem neminem alium, qui hoc argumentum ex professo tractavit. Deinde, quod auctorem ejus in existimatione magna esse apud Italos didicissem. Ita namque prater alios Pignorius, vir celeberrimus, de eo in Epistolis: Pyrrhus Ligorius Neapolitanus & Aeneas Vicus Parmensis gemini Soles praeluxerunt vetustati illustrandæ. Ille in quadraginta libros conjecerat, quicquid pervenerat ad nos à veteri ævo. Meminitque ipse hujusce laboris à se exantlati, productique à Saturno, Rege Italiæ, ad Justinianum usque Augustum, in libello Italicè scripto editoque, cui titulum fecit: Antiquitates Romanas. Hinc illi jure & merito obtigit, ut à doctissimis viris ipse calamo & penicillo præstans honorificentissimis elogiis appellaretur, ab Onuphrio Panvinio, ab Hieronymo Mercuriali, ab Antonio Augustino & Stephano Pighio. Verum hujus libri lucem publicam non aspexerunt, & cum magno quidem rei litterariæ detrimento. Hæc Pignorius, quæ profecto quemlibet ad publicanda, si quæ Ligoriana veniunt in manus, possunt invitare. Quanquam autem Pyrrhus meritò laudetur, quod ingenti animo tam vastum argumentum sibi sumserit tractandum, ac in cæteris fortasse dignum sese laude ista præstiterit, tamen in opusculo præsentis pene nil invenio, quod æquare titulos tantos valeat. Quod non gratis à me dici, facile ostendent NOTÆ à me additæ, quibus simul apparebit, utrum supervacua fuerit nostra in expoliendo præsentis argumenti post celeberrimum Ligorium industria. Vale, studiisque nostris fave.

PYR-



PYRRHI LIGORII

VERSIO LATINA

De

Per

Clarissimum

VEHICULIS
ANTIQVIS.ARRHENIUM.
V.C.*Ex libro ejus de Familiis Rom.*

ORa perche molte volte cose nei carri si veggono poste nei danari tutte a qualche fine, ò per segno di vittoria, ò di cose sagre, parlaremo brevemente qui dell' uso, & nome di diversi carri, accioche siano distinte le cose di essi secondo l'uso, & si dira di quanti carri si trova memoria. Premieramente porremo le cose in generale; Perche tutti i carri sono detti vehiculi, sotto, qualsivoglia altro nome, questo fu il primo che si diede a tutti i carri. Poscia diremo di quelle che sotto a essi vehiculi hanno altri nomi con altre voci appellati. I Latini hanno usato dunq di dire Vehiculum, Rheda, Essedum, Cisium, Car-

QVoniam sæpe in carris varix res conspiciuntur, qui nummis sunt impressi, earque omnes certi alicujus finis causa, utpote vel in victoriæ vel in rei alicujus sacræ signum, ideò dicemus breviter de carrorum multiplici usu & appellatione, ut res huc spectantes ritè distingvantur secundum ipsarum usum, & dicemus de quibuslibet carris, quorum ulla uspiam sit mentio. Primo explicabimus rem hanc universim, quia omnes carri vehiculorum nomine indigitabantur primum, & quæcunq; appellatione aliquæ alia distincta postmodum sunt, carrorum genera varia, ea ab initio omnia continebantur vocabulo vehiculorū.

aaa 2

Post

Carpentum, Currus, Pilentum, Arcina, Bastarna, Benna, Biga, Triga, Quadriga, Birotum, Burdones, Camulum, Cantherion, Carruca, Combatus, Covinus, Octophorum, Petoritum, Sarracum, Staticulum, Thenfa, Traha, Vectabulum & Veba. I Greci hanno piu frequente ἈΜΑΞΑ, ὈΧΗΜΑ overo ὈΧΗΜΑΤΟΣ che sono voci che comprendono molti carri, come fà il nome vehiculo & carpento & curro presso Latini, perche carro suonano in tutte cinq le lingue Greche; Perche currus & vehiculus sono detti dal vehere & portare & correre, come anche sotto nome di plauastro sono molti carri altrimenti detti, secondo è piaciuto à Scrittori chiamarli, & secondo le nationi che l'hanno usato.

I. Del Plauastro.

Plaustrum, i Greci ἈΜΑΞΑ & ἈΜΑΞΗΣ lo dicono & tanto i Poëti conce gl' Historici, di cui parla Aulo Gellio parlando del plauastro porto in Cielo trà le sydera, e ne parlano Arato e Hygino.

Post agemus de iis, quæ sub ipso vehiculorum vocabulo alias sortita sunt appellationes, aliis vocibus expressas. Latinis in usu fuere sequentia: Vehiculum, Rheda, Effedum, Cesium, Carpentum, Currus, Pilentum, Arcina, Bastarna, Benna, Biga, Triga, Quadriga, Birotum, Combatus, Covinus, Octophorum, Petoritum, Sarracum, Staticulum, Thenfa, Traha, Vectabulum & Veba. Græci frequentius suis vocant nominibus, ἈΜΑΞΑ, ὈΧΗΜΑ vel ὈΧΗΜΑΤΟΣ, quæ sunt voces comprehendentes multa carorum genera, utpote vehicula, currus & carpenta, quæ Latinis dicuntur, nam tantundem significant Græcæ istæ voces in omnibus quinque dialectis. Currus & vehiculum dicitur à vehere & portare, & currere, sicut & suo nomine plaustri sunt multi carri aliter dicti, prout placuit Scrittoribus ipsos appellare, & nationibus, quæ ipsis usæ sunt.

I. De Plauastro.

Plaustrum à Græcis, tam Poëtis, quam Historicis, ἈΜΑΞΑ & ἈΜΑΞΗΣ vocatur, quæ de re Aulus Gellius loquitur, ubi agit de plauastro in Cælo inter sydera. Ejus quoque meminerunt Ara-

gino. Viene detto dal portare per la via Amaxeia ΠΑΡΑ ΤΩΝ ΑΜΑΞΩΝ ΦΟΡΤΟΣ; Perche con esse si conduce per strada larga & aperta. Plauastro chiamano la quadriga di Erichthonio, come altri lo dicono vehiculo, il quale era con due ruote tirato da quattro cavalli, & plauastro & vehiculo & Amaxa chiamano il carro di Syfello, tyranno di Corintho, come quel del Sole & quel di Marte, & vi aggiungono volucris, perche hanno i cavalli le ale. Plauastro, vehiculo & amaxa ancora furono detti i carri di Dario Rè, quel di Alexandro Magno, quel di Lajo, Rè di Thebe di Beotia, perche tutti suonano, una cosa istessa. Furono usati il pilento & carpento & vehiculo lo medesimo; Et pria si faccuano, con due ruota, poscia con quattro & fù detto petorito. Carpentum fù il primo nome, detto per mutatione di lettere; Perche è come dire quasi Carmentum, per essere Stato usato da Carmenta, madre di Evandro Re, & carpentophoro, cio è carro da portare frutti, nelle decime, nei sacrifici, come le donne Romane li portavano a Car-

men-

Aratus & Hyginus. Sic est dictum, quod portet per viam amaxeia, ΠΑΡΑ ΤΩΝ ΑΜΑΞΩΝ ΦΟΡΤΟΣ. Quoniam ejus ope per viam latam & apertam quid ducitur. Plaustrum vocatur quadriga Erichthonii, quæ ab aliis dicitur vehiculum, quod cum rotis duabus trahitur ab eqvis quatuor. Plaustrum quoque, Vehiculum & Amaxan vocant currum Syfelli, Corinthiorum tyranni, currum quoque Solis, & Martis, cum epitheto volucris, quoniam eqvis adpositæ erant alæ. Plaustra, vehicula & amaxa itidem dicti fuere currus Darii Regis, item, Alexandri Magni, Laji quoque, Thebarum Bæotiarum Regis, quæ vocabula idem valent. Eodem significato usi sunt veteres vocibus, pilenti, carpenti, & vehiculi, quæ primum duabus, post quatuor rotis conficiebantur, itemque petoriti. Carpentum est primum & antiquissimum carri nomen, sic dictum per litterarum transmutationem, quasi carmentum, quoniam eo usæ sunt Carmenta, mater Regis Evandri. Et carpentophorus, currus portandis fructibus destinatus in decimis & sacrificiis, quæ Romanæ matronæ Carmentæ Si-

aaa 3,

byl-

menta loro Sibylla , & a gl' altri Iddy. Fù detto veramente da essa gran donna, carmentum, come ci mostra Ovidio nel primo de Fasti :

*Nam prius Ausonias matres
carpenta vehebant.*

Chel carpento dunq. fosse delle gran donne , celo accenna Cornelio Tacito nelle cose di Agrippina , che haveva il carpento fastigiato , & bello , & ornato , come lo veggiamo nelle sue medaglie , con due ruote tirato da due mule, ò da due cavalli ; Onde esso autore dice : *Suum quoque fastigium* , inquit, *Agrippina altius extollere, carpento Capitolium ingredi, qui mos Sacerdotibus & Sacris antiquis concessus, venerationem augebat fœmina.* Il medesimo usarono nelle solennità , dunque il pilento, come dice Livio, è spetia di plaustro.

*II. Del Vehiculo, Pilento,
& Petorito.*

Pilentum, come jè detto, era usato come il carpento detto vehiculo & petorito. Serviva al sudetto officio per portar le matrone colle ceste al sacrificio , loquale haveva quattro ruote detto in lingua Volca, secondo

byllæ suæ apportari fecerunt, aliisq; Diis Deabusqve. Verè ab ea carmentum primo dictum , ut ostendit Ovidius Fastor. I.

*Nam prius Ausonias matres
carpenta vehebant.*

Carpentum itaqve convenisse magis fœminis innuit & Cornelius Tacitus in rebus Agrippinæ, quæ habebat carpentum fastigiatum & pulchrè ornatum, sicut conspicitur in nummis, ubi duabus constans rotis à duobus mulis aut eqvis trahitur , unde auctor dictus ita: *Suum quoq, fastigium Agrippina altius extollere, carpento Capitolium ingredi, qui mos Sacerdotibus & Sacris antiquis concessus, venerationem augebat fœmina.* Eodem usi sunt in solennitatibus. Pilentum, ut ait Livius, species est plaustris.

*II. De Vehiculo, Pilento,
& Petorito.*

Pilentum, sicut est dictum, usurpatum erat sicut carpentum vehiculum , & petoriturum. Inserviebat dicto ministerio, ad portandas nempe matronas cū calathis ad sacrificia, habebatq; rotas quatuor; ita dictum à Volscis,

secondo alcuni. Mà Varrone dice chil pilento fù trovato in Hispania. Fù ufato à tempo suo in Roma, & non prima dalle matrone nelle cose di sacrifici, & dice chè con due ruote, e con quattro, con due più frequente. Ma nell' antichi monumenti veggiamo scolpito si fatto carro, con che le donne andavano con le placente à sacrificare à Cercre, colla ceste piena di spiche & di focavie. Et alcuna fiata hanno due ruote, altri con quattro ruote. Si vede ancora si fatto carro nella casa di masei in Romæ nell' antica historia di Cleobi & di Bitone Argivi, i quali giovanetti in vece di buoi tirarono il carro, che alcuni dicono plauastro, altri amaxa, altri vehiculo, altri pilento, secondo l' accomoda nel verso la parola, non curando di osservar l' uso del tempo & delle lingue, bastando loro dire un carro dato alla commodità di tali effetti nei sacri misteri ufato, col quale andò col accesse facelle la madre di detti giovanetti al tempio di Junone; La quale non potendo havere i buoi à tempo, i figlioli tiraro

no

scis, ut quidam volunt. Sed Varro dicit, pilentum fuisse reperi-
tum in Hispania. Romæ suo tempore fuisse ait in usu, nec esse primum usurpatum à matronis in sacrificiis, & constitisse modo duabus, modò 4. rotis, sed 2. frequentius. Atq; in monumentis antiquis videmus sculptos in hunc modum carros, quibus vehuntur fœminæ cum placentis, sacrificaturæ Cereri cum calathis plenis spicis & pane subcinericio. Habet interdum duas, interdum quatuor rotas. Videre etiamnum licet ita factum currum in domo Maphæorum Romæ, in antiqua historia Cleobis & Bitonis Argivorum, quem juvenes isti loco bouum trahebant, alii vocant plaustrum, alii amaxam, quidam vehiculum, quidam pilentum, prout commoda in versu vox una vel altera est visa, nulla prorsus habita ratione temporum, consuetudinis, aut lingvarum, sufficere putantibus, si dicerent currum datum ad efficiendum, quod in sacris mysteriis esset usitatum. Tali ergo curru vecta mater dictorum juvenum accensis facibus ad Junonis templum, quæ cum non posset jumenta habere in tempore,

no il carro; & essendo stati gl'atti di quelli pietosi & di religiosa gloria, essa Sacerdoteffa poi prego la Dea per la felicità di quelli; & tosto amendue l'adorarono nel tempio, ne mai più si svegliarono; delche fù compreso che è meglio la morte nel fine glorioso, che vivere con pene e doglie, & con pericolo sotto speranza di questa humana vita. Così scrive Plutarcho nella consolatione della morte.

*III. Del Vehiculo detto Cifio
& Carruca.*

Fù simile ancora il cifio come il petorito, & il curro; i Greci lo dicono *ΑΥΤΡΟΧΟΝ*, & vehiculo parlando della medesima occasione sopra detta intravenute in Argo. Fù detto cifio all' hora, che lo congiunfcio colli cavalli, cò quali l'andava prestamente nella città, & da un' luogo ad un altro; & ibgvidatore si dice cifario, cioè dal cifio moderatore, & auriga secondo si trova scritto nelle pandette nella legge de jure Cifareo perche sono alcuni insolenti; Per la prestezza dunque del carro alcuni lo annumerarono nelle carri veloci & presti,

fili subiere currum, cumq; opera piissimorum juvenum ad gloriam religionis faceret, ipsa Sacerdos precata est Deos pro felicitate juvenum, statimq; ambo obdormiverunt in templo, nec post evigilarunt unquam. Unde apparuit, meliorem esse mortem gloriosam, quam vitam cum molestia, dolore, periculis, & incerta spe vitæ humanæ. Ita refert Plutarchus in Consolatione mortis.

III. De Vehiculo, Cifium & Carruca dicto.

Cifium petorito & curru fuit simile. Græci appellarunt *ΑΥΤΡΟΧΟΝ* & vehiculum, de eadem re loquentes, quam diximus contigisse Argis. Dictum est cifium tum, cum jungerentur equi, quibus celeriter vehabantur per urbem, vel alias ab uno loco festinabant in alium. Et talis currus moderator dictus est cifarius, & auriga cifii, juxta id, quod scriptum in Pandectis in lege de jure Cifario, quoniam horum aliqui sunt insolentes. Propter celeritatem cursus aliqui annumerarunt curribus citis, & velocibus, quoniam cisia sic facta, ut

presti , perche si facevano de-
li cissi leggieri & agili ; & si com-
prende nel numero delle bighe
per prestezza , non per forma
del corpo ; porche la biga , la
triga , la quadriga , la quinqu-
juges , & la sexjuges tutte det-
te la numero de cavalli , con qua-
li sono tirati , tutti sono car-
ri veloci , tutti sono detti an-
co curri , plauſtri , & vehicu-
li , & cisia : ma qvesti nec gi-
vochi Circensi sono d' avanti
chiusi di dietro aperti , & quel-
li da combattere sono chiusi &
armati da ogni parte , & an-
co dell' aperti di dietro con due
ruote. Quello di givochi il gui-
dava il proprio agitatore , quel-
lo della gverra da combattere
era compartito accioche la par-
te anteriore , stesse per l' au-
riga , & il corpo principale ,
per lo padrone , come have-
mo mortrato nelli danari , fat-
ti ad honore di Hostilio Rè.
Or dunque il Cisso tutti i scrit-
tori che lo nominato , tutti
dicono esser vehiculo , ò vo-
gliamo dire carro velocissimo
& prestantissimo da portar hu-
mini , di due ruote , & lo chia-
mano anco carruca ; onde ci-
sario & carrucario viene detto
colui ,

ut essent levia & agilia , & com-
prehenduntur sub numero bi-
garum , ob velocitatem , non
formam corporis . Nam bi-
gæ , trigæ , quadrigæ , quin-
quejuges , sexjuges , omnes
nomen habent ab eqvorum nu-
mero , à qvibus tracti sunt , o-
mnesque sunt carri veloces , o-
mnesque dicti currus , plau-
stra , vehicula , & cisia . Sed
hæc in ludis Circensibus à par-
te anteriore fuerunt clausa , à
posteriore aperta : At verò mi-
litares currus ab omni parte fue-
runt clausi & armati , etiam il-
li , qvi à tergo erant aperti , duas
habebant rotas . Cisia , qvibus
utebantur in ludis , peculiaris a-
gitor regebat : Sed bellica ,
qvibus solebant configere , divi-
sa erant in partes , qvorum ante-
rior erat pro auriga , posterior ,
quæ reliqui corporis princeps
pars , pro patrono , sicut demon-
stratum est à nobis in nummis
cuisis honori Hostilii Regis .
Qvotqvot igitur Scriptores cissi
meminerunt , dicunt esse vehi-
culum , aut , si malumus , currum
velocissimum citissimumque ad
portandos homines , cum retis
duabus , qvi alias sit appellatus
carruca . Unde cisarius & carru-
bbb cari-

colui , il quale lo gvidava , come dice Cicerone nel secondo delle Philippiche : *Inde cisio celeriter urbem advectus , domum venit capite involuto.* E porto il cisio nel numero de carri fortissimi onde la voce cisio non significa altro , che la prestezza , usato per la fodezza nelle cose di fabrica , in condurre materia da fabricare , per lo che Vitruvio l' annunera fra questi nominati à tal officio, Rheda , Cisia & Tornis ; Il Torno è carro da potersi girare ovunq. si vuole con agilità, & prestamenta si muove & si vede nell antichi monumenti, ove sono scolpite memorie di alcune cose accomodate à portar da un luogo ad un altro.

carius perinde dicitur is , qui eum ducat, ut ait Cicero Philippica secunda : *Inde cisio celeriter urbem advectus , domum venit capite involuto.* Cisium itaque relatum est in numerum carrorum vehementissimi cursus, unde cisii vox nihil aliud significat, nisi celeritatem. Propter soliditatem quoque adhibita rebus architectonicis ad congerendam materiam, idque patet eo, quod Vitruvius adnumerat instrumentis ad hoc negotium Rhedam, Cisia, & Tornos. Tornus est carrus, in quo quis se cum agilitate gyrare potest, quocumque vult; versareque subito, cujus formam videre licet in antiquis monumentis, quibus insculpta memoria quarundam fabricarum commodarum ad transvehendas res de uno loco in alium.

IV. Della Carruca & Rheda.

CARRUCA è detto vehiculo Cancora , & si piglia l' uno per l' altro ; Conciosia cosa, che vehiculo è sempre significato , come à noi carro , & tanto è dire carruca , come carretto. Questo era un gentile cocchio che usavano per andar modestamente , presto & com-

IV. De Carruca & Rheda.

CARRUCA etiam dictum est vehiculum, unumque pro altero usurpatur; nam vehiculum semper id significat, quod nobis est carrus, idemque est carruca ac currus parvus: Erat autem currus venustus, quo usi sunt, cum ire vellent modestè , celeriter, & commodè, non multum spatii

commodo , senza occupare molto la strada ; Della cui carruca fa mentione Spartiano nella vita di Alexandro Mamæo Severo , dicendo : *Carrucas Romæ & Rhedas Senatoribus omnibus ut haberent argenteas, permisit : Interesse Romanæ dignitatis putans, ut his tanti Senatores vestarentur.* Furone nel vero le donne Romane di tali carri anco tanto ghiotte , per lo comodo & bello andare , che essendo di simili carri state , private per decreto del Senato, prefero la cosa à tanto i degno, che non più volevano far carrezze à i loro mariti , gli voltavano le spalle in atti amorosi , non si uolevano più ingravidare , comedice Livio ; Onde por per hauer fatte opere laudabili, gli furono resi. Crano lavorati in Roma li carri di argento , nel vico chiamato di Sigillari non gvari lontano an Amphitheatro di Flavii presso le therme di Trajano & di Tito Vespasiano. Della carruca di argento fa mentione Plinio, quando dice: *Carrucas quoque ex argento calare invenimus.* Della quale sorte Nerone Imperadore ne fece mille. Sono det-

tii occupantes in via. Hujusmodi carrucæ mentionem facit Spartianus in vita Alexandri Mamææ Severi , dicens : *Carrucas Romæ & Rhedas Senatoribus omnibus ut haberent argenteas , permisit : Interesse Romanæ dignitatis putans , ut his tanti Senatores vestarentur.* Tali um carrorum ita cupidæ erant fœminæ Romanæ , propter incessus commoditatem & venustatem, ut, cum decreto Senatus ademptum eis esset jus iis utendi , tantum inde offensio- nis iræque conceperint, ut noluerint maritis ulla amoris signa monstrare, sed, quoties conjugalis debiti officia ab eis exegerint, obversis tergis eos averlatæ sint, nunquam in amplexus admittentes , ut fierent gravidæ, sicut ait Livius. Unde post ob virtutem jus id eis restitutum. Conficiebantur Romæ argentei hi carri in vico Sigillari dicto, non procul ab Amphitheatro Flavii, apud thermas Trajani, & Titi Vespasiani. De argentea carruca loquitur Plinius, cum dicit: *Carrucas quoque ex argento calare invenimus.* Cujus generis Nero Imperator fecit mille. Per diminutionem itaque , ut lo-

te carruca quasi carretti , della qual sorte parla Martiale nel libro terzo :

Aurea quod fundi pretio carruca paratur.

Carruco ò carruca dunq; si vede con due ruote alte , con un coperto di alcune cose nobili , con imagini in luogo di colonnette , con gelosie accerco da tutte le bande , da avanti in fuori come sono nelle medaglie , e quasi di tal sorte sono i carri detti thensa che sono fatti à memoria delle pompe ad honore dedicato , di cui era porto nel numero di divitirato da mule ò da elefanti. Rheda viene detta à Rheduco , è in due sedili partita. Dicono che con cento rhede ò vehiculi Terentia andò incontrare Marco Tullio Cicerone , suo marito , tornando à Roma da esilio.

V. Della Thensa & Carpentio & Vehiculo.

THensa ovvero Thensa sono porte talvolta per carpento & per vehiculo perche tutti suonano carri & sacri & privati. Sacri sono nèu' uso di portar le imagini nelle pompe Circensi di coloro , che sono assunti.

quuntur , dictæ sunt carruca à carris , de quibus loquitur Martialis libro tertio :

Aurea quod fundi pretio carruca paratur.

Carrucus itaq; vel carruca constabat duabus eminentioribus rotis, contexta rebus quibusdam pretiosis, cum imaginibus loco columnularum, cum clathris per ambitum ante & à tergo, quem admodum cernuntur in nummis. Et tales quoq; ferè sunt carri, qui dicti thensa, confecti in memoriam pompæ institutæ in honorem dedicationis, quæ quisque relatus est in numerum Divorum , tractæ à mulis aut elephantis. Rheda dicitur à Rheduco , est in duo sedilia divisa. Dicunt centum rhedis aut vehiculis obviam esse Marco Tullio Ciceroni, marito suo, Romam redeunti ab exilio.

V. De Thensa , & Carpentio, & Vehiculo.

THensa vel thensa sæpe ponuntur pro carpento vel vehiculo , quia significant carros æquè sacros & privatos. Sacri sunt , dum adhibentur ad portandas imagines pompæ Circensis eorum , qui assumpti sunt.

assunti nella Dietà , & nell' uso di' andare à spasso in pompe ; de quali scrive Svetonio in Augusto , quando egli dice : *Accidit votivis Circensibus, ut correptus valetudine lectica cubans thensis deduceret.* Servio dice che thensa è charro degli iddy così *thenfam currum esse , quo Deorum portantur simulachra.* Cicerone nelle Verrine dice il medesimo : *Omnes Dii , qui vehiculis thenfarum solennes cætus ludorum initis.* Thenfa fu detta perche avanti lei la tela di lino tendevano, accioche colle mani non la potessero toccare gli ducitori, che si dicevano Armamaxi , come li chiama Tertulliano. Asconio Pediano dice : *Thensa, inquit, sunt sacra vehicula, pompa ordinum & officiorum.* Altri parlando dell' istessi carri, carpenti l' appellano ; Talche thensa , carpento & vehiculo significa carro sacro & profano. Mà sacro vera mente si deve dire thensa da non potersi toccare, lo paravano

d' uno tela.

sunt in classem Deorum, & dum adhibentur in pompam obambulationum, quæ instituuntur ad oblectationem. De quibus scribit Svetonius in Augusto : *Accidit votivis Circensibus , ut correptus valetudine lectica cubans thensis deduceret.* Servius ait, quod thensa currus sit , quo Deorum portantur simulachra. Cicerone in Verrina dicit idem : *Omnes Dii , qui vehiculis thenfarum solennes cætus ludorum initis.* Thenfa fuit dicta, quia ei linea tela prætendebatur, ne aurigæ manibus possent eam attingere , qui dicti sunt Armamaxi , sicut eos appellat Tertullianus. Asconius Pedianus ait : *Thensa sunt sacra vehicula, pompa ordinum & officiorum.* Alii loquentes de iisdem carris , eosdem appellant carpenta , atque ita thensa , carpentum , vehiculum , significant currum sacrum & profanum. Sed verè oportet thensas appellare currus sacros, quoniam attingere eos nefas, quod tela impedire vulerunt.

VI. Del curro Bioto, & Deipaneta, & Vehiculo.

VI. De curru Bioto, & Deipaneta, & Vehiculo.

SONO nel medesimo ordine il carro detto currus, & birotum, i Greci biroton, che alcuni anco lo dicono vehiculo; Perche lo appellano dal nome composito del carro & delle due ruote, il quale nome l'hanno aggiunto alla biga, & alla quadriga, & à tutti i carri, che hanno le due ruote, tanto quelli da far givochi, come quelli fatti per andare con prestezza & agilita, come sono il plaustro, & il Deipaneta, porti tra le figure delle celesti stelle erranti. Di due ruote fecero il carro della villa, che mala mente l'huomo quando è fuso, vi puote star in piede fermo, largo in vista, è sodo di mastino corpo, con le ruote grandi & grievi; Et quando è carico di materie, su'l timone si pone in piè il suo gucdatore. Questo noi volgarmente chiamiamo carro & è tirato da buoi il minore da cavalli, il maggiore da molti para di bufali, o di molti para di buoi, o di cavalli: Perche de' i carri alti è atto à portar pesi, è per l'altezza facile à romperfi per

cau-

EJusdem ordinis sunt carri, dicti currus, & birotum. Græci vocant biroton, quod nonnulli appellant vehiculum: Atq; ita vocant nomine composito ex carro, & duabus rotis, quod nomen adjecerunt bigæ, quadrigæ, & omnibus carris, qui duas tantum habent rotas, sive ludorum sive agilis & citati cursus gratia facti fuerint, quales sunt plaustrium & Deipaneta, inter cœlestes figuras errantium stellarum collocata. Duarum rotarum carros fecerunt in villis, quia, cum quisque alias parum commodè in edito, ibi pedibus stare poterat. Erant autem paulò latiores, amploque corpore, cum rotis magnis & crassis. Sed cum pondere essent onusti, ad temonem se in pedes erigebat auriga. Hoc genus nos vulgariter carros appellamus, tractos plurimum à bobus, sed si minutiores essent, ab eqvis, si admodum magni, à mulis bubalorum, boum, eqvorumque paribus: Nam præ carris altis apti sunt gestandis oneribus, utpote qui propter altitudinem

casu

cause sinistre. Chiamiamo carretta un carro simile di forma, mà più delicato & fatto alla grossolana, per l' uso della città, tirato da uno ò due cavalli. Mà gl' antichi i carri da portar pesi li fecero anco bassi con ruote solide senza radii con un grosso asso, ò le ruote à uso di barili; Perche erano atti à portare gran machine, & ne facevano non sola mente biroti, mà di dodici ruote; Il cui carro birote in Toscana si dice hoggi di Boroccio da i buoi che lo tirano. L' usavano gl' antichi il medesimo birote nel recare, da una città nell' altra delle vittovalgie & viene annumerato trà i vehiculi presso delle cose antiche.

VII. Del Burdones & Vehiculo.

Chiamarono ancora il vehiculo burdones, ch' è la sorte del carro biroton sopra detto, perche non è nelle cose civili mà nelle cose rusti, che per nõ essere atto à portar huomini, mà da portar cose in fasci in faschi, & altre cose gravi, usato da quei che recavano i legnami & cose simili; Usato anco tal volta nelle fabbriche, come si trova nell' arta dell' architettura.

VIII.

casu aliquo facile rumpi solent. Carettam hodie formæ similis currum appellamus, sed minorem & rudius factum, cujus præcipue usus est in urbibus, trahiturque ab uno duobusve eqvis. Sed antiqui fecerunt etiam perhumiles carros gestandis oneribus, rotis solidis, & absque radiis, axe crassissimo, ad transferenda dolia ingentia, aut machinas, quales faciebant non tantum duabus, sed etiam duodecim cum rotis. Hujus generis birotum vehiculū hodie vocatur in Tuscia Boroccio, à bob^o, quib^o trahitur. Utebantur etiā antiqui hujusmodi birote in transferendo ab una urbe in aliā commeatu & annonæ, & accesseri solent vehiculis ab antiquitatis investigatoribus.

VII. De Burdonibus & Vehiculo.

Vehiculum etiam burdonum appellatione interdum venit, quod est idem carorum genus, quod supra biroton vocari diximus, quorum usus non est in urbibus, sed ruri, quoniam gestandis hominibus inidonei, & fassis fascibusque transvehendis reperti, item lignis similibusque rebus grandioribus. Usitati olim in fabricis, sicuti reperimus in architectonicis.

VIII.

VIII. *Del Camulon' vehiculum.*

CAmulon è detto per essere carro basso, una sorte di vehiculo da portare pesi, & cole, che hanno bunghezza & gravezza. Essa voce di camulo par che venga, dalla bassezza, come si dice l'herba, che non forge in alto, Camula, che viene dal Greco. Della qual sorte di carro usavano à portar gl' obelyschi, ò vogliamo dire aguglie di grandissimi è sterminatissimi pesi, come dice Ammiano Marcellino. Nell' obelisco del circo massimo portato dal vico di Gordiano dalla ripa del Tevere per la porte Ortiense, nel mezzo di esso Circo. Alcuni lo dicono ΚΑΜΟΥΛΟΣ, altri ΚΑΜΟΥΛΟΝ. I Latini Camulus, Camulum.

IX. *Del Cantherico Vehiculo.*

CAntherion & canthericum è voce Greca, è genere di vehiculo, cioè carro, secondo ci mostra Seneca nel terzo dell' epistole: *Marcus Cato Censorius*, inquit, *quem è Republica tam fuit nasci, quam Scipionem: Alter enim cum hostibus nostris bellum, alter cum moribus gessit, cantherio vehebatur Aethiopico.* Questo era anco sorte di car-

ro

VIII. *De Camulon vehiculo.*

CAmulon dictum est, quod sit vehiculum humile, portandis oneribus, & rebus, quæ longitudinem habent cum insigni pondere. Apparet camuli vocem ductam esse ab humilitate, sicut Græcis camula dicitur herba, quæ non crescit in altum. Hoc carrorum genere usi sunt in transportandis obeliscis, & vastæ magnitudinis ponderisq; colossis, sicut dicit Ammianus Marcellinus de obelisco Circi Maximi, traducto à vico Gordii & ripa Tiberis per portam Ostiensem in Circi medium. Aliquibus vocatur ΚΑΜΟΥΛΟΣ, aliis ΚΑΜΟΥΛΟΝ, Latinis quoq; Camulus & Camulum.

IX. *De Cantherio vehiculo.*

CAntherion & cantherium vox est Græca, & genus vehiculi seu carri, ut monstrat Seneca libro tertio epistolarum. *Marcus Cato Censorius*, inquit, *quem è Republica tam fuit nasci, quam Scipionem: Alter enim cum hostibus nostris bellum, alter cum moribus gessit, cantherio vehebatur Aethiopico.* Hoc erat carri genus validum & fer-

raturum,

ro forte & ferrato , & tenuto l' asso dalle teste con forti tenie di ferro , detto perciò canthus. Onde cantherium come ci accenna Qvintiliano & Persio nella qvinta Satyra, parlando da una si fatta machina di carro:

*Nam quamvis prope te, quamvis temone sub uno
Vertentem sese frustra sectabere canthum.*

Mortrano tutti qvei , che ne parlano, havere gvardie di ferro , come hoggidi facemo nel quadriroto chiamato cocchio, portato prima in Italia dal primo Signor Hippolito , Cardinale di Ferrara, da Ungaria, che hanno per ogni verso ritegni di ferro , & nelle cime de gl' assi , per tener forti i barili delle ruote , & per la concatenatione del timone snodato dal coperto del cocchio , loquale viene , firmato da forti corregie & fibule di ferro ; le ruote attorno all' arme coperte di ferro. Qvesti nostri cocchi sono di tre sorti ; Quello ch'è piu largo, dicono caretta, quel ch'è piu picciolo, cocchio, quel tirato da qvattro cavalli , chiuso attorno , il dicono carret-

ratum , cujus munita erat absis cum radiorum capitibus valida ferri tania, canthus dicta. Unde cantherium , sicut innuit Qvintilianus , & Persius Satyra qvinta, loquens de qvadam machina curuli eo modo formata:

*Nam quamvis prope te, quamvis temone sub uno
Vertentem sese frustra sectabere canthum.*

Omnes, qvi currus istius meminerunt, ostendunt, præmunitum fuisse ferro, sicut & hodie currus quadrirotus, qvem nos appellamus cocchio , pariter munitus est , qvali primum in Italia usus est Hippolitus , Cardinalis Ferrariensis , ex Hungaria , & sunt tales currus ab omni parte ferrati, utpote ad extremitates axium ferrei paxilli , ad modiolos rotæ continendos, & ad temonem vincendum , qvi solutus est à pergula currus, qvæ validis loris & fibulis ei cohæret , tum quoq; rotarum curvatura ferro est armata. Verum nostri hi currus trium sunt generum. Qvod latissimum est, vocamus caretta, qvod est paulò minus , cocchium, qvod trahitur ab eqvis quatuor, undiqvæq; contextum, car-

to, che fanno ogni hora in viaggio quasi otto miglia ; vi portano arme da difendere, & vi si puo andar dormendo. Il cocchio & la carretta l' usano per la città , di più sorti d' ornamenti, secondo le persone, che li vogliono docati & pieni di pretiosi intagli ; Hà tali coperte che la pioggia non li offende, eccetto il cocchiere, che sta fuor del corpo coperto. Sono questi cocchi pericolosi molte volte , perche spaventati i cavalli , & i cocchieri abbandonate le redene , lequali per sciocchezza le cascano dimano, ogni furone & spaventa resta superiore ; Nella qual cosa quelli che sono dentro de cocchi non sene potendo ajutare, vanno in precipitio. Et sono tanto poco auvertiti, che se loro usassero quel che gl' antichi usavano , di tener ligate alcune false retini in uno anello fosse nel carro , non li caderebbero cosi di mano, come quel le li cadono. Et talvolta se il cocchiere havessè qualche disgratia , quei che sono dentro vi possono mettere la mano, & ajutare à firmare il furore ritenendo i cavalli per le retine dell' anello

retto, quo horæ unius spacio iter conficitur octo milliarium, qui eo vehuntur, arma in sui defensionem ferre secum possunt, & commodè dormire. Cocchio & caretta utimur per urbes, diversimodè ornatis, pro possessorum conditione vel lubitu, deauratis, & pretiosa sculptura insignitis. Pergula pars currus ita contexta est, ut Cœli injurias à vectoribus arceat, excepto auriga, qui exterius est locatus. Sunt cocchi illi sæpe periculosi, nam territis equis & laxatis ab auriga habenis, cui sæpe etiam per oscitantiam excidunt, fit, ut nullum absit furoris terrorisq; exemplum, nec vectoribus supersit, quam ut præcipientes ferantur. Quo periculo possemus admoneri, ut imitaremur veterum prudentiam, qui clam secundarias quasdam habenas annulo insertas & curru alligatas habebant, quæ, ut priores, ipsis è manibus excidere non possent. Namque ita, si quid secius eveniret aurigæ, vectores quoque secundariis istis habenis arreptis, in compescendo concitatorum eorum furore, ipsum poterant juvare, quod factum erat facile, cum haberent annulo insertas

anello particolare tenuto à tal effetto, per far arrestare i cavalli. *insertas habenas ad retinendos eqvos.*

*X. Del Combatus vehiculus
& Comba.*

*X. De Combato vehiculo
& Comba.*

Troviamo scritto nell' antichi marmi combatus vehiculus, perche questo deve venire da comba, che significa lectica, laquale dovea essere accommodata colle ruote, come sono le lectiche & li cochii coperti & chiuse da ogni parte. La voce comba viene dalla lingua Sabina, che à noi significa lectica ò lecticula, secondo i Grammatici. Onde combatus vehiculus è tanto à dire, come carro allestito da potervi andare coricato in asso; Servira per le pioggie & per li tempestosi tempi, come la lectica; Si vede nell' antichi monumenti con due ruote, & con quattro, ove si mostrano fameglia andare in viaggi in villa.

In antiquis marmoribus scriptum invenimus, quod combatus sit vehiculum, quæ vox deducta est à comba, quod lecticam significat, quam rotis instructam esse oportuit, sicut sunt lecticæ & cochii lecti clausique ab omni parte. Comba vox est lingvæ Sabinæ, quæ nobis significat lecticam aut lecticulam, juxta Grammaticos. Unde combatus tantundem significat ac carrum lectica instructum, quo quis etiam cubans possit incedere. Usui erat Cælo pluvio & procelloso, sicut lectica. Apparet in antiquis monumentis & birota & quadrirota, cum formantur heri cum tota familia egredi in villas.

XI. Del Covinus vehiculus.

XI. De Covino vehiculo.

Covinus ò pure covino, come lo vogliamo dire in nostra lingua è nome di vehiculo, cioè carro usato da Britanni tirato senza auriga da piccioli cavalli, di cui Martiali nel libro duodecimo dice:

Covinus aut covino, juxta terminationem lingvæ Italicæ, est nomen vehiculi aut currus Britannis usitati, tractum à minutis eqvis, sine auriga, de quo Martialis libro duodecimo loquitur:

*O jucunda, Covine, solitudo,
carruca magis effedog, gratum.*

Sulpitio Gallo scrive che'l covino era camerato, & carro ufato da Galli. Quest d'unque era simile al coperto del combato, che si poteva gvidare da piacevoli cavalli, del padrone istesso, di cui Lucano nell libro primo:

Et docilis rector monstrati Belgica covini.

Siche questo anche nelle attioni belgiche si ufava.

XII. Currus vehiculus & Curritius.

CURRUS d'onde deriva à noi la voce carro, è nome generale di tutti quei carri, ch'erano di volubili ruote agili à correre, loqual gl' antichi ufavano nel correre, & nelle cose belliche, cioè nella gverra, nel correre la porta, & nelle cose rustiche della villa, el all' uso di altre necessità. Che forse per cose della gverra ufato, celo insegna Plutarcho, dicendo, che Cesare, Dictatore scorrenta velle gverre civili sul carro per l' Italia, havendo sempre scio Marco Antonio; Da questo nesce il diminutivo di curricula, cioè di piocio lo carro;

*O jucunda, Covine, solitudo,
carruca magis effedog, gratum.*

Sulpitius Gallus tradit, quod covinus fuerit currus cameratus, Gallis in usu. Hujus itaque operata pars similis erat combato, trahebaturque ab equis, ipso Domino aurigante, de quo Lucanus libro primo:

Et docilis rector monstrati Belgica covini.

Hujus quoque usus erat in bellis.

XII. Currus vehiculum, & Curritius.

CURRUS, unde ad nos vox carri derivata, generale nomen omnium carrosum est, quibus volubiles erant rotae, atque ad currendum agiles, quibusque usi sunt veteres in cursibus, & bellicis negotiis, in cursibus tabellariorum, in rebus rusticis, in villis, atque aliis necessitatibus expediendis. Quod usus ejus fuerit in bello, docet Plutarchus, dicens, quod Caesar Dictator in civilibus bellis curru per Italiam vestus sit, comitatus semper Marco Antonio. Hinc descendit diminutivum curricula, id est, currus minutus, qui appellatur etiam curri-

ro ; & lo dicono curritius , & curricula femi-
 namente ; per essere tirato da cavalli , & fatto veloce , viene detto curro dal correre , perche molti le fecero per la cur-
 sione , in cui l' ufavano . Era pericoloso di cadere & farsi male con esso , come anco è accaduto ai di nostri nei cocchi , che in fiume talvolta & da un ponte sono i cavalli precipitati , & da una ripa , per difetto ò del cocchiere , ò della imperfettione delle strade . Onde presso gl' antichi auve niva il simile , & perciò Cicerone pro Rabirio dice : *Exiguum nobis vita curriculum Natura* . In maniera che currus vuole dire un carro , & curricula un picciolo carretto usati nella prestezza , con quella si curtà , che si puote . Con questo tal carro Tiberio in porta uscì d' Italia per andare à trovara Druso in punto della morte , come dice Plinio . Dal andare à casa assisi i Magistrati Romani sul carro , sono detti gl' Ædili curuli & le selle ò sedie curule portate nel curro .

curritius , & curriculum , & curricula , genere fœminino , quoniam velociter trahatur ab equis , & ocyssimè currat , dicitur currus , à currendo scilicet , & quia cursus causa multi currus fiebant . Periculosum erat olim , si curru subverso caderet quis , & malo afficeretur , sicuti & nostratibus accidit in cocchis , quoniam fit nonnunquam , ut ex ponte in flumen præcipitentur equi , aut labantur per riparum abrupta , vel ob defectum aurigæ , vel vitium aliquod viarum . Eveniebat antiqvis frequenter quid hujusmodi , propterea Cicerone dicit pro Rabirio : *Exiguum nobis vita curriculum Natura* . Itaque currus est quasi carrus , & curricula parvus currus , quorum usus in festinatione , cum quantà poterat , securitate . Hujusmodi vectus carro Tiberius exit Italia , cum proposito visendi Drusum sub ipsum mortis ejus articulum , ut testatur Plinius . Quod domum contenderent Romani Magistratus locati in currum , Ædiles curules dicti sunt , & sellæ curules , sedilia curribus imposita .

XIII. *Curro & Effeda.*

Effeda era come il carro detto curro presso de' Romani, & presso di Britanni peculiarissimo, loquale usavano nella guerra, come dice Cesare nel commentarii, il quale Effedario chiama il soldato Britanno, perche combattevano sul effeda, & con il strepito di essi turbavano gl'ordine di Cesare. Tunne mentione dell' effeda Propertio nel libro secondo:

Effeda calatis siste Britanna jugis.

Et Ovid. del medesimo:

*Rerumq; quamprimum rapien-
tibus effeda mannis.*

Et Virgilio nel lib. 3. della Georgica:

*Belgica vel molli melius feret
effeda collo.*

Per tanto dunq. Svetonio in Augusto usa: *Effedo panem & palma gustavimus*; Per essere con effeda recato le vitovaglie; Onde effedarii sono detti gli duttori delle cose nell' effeda, il medesimo in Cajo Caligula:

Quum quondam die muneris effedario Porio, ob prosperam pugnam, servum suum manumittenti studiosius plausum esset. Quesito si vede sotto di combatton-

ti

XIII. *Currus & Effeda.*

Effeda erat quidam carrus particularis apud Romanos & Britannos, quo utebantur in bellis, ut dicit Cæsar in Commentariis, qui Effedarium vocat militem Britannum, quoniam effedis insidens pugnabat, & effedorum strepitu Cæsar's ordines turbabat. Effedæ meminit Propertius libro secundo:

Effeda calatis siste Britanna jugis.

Et Ovidius de eodem:

*Rerumq; quamprimum rapien-
tibus effeda mannis.*

Et Virgilius lib. III. Georgicorum:

*Belgica vel molli melius feret
effeda collo.*

In hunc sensum utitur Svetonius in Augusto: *Effedo panem & palma gustavimus*; Quod effeda alatus esset commeatus. Unde effedarii dicti sunt ductores essedarum. Idem occurrit in Cajo Caligula: *Quum quondam die muneris effedario Porio, ob prosperam pugnam, servum suum manumittenti studiosius plausum esset.* Unde videtur hoc genus militare esse cum rotis duabus.

ti essere carro di due ruote. Il duabus. Ductor effedæ appell-
maestro dell' effeda si dice es- labatur effedarius , sicut eur-
sedario , come currurario , & ruriarius, vehiculariarius, & car-
vehiculariario , & carpentaria- pentarius.
rio.

*XIV. Di Arcera, Arcirna,
& Plaustrum.*

ARcirna è nome di carro
A che altrimente si dice
plaustrum , atto a portare hu-
mini loquale alcuni lo chiama-
no arceram , & lo operavano
nelle cose rustiche , & alcuni
lo cuoprivano , & era commo-
do carro per li vecchi & per li
giovani ; secondo scrive Pha-
vorino presso di Aulo Gellio ,
ovè dice non essere atto à quel-
li che sono infermi , perche è
invalido all' egritudine per lo
scuotere. Si vede nell' anti-
che opere essere tirato da buoi
ò da cavalli , si vede con due
ruote , con le sponde asserate
ò fatte à cancelli. Fù usata
nelle feste di Cerere & di Sa-
turno , di Baccho dalla multi-
tudine rustica ; come plaustro
degl' iddy dell' agricoltura. On-
de nelle sculture antiche sono
in tali offici ornati di festoni,
di frutti atterno , alla qua-
dratura cotti buoi
coronati.

*XIV. De Arcera, Arcirna,
& Plaustro.*

ARcirna est nomen carri ,
A alias plaustrum dicti , ho-
minibus gestandis aptum , qvò
alii vocant arceram , qvò ute-
bantur in rebus rusticis , con-
tegebatur à nonnullis , com-
modumqve erat senibus & ju-
venibus, sicut scribit Phavorinus
apud Aulum Gellium , ubi di-
cit , non esse aptum infirmis,
qvoniam est incommodum æ-
gris ob concussionem. Con-
spicitur in antiqvis operibus tra-
hi à bubus aut eqvis , videtur
qve fuisse cum rotis duabus , &
pergula obsepta , cancellisque
clausa. Usus ejus fuit in festo
Cereris , Saturni , & Bacchi,
apud plebem rusticam , tan-
quam esset plaustrum Deorum
ruralium. Unde in sculpturis
antiqvis reperiuntur ornati co-
rollis , & fasciculis fructuum ,
circa collum boum co-
ronatorum.

XV. Basterna & Vehiculo.

BAsterna è sorte di carruca, che qvafi sempre si prende per vehiculo cioè carro atto à portar in viaggio strame & à comporto di stramenti contēsti il suo corpo , tirato da due cavalli & da alcuni altri animali , è atto anco à condurre le donne , onde Ammiano Marcellino dice: *Quo comitatu, inquit, matrona complures cooper-tis capitibus & basternis per la-tera civitatis cuncta discurrunt.* Et questo parimente si vede nell' antichi monumenti con due ruote , con donne sopra, che portano di frutti, degl' vcellami. Sono altri carri con qvattro ruote, & coperti & scoperti pure da portare stramenti , & cose nec sacchi iqvali legavano corrichi con le corde torchinate & ristretti. Altri simili à quelli che hoggidi usamo , con quelle due scala congiunte & lunghi con le ruote, come sono , quelle di cocchi ferrate , da portare materia di strame , ò da fabricare , & altre cose necessarie , ò alla casa , ò alla possessione , che sono tutti carri abbastardati fatti ad ogni uso da condurre vettoyaglie.

XVI.

XV. Basterna & Vehiculum.

BAsterna genus est carrucæ, quod semper sumitur pro vehiculo, id est, carro apto portandis per vias straminibus, contextumque habet corpus complicatis straminibus, trahebaturque ab eqvis duobus, aliisve jumentis, commodum quoque erat portandis scæminis , unde Ammianus Marcell. *Quo comitatu, inquit, matrona complures cooper-tis capitibus & basternis per la-tera civitatis cuncta discurrunt.* Hoc quoque pariter videri potest in monumentis priscis cum duabus rotis, superimpositis scæminis gestantibus fructus & fascēs avicularum. Sunt & alii currus quadriroti , & contexti , & aperti , quibus portarunt stramenta, aliasque res saccis inclusas, quales colligabant loris & funibus contortis. Alii quoque currus erant similes his, quibus hodie utimur, quæ duabus scalis longis connectuntur, rotis ferro munitis, ut in cocchis, quorum usus in portando stramine , aut materia struendis ædibus apta, aut aliis rebus necessariis aut domui, aut rei familiari, qui omnes sunt carri non genuini facti ad usum congerendæ annonæ.

XVI.

XVI. *Benna & Vehiculo.*

Benna ancora è porta sotto nome di vehiculo ò di carruculo ; è vocabolo Gallico ; come dicono tutti i Scrittori, che fanno mentione delle cose Galliche , ove questi , i quali segono in esso carro sono appellati combennones , cioè sedenti in benna. I Romani avevano , ancora un carro con quattro ruote , & con due , uve sedevano & andavano & la moglie , & il marito co' figlioli in villa. Questo il corpo lungo riquadrato , & qualche volte in una testa sola uno ambracolo , & talvolta ch'è per lo più , come si veggono , senza ombrocolo.

XVII. *Biga carro o vero curro biuga.*

Biga secundo i Scrittori Latini è il medesimo ch'è currus , per esser atto à corrare velocissimamente & tirato da due cavalli , con due ruote , detta Biga à biuga , cioè congiunta & tirata da due cavalli ò cavalle , come usavano nei giuochi Circensi i Lydi. I Romani tolto dall' Etruria , & come usavano gl' altri popoli della Grecia , loquale secondo,

XVI. *Benna & Vehiculum.*

Praterea benna collocata est inter vehiculorum seu carruculorum nomina , estque Gallicum vocabulum, ut testantur Scriptores omnes, qui Gallicarum rerum usquam mentionem fecere, vocanturque illi, qui simul carro tali vehuntur, combennones, hoc est, una sedentes in benna. Romani etiam habebant cum quatuor duobusve rotis, quo simul vehebantur, uxor, maritus , liberi , ituri in villas. Corpus ejus currus forma fuit quadratè oblonga, atque interdum umbella unius solum capiti imminebat, plerumque, ut videmus, sine umbraculo fuit.

XVII. *Biga carrus; seu currus bijugis.*

Biga juxta Scriptores Latinos idem est, quod currus, quia velocissimè currebat, tractus à duobus eqvis, duabusque rotis. Biga dicta à bijuga, hoc est, conjugata, quod à duobus eqvis vel equabus tracta fuerit, sicut usitatum erat Lydis , in ludis Circensibus. Romani ab Etruscis id genus currus mutuati sunt , sicut reliqui populi à Grecis, sed omnium primo redd

do, dice Plinio, fù prima trona-
todas li Phrygii. Fanne men-
tione Svetonio delle biga in Ti-
berio & Augusto; & Cassiodo-
ro nelli gyiochi Circensi & do-
ne à dipinta la biga nel dana-
ro qvelle si chiama bigato co-
me a questa che ufavano i Ro-
mani.

XVIII. *Della Triga carro.*

TRiga ancora era il mede-
simo carro, ch' era la bi-
ga, detta à triuga, cioè tira-
ta con la congiunzione di tre
cavalli al giugo, come la nomi-
nano gl' antiche memorie scritte
in marmo delg' agitatori del-
le fattioni Circensi, secondo
havemo detto nel libro di Gi-
vochi. Laqual triga si vede an-
co nel danaro in questo modo,
pure con la vittoria & con altri,
che la gvidano, come potete
veder trà gl' altri danari mosta-
ri in quest'opera.

XIX. *Della Triga & Quadriga,
Pilento, & curro & quadriga.*

TRiga, biga & pilentum tro-
vo esser una medesima co-
sa, quanto al corpo; Carro con
due ruote velocissimo, che si
puo dire biroto, & è leggiero
& il simile è la quadriga. Fù
inventata dà Erichtonio, figlio-

pertum est à Phrygibus, ut Plini-
us testatur. Mentionem bigæ
facit Svetonius in Tiberio & Au-
gusto, & Cassiodorus in ludis Cir-
censibus. Et nummus, cui im-
pressa est figura bigæ, vocatur bi-
gatus, qvi & in usu fuit apud Ro-
manos.

XVIII. *De Triga dicto carro.*

Porro triga erat carrus simi-
lis, ut biga, dictus quasi triju-
gis, hoc est, tractus ab eqvis tri-
bus ad jugum, sicut nominatur
in antiqvis marmoribus agitato-
rum factionis Circensis, ut dixi-
mus in libro de Ludis. Qua-
lis triga videtur etiam in nummo
hunc in modum, ut sit cum Vi-
ctoria, & cum aliis ipsam ducen-
tibus, sicut quisque potest cerne-
re in nummis hoc volumine ex-
hibitis.

XIX. *De Triga, Quadriga, Pilento
& quadriga curru.*

TRigam, bigam & pilentum
reperio esse idem, qvoad
corpus. Carrus cum rotis
duabus velocissimus & levis
est quadriga. Inventa fuit ab
Erichtonio, Minervæ filio,
qvi currus, juxta traditio-
nem

lo di Minerva , il quale carro per l' autorità di Poëti reluce tra le stelle presso di Arato , di Proculo , di Hygino & di Avieno. Et lo fingono tirato de quattro cavalli , onde ne viene appellato quadriga , si come lo veggiamo nel danaro detto da essa quadrigato, con quattro cavalli del pari congiunti. Della inventione di esso cano fanno memoria Ovidio , Pausania & Aurelio Cassiodoro & Plinio oltro ac subdetti , che scrivono d' Astronomia. Questo carro nelli danari quadrigati si pote veder noll' antiche opere di Apolline , esser carro di Apolline , di Marte , di Bellona , di Minerva , di Jove & della Vittoria. Si dicono in singulare il carro con due cavalli & con quattro , con cinque , con sei in forma femminile biga , triga , quadriga , quinquajuga & exjuga. Onde i danari in singolare bigato & quadrigato , per l' ordinaria forma victoriato , per esservi la immagine della vittoria. Dallatriga dunque si dice trigario certamine à abbattimento. Della quadriga così ne dice Aulo Gellio : *Quadrigas Caesar etiam-*

si

nem Poëtarum , relucet inter stellas apud Aratum , Proculum , Hyginum & Avienum. Et fingunt tractum ab equis quatuor , unde dicitur quadriga , sicut conspici potest in nummo , qui vocatur quadrigatus , cum equis quatuor , pariter conjunctis. De inventione carri hujus mentionem fecerunt Ovidius , Pausanias & Aurelius Cassiodorus , & Plinius præter supra dictos Scriptores Astronomiæ. Currus hic in nummis quadrigatis videri poterit & in operibus antiquis , in quibus res Apollinis exprimuntur , fuisseque dicitur currus Apollinis , Martis , Bellonæ , Minervæ , Jovis , & Victoriæ. Numero singulari dicitur carrus cum equis duobus , quatuor , quinque , sex , formaque feminina , biga , triga , quadriga , quinquajuga , & exjuga. Unde nummi quoque tales in numero singulari bigatus , quadrigatus nuncupati , & victoriatas quoque cum imagine Victoriæ. A triga quoque dictum venit trigarium certamen aut prælium. De quadriga ita loquitur Aulus Gellius : *Quadrigas Caesar etiam si currus u-*

ddd 2 • nus

si currus unus equorum quatuor victorum agmen unum sit, plurimum tamen semper numero dicendas putat. Veggonsi tali carri esser aperti di dietro, per mostrarui, & d' avanti chiusi à parapetto, & l' auriga chel' gvida, cioè l' agitatore, è cinto delle retine con che frena il corpo coi cavalli oltre a quelle retine che tiene in mano da far girare i cavalli & firmare. Così sono le quinqvejuges & le sexjuges, & septejuges & octojuges & il nonajuges in sino al numero di dieci cavalli vi congiungsero nei giuochi Olympici come si legge nelle cose di Nerone Imperatore, che volse montar, sopra un sì fatto carro.

XX. Del Veba, Carro rustico.

VEha è il carro detto anco plaustrum, detto à vehitur, cosa nota, simile all' altri sopradetti da andar presto & lodicono vehes, & sono ancora della sorte da portar anco fieno, quando era fatto largo, et si dice vehiculum & vehem. La tiravano due cavalli & havea due ruote, come si vede in alcuni monumenti scolpiti, & fatta mentione nec testamenti delle cose rustiche della villa.

XXI.

nus equorum quatuor victorum agmen unum sit, plurimum tamen semper numero dicendas putat. Conspiciuntur tales currus esse retro aperti, ut ea parte possent conscendi, ante verò clausi, ad munitionem, auriga, ductor, vel agitator, cinctus est habenis, quibus corpus suum coercet, præter alteras, quas tenet manibus ad coercendos equos & gyrandos, regirandos, sistendosque. Atque tales sunt quinqvejuges & sexjuges, & septejuges, & octojuges, & nonajuges usque ad equos decem, quos junxerunt in ludis Olympicis, ut legimus de Nerone, qui talem currum voluit conscendere.

XX. De Veba, Carro rustico.

VEha est carrus, plaustrum quoque appellatus, ita dicta, quod vehat, similis reliquis superius expositis, quibus usi sunt in cursu. Dicitur & vehes, ejus generis fuit, quo portari solebat fœnum, præsertim, si factum esset amplum. Dicitur quoque vehiculū & vehes. Trahebant id est quatuor, & habebat rotas duas sicut sculptū in quibusdā monumentis cernitur, sitque ejus mentio in testamentis, & supellectili rustica villarū.

XXI.

XXI. Del Octophoro vehiculo
& Lectica.

Octophoron ovvero octophorum era un carro con otto ruote , onde octophorarius si diceva colui, che con esse guidava le sue merci. Questo aveva quattro ruote per banda loquale presso de Romani solo Cajo Caligula lo usò, come era la nave Ptolemaide, che solo Ptolomeo la prima volta che fu fatta, la navigò & aveva quattro prore , & quattro pappe. Andana per ogni vento , senza giar più una parte , che un'altra , per tutti i lati aveva la sua prora. Così questo vehiculo Cajano octophoro aveva tante commodità dentro , che per tutto poteva stare & vedere nell'andare. Di questo carro parla Svetonio nelle cose di esso Cajo, & aveva la lettica portata da otto servi , onde octophora la dicevano. Era portata sulle spalle della quale scrine Martiale, quando dice:

Octophoro sanus portatur, Avite, Philippus.

Hunc tu si sanum credis, Avite, furis.

Havevano ancora la lettica e-

xa-

XXI. De Octophoro vehiculo,
& Lectica.

Octophoron vel octophorum erat currus cum rotis octo, unde octophorarius dicebatur , qui eo quoviam merces suas conducebat. A quovis latere habebat rotas quatuor, quali apud Romanos solus usus est Cajo Caligula. Huic similis erat navis appellata Ptolemais, qua solus Ptolomæus primum usus erat navigando, postquam esset facta , & habebat proras quatuor, & puppes totidem. Ad omnem ventum progrediebatur , non gyrans aut inflectens cursum in unam partem, quam alteram, ubique proram habens. Atque ita hoc vehiculum Cajanum octophorum eas habebat commoditates, ut vector ubique potuerit stare , & in quamlibet spectare partem. De hoc loquitur Svetonius in rebus Caji, habebatque lecticam gestatam à servis octo , unde dicta fuit octophora. Gestata fuit humeris, ut scribit Martialis:

Octophoro sanus portatur, Avite, Philippus.

Hunc tu si sanum credis, Avite, furis.

Habuerunt quoque lecticam e-

ddd 3

xa-

xaphoro , portata da sei , di cui il medesimo Martiale nel secondo libro ne parla:

Laxior hexaphoris tua sit lectica licebit.

Et Juvenale della medesima:

-- -- *Cum jam sexta cervice feratur*

Hinc atque inde patens. -- --

Fù la lectica molto usata dalle donne , & dagl' huomini preso gl' antichi , perche difende dalla polvere , dal Sole & dalla pioggia , & dalla tempesta , & dal freddo , capace & alta à starvi in ogni forma. Erano da clientuli & da muli portate secondo erano capaci di due o di più persone. Et havevano lectiche portate la due servi molto leggere le quali s' usavano per la città, come c' insegna Svetonio parlando di Marone dicendo : *Martis ade lectica per publicum simul vectus est; Ei succollabant deni duodenique servi, quibus longo in itinere vicarium in laborem alii succedebant, conficiebanturque eo vectationis modo & longa simul & inquieta, & quam libuisset, accelerata itinera.* Seneca ancora dice: *Non facit te beatum turba servorum lecticam tuam per itinera urba-*

xaphoram , à sex bajulis portatam, de qua idem Martialis libro secundo :

Laxior hexaphoris tua sit lectica licebit.

Et Juvenalis de eadem :

-- -- *Cum jam sexta cervice feratur*

Hinc atque inde patens. -- --

Lectica plurimum usæ fuerunt matronæ , etiam viri , quoniam arcet pulverem , Solem , pluviam , tempestatem , frigus , & caliditatem , ut pro lubitu quis in ea posset habere. A clientibus aut mulis portabatur pro magnitudine sua , modò duobus , modò pluribus. Habebant etiam lecticas perleves , à duobus servis portatas , quallium per urbem erat usus , sicut id nos docet Svetonius de Marone loquens : *Martis ade lectica per publicum simul vectus est ; Ei succollabant deni duodenique servi , quibus longo in itinere vicarium in laborem alii succedebant , conficiebanturque eo vectationis modo & longa simul & inquieta , & , quam libuisset , accelerata itinera.* Seneca porro dicit : *Non facit te beatum turba servorum lecticam tuam per itinera urbana aut pere-*

urbana aut peregrina portantium. Plutar-
 Plutarcho nella vita di Cicero-
 ne , qvando esse misero fuggi-
 va la persequutione di triumvi-
 ri , audava in lectica portato
 da servi, la cui clientela non po-
 tè tanto correre che non ve-
 nisse aggiunto & elgi porta la
 testa fuori della lectica , & gli
 fù spiccata la testa & porcia la
 mano dritta, che havea scritto
 contra Marco Antonio. On
 dunqve la lettica è per la città
 & fuor di essa s' usava con li cli-
 enti portata. Di un tal uso
 parla ancora Juvenale , qvando
 dice :

*Namque facit somnum clausa
 lectica fenestra.*

Dalla lectica dunqve viene il di-
 minutivo lecticula laqvale fu u-
 sata da Augusto nelle cose di
 guerra , onde Svetonio in Au-
 gusto dice : *Ocreana in lecticula*
elucubratoriam recipiebat. U-
 salla ancora Cesare lavorata di
 avorio come anco la camera
 portatile, laqvale uso sendo fe-
 rito in guerra Alexandro Ma-
 gno secondo scriva Q. Curtio.
 Si diceva colui che la guidava,
 lecticario come dice Svetonio
 in Vespasiano , che solevo an-
 dare in lectica spesso a Cutilia,
 sua

peregrina portantium. Plutar-
 chus in vita Ciceronis : Cum
 ipse miser fugeret persecutio-
 nem triumvitorum, lectica abiit,
 portatus à servis , sed non ita
 currendo properare poterant hi
 clientuli, ut fugientem non asse-
 querentur; Protensum itaq; ex-
 tra lecticam caput ei præscindi-
 tur, & post manus dextra, qva
 adversus Marcum Antonium
 scripserat. Itaque lecticæ usus
 erat & in urbe, & extra eam, ge-
 stabaturqve à clientibus. De
 usu talium loquitur etiam Juve-
 nalis, qvando dicit:

*Namque facit somnum clausa
 lectica fenestra.*

A lectica deducitur diminuti-
 vum lecticula , qva usus est in
 bellis Augustus , unde Sveto-
 nius ait in Augusto : *Ocreana*
in lecticula elucubratoriam reci-
piebat. Usus est ea etiam Cæ-
 sar , sed ex ebore , ut & ca-
 mera portatili, quali vulneratus
 in acie usus est Alexander Ma-
 gnus , ut scribit Q. Curtius.
 Qui lecticam ducebat , voca-
 batur lecticarius , ut testatur
 Svetonius in Vespasiano , qui
 frequenter solebat lectica de-
 ferri in villam suam Cutiliam,
 sua sed

sua villa, portata da muli, per esser quella quaranta miglia discorta da Roma ; Et vi andava per fuggire le gravezze dell'udienze . Onde colui il quale guidava la lettica per danari fece fermare i muli , fingendo di acconciar un ferro al piede del mulo diede luogo & tempo à colui , che li havea data la mancia , di parlare all' impendore con una supplica : Sendo fatta le gratia , Vespasiano di mandato il lettuario disse ; Dammi la parte mia di quello che hai havuto de colui . Or dunque la lettica fù usata nelle militari espeditioni presso gl' antichi , come il vehicula , il carro detto combato , come molti altri carri sudetti . Havevano anco la Bara , con che portavano cose ad offerir agl' iddii grà usata da Romulo , nell' offerire le spolie opime del Rè Acrone à Gione Feretrio , & come fece Cossio al medesimo iddio ; Galba alla Fortuna Primigenia ; Tiberio alla Fortuna Equestre & Pertinace alla Fortuna Prenestina . Fù anco chiamata pherculo , ch' era barela portata in spalle come una sedia .

sed à mulis, quoniam quadraginta milliarium intervallo abesset Roma. Eo se subducebat, ut se liberaret salutantium officiis. Hinc, qui lecticam ejus deferrebat, sollicitatoris cujusdam donis corruptus, cum mulis retentis fingeret se aptaturam soleam ferream pedi unius ex mulis, tempus dabat supplici ad porrigendum Imperatori libellum. Audito eo benignè, vocatoque lecticario, dixit Vespasianus: Redde mihi partem munusculi, quod ab hoc accepisti. Liqvet præterea lectica usos veteres fuisse in bellis & expeditionibus, sicut usi sunt vehiculo, & carro, qui dicebatur combatus, & multis aliis supra enumeratis carris. Habebant præterea Baram, qua utebantur, laturi Diis suis munera, usurpatam olim à Romulo, cum ferret Feretrio Jovi opima spolia Regis Acronis: Eadem eidem Deo munera sua tulit Cossus, & Galba Fortunæ Primigeniæ, Tiberius Fortunæ Equestri, Pertinax Fortunæ Prænestinæ. Vocabatur & ferculum, quod erat barela humeris gestata, sicut sella.

XXII. Del Carro, detto
Petorito.

Petoriturum è Gallica voce secondo il Grammatico di cui paria Gellio & lo dice genere del vehiculo con quattro ruote, duttile, loquale per che Plinio lo metta col' carro effeda, quando dice nel libro 34. *Cæpere deinde & effeda & vehicula & petorita exornare.* Horat. Flacco nel I. de Sermoni dice:

-- -- -- -- *Atq; caballi*
Pascendi, ducenda petorita,
nunc mihi curto

Ire licet mulo. -- -- --

Talche qvesto era carro d'andare per tutto.

XXIII. Del plauastro vehiculo,
di Marte detto plostro.

Plaustrum è come havemo detto di sopra nel primo luogo carro dagl'iddii: Ma nel vero fù usato anco per combattere nella guerra, da' i Rè & gran Signori ove l'auriga gli sedeva d'avanti al parapetto di esso, & dentro stava il combattente. Fù, secondo alcum, chiamata prima plostrum, onde Horatio diminutivamente disse, plostellum, nel libro secondo di sermoni:

Ædificare casas, plostellum ad-
jungere mures.

Era

XXII. De Carro, Petoriturum
vocato.

Petoriturum est vox Gallica, juxta Grammaticum, de quo loquitur Gellius, & dicit, genus vehiculi fuisse cum rotis quatuor, ductile, quod Plinius videtur annumerare carro, effeda dicto, cum ait lib. 34. *Cæpere deinde & effeda & vehicula & petorita exornare.* Horatius Flaccus in primo Sermonum dicit:

-- -- -- -- *Atq; caballi*
Pascendi, ducenda petorita,
nunc mihi curto

Ire licet mulo. -- -- --

Fuit itaq; hoc carrum, quo uti licuit ubique.

XXIII. De plauastro, Martis vehiculo, dicto plostrum.

Plaustrum est, quemadmodum supra diximus, currus Deorum, sed, verè loquendo, usus ejus erat in conflictibus bellicis Regum & magnorum virorum, in cujus parte primore sedet auriga, intra ipsum verò corpus, depugnans. Juxta nonnullos primum dictum est plostrum, unde Horatius per diminutionem dixit plostellum, libro secundo sermonum:

Ædificare casas, plostellum ad-
jungere mures.

eee

Plau-

Era il plaustro aperto di dietro, *Plaustrum apertum erat retrò,* & d' avanti intero ferrato con ante verò clausum, cum duae ruote; Et di un'altra forte che sono quei carri che hanno il corpo quadrato & adornato di diverse esse per cuoprimento; è simile à quelli che non hanno copertura, & si sedeva in cima alla scoperta. Dopo questa sorte di plaustro dicono che fù trovato il petorito mà questo come dice Varrone nel lib. 4. de lingua Latina, all' eta sua fù portato à Roma di Hispanga. Del medesimo pilento fa mentione Lattantio, come anche Plauto in *Epodon*. il quale carro usavano i Romani nel andare fuori della città, come ci mostra Cicerone nella morte di Clodio, che fù ucciso in una taberna, fuggendo fuor del plaustro, oltre al fadello della buona Dea s' ascosse sotto una scala, ove Milone il trafisse. Del plaustro ancora fa mentione Ovidio nel secondo delle *Metamorphose*, quando ita dicit:

*Quamvis tardus eras, & te tua
plaustra tenebant.*

Et Virgilio nel prima della *Georgica* mostra il medesimo:

*Tardaque Eleusinae matris vol-
ventia plaustra. Plau-*

*Quamvis tardus eras, & te tua
plaustra tenebant.*

Et Virgilius *Georgicorum* primo idem ostendit:

*Tardaque Eleusinae matris vol-
ventia plaustra. Per*

Plaustrum nel vero s' intende due imagini di carri porti trale sydera, che si compongono di stelle nell' Astronomia finti tirati da tre cavalli & da quattro, & li fanno di due duote gl' antichi. Ma Ovidio ancora lui non hà lasciata la voce plaustrum, quando così parca nella Metamorphose :

*Flexerat obliquo plaustrum te-
mone Bootes.*

Et queste forte di celeste carro haveva Lajo Rè , quando audava fuor di Thebe , citta di Beotia , quando incontò OEdipo , suo figliolo , non conosciuto per padre , da quello ucciso. Onde Seneca Poëta in OEdipode: *Quasque disjeetat vertice summo sydus Arcadicum, geminumque plaustrum.* Talche non solo è carro degl' iddii & nelle stelle composto , mà anche è degli Rè , come ancora delle donne, cioè matrone, perche è simile , ò pure il medesimo ch' è carpento. Onde Livio nel quinto libro ab urbe condita dice : *Honoremque matronis ob eam munificentiam habitum , ut plastro ad sacra ludosque , carpentis festo profesto- que traherentur.* Et il medesi-

mo

Per plaustrum propriè intelliguntur duæ carrorum imagines inter sydera collocatæ, compositæ ex stellis in Astronomia, fingunturque trahi à tribus eqvis, & quatuor, faciuntque cum rotis duabus antiqui. Nec Ovidius ipse omisit vocem plaustrum hoc sensu , cum dixit in Metamorphosi :

*Flexerat obliquo plaustrum te-
mone Bootes.*

Et ea specie currus cœlestis usus est Rex Lajus , cum , exiens Thebis Bœotiis , occurreret filio OEdipo , non notum ibi patrem occidenti. Unde Seneca Poëta in OEdipo : *Quasque disjeetat vertice summo sydus Arcadicum , geminumque plaustrum.* Ita , ut plaustrum non tantum sit carrum Deorum , & compositum ex stellis , sed & Regum , imò quoque illustrium fœminarum, quoniam aut persimile , aut prorsus idem est cum carpento. Unde Livius libro quinto ab urbe condita dicit : *Honoremque matronis ob eam munificentiam habitum , ut plastro ad sacra ludosque , carpentis festo profesto- que traherentur.* Idemque est pilentum sacris

ccc 2

solen-

mo è il pilento usatò nelle sacre solennità. Questa specie dunus di carpento & di pilento era un vehiculo, che si pigliano l'uno per l'altro, & li Greci lo dicono M E T E A P O N; come anco O X H M A, & sono di due ruote, come si vede nella memoria della vehiculatione della gabilla; Che tolse via di carri il buon Nerva Imperadore: Perche facendosi mentione presso di Scrittori in vari nomi dicono gl'istessi carri da portare le merci nella città. Accada al carro, carpento & pilento, che l'uno per l'altro si piglia, come ambedue alla cythera & alla lyra, che ambedue avevano similitudine, & l'una cavata dall'altra, & molle siate dicono l'uno instrumento per l'altro, se bene l'una è con la testugine & l'altra non, ambedue si suonano ad un modo. Così etiaudio i Greci pigliano Progne per Philomela, & ognivolta che si dice Progne, s'intende per la sorella Philomela. Così dicendo Philomela, s'intende per Progne, per esser ambedue nate di un padre, & cangiate in due pic-

cio-

solennibusq; usitatum. Hæc itaque carpenti & pilenti species erat vehiculum, promiscuè idem significans, & Græci id appellant M E T E A P O N, itemq; O X H M A, cumq; rotis est duabus, ut videre licet in commemoratione vehiculationis vectigalibus obnoxia, quæ, ne à carris mercium exigenter, sustulit bonus Nerva. Nam cum apud Scriptores mentio sit mercium carris advectarum in urbem, variis nominibus rem designant eandem. Ita fit, ut carrus, carpentum, pilentum, unum pro altero accipiantur, plane sicut cythara & lyra, quoniam una alteri similis, & una desumpta est ab altera, indifferenter pro eodem instrumeto musico capiuntur, quamvis unum constet testudine, alterum verò non, & utrumq; similiter sonet. Ita quoque Græci Progmen accipiunt pro Philomela, & quando de Progne, intelligunt sororem ejus Philomelam. E diverso nominata Philomela, intelligunt Progmen, quoniam uterq; eodem genita parente, & ambæ conversæ sunt in duas a-

vicu-

cioli vecalletti & cantarivi & primi all'accenti amorosi mossi nella prima vera, nel spirar di Zephyro annuntia la novella stagione, & l'uno pratica nelle case della città, & nell'antri ch'è la roudine; l'altro per le amene valli & folte selve, ch'è il lusignolo. Et quantunque siano dissimiglivoli quanto vi colori, & non sò che poco della forma, qualunque di loro si nomina l'uno nome si piglia per l'altro. Si dice Progne al lusciniò & Philomela alla rondine; perche non si sà, quale i Poëti pigliano per l'uno ò per l'altro vechello, chiamati da quelle misere forelle, le quale segvitate da Tereo si precipitarono della cima, della casa, & s'acquistarono il nome delg' uccelli, come cosa immortale. Così dunque i Poëti, quando dicono veicolo, intendono plauastro, & quando dicono carro il medesimo carro. Così parimente pilento & carpento & veicolo, s'intende l'uno per l'altro tutti usati dalle donne, nell'andare à spasso ò à sacrificare. Onde Horatio Flacco, nel libro secondo dell' episto-

viculas sonoras, & cantibus deditas amatoris præcipue, primo Vere spirantibus leniter zephyris novum anni tempus denunciant. Una degit sub tectis urbium & specubus, hirundo scilicet, altera in amœnis vallibus & densis sylvis, scilicet lusciniæ, & quantumcunque sunt dissimiles, quod ad colores & formam corporis, utram tamen earum nomines, unius nomine sæpe intelligitur altera. Ita Prognès nomen datur lusciniæ, & Philomelæ hirundini, nam nescitur, utrum non pro una aut altera avicularum istarum sumant Poëtæ, ita promiscuè vocitatæ miseræ hæ sorores, quæ persequente Tereo è domus fastigio se precipitarunt, conversæ in aves istas, quarum gestant nomina, ut in argumentum immortalitatis. Ita Poëtæ, cum dicunt vehiculum, intelligunt plaustrum, & quando nominant currum, idem eis est ac carrus. Pariter quoque pilentum, carpentum, & vehiculum, accipere unum pro altero potes, quia omnia usurpata matronis ad deambulationes aut sacrificia. Unde Horatius Flaccus secundo episto-

pistole cel' insigna. Quest' era di corpo, un poco lunghetto, come un navigio; & la voce pilentum senza dubbio è barbara, perchè fu trovato in Hispania, come habiamo detto, & i Galli lo, chiamano petoriturum, secondo che scrive Varrone di Lingua Latina, in cui le donne assise fù i pulvini, ò vogliamo dire, cuscini, si libravano & contropesavano del carro che portavano ch'era di quelle cratelle piene delle cose da sacrificare, colle placente, secondo dice Virgilio nell'ottavo dell'Æneide:

-- -- *Castæ ducebant sacra
per urbem*

Pilentis matres in mollibus. --

Cioè le portavano pensilmente quelle ceste in esso carro assise come dice Servio Honorato Grammatico, & il medesimo dice Livio nell' su allegato libro. Fù detto vehiculo ancora il carro, che conducevano esse matrone nelle feste & nei sacrifici come chiamano, il carro della madre di Cleobe & Bitone Argivi fratelli che in luoghi di buoi, accoche la madre loco non perdesse l' occasione di andare al tem-

epistolarum idem docet. Primum erat corpore longiusculo, navigii specie, & vox pilenti sine dubio est barbara, utpote cum currus sit inventus in Hispania, ut diximus, vocaturque à Gallis petoriturum, sicut scribit Varro de Lingua Latina, quo vehabantur matronæ insidentes pulvinis, atque ita corpora sua librabant, ut cum oppositis sibi cistellis, quæ repletae erant placentis & aliis rebus sacrificio destinatis, essent, quasi in æquilibrio, sicut dicit Virgilius octavo Æneidos:

-- -- *Castæ ducebant sacra
per urbem*

Pilentis matres in mollibus. --

Hoc est, portabant cistas illas quasi pensiles, quæ collocatae erant in carro, sicut tradit Servius Honoratus Grammaticus, idemque dicit Livius supra dicto libro. Vehiculum quoque nominatum fuit carrum, quod ducebat matronas in festis & sacrificiis. Sic vocant currum matris Cleobis & Bitonis, fratrum Argivorum, qui vice bouum jugum subiere, ne perderet occasionem eundi ad templum & sacra Junonis. Nonnulli utuntur

tempio di Junone ; Alcuni lo dicono carpento parlando della medesima occasione. I Poëti lo dicono plauastro , perche fa risonare il verso. Il medesimo auviene al carro triumphale , che ha il corpo rotondo con due ruote tirato da quattro cavalli bianchi. Alcuni lo dicono curro altri carpento, alcuni altro vehiculo & curro, & si potrebbe anco chiamare quadriga dalli quattro cavalli. Fù questo destinato al triumphante Duce, ferrato attorno, ornato di ricche spoglie di trophæi & di cose degne della vittoria. Et fù questo anché detto vehiculo , come ci mostra Vallerio Massimo nel libro 5. cap. 2. parlando dell' humanità di Quinto Terentio Guleone, che seguitò il curro de triumphante Scipione. Et vehiculo usa poi in un altro luogo, parlando d' un carro istesso triumphale. Et vehiculo & curro usa Plinio nel parlar che fa della velocità de carri di Tiberio, che uscì d' Italia con prestezza, come havemo sopra detto, per andar & Rheno, per trohvar Germanico Druso vivo. Et questo basterà di ta-

tur vocabulo carpenti, loquentes de negotio eodem. Poëtæ appellant plaustrum, quoniam sonorum est in carmine. Idem carro triumphali evenit, qui corpore est rotundo cum rotis duabus, tractus à quatuor equis albis. Aliqui appellant currum, alii verò carpentum, & rursus alii vehiculum, & currum. Vocari etiam potest quadriga ob equos quatuor. Destinatus erat utriusque Ducis triumphantis, clausus undique, ornatus spoliis opulentis, trophæis, & rebus aliis dignis victoria. Et dicebatur vehiculum, ut testis est Valerius Maximus libro quinto, capite secundo, loquens de humanitate Quinti Terentii Guleonis, qui insequebatur currum triumphantis Scipionis. Vehiculi quoque voce utitur alio loco, loquens de ipso carro triumphali. Vehiculi carrique vocibus utitur & Plinius sermone, quem instituit de velocitate carrorum Tiberii, exeuntis celeriter Italia, ut retulimus supra, ut adiret Rhenum cum desiderio videndi Germanicum Drusum vivum. Et hoc dixisse fuisse-

li carri iqvali s' annumerano in plaustra , & la via d' onde passano i Greci l' appellano AMAΞΗΛΑΤΟΣ ; perche essi chiamano AMAΞΗ cotal carro cioè : *Via , per quam plaustra trahuntur* , ò veramente , *via vehicularis* , idonea ad currum ducendum , *plaustralis* , *curulis* , *curulia* , & la dissero AMAΞΙΑ esse via , peronde sono tirati cotali carri come anco qvelli da portar gran pesi , & Armamaxi coloro, che li gvidano. AMAΞΑ , si dice il carro da combattere , chiaso d' ogni intorno partito in due parti : Nell' una stà il combattente , nell' altra l' auriga , cioè gvidator del carro , come dice Xenophonte , di cui havemo detto nel libro dell' armi & del vertire delle nationi.

XXIV. Rheda, Vehiculo, &
Epirrhedia.

SE bene più di sopra havemo fatto mentione del vehiculo detto rheda , insieme con la carruca , ci pare di far an trattato , particolare di essa , come l' hanno tutti gl' altri carri. Rheda dunque è vocabulo Gallico, tratto dal Græco , come à dire Gallo-Gre-

cerit de carris talibus, qvi annumerantur plaustris, Via, qva incedunt, appellatur à Græcis AMAΞΗΛΑΤΟΣ, qvia ipsis talis currus AMAΞΑ, hoc est, *via, per quam plaustra trahuntur*, aut verius, *via vehicularis*, idonea ad currum ducendum, *plaustralis*, *curulis*, *curulia*, ipsis quoqve est AMAΞΙΑ, per quam ducti tales carri, sicut etiam cæteri, qvi vehendis magnis ponderibus sunt inventi, & Armamaxi illi, qvi illos agitabant. AMAΞΑ carrus militaris, intus totus clausus, inqve duas partes divisus, in quarum una stat pugnator, in altera auriga seu rector currus, sicut dixit Xenophon, de quo egimus libro de armis & diversarum nationum vestibus.

XXIV. Rheda, Vehiculum,
& Epirrhedia.

QVamvis supra , ubi facta à nobis mentio vehiculi, rheda dicti, item, ubi de carruca egimus , satis fusè de ea egisse videamur , hic tamen nobis visum est commodum in specie de eo agere, & carris cæteris. Rheda itaq; vocabulum est Gallicum, tractum à Græco, aut potius

co nome , ch' è tanto come carruca , da cui Rhedario si dice l' auriga , fatto die due ruote , tirato da cavalli ò da mule, atto à portar onere, cose da mangiare & herbaggi. Si usava in villa , & vi si portavano le donne, & li fanciulli. Fù usato degl' huomini in viaggio, & l' usava Milone Lanuvino, di cui parla Cicerone, quando dice : *Quum hic Milo cum uxore veheretur in rheda penulatus, magno & impedimento ac muliebri & delicato ancillarum puerorumque comitatu.* Nel cui uso tenevano le mule, secondo scrive Lampridio in Commodio Imperatore , dicendo : *Dedit & vehicula cum mulabus & mulionibus, & juncturis argenteis, ut ita à convivio redirent.* Rheda , secondo alcuni , e detta dalla voce composto dal verbo Gallo-Greco epirrhedium , cioè ΕΠΙΡΗΔΙΟΝ , dal rhedere & portare. Et Virgilio non lasciò cotal voce, quando disse:

Tritoque trahunt epirrhedia collo.

XXV. Del Sarraco Vehiculo.

S Arracum, i Greci Sarracon, S'è forte de vehiculo usato à portare legne , & pietre dagli anti-

tius Gallo-Græcum , quod tantundem est, ac carruca, cujus auriga dicitur Rhedarius, duabus constabat rotis, trahebaturq; ab eqvis aut mulis, apta portandis oneribus, rebus esui aptis, vel herbis. Usus ejus in villis, ad portandas matres villarum cum liberis. In itineribus quoque utebantur, ut Milonis Lanuvini exemplo liquet, cujus meminit Cicero, cum ait: *Quum hic Milo cum uxore veheretur in rheda penulatus, magno & impedimento ac muliebri & delicato ancillarum puerorumque comitatu.* In usum istius rei habuerunt quoque mulas, ut scribit Lampridius in Commodio Imperatore, dicens: *Dedit & vehicula cum mulabus & mulionibus, & juncturis argenteis, ut ita à convivio redirent.* Rheda, secundum quosdam, est, dicta voce composita ex verbo Gallo-Græco, epirrhedium, sive ΕΠΙΡΗΔΙΟΝ, à rhedere & portare. Nec Virgilius intermisit uti tali voce, cum dixit:

Tritoque trahunt epirrhedia collo.

XXV. De Sarraco Vehiculo.

S Arracum, Græcè Sarracon, S'è genus vehiculi usatū in portandis lignis & lapidibus a-

fff

pud

antichi , à porto trà le servigi delle fabriche , & nel portar le provisioni nelle città. Trà i Poëti ne fa mentione Juvenale, nella Satyra terza:

*Scinduntur tunica sarta, modò
longa coruscant*

*Sarraco veniente abies, atq; al-
terapyrum*

*Plaustra vehunt, nutant aliè,
populoque minantur.*

XXVI. Del Staticulo Vehiculo.

STaticulum è anco spetie di vehiculo, & di effeda, di cui fa memoria Plinio dicendo: *Cæpere inde effeda & vehicula & petorita exornari.* Del quale uso, come diceneo di sopra è celebre nel lasso de carri , & cose fatte in argento , lequa li nel tempo della Republ. Rom. tra le gyerre civili da censori furono già cassate , di poi ritornate dalla persone licentiose che gvastrarono ogni costume di vivere , colla bonta di quella buona osservanza della legitima liberta.

XXVII. Della Traha &
Tribula.

TRaha era un carro senza ruote , detta da noi tribula & traglia , perche si strascinava, detta à trahendo, onde trascinava

pud veteres, annumeraturq; instrumentis architectonicis, quæ usui erant congerendæ in urbem annonæ. Meminit Juvenalis Poëta Satyra III.

*Scinduntur tunica sarta, modò
longa coruscant*

*Sarraco veniente abies, atq; al-
tera pyrum*

*Plaustra vehunt, nutant aliè,
populoque minantur.*

XXVI. De Staticulo Vehiculo.

STaticulum quoq; species est vehiculi & effedæ, cujus meminit Plinius, dicens: *Cæpere inde effeda & vehicula & petorita exornari.* Quo de more, ut supra diximus, res nota est in celebri carrorum luxu, & rerum factarum ex argento, quales tempore Reipubl. Romanæ, bellis civilibus interjecto, à Censoribus prorsus abolitæ fuerunt, post rursus inolevere, reductæ ab hominibus licentiosis, quibus volupe perdere sanctum vivendi morem, cujus observantia legitima libertas consistit.

XXVII. De Traha &
Tribula.

TRaha erat carrum sine rotis, dictum à nostratibus tribula & traglia, quia per terram trahatur, à trahendo, unde trascinam

scina aliuvi l' appellano. Fù usata da coloni & nelle cose della villa, da trasportare da un luogo ad un altro delle biade ò fratti, & si trascinavano anco delle immagini per portarle siccome, come facemo hoggi di noi col trascino. Traglia & traha si dice ancora il rastello à manigano dentato, conche si rastellano i campi per nettarli, dopò che è arato; ò per spianare i solchi, dopò che sementato, trahendone con esse l' herba & li sterpi d' ai campi. Fanne di questo chiara mentione Virgilio, quando dice della tribula, ch' è la medesima cosa:

*Tribulaque trahaque & iniquo
pondere rastri.*

Audava sopra di esse l' aratore & guidatore du' buoi. Con esse tribula dentata nettavano i campi sassosi, come erano quelli della tribu papivia. Queste dunque tribula & traha sono specie de' trascinii. Tribula è uno strumento composto de' quattro legni lunghi, attestati insieme, larghi un paluco & mezzo l' un dall' altro, tutti per la lunghezza fatti à denti lunghi un palmo & più ancora, in qual rastello in campagna si appella.

scinam quidam vocitant. Fuit usitata colonis in convehendis rebus ad villam spectantibus, frumentis scilicet & fructibus; Traha terram leniter radente secure & sine periculo vectabantur quoque statue ac moles, sicut & fit hodie. Traglia & traha quoque dicitur rastellum aut crates dentata, qua raduntur & purgantur novalia, postquam versa sunt aratro, aut æquantur sulci, post sementem injectam, aut extrahuntur herbae & stipulae agrorum. Facit hujus claram mentionem Virgilius, cum dicit de tribula, quæ eandem rem significat:

*Tribulaque trahaque & iniquo
pondere rastri.*

Illis tota corporis mole incumberebat nonnunquam arator & bubulcus. Tribula dentata purgabant arva saxosa, qualia erant tribus Papiniae. Tribula itaque & traha species vehiculi tractorii. Tribula est instrumentum quatuor longis lignis constructum, clavis totum confixum, quorum singuli palmi unius & dimidii intervallo à se invicem distant, tota in longum ferreis vel ligneis dentibus, palum unum longis aut paulò plus,

la. Alcuni lo chiamano tribulum, altri vehiculum dentatum, altri tribuli & trascino, altrimente trahecia, è quella con che si traschinano tuttè le cose necessarie in villa, nel portar il frumento all arca perche i granelli, non s' abessino fuori delle spiche, accoché andasse piu posato quel che si portava sopra, loquale è sicurissimo instrumento da portar cose, che sono periculose di rompersi.

cōfixa, qvod in supellectile rustica rastellū dicitur. Quidā id appellant tribulum, qvidam vehiculum dentatum; alii trascino, alii trahecia, qva trahunt omnis generis res necessarias in villa, ut fruges, ne grana excidant è spicis, nam incedit leniter & sine succussione ulla, ut, qvod supra est impositum, securissimè possit, qvoqvo velis, portari. Est itaq; aptissimum instrumentum portandi, qvæ obnoxia periculo confractionis.

XXVIII. Del Vectabulum.

VEctabulum è sorte di carro detto à vectando, è simile à una lectica volubile, cioè volgitiva, nella quale le donne la poteva volgere dove volevavo, che alcuni dicono carrivola.

XXVIII. De Vectabulo.

VEctabulum est species carri, à vectando sic dictum, lecticæ volubili simile, qvod fœminæ versari in omnem partem & volvere poterant pro lubitu, qvod qvidam vocant carrivolam.





JOANNIS SCHEFFERI

Argentoratensis

NOTÆ.

Ad Præfationem.

I*N rei alicujus sacræ.)* Fuerunt & aliæ causæ, cur nummis signa ejuscemodi imponerentur. Sic enim significabantur sæpe tributum honores, item munera publica, & id genus, quod ex nummis Cæsarium & Augustorum liqvet. Sæpe sic gestarum rerum servabatur memoria. Sæpe nummi ipsi pretiumq; illorum sic indicabantur, quod ex bigatis, victoriatibus & similibus est notum.

De carrorum.) Ita noster voce Italica. Rectius *vehicula* dicerentur. Nam carrus species vehiculi, non genus.

ὄχημα &c.) Hoc nihil differt à præcedenti, quippe cujus casus est secundus. Videtur Pignorius exiguum Græcarum litterarum peritiam habuisse.

Sub nomine plaustrum sunt multi carri.) Putat, plaustrum quoque generale nomen esse. Ac sic sæpe in sequentibus. Sed hoc falsum.

Cap. I.

ἀμαξίας.) Occurrit in hac voce, quod supra in voce *ὄχημα &c.* à nobis observatum est.

Παρά τῶν.) Hæc ex Suida sunt desumpta, qui sic explicat *ἀμαξίας*. Itaq; nil faciunt ad *ἀμαξίας*, cum *ἀμαξίας* in ab *ἀμαξία* non hoc ab illo.

Quadrige Erichtonii.) Hoc non lectum mihi; Vellem itaque, ut auctorem idoneum nominasset.

Syselli.) Videtur Cypselum intelligere. Sed de curru ejus talis nil reperio apud alios.

Equis appositæ erant alæ.) Nec hoc lectum mihi. Et vide, quæ de curru Solis dixi libro primo. Pelopis equos facit alatos Pausanias in Eliacis I. verum ibi agit de statua eorum sic formata: Ἐκατέρω μὲν δὴ δύο ἄλων εἰσιν ἵπποι, τοῖς δὲ τὸ Πέλοπος ἐσι πεφυκότα καὶ πτερὰ. Quæ sic vertit Interpres: *Bis uterque invehitur, sed pinnati sunt Pelopis equi;* Cum debuisset: *Quisque equis utitur duobus;* Cum sit sermo de ἁμῖπποις.

Quæ vocabula idem notant.) Falsum hoc, nec, ubi Græcum ἀμαζα, ibi statim de plastro cogitandum. Sæpè generalis vox est.

Pilenti, Carpentii.) Omnia hæc distincta sunt, quod ipse noster non dissimulare potest in sequentibus.

Carpentophorus.) Hunc ego nuspiam reperio, & ex explicatione liqvet, καρπόφορον in animo habuisse. Sed nec καρπόφορος, seu carpophorus, de vehiculo invenitur, & plane imperitia lingvæ Græcæ obstitit Ligorio. Ad postremum decimæ, quas hic memorat, Romanis penitus fuerunt ignotæ.

Carpentum fastigiatum.) Quid est, *fastigiatum?* & quare *fastigiatum?* Sequitur apud Tacitum: *Suum quoque fastigium Agrippina altius extollere.* Hinc natum carpentum fastigiatum, quod est prorsus ineptum.

Cap. II.

Plane sicut carpentum.) Hoc verò falsum esse docent, quæ de vehiculo utroq; disserui.

Fuisse repertum in Hispania.) Dicam infra, cap. 23.

Sculptos in hunc modum.) Utinam nobis eos exhiberet quispiam delineatos diligenter, multum sine dubio juvarent institutum hoc. Nunc ignorare cogimur, nunquam, quod sciam, publicatos.

Cap. III.

Ἀύτροχον.) Hoc propriè non est cisium, sed vehiculum quodlibet,

libet, cum rotis duabus. Vide tamen, quæ de cificio notavimus.

De eadem re.) Cleobis & Bitonis intelligit historiam. Primum autem quis ex Græcis *Ὀψέχης* scribat ufos, haud recordor. Deinde, si vel maximè quis hoc scriberet, non tamen inde sequeretur, *Ὀψέχης* esse cifiium.

Cisarius.) Scribendum erat *cisarius*.

De jure cisario.) Nulla lex de jure cisario, nullum jus cisarium extat apud veteres. De cisario agitur, si cifiium everterit, in l. 13. ff. Locati, ex quo jus hoc noster est commentus.

Plaustra, vehicula & cisia.) Totum hoc est falsum. Nunquam enim bigæ, trigæ, ac id genus, plaustra cisiave dicta.

Anterior erat pro auriga.) Hoc tantum valet in vehiculis generis Cyrenaici, non in eis, quæ à Cyro sunt excogitata.

Et alias appellatus sit carruca.) Sed à nullo idoneo Scriptore.

Tornus est carrus.) Ineptissimè. Nunquam tornus vehiculis annumeratus est. Vitruvius sic ait, lib. X. cap. 1. ubi agitur de machinis in universum: *Non minus sunt innumerabiles moderationes machinationum, de quibus non necesse videtur disputare, quoniam sunt ad manum quotidiane, ut sunt rotæ, folles fabrorum, rhedæ, cisia, torni, ceteraque, quæ communes ad usum consuetudinibus habent opportunitates.* Quia hic rhedæ, cisia & torni mutuò se excipiunt, omnia hæc vehicula putavit, sed eadem ratione folles quoque ac rotas facere vehicula potuisset, quæ præcedunt. At quis non videt absurditatem.

Cap. IV.

Carruchi argentei in vico Sigillari dicto.) Primum non argentei, sed argentati fuere, inter quæ duo plurimum est discriminis. Deinde nullus Romæ vicus fuit Sigillaris, sed Sigillarius, in regione septima, à quo, nisi fallor, differebat locus peculiaris *ad Sigillaria* vocatus, quem in animo noster habuit, cum ista scriberet. Nec enim dubitari debet, quia respexerit Svetonium, sic loquentem vita Claudii, cap. 16. *Essedum argenteum sumptuosè fabricatum ac venale ad Sigillaria redimi concidit, coram imperavit.* Verum ex his verbis id colligere, quod facit Ligorius, est ex quovis quidvis facere.

Per

Per diminutionem.) Hoc nemo demonstraverit. Quodlibet
Duabus rotis.) Imò quatuor, quod jam docui. (per se est.

Cap. V.

Pro carpento.) Hoc verò nusquam legi hætenus.

Quæ instituuntur oblectationis gratia.) Etiam hoc est falsum.
 Non ad oblectationes pertinebant, verum sacra.

Qui dicti sunt Armamaxi.) Putavit, aurigarum esse hoc vocabulum. Et reperit inferius, cap. 23. At nulli apud veteres armamaxi, verum harmamaxæ, Græcis ἀρμάμαξαι, nec homines, sed vehicula. Neq; aliud Tertullianus voluit, quod alibi ostendi.

Cap. VI.

Biroton.) Docet & hic locus, Græcarum litterarum imperitiorum Ligorium fuisse. Nam birotum non est Græcum, verū δίτροχον.

Bige, quadrigæ.) Nunquam hæc vehicula birota nuncupata. Birotum enim ad portanda onera spectabat, non sic bigæ quadrigæve.

Deipanetta.) Quid hoc sit vocabuli, fateor me ignorare.

Duodecim aliquando.) Hoc verò frustra dicitur, nec ex ullo veterum probari poterit vel verbulo.

Cap. VII.

Burdonum.) Falsissimum hoc est. Burdones equi fuerunt, vel muli, quod prolixè nobis etiam post alios est demonstratum.

Cap. VIII.

Camulon.) Etiam hoc falsum. Camulon nihili est vocabulum, & ignotum Græcis pariter ac Latinis. Chamulcum habes apud Animianum, sed pro alio prorsus genere.

Sicut apud Græcos camula dicitur herba.) Camulam herbam nullam scio. Chamælaeam reperio, sed eam huc facit. Alias est χαμηλὸς quibusdam, quod Latinis *humilis*. An hoc respexerit, ignoro.

Cap. IX.

Vehiculi, hoc est, carri.) Imò verò equi, muli, asini, vel hominis, quod ostendi capite de clitellis.

Seſtabere canthum.) Liqvet, *canthum* & *cantherium* habuisse pro eodem, quod haud magnam eruditionem arguit.

Covinus pars currus.) Imò integrum, suiq; generis vehiculum, quod ipse in sequentibus fatetur.

Secunda-

Cap. XVIII.

Equis tribus adjugum.) Imo à duobus subjugis, & uno funali, quod abunde declaratum est.

Hoc volumine.) Quod scripsit de Familiis Romanis, & cujus pars est hoc opusculum. Alias qui nummos volet cernere, consulat Urfinum in familia Claudia, Nævia, & aliis.

Cap. XIX.

Ab Erichthonio.) Hoc non sic simpliciter est verum, quod monstravi alibi.

Iuxta traditionem poetarum relucet inter stellas.) Ne hoc quidem verum est. Nunquam quadrigas retulerunt inter sydera, sed Erichthonium, quem Aurigam nuncuparunt. Consule Germanicum, ejusq; veterem Scholiaften.

Quinquejuga.) Talis mihi hætenus non est observata.

Exjuga.) Scribendum *hexjuga*, vel potius *sexjuga*.

Victoriatus cum imagine victoriæ.) Vide Plinium lib. XXXII.

cap. 3.

Trigarium certamen.) Hoc totum esse commentitium, & ex lectione prava natum, pridem demonstrarunt eruditi, & nos quoque aliqua habemus, ubi egimus de trigis.

Præter alteras, quas tenet manibus.) Putat duplices habenas habuisse, sicut liquet etiam ex sequentibus. At nemo veterum hoc prodidit. Repugnant etiam imagines. Vide quadrigas exemplo Rubenianarum delineatas nobis.

Octajuges & nonajuges.) Vellem ostendisset nobis, ubi curus hilegantur. Nobis enim hætenus sunt incogniti.

Cap. XX.

Vsi sunt in cursu.) Imo vero ad onera vehis plaustrisq; utebantur, non ad cursum. Nam de cursu publico ne ipse quidem loquitur.

Octophorarius.) Ficta barbaraq; vox, & incognita scriptoribus.

Solus usus est Cajus Caligula.) Hoc sine dubio hausit ex Suetonio. Sed is nihil tale, tantum ita habet cap. 43. *Iter confecit in-*

verum adeo segniter & delicate, ut octophoro veheretur. Quia legitur veheretur noster, de curru eum loqui arbitratus est.

Appellata Ptolomais.) Hæc ex sacris navibus seu publicis Atheniensium, nec cum ea confundenda, quam describit statim ex Plutarcho, ut conjicio. Meminit sane ejus Ulpianus ad Demosthenis Midianam, sed ea, quæ de Ptolomæo habet noster, non agnoscit.

Proras quatuor.) Tales ego nullas usquam legi. Et Athenæus Ptolomæi naves facit biproras & bipuppes tantummodo. Itaque hic quidem mihi omnia pro commentitiis habentur.

Habebatq; lecticam gestatam à servis.) Hæc non satis cum præcedentibus conveniunt. Nam si à servis fuit portata, quid ita rotis octo debuit instructa esse?

A clientibus aut mulis.) Quasi genus unum idemq; jam ab hominibus, jam à mulis fuerit portatum; quod est falsissimum.

Suetonius de Marone loquens.) Nihil de Marone hoc apud Suetonium reperio. Sed nec ex verbis, *ei succollentibus*, & quæ sequuntur, quidquam habet Suetonius. Puto invenisse alicubi, & credidisse Suetonij, cum essent alterius, cujuscunq; denique, qui Suetonium laudaverat.

Seneca porro dicit.) Ne hæc quidem Senecæ sunt verba, sed alterius, qui habuit in animo, quæ leguntur apud ipsum in libello de Tranquillitate: *quod refert, quantum habeat, quot lecticarios, &c.*

Ocreana.) Plane suspicor, scriptores ipsos non consuluisse Pyrrhum, verum habuisse nescio à quo confecta quædam excerpta, ipsi quoque non intellecta satis. Suetonius sic habet c. 78. *Acæna lucubratoriam se in lecticulam recipiebat.* Porro longe alia est hæc lecticula, quam de qua hic agitur.

Usus est ea etiam Cæsar, sed ex amore.) Hoc quoq; nusquam legitur.

• *Curtius.)* lib. VII. c. 6. ubi & ipse tantum habet ita: *Castris inde motis lectica ferebatur militari.*

Suetonius in Vespasiano.) Rursum alienis oculis Ligorius est usus. Nam in Vespasiano quidem nullam lecticariorum facit mentionem.

tionem, nec perlatum per lecticarios in villam suam scribit, omnium vero minime de mulis docet ad lecticam.

Vocatq; lecticario.) Mulionem vocat clare, non lecticarium.

Baram.) Hoc barbarum, & à Gothis Germanisq; in Italiam translatum est vocabulum, Latinis pænitus ignotum.

Humeris gestata sicut sella.) Quantum conjicio, putat ferculum Romuli fuisse formatum instar feretri sepulchralis, cum asseribus duobus, sic, ut à quatuor ferri posset hominibus in humeris. Verum totum hoc, quantumcunqve, commentitium est, quod ex iis liquet, quæ de eo ferculo tradidimus.

Cap. XXIII.

Currus Deorum.) Forsitan ex Tertulliano habet, qui currum Jovis in Circo *plaustrum* nominat. Verum ipse per contemptum ita loquitur, quod jam alibi notavi.

In conflictibus bellicis.) Hoc mihi quidem nunquam lectum est.

Parte prima sedet auriga.) Firmat Curtius, quando ait lib. iv. cap. 16. *Auriga Darii, qui, ante ipsum sedens, equos regebat, hasta transfixus est.* Nec tamen perpetuum hoc fuit.

Apertum erat retro.) Non de plaustro, verum curru hoc intelligendum, eoq; militari.

In cujus fastigio sedebatur sub dio.) Hæc verò prorsus non intelligo. De fastigio currus dixi supra ad caput primum.

Varro de Lingua Latina libro IV.) Nusquam Varro petorriti facit mentionem in his quidem libris, qui nunc extant. Deceptus noster rursus ab amanuensi suo videtur, qui ex Gellio excerperat hæc verba, occurrentialib. xv. cap. 38. *Petorritum vox est Gallica. Id scriptum est in libro M. Varronis decimo quarto rerum divinarum. Quia loco Varro, cum de petorrito dixisset, esse id verbum Gallicum, lanceam quoque dixit non Latinum, sed Hispanicum.* Quia Varro lanceam Hispanicam dixit vocem, noster etiam de petorrito hoc tradere putavit.

Plautus in Epodon.) Neq; Plautus scripsit Epodus, neq; vox pi-

lenti apud ipsum legitur. Horatius habet libro II. Epist. An fortassis compiler, cujus noster opera est usus, scripsit Flaccus, quod non bene ad spectum Pyrrhus putavit esse Plautus.

In taberna quadam.) Mox tamen ait subter scalas in sacello bonæ Deæ. Quamquam neutrum verum sit, nam juxta ad sacellum, extractus ex taberna, ubi latebras quæsierat, in via publica, est interfectus. Vide Asconium ad hanc orationem.

Vnde Livius lib. V.) Cap. 25. sed ibi libri omnes habent non *plaustro*, verum *pilento*, ut nil hinc sequatur.

Promiscuè idem significantes.) Nusquam, ubi Scriptores accurati sunt.

Horatius Flaccus secundo epistolarum idem docet.) Imò facit contrarium, istaq; ut diversa ponit. Verba ejus: *Effeda festinant, pilenta, petorrita, naves.* E quibus nil elicias ejusmodi, quod vult noster.

Sicut tradit Servius Honoratus.) Nullam litteram hac de re apud ipsum possum reperire.

Alii carpentum.) Ego nusquam hoc inveni.

Cap. XXIV.

Tantundem est ac carruca.) Si improprie loquaris, non si proprie.

Duabus constat rotis.) Imò quatuor, quod manifestè docui.

Nec Virgilius.) Imò Juvenalis Sat. VII. Unde liquet manifestè, nostrum non consuluisse ipsos auctores, verum aliena usum esse opera, in congerendis ipsorum locis atq; verbis.


Cap. XXVI.

Staticulum quoque species est vehiculi.) Totum hoc falsissimum esse, alibi abunde demonstravimus.

Cap. XXVII.

Leëtica volubili.) Quæ qualisve hæc volubilis leëtica sit, mihi quidem incompertum est. Puto plane natam ex ingenio Scriptoris nostri. Nam ejus apud veteres neque vola extat nec vestigium.

F I N I S.



SPECIAL

84-B

4511

Inv. #

114

THE GETTY CENTER
LIBRARY

